

Գիրքը լուսապատճենվել և համացանցում է տեղադրվել [Գրքամոլ Նախաձեռնության](#) կողմից:

Բոլորիդ կողմից սիրված «[Գրքամոլ](#)»-ը մեկնարկել է մի նախաձեռնություն, որի նպատակն է համացանցում էլեկտրոնային տարբերակով տեղադրել բոլոր այն գրքերը, որոնք սիրված են հայ ընթերցասերների կողմից և ցանկանում են դրանք ընթերցել նաև էլեկտրոնային տարբերակով: Ժամանակի ընթացքում մեր կողմից համացանցում կհայտնվեն բոլոր այն գրքերը, որոնք մինչ այս ձեռք համար եղել են դժվար ձեռքբերելի:

Գրքամոլը, ունենալով իր ուրույն տեղը ընթերցասերների հարթակում, իր առջև նպատակ է դրել հասարակության մեջ բարձրացնել սերը դեպի ընթերցանությունը, առաջացնել հետաքրքրություն դեպի դասական և արդի գրականությունը, և կոտրել բոլոր այն կարծրատիպերը, թե այսօրվա հայ իրականության մեջ ընթերցողներ չկան:



Սիրելի՛ ընթերցողներ, մենք շատ ուրախ կլինենք, եթե կլինեն մարդիկ, ովքեր կցանկանան օգնել մեզ այս հանրօգուտ գործում: *Էլեկտրոնային գրքերի պատրաստման և մեր կայքում դրանք տեղադրելու հարցում մենք չունենք որևէ շահ և չենք չհետապնդում որևէ եկամուտ*, բացի հայ և արտասահմանյան գրականությունը հայ ընթերցասերներին հասանելի դարձնելուց, և մենք բաց ենք բոլոր նվիրյալ ու օգնել ցանկացող մարդկանց համար: Եթե դուք ունեք լուսապատճենահանման սարքեր, և ուզում եք միանալ մեր կողմից ձեռնարկվող գործին, ապա գրեք մեզ [grqamol@gmail.com](mailto:grqamol@gmail.com) հասցեով:

Շնորհակալություն, որ հետևում եք մեզ: Ցանկանում ենք բոլորիդ հաճելի ընթերցանություն:


**Գրքամոլ Նախաձեռնություն**

URL: [www.grqamol.am](http://www.grqamol.am), e-mail: [grqamol@gmail.com](mailto:grqamol@gmail.com)



ԲԱԳՐԱՏ ԱՒԼԱՒԲԱԲՅԱԿ

ԿԱՐՊԱՆԱԿԱՆ



ԵՆԵՎԱՆ

«ՍՈՎԵՏԱԿԱՆ ԳՈՐԴ» 1989

ԳՄԻ 8427

ՈՒ380

Ուլուրարյան Բ. Ա.

Ու 380 Սարդարապատ: Վեպ.— Եր.: Սովետ. գրող, 1988, 560 էջ

Փափստավազերական հարուստ հենքի վրա գրող-պատմաբանը վեպում պատկերում է այն համազգային հերոսական պայքարը, որ 1918 թ. մայիսին մղեց հայ ժողովուրդը իր համար այնքան բախտորոշ Սարդարապատի ճակատամարտում:

Վեպում լայնորեն արտացոլված են Ղարաբաղյան կամ Մահապարտների գնդի մարտական գործողությունները:

Գիրքը հրատարակվում է Սարդարապատի ճակատամարտի 70-ամյակի առթիվ:

4702080200 (118)  
ՈՒ 705 (01) 88 88 «S»

ԳՄԻ 8427

Ար 2

ISBN 5-550-00377-5

© «Խորհրդային գրող»  
հրատարակչություն, 1988

## ԵՐԿՈՒ ԽՈՍՔ

Մարդկային պատմության մեջ լինում են պահեր, նակատագրակա՛ն պահեր, երբ իրար են գալիս պատմական փորձն ու աննախադեպը, ժողովրդական-մարդկային իմաստությունն ու գերմարդկային խիզախումը, և անօրինակ այս կուտակումներով ստեղծված ահուկի լարումից, ինչպես խավարի մեջ պայթած կայծակի շտապից, լուսավորվում են ժամանակն ու տարածությունը: Այսպիսի պահերին են լուծվում սովորական պայմաններում անլուծելի քվացող հարցերը, մեկեն պարզվում-ընդգծվում է անակիզը ու անվախնան հանապարհը՝ անցյալի, այսօրվա ու գալիքի ընդգրկումով:

Ստեղծային ժամեր են կոչվում այսօրինակ նակատագրական պահերը: Մարդկային պատմության աստեղայի՛ն ժամեր:

Հայ ժողովրդի հազարամյա բնատմության աստեղային ժամը Սարգսրապատի նակատամարտն էր, 1918 թ. մայիսյան այն հրեղեն շարաքը, որը կործանման եզրին հասած ազգի համար դարձավ գոյատևումի ու ազգապահպանության խարխախ:

Սարգսրապատի հերոսամարտի մասին արդեն բավական գրականություն է ստեղծվել՝ վավերագրական, պատմագիտական ու գրական-գեղարվեստական: Շնորհակալությունն ստեղծվածի հեղինակներին ու հրատարակիչներին: Եվ, այսուհանդերձ, ես համարձակվում եմ ասել իմ խոսքը հայ ժողովրդի աստեղային ժամի մասին: Խոսք, որ ավելի շատ հոգու պարտք է, սրբազան խոստովանություն, քան հերթական մի գիրք, որը կարող էր գրվել կամ չգրվել:

Ռանն այն է, որ իմ մանկությունն ու պատանեկությունն ան-

ցել են Սարգարապատի զինվորի ընտանիքում: Զինվորի, որի համար ևս այդ նակատամարտը եղել էր աստեղային ժամ, դարձել էր նրա մտքերի, խոսքերի, երազների տիրակալը ու այդպես էլ մնաց մինչև օրերի վերջը: Հենց այդ պատճառով և իմ երջանիկ բախտով, Սարգարապատը դարձել է կազմավորվող էություն կաթն-սնունդը, Սարգարապատի ոգին եղել է իմ ուղեկիցը և ուղեցույցը, մինչև որ ինքս էլ գրիչ եմ վերցրել իմ սեփական Սարգարապատը թղթին ու ընթերցողին հանձնելու համար:

Գրիխ նակատին գրված է «վեպ»: Դա կարող է տարօրինակ թվալ բծախնդիր ընթերցողին, որը գուցե զարմանա բազմաթիվ էջերում սփռված «ո՛չ վիպական» տարրերի՝ պատմագիտական հետախուզումների, դիվանական շեղծված նյութերի, հեղինակային խորհրդածությունների, հերոսների օրագրային գրառումների և հատկապես գրական ոչ մի ժանրի ավանդական սահմանների մեջ շտեղավորվող ազատ շարադրանքի վրա: Սակայն նախ ասեմ, որ այս տարրերը վաղուց արդեն կազմում են ժամանակակից եվրոպական (և ո՛չ միայն եվրոպական) վեպի բաղկացուցիչները: Այա՛ ես գրել եմ գիրք Սարգարապատի մասին, և նյութն ինքն է հուշել արտահայտության եղանակն ու ձևերը: Նյո՛ւթը, որի տիրապետությունը, ինչպես վերև ասացի, ինձ վրա է եղել ոչ միայն շարադրանքի ընթացքում, այլև նախընթացին, որ իմ ամբողջ գիտակցական կյանքն է:

Վեպի հերոսները, հատկապես գլխավորները, իրական-պատմական են և հանդես են գալիս իրենց անուն-ազգանուններով, իրենց կենսագրական տվյալներով, որոնք բոլոր հնարավորին նշգրտված են առկա բազմատեսակ աղբյուրագիտական նյութերով (դիվանական փաստաթղթեր, նակատամարտի մասնակիցների հուշեր, Հայկական կորպուսի ու Երևանում գործմասի շտաբների օրագրերն ու գրագրությունները ևլն): Այդ հերոսներին ես պատկերել եմ գլխավորապես այն դերերում, որ սրանք խաղացել են Սարգարապատի նախապահին ու Սարգարապատում: Հետագա նրանց կյանքը լի էր ցավալի անակնկալներով ու մխիթարական շրջադարձներով, որոնց անդրադառնալն ինձ հետուն կտաներ: Հայտնի է, օրինակ, որ Սարգարապատի ռազմականատի հրամանատար Դանիելյեկ Փիրումյանը հետագա բախտորոշ իրադարձություններում շկարողացավ կողմնորոշվել և բույլ տվեց

սխալներ, որոնք անհարիր են սարդարապատյան մեծագործությանը: Իսկ Բաթումի խորհրդածողովի հայ պատգամավոր, ապա Հայաստանի դաշնակցական հանրապետության առաջին վարչապետ Հովհաննես Քաջազնունին, հետագա իրադարձությունների ցնցումների մեջ հրաժարվեց անցյալի ծանր բեռից, տուն դարձավ ֆալաֆական անհարկի դեգերումներից՝ նպատակ ունենալով իր ուժն ու կարողությունը նվիրելու վերածնված ժողովրդի նոր կյանքի կառուցմանը:

Այս ամենն ուրիշ գրույցի, թերևս նաև ուրիշ գրքի նյութ է, որը, չգիտեմ, ե՛ս կգրեմ թե մեկ ուրի՛շը, բայց կգրվի: Ավելի քան համոզված եմ, որ կգրվի, որովհետև Սարդարապատին հաջորդած փորձությունների միջոցով էր, որ հայ ժողովուրդը հասավ իր նոյեմբերին, իր ազգային կյանքի այն վերածննդին ու վերակերտումի տասնամյակներին, որոնց արդյունքն ու պսակն այսօրվա Հայաստանն է, խորհրդային իրավահավասար հանրապետությունների հզոր ընտանիքի անդամը:

Իրիկնամուտ էր հին Սուրմարիի դաշտում: Գարնան համատարած կանաչութիւնը տեղ-տեղ խախտւում էր աշնանացան գարու արտերի գորշավուն կարկատաններով: Արծաթափոջու բծերով իրենց մատնում էին ճամփեզրերին ու արտերի մեջ կկպած փշատեխները: Եվ այս բոլորի վրա մայր մտնող արևն արևագոյն մի հրանգ էր ավելացրել: Իսկ այնտեղ՝ արևմուտքում ձգված լեռնապարներին բարդ-բարդ նստել էին ամպերը, որոնք սսևս արնաներկ էին: Արնագոյնով էին ցուցլում նաև Արարատի ձյունաւմած գագաթները, որոնցից այն կողմ իրիկնադեմի մուծն էր նստած և վայրկյան առ վայրկյան թանձրանում էր ու սևանում:

Դաշտի բաց հեռաստանները բռնված էին դեպի հյուսիս շարժվող գաղթական կարավաններով: Եվ նրանց ընթացքն այնպես դանդաղ էր, համաչափ ու միապաղաղ, որ հեռվից նայողին կարող էր թվալ, թե դաշտն է, որ այնպես շարժվում է տեղահան:

Արտամիջյան կածանով, գաղթական կարավաններին դուգահէռ, դեպի հյուսիս էր ընթանում հեծյալ բարձրաստիճան մի զորական, որի ճերմակաթուլը նժուլզը, կարծես տիրոջ տրամադրութիւնը հասկանալով, դանդաղեցրել էր ընթացքը, քայլում էր հոգնած, գլուխը տարտամորեն շարժելով: Ետևից երիտասարդ համհարզն էր՝ շիկակարմիր ձիու վրա: Նա ակնապիշ հետևում էր պետին, որի զորավարական հագուստը մեկ անհետանում, մեկ հայտնվում էր արտի անեզրութեան վրա: Երիտասարդն սև-



հանգստանում էր զորավարի համար. երբ ձիերը վարգով էին գնում, մտածում էր, թե ահա շուտով կհասնեն, և նա մի բան կուտի, կհանգստանա երկու օրվա լարված ու անոթի այս շրջագայությունից հետո: Իսկ հիմա դանդաղեցրել էր ընթացքը և, հայացքը գաղթի կարավանների վրա, երևի թե շուտով տեղ հասնելու մասին չէր էլ մտածում:

Ձիու սանձը բաց թողած, հայացքը դաշտի վրա ու դաշտը եզերող լեռնային հեռաստաններին՝ զորավարը տխուր մտածումների մեջ էր: Հայացքի դեմ հեռու-մոտիկ գյուղերն էին փռված կղմինդրե ու ծղոտե տանիքներով, որոնք լուռ, անձուխ ու անկենդան սպասում էին իրենց օրհասին: Այգիներում մարդ չէր երևում: Իսկ արտերը, — ի՞նչ արտեր էին, ի՞նչ բերք էին խոտանում, ի՞նչ լիություն, — այդ արտերը չէին հնձվելու: Նրանք նախ պետք է տնօրյին իրենց տերերի ոտքերի տակ, բնավեր դարձած, գաղթի ճամփան բռնած տերերի՛, ապա վերջնականապես տրորվեին սև հեղեղի պես առաջ շարժվող թուրք բանակների մահաբեր շնչից: Զորավարի հայացքի մշուշը թանձրանում էր լեռնալանջերի ու բլրակների վրա կանգնած վանքերի ու եկեղեցիների տեսքից: Նրանց զանգերն այլևս հնչեցնող շունեին: Ի՛նչ աղոթող, ո՛չ խնկարկող: Զանգակատներում միայն վայրի աղավինների ու տատրակների դունդունոցը պիտի հնչեր՝ իբրև ժանգոտ սղոցի ձայն:

Նահանջի ճամփաներին կամ այն վայրերում, ուր մեկ անգամ արդեն թուրքի ոտքն էր առել, զորավարը տեսել էր աշխարհի ամենաթանձր վշտի հուշարձանները՝ կողոպտված վանքեր, որոնց աղոթարաններն ու գավիթները ծածկված էին եղել արնաթաթախ մարմիններով, իսկ եթե այդ մարմինների տերերը հասցրել էին փախչել, ապա՝ հոշոտված ձեռագիր գրքերով: Գիրքնահատակներ էին դրանք՝ թրատված ու կոխկրտված, սրնոտ սմբակների հետքերով, ցանուցիր էջերով, որոնցից ասես հոսում էր որդանկարմիրի արնագույնը, և զարմացած նայում էին անմեղ հրեշտակներն ու իմաստուն մարգարեները:

Սուրմարիի դաշտում թեթև քամի էր բարձրացել, և զորավարի ամառային վերարկուի փեշերը փոփոում էին: Կարմրագույն էր վերարկուի աստառը: Քամին խաղ էր անում այդ կարմիրի հետ՝ փեշերը վերուվար անելով նժույզի ճիփ-ձերմակության վրա:

Համհարզ Գուրգենը, երեսնամյա մի զորական, որ զինվորական ծառայության իր տասը տարիներին բախտ ու դժբախտություն էր ունեցել լավ և վատ հրամանատարների հետ գործելու, այս մեկին հանդիպելու անաշին իսկ օրը դեմքին ծանր վերք ստացավ: Էրզրումի ճակատում էր, թուրքերը նեղում էին հրետանային ու զնդացրային կրակով: Զորապետն իր միավորմանը կարգադրեց կայծակի արագությամբ նետվել առաջ, գործել թրով ու սվինով: Տեղից շարժվող չկար: Եվ այն ժամանակ զնդապետն ինքը՝ մի ձեռքում թուր, մյուսում ատրճանակ, խոչարացավ թշնամու վրա: Նրա ետևից բարձրացած զորամասի ձեռնամարտից շշմեցին թուրքերը: Փորձում էին պաշտպանվել սվինամարտով, սակայն դրա համար պատրաստ չէին և կոտորվում էին խուճապահար: Զորապետը համհարզի ու մի քանի զինվորի հետ մխրճվել էր փախչողների մեջ և ծանր թրի յուրաքանչյուր հարվածն իջեցնում էր մոնչոցով: Մեկ էլ թփի ետևից բուսավ հսկա մի թուրք, սվինը մեկնեց դեպի զորապետը: Համհարզն այն է հիշում միայն, որ հարվածն իր վրա ընդունելու համար իրեն զցեց զորապետի ու թուրքի արանքը... Դաշտային լազարեթում ուշքի գալով՝ կողքին տեսավ զորապետի մտահոգ, տանջահար դեմքը և ուրախացավ նրա համար: Այո՛, նախ և առաջ նրա՛ համար, որովհետև ճակատամարտում թշնամու սառն ու տաք զենքերն անվրեպ են լինում նմանների հանդեպ:

— Փա՛ղք աստծո, — տխուր ժպտաց զորապետը, — հիմա լավ կլինես: — Եվ տեսնելով, որ համհարզը փորձում է շարժվել, խուսել, ձեռքը դրեց փաթաթաններով ծանրացած գլխին: — Հանդիստ կաց, ծնոտիդ ոսկորն է մի քիչ վնասվել: Կանցնի, լավ կլինես: — Նորից ժպտաց, այս անգամ ոչ այնքան թախծոտ: — Միրուք կպահես, ոչինչ էլ չի երևա:

Վերքն արագ բուժվեց, և ծնոտի ձախակողմին մնաց նեղ ու երկար մի սպի, որի մասին զորապետը հետո կատակով ասաց.

— Սպիներն առհասարակ զարդարում են զորականին: Սակայն լավ է, երբ մարդ ունենում է իր սեփական վերքերի սպիները: Իսկ դա իմն է, դո՛ւ խլեցիր թուրքի ձեռքից, երբ նա ուզում էր պարզեել ինձ:

...Հիմա լուռ էր զորապետը: Ծերմակի բնազդին հանձնելով ճանապարհն ընտրելու իրավունքը, ինքը մտորում էր նահանջող զորքի, գաղթող ժողովրդի, կորստյան մատնվող երկրի ճակա-

տագրի վրա, Ի՞նչ պիտի լինի այս բողոքի վերջը: Թե՛ հենց սա էլ վերջն է. զորքն այլևս ի վիճակի չէ կռվելու, ժողովրդի մի մասը երեք տարի առաջ զոհ է գնացել թուրքի յաթաղանին, գաղթի ու տարագրության տառապանքներին, մյուս մասն էլ հիմա է գաղթում և քաղցից, սովից, ուժացումից պիտի սպառվի օտար հողերի վրա, օտար երկիրնքների ներքո: Իսկ հետո, շատ ժամանակ հետո աշխարհը կմոռանա, որ գոյություն է ունեցել այսպիսի մի ժողովուրդ, կամ կգտնվեն արդարամիտ պատմաբաններ, որոնք բարի կլինեն գրելու, թե ժուկով-ժամանակով եղել է, ապրել է այդ ժողովուրդը: Հայ է եղել նրա անունը: Ապրում էր նա ավանդական իր հայրենիքում, որը փոխած էր Միջագետքից մինչև Կուրի հոսանքը և Սև ծովի ափերից մինչև Մուխանքն ու Փայտակարանը արևելյան սահմանում: Այս ամբողջ տարածքը հինավուրց ժամանակներից ի վեր կոչվում էր Հայկական բարձրավանդակ, որովհետև այդ հայ ժողովուրդն է եղել նրա առաջին բնակիչը, նրա լայներում ստեղծված պետական կազմավորումների տերը, քաղաքակրթության, նյութական ու հոգևոր մշակութային արժեքների հեղինակը... Սակայն եկավ օսմանյան թուրքը, բնավորվեց նրա տանը և ավանդական հարևան Բյուզանդիայի վրա, դարձավ երկու այդ հին ժողովուրդների և նրանց հարևանների, Եվրոպայի ու Ասիայի ազատաբաղձ ազգերի հոգեառը:

Եվ հայն այդպես իր տանը պիտի ապրեր իբրև օտարական, իբրև հեռուներից եկած ավարառուի ստրուկն ու կցորդը, եթե, իհարկե, թուրքը կամենար: Իսկ կկամենա՞ր: Չէ՞ որ դրա համար արդեն նա պիտի չլիներ թուրք: Եվ որովհետև թուրք էր, ստիպեց, որ հայը թուրքանա: Թուրքանա կամ վերանա՝ ազատելով այն հողը, որի վրա աչք է բացել և անցկացրել իր լավ ու վատ օրերը, իր ծաղկման ու բարգավաճման, անկման ու գոյատևումի հազարամյակները: Եվ որովհետև հայը ոչ միայն չէր ուզում թուրքանալ, այլև հաճախ ոտքի էր կանգնում, գլուխ էր բարձրացնում՝ պահանջելով իր հողն ու իրավունքները, թուրքը կտրում էր նրա բարձրացրած գլուխը, կտտորում էր նրա խաղաղ աշխատավորներին, հալածում նրան իր տուն ու տեղից և մնացորդների երեսին շարտում անարգական մի խոսք. «Իուք փոքրամասնություն եք, դուք պարտավոր եք ոչնչանալ»: Եվ երբ տեսավ, որ չեն զիջում, սկսեց իր տանը փոքրամասնություն դար-

ձած տանտիրոջը բնաջնջել: Այսպես էլ Արևմտյան Հայաստան կոչված հսկայական տարածքը հայաթափ եղավ:

Ապա այդ արդարամիտ պատմաբանները կգրեն, թե Արևմտյան Հայաստանի հայության հարցն ահա այսպես լուծելուց հետո թուրքն արշավեց նաև Արևելյան Հայաստանի վրա...

Այս թախծալի մտորումը, անհեռանկար հեռանկարը և էլի նման բաներ պաշարել էին զորապետին:

Բայց մի՞թե չկա ոչ մի փրկութիւն: Մի՞թե իսկապես վերջն է սա, որից դենը Հայոց երկրի, նրա ժողովրդի մասին պիտի խոսեն միայն իբրև պատմական անցյալում ծվարած երևութների...

Երկու տարի առաջ Անիում պեղումներ էին կատարում Պետերբուրգից, Մոսկվայից, Քիֆլիսից ու էջմիածնից եկած մի խումբ գիտնականներ: Հոչակավոր անուններ կային այնտեղ. Նիկողայոս Մառն էր, Թորոս Թորամանյանը, Գարեգին Հովսեփյանը, երիտասարդ Հովսեփ Օրբելին և էլի ուրիշներ, որոնց ինքը քաջ ծանոթ էր, և մարդիկ, որոնց նոր պիտի ծանոթանար, ճանաչեր ու բարեկամանար: Այնտեղ էր նաև իր ավագ որդին՝ Միքայելը, որի հետ Մառը գիտական լուրջ հույսեր էր կապում: Մառը Միքայելին ուղարկել էր Կարսի կողմերում իր գնդով տեղակայված հոր մոտ՝ խնդրելով գնդի զինվորներից մի քանիսին օգնության ուղարկել հող փորելու համար: Եվ ինքը ոչ թե մի քանի զինվոր, այլ մի ամբողջ դասակ ուղարկելուց հետո էլ հաճախ Անի էր գնում՝ տեսնելու պեղումներից բացված հնութիւնները, զբոսայգիները հին բարեկամների հետ, հիանալու ազգի անցյալ փառքի փշրանքներով: Այն ժամանակ, արևմտահայության մեծ մղձավանջից հետո, բախտը կարծես պիտի գոնե կիսադեմով ժպտար հայությանը. թուրքերը, ռուսաց հաղթական բանակների առաջ ճեղքարելով, թողել էին արևմտահայկական նահանգների զգալի մասը: Զինադադար դեռ չէր կնքված, սակայն ռազմաճակատի գիծն անցնում էր Վանա լճի հարավային ափով, Մուշի մոտով, Երզնկայի տակով, և Սև ծովի ափին, Տրապիզոնում տիրաբար խարխալ էին ձգել ռուսական նավերը: Զանգվածային ջարդերից փրկված հայերն ու գաղթական խլյակները կարող էին վերադառնալ հարազատ եղբորները: Նորից խաղաղ ծուխ պիտի ելներ հայրենի օջախներից: Պիտի կենդանանային հինավուրց բնակա-

վայրերը, ծաղկեին, պտղավորվեին վայրենացող այգիներն ու դաշտերը:

Նիկողայոս Մառը, երազկոտ աչքերը հառած հարավի անհուն հեռուներին, պայծառ ծրագրեր էր գծում իր գործընկերների հետ և երազում այն օրը, երբ Անին՝ միջնադարյան Հայաստանի այդ շքեղաշուք ուստանը, պիտի վերականգնված լինի իր նախնական շուքով ու պերճութամբ:

— Դրա համար անհրաժեշտ կլինի մի հասարակ բան,— այդ գեղեցիկ խոսքերը հիացմունքով ունկնդրող Դանիելբեկ Փիրումյանին դառնալով՝ Մառը կես լուրջ-կես կատակ ասաց.— Որ դուք, սիրելի՛ գնդապետ, ազատագրած այս հողերը ձեռքից շտաբ:

«Ձեռքից շտաբ»: Եվ Դանիել Փիրումյանը պիտի ձեռքից տար՝ նրա ծննդավայրում ասում են՝ կույրն ի՞նչ կուզի, երկու աչք, մեկը՝ ձախ, մեկն էլ՝ աջ:

Եվ գնդապետն էլ իր հերթին վրա բերեց.

— Երանի՛, թե այդ խոսքը լսեի ոչ թե որպես սիրելի գիտնականի բաղձանքի արտահայտություն, այլ իբրև կայսերական բանակների Գերագույն հրամանատարության անկասելի հրաման:

Մի տարի հետո Գերագույն հրամանատարության կարգադրությամբ թուրքական ճակատից հեռանում էին ուսական զորքերը: Թուրքերի հնարավոր հարձակումներից անդրկովկասցիները պիտի պաշտպանվեին հիմնականում սեփական ուժերով: Եվ Ռուսաստանի ժամանակավոր կառավարության համաձայնությամբ սկսեցին կազմվել ազգային զորամասեր: Այդ ժամանակ էր, որ Միքայելը, Անիի պեղումները թողած, շտապեց ճակատում գտնվող հոր մոտ:

— Ես զինվորական ծառայությունից տուն էի դարձել պորուչիկի աստիճանով: Բայց եթե այդ աստիճանի համար ձեր զորամասում տեղ չկա, ես կարող եմ կովել իբրև շարքային զինվոր,— հոր հետ այսպես էր խոսել ավագ որդին:

— Այդպես միանգամի՞ց,— զարմացել էր հայրը:

— Որքան էլ մտածենք, հայրիկ, ուրիշ ճանապարհ չկա: Վտանգված է մեր ազգը, և նրա յուրաքանչյուր անդամը պետք է պատրաստ լինի մեռնելու ազգի փրկության համար:

— Իսկ ես կարծում եմ, որ կա ազգին նվիրվելու առավել խելացի ձև:

— Ո՞րն է այդ ձևը, հայրիկ,— վարմացած հարցրել էր որդին:

— Ազգի համար կովելը,— լրջորեն անհանգստացած պատասխանել էր գնդապետ հայրը:— Ծն շեմ սիրում, որ մարդ կովի է գնում մեռնելու համար: Այդ մեր պատմիչներն են, որ հայ զինվորին նկարագրել են մեռնելու համար մեռնելիս, նահատակության լուսապսակը գլխին ճառագած:

— Բայց մի՞թե վատ է, երբ զինվորը պատրաստ է նահատակության:

— Զինվորը պետք է պատրաստ լինի կովելու և հաղթելո՞ւ: Իսկ նահատակությունը, տղաս, կգա նաև առանց մեր ցանկության ու հրավերի... Առհասարակ ես նահատակների մեջ խեղճություն եմ տեսնում: Խեղճություն, որ գալիս է մեր դաժան ճակատագրից, մեր ստացած սխալ դաստիարակությունից, հատկապես մեր հավատի վարդապետությունից:— Տղան փորձեց հակաճառել, ինչ-որ ձևով արդարացնել այդ պահին իրեն պարուրած անձնագոհության սրբազան տրամագրությունը: Հայրը վեճի վրա փակ դրեց.— Համենայն դեպս, լավ կլինի, որ այլևս դու ինձ հետ նահատակության մասին չխոսես: Իսկ իմ զորամասում քեզ համար հենց այսօր էլ տեղ կա:

\*

\*

Մութը դեռ չէր ընկել, որ հանդիպեցին գաղթական խմբերից մեկին: Կարող էին շրջանցել, սակայն զորապետն այս անգամ իր ճերմակի սանձը քաշեց, ուղղություն տվեց, և նժույզը փուրջաացնելով թեթևակի խրխնջաց՝ իբր, «հասկացա՛», և շուռ եկավ դեպի անկանոն շարժվող բազմությունը:

Երկու-երեք հարյուր հոգի էին, ծեր ու երեսա, կին ու տղամարդ: Բևոնաբարձ գրաստներով ու սայլերով, մանր ու խոշոր անասուններն առաջներն արած, նրանք առաջ էին գնում այնպես հոգնած, այնպես դանդաղ, ասես ոչ թե քայլում, այլ սահում էին: Կողքերից զինված պահակներ էին քայլում: Զինվորներ՞ը էին, թե՞ համազյուղացի երիտասարդները, դժվար էր իմանալ: Դրանց արտաքինի մեջ ոչ մի տարբերություն չկար, որով-

հետև նահանջող զորքի կողմից լքված պահեստներից հաճախ հագուստ ու զինամթերք էին թոցնում տեղական բնակիչները, և զորամասերին միացող աշխարհագորայիններն էլ զինվոր էին դառնում իրենց տներից բերած հագուստ-կապուստի մեջ:

Զինյալ այս տղամարդիկ դեռ հեռվից նկատել էին մոտեցող հեծյալներին և առաջինն իրենք ընդառաջ գնացին: Մեկը մոտեցավ, զրուցեց, հանձնարարություն ստացավ, խոսեց իր ընկերների հետ, ապա կանոնավոր շարքով վերադարձան, բռնեցին պահակազորի իրենց տեղերը:

Հետո խմբից անջատվեց պառավ մի կին, կիսամերկ փոքրիկի ձեռքը բռնած մոտեցավ զորապետին: Իրիկնամուտի աղջամուղջի մեջ երևում էին գլխաշորի տակից դուրս թափված ձերմակ մազերը: Բարձր ու շիտակ հասակով կանգնեց նրա ձիու կողքին, համարձակորեն ձեռքը տարավ դեպի ասպանդակը, որի կողքից կախված էր զնդապետի արծաթափայլ թուրը:

— Թրիդ զուրբան էղնիմ,— խոսեց պառավը:— Գլխուդ զուրբան էղնիմ, էս ո՞ւր եք տանում էս խեղճ ու անձար ժողովրդին:

Չորապետն անխոս վար թռավ ձիուց, թուրը կողքին սեղմած՝ մոտեցավ պառավին, որի աջ ձեռքը ձիու ասպանդակին էր դեռ, ձախը՝ կողքի փոքրիկի գլխին:

— Մայրիկ ջան, սուրբ մայրիկ,— Փիրումյանը պառավի ձեռքերը խլելով, սեղմեց շուրթերին: Երևի իր մոր տարիքին կլիներ, 85—90 տարեկան: Ինչպե՞ս էլ նման էր նրան. բարձր ու շիտակ հասակ, ճերմակ-առատ մազեր, որ սլատկառելի դեմքը պարուրել էին լուսապսակի նման: Մի վայրկյան պատկերացրեց իր մորն այսպես գաղթի ճամփան բռնած, և սիրտը ճմլվեց անագորույն ցավից:— Ո՞ւր պիտի գնաք, մայրիկ: Առջևում Արարատյան աշխարհն է, մեր երկրի սիրտը:

— Բա ի՞նչ պիտի անի միթ-մինակ մնացած սիրտը՝ առանց ոտ ու ձեռի, առանց ամուր մարմնի, որ խլեցին, սաղ-սաղ թաղեցին մեր աչքի առաջ: Թաղողի ձեռը շորանա,— անիծեց պառավը:

— Սիրտը պիտի պաշտպանենք-պահենք, մայրիկ,— զգացված խոսեց զորապետը:— Սիրտը որ անվնաս մնա, մարմնի մնացած մասերը կդարմանվեն... Փամանակը կգա,— նա շրջվեց, որ փոքրիկին ցույց տա, տեսավ՝ խաղում է իր վերարկուկի կարմիր աստառի հետ: Շոյեց նրա գանգրահեր գլուխը:— Ա՛յ,

այս փոքրիկները, որոնց աչքի առաջ իրենց հայրերն ու պապերը նահանջում են արյուն տալով, ետ կխլեն կորցրածը, և նորից մեր երկիրը կապրի ոտ ու ձեռով, գլխով ու մարմնով, առողջ ու ամբողջական:

— Է՛, որդիս, հավատալով է, կլինի՞ այդ օրը:

— Պետք է լինի, մայրիկ, պե՛տք է լինի,— երգվելու պես ասաց գնդապետը:

Գաղթախմբի ուղեկից զինվորներին նորից կարգադրութուններ անելուց հետո զորապետ Դանիելբեկ Փիրումյանը բռնեց իր գնալիք ճանապարհը: Մի անգամ էլ ետ նայեց. դեռ քայլում էին գաղթականները, շնայած արդեն մութն ընկնում էր, և ճանապարհը դառնում էր վտանգավոր:

Վերջին անգամ զորապետը ետ նայեց, երբ գաղթականների խումբը կուլ էր գնում տափաստանում թանձրացող խավարին:

Առջևում գարու փարթամ արտեր էին, որոնց միջով ձգվող կածանը միայն ձիու բնազդով կարելի էր շփոթանել: Եվ գնդապետը նորից հանձնվեց իր Ճերմակի կամքին:

Ճամփակիսին Ճերմակը խրխնջաց ու ոտքով դոփեց գետինը: Համհարզն իսկույն խթանեց իր ձիուն, արտամիջով առաջ անցավ և քիչ հետո վերադարձավ հուզված:

— Երկու հոգի էին, մեր հետախույզներից: Մոլորվել են: Ասացի՛ գնան, խառնվեն գաղթականների հետ, առավոտյան լույսը բարի է:

Հետո ձիերը քայլում էին հանգիստ, մեկ-մեկ ճամփեզրի արտից կանաչ փնջեր էին պոկում ու փոշտացնելով ուտում:

Դանիելբեկ Փիրումյանը՝ Երևանյան զորախմբի հրամանատար Մովսես Սիլիկյանի տեղակալը, ձիու վրա դեպի շտաբ էր գնում և ո՛չ քնած էր, ո՛չ արթուն: Երկու օրվա անդադար պտույտը զորամասի տարբեր գնդերում, գնդերի տագնապալից վիճակը, տեղահանված ժողովրդի գաղթն ու զրկանքները նրան հանել էին հոգեկան հավասարակշռութունից: Երեկ գիշեր նույնիսկ հնարավորութուն կար քնելու: Զորորդ գնդի շտաբում պառկել էր խոտից սարքված թախտի վրա: Սակայն աչքերի առաջ էին գաղթի սահմոկեցուցիչ տեսարանները: Զորաջոկատներում կարգ ու կանոն չի մնացել: Զորամասերի նահանջն ու տունդարձը տարափոխիկ ցավի պես բռնել են բոլոր միավորումներին, և զին-



վոր ու սպա հարմար առիթ են փնտրում ճակատը լքելու: Ո՞վ պիտի ստեղծի ռազմական այն կարգապահութիւնը, որ ամեն մի բանակի մեծ կամ փոքր հաջողութեան առաջին պայմանն է: Ո՞վ պիտի կասեցնի թուրքի առաջխաղացումը: Չէ՞ որ անսահման չէ այս Հայաստան երկիրը:

Ամենացավալին, որ քրքրում էր զորապետի սիրտը, սպաների անտարբերութիւնն էր: Կարծես հաշտվել են դատապարտվածութեան հետ և սպասում են, թե որտե՞ղ կկտրվի վերջին թելը: Բոլորը միաբերան խոսում են հաշտութիւնից և ամենայն բժախնդրութեամբ ծանրակշիռ պատճառներ հայթայթում անկանգ նահանջի բոլոր կետերում արդարացի երևալու համար: Երկու ամսվա ընթացքում Բիթլիսից ու Երզնկայից հասել են Կարս: Իսկ սա սովորական պայմաններում կարելի կլիներ կատարել միայն վազքով: Մի՞թե անհնար էր որևէ կետում կանգնեցնել թշնամուն, գոնե խոր թիկունք տեղափոխել ճանապարհի մեծ քաղաքներում ու բերդերում կուտակված վիթխարի զինամթերքն ու սննդի պաշարները: Ի՞նչ պատճառաբանութիւն կարող է ունենալ այսօրինակ անճարակութիւնը:

Իսկ ի՞նքդ, որ ուշացած դատաստան ես մտմտում ռազմաճակատի ցավալի ծախողանքների համար, ի՞նչ ես արել գոնե մեկ հատվածում դրութիւնը փրկելու համար,— ինքնագննումի տառապանքի մեջ մտորում էր զորապետը:— Մի՞թե էրզրումի պաշտպանութեան մի հաջող դրվագ բավական է, որպեսզի գլուխըդ հանգիստ թողնեն հաջորդ խայտառակ պարտութիւնների համար: Հետո՞ ինչ, որ դու ռազմաճակատի հրամանատարը չես, և ծախողանքների համար կան շատ ավելի պատասխանատու, անմեղ մեղավոր մարդիկ՝ հայկական զորքի ընդհանուր հրամանատար գեներալ Թոմաս Նազարբեկովը, նրա առանձնակի վրստահութիւնն ու հովանավորութիւնը վայելող գեներալ Արեշելը, հետու շքանք, քո անմիջական հրամանատար գեներալ Սիլիկյանը և էլի՞ ուրիշներ: Բայց այն ո՞ր ճշմարիտ հայրենասեր ու շրջահայաց զորականն է, որ, պատուհասյալ հայրենիքը փրկելու հիբը թողած, մեղավորներ է փնտրում:

Եվ, առհասարակ, ո՞րն է հիբը, կա՞ փրկութեան ճանապարհ: Տեղի էր ունեցել ամենասարսափելին. հուսահատութիւնը բռնել էր բոլորին, ճակատի բարձր հրամանատարներից մինչև

շարքային զինվորները, գաղթող շինականներից մինչև նրանք, որոնցից դեռ հեռու է ճակատը: Գաղթական խմբերը, սարերից գլորվող ձյունահյուսների պես, իրենց հետ առնում-տանում էին դասալքության մղվող զինվորներին, ճակատից շատ հեռու գրտնվող գյուղերի բնակիչներին: Եվ ամենուր տիրում էր գլուխ պրծացնելու խելահեղ մի եռուզեռ:

Այն, ինչ կարող է անել թույլ, ուժասպառ, սակայն սրտում դեռևս հույսի նշույլ ունեցող մարմինը, հաճախ անհնար է լինում ուժեղի համար, որին պարուբել է անհուսովյունը:

Իսկ ինչպե՞ս է վիճակը մայր գետից այն կողմ: Զորապետը վերջին օրերին կտրված է եղել Երևանից: Իր շտաբի հետ ունեցած կցկառուր ռազմականացով էլ անհնար էր ճշգրիտ պատկերացում կազմել ժողովրդի ու նրա խայտաբղետ ղեկավարության տրամադրությունից: Ի՞նչ են մտածում Թիֆլիսում նստած հայ մեծերը: Կովկասյան միացյալ կառավարության միջոցով նրանք պիտի կարողանա՞ն զորական նոր համալրումներ կատարել: Զէ՞ որ ճակատում լոկ հայ զորքերն են մնացել՝ ուս մի քանի տասնյակ սպաների ու զինվորների հետ, և Անդրկովկասի վրա արշավող թուրքական բանակների դեմ բացված ճակատը փաստորեն միայն հայկական զորախմբերի վրա է ծանրացել:

Հին կազրային զինվորական էր Դանիելբեկ Փիրումյանը: Սերված էր Արցախական աշխարհի Վարանդա գավառի Նախիջև՝ վանիկ գյուղի հուշակավոր Ասրիբեկյան-Փիրումյան տոհմից: Շուշի քաղաքի թեմական դպրոցը հաջողությամբ ավարտելուց հետո ռազմական կրթություն էր ստացել Պետերբուրգում, մասնակցել էր ռուս-ճապոնական պատերազմին և ուրիշ մանր ու մեծ կռիվների՝ միշտ հուսալուով, որ Ռուսաստանն իր հայացքը կդարձնի նաև դեպի հարավ, և ինքը հնարավորություն կունենա ծառայելու հարազատ ժողովրդի ազատագրման համար մղվելիք պատերազմին: Եվ 1914-ից փոխադրված լինելով Կովկասյան ճակատը՝ չորս տարվա շնորհմիջով զորաշարժերի մեջ ապրում էր իր կյանքի մեծագույն պատերազմը, որը հարուստ էր սակավ մխիթարական հաջողություններով և ահռելի ողբերգությամբ: Ողբերգություն էր ոչ միայն այդ պատերազմի տարիներին հայ ժողովրդի կրած անլուր տառապանքը, այլև հուսախաբությունը ցարական Ռուսաստանի և նրա դաշնակիցների քաղաքականության հանդեպ: Ի՞նչ լուսավոր երազներով էր հասել Կովկաս-

յան ճակատ, ազգի փրկութեան ի՛նչ հեռանկարներ կային երազող հոգում: Դեռ պատերազմը չսկսած, ցարական կառավարութեան հաճութեամբ, հայկական կամավորական զնգեր էին կազմավորվել Ռուսաստանյան կայսրութեան բոլոր հայաշատ վայրերում: Այդ զնգերին էին զինվորագրվել տեղացիներ ու զրսեկներ: Նույնիսկ արտասահմանյան երկրների հայ գաղթավայրերից ժամանածներ: Համազգային ցնծութուն էր: Կամավորական զնգերը կոչում էին ռուսական զորամասերի հետ և Ռուսաստանի դաշնակից Անգլիայի ու Ֆրանսիայի բանակներում: Կոչում էին Թուրքիայի դեմ՝ Արևմտյան Հայաստանը փրկելու հույսով: Ցարական կառավարութեան ու նրա բանակի բարձրաստիճան ներկայացուցիչները կամավորական զնգեր կազմակերպելու, թուրքերի դեմ հայ ամբողջ ժողովրդին բորբոքելու համար տվել էին շնչին զումար և առատ խոստումներ, որոնց լույսի տակ երևում էր հայութեան մի պայծառ գալիք: Ի՛նչ փուլթ, որ այդ խոստումները պաշտոնական ձևակերպում չէին ստացել: Մի՞թե ձևակերպումն է կարևոր, երբ Ռուսաստանը պիտի իր բանակները տաներ մինչև Բոսֆոր ու Միջերկրական, Միջագետք ու Պարսկական Ատրպատական, իսկ այս դեպքում աչքի առաջ էր Արևելյան Հայաստանի օրինակը՝ մեկ գարու ֆիզիկական գոյութեան ապահովութեամբ:

Սակայն 1914-ին հետևեց դժնահիշատակ տասնհինգը: Ի՛րենք՝ ռուսական հզոր մարտակարգերը, կանգնած էին Սարիղամիշում ու Ալաշկերտում: Սարիղամիշի ճակատագրական մարտերին և թուրքական 90-հազարանոց բանակին ծնկի բերելուն իրենց հերոսական մասնակցութունը բերած հայերը՝ հրամանատարներ, զինվորներ, կամավորներ ու հասարակ մարդիկ և նրանց մեջ էլ զնդի հրամանատար Դանիելբեկ Փիրումյանը, հոգով ու սպասումներով Արաքսից այն կողմ էին, թուրքական հալածանքներին, բռնի տեղահանութեանն ու ջարդերին ենթակա հայրենակիցների հետ: Ճակատի գծից այն կողմ թափվում էր անպաշտպան հայութեան արյունը: Կողոպտվում ու ավերվում էին բնակավայրերը: Աշխարհի բոլոր թերթերը լիքն էին հայոց Գողգոթայի սարսափների սրտակեղեք նկարագրութեամբ:

Արաքսի ձախափնյակում հանգիստ կանգնած էր ցարական բանակը: Հանգույցի լուծմանն էր սպասում, որպեսզի շարժվի դեպի հարավ և զբաղեցնի հայերից պարպված վիլայեթները:

Այս անգամ տեղահանութիւնն ու գաղթը ծայր առան այն ժամանակ, երբ թուրքերը նվաճեցին Բաղեշ-Բիթլիսը, Մուշն ու Մամախաթունը: Իսկ էրզրումի անկումն արդեն ոչ մի հույս չըթողեց արևմտյան Հայաստանի բնիկ հայութեան համար, որը մնացել էր թուրք ու քուրդ բարբարոսների դեմ հանդիման: Գաղթականները հայրենի բնաշխարհից հեռանալու երկու ճանապարհ ունեին. մեկը Վասպուրականով դեպի Պարսկաստանի խորքերը, ուր, իբր թե, հնարավոր պիտի լիներ ապավինել անգլիական հովանավորութեանը, կամ Ատրպատականով հեռանալու դեպի Արևելյան Հայաստանի համեմատաբար ապահով նահանգներ՝ Արցախ, Սյունիք ու Գանձակի կողմերը: Մյուս ճանապարհը Սարիղամիշի-Կարսի վրայով տանում էր դեպի Արարատյան երկիրը և նրա թիկունքում գտնվող անորոշ հեռուները: Երկրորդ ճանապարհն էր, որ ապահով ճանաչվեց, և նույնիսկ Վասպուրականի, Տարոնի, Բայազետի ու Ալաշկերտի հայութեան մեծագույն մասն ընտրեց այս ճանապարհը: Սակայն բոլորը չէին, որ հասկացան երկրորդ ճանապարհի ապահովութիւնը: Տասնյակ հազարավոր տարագրյալների դեպի իրենց էին քաշում Պարսկաստանի խորքերը, ուր անգլիական բանակն էր գտնվում: Պակաս գայթակղիչ չէր նաև արաբական երկրների կարծեցյալ ապահովութիւնը, մանավանդ որ նախընթաց տարագրութիւններից հատուկենտ բախտավորների հաջողվել էր ապահովութիւն գտնել այդ երկրներում:

Մեծ էր, սակայն, դեպի Արարատյան աշխարհը շարժվող գաղթականութեան բանակը: Մեծ և հաջող կազմակերպված: Իսկ դա իր պատճառն ուներ: Դեռ չէին մոռացվել նախորդ տասնամյակներին թուրքաց բռնութիւններից տարագրութեան ճանապարհը բռնած խմբերի սարսափները: Անցյալ դարի իննսունական թվականներից սկսած թուրքերը կոտորում էին հայերին նրանց ավանդական բնակավայրերում և չէին խնայում նաև այն ժամանակ, երբ մնացորդաց բեկորները բռնում էին գաղթի ճանապարհը: Գաղթականների խլիպակները զոհ էին գնում թուրք և քուրդ ավազակախմբերի վայրագութիւններին: Եվ սա պետութեան ծրագրած քաղաքականութիւնն էր. Աբգուլ Համիդ սուլթանն իր ասկյարներին կարգադրել էր կոտորել մինչև վերջին գաղթականը, որով-

հետև հայն անհնազանդ է տեղում,— ասել էր այդ արնածարավ հրեշքը,— իսկ արյան վրեժ ունի տեղահանումից հետո: Ուրեմն, հային պետք է սպանել՝ ուր էլ որ լինի:

Աբդուլ Համիդի այս քաղաքականութիւնը ժառանգել էին նաև նրան գահընկեց արած երիտասարդ թուրքերը: Սրանք տասնհինգ թվականին հայերին կոտորում էին ամենուրեք, առանց խնայելու նույնիսկ մանուկներին: Երիտասարդ թուրքերի պարագլուխները հրովարտակ արձակեցին իրենց երկրով մեկ, կոշ անելով ոչնչացնել հայերին անխնա՝ մեծից փոքրը, կանանց ու ծերերին, փոքրերին հատկապես՝, որովհետև նրանք ավելի լավ են հիշում իրենց տեսածները և պիտի մեծանան իբրև վրիժառուներ:

Եվ հիմա նորից հայերը բռնել էին գաղթի ճամփաները:

1915-ի մեծ սպանդից փրկվածների, Արևմտյան Հայաստանի բնիկ հայության վերջին մնացորդների գաղթն էր դա, որի ապահովության համար թուրքերի առաջխաղացումը կասեցնում էին բնաշխարհում կազմակերպված հայկական զորամասի գնդերը: Ճանապարհը թուրք, թաթար ու քուրդ ավազակային խմբերից անվտանգ դարձնելու համար գաղթականների հոծ զանգվածներին ուղեկցում էին հայկական զորամասի առանձին շոկատներ: Զինված էին նաև իրենք՝ գաղթականները: Ռուսական լքված զինապահեստներից քիչ բան չէր հասել այն հայերին, որոնք պիտի ընտրեին գաղթի ճանապարհը: Եվ այդ ճանապարհին նրանք քանի՛-քանի՛ անգամ ետ մղեցին զինված բաշխեզուկների հարձակումները:

Գաղթականության թիկունքը պահում էին Վասպուրականի, Տարոնի, Խնուսի գնդերը: Նրանց անձնագոհ ճակատումների շնորհիվ էր, որ գաղթի այդ երկար ճանապարհին Բիթլիսից ու Վանից կամ Երզնկայից, Կարնո գավառից մինչև Արարատյան դաշտ ընկած երկար ու դաժան ճանապարհներին տեղի ունեցած ընդհարումներից համարյա անվնաս դուրս եկան գաղթական բոլոր խմբերը:

Խնուսից, Մուշից և շրջականներից գաղթողները մի անգամ Ալաշկերտում հարձակման ենթարկվեցին տեղական թուրք ու քուրդ հրոսակների կողմից, որոնց օգնում էին նրանց ցեղակից տեղաբնիկները: Սակայն զինվորական խմբերը, զինյալ գաղթականների անձնագոհ աջակցությամբ, փախուստի մատնեցին

հրոսակներին, պատժեցին սրանց բարբարոս օգնականներին և մաքրած ճամփաներով շարժվեցին դեպի հյուսիս:

Հին Բայազետ հասած վասպուրականցիները, Նախիջևանի կողմերում դարանած մուսավաթական զորքերից զգուշանալով, ծովեցին դեպի հյուսիս-արևմուտք, Իգդիրում ու Սուրմարիում խառնվելով արևմտյան նահանգներից եկածներին, Արաքսն անցան և միացան Արարատյան դաշտում ցրված խմբերին:

Ապրիլի վերջերին և մայիսի սկզբին, ո՛չ ճշգրիտ հաշվանքով, Արաքսն անցել էին արդեն 250—300 հազար հայ գաղթականներ, որոնք իրենց փրկված էին համարում թուրքական յաթաղանից, սակայն անորոշ էր ապագան, որովհետև սպառվել էր իրենց հետ վերցրած պարենը, և Արարատյան աշխարհում նրանց սպասում էր ոչ միայն սովը, այլև տարափոխիկ հիվանդությունների աղետը, որին դիմադրելու համար զենքն ու կռվելու կամքը ո՛չ մի նշանակություն չունեին:

Գաղթականների հեղեղը շարժվում էր փրթած, անկանոն ու խայտաբղետ: Տարբեր խմբերը փաթորկված ալիքների պես իրար էին գալիս, միանում, բաժանվում էին ու ցրվում, տարտղնում: Այս ու այնտեղ խառնիճաղանջ ձայներ էին. հարազատների փնտրտուքի կանչեր, ոգեպնդումի ու հուսադրության կոչեր: Հուսահատ ճիչ, լացուկոծ, աղմուկ, անասունների բառաչ, շների կաղկանձ: Մի տարեց կին, գլխաբաց, շաղ տված մազերով, խենթորեն վազում էր առաջ, աջ ու ձախ նայելով, խմբից խումբ ընկնելով: Ոչինչ չէր հարցնում, ոչ մի խոսք չէր ասում: Իրենով էլ հետաքրքրվող չկար: Այդպես սարսափն աչքերում, խելագար վազքով միայն որդեկորույս մայրն է պատեպատ զարկվում, ի՞նչ հարցնեին: Ո՞ր մեկին հարցնեին...

Խմբեր էլ կային, երևի ամբողջ գյուղեր, տոհմիկ մեծ գերդաստաններ, որոնք բոռնցքված էին ասես, միակամ ու միաձույլ: Այդպիսիների գլուխ կանգնած էր լինում անպայման մեկը, գյուղապետ կամ տերտեր, տոհմի ազդեցիկ մեծը կամ ինքնակոչ մի առաջնորդ, որ թխսկանի պես թևերը տարածած հսկում էր իրեն հանձնված խմբի ապահովությունը: Հույս ունեին, թե կա փրկության ափ, և գնում էին դեպի այդ երևակայական ափը:

Կարսա դաշտի Ագարակ գյուղի հասարակությունը, երկու հարյուրից ավելի մարդ,— առաջ էր շարժվում գյուղի քահանայի գլխավորությամբ: Հովվի նման իր հոտն առաջն արած, անտաշ

գավազանը ձեռքին, քահանան գնում էր մտախոհ և մեկ-մեկ աչք էր ածում շուրջը. շինի ետ մնացող լինի: Ճանապարհին կորուստներ էր տվել: Մի ջահել կին ծննդի վրա վախճանվել էր Ալեքսանդրապոլ շհասած: Երկու երեխա բարձր ջերմությամբ հիվանդ էին, հանկարծահաս մահով համբարձեցին հերկինս... Թաղեցին սովորական ծեսով, սուգով ու աղոթքով: Քահանան թևատակին պինդ պահած ծխական գրքում գրանցել էր այդ կորուստները՝ մեկ առ մեկ, հանգամանորեն նշելով նաև գերեզմանների տեղերը, որպեսզի վերադառնալուց տուն բերել տա նաև հանգուցելուց մարմինները: Հիմա ներսոյենց պառավը մահամերձ վիճակում անվերջ աղաչում էր, որ իրեն թողնեն ճանապարհին:

— Թողեք հանգիստ մեռնեմ, ո՞ւր քարշ կուտաք: Ինչի՞ ձեռք շալակին ավելորդ բեռ լինեմ, թողեք, ա՛յ օրհնվածներ:

Սակայն քահանան անդդվելի էր:

— Խելքդ գլխիդ պահիր, ա՛յ պառավ,— լեզուն անխափան բանող պառավին լուցնում էր նա:— Մեր մեղքը քի՛չ է, որ ուզում ես աստժո զայրութիւն բազմապատկել:

Տեր Սարգիսն ազարակցի տեր Մարութի որդին էր, քահանայական տոհմի ժառանգ և փոքրիկ, բայց ամուր գյուղի հոգևոր պետը, որին համագյուղացիներն ընդունում էին իբրև աստվածառաք հոր, որովհետև աչք էին բացել նրա ու հայր Մարութի, պապ Առնոյի, հորապապ Տիրայրի ու մյուս արժանահիշատակ նախնիների աղոթքներով: Նրանցից էին սովորել հայոց գիրը, որ պարտադիր էր ամեն մի խելահաս երեխայի համար, նրանցից էին իմացել հայոց առաքելական հավատի սրբազան պատվիրանները և այդ պատվիրանների հարազատ ու անթերի կիրառությունը:

Երբ Օլթին, Կաղզվանն ու մյուս հարևանները տրաքված ելել էին իրենց ափերից և հոսում էին դեպի հյուսիս ու ճանապարհին էլ պատմում էին թուրքի թրքությունը, որից լսողի լեզին էր սառչում, գյուղապետ Գաբրիելը, գյուղի հետագա անելիքը որոշելու համար, Կարս գնաց, և երկու օր հետո գյուղ հասավ նրա գլուխը միայն: Հետը գնացած երիտասարդն աղիողորմ լալով պատմում էր.

— Թուրքերը կապոտեցին մեզ, հետո էլ, թե՛ «Երկուսիցդ մեկի գլուխը պիտի կտրենք, ինքնե՛րդ որոշեցեք»: Քյոսովա Գաբ-

բիւն իր վիզը գեմ արեց, թե՛ «Նա ջահել է, խնայեցե՛ք»... Հե-  
տո էլ... հետո էլ գլուխը ձեռքս տալով՝ ասացին. «Տար, ցույց  
տուր ձերոնց. բոլորիդ էլ այս օրն է սպասում, բոլորի՛դ»:

Եվ հիմա ամբողջ գյուղը գլուխն առած այդ օրից էր փախ-  
չում:

Տեր Սարգիսն այն գիշեր, իհարկե, հորել էր տվել գյուղի  
ունեցած-չունեցածը: Ինքն էլ հորեց եկեղեցու սպասքն ու հա-  
րըստությունը՝ գիրք ու արծաթեղեն, նույնիսկ հինավուրց այն  
խաչարձանը, որի վրա, ըստ ավանդության, զորավար Վարդան  
Մամիկոնյանի սրբազան արյունը կար շորացած:

Եվ հիմա մի գլուխ էր, որ յուրաքանչյուրը տանում էր իր վրա:  
Տանում էր, որ թուրքի բաժին չդառնա:

Անտաշ փայտերից ու կարպետից սարքած պատգարակի վրա  
տանում էին պառավին, որն իր բախտն էր լալիս ու անիծում  
խլացած աշխարհը:

Նա հենց այդպես անեծքը շուրթերին էլ հանգավ: Երիտա-  
սարդները պատգարակը ցած դրին ճանապարհի եզրին, բարձր  
ու փարթամ մի ծառի տակ, և քահանան մոտեցավ հանդիսավոր,  
հանեց ծոցի արծաթակազմ ավետարանը...

Երիտասարդները, հողագործ մարդիկ, արդեն փորել էին պա-  
ռավի փոսը: Ճերմակ պատանքի մեջ փաթաթած, հին հեթա-  
նոսական սովորությամբ իջեցրին և անլաց ու անարտասուք  
հողեցին, անտաշ քարեր շարեցին վրան, գլխատեղում էլ՝ մի մեծ  
ոռք:

Տեր Սարգիսը ծխական գրքում նկարագրեց գերեզմանատեղը,  
նորից աղոթք արեց, ապա, ավետարանը ծոցը դնելով, փարա-  
ջայի փեշերը հավաքեց, ձախ բազկին գցեց և, հոտին շարժվելու  
նշան անելով, հսկայամարմին առաջ ընկավ:

\* \* \*

\*

Վաղարշապատի դաշտում, ճանապարհի եզրին, թփերի արան-  
քում գաղթական Փանոսը կրակ էր վառել, որտեղի՛ց էլ հին գե-  
րաններ էր հավաքել, ծայրերը դրել կրակի կենտրոնին և խորո-  
ված էր անում: Յոթ երեխաները, մեկը մյուսից մի տարով մեծ,  
երկուական ձեռքերով խորովածի ճիպոտ-շամփուրները կրակի



վրա բռնած՝ շուռ ու մուռ էին տալիս: Շամփուրների հետ աչ ու ձախ էին շրջում նաև երեսները, որովհետև կրակը թեժ էր, վառում էր անխնայ:

Փանոսի մայրն ու կնիկը, արտասուքն աչքներին, հաջորդ շամփուրներն էին միս հագցնում և քթների տակ իրենց բախտը ողբում:

Փանոսը անկարգ ընթացող գաղթականներին մոտ էր հրավիրում, անհոգ թափառականի բացսրտությամբ լավաշի մեջ փաթաթած խորոված հրամցնում: Թեատակին էլ օղիով լի կուպրուն կար, որի բերանից օղի էր լցնում, տալիս մոտեցողին:

— Խմեցե՛ք, կերե՛ք, ա՛յ հայեր, էս օրվա կենացը, սրանից վատ օր էլ է լինում,— իր բաժակը զարկում էր դիմացինի բաժակին, հետո օղին այնպես էր լցնում բերանը, ասես դեն էր շարտում:

— Հեր օրհնած, տուն ու հայրենիք թողած՝ գաղթում ենք, սրանից վատ օր էլ կլինի,— զարմացած հարցրեց Փանոսի կանչի վրա եկած մարդկանցից մեկը:

Առանց երեսը բարձրացնելու նա պատասխանեց.

— Սրանից վատ օրն է՛ն է լինելու, որ խորովածացու շունենանք,— ապա օղու բաժակը մեկնեց ձայնի ուղղությամբ և մի պահ մնաց քարացած:— Վա՛յ, էդ... դո՞ւ ես:

Ճանաչեցին իրար: Նախանցյալ օրը Փանոսենք Կողբ գյուղի ծայրին, ընկուզենու աակ նստել էին հանգստանալու, կովը ճամփեզրի արտը մտավ: Հանկարծ դյուղի վերջին տներից դուրս եկած մեկը, դագանակը ձեռքին, սրընթաց վրա հասավ, կովին այնքան ծեծեց, որ խեղճ անասունը մեկնվեց արտի մեջ ու էլ չէր կարողանում տեղից շարժվել:

Փանոսը խեղճ-խեղճ գնաց դեպի կովը: Անգութ արտատերը, նոր միայն գիտակցելով իր արածի դաժանությունը, փորձեց արդարանալ, կարծում էր աժդահա կովատերը, որին սեզբից չէր տեսել, իրեն կբռնի, կխեղդի ու ժասպառ ընկած կովի կողքին:

— Հե՛ր օրհնածներ, ձեր տուն ու տեղը թողած ջհանդամվում եք, որոշել եք մեզ է՞լ տնաքանդ անել:

— Սիրտդ հովացա՞վ, ապեր,— խեղճ-խեղճ հարցրեց Փանոսը:— Էդ գավազանով տուր ի՛մ գլխին, մեղավորը ես եմ, կովը՝ անլեզու-անխելք հայվան, ի՞նչ իմանար, թե քեզ նմանի արտն է ոտի տակ տալիս:

Արտատերը ետ-ետ գնաց կովին մոտեցող Փանոսի առաջ: Նա այնպես էր մեղմացել, ասես քիչ առաջվա գազազած, անողորմ ծեծողը չէր:

Փանոսը մի ձեռքով բռնեց կովի պոչը, հետույքը բարձրացրեց, ոտքերն ուղղեց: Սակայն առջևի ոտքերը չէին ուղղվում:

— Դե՛, բռնիր, բարձրացնե՛նք, — դղրդաց նա սրտակոտոր: — Հը՞, ի՞նչ ես էշացել:

Արտատերը վախվորած մոտեցավ, կովի կարճ պողերից բռնած օգնեց, բարձրացրին: Խեղճ անասունը ոտքերը շոած կանգնեց, և ծեծված մարմինը սարսռում, դողում էր:

— Բա սա հայ մարդու գո՞րծ էր, որ դու բռնեցիր, — կշտամբեց Փանոսը:

Արտատերն այդ վերաբերմունքից շժմած կանգնել էր ու շատ էլ չէր հասկանում, թե այդ հսկան ինչո՞ւ այդպես խեղճ է:

Իսկ Փանոսը, որ սպասում էր՝ կովն ուշքի գա, նոր միայն քշի, խոսեց ինքն իր հետ.

— Աստված որ ստեղծում է մարդուն, մեջն էլ բարու սերմն է գցում: Հետո դեը գալիս, իր սև գործն է անում. այդ բարու կողքին դնում է շարի սերմը: Եվ մարդը մեծանում է իր համար: Թե որ ուժ է ունենում, իր մեջ խեղդում է շարությունը և ապրում աստծու պարգևած բարությամբ, թե չէ, շարությունը զորանում է, և ինքն է դառնում աստծու ստեղծածին ուղղություն տվողը: Հասկացա՞ր:

Միայն այսքան բան: Արտատերը, դազանակը դեպի արտի խորքը շարտելով, հեռացավ: Փանոսի երեխաները մոտեցան, սկսեցին շայել, գուրգուրել կովին: Ականջների տակերն էին քորում, փորն ու կողերը: Կովը փորձեց քայլել...

Կովը հագիվ էր շարժվում, և համազյուղացիներին կորցրեց Փանոսը: Արաքսն անցան մի կերպ, իսկ Արմավիրի դաշտում անասունը պառկեց, գլուխը դրեց գետնին, ասաց. «Ես էլ տեղից շարժվողը չեմ»:

Փանոսն ստիպված եղավ մորթել կովը: Մայրն ու կնիկն աղիողորմ լաց էին լինում: Երեխաները պոռչ արած սրտաճմլիկ դիտում էին, թե ինչպիսի ջղաձիգ, ուժեղ շարժումներ է անում մոյթվող անասունը, որը դրանից առաջ երեխ արդեն հրածեշտ էք տվել աշխարհին:

Եվ հիմա Փանոսի դիմաց արտատերն է, որը գաղթական հե-

դեղի բերանն ընկած գնում է, կամ, ինչպես ինքն էր ասել՝ ջհան-  
գամվում է:

— Բոնի՛ր,— բաժակը մեկնած՝ առաջարկեց Փանոսը:— Մեծ  
աշխարհ է, ամեն ինչ կպատահի: Սարն է, որ սարին չի հանդի-  
պում...

— Չէ՛, ապեր, ես... խըմ-խմող չեմ,— կակաղեց արտատե-  
րը:— Ասի, տեսե՞մ՝ ինչ է պատահել...

— Է՛, ի՛նչ պիտի պատահի, թուրքը գալիս է, մենք էլ առջևից  
փախած գնում ենք: Փախեփախին շամիչ չեն բաժանում...

— Թուրքի երեսը սև մնա,— կնկավարի անիծեց արտատե-  
րը,— որ մեզ սևերես է անում...

— Ա՛ռ, խմի՛ր,— երեսը նրանից դարձնելով՝ ստիպեց Փա-  
նոսը:— Մաղթիր, որ սրանից վատը չտեսնենք...

— Ա սուրբ երկնային, դու մեր հարային հասնես, սրանից էլ  
նեղ օր չի լինի,— երեսը դեպի երկինք դարձրած՝ խնդրեց ար-  
տատերը և ամոթից հեռացավ, խառնվեց ամբոխին:

\* \* \*

\*

Արաքսի վրայից դեպի հյուսիս էին անցել շուրջ կես միլիոն  
գաղթականներ: Նրանց փրկելու, տեղավորելու և պահելու հոգ-  
սերին լծվեցին 1917-ին ստեղծված Ազգային խորհուրդները,  
Ապահովության խորհուրդները, հասարակական-բարեգործական  
բազմատեսակ կազմակերպություններ, որոնք ամեն տեղ էին,  
բոլոր այն վայրերում, ուր հայեր էին ապրում, ուր գաղթական-  
ներ էին կուտակվում: Կազմակերպությունները շատ, նրանց  
սված օգուտն այնքան քիչ, որ ավազի վրայով անցնող ատվի պես  
ծծվում-կորչում էր՝ առանց նպատակին հասնելու:

Ճանապարհներին հյուծված սովալլուկ խլյակները, որոնք  
այլևս ուժ չունեին շարժվելու, կուտակվել էին վաղարշապատում,  
Մայր տաճարի բակում ու շրջականերում: Ցնցոտիների ու քրը-  
ձերի մեջ կուչ եկած խմբերը սփռվել էին նաև մերձակա ճանա-  
պարհների եզրերին, էջմիածնի դաշտում: Դեռ կանաչ արտերը  
ռնչանում էին ոտքի վրա: Բանջարանոցները մերկացել էին, և  
մարդկային քաղցին կեր էր դառնում դաշտի կանաչ խոտը, որ  
չարիք է սովահարի համար:

էջմիածնի հոգևորականներն ու ճեմարանականները շրջում էին դաշտերում և գաղթական անճարներին խորհուրդ էին տալիս, բացատրում ու զգուշացնում, որ չփորձեն կանաչով սպանել իրենց քաղցր: Փորձողները սևանում, ուռչում ու մեռնում էին, սակայն դա էլ ահագանգ չէր դառնում ուրիշների համար:

Հետո ստիպված եղան տաք կերակրի այն համեստ բաժինները, որ բաշխում էին միայն Մայր տաճարի բակում, տանել նաև դաշտ: Գայթակղիչ այս արարողութիւնը ղեկավարում էին հոգեվորականները, և այդ սակավապետ արարածներն անգամ զարմանում էին, թե մարդիկ ինչպես պիտի ապրեն իրենց տվածով, որ եթե կերակուր է, ապա միայն բույրով:

Կերաբաշխ մի թափորի գլխավորն էր եպիսկոպոս Գարեգին Հովսեփյանը՝ էջմիածնի հոգևոր ճեմարանի տեսուչ-տնօրենն ու անվանի հայագետը, որն իր օգնականների բաժանած սննդի պակասը ջանում էր լրացնել սրտապարար, մխիթարական խոսքով և սրտագին աղոթքներ էր կարդում, հուսադրիչ խոսքեր էր ասում, ժամանակավոր ցավերն ու տառապանքները հաղթահարելու ոգի ներշնչում: Փոքրամարմին, նիհար վանականի խոսքը լսում էին մի ինքնամոռաց երանությամբ: Նրա բարի, միշտ մի փոքր կկոցած աչքերից կարծես հույս ու հավատ էին փոխանցվում ունկնդիրներին, և նրանք իրենց դաժան բախտի դեմ պայքարելիս Գարեգին սրբազանի խոսքին այնպես էին սպասում, ինչպես որ խղճուկ ճաշաբաժնին:

Մի անգամ էլ, երբ սրբազանն ավարտել էր իր հոգեշահ արարողութիւնը, նրան մոտեցավ պառավ մի կին և, ցույց տալով հեռու նստած մեկ ուրիշ աղետյալի, խնդրեց փրկել նրա կյանքը:

— Խեղճ է, — ասաց, — չի ուտում, ջուր էլ չի խմում, կմեռնի ոտքի վրա: Թե զոռով մի բան տալիս եմ, ես եմ տալիս: Ես էլ էսօր կամ, վաղը շեմ լինի. տեսնո՞ւմ ես վիճակս:

Իսկապես, հազիվ էր ոտքի վրա կանգնում: Խոսելիս յուրաքանչյուր բառից հետո աղմուկով շունչ էր առնում, որպեսզի արտաբերի հաջորդ բառը:

Բերեց, ծանոթացրեց նաև հովանավորյալին: Դատելով երեսկահատից՝ սրբազանը որոշեց, որ սա դեռատի հարս է, գուցե ունեցել է մեկ-երկու երեխա: Մնացել են կաշին ու ոսկորը: Սակայն այդքանի մեջ էլ դեռ շատ բան էր պահպանվում գեղջկական այն պարզ գեղեցկութունից, որն ավերվել էր քաղցից ու

հոգեկան ցնցումներից: Հիմա նստած լինի, կանգնած թե քայլելիս, հայացքը հեռուներին հառած մունջ է: Եթե դեմը կանգնած է մեկնումեկը, միևնույն է, այնպես է նայում, ասես դիմացինի միջով տեսնում է միայն իր համար հեռվում գտնվողը: Խենթություն չկար այդ հայացքի մեջ: Խենթերն ուրիշ տեսակ են լինում: Նրանց աչքերի մեջ դիվային կրակ է վառվում: Նրանց արյան ամեն բջիջը խլրտում է, ցնցվում: Իսկ սա շնչող քար է, շարժվող քար, կամ էլ կին, որ քարացել է հոգեկան անտանելի ցավից:

Եվ պառավ կինը սրբազանին պահ տվեց տխուր մի պատմություն, որը՝ ինչքան էլ ընդհանրական այն օրերի արևմտահայ կյանքի համար, իրեն թվում էր բացառիկ, որովհետև ուրիշ գյուղեր ու ավաններ իրենցից ելած-փախածների հետ կապրեն, կվերընձյուղեն, իսկ իրենց Շենիկը...

— Էս խեղճը պիտի ապրի՛, սրբազան, պիտի ապրի՛... Մեր շեն Շենիկից գոնե մեկը պիտի մնա՛ աշխարհում:

Կարսի ու Սարիղամիշի կողմերում Շենիկի պես հարուստ ու գեղեցիկ շեն չկար: Նրա դաշտերով ու այգիներով անցնող օտարականն ա՛խ կքաշեր: Հյուր եկողն էլ չէր ուզի թողնել-գնալ: Գյուղը հա՛ մեծանում էր ու շենանում: Հին-հին ժամանակներից մնացած եկեղեցու կողքին դպրոց էլ ուներ: Եվ դպրոցում դաս էր տալիս Պոլսից եկած վարժապետը...

Սակայն վերջին տասը տարում թուրք ընտանիքներ եկան, բնակություն հաստատեցին Շենիկում: Առաջին այդպիսի ընտանիքի տերը ներկայացել էր որպես իր ցեղակիցներից հալածված, որովհետև, իբր, բարեկամություն է ունեցել հայերի հետ: Պոլսեցի վարժապետն զգուշացրեց, որ չընդունեն: Ասաց. «Մի՛ հավատացեք, գլխներիդ շարիք է դառնալու»: Քիչ մնաց քարկոծեն վարժապետին. ո՞նց չընդունենք հալածականին: Մեր հավատից չէ, հո մեր կերպարանքն ունի: Մեր լեզվով չի խասում, հո նույն հա՛ցն է ուտում և նույն ջրի՛ց է խմում:

Եկավ երկրորդ ընտանիքը, դարձյալ ընդունեցին սիրով: Չընդունեին էլ, չէր լինի, քանի որ սա ներկայացել էր իբրև առաջինի ազգականը, որ, իբր, չի կարողանում ապրել իր մերձավոր ազգականից բաժան:

Երկրորդին հետևեց երրորդը:

Զորրորդ ու հինգերորդ ընտանիքները միասին եկան:

Հետո եկածների հաշիվը կորցրին շենիկցիները: Սակայն դեռ ապրում էին հաշտ ու համերաշխ, փոխուտուրս էին անում: Մինչև որ լուր եկավ, թե թուրքերն էրզրումն առել են և շարժվում են դեպի հյուսիս: Այս լուրից հետո գյուղի թուրքերը ծածկամիտ ու ինքնափակ դարձան: Խույս էին տալիս հայերի հետ հանդիպելուց, անսովոր հյուրեր էին ընդունում:

Եվ մի գիշեր նրանք հարձակվեցին հայերի վրա:

«Հարձակվեցին» այն բառը չէ: Նրանք պարզապես մտան հայերի տները և նախապես մշակված անթերի ծրագրով կոտորեցին բոլորին: Այդ ծրագրի համաձայն թուրքերի ամեն մի ընտանիք գիտեր, թե ո՞ր հայկական ընտանիքն է ոչնչացնելու, որպեսզի հետո էլ տեր դառնա նրա ունեցվածքին: Եվ որովհետև այսպիսի բաժանումը նախապես էր կատարված եղել, թուրքերը հետևել էին, որպեսզի իրենց զոհերից ոչ մեկը չփրկվի արյան գիշերից:

Գյուղի դարբին Համբարձումի տունն էին մտել երկու երիտասարդ թուրքեր, որ եղբայրներ էին, և մեծը գնալ-գալ ուներ դարբնի մոտ: Մի անգամ դարբնոցում տեսել էր նրա մանկամարդ կնոջը, կապվել խենթի պես, այլևս հանգիստ չէր տալիս: Գարանում էր աղբյուրի ճանապարհին, սեր էր բացատրում: «Ես քեզ տեսնելուց հետո էլ քուն ու հանգիստ չունեմ, — դողալով ասել էր թուրքը: — Դու իմ կինը պիտի դառնաս: Ես սպանելու եմ քո մարդուն»:

Հայկանուշն, ամոթխած ու պարկեշտ հարս, ոչինչ չէր ասում տնեցիներին. ամուսնո՞ւն, որ թուրքին դաս կտար իր մուրճից ավելի ազդեցիկ բռունցքով (ասում են՝ մի անգամ բռունցքով տվել էր հարկահանի ուսին, և սրա ձեռքը հողախախտ էր եղել), կպատմեր սկեսրոջը, որ վեր կկենար, կովի կզնար անպատկառ թուրքի տունը... Միայն թե այլևս աղբյուրը չէր գնում, և այդ էլ տնեցիներն սկսեցին բացատրել յուրովի. ծոցվոր էր, երկուհոգիս, թող պահի՞ իրեն: Եվ տան ջուրը հոքուր Մանուշակն էր բերում, միայնակ ու հիվանդոտ մի կին, որ վերջին ժամանակները եկել, իրենց տանն էր ապրում և իր սեփական տունը ծախել էր թուրքին:

Հայկանուշը «սիրահար» թուրքի անունն էլ չգիտեր: Գիշերվա կեսին, քնաթաթախ, իրենց տանը տեսնելով նրա շարագույժ

ուրվականը՝ մտածեց, որ եկել է ամուսնուն սպանելու, և իսկույն վերմակը քաշեց, ծածկեց ամուսնու գլուխը: Թուրքը զինված էր երկու ատրճանակով: Կոացավ, և մինչև հսկա դարբինը տեղից կշարժվեր, ատրճանակի գնդակներով վերմակը կարեց նրա վրա:

Դա գլուղում պայթած առաջին կրակոցն էր, որին հետևեցին ուրիշները՝ վերին թաղում, ներքին թաղում, ամենուրեք, ամեն տան ու դռան: Եվ մի ժամվա մեջ Շենիկը դարձավ իր բնիկ հայերի գերեզմանոցը:

Երկու թուրք եղբայրները Հայկանուշի աչքերի դեմ կոտորեցին նրա սկեսրոջն ու զույգ տղաներին: Հայկանուշին կապոտել էին պարանով և նրա աչքերի առաջ նախ սկեսրոջը մորթեցին, ապա զույգ տղաներին, որոնք ճիշ ու աղաղակով թափվել էին գլխատված տատի վրա և դեռ տեղյակ չէին իրենց հոր վիճակին: Միայն «հոբուրն» էր աննկատ մնացել բակի հացատանը, որ նրա բնակարանն էր նաև:

Թուրք եղբայրները, շատ կարևոր առաջադրանքը հաջողությամբ իրականացրած մարդկանց նման, իրար նայեցին, ժրպտացին, և «սիրահարը» գլխով հասկացրեց մյուսին, որ գնա: Ապա մենակ մնալով՝ Հայկանուշի կապերը բաց թողեց:

— Ես ասել էի, չէ՞, որ իմը պիտի լինես, — շշնջաց նա մի այնպիսի հանգստությամբ, կարծես ոչինչ էլ չէր կատարվել, և ինքը դարձյալ ջրի ճամփի այն սիրավառ երիտասարդն էր, սիրածի համար պատրաստ կատարելու աշխարհի մեծագույն հերոսությունը:

Փորձեց գրկել Հայկանուշին, և սա, որ քաբացած, անուժ նրատած էր մահճակալի եզրին, շանթահար ծկլթաց ու վեր թռավ: Թուրքը ձեռքերի արյունը մաքրեց պատահած շոր ու փալասներով՝ մթան մեջ հայացքը չհեռացնելով իր զոհից, որը, մեկ անգամ կենդանության նշան ցույց տալուց հետո, նորից նույն ապշածն ու քարացածն էր մնում:

Թուրքը կոացավ նրա առաջ, գրկեց ծնկները, փորձեց գուրգուրել... և Հայկանուշը հանկարած յեշու առավ:

— Այստեղ անհարմար է, — ոչ իր ձայնով, խռպոտ ասաց նա և վեր կացավ, հարբածի պես օրորվելով գնաց դեպի դուրս:

Թուրքը հետևեց նրան և մտածեց, որ իսկապես այդ կնոջ համար հիմա դժվար կլինի իր հարազատների կողքին տրվել ուրիշի, թեկուզ և այդ ուրիշն իր ապագա ամուսինը լինի:

Գլուղում այլևս կրակոցի ձայն չկար: Սակայն իրարանցումը շարունակվում էր: Թուրքը մտածեց, որ իր ցեղակիցներն արդեն գործն ավարտել են և հիմա տեղավորվում են հայերի տներում կամ կողոպուտով են զբաղված: Իսկ ինքն այլևս ոչ մի անելիք չունի: Հենց այստեղ էլ կմնա: Եղբորն ասել էր. «Մեր տունը քեզ, ես էլ տեր կգառնամ այս խանումին ու իր տանը»:

Բակի ցախանոցում խոտ կար փռած: Երբ հորթը շատ էր փոքր, այդ խոտի վրա էին պահում: Հիմա երգիկից լուսնի շողերն ընկել էին կողքի պատին: Հայկանուշը գիշերանոցով նրստեց խոտին: Մնկները գրկեց զույգ ձեռքով: Թուրքն անպուսպ հարձակվեց նրա վրա: Նա ետ հրեց.

— Հանվի՛ր... չենք փախչում:

Հանվեց հեալով և դողից շորերն աչ ու ձախ շարտուսելով: Երբ մոտեցավ, ատամները զարկվում էին իրար:

— Այդպես դու չես կարող, թող ե՛ս,— նրան հանգստացրեց Հայկանուշը, դողացող ձեռքերը տարավ դեպի նրա շեքամեջը և երկու ափով սեղմեց՝ ինչքան ուժ ունի:

Թուրքը «վա՛յ, նենե» կանչեց, ուշաթափ ընկավ: Հայկանուշը դողահար վեր կացավ, ձեռքերը քսեց խոտերին: Ցախատան անկյունից վերցրեց կացինը և, առանց վայրկյան կորցնելու, վրա բերեց ուղիղ թուրքի ճակատին...

«Հոքուրը» նրան գտել էր մերկանդամ սատկած թուրքից հենու, ցախատան դռան մոտ երեսնիվայր ընկած մոնչախիս: Զուր ցանեց վրան, ուսերը ցնցելով, այսերը տրորելով մի կերպ ուշքի բերեց, և լուսադեմի աղջամուղջի միջով երկուսով փախան պուղից:

\* \* \*

\*

Երբորդ օրն էր, ինչ մանրակաթիլ, միապուպու պանդխտ կր տեղում գաղթականների հոգնած, հլուծված ու զանդուրնիաց շարքերի վրա: Անանցանելի ցեխ էր ճանապարհներին, որոնցով շարժվում էին միայն ծանրաբեռ սայլերն ու գրաստները: Մարդկային հեղեղը հոսում էր ճամփեզրերի կանաչ հողակտորներով: Հոսում էր ծուլ-ծուլ, արդեն ամեն ինչի հանդեպ անտարբեր: Եվ եթե պղտոր սելավի պես տարերայնորեն շարժվող այդ անձև մարմինը ժամանակ առ ժամանակ ցույց էր տալիս կենդանու-



թյան նշաններ, այդ էլ պատահում էր հույժ անսովոր պահերին. երբ շարքի մեջ ընկնող-մեռնող էր լինում, երբ ջահել մի կնոջ խելքին փշում էր ծնկել ճամփեղրի թփի տակ ու ծննդաբերել, կամ հեղեղին խառնվում էին տեղահանվող բնակչության նոր խմբեր...

Հանգիստ էին առնում այնտեղ, ուր գիշերը վրա էր հասնում: Բախտավոր էին նրանք, ովքեր ցախ ու փայտ էին գտնում, շոր խոտ կամ շուլի կտոր՝ գետնին փռելու համար, որպեսզի հոգնատանջ մարմինները շճլխական ցեխի ու ջրի մեջ: Գիշերը նոսրացնում էր շարժուն խլյակները: Քանի՛-քանի՛սն անշարժ մնացին գիշերային քնից հետո: Բախտավոր էին նրանք, որ մեռնելիս կողքին ունեցել էին հարազատ մի շունչ. հողին էին հանձնվում լուսաբացին: Ի՛նչ փուլթ, թե արտասուք չէր թափվում այդօրինակ մեռելների վրա...

Գիշերներին նոսրացած շարքերը ցերեկն էին համալրվում, երբ հեղեղն իր հետ էր առնում նոր բնակավայրերից տեղահանվածներին:

Եվ այսպես, մեկ անգամ ծայր էր առել հեղեղը, շարժվում էր գետնատարած: Ծայրը հասել էր անորոշ ու անտես հեռուն, իսկ վերջը չէր երևում, չկար, չէր լինելու:

Արաքսի ափին, Մարգարայի կամուրջի վրա խցանվել էր անցումը: Գետը վարարել էր, և կամուրջը միակ տեղն էր, որով կարելի էր փրկվել: Իսկ թուրքի սրածուխյունից փախչողների համար այն օրերին փրկություն էր նշանակում Արաքսն անցնելը: Չնայած Արաքսն անցածներն այդ կարծիքին չէին այլևս, որովհետև այնտեղ էլ թուրքի սրի տեղ անպաշտպան ու անձար գաղթականներին սովն ու ցավերն էին հնձում:

Գաղթի կարավանի մեջ մեկն իր գերդաստանի ամբողջ հարբստությունը բեռնել էր մի ավանակի, բեռան վրա էլ խուրջինն էր գցել՝ հակների մեջ երեխաներ, որոնք անհոգ ծիծաղում էին շրջապատի վրա, ուրախ բացականչություններ անում, կարծես ոչ թե գաղթի դժբախտ ճանապարհի վրա էին, այլ ուխտի էին գնում Մշո սուլթան սուրբ Կարապետ և այնտեղ մի ամբողջ շաբաթ ուրախ տոնախմբությունների էին մասնակցելու:

Արևոտ օր էր, և անձրև էր գալիս: Դաշտերի համատարած կանաչությունից մինչև երկնքի անհուն կապույտը, անձրևափոշին շողշողում էր փշրված ազամանդի կայծկտումներով: Ծամփ-

եղրերի ծառերն ու թփերը ծիրանագուլչնի ու վառլոուն կանաչի խաղեր էին անում: Թևալոր երգիչների բազմաձայն ժխորից գծվել էին մանր ու մեծ առունները, պղտորած փախչում էին գեպի Արաքսի շամբուտները:

Արևի երեսն ստվերող ոչ մի ամպ չկար, և անհասկանալի էր, թե որտեղից էր թափվում այդ անվերջանալի թվացող անձրևը:

Գաղթականների խումբը շարժվում էր անձրևի տակ: Ո՛րը ջվալն էր վեղարածև առել զլխին, ո՛րը՝ կապերտի կտոր կամ խուրջինի հակ, և ոչ ոք չէր տրտնջում երկնքի տարօրինակ խաղից: Նույնիսկ հաճելի էր այդպես: Բայց ո՞վ էր մտածում հաճելիի կամ տհաճի մասին: Մի պառավ կանգնեց, թաց զլխաշորը ետ գցելով՝ նայեց դեպի վեր, իր համար լսելի ասաց.

— Գել է ցնկնել:— Հետո տեսավ դիմացը մի թևով Արագածի փեշերին հենված կանաչ-կարմիրը, որի մյուս թևը գնում անէանում էր Եղվարդի դաշտի վրա, և մտածեց, թե ահա այս դժբախտ ժողովուրդը կգնա-կանցնի այդ յոթներանգ կամարի տակով, ու հետո կմեղմանա աստծու բարկությունը: Երեսը խաչակնքեց ոսկրացած մատներով.— Զորությունդ շա՛տ, քեզ վրա է մեր հույսը:

Անձրևը մեղմացավ, և առավել պայծառացավ արևը, ճանապարհին այս ու այն բլրի վրա գծվեցին ծիածաններ, որոնք ահա կամար-կամար ճառագած Արագածոտն գավառում՝ թվում էին բազմախորան մի նկար, բազմակամար մի կամուրջ, որի հովանու ներքո առաջ էր շարժվում հայոց անպաշտպան, աստծուց մոռացված հոտը:

Անձրևը դարձավ անձրևափոշի, ապա այս փոշին էլ իջավ երկրի վրա, խառնվեց երկրի խաղացկուն գույներին: Օղբ տաքացավ: Ճանապարհին, ասես միանդամից ու հանկարծակի, հայտնվեցին անձրևաորդերի ու խխունջների վտառները, որոնք այնքան դանդաղ էին շարժվում, որ ցեխին կառչել-մնացել էին: Խխունջները, մանր ու համառ իշուկների նման, մեջքներին տանում էին իրենց բեռները: Եվ գաղթականները նրանց ոտքի տակ շտալու համար ծոեցին ճանապարհը:

Հոգնած, անձրևաթակ ու դժբախտ շարքերի համար դժվար էր քայլել անհարթ տեղերով: Սակայն ելան, հեռացան բանուկ ճանապարհից, քայլեցին լքված-անտեր մնացած խոտհարքներով,

մինչև խխունջ-իշուկներն իրենց ետանձրեւյա զբոսանքը կատարեն ու քաշվին աչքից հեռու կացարանները: «Աստծու ստեղծածներն են, թող ապրեն իրենց համար», — մտածում էին նույն աստծու ստեղծած բանական արարածները, որոնք բնավեր ու հալածական գնում էին՝ իրենք էլ շիմանալով թե ուր:

\* \* \*

\*

Իրիկնանում էր: Արագածի թիկունքն էր անցնում արևը և ուր որ է վերջին շողերը պիտի հավաքեր Արարատի սպիտակափառ գագաթներից: Չորերն ու փոսորակները լցվում էին աղջամուղջով: Արարատյան դաշտն այդ ժամին սովորաբար սկսում էր ետօրյա իր խոնջենքը: Բայց այդօր հանգիստ չկար. դաշտը եռում էր գաղթական խլչակների անկանոն երթից, տեղափոխվող անասունների խառնաձայն աղմուկից:

Գարեգին սրբազանը մանր աչքերը կկոցած՝ նայում էր դեպի Արարատը և նրանից հյուսիս ընկած տափարակը, ուր գաղթական խմբերն էին շարժվում: Իրիկնամուծին արդեն դժվար էր նրանց մեջ տարբերակել մարդկանց, անասուններին... Պարզապես նշմարվում էին բաց տարածություններում շարժվող մութ կարկատաններ, որոնց աղմուկն էր միայն մատնում իրենց ինչ լինելը:

Ծանր, անմխիթարելի ապրումներ էին պաշարել սրբազանին, որի աչքերը խոնավ կակծում էին, սիրտը լիքն էր քարացած հառաչանքներով, և միայն միտքն էր, որ թևածում էր այս երկրի հին ու նոր պատմության մռայլ քառուղիներում: Նա կարծես այդ մտքի կայծակնաշառափի ներքո տեսնում էր ուրիշ մի այդպիսի երթ, որ տեղի էր ունեցել շատ հազարամյակներ առաջ: Անիծյալ աշխարհը կործանող ջրհեղեղից հետո այս փառահեղ Արարատներն էին, որ իրենց ուսերին առան Նոյան տապանը՝ մարդկային ցեղի, բուսական ու կենդանական աշխարհների նորոգման աստվածապարզե փրկանավը: Հետո տապանից ելնելով՝ Արարատների փեշերով դաշտ իջան Նոյան տոհմի պայազատները, անասունները, գազաններն ու թռչունները... Նվ հետո էլ ահա այսպես նրանք շարժվեցին, սփռվեցին շորս կողմ, գնացին նորոգելու աշխարհն ու մարդկությունը...

Իսկ հիմա նույն ճամփեքով, նույն Արարատների փեշերը ոտքի տակ տալով աշխատասեր ու բարեպաշտ մի ժողովուրդ, ինա-

վեր ու տեղահան, գնում է մեռնելու անորոշ հեռուներում՝ իր  
և դրա յրակիցների աչքի առաջ, աշխարհի շարի ու բարվո արարիչ  
աստծու թողտվությամբ:

Սրբազանի սիրտը ծանրացել էր քարացած հառաչանքներով,  
իր պաշտած աստծու դեմ սյոթթկալիք հարցերով ու բողոքով: Նա  
ուզում էր ցավից մոնչալ ու իր հեկեկոցով լցնել Արարատյան  
դաշտը, որ քանդված մրջնանոցի էր նման: Ուզում էր ցավակ-  
ցության կանչել Արարատ-Մասիսներին, երբ ցավագնորին տե-  
սավ, որ մշուշոտված աչքերի առաջ տարուբերվում են նրանք,  
շարժվում են իրիկնադեմի մուծ ու մշուշի մեջ: Մեկ էլ հանկարծ  
անձրև սկսվեց, մեծակաթիլ ու տաք-տաք անձրև, որ սրբազանին  
թվաց արտասուք, տեղաշարժ երեբացող, հայրաբար մորմոքա-  
ցող Արարատի արտասուքը՝ հեղված իր տարաբախտ զավակ-  
ների համար:

\* \*

\*

Թիֆլիս հասած հայ գաղթականները փողոցներն ու հրապա-  
րակները լցված՝ իրենց սահմակեցուցիչ երևույթով ամենատարբեր  
ազդեցություններ էին գործում տեղացիների վրա: Հասարակ,  
աշխատավոր մարդիկ շատ էին կարեկից և ձեռքից եկած օգ-  
նությունն էին հասցնում՝ հաց ու ջուր տալով, հաճախ իրենց  
մառաններում ու ցախատներում ապաստանելով այն ծայրաս-  
տիճան անճարներին, որոնք չէին կարող շարունակել ճանապար-  
հը դեպի հյուսիս, իսկ քաղաքի փողոցներն արդեն գերեզման  
էին դարձել քանի՛-քանի՛ հարյուրների համար: Հարուստ կամ  
ունկոր թիֆլիսեցու աչքին հոգեառների բանակ էր երևում գաղ-  
թականության ալիք տվող ծովը, որովհետև Հայոց ազգային  
խորհրդի ու Ապահովության խորհրդի ներկայացուցիչներն ամեն  
օր նրանց էին դիմում՝ օգնություն հասցնելու զանազան առա-  
ջարկներով, հաճախ էլ այդ օգնությունն ապահովում կտրական  
սպառնալիքներով, որոնք, ինչպես հայտնի է, ունեին անհապաղ  
իրականանալիք վճռի ուժ ու զորություն: Անդրկովկասյան սեյմն  
ու նոր կառավարությունն էլ իրենց շուրջն էին հավաքել մու-  
սավաթական գործիչների մի ահռելի քանակություն, որը երբեմն  
չէր թաքցնում իր գոհունակությունը: Ասում են՝ նորաթուխ Սեյմի

հենց առաջին նիստում գաղթականութեան հոգսերը բավարարելու մասին հայ մի ճառախոսի առաջարկութիւնը «զարաֆաթի» է գցել մուսավաթական առաջնորդ Ռասուլզադեն՝ ասելով.

— Թող մնային իրենց տունուտեղերում, դրանց ո՞վ է հրավիրել: Այսօր պատերազմ է, վաղն էլ խաղաղութիւն կլինի: Ի՞նչ է պատահել, որ քաղցած ու տկլոր թափվել են մեզ վրա: Դրանք վատ օրինակ են տալիս մեր ազգերին: Վաղը-մյուս օրն էլ կոխվն այստեղ հասնի, տեղացիները վեր կկենան ու գլխապատառ կփախչեն:

Իսկ երբ Գանձակի ու Ղարաբաղի նահանգներից եկած ստույգ լուրերը հաստատեցին, որ այդ կողմերի հայերը չեն ընդունում մուսավաթի գերիշխանութիւնը և համառօրեն պայքարում են քաղաքական անկախութեան համար, այն ժամանակ Ռասուլզադեի համախոհները գաղթական խմբերի աղետոյալ վիճակին նայում էին մի թերատ բավականութեամբ: Ատամները կրօնաբանութեամբ մտածում էին, թե ինչու՞ իրենց հավատակիցները հանդուրժել են, որ դրանք այդպէս ողջ-ողջ լքեն իրենց բնակավայրերը:

Գաղթականների գետն իր տարտամ հոսանքով բռնել էր Կովկասի բոլոր անկյունները և դեռ կանգ չէր առնում: Արարատյան դաշտում, Լոռում ու Գանձակում ապահովութիւն չկար: Թուրքի վտանգը նրանց հետապնդում էր այդ շրջաններում: Եվ տեղացիների դժկամութիւնն էլ մյուս կողմից էր հալածում: Երկփեղկվել էր նույն ժողովուրդը, բաժանվել երկու մասի. մեկը գաղթականութիւնն էր, որ տնավեր ու անհույս գնում էր անորոշ ուղղութեամբ, մյուսը՝ տեղաբնիկները, որ թուրքավարի երկական էին կոչվում, գաղթականութիւնից տեսնում էին լոկ զրկանքներ ու նոր հոգսեր: Եվ այս երկփեղկումն ամենուր էր, գյուղում ու քաղաքում, հասարակական կազմակերպութիւններում, նույնիսկ կուսակցական կյանքում: Արևմտահայ դաշնակցականները, Հայաստանը լքած, Թիֆլիսում իրենց բյուրոն էին ստեղծել և իրենց արևելահայ կուսակիցների մասին խոսում ու գրում էին այնպիսի բաներ, որ միայն հակառակորդներն իրենց թույլ կտային:

Ո՞վ էր միավորելու ժողովուրդին: Ո՞վ էր նրա մի հատվածից ավր բաժանելու մյուսի վրա, որ թեթևանա, որ հնարավոր լինի տանել ու դիմանալ:

Գնում էին գաղթականները՝ թուրքից հալածված, ազգակից-

ներից դժգոհ, և Թիֆլիսն ու Վրաստանի հայաբնակ շրջաններն էլ վերջին կայաններ չէին նրանց համար: Մեծ լեռնաշղթայից այն կողմ հուլյան այլևս նրանց չէր ժպտում հյուսիսափայլի նման: Ինգուշների Ազգային խորհրդի նախագահ Զորագինը, երևի հայասեր կամ պարզապես մարդասեր մի գործիչ, մայիսի երկրորդ կեսին հեռագիրը հեռագրի հետևից հղելով Թիֆլիսի Հայոց ազգային խորհրդի ղեկավարներին՝ հաղորդում էր, որ կարգավորված է գաղթականների երթը Ռազմավիրական ճանապարհով, սակայն խնդրում էր դադարեցնել, որովհետև ավազակախմբերի հարձակումների կասեցումն արդեն դարձել է անհնար: Նույն օրերին Գաղթականական գործի լիազոր Հայկ Բժշկյանը վլադիկավկազից հեռագրով հայտնում էր, որ Թիֆլիսից մեկնած գաղթականներին Թերեքի շրջանում տեղաբաշխելու և տարափոխիկ հիվանդություններից փրկելու գործը կարգավորվում է: Սակայն խնդրում էր նաև՝ օրական 400 հոգուց ավել չուղարկել:

Այսպես էր տարտղնվում մի ժողովուրդ, որը հաղարամյակներ անընդմեջ տերն էր եղել իր երկրի ու իր բախտի, բայց ահա բնավեր ցրվում էր գլուխը կորցրած:

Զորավար Անդրանիկը գնաց, Թիֆլիսի ժողովներից մեկում խնդրեց հասարակ օգնություն՝ գեղեցիկ ու դատարկ խոսքերի փոխարեն: Եվ երբ զահլիճն ապշած ու անտարբեր մնաց օգնության աղաղակի հանդեպ, դառնացած զորավարը առանց խնայելու հայոց նորօրյա փափկասուն տիկնանց քնքուշ լսելիքը, զարմանահրաշ հիշոցներով նախշեց նրանց յոթ պորտը, վերադարձավ ճակատ:

Թիֆլիսի հայոց Ազգային խորհրդի ու ազգային կոչված, սակայն ազգի բնաշխարհից հեռու ծվարած, ականջը դինջ, սիրտն անտազնապ գոյություն քարշ տվող կազմակերպությունների շղաղարող, ջրիկ նիստերում Արամ Մանուկյանը պահանջում էր, որ հայոց ազգային այդ կազմակերպությունները վեր կենան, գնան Հայաստան, ազգի ցավին դարման անեն: Տեսան՝ այդ պահանջ-հորդորներից փրկություն չի լինելու, հենց իրեն՝ Արամ Մանուկյանին, ցույց տվին Երևանի ճամփան, ասացին՝ գնա՛, դու մենակ ու ինքնազուլս տնօրինիր ազգի կյանքը: Եվ, ի նշան, իբր թե, անսահմանափակ հարգանքի ու վստահության, նրան հռչակեցին դիկտատոր, Արարատյան երկրի արտակարգ ու ար-

առասովոր կառավարիչ: Ուղարկեցին՝ մտածելով, որ այդ Արամ Մանուկյանն իր պահանջներով այդպե՛ս միայն իրենց հանգիստ կթողնի, իսկ Երևանում էլ՝ կխրվի օրվա հոգսերի մեջ, և, այդպիսով, հա՛մ գլուխը կվերանա, հա՛մ գլխացավը:

Եվ Արամ Մանուկյանը՝ Արամ փաշան, վանի պաշտպանության օրերից հայտնի գործիչը, Երևան հասնելով, այնտեղ գտավ համատարած մի խեղճություն, այդ խեղճության վրա բազմիշխանություն անող խմբերի ու խմբապետների տիրապետություն և ռազմաճակատից եկող ցավալի լուրեր:

\* \*  
\*

Համաշխարհային առաջին պատերազմը ծագել էր ոչ թե պատահաբար, անդեկ ուժերի բախումից, այլ խստորեն ծրագրված էր մեծ տերությունների կառավարողների կողմից, որոնցից յուրաքանչյուրն այդ արյան հեղեղի մեջ նախապես տեսնում էր իր անելիքը և ստանալիքի հեռանկարը:

Հայությունը, հատկապես նրա արևմտյան հատվածը, ծավալվող պատերազմի մեջ իր համար մխիթարական ոչինչ չէր կարող գտնել: Կար մոտիկ անցյալի դառը փորձը, երբ ռուսական բանակների, նրանց շարքերում անձնագոհությամբ կովող հայ զորահրամանատարների ու զորքերի հաղթական ճակատամարտերով փրկված Արևմտահայաստանը եվրոպական տերությունների խարդավանքներով վերստին դրեց թուրքական լծի տակ: 1878-ի սկզբին հաղթանակած Ռուսաստանը, Պոլսի կողքի Սան-Ստեֆանո ավանում թելադրեց իր հաշտության պայմանագիրը, որի 16-րդ հոդվածով մեծ բարենորոգումներ պիտի կատարվեին արևմտահայկական նահանգներում: Սակայն մի քանի ամիս անց եվրոպական տերությունները Սան-Ստեֆանոյի դաշնագիրը վերաքննության դրին Բեռլինի վեհաժողով կոչված խարդավարանում, և ցնծությամբ Եվրոպա գնացած հայ պատվիրակները տուն գարձան ոչ միայն ձեռնունայն, այլև ապագայի վրա ունեցած ամեն տեսակ հույսից զուրկ: Անգլիայի ու մյուս նվաճող երկրների սադրանքներով հայկական 16-րդ հոդվածը շուռ եկավ, Բեռլինի պայմանագրում դարձավ 61, որով արևմտահայությունը

խլվում էր ռուսական ազդեցութիւնից և հանձնվում թուրքական կամայականութեանը:

Եղան, իհարկե, լավատես քաղաքագետներ, որոնք միջազգային այս անազնիվ խաղի մեջ անգամ փորձեցին տեսնել միութարական մի բան. իբր, լավ է՝ գոնե հայկական հարցն այդպիսով մտավ միջազգային դիվանագիտական մթնոլորտը, և մեծ տերութիւններն սկսեցին զբաղվել նրանով: Այս կարծիքի կողքին առկա էր նաև ժխտման ոգին, որի հեռատեսութիւնն ապացուցվեց հետագա տասնամյակներում: Ժխտողներն ասում էին՝ թող չլինե՛ր այն օրը, երբ այդ հարցը նետվեց միջազգային ապարեզ: Բարոյական ո՛չ մի սրբութիւն չունեցող դիվանագետներն սկսեցին նրա հետ խաղալ՝ ամեն անգամ հարցի դիրքն ու լուծման սուտ հնարավորութիւնները հարմարեցնելով իրենց շահերին: Իսկ Աբդուլ-Համիդը նրա լուծմանը ձեռնարկեց թուրքավարի. կոտորեց հայերին:

Առաջներ են դարձել Բեռլինի վեհաժողովի հայկական պատվիրակութեան ղեկավար Մկրտիչ Խրիմյանի ասածները: Արժանահիշատակ հոգևորականն ու խեղճ դիվանագետը կարծում էր՝ բավական է, որ գնա, Եվրոպայի առաջ լա, այսինքն՝ խոսի «լեզու մը, որ համաշխարհային է», որպեսզի Եվրոպան հասկանա հայի տառապանքը և տեղնուտեղը լուծի նրա ցավալի խնդիրը: Իսկ երբ նրա տարած պատվիրակութեանը մոտ էլ չթողին այն դռներին, որոնց ետևում հուղվում ու կտցահարվում էր հայոց հարցը, նա իրեն վայել սրամտութեամբ նկատեց, թե Բեռլինի վեհաժողովում հոգեճաշ հարիսա էին բաժանում, այն բաժին հասավ երկաթե շերեփներով ժամանածներին: Ինքը գնացել էր լոկ թղթի կտորով. «այդ թղթի կտոր որչափ որ խոթեցի տաք հարիսայի մեջ, թուղթ թացացավ, լիկեցավ, մեջն ընկավ, ևս ալ պարապ թողի, ետ եկա»: Ծտ գալուց հետո էր հասկացել, որ դիվանագիտական հարիսայի իրենց բաժնին միայն նրա՛նք են տիրանում, ովքեր ուժ ունեն և այդ ուժը գործադրելու խիզախութիւն: Այս առթիվ էլ Խրիմյան Հայրիկն ասել է. «Մոռացա առաջուց մի քանի հատ զեյթունցի տանեի հետս. անոնք շերեփ ունեին, կարելի է ամանին տակեն, քովերեն բան մը փրցունեին»:

1877—1878 թվականների ռուս-թուրքական պատերազմը և նրա հետևանքները դառը դաս դարձան արևմտահայութեան համար: Այդ պատճառով էլ Առաջին համաշխարհային պատերազ-



մի նախօրեին դաշնակցականներն էրզրումում հրավիրեցին համագումար, որը պիտի որոշեր, թե հայերն ի՞նչ դիրք բռնեն պայթելիք պատերազմում: Դաշնակցության համագումարին ներկայացավ նաև երիտթուրքերի կառավարության պատգամատուր և առաջարկեց միանալ գերմանաթուրքական կոալիցիային, կովել ռուսների դեմ, ինչպես նաև ռուսական ինքնակալության դեմ ապստամբության հանել կովկասահայերին: Այս «ժառանգության» դիմաց թուրքն իր կառավարության անունից հայերին խոստանում էր ինքնավարության իրավունք Ռուսահայաստանի սահմաններում:

Համագումարը մերժեց թուրքի առաջարկը և որոշեց շեղոթություն պահպանել. թող կովեն՝ ով ում հետ ուզում է, հայն այլևս ուրիշի համար թափելու արյուն չունի:

Երիտթուրքերը, սակայն, չէին հավատում այդ շեղոթությանը: Ասենք, հավատալու կամ չհավատալու մեջ է՛լ չէր հարցը. նրանց բավական էր հենց այն, որ հայերը մերժել են իրենց առաջարկը: Ուրեմն՝ իրենց հետ չեն, իրենց հե՛տ չեն, ուրեմն՝ իրենց կողքին, իրենց թիկունքում անհուսալի ու անհավատարիմ տա՛րր են, որին պետք է վնասազերծել, իսկ ավելի պարզ՝ ոչնչացնել: Այս հարցում երիտթուրքերը նոր դիրք ու քաղաքականություն մշակելու կարիք չունեին: Նրանք ժառանգել էին արյունոտ խոստովան Համիդի քաղաքականությունը, որն իրենք էլ ժառանգություն պիտի թողնեին իրենց հաջորդին՝ Մուստաֆա Քեմալ Աթաթուրքին:

Պատերազմները խաղաքարտի վրա են դնում ժողովուրդների ճակատագրերը, երկրներ են վերաձևում ու վերաբաժանում: Պատերազմներում մեծ ու հզոր տերությունները քայլում են դեպի իրենց ժավալապաշտական երազանքների իրական պատկերը, և փոքրերն ու անզորները, անմեղ թե մեղավոր, տրորվում են նրանց հաղթական երթերից:

Հայերը կարժում էին, թե այս անգամ վերջապես պետք է խախտվի դարերով հաստատված այս օրենքը, և իրենք պետք է օգտվեն մեծ տերությունների հաղթական երթից: Չօգտվեն էլ, գոնե պիտի փրկվեն թուրքական բռնությունից ու ֆիզիկական ոչնչացման սպառնալիքից: Չէ՞ որ Թուրքիայի դեմ ռազմերթի էին ելել աշխարհի հզորները՝ Ռուսաստանը, Անգլիան, Ֆրան-

սիան՝ իրենց մեծ ու փոքր արբանյակներով: Եվ, մանավանդ, այդ հզօրները պատերազմի սկզբին իսկ հայոց դիվանագիտութեան անփորձ մոնետիկներին կերակրել էին անուշ-անուշ խոստումներով: Անգլիայի ու Ֆրանսիայի կառավարիչները պատմական Հայաստանն իր անհուն-անեզերք տարածութիւններով արդեն պարզեւէլ էին նրանց միակ օրինական ու ավանդական տիրոջը՝ հայ ժողովրդին: Եվ, ո՛վ երջանիկ միսմտութիւն, հայերը հավատում էին այդ խոստմանք, մտածում էին, որ արդէն ստանալիքն ստացել են, մնում է մի հասարակ ու ձևական բան՝ պատերազմով ձևակերպել ստացածը:

Ռուսական ցար Նիկոլայ Երկրորդը 1914 թվականի աշնանը ժամանել էր էջմիածին: Նա այնտեղ ուղիղ 15 րոպե, ամբողջ 15 րոպե՛, մտերիմ-խոստումնալից զրույց ունեցավ Ամենայն հայոց կաթողիկոսի հետ: Այդ զրույցի սկզբում հայոց հովվապետն իր հոտի անունից հավատարմութեան ու երախտագիտութեան խոսք ասաց մեծ տերութեան ինքնակալին և խնդրեց սկսված աշխարհամարտում քաղցր աչքով նայել ու հովանի լինել հայոց ազգին, որ երկու մասի էր բաժանված, ու մի մասը մեռնում էր մուկուռն թուրքերի ճիրաններում: Այս պաղատագին խոսքին հետևեց սլաւոասխան-խոստումը.

«Թագավոր.— Ձերդ սրբազնութիւն, կարող եմ Ձեզ հավատացնել, որ այն, ինչ Դուք եք ցանկանում, պիտի իրականանա, բայց պատերազմից հետո՛: Ես լիովին հավատում եմ հայերի նվիրվածութեանը և պիտի ասեմ, որ հայ ժողովրդին սպասում է լա՛վ ապագա: Դուք ի՞նչ վայրերում կցանկանայիք սնցկացնել նոր վարչութիւնը.

Կարողիկոս.— Վեց վիլայեթներում (գալիս է թվարկումը) և Կիլիկիայում՝ մինչև Ալեքսանդրետ: Երկաթգիծը Կարսից կարելի է շարունակել և հասցնել մինչև Միջերկրական ծովը:

Թագավոր.— Ինչքա՞ն հայ կա այդ շրջաններում: Շա՞տ են:

Կարողիկոս.— Նոր սահմաններում բավականին հայ բնակչութիւն պիտի լինի, բայց երբ աստծու օգնութեամբ և Ձերդ մեծափայլութեան կամքով ստեղծվի նոր, ազատ կառավարչութիւնը, Աբղու-Համիդի տիրապետութեան ազդեցութեամբ և կոտորածների պատճառով հայրենիքը թողած շատ հայեր Ամերիկայից, Եգիպտոսից և ուրիշ տեղերից կվերադառնան իրենց հայրենիքը:

Թագավոր.— Ճիշտ է, ճիշտ է:

Կաթողիկոս.— Ձերդ մեծափայլություն, ես փոխարքային եմ հանձնել հավատարմագույն գրությունս սույն հարցի առթիվ, և փոխարքան խոստացել է ղեկուցել:

Թագավոր.— Այո՛, ես հիմա կգնամ ու կկարդամ»:

Նիկոլայ Թագավորը գնաց, իհարկե: Բայց կարդա՞ց հայոց կաթողիկոսի հավատարմագույն գրությունը թե ոչ՝ ասածո՞ւն է հայտնի: Հայոց ղեկավարները մտածում էին, թե կարդաց: Ոչ միայն կարդաց, այլև իր դրածոներին էլ կարգադրեց երբեք չմոռանալ հայերի խնդրանքը, որովհետև դրածոները 1914-ին և 15-ի սկզբին անընդհատ կրկնում էին իրենց խոստումները և հայելին հրահրում պատերազմի մեջ ոչինչ չխնայել, այն պատերազմի, ուր ծունկի պիտի բերեր թուրքերին և պիտի ամոքեր հայոց դարավոր ցավը: Ցարական պաշտոնյաները հաստատ գիտեին, որ հայերն ունեն վճռական դեր իրենց կայսրության նոր ձեռնարկի մեջ՝ նվաճելու արևմտահայկական նահանգները, հեշտացնելու իրենց ելքը դեպի շատչող Միջերկրականն ու Պարսից ծոցը:

Կար նաև մի ուրիշ, ո՛չ պակաս կարևոր հանգամանք. Թուրքիայի պանիսլամիստական, հատկապես պանթուրքիստական ներկրտումները քաջ հայտնի էին ցարական պետությանը: Ոչ ոքի համար զաղտնիք չէր, որ հնուց ի վեր օսմանյան բռնապետները նպատակ են ունեցել միասնական մեկ պետության մեջ առնելու Բալկաններից մինչև Հյուսիսային Կովկասն ու Միջին Ասիան ընկած հսկայական տարածքը և ձեռք ձգելու Ռուսաստանի հարավում բուն դրած ուշ-միջնադարյան խանությունների մարզերը: Պանթուրքիստական այս զառանցանքի դեմ կանգնած էր, առաջին հերթին, Հայաստանը, որը սեպի պես խրված էր թուրքերի ու նրանց արևելյան ցեղակիցների արանքը: Եթե թուրքերն իրենց ցեղակիցների հետ միավորվելու համար պետք է վերացնեին այդ սեպը, ապա ռուսները, ճիշտ հակառակը, իրենց նպատակներն իրականացնելու համար կարիք ունեին ամրացնելու նույն այդ սեպը:

Ցարական արքունիքում կազմված մի փաստաթղթի մեջ հայոց հարցի այս երկվությունն իր հակիրճ, բայց շատ պերճախոս բացատրությունն է ստացել: Այստեղ հիշվում է ցարական այդ

քաղձանքի վաղեմությունը: Ասում է. «Դեռևս Պետրոս Մեծի ժամանակներից սկսած Ռուսաստանի հիմնական խնդիրն է եղել ձգտումը դեպի հարավային, շատչող ծովի հեռաստանները»: Եվ սրբվհետև այդ ձգտումը հիմնականում բխվել է Թուրքիայի տիրակալության շահերի հետ, Թուրքերի թշնամին պետք է լիներ նրա բարեկամը: «Ռուսաստանը, հենց Թուրքիայի, թուլացնելու նպատակով, իր պետական խնդրն է համարել հայերի պաշտպանությունը Թուրքիայում, և դրա Զորհիվ էլ, բարձրագույնի կամքով ռուսական դիվանագիտությունը, 1912-ից սկսած, ամենանեոանդուն քայլերն է ձեռնարկում Արևմտյան Հայաստանում ռեֆորմներ մտցնելու օգտին: Ընդ որում՝ Ռուսաստանն արժանանում է ամենաբարեկամական մթնոլորտի Թուրքիայի հայերի կողմից և ամենայն աշակցության ռուսահպատակ հայերի կողմից, որոնք, ինչպես հայտնի է, շատ մեծ ազդեցություն ունեն Թուրքիայի իրենց հայրենակիցների վրա»:

Ի՞նչ բարյացակամություն իրենց պատմական հայրենիքի վրա հայերի ունեցած անկապտելի իրավունքների նկատմամբ. «Հայերն իրենց տարածքում ապրում են ավելի քան 3000 տարի...»: Ապա. «Եթե գերմանացիներին ու թուրքերին Հայաստանն անհրաժեշտ է առանց հայերի, եթե նրանց համար անհրաժեշտ է հայկական սեպի ոչնչացումը, եթե նրանք ուզում են ջարդել մեր մահմեդականների և թուրքերի ու քրդերի միջև եղած անջրպետը, ապա Ռուսաստանի խնդիրն է, ի՞նչ գնով էլ լինի, վերականգնել հայկական այդ անջրպետը թուրքերի ու քրդերի և մեր թաթարների միջև:

«Հայկական բնակչության պահպանությունն անհետաձգելի խնդիր է: Դրա համար էլ ամեն կերպ անհրաժեշտ է ձգտել նրան, որպեսզի մեր սահմաններում պաշտպանվեն դժբախտ այդ գաղթականները՝ պատերազմից հետո նրանց վերստին իրենց հայրենիքը վերադարձնելու համար»:

Սակայն կայսերական քաղաքականությունը հայկական հարցում առաջնորդվում էր ո՛չ ինքնակալի բանավոր խոստումով, ո՛չ էլ ինքնակալության ծավալապաշտական ձգտումների հիմքի վրա հորինված այս փաստաթղթի տրամադրությամբ: Այդ քաղաքականության ստեղծողներն ու կիրառողները ցարի սատրապներն էին, որոնց ականջները խուլ էին հայերի օգնության աղաղակների հանդեպ և, եթե, հակառակ թուրքերի ու գերմանա-

ցիների, Հայաստան էին ուզում ո՛չ առանց հայերի, ապա միայն մի՛ պայմանով՝ որպեսզի այնտեղ պահպանված հայերը քաղաքական ու մշակութային ինքնավարութեան պահանջ չներկայացնեն, այլ ծաղկեցնեն իրենց երկիրը՝ ի շահ նվաճողների: Այս առթիվ էլ Արտաքին գործոց նախարար Սազոնովի և մեծ իշխան Նիկոլայ Նիկոլաևիչի միջև տեղի ունեցած գրագրութունն է, որ տալիս է սպառիչ ու աներկմիտ պատկերացում: Սազոնովի համար հայոց հարցը միայն այնտեղ էր, ուր դեռևս ոտք չի դրել իր զինվորը: Հենց որ ոտք դրեց, այդ հարցն ինքնին վերանում էր: Սազոնովի հետ համամիտ էր նաև Նիկոլայ Նիկոլաևիչը, որի թույլ տված՝ հայերի համար միակ մխիթարական միջոցառումն այն պիտի լիներ, որպեսզի Ռուսաստանում տեղավորված գաղթական հայերն իրավունք ունենան վերադառնալու իրենց հայրենի եզերքները՝ Թուրքիայից նվաճված հայկական նահանգները, որպեսզի «ներանք վերստին ամրանան իրենց հայրենի հողերին, նշանակալից կերպով թեթևացնեն գաղթականների պարենի ծախսը և, դրա հետ միասին, կյանքի վերադարձնեն թուրքական Հայաստանի բերրի հողերը, մի բան, որ, անկասկած, լուրջ թեթևացում կբերի բանակի պարենային գործում»:

Ուրեմն, հայերի վերադարձը հայրենիք ո՛չ թե նրանց իսկ վերածաղկման ու զարգացման նպատակով, այլ ցարական բանակի պարենային բեռը թեթևացնելու համար:

Նվաճող պետութեան ախորժակը բացվում է պատերազմի, մանավանդ աջողակ պատերազմի ընթացքում: Այնպես է բացվում, որ մոռանում է նախկին խոստումները, երդում-հավատի խոսքերը: Նույնիսկ խոստումներից ամենահամե՛ստը:

1915-ի սկզբին, երբ ռուսական բանակն ու նրա հետ ուս-ուսի կռվող հայ զորամասերը, Արաքսն անցնելով, իրենց դեմ տեսան թուրքական զորքերի մոտալուտ պարտութեան հեռանկարը, երբ հայտնի դարձավ, որ արևմտահայկական նահանգների նվաճումը պիտի լինի ոչ այնքան անհնար մի խնդիր, հայերը շատ ուրախացան՝ ժամանակից առաջ վայելելով իրենց քաղցր երազանքի իրականացման պատրանքը, իսկ ցարի սատրապները մտածեցին, որ հայերին տված իրենց խոստումները եղել են շուրջ ու ժամանակավրեպ:

Կարելի էր կարծել, թե ամեն ինչ սկսվեց 1915-ի փետրվարից, երբ ցարական բանակի առաջ Արաքսի աջափնյակից

բացվեցին դեպի հարավ իջնող ճանապարհները հինավուրց հայկական բերրի հողերի միջով: Այդ բանակի շարքերում հայերը կռվում էին անձնագոհությամբ, պատերազմի կարճ դադարներին աչք փակելիս երազներում տեսնում էին մեծ Հայաստանն ազատագրված, տարագիր եղբայրներն ու քույրերը վերագարձած և իրենց հայրենի ափերը շենացնելիս... Իսկ պատերազմի հաղթական հեռանկարը պարզ տեսնող ցարական պաշտոնյաներին ոչ թե այս ոռմանտիկ երազներն էին հետաքրքրում, այլ կայսրության գաղութակալական շահերը: Նույն փետրվարին Ռուսաստանի հողագործության մինիստր Կրիվոշեինը Արտաքին գործոց մինիստր Սազոնովին գրել է, թե «Ռուրբական ճակատում մեր ուղղմական գործողությունների հաջող արդյունքները հիմք են տալիս ենթադրելու, որ մոտ ապագայում հնարավոր կլինի ուղղեց կովկասյան սահմանները և կլորացնել մեր տիրույթները Փոքր Ասիայում ու Հայաստանում: էրզրումի, Վանի վիլայեթներն ու Բիթլիսի վիլայեթի մի մասը, որոնք սովորաբար կոչվում են Հայաստան... ինչպես նաև Տրապիզոնի վիլայեթը, միանգամայն պիտանի են լայնորեն վերաբնակեցվելու ուսաներով»: Հողագործության մինիստրի նամակում կարևոր տեղ է հատկացվում Արաքսի աջ ու ձախ ափերին (այստեղ արդեն ավելորդ է համարվում Հայաստանի անուն տալը), այն լայնածիր տարածություններին, որոնք հրաշալի հնարավորություններ ունեն ոռոգվելու Արաքսի մշտահորդ ջրերով:

Իսկ այդ երկրի տերերը: Չէ՞ որ նրանց խոստումներ էին տրվել, ստանձնվել էին պարտավորություններ, որոնց դիմաց նրանցից շատ-շատերը վճարել էին ոչ միայն իրենց արյամբ, այլև կյանքով:

Բնիկ ու օրինական տերերի մասին էլ էին մտածում ցարական մինիստրները: Կրիվոշեինի հուշած միջոցառմամբ խանդավառ Սազոնովը Կովկասի փոխարքա Նիկոլայ Նիկոլաևիչին գրել է, թե ներկա իրադրության մեջ հայերի քաղաքական նշանակությունն իջել, հասել է զրոյի, և նրանց տեղը պետք է գրավեն մահմեդականները: «Ինչ վերաբերում է հայերին Արևմտյան Հայաստանում լայն ինքնավարություն տալուն, — շարունակում է Սազոնովը, — ապա չպետք է մոռանալ, որ այժմ Ռուսաստանի կողմից նվաճված Հայաստանում հայերը երբեք էլ մեծամասնություն չեն կազմել, իսկ պատերազմի ժամանակ տեղի ունեցած

կոտորածներից հետո էլ թվային փոխհարաբերությունն ավելի է փոխվել ի վնաս հայերի: Այդպիսի պայմաններում հայկական ինքնավարությունը իրականում կհասցնի մեծամասնության շահագործմանը փոքրամասնության կողմից... Այսպիսով, հնարավոր կլինի հայերին տալ միայն դպրոցական ու եկեղեցական ինքնուրույնություն որոշակի շրջաններում... Իսկ տեղական հողատիրության հարցերը վճռելիս պետք է պաշտպանել ապագա ուսական գաղութակալության շահերը»:

Սազոնովն անտեղյակ էր ձևանում ուսական բանակի կողմից գրավված արևմտահայկական նահանգների բնակչության վերաբերյալ վիճակագրական այն տեղեկություններից, որոնք հայասնի էին Կովկասի փոխարքայությանը, իր մինիստրությանն ու ցարական դիվանագետներին, և որոնք նրանց կողմից բազմիցս վկայակոչվել են, հենց որ իրենց ձեռնտու է եղել ցույց տալ այդ նահանգների բնակչության իրական թվերը: Բեռլինի վեհաժողովին ներկայացված վիճակագրության համաձայն՝ Արևմտյան Հայաստանի այն նահանգները, որոնց պետք է ինքնավարություն տրվեր, 1878-ին ունեցել են երկու միլիոն վաթսուներեք հազար երեք հարյուր բնակիչ, որից հայ՝ մեկ միլիոն 300 հազար, այսինքն՝ կեսից շատ ավելի, մնացածը՝ թուրք, քուրդ և այլ ազգություններ: 1912 թ. Ռուսաստանի Արտաքին գործոց մինիստրության տվյալներով՝ արևմտահայկական վեց նահանգներում, որոնք հետո պիտի նվաճվեին ուսական գործերի կողմից, հայերը կազմել են բնակչության 39 տոկոսը, թուրքերը՝ 25, քրդերը՝ 16, ղզլբաշները՝ 5 և այլն: Այս էլ՝ արդու-համիդյան կոտորածներից ու հալածանքներից հետո:

Սազոնովն իր մինիստրության հավաքած այս թվերի՞ց էր անտեղյակ, թե՞ Արևմտահայաստանի վրա հայերի ունեցած իրավունքը ջնջելու համար հայերի թվե՞րն էր ջնջել իր թղթերի միջից:

Եվ ցարական մինիստրների նամակների ու հրահանգների ոգով էլ սկսեցին գործել նրանց գաղութարար պաշտոնյաները Հայաստանում:

1915-ի եղերական ապրիլի սկզբին արդեն Բիթլիսի, Մուշի, Վասպուրականի ու մյուս վայրերի հայության վրա մահաբեր ամպեր էին կախվել: Հեռատես մարդիկ, գաղթելով դեպի հյու-

քիս, ընդառաջ էին գնում ուս բանականերին՝ հուսալով փրկու-  
թյուն գտնել նրանց հովանավորութեամբ: Եվ այս ժամանակ  
Կովկասյան բանակի շտաբի պետ գեներալ Ն. Ն. Յուդենիչը՝  
Խորհրդային Ռուսաստանի ապագա երգվյալ թշնամին, այն օրե-  
րի շորրորդ բանակային կորպուսի հրամանատարին հեռագրով  
կարգադրեց. «Ոչ մի կերպ թույլ չտալ և բաց չթողնել, որպեսզի  
ո՛չ տեղական բնակիչները ոտք դնեն Ալաշկերտի, Դիադինի ու  
Բայազետի հովիտները՝ նույնիսկ լքված դաշտերում ցանք կա-  
տարելու համար»: Իսկ դրանից երկու օր առաջ Յուդենիչը Կով-  
կասի փոխարքա Վորոնցով-Դաշկովին գրած գեկույցում խոր-  
հուրդ էր տալիս կանխել արևմտահայկական նահանգներից ար-  
տագաղթած հայերի վերադարձն իրենց ավանդական հողերը և  
առաջարկում էր այդ վայրերում բնակեցնել Կուբանից ու Դոնի  
ավազանից գաղթեցնելիք կազակներին:

\* \*  
\*

Անդրկովկասյան ֆեդերատիվ կոչված կառավարությունը, որ  
ստեղծվել էր, իբր թե, երկրամասի ժողովուրդների ուժերը միա-  
վորելու և համագործակցութեամբ դիմակայելու ժամանակի  
աղետներին, — իր գործունեության առաջին իսկ շրջանից հիշեց-  
նում էր հայտնի առակի սայլը՝ իր տարօրինակ լծակներով. կա-  
րապը, ձուկը և խեցգետինը: Տարբերությունն այն էր միայն, որ  
առակում այդ լծկանները քաշել են տարբեր ուղղություններով,  
իսկ իրական սայլի լծկանները ոչ միայն տարբեր ուղղությու-  
նների վրա էին քաշում, այլև ջանում էին իրար դեմ շարություն՝  
գործել: Այդ շարությունը դրսից էր հրահրվում, թե՞ ներսի  
ուժերն էին անհամատեղելի՝ սկզբում դա մութ հարց էր: Սա-  
կայն շատ կարճ ժամանակ անց դոնե հայ գործիչների համար  
պարզ դարձաւ, որ ա՛յն սայլին չեն լծվել:

Անդրկովկասյան կառավարության գլուխ էր կանգնած Ակակի  
Զիսենկելին, և «միացյալ» զորքերի գլխավոր հրամանատարն էր  
գեներալ Օդիշելիձեն, որոնք գաղտնի ու բացահայտ վնասներ  
էին հասցնում հայոց շահերին: Եթե ասեմ՝ նույն կառավարու-  
թյան կազմում մուսավաթականներին վերապահված էր որևէ  
կարևորություն ունեցող դեր, սխալ կլինի: Սակայն սրանք էլ,



դարձյալ գաղտնի ու բացահայտ՝ նվաճող ու ջարդարար թուրքի հետ էին և ամեն կերպ աջակցում էին նրա հաստատմանն Անդրկովկասում, ուր թուրքը ոտք էր դնում հայոց դիակների վրայով:

1918 թ. ապրիլին, էրզրումի ու Սարիղամիշի անփառունակ հանձնումից հետո, Հայկական կորպուսի զորամասերը հավաքվել էին Կարս՝ հայոց այդ հինավուրց բերդաքաղաքը և, իրազրույթյանն ու ժամանակի-տեղանքի պայմաններին ծանոթ մարդկանց կարծիքով, այստեղ կարող էին վճռական դիմադրություն ցույց տալ դեպի Կովկասի խորքը սողացող թուրքական զորամասերին: Ավելի քան յոթ հազար զինվոր՝ լավ զինված, նաև ապավինած Կարսի ամրակուռ բերդապարիսպներին և ուսական բանակի թողած ռազմամթերքի ու պարենի հարուստ պաշարներին: Հարձակվող թուրքն ունեւր սոսկ երկու անգամ ավելի զինվոր: Սակայն չպետք է մոռանալ, որ նա հարձակվողն էր, անառիկ ու հզոր Կարսի վրա եկողը, որ ենթակա պիտի լինեւր պաշտպանվողների հարվածներին: Ծնթակա նաև մաշող ու սարսափահար անող այն մանր պատերազմներին, որոնք նրան էին պարտադրում հայ կամավորական խմբերը ռազմաճակատի բոլոր կետերում, ինչպես և թիկունքում:

Թուրքաց զորքերի հրամանատար Վեհիբ փաշան, տեսնելով, որ իրազրույթյունն այնքան էլ ձեռնտու չէ իր բանակի համար, Անդրկովկասյան կառավարութայանն առաջարկեց զինադադար և դրա համար իր զորքի վերջին հանգրվան էր խնդրում Կարսի ամրություններից երկու կիլոմետր հեռավորության վրա: Մեծ խելք ու տրամաբանություն պետք չէին հասկանալու համար, որ սա նշանակում էր՝ թույլ տալ, որպեսզի թուրքաց զորքերը, առանց որևէ կրակոցի, առանց մի կաթիլ արյուն տալու, անվնաս ու ապահով գան-կանգնեն Կարսի պարիսպներին դեմ հանդիման: Կարծես խնամախոսութայան առաջարկություն էր դա, որ Չիւենկելին ընդունեց անհապաղ, համապատասխան կարգադրություն արեց ճակատի ընդհանուր հրամանատար Օդիշելիձեին ու Հայկական կորպուսի հրամանատար Նազարբեկովին, և հետո՝ միայն, երբ թուրքերն ամուր դիրքեր էին գրավել Կարսի առաջ, հարմար համարեց իր համաձայնությունն ու արած կարգադրությունը տեղյակ դարձնել հայ լծակիցներին: Սրանք Թիֆլիսում,

միացյալ կառավարութեան ներսում, իրենց դեմ, հայ ազգի իրավունքների դեմ կատարված դավադրութեան առթիվ ձկնային մնջություն պահպանելով հանդերձ, ղգացին վիճակի ծայրահեղ լրջությունը և որոշեցին հավաքվել մի տեղ, խելք խելքի տալ: Եվ այս տեղն էլ Ալեքսանդրապոլը դարձավ, մենշեիկ ու մուսավաթ անբարյացակամ լծակիցների աչքից հեռու, Երևանի ու ռազմաճակատի ղեկավարներին մոտիկ: Այնտեղ, Կարսի հարեւանութեամբ, պիտի որոշեին Կարսը փրկելու, թշնամու առաջխաղացումը կասեցնելու միջոցները:

Ալեքսանդրապոլ ժամանեց բազմամարդ մի թափոր՝ Թիֆլիսի Հայոց ազգային խորհրդի նախագահ Ավետիս Ահարոնյանի գլխավորութեամբ: Եկել էին մեծ ու փոքր բազմաթիվ պաշտոնյաներ, օգնականներ ու խորհրդականներ, լրագրողներ ու հետաքրքիր տեսարանների սիրահարներ: Վերջիններիս հետաքրքրությունը բավարարելու համար այստեղ շատ բան կար: Թեկուզ հենց այն հանգամանքը, որ տեղաբնիկները ոչ մի ուշադրութեան չդարձրին ժամանողների վրա: Թիֆլիսի Հայոց ազգային խորհրդի նախագահն էր եկել իր ոտքով, հայոց մեծ գրողը, ազգային ցավերի երգիչը, նրա դատի ճարտարախոս պաշտպանը: Կայարանից մինչև հյուրանոց հանդիսավոր քայլքով գնաց թափորը: Նրա առջևից շարժվում էր Ահարոնյանը՝ փառահեղ գլուխը վեր, թախծոտ հայացքը շրջապատի վրա մեծահոգաբար տարածած: Մեկ-մեկ շոյում էր թուխ մորուքը: Դա էլ նրան պաշարած մտահոգութունից էր: Ի՞նչ է պատահել այս քաղաքին: Մի՞թե մարդիկ լուր չեն առել: Թե տագնապն է այնպես նեղել, որ խելքները թոցրել են:

Կային, իհարկե, անցուղարձող ականատեսներ, որոնք ուզում էին իմանալ, թե ո՞վ է առջևից շարժվողը, որը ոչ թե քայլում, այլ ինքն իրեն տանում էր:

— Մե՛ծ գրող է, շա՛տ մեծ գրող: Ավետի՛ս կըսեն, Ահարոնյա՛ն:

— Մեր Ավետի՞քը, Ավո՞ն:

— Չէ՛, ջանըմ, ուրիշ է, Ավետի՛ս:

Երկու ժամ հետո Ալեքսանդրապոլի Արտակարգ հանձնաժողովի շենքի ընդարձակ դահլիճում ասեղ գցելու տեղ չկար: Անդրրկովկասյան սեյմի ու կառավարութեան հայ անդամների, Թիֆլիսի Հայոց ազգային խորհրդի անդամների, հայկական բոլոր կուսակ-

ցումթյունների ներկայացուցիչների հետ միացել էին ռազմաճակատի ղեկավարները՝ զանազան զորատեսակների ու կոշումների հրամանատարներ: Նրանց հետ էին նաև տեղական ինքնավարութեան լիազորները, որոնցից ոմանք հույս ունեին գոնե այս մեծ ու ներկայացուցչական ժողովում արժանանալու իրենց նորընծա քաղաքագլուխ Ալեքսանդր Խատիսովի տեսքին: Նրանք գիտեին, որ պատմական մեծ շրջադարձի այս օրերին Օսմանյան կայսրութեան դիվանագիտական պարագլուխների հետ ծունկ-ծնկան «խորաթա կենե» իրենց քաղաքի ջոջը, և հենց նրա «խորաթաներից» է կախված ազգի ճակատագիրը:

Թե այնտեղ, Բաթում քաղաքում, ինչպե՞ս կլուծվի ազգի ճակատագիրը, դա արդեն քիչ էր հետաքրքրում նրանց, որովհետև աչքի առաջ, ժամ առ ժամ քանդվում-քայքայվում էր իրենց Ալեքսանդրապոլը՝ աշխարհում մի հատիկ ու անփոխարինելի Գյումրին:

Քաղաքում արդեն բոլորը գիտեին, որ թուրքերը Սարիղամիշին տիրանալուց հետո եկել, պաշարել են Կարսը: Վաղն էլ Կարսին կտիրեն, և առջևում կմնա Ալեքսանդրապոլը: Այգ էր հուշում գործողությունների տրամաբանությունը: Ռազմաճակատի վերջին երկու ամսվա ընթացքը ցույց էր տվել, որ թուրքերն անկանգ առաջ են շարժվում, իսկ Կովկասյան բանակ կոչվածի մնացորդները, դարձյալ անկանգ, նահանջում են՝ թշնամուն գիջելով հայոց քաղաքներն ու գյուղերը, նահանգներն ու գավառները: Ուրեմն, էլ ի՞նչ երաշխիք, թե վաղն էլ Ալեքսանդրապոլը չեն գիջելու:

Աղետի այս որոշակի ու հավաստի կանխատեսությունը մոռյլ տափնապոլ էր լցրել երբեմնի աշխույժ քաղաքը, և քաղաքացիներին այնպես էր թվում, թե վրա է հասել հին մարգարենների գուշակած «կորուստն ու կոտորածն ամենայն երկրի»:

\* \* \*

\*

Ապրիլի 19-ի առավոտյան սկսվեց ներկայացուցչական արտակարգ ժողովը: Դահլիճում իրարանցում էր ու ժխոր, մինչև Ահարոնյանը տեղից վեր կացավ ու, թախծոտ հայացքը դիմացի պատին հռոած, սկսեց իր հայրենաշունչ խոսքը, մեկն այն ճա-

ուերից, որոնց ունկնդիրներին մնում էր մտածել, թե ոչինչ են թշնամիները, և նրանց շարդելը խաղ ու պար է, քանի որ հայ ազգն ունի այսպիսի առաջնորդ:

Սակայն երբ խանդավառ դահլիճի ծափահարութիւններին ներքո բարձր ու լայն ճակատի քրտինքը սրբելով նա հանգչեց բազկաթոռին, և կողքին նստած Սիմոն Վրացյանը, ժողովի նախագահի պարտականութիւնն իր վրա վերցնելով, առաջարկեց, որ խոսել ցանկացողները մատ բարձրացնեն կամ ցոցակագրվեն, մարդիկ սակվեցին: Մի րոպե քար լուծիւն էր: Վրացյանը փորձեց կատակել.

— Եթե մատը դժվար է բարձրացնել...

— Բաղդիկը ձեռքերը տակն է դրել, պինդ նստել է վրեն, — խոսեց տեղացի համարձակներից մեկը:

— Էս հո Թիֆլիսի ժողովը դարձավ, — Ահաբեյյանի ականջի տակ ասաց Վրացյանը և Ազգային խորհրդի նախագահի հոգին պղտորեց:

Խոսելու իրավունք խնդրեց Անդրկովկասյան բանակի գլխավոր հրամանատարի պաշտոնակատար գեներալ-մայոր Լեբեգինսկին և ընդհանուր գծերով ներկայացրեց ռազմաճակատի դժվար վիճակը:

Երկու օր առաջ զորավարը, նազարբեկովի ու մի քանի ուրիշ սպաների հետ միասին, այցելել էր ռազմաճակատ: Նրա զորքերը Նովո-Սելիմի վրա էին կռիվ տալիս և, ամենայն հավանականութեամբ, պիտի կարողանային երկար դիմադրել, մինչև համալրումներ հասնեին և թշնամուն ետ քշեին նվաճած բնագծերից: Այդ համալրումներն էլ պիտի կատարվեին Միացյալ կառավարութեան պահեստային ուժերից: Բայց ո՞ր էին այդ ուժերը:

Առաջներն Անդրկովկասյան երկրամասում այս մարդն էր տնօրինում ռազմական բոլոր գործերը: Որևէ հարցով նրան դիմելիս հայերն զգում էին, որ արդարամիտ է և ջանում է ձեռքից եկածն անել իրենց համար: Սակայն Միացյալ կառավարութեան ստեղծումով, մանավանդ Օդիշելիճեի ռազմական միախառնութիւն գալուց հետո դրութիւնը փոխվեց միանգամից: Հիմա միայն լուծվելուց հետո էին հարցերը հայտնի դառնում Լեբեգինսկուն: Այն էլ՝ եթե Չխենկելին ու Օդիշելիճեն բարեհաճում էին տեղեկացնել նրան: Այսպիսի դեպքերում ռուս զորավարը նրբանկատորեն զգում էր, որ տեղեկացնում են՝ ցույց

տալու համար, թե այդ է՛լ կարող էին շանել, քանի որ Ռուսաստանն ու նրա ռազմական ներկայացուցիչն այլևս անելիք չունեն այս երկրամասում, ուրկից քաշվել-գնացել էին կամ էլ ահա հեռանում էին ռուսական զորամասերը:

Ճիշտն ասած, ինքը՝ Լեբեդիինսկին, ևս հասկանում էր, որ իր ներկայութունն ավելորդ է մի երկրում, որն իր անկախութունն է հայտարարել ու անջատվել հյուսիսից: Սակայն խզված էին կապերը նոր Ռուսաստանի հետ, ինքը դեռևս ոչ մի կարգադրութուն չէր ստացել իր պաշտոնի վերաբերյալ և, լինելով պարտաճանաչ ու բարեխիղճ մարդ, շարունակում էր ծառայել, օգնել այն ռազմաճակատին, որի հետ կապված էր ճակատագրով: Կար, անշուշտ, մի հանգամանք ևս, որը նրան ստիպում էր մնալ այստեղ՝ իր հետ պահելով նաև փորձառու սպաների ու ռազմական մասնագետների, որոնք պատրաստ էին թուրքի դեմ կրովել մինչև վերջին շունչը: Զգացմունքների մարդ չէր նա, սակայն իրեն հաճախ էր բռնում հայ ժողովրդի բախտի մասին մտածելիս, և սիրտը ճմլվում էր ցավից: Մանավանդ որ այդ մտածումների ընթացքը միշտ էլ նրան տանում էր դեպի իրադարձութունների մի այնպիսի քննութուն, որից իր կառավարութունը չէր կարող դուրս գալ անմեղ կամ չքմեղացած: Քանի՜ անգամ ցարական բանակները խորացան այս երկրի մեջ՝ իրենց հետ բերելով հայերի ազատագրության հույսը և վաստակելով նրանց անվերապահ նվիրվածութունն ու զինակցութունը: Սակայն այդքան անգամ էլ ետ քաշվելով՝ թուրքական զազանի երախում թողեցին այդ նվիրյալ զինակցին, որը մենակ ու անօգնական էր և իր ավանդական հայրենիքում հալածական: «Մենք իրավունք ունեցե՞լ ենք այսպես անմարդկայնորեն խաղալու մի ժողովրդի ճակատագրի հետ, որն այս աշխարհում չունի ոչ մի բարեկամ ու հովանավոր, և որի մեղքն այն է միայն, որ մեր նախորդ անմարդկային խաղը տեսնելուց հետո էլ վերստին հավատում է մեզ, վստահում է մեր առաքելությանը»,— այսպես էր մտածում ռուս մարդն ու բազմափորձ հրամանատարը և պատրաստ էր իր ձեռքից եկած ամեն ինչ անելու այդ լքված ու անօգնական ժողովրդի ճակատագրի համար: Նա գտնում էր, որ դժվար է պաշտպանել Կարսը, սակայն ամեն գնով պետք է պաշտպանել, ապա նոր համալրումներով ամրապնդել զորքը և թշնամուն հասցնել վճռական հարվածը<sup>9</sup>.

Ավետիս Ահարոնյանը, սակայն, չէր լսում նրան, որովհետև հարևանի ակնարկը Թիֆլիսի ժողովի մասին՝ իրեն հանել էր հավասարակշռությունից, այս դահլիճից, նույնիսկ Ալեքսանդրապոլից և տարել այնտեղ, Թիֆլիս, այն տխրահռչակ ժողովը, որը հիշելիս իր արյունը սառչում էր երակներում:

Ճակատից զորավար Անդրանիկն էր եկել և Թիֆլիսի հասարակական հավաքույթներում բռունցք թափահարելով բողոքում էր հայկական բարձր շրջանների սառնասրտության դեմ: Ճակատին հայ զորք է հարկավոր, որովհետև ուս զինվորները գնացել են իրենց տները: Մուսավաթականները շեն ուզում կուվի թուրքի դեմ: Իսկ վրաց մենշևիկի տեղը տաք է, օսմանլուի ասկյարը դեռ չի առևանգել նրա կնոջը կամ դստերը: «Ռազմաճակատի ամբողջ ժանրությունը մեզ վրա է, հայեր, զինվոր տվեք, համալրե՛ք կովոդների շարքերը»,— կոչ էր անում ժողովրդական հերոսը: Եվ այդ կոչով Ազգային խորհուրդը հրավիրեց բազմամբոխ մի ժողով, որի խնդիրը պիտի լիներ կազմակերպել համա-ժողովրդական զորահավաք, ինչպես նաև ամեն տեսակ նյութական օգնություն հյուծվող ճակատին: Օրվա բանախոսն էր Ավետիս Ահարոնյանը, որն իբրև խորհրդի նախագահ, համբավավոր գրող ու սիրված հեռուոր՝ իրեն օրվա հերոսի պես էր պահում: Նա իր ճառն սկսեց վերասլաց խոսքով.

— Annibal at portas— Հաննիբալը դռանն է:— Ապա իրեն հատուկ վերամբարձ ոճով նկարագրեց ռազմաճակատի վիճակը, թուրքերի առաջխաղացման աղետը Կովկասի և մանավանդ հայ ազգի համար, վերջում էլ կրակոտ կոչ արեց ներկաներին՝ կամավոր գրվել և անմիջապես մեկնել ճակատ: Դահլիճը քարացած լսում էր և խանգավառ ծափահարում: Բանախոսն ինչով սկսել էր, նրանով էլ ավարտեց իր հրաշունչ ելույթը.— Annibal at portas: Դեպի ճակատ, ազգ իմ հայոց:

Ազգային խորհրդի պատասխանատու պաշտոնյաներից մեկն անմիջապես առաջ նետվեց և թուղթ ու մատիտ ձեռքն առած պատրաստվեց ցուցակագրել ճակատ մեկնելու ցանկություն հայտնողներին: Ժողովականներն սկսեցին իրար երեսի նայել... Եվ ցուցակագրողին մոտեցավ միայն մի հոգի՝ գրող Հովհաննես Մալխասյանը, հիսուն տարեկանին մոտ, հաստամարմին մի ախալքալաքցի:

Այդ խայտառակությունից հետո Ազգային խորհրդի գործիչ-

ները երկար խորհեցին, տվին-առան և խորհրդի անունից հրաւիրակեցին մի կոչ, որով ժողովրդին հաղորդում էին վերահաս աղետի բոլոր մանրամասները, կոչ էին անում երկիրն աղետից փրկելու համար գործի դնել բոլոր միջոցները: Կոչն ավարտվում էր ասեղ սպառնալիքով. «Այս օրհասական վայրկյանին ամեն հայ, որ խուսափում է իր քաղաքացիական ու ազգային պարտքը կատարել, դավաճան է հայրենիքի և, իբրև դասալիք, արժանի է խստագույն պատժի»:

Այս կոչը ևս ոչ մի արդյունք չտվեց: Սակայն «խստագույն պատժի» ենթարկվողներ էլ չեղան, որովհետև անհնար էր քաղաքի ամբողջ հայությանը պատժել, մանավանդ որ այդ արդար վճիռը կիրառելու դեպքում պետք է սկսեին Ազգային խորհրդից ու նրա հարևան շրջանակներից:

Ահարոնյանը, տեղը նստած, քրքրվում էր անհանգիստ մըտքերից: Նա ամբիոնի մոտ նկատեց նոր հոետորի՝ Հայոց սպարապետ Թոմաս Նազարբեկովին, և նոր միայն հասկացավ, որ ռազմաճակատի հրամանատար Լեբեդինսկին ճառն ավարտել է, իսկ ինքը ոչ մի արձագանք էլ չի տվել: Կոացավ դեպի Վրացյանը և նրա ականջին ասաց կշտամբանքով.

— Այն կատուն գցեցիր ներսս, ինձ կրծում է:

— Թիֆլիսի ժողովրդը: Իսկ այստեղ, կարծում ես, ուրի՞շ տեսակ է լինելու,— շարությամբ ժպտաց «Հորիզոնի» խմբագիրը:— Ես թերթում գրում եմ, որ դրությունն անհուսալի է, և դուք ինձ քարկոծում եք: Դե, տե՛ս՝ ինչ է ասում Հայոց սպարապետը:

Այդ պահին Նազարբեկովը ժերունական հիշողությանը զոտ տալով, թվերով ու փաստերով ներկայացնում էր հայկական ճակատին հասած վնասները, հայոց զորքի ողորմելի վիճակն էր քննադատում, և մնում էր նրա զորավարական խոսքից եզրակացնել, որ դրությունն իսկապես անհուսալի է, կոխվը շարունակելն ավելորդ:

— Մենք ի՞նչ կարող ենք անել մարդկային ուժերով ու տեխնիկայով գերակշիռ թշնամու դեմ,— գանգատվում էր հսկայամարմին զորավարը, որի բերանից այնպես զավեշտական էին հնչում այդ գանգատի բառերը:— Նախաձեռնությունը պատկանում է թշնամուն:— Եվ աչ ձեռքի ցուցամատով սկսեց մեկ-մեկ ծալել ձախ ձեռքի մատները:— Մենք հետախուզություն չունենք: Եղած ուժերը քիչ են Կարսի պաշտպանության համար: Մեզ հար-

կավոր են նոր ուժեր: Զորքը բավարարված չէ հագուստով, սնընդով ու անհրաժեշտ ամեն ինչով: Զորամասերը հոգնած են և շեն թարմացվում նոր ուժերի համալրումով: Մենք մենակ չենք կարող դիմադրել թշնամուն: Արևմտահայերից էլ էական որևէ օգնություն չենք կարող սպասել...

Երբ Հայոց սպարապետն իր այս հուսահատական գրույցն ավարտեց, մարգիկ, մի պահ վստահելով նրա վավերական խոսքին, զարմացած էին, թե, այդուհանդերձ, ինչպե՞ս է, որ այն դանդալոշ թուրքերը դեռ չեն հասել Երևան: Չէ՞ որ հայկական ճակատն այլևս ճակատ չէր ներկայացնում՝ ըստ Հայոց սպարապետի զեկուցման, այլ կանոնավոր պաշտպանություն անընդունակ, կիսաքաղց ու անկազմակերպ մի բազմության հավաքատեղի, որը կարող էր քայքայվել անգամ ամենաթույլ թշնամու առաջին իսկ հարվածից:

Երկար լուսությունից հետո, երևի սթափվելով և շատ թե քիչ հարմար ու իրական գետնի վրա կանգնելով՝ ժողովականներից մեկը փորձեց սպարապետին զգուշացնել:

— Ֆոմա Իվանովիչ, մի՞թե դրությունն իրոք այդքան հուսահատական է:

— Այո՛, այո՛, ես ջանացի ցույց տալ իրական վիճակը, — հանգիստ պատասխանեց նա: — Այստեղ են հայ ժողովրդի բախտի տնօրենները: Ինչո՞ւ նրանց չներկայացնենք իրականությունը: Ես հին զինվոր եմ և սիրում եմ իրերը կոչել իրենց անուններով:

Վերջին արտահայտությունը գրգռեց «Հորիզոնի» խմբագրին:

— Պարոն զորավար, — վրդովված ասաց նա, — ձեր խոսքերից այնպես է ստացվում, թե մեր զորքերն արդեն կիսաքաղց են և սնունդն էլ գոհացուցիչ չէ: Բայց ո՞ւմ մեղքով է, որ մենք Սարիղամիշում ու մյուս կենտրոններում թշնամուն ենք հանձնել ոռոսական պահեստների անբավ հարստությունը:

— Ի՞նչ նկատի ունեք, պարոն... Ի՞նչ է ձեր ազգանունը...

— Վրացյա՛ն, Սիմոն Վրացյա՛ն:

— Հա՛, ներեք, մոռացել էի, Վրացյա՛ն: Պարոն Վրացյան, դուք հատկապես ի՞նչը նկատի ունեք: Այսինքն՝ ի՞նչ ենք հանձնել, ո՞ւմ ենք հանձնել: — Հուզմունքից զորավարի մի աչքը կոչ էր եկել և դողում էր: Կարծես նշան էր բռնում ընդդիմախոսի վրա:



Կարճ, գնդիկ Վրացյանը երկչոտ ետ նստեց, ամրացրեց տեղը հին բազկաթոռին.

— Պարոն զորավար, ինքս լավ հիշում եմ, որ երբ ձեզ հետ մի երկու շաբաթ առաջ այցելեցինք Սարիղամիշ, մերոնց կողմից արդեն լքված, բայց թուրքաց կողմից դեռևս չդրաված այդ քաղաքի պահեստներում անհաշիվ հարստություն էր ամբարված՝ գեներ ու ռազմամթերք, զինվորական ու քաղաքացիական հագուստ, երկրագործական մեքենաներ ու մթերքներ, անսպառ ալյուր, շաքար ու դեղորայք: Տասնյակ միլիոնների արժողության մի ունեցվածք, որ կողոպտվում էր անորոշ զբաղմունքի տեր մարդկանց կողմից և հետո էլ պարզև պիտի մնար թուրքերին:

— Հիմա ի՞նչ եք առաջարկում, պարոն, ը՛...

— Վրացյա՛ն:

— Այո՛, Վրացյա՛ն, պարոն Վրացյա՛ն: Ուզում եք, որ ետ դառնանք, գնանք տե՛ր կանգնենք այդ «տասնյակ միլիոնների արժողության մեր ունեցվածքին»:

Զայրացած էր գեներալը, թե ոչ, վնասված աչքը լրիվ փակվել և արագ-արագ թրթռում էր:

Վրացյանը, որ հետևում էր նրա խոսքի ընթացքին, կարծում էր՝ պիտի հարց տար, թե հապա ինչո՞ւ դու ինքդ չփրկեցիր այդ տասնյակ միլիոնների հարստությունը, որ տեսել էիր, սիրտդ էլ այդպես ցավում է, ու ինքդ էլ թիֆլիսից Սարիղամիշ էիր հասել ռազմաճակատին շոշափելի որևէ օգնություն հասցնելու և ոչ թե թարմ օդ շնչելու համար: Սակայն այդ հարցը չտրվեց, և հիմա Վրացյանը թեթևացած սրտով ասաց.

— Ես անձամբ կոնկրետ առաջարկություն չունեմ, պարոն գեներալ: Սակայն մտածում եմ, որ կատարված դեպքերից հետո գանգատվում եք, թե զորքերը բավարարված չեն հագուստով, սննդով ու ամեն ինչով... Ի՛նչ իմանամ, այս տրամադրությունամբ վաղը չէ մյուս օրն էլ Կարսը կհանձնենք թշնամուն, Կարսն իր անբավ հարստությամբ, և այն ժամանակ էլ կասենք՝ զորքը ոչ թե կիսաքաղցած, այլ միանգամայն սովահար է և մորե մերկ:

— Այդ ուշացած կշտամբանքներից եթե որևէ օգուտ լիներ այսօրվա մեր վիճակին և իմ իրավասությունը հանձնված զորամասին, ես էլ իմ հերթին ձեզ ու ձեր նմանների հասցեին կըշտամբանքներ կուղղեի...

— Հիմա դո՞ւք ինչ նկատի ունեք,— հարցրեց Վրացյանը:

— Նկատի ունեմ այն, թե ձեր Սարիղամիշ ժամանելուց ի՞նչ շահեց ուզմաճակատը: Եվ ո՛չ միայն ձեր: Բոլոր նրանց, բլբեր Թիֆլիսից գնացք էին նստում, ուղևորվում դեպի ուզմաճակատի գիծը՝ ժողովրդին էլ այնպես ցույց տալով, թե տեղ հասնելուն պես թշնամուն մի այնպիսի հարված կհասցնեն, որ նա մեկ էլ ուշքը գլուխը հավաքի Միշերկրականի ափին:— Այստեղ նազարբեկովն արդեն նշան բռնած հայացքով կրակեց, աչքի ամեն մի թարթումով մի կրակահերթ, որ հասավ նպատակին, և Թիֆլիսի Հայոց ազգային խորհրդի ներկայացուցիչը գլուխը կորցրեց: Զորավարը, գտնվելով իր ուղմավարական մտքի բարձրության վրա, այնտեղից պարզ տեսավ, որ իր գրոհը հրաշալի արդյունք է տալիս: Մնում էր կործանիչ հարվածը, այն էլ հասցրեց.— Ես չգիտեմ առհասարակ, թե այն ինչպե՛ս է լինում, որ ձեր գլխի վրայով Անդրկովկասյան միացյալ կառավարությունը քայքայիչ հրամաններ է տալիս հայոց ուղմաճակատին: Այո՛, այո՛, հայոց ուղմաճակատին, որովհետև Կարսի գծի վրա միայն հայերն էին մնացել՝ ուս հրամանատարների հետ միասին: Այստեղ ո՛չ վրացիներ կան, ո՛չ էլ մուսավաթ: Պատասխանե՛ք, խնդրեմ, այդ ինչպե՛ս է լինում: Եթե ձեր համաձայնությամբ էր, որ Չխենկելին կարգադրեց թուրքերին թույլ տալ դիրք բռնելու Կարսի առաջ, երկու կիլոմետրի վրա, ապա դա, ես ինչպե՛ս կոչեմ, նման է ինքնասպանության և փաստորեն կհանդիսանա Կարսը հանձնելու սկիզբը: Իսկ եթե այս ամենն արվում է առանց ձեր իմացության,— ձեր թիկունքում թե ձեր գլխի վրայով, դա միևնույն է,— ապա էլ ինչի՞ համար եք դուք այնտեղ նստում: Մի՞թե միայն նրա համար, որպեսզի հայ դժբախտ ժողովուրդը տեսնի, որ իր ընտիր ներկայացուցիչները ևս բարձր կառավարության մեջ են:

Այս արդեն բացահայտորեն ուղղված էր Ազգային խորհրդի դեմ, և դյուրաբորբոք Ահարոնյանը տեղից վեր կացավ իր դերի ու հեղինակության հպարտ գիտակցությամբ:

— Ես ամենայն ուշադրությամբ լսում էի ձեզ, հայոց զորքերի պատվարժան սպարապետ, և չեմ կարող զարմանքս թաքցնել...

Նազարբեկովը գլուխը ծռել էր դեպի հարևանը և նրա թարգմանությունն էր լսում:

— Հետո՞, հետո՞,— հարցրեց նրա կողմ, կարծես նա էր խոսողը:

Ահարոնյանը լսեց նրան և վրդովված շարունակեց.

— Հետո էլ ա՛յն, որ դուք այստեղ ելույթ ունեցաք այնպես, ոնց որ ուրիշ տեղից տեսչական ստուգման եկած մեկը լինեք և ոչ թե հայոց զորքի գլխավոր հրամանատարը:

Գեներալ Լեբեդինսկին՝ Կովկասյան ճակատի ղեկավար գործիչը, բարեկիրթ, վարվեցողության հարցերում բժախնդրորեն քաղաքավարի մի մարդ, անհանգստացած էր այդ վեճով: Համաձայն էր, իհարկե, Հայոց ազգային խորհրդի նախագահի հետ. Հայկական կորպուսի հրամանատարի անվճռականությունը, ռազմավարության հարցերը տեղում լուծելու քաջության պակասը, եթե ո՛չ բացակայությունը, հաճախ են պատճառ դառնում ճակատագրական ձախողանքների: Բայց չէ՞ որ նազարբեկովն աչքի առաջ էր ահա վեց ամսից ավելի, և այն էլ պատերազմական իրադրությունում, որի մեկ օրը հաճախ մեկ շաբաթվա, մեկ ամսվա է հավասար: Այս դժվար վիճակից դուրս գալու համար ի՞նչ է ձեռնարկել Հայոց ազգային խորհուրդը, ի՞նչ են անում Անգրկովկասյան կառավարության մեջ մտնող հայ նախարարները: Մի՞թե նրանք իսկապես այն կարծիքի են, թե բավական է, որ իրենք այդ կառավարության մեջ իրենց ներկայությունն են ապահովում... Սակայն տեսնելով, որ այս վեճը կարող է հեռուն տանել, նա փորձեց հանգստացնել կրքերը:

— Հարգելի բարեկամներ, կարծում եմ՝ փոխադարձ միջադրանքներով չէ, որ պետք է շտկենք ռազմաճակատի մեր ձախողակ ընթացքը: Մանավանդ ա՛յս պահին, երբ թշնամին մեր քթի տակ է, և սատանան գիտե, թե ի՛նչ նոր խարդավանքներ է որոճում, որ կարող է իրականացնել, քանի մենք հանգիստ ենք թողել իրեն և ահա այսպես իրար օձիք թափ տալով ենք զբաղված:

Վիճողները գլխով արին. իբր համաձայն ենք, և իրար հետ էլ հայացքներ փոխանակեցին, որ երևի պետք է նշանակեր՝ ես սո՛ւս, դու է՛լ սուս, մեր թշնամու աչքը դուրս:

Մի կարճ պահ դահլիճում լռություն էր, այն լռությունը, որ սովորաբար նախորդում է սլայթյունին կամ ամպրոպին: Զորավար Լեբեդինսկին օգտվեց առիթից և, ամպրոպը կանխելու նպատակով, նորից խոսեց:

— Անկեղծ որ լինենք, ես էլ գարմանում եմ, թե այս ինչո՛ւ ռազմաճակատում անհաջողությունն ուղղակի մեզ հետապնդում

է, երբ մեր զորքի մեծ մասը, հատկապես հայ զորքը, կռվում է այնպիսի անձնագոհությամբ, որից դենն անհնար է պատկերացնել:— Գեներալ Լեբեգինսկին հայացքը պատեց ներկաների վրա՝ ստուգելու իր խոսքի տպավորութիւնը, ապա ավելի հակված դեպի Նազարբեկովը, կարծես հենց միայն նրա համար, շարունակեց.— Հայոց զորքն անպայման արժանի է ամեն տեսակ խրախուսանքի ու փառաբանութեան: Եվ սա գեղեցիկ խոսք չէ, որ ես ասում եմ միայն հայերիդ ներկայութեամբ: Ես այդ մասին Գերագույն գլխավոր հրամանատարութեանը գրել եմ դեռևս անցած տարվա սեպտեմբերի 30-ին: Իմ գրութիւնը հիշում եմ բառ առ բառ. «Հայկական գումարտակները մինչև այսօր լավագույն զորքերն են Կովկասյան ռազմաճակատի գործող զորամասերի շարքում և հանդիսանում են մարտական այն հրաշալի նյութը, որի վերակառուցումից շատ պիտի շահի մեր ճակատը»: Այն ժամանակ ես նկատի ունեի հայկական զորաջոկատների միավորումը, որից պետք է կազմվեր բուն հայկական զորամասը՝ իր մեջ առնելով կամավորական խմբերի և հոգեւորականները: Ես այս խոսքը գրել եմ այն ժամանակ, երբ այստեղ էին ռուսական կանոնավոր դիվիզիաները: Հիմա նրանցից քիչ բան է մնացել, իսկ հայկական զորաջոկատներն ավելի են ստվարացել: Սրանք դարձել են հիմնական մարտունակ և մինչև վերջ նվիրված ուժն ամբողջ ռազմաճակատում:— Զորավարը կանգ առավ մի պահ, ջուր խմեց, մետաքսե թաշկինակով շուրթերը սրբելուց հետո առավել զնգուն ձայնով հարցրեց.— Ինչո՞ւ չեք հարցնում, թե հապա էլ ի՞նչ է պատահել, որ այդ մարտունակ ու անձնագոհ զորքն անվերջ նահանջում է: Նման դեպքում սովորաբար մեղքը բարդում են հրամանատարութեան վրա: Ասում են՝ այսպես ու այսպես. ապիկար հրամանատարները չկարողացան գործը կազմակերպել, որպեսզի խիզախ զորքի տված թանկագին արյունը պսակվի հաղթանակով: Ի՞նչ խոսք, որ մենք՝ ռազմաճակատի հրամանատարներս, վերից վար, պարտավոր ենք մեղքի մեծ բաժինն առնել մեզ վրա: Հայոց կորպուսի հրամանատարութիւնը մի յուրահատուկ պարտականութիւն էլ ունի, որի անթերի կատարումը հաղթանակի կեսը պիտի լիներ: Կամավորական խմբերի և պարտիզանական ջոկատների ուժն օգտագործելու խնդիրը: Մի՞շտ է, որ մենք հմտորեն օգտվում ենք այդ

ազնիվ ուժերից: Արդարութեան դեմ մեղանշած կլինեն, և թե  
ասեմ՝ այո՛: Ճիշտ չէ...

Ներկաները գլուխները տմբտմբացրին ի նշան համաձայնու-  
թյան: Իսկ Արևմտահայերի ապահովութեան խորհրդի նախագահ  
Վահան Փափազյանը, որ հարմար առիթի էր սպասում այդ առ-  
թիվ իր դժգոհութիւնն արտահայտելու համար, վրա տվեց.

— Ո՛չ միայն շեք օգտվում, պարոն գեներալ, այլև արհամար-  
հական վերաբերմունքով նրանց վանում եք ու մի կողմ շարտում:  
Արևմտահայոց ապահովութեան նախագահի դեմքն արտա-  
հայտում էր բողոք ու զայրույթ, և Լեբեդիւնսկին փորձեց հանգըս-  
ււացնել նրան.

— Իրավացի եք, պարոն նախագահ,— ասաց նա:— Հավա-  
նաբար դուք նկատի ունեք որևէ կոնկրետ իրողութիւն, որն այդ-  
պես վրդովեցրել է ձեզ:

Փափազյանը կանգնեց իր արդարութեան խորխտ գիտակ-  
ցութեամբ և սկսեց բացատրել.

— Սարիղամիշի դժվար օրերին, երբ մեր զորքերին ամեն  
կողմից վնասներ էին հասցնում թուրք ու քուրդ ավազակախում-  
բերը, Սեբաստացի Մուրադն ու Սեպուհը պատրաստակամութիւն  
հայտնեցին Կաղզվանի ու Օլթիի շրջանների տարածքում ոչնչաց-  
նել նրանց բները և ճանապարհ բացել դեպի թշնամու թիկունքը:

— Իրավացի է պարոն նախագահը,— հաստատեց Էրուցյա-  
նը:— Նրանք մեզ էին դիմել, որպեսզի միջնորդ լինենք հրամա-  
նատարութեան առաջ:

— Հետո՞, հետո՞,— Վահան Փափազյանին դիմեց գեներալ  
Լեբեդիւնսկին:

— Հետո էլ այն եղավ, որ մենք այդ առաջարկութեամբ դիմե-  
ցինք գեներալ Արեշլին, և նա ձեռքը թափ տվեց, ասաց. «Ժամա-  
նակ չունեմ այդօրինակ խակ ծրագրեր քննելու: Թող գնան  
իրենց գլուխները պահեն,— ասաց,— այդ անկանոն ուժերը»:  
Եվ Մուրադն ու Սեպուհը, իրենց քաջամարտիկ ջոկատներն  
առած, հեռացան Սարիղամիշից:

— Да!— հոգոց հանեց գեներալ Լեբեդիւնսկին:— Շատ ցա-  
վալի է: Ես իմ աչքով եմ տեսել արևմտահայ վրիժառուների ան-  
վեհերութիւնը: Մենք պարտավոր ենք նրանց հավատալ ու վըս-  
տահել. բացի նրանից, որ այդ մարդիկ խիզախ կովոդ են, կ:ա  
նաև ամենավճռական գործոնը. նրանք իրենց կյանքի միակ

իմաստն այժմ տեսնում են կովի մեջ, իրենց հայրենիքի ու ազգի փրկության համար մինչև վերջին շունչը պայքարելու մեջ: Ինչպե՞ս կարելի է մերժել այդ անվերապահ անձնագոհությունը:

— Բայց մի՞թե նույն վիճակի մեջ չէ նաև Անդրանիկի գունդը:— Լեբեդինսկու խոսքերից խրախուսված՝ խոսեց Փափազյանը, որը տեղյակ էր Նազարբեկովի քամահրական վերաբերմունքին:— Մեր ազգային հերոսի փառքը հանգիստ չի տալիս որոշ մարդկանց...

Սա արդեն որոշակի ակնարկ էր հայկական կորսուսի հրամանատարի հասցեին, և նա, հարվածն իր վրա ընդունելով, անմիջապես հայացքով նշանի տակ առավ Փափազյանին ու փորձեց հակահարված տալ:

— Երբ մի զինվորական կամ հրամանատար, թեկուզ և ճակատին աստծու մատնահետքն ունենա, ուղմի դաշտում իր համար առանձնահատուկ արտոնյալ վիճակ է պահանջում, վերին հրամանատարությունից անկախ վիճակ, ժողովրդի առաջ պատասխանատվություն չզգալու վիճակ, դա ես չը՛-չը՛-չդիտեմ ինչ-ինչպե՞ս կոչեմ:— Զորավարն ինքնաբերաբար հավասարակշռությունից ելավ և խոսելիս կակազում էր:

— Հանգստացե՛ք Յոմա Իվանովիչ, հանգստացե՛ք: Կարծում եմ՝ պարոն Փափազյանի խոսքը ձեզ չէր վերաբերում:

— Կարևոր չէ՝ վերաբերում էր, թե ոչ, — նույն ավանակոծ վիճակում, զայրացած՝ խոսքը շարունակեց Նազարբեկովը:— Կարևորն այն է, որ ես զինվորական եմ և ամբողջ կյանքում կարգապահությունը համարել եմ զինվորականի գերագույն, պարտքը: Եվ ա-ատել եմ ամեն տեսակ անարխիան... Անարխիան է, որ այս ժողովրդի տունը քանդում է, անա՛րխիան: Հասկանե՞ւմ եք: Տեղից վեր կացողն իր համար անկախ ու արտոնյալ վիճակ է պահանջում...

Գեներալ Նազարբեկովի վրդովմունքը փոխանցվեց դահլիճին և արագ գործող մերանի պես փոխեց նրա բաղադրությունը: Հակառակորդները զայրացած բողոքում էին իրար դեմ: Համախոհները տեղյակներից վեր կացած ձեռքներն էին թափ տալիս. իբր, այս է մեր վարձը. արյուն թափենք անհավասար ճակատամարտում, վերջն էլ գան, մեզ մեղադրեն անճարակովության, ապիկարության և ուրիշ տեսակ-տեսակ մեղքերի մեջ:

Գնեներալ Արեշեր, որ գլուխը կախ հանգիստ լսում էր, երբ իրեն էին քննադատում, գազազեց ու Կովկասյան ճակատի հրամանատարին «կատեգորիկ կեպով խնդրեց» իրեն ազատել ճակատից: Բռունցքն օդում թափ տալով Վահան Փափազյանի ու մյուսների կողմ՝ նա հենց այդպես էլ ներկայացրեց իր պահանջը.

— Категоричным образом прошу вас, господин генерал...

Եվ կեբեղինսկին, որ մինչև այդ պահը հաջողութեամբ իրականացրել էր կրքերը հանգստացնողի ու սուր վիճակները հարթողի իր դերը, ձայնը բարձրացրեց մեկին.

— Թողե՛ք այդ երեխայությունը, գնեներալ: Կատեգորիկ կեպով չեն խնդրում, հասկացե՛ք հասարակ բաները...

— Իսկ ես խնդրում եմ և հակառակ դեպքում...

— Հակառակ դեպքում ի՞նչ, — պայթեց ուս գնեներալը, — ի՞նչ հակառակ դեպքում: Դուք մոռացե՞լ եք, որ զինվորական եք և ոչ թե տանիկից խոռված երեխա: Մոռացե՞լ եք, որ պատերազմ է, և դուք ձեր յուրաքանչյուր քայլի համար պատասխանատու եք պատերազմական ժամանակի օրենքներով:

\* \*  
\*

Ալեքսանդրապոլի արտակարգ ժողովը խառնվեց ու բորբոքվեց-եռաց երկրորդ օրվա առավոտյան, երբ դաշնակցության Թիֆլիսի բյուրոյի անդամ Կարո Ղազարյանը, կարգից դուրս խոսելու իրավունք վերցնելով, հրապարակեց Թիֆլիսի Հայոց ազգային խորհրդի նախագահի տեղակալ Խաչատուր Կարճիկյանի հեռագիրն այն մասին, որ Անդրկովկասյան սեյմի մահմեդական ֆրակցիան հայտարարել է իր հեռացումը կառավարությունից և հավանորեն մոտակա օրերին կհռչակի Ադրբեյջանի անկախությունը: Հեռագրում նշված էր նաև, թե ո՞րն է մահմեդականների՝ սեյմից հեռանալու պատճառը. նրանք ասում են՝ իրենց հայտնի է դարձել, որ հայերն ու վրացիները չեն ցանկանում Անդրկովկասը կտրել Ռուսաստանից:

Ժողովականները չէին հավատում իրենց ականջներին: Մտիպեցին հեռագիրը նորից կարդալ: Զարմացան, զայրացան, ապա

որոշեցին կարճ ընդմիջում անել, խելք-խելքի տալ, ծանրութեթե անել ստեղծված արտակարգ ու արտասովոր վիճակը, դրանից հետո որոշել հայոց կողմի անելիքը:

Ընդմիջումին աշխուժացել էին Ալեքսանդր Խատիսովն ու Հովհաննես Քաջազնունին: Նրանց զեկույցներում քննադատական շեշտեր էին եղել՝ ուղղված խաղաղության խորհրդածողովի մահմեդական թեի դեմ: Մահմեդական-մուսավաթականները Տրապիզոնում իրենց շատ էին անկախ պահում: Նրանք անհարմար չէին համարում նույնիսկ բացեիբաց, ցուցադրաբար առանձնանալ թուրքերի հետ և Անդրկովկասի հարցերը քննել առանց հայ ու վրացի գործընկերների: Դա չէր կարող այլ բան լինել, քան մուսավաթականների անջատական տրամադրությունը, որը վաղ թե ուշ ջրի երես պիտի ելներ: Եվ հիմա կարծես խորհրդածողովի երկու պատվիրակները շատ էին ուրախ, որ ստացված հեռագրով իրենց ենթադրությունը հաստատվեց այսպես արագ ու անառարկելի:

Կես ժամից ժողովը վերսկսվեց, և ամբիոնի ետևում հայտնեղվող ամեն մեկը ջանում էր խոսել կարճ, գործնական, հատհատ ու շեշտված բառերով: Հեռագիրը մարդկանց ստիպեց գնահատել ժամանակը:

Լեոն՝ հայոց պատմաբանն ու հրապարակախոսը, որ ուրիշ պարագաներում պիտի ոգեկոշեր հին ու նոր պատմության պերճախոս փաստերը և նրանց վրա հյուսեր իր կարծիքը, եզրակացությունն ու պատգամը, հենց ինքն էլ տվեց հեռագրային ոճի օրինակը, երբ ելավ տեղից, տագնապով հայտարարեց.

— Բարեկամներ, մուսավաթականներն այսօր անկախություն հայտարարեցին, վաղն էլ մեր դեմ կովի կռան: Այն ժամանակ հայ զորքն ստիպված կլինի կովելու երկու ճակատում:

Քաջազնունին, որ, թվում էր, ընդարձակ զննուցումով ապացուցել էր, թե ինքը հաշտության դաշնագրի կողմնակիցն է, ինչպիսիք էլ որ լինեն նրա պայմանները, հանկարծ հանդես եկավ մի հայտարարությամբ, որը ջնջում էր իր զեկուցումը:

— Ուրիշ ելք ու ճանապարհ չկա. մենք պետք է շարունակենք պատերազմը, — վճռաբար հայտարարեց նա: — Մենք շենք կարող չկովել, երբ մուսավաթը մեր թիկունքից ձեռքը մեկնում է թուրքին, և նրանց ստեղծած օղակում կա՛մ պիտի խեղդվենք, կա՛մ կովելով փրկվենք:



Այդ օրվա նիստին ներկա էր նաև Երևանյան ռազմաճակատի հրամանատարի տեղակալ Դանիելբեկ Փիրումյանը: Արթիկի կողմերում գործ ուներ, լսել էր, որ ժողովին հրավիրված է նաև իր հորեղբորորդի Պողոսբեկը: Եկավ, որ տեսնի, հարցուփորձ անի որդիներից: Չէ՞ որ նրա գնդում էին ծառայում իր երկու տղաները:

«Թե որ հաշտության պատվիրակն էլ կուվելու կողմն է, ուրեմն, հիմա՛ որ կարգին կկուվենք», — մտածեց Փիրումյանը և ուրախացավ: Սակայն մեկ էլ ամբիոն բարձրացավ նույն պատվիրակության երրորդ անդամը՝ Միքայել Պապաջանովը, և Փիրումյանի գլխին ասես սառ ջուր լցրին:

— Ես չեմ կարծում, թե հիմա կուվելը միակ ելքն է, — դանդաղ, հանգիստ խոսեց Պապաջանովը: — Հակառակը, դա մեր կորստյան ճանապարհն է, որովհետև մենք ուժ չունենք թուրքի դեմ պաշտպանվելու, մինչդեռ այսօր նրա կողքին էլ կանգնում է նաև մուսավաթը: Վաղն էլ՝ վրացի մենշևիկը... էլ չեմ խոսում...

— Լավ կլիներ, որ առհասարակ շխոսեիր, — առաջին շարքից գոռաց մեկը:

Պապաջանովն շտապեց փակել իր խոսքը:

— Ես կարծում եմ՝ միակ ճանապարհը տանում է Պլիսվեր կենանք, գնանք այնտեղ, համաձայնության գանք թուրքաց պառավարության հետ...

— Վազի՛ր, հա՛, Պոլսում սեղան են գցել, քե՛զ են սպասում:

Պապաջանովն այս խոսքն ասողի վրա էլ խեթ-խեթ նայելով իջավ ամբիոնից, գնաց, նստեց տեղը:

Արշակ Զուրաբյանը մի անգամ արդեն խոսել էր՝ կոչ անելով չհավատալ թուրք պատվիրակության հաշտության խոստումներին, որովհետև նրանք, բանակցությունները ձգձգելով, ժամանակ ու հնարավորություն էին ստանում մեր հողերում ավելի խորանալու: «Եթե Բրեստ-Լիտովսկի պայմանագիրը նրանց սրտով է, և ուզում են կանգ առնել 1877-ի սահմանի վրա, էլ ին՝ ո՞ւր են պահանջում, որ մենք բաժանվենք Ռուսաստանից, — հարց էր տալիս հռետորը: — Եթե նրանք խաղաղություն են ուզում, ինչո՞ւ գինադադարի կոչ անելով գորքեբը շարժում են առաջ»:

Հիմա նորից ելույթի խոսք խնդրելով՝ դահլիճն առավ հայացքի տակ, կրկնեց իր հարցը:

— Կարծում էիք՝ թուրքերն առաջ են գալիս, որպեսզի մեզ

հետ բարեկամաբար գրկախառնվե՞ն:— Նա կանգ առավ մի երկվայրկյան և ինքն էլ պատասխանեց իր հարցին.— Նրանք որոշել են իրենց ճանապարհից ջնջել հայությանը: Իրենց գործը հեշտացնելու համար մեզնից պահանջում են անկախություն հաստատարել: Մուսավաթի անկախությունը նշանակում է անմիջական կախում Թուրքիայից: Իսկ մենք իրավունք ունե՞նք մեր ժողովուրդը կտրելու Ռուսաստանից, հրաժարվելու հյուսիսի կողմնորոշումից: Մեր առաջ երկու ճանապարհ կա. կա՛մ հայացքներս պիտի հառենք դեպի հյուսիս, կա՛մ պիտի գլխիկոր գնանք Թուրքին ընդառաջ՝ սպասելով, որ նա մեզ կոտորի...

Ալեքսանդրապոլի ներկայացուցիչներն իրենց քաղաքում, իրենց տանը դումարված նիստին ներկա էին անկող հյուրերի պես: Ճիշտ է, նրանք ճակատից եկած լուրերն ընդունում էին իբրև ահազանգ, թե ահա ուր որ է Թուրքերը պիտի կանգնեն Ալեքսանդրապոլի դարպասների դեմ: Եվ նիստի առաջին օրն էլ որոշեցին պայմանավորվել իրենց վիճակի շուրջ, ներկայանալ իրենց միասնական կամքով ու կարծիքով: Սակայն պարզվեց, որ միասնությունն անհնար է. համարյա յուրաքանչյուրն ունի իր խոհն ու վճիռը, որից չի ուզում բաժանվել: Եվ հիմա ցրված նստել էին դահլիճի տարբեր տեղերում, յուրաքանչյուրը փնտրում էր իր համախոհներին: Միայն Ալեքսանդրապոլի քաղաքագլուխ Ալ. Խատիսովն ու նրա տեղակալ Վահան Նավասարդյանն իրար փնտրելու կարիք չունեին: Նրանք իրենց ողորմածությունը հանձնելված քաղաքը մոռացել էին և համազգային բախտի շուրջն էին մտորում:

Այն ժամանակ դահլիճի վերջին շարքերը խլրտացին, և ձեռքն առաջ մեկնած խոսք խնդրեց Բագրատ Ղարիբջանյանը:

Շատերը գիտեին, որ այդ կարճահասակ, սև բեղերը մարտականորեն աչ ու ձախ սրած երիտասարդը քաղաքի բուշեիկյան կազմակերպության ղեկավարն է: Նավասարդյանն արմունկով հրեց իր նախագահի կողը. այսինքն՝ տե՛ս, մեր քաղաքի ներկայացուցիչն է խոսում:

— Այդ հեռագիրը ցույց տվեց, թե ովքեր են նստած Անդրկովկասյան կառավարության մեջ, — իր խոսքն այսպես սկսեց Ղարիբջանյանը՝ հայացքն ուղղելով դեպի ժողովի նախագահության սեղանը, որի ետև շարված էին Անդրկովկասյան սեյմի հայ անդամները՝ Արշակ Զուրաբյանը, Գեորգի Խատիսյանը, Սիմոն

Վրացյանը, Ավետիս Սահակյանը և էլի մի քանիսը, որոնց նա չէր ճանաչում:— Այսօր մուսավաթականներն են անկախանում, վաղն էլ այդ ցավով կրճնվեն հայ ու վրացի գործակիցները...

— Հավ կլինի, որ գործից խոսեք, — տեղից վեր կացավ Ավետիս Ահարոնյանը:

— Սա մեր իսկական գործն է և, գժբախտաբար, նաև ճակատագիրը, որին տեր են կանգնել անարժան մարդիկ...

— Իսկ՞ք, պարո՞ն, — այլայլված հայացքն աչ ու ձախ գցեց ևսխագահը:

— Ղարիբջանյան, — օգնության հասավ նավասարդյանը:

— ...Պարոն Ղարիբջանյան, — ամպրոպը կանխելու համար վայրկենապես փափկանալով՝ ձայնն իջեցրեց Ահարոնյանը:— Ազգն օրհասի տուաչ է կանգնած: Փրկության ճանապարհ գիտես, ասա՛, էլ ի՞նչ ես մարդկանց վիրավորում:

— Միակ ճանապարհն այն է, որ կապվենք Անդրկովկասի միակ օրինական կառավարության հետ...

— Ո՞վ է այդ միակ օրինական կառավարությունը:

— Ժողովրդական կոմիսարների խորհուրդը՝ Ստեփան Շահումյանի գլխավորությամբ: Այդ նոր իշխանությունն է միայն, որ Ռուսաստանի օգնությամբ Անդրկովկասի ժողովուրդներին պիտի փրկի թուրքական ստ. կությունից...

Բագրատ Ղարիբջանյանի առաջարկությունը դահլիճն իրար խտոնեց: Կրքերը շիկացան: Սիմոն Վրացյանը նախագահի կողքից վեր թռավ ու գոռաց.

— Բոլշևիկների հետ որևէ հույս կապելը հիմարություն է, անհեռատեսություն:

— Այս ճակատագրական պահին մենք իրավունք չունենք երես թեքելու Շահումյանի կառավարությունից, — նախագահության մյուս անկյունից խոսեց Արշակ Զուրաբյանը:— Ես ասել եմ և հիմա էլ նույնն եմ կրկնում...

Պարոնա՛յք, պարոնա՛յք, — գլուխը բռնած՝ փորձեց խաղաղություն ստեղծել Ահարոնյանը և, տեսնելով, որ այդ անհնար է, նիստը հայտարարեց փակված:

Հաջորդ օրվա նիստում սուր խոսքեր չեղան: Ժողովականներն ավելի շատ նման էին սգվորների, որոնք մեռելատանը նստոտած իրենց պարտավոր էին համարում մխիթարական խոսքեր ասել մեռելատերերին և հայացքները ելքի դռանը՝ հարմար վայրկյանի էին սպասում, որպեսզի ելնեն, հեռանան: Այն ժամանակ ռազմաճակատից եկած մի խումբ սպաներ լիազորեցին, որ ճակատի անունից խոսի հայկական հրաձգային Հինգերորդ գնդի հրամանատար գնդապետ Պողոսբեկ Փիրումյանը:

Խմբից բաժանվեց ու առաջ անցավ հաղթամարմին մի գորական, որի հագին տոնական համազգեստ էր: Ոսկեհուռ ծոպերիզներով ուսադիրները, կուրծքը զարդարող մարտական շքանշանների ու մեդալների շարքերը պճնամուլ զորականի տպավորութուն կարող էին թողնել անծանոթի վրա: Իսկ կարճ խուզած փոքրիկ մորուքն ու փարթամ, բայց սուր ծայրերը վեր ցցած բեղերը նրա առնական դեմքին տալիս էին խստութուն, որի հետ համերաշխ էին կրակոտ աչքերը:

Կարելի էր կարծել, թե զորականը հանդիսավոր շքերթից է գալիս և ոչ թե ռազմաճակատից, որտեղ նա իր գնդի հետ օրերն անց էր կացրել գարնանային անձրևների տակ ու իգդիրյան հրոշակավոր ցեխերի մեջ:

Հորեղբոր որդի Դանիելբեկ Փիրումյանը, որ նրանից միայն մի քանի տարով էր մեծ, բայց հայրական գորովանքով էր վերաբերվում, անհանգիստ շարժվեց տեղում. շատ էր ուզում, որ հարազատը կարողանա իր մարտական պատկառելի անվանն արժանի խոսք ասել:

Գնդապետի երևույթից անմիջապես շարժվեց, կենդանացավ գահլիճը: Նրանք, որ ճանաչում էին, աշխուժացան ինչ-որ շափով, մտածեցին, որ, վերջապես, փորձառու հայ սպայի ձայնն էլ կլսեն: Իսկ անծանոթները, զարմացած նրա տոնական ու շքեղ հագուստ-կապուստով, մտածում էին, թե ինչո՞ւ է պճնվել այս տարեց մարդը. հո թիֆլիսի Գոլովինյան պողոտայում չպիտի գայթակղեցնի տիկնանց ու օրիորդներին: Ժողովը ղեկավարող Ահարոնյանը խնդրեց, որ գնդապետ Փիրումյանը թարմ տեղե-

կություններ հաղորդի ուղղամեծակատի վիճակից, և նա առաջին  
պահ այլալված էր ու խոսեց անվստահ:

— Դժվար թե ես կարողանամ ավելին ասել, քան հաղորդել  
են մեր հարգելի զորավարները:— Այստեղ նա շունչ քաշեց,  
ուռցրեց լայն, զարդարուն կուրծքը՝ երևի մտածելով, որ ինքը  
պարտավոր է ժողովին հաղորդել հենց այն, ինչ միայն ինքը գի-  
տե: Բայց մի՞թե միայն ինքը:— Ես կուզենայի ձեզ հաղորդել...  
իհարկե, ոչ թե տազնապ ձգելու համար, այլ զգուշացնելու,  
զթափեցնելու, որովհետև տեսնում եմ, որ շատ եք հանգիստ  
Այո՛, կուզենայի հաղորդել, որ թուրքերը Կարսի տակ հանգիստ  
նստած չեն: Իմ գնդի հետախուզությունը պարզել է, որ թուր-  
քաց առաջապահները շարժվում են դեպի հյուսիս: Իսկ դա կա-  
րող է հաստատ նշանակել, որ կամ Կարսն արդեն իրենցն են  
համարում և գալիս են Ալեքսանդրապոլի վրա, կամ էլ նպա-  
տակ ունեն նվաճելու երկաթգիծը, որից հետո Կարսը կմեկուսա-  
նա և կգտնվի թուրքական արքանի մեջ...

Արեգինսկին հարցական նայեց Նազարբեկովին և, նրա դեմ-  
քին ուշիւն շկարդալով, մատիտով ինչ-որ նշում արեց իր առջևի  
թղթին:

Ահարոնյանն անհանգիստ հայացքով որսում էր ճառախոսի  
հաղորդած տեղեկությունները, որոնց մեջ չէր տեսնում իրեն հե-  
տաքրքրող ամենակարևորը:

— Իսկ հայ գինվորի տրամադրությունն ինչպես է, պարոն  
Փիրումյան: Ձեր ազգանունը, կարծեմ, Վանի պաշտպանության  
օրերից է հայտնի:

— Այո՛, պարոն Ահարոնյան, տասնհինգին իմ գեղով մաս-  
նակցում էի Վանի պաշտպանությանը:

— Էրզրումում է՞լ դուք էիք...

— Էրզրումում իմ տոհմակիցն էր, պարոն Ահարոնյան, Դա-  
նիելբեկ Փիրումյանը: Նա այժմ Երևանյան ուղղամեծակատի հրա-  
մանատարի տեղակալն է և, ահավասիկ, նստած է այս դահլի-  
ճում,— նա ձեռքը պարզեց դեպի ետին շարքերը:

Բոլորը շրջվեցին դեպի ետ: Այն օրերին Դանիելբեկ Փիրում-  
յանն ավելի հայտնի էր «Էրզրումի հերոսը» պատվանունով, և  
հաճելի էր գիտակցել, որ այդ նույն հերոսը համեստորեն նստած  
է դահլիճում ու ամենաթունգ վեճերի ժամանակ անգամ չի մատ-  
նում իր տեղը:

— Իսկ հայ զինվորի տրամադրութիւնը:— Ահարոնյանը շնորհակցով իր հարցը, որ անպատասխան էր մնացել:

Պողոսբեկ Փիրումյանը դժվար կացութեան մեջ էր: Վերջին օրերի դեպքերը, որոնց ականատեսն ու մասնակիցն էր եղել ինքը, շատ էին ցավալի, եթէ չլինեին այնքան վարկարեկիչ մի ազգի համար, որն իր ամբողջ կյանքն ապրել է դրսեկ թշնամիների դեմ կռուելով, արյուն տալով և միշտ ու ամեն պարագայի իր ապագային հավատալով:

— Ես դժվարանում եմ այդ հարցին միանշանակ պատասխան տալ,— այսպես խոսեց Պողոսբեկ Փիրումյանը:— Բայց հիմա ձեզ ներկայացնեմ մի պատկեր, և դրանից հետո դուք ինքներդ փորձեցեք պատկերացնել հայ զինվորի վիճակն ու տրամադրութիւնը:— Նա նորից դադար առավ մի պահ. երևում էր, որ դժվարութեամբ է բռնեք գտնում խոստացած պատկերն ամբողջական ու ճշգրիտ ներկայացնելու համար:— Ահա այսպես է դրութիւնը. մեզ վրա եկող թուրքական զորաբանակն օգնականներ ունի ամեն կողմից՝ աջից ու ձախից, առջևից ու ետևից: Նրա հետ են ազգակից ու քուրդ ավազակախմբերը: Իսկ ո՞ր են կամ ովքե՞ր են հայ զորքի օգնականները: Մեզ օգնական պիտի լինեն մեր ազգակից քաղաքաբանակներն ու գյուղացիները, որոնք էրզրումից, Սարիղամիշից մինչև Կարսի պարիսպները միայն մտածում էին փախչելու մասին: Եվ փախչում են՝ զինված ու մթերքներով բեռնված: Փախչում են՝ թուրքին թողնելով իրենց երկիրը, իրենց հարստութիւնը: Փախչում են՝ իրենց հետ քշած տանելով շատ զինվորների, որ իրենց հարազատներն են կամ իրենց տրամադրութեամբ վարակված դասալիքներ... Հիմա կարո՞ղ եք պատկերացնել այսպիսի պայմաններում կովոզ հայ զինվորի տրամադրութիւնը: Կարո՞ղ եք պատկերացնել Կարմիր շենը պաշտպանող զորաշնկատի դրութիւնը, եթէ այդ շենի բնակչութիւնը, իրեն պաշտպանող զինվորութեանն օգնելու, թե-թիկունք դառնալու փոխարեն, թիկունքից սպիտակ դրոշ է պարզում թուրքի առաջ և նրան դիմավորում է աղուհացով:

Դահլիճն աղմկեց այս անախորժ լուրից: Այս ու այնտեղ բարձրաձայն հայտնում էին իրենց կարծիքները:

— Պետք է գնդացիքը կապել դրանց վրա,— առաջարկում էր մեկը:

— Տո՛ւ, ի՞նչ եք հալած յուզի տեղ ընդունում: Փշում է իրենց նահանջն արդարացնելու համար:

— Անարի գինվորութեան կողքին պիտի իրենց գլխի ճարք տեսնեն: Բա ի՞նչ ես կարծեմ...

Ավետիս Ահարոնյանը, տեղից վեր կենալով, հանգստացրեց դահլիճը և լրջորեն դիմեց գնդապետին.

— Իսկ չե՞ք թանձրացնում գույները, պարոն Փիրումյան:

— Ես իմ տեսածը պատմեցի ձեզ, հարգելի նախագահ: Իմ տեսածը, որին տեղյակ են բոլոր ճակատայինները: Հարցրե՛ք նրանց...

— Ճի՛շտ է, ճի՛շտ է,— միաձայն գոչեցին նրա հետ եկած սպաները:

— Իսկ ովքեր չեն հավատում,— մռայլադեմ ավելացրեց Փիրումյանը,— թող փորձեն գնալ ռազմաճակատի գիծը և այնտեղ ամեն ինչ կտեսնեն սեփական աչքերով:

Ասաց ու շարժվեց դեպի իր ընկերները:

— Այդպես էլ նստում եք, առանց որևէ առաջարկութիւն անելո՞ւ,— նրա ետևից հարցրեց նախագահը:

Գնդապետը կանգնեց շարքերի արանքում, ետ շրջվեց, ասաց.

— Ես առաջարկութիւն էլ արի, պարոն նախագահ. փոխանակ այստեղ անպտուղ վեճը ձգեմք, թող մարդիկ ռազմաճակատ գնան:— Նա հայացքը պտտեց դահլիճի վրա, համոզվեց, որ նստածների մեծ մասը զենքի երես շտեսած, կրակոցի ձայն չլսած մարդիկ են. ի՞նչ օգուտ նրանց ռազմաճակատ գնալուց: Շտկեց իր խոսքը, ասաց.— Կամ գոնե գնան գյուղերը, ժողովրդին հասկացնեն դրութեան լրջութիւնը: Ասեն՝ ինչո՞ւ եք փախչում, ո՞ւր եք փախչում: Զէ՞ որ զենք ունեցողները կարող են կանգնել մեր կողքին, կովել թշնամու դեմ: Զունեցողները իրենց սուն ու տեղը կպահեն, զորքի պարենավորմանը կօգնեն... Թե չէ, ժողովուրդը տեղահանված գնում է, իսկ մենք ճակատ ենք տալիս դատարկված, կիսավեր բնակավայրերի համար...

Գնդապետի վերջին առաջարկութիւնը կողմնակիցներ շատ ունեւր: Զորավար Լեբեգինսկին ևս այն պաշտպանեց, գտնելով, որ դա կլինէր ամենագործնական ու օգտակար քայլը՝ իբրև այգբան բարձր ներկայացուցչական խորհրդակցութեան արդյունք: Եվ որոշվեց, որ հենց ներկա գտնվողներին բաժանեն մանր խմբերի,

երկու-երեքական մարդկանցով, և գնան ճակատամերձ գյուղերը, բնակչությանը համոզեն մնալ տեղերում ու հնարավոր ամեն ինչով օգնեն ռազմաճակատին:

\* \* \*

\*

Հաջորդ օրվա՝ ապրիլի 22-ի առավոտյան Լեբեդինսկին գնաց Նազարբեկովի շտաբը՝ տեղեկանալու, թե գիշերն ի՞նչ է արվել երեկվա որոշումն ի կատար ածելու համար, տեսավ Հայկական կորպուսի հրամանատարը փլված իր հնամենի գրասեղանի ետեվին, հայհոյում է հայերեն (այդ էր նրա իմացած ամբողջ հայերենը): Հետո վնասված աչքի «կրակոցներով» հաղորդեց, որ թողել, գնացել են:

— Ո՞ր են գնացել, — ոուս զորավարը չէր հավատում ականջներին:

— Էլ ո՞ր պիտի գնային, Թիֆլիս: Պատկերացնո՞ւմ եք, — ասաց Նազարբեկովը և հայերենի իր իմացությունը մի հիշոցով էլ հաստատեց:

— Ահա թե ի՞նչ, — ծանր հոգոց հանեց Լեբեդինսկին: — Բայց նրանք ցուցակ էին կազմում: Ես տեսա, որ ավելորդ է իմ ներկայությունը, հեռացա:

— Նրանք այդ ցուցակի վրա էլ վիճեցին, կովեցին և անմիջապես գնացք նստեցին ու հա՛յ-դա՛:

Քիչ հետո համհարզը զեկուցեց, որ կորպուսի հրամանատարին տեսնել է ուզում կապիտան Ալեքսանդր Շնեուրը: Դռների արանքում երևաց բարձրահասակ, շեկ գերմանացին, ուսական բանակի հնաբնականներից մեկը, որ հմուտ կապավորի համբավ ուներ և աչքի էր ընկնում բժախնդրության հասնող ճշտապահությունը: Շեմին տնկեց ձիգ իրանը, աջ ձեռքը կտրուկ տարավ դեպի ականջը և, Նազարբեկովի կողքին տեսնելով զորավար Լեբեդինսկուն, խանդավառ բացականչեց.

— Ա՛, գեներալ, ողջունում եմ ձեզ:

Նազարբեկովը գիտեր նրանց մտերմության մասին և չզարմացավ, որ անմիջապես իրար գիրկ նետվեցին դիներալն ու կապիտանը: Լեբեդինսկին գրկել էր նրան ու թիկունքն էր թփթըփացնում:



— Որքան սուրախ եմ, որ քեզ ողջ-առողջ եմ տեսնում:— Ապա ազատելով իր հաղթ ձեռքերից, նստելու տեղ առաջարկեց դիմացը, հարցրեց.— Ուրեմն, հենց ճակատի՞ց ես գալիս: Ի՞նչ կա այնտեղ: Փոմա Իվանիչ, դո՞ւք եք կանչել:

— Նոր նշանակում ունի. պիտի մնա այստեղ՝ շտաբում,— անտրամադիր հաղորդեց կորպուսի հրամանատարը՝ երևի հասկացնելով, որ ներկա իրադրություն մեջ այդքան քնարական զեղումն էլ բավական էր:— Կապիտանը վաղվանից այստեղի շտաբում կլինի:— Ապա դառնալով Շենուրին՝ հարցրեց.— Ձեր կապի կայանն է՞լ եք բերել: Բայց չէ՞ որ կարգադրված էր:

— Կայանի մասին ոչինչ չեն ասել, պարոն գեներալ,— արդարացավ կապիտանը:— Այն փոխադրել կարելի է նաև գրաստներով. մի քանի ըոպիում բաժանում ենք մասերի և արդեն պատրաստ է փոխադրելու համար: Կարելի է հենց հիմա կապվել իմ շտաբի հետ:

\* \*  
\*

Միկիտանչի Գևոյի նկուղի ծայրին, հաճախորդների աչք ուսկանչից հեռու, կար մի ծածկած անկյուն, որ գինետան տերը պահում էր ամենաթանկագին հյուրերի համար: Գիներալ Լեբեգինսկին մի քանի անգամ արժանացել էր այնտեղ ճաշելու պատվին, սակայն միշտ էլ՝ տեղացի ուղեկիցների հետ: Հիմա նա Շենուրի հետ ուզում էր նախաճաշել և, թեկուզ շատ էլ վստահ չէր, թե վարպետ Գևոն իրեն նորից կարժանացնի այդ բարձր պատվին, չզարմացավ, երբ ժեր միկիտանչին գլխաբաց ընդառաջ եկավ, հյուրամեծար քաղցրությամբ ներս հրավիրեց և տարավ, նստեցրեց մեկուսացված անկյունում:

Երկար սեղանը ծածկված էր նախշազարդ, մաքուր սփռոցով: Աթոռների տեղ էին ծառայում ուզիզ հատած կոճղերը, որոնց երեսները շողում էին հայելու պես: Պատերից մեկի վերին կեսը բռնում էր բազմակերպար մի յուզաներկ նկար, որի կենտրոնում Մեսրոպ Մաշտոցն ու Սահակ Պարթևը հայոց գրերն են ցույց տալիս Վոամշապուհ թագավորին և երկրի մյուս մեծերին:

Վարպետ Գևոյի հպարտության առանձնահատուկ առարկան էր այդ նկարը: «Վարդգես Սուրենյանցն իբ սեփական ձեռքով է

նախշել», — սիրում էր ներկայացնել այնպես իւր նամոտաց, ոնց որ իր նկարածը ցույց տար:

Այս անգամ նա հյուրերին ներս տարավ և, նրանց հտակից ինքն էլ ներսում հայտնվելով, հանկարծ իրարով անցավ, սկսեց կոճղերը տեղաշարժել, սփռոցն աջ ու ձախ քաշել և հասցրեց անկյունից դուրս թոցնել մի փայտ, որի կեսին սպիտակ սավան էր փաթաթված: Վերջինս շվրիպեց գեներալի աչքից: Աչքով արեց կապիտանին և խորամանկ հարցրեց.

— Տեսա՞ր:

— Ի՞նչ էր, բան չհասկացա, — ողորկ կոճղին նստելով՝ ուսերը թոթվեց Ալեքսանդր Շնեուրը:

— Սպիտակ դրոշակ էր... Կարող է պետք գալ:

Կապիտանն ուզում էր ինչ-որ բան ասել, խոսքը բերանում մնաց, որովհետև ներս մտավ Գևոն և, շարելով տեսակ-տեսակ սղանդակներն ու տաք լավաշը, հարցրեց՝ ի՞նչ են խմելու թանկագին հյուրերը: Գեներալը հայացքով հարցրեց ընկերոջ կարծիքը և որոշակի ոչինչ չլսելով՝ ասաց.

— Գուցե մի քիչ օղի: Մեկական գավաթը չէր խանգարի:

— Ի՞նչ մարդիկ են՝ չես էլ հասկանում, — վարպետ Գևոյի գնալուց հետո զարմացած խոսեց կապիտան Շնեուրը: — Մեկը ճակատում թուրքի բեմ կոխվ է տալիս մինչև վերջին շունչը, մյուսը նախօրոք ճերմակ դրոշ է պատրաստել նույն թուրքին դիմավորելու համար:

— Երեկ էլ գնդապետ Փիրումյանն էր գանգատվում, — հարեց գեներալը:

— Նա է՞լ այստեղ էր, էրզրումի հերոսը: Մենք հին բարեկամներ ենք:

— Ո՛չ, քո բարեկամը Դանիելրեկ Փիրումյանն է, որին ինքս եմ ներկայացրել գեներալի կոշման, հաստատել են, սակայն իր բախտից ճանապարհները փակ են, և դեռևս տեղ չեն հասել տարբերանշանները:

— Օ՛, նա վաղուց արժանի էր այդ կոշումին, վաղո՞ւց:

— Երեկվա խոսողը նրա ազգականն էր, գնդապետ, անունը՝ Պավելրեկ: Հայերը Պողոսրեկ են ասում: Նրա մասին էլ ես միայն լավ բաներ եմ լսել, — տեղեկացրեց գեներալը: — Եվ երեկ նա վրդովված էր, որ իր հայրենակիցները փախչում են թշնամու

առաջ կամ սպիտակ դրոշ են պարզում և աղուհացով են դիմավորում թուրքերին:

— Իսկ դիտե՛ք՝ դա ինչպիսի հուսալքության է մղում կովոդներին, — ցավով արձագանքեց Շենուրը: — Եթե ինքս լինեի որոջողը, խստագույն պատժի ենթարկել կտայի այդպիսիներին:

— Հե՛շտ է ասել, — նրա հետ համաձայն չէր գեներալը: — Իսկ ո՞վ է նրան մղել այդ քայլին, որ ուրիշ պարագաներում ինքս էլ կհամարեի դավաճանություն: Ո՞ր մահականացուն կհանդուրժեր այսքան փորձությունները, որոնցով մենք ենք ստուգում նրա համբերությունն ու դիմացկունությունը:

Գեներալը երկար տարիներ աշխատում էր կովկասում: Իբրև քաղաքակիրթ երկրի ներկայացուցիչ՝ նա իր պարտքն էր համարել այդ ընթացքում ծանոթանալ երկրամասի բնիկների կյանքին ու պատմությանը: Սակայն հայ ժողովուրդը, Հայաստան աշխարհը, այդ աշխարհի ճակատագիրը հազարամյակների մեջ՝ նրա այս պաշտոնական հետաքրքրության ոլորտից դուրս էր ու վեր, Ռազմական ծառայությունից առաջ, երբ Պետերբուրգի համալսարանում բանասիրություն էր ուսումնասիրում, ուսուցչապետ Նիկողայոս Մառը նրա հոգու խորքը նետեց համակրանքի ու հարգանքի կայծն այն ազգի հանդեպ, որը հինավուրց ժամանակներից ի վեր ծառայում է լույսին ու բարուն: Իսկ այստեղ, կովկասում գտնվելու տարիներն արդեն նրա մտերիմները և ուղեցույցներն էին նույն Մառն ու նրա հայ աշակերտներ Հովսեփ Օրբելին, Նիկողայոս Ադոնցը, Մառի գործընկերներ Թորոս Թորամանյանն ու Գարեգին Հովսեփյանը: Նրանց հետ Անիի պեղումներին էր զնում որպես մշակութային հնությանց սիրահար: Ախթամարի բարձրաքանդակների առաջ ժամերով կանգնել էր հմայվածի նման: Վանի արքաների բևեռագրերի հետքերով ճանաչել էր այդ ժողովրդի մեծագործությունները՝ կատարած մի դարաշրջանում, երբ նրա թշնամիներն աշխարհում չէին էլ հայտնվել նույնիսկ իբրև վայրենիներ: Եվ պետերբուրգյան կայծը տարածվել, դարձել էր մի կրակ, որը միշտ բորբոք էր նրա սրտում: Մի անգամ, երբ նա դեռևս կովկասյան շտաբի պետն էր և ոչ թե ճակատի գլխավոր հրամանատարը, ռազմական մինիստրություն էին հրավիրել՝ ռազմաճակատի առաջնահերթ խնդիրները ճշգրտելու համար, նա հենց մինիստրի ներկայու-

— Թուրքերը կտորել են հայ ժողովրդի արևմտյան հատվածը և այժմ էլ գալիս են արևելյան մասի վրա, որ մեր հպատակության տակ է: Մեր ամենաառաջնահերթ խնդիրն է փրկել այդ ժողովրդին:

Մինիստրը կեբեդինսկու առաջարկությունը համարել էր «քարի զգացումների պոռթկում»:

— Իմ շտաբի պետը պարտավոր է ամենից առաջ հետապնդել իր կայսրության շահերը, — խորհուրդ է տվել նա, — և ոչ թե առաջնորդվել սեփական հոգու տատանումներով:

— Իմ առաջարկությունը, պարոն մինիստր, բխում է նաև կայսրության շահերից...

Գններալը փորձեց բացատրել: Սակայն մինիստրը կտրուկ լռեցրեց նրան՝ հանձնարարելով.

— Միայն և միայն կայսրության շահերը...

Կեներալ կեբեդինսկին Կովկասյան ճակատի հրամանատար նշանակվեց այս հանձնարարությամբ, սակայն Կովկաս վերադառնալով՝ մնաց իր համոզման տերը:

Նրան, իհարկե, լավ էր ճանաչում նաև իր բարեկամ Շնեուրը, որի հետ կապված էր ոչ միայն ռազմական բարձրագույն դպրոցի ուսումնակցությամբ, այլև համոզմունքներով, որոնք ստուգելու բազմաթիվ առիթներ են եղել: Շնեուրի համար կեբեդինսկին փորձաքար էր, որի վրա ստուգում, ճշգրտում էր իր կարծիքները: Եվ հիմա նա զարմացած էր, թե ինչու՞ զններալն արդարացնում է մի արարք, որը միայն արգահատանքի է արժանի:

— Մենք եկել, կովում ենք իր իսկ թշնամու դեմ, իսկ նա փեշի տակ սպիտակ դրոշ է պահում սև օրվա համար:

— Կովում ենք, — իբր անտարբեր՝ առաց զններալը: — Կովում ենք, բայց վաղն էլ կթողնենք-կզնանք, և ինքը կմնա միայնակ ու անօգնական: Երբեք մտածե՛լ ես այս մասին: Հիշի՛ր, թե մենք, հենց մենք ինքնե՛րս վերջին հիսուն տարում սրանց համար քառի՛ սահման ենք դժել, քանի՛ անգամ ենք իրենց երկրի եզրագիծը տարել հարավ, մեկ էլ քաշել հյուսիս, ավելի՛ հյուսիս... Գուցե դա մեզնից շատերի համար սոսկ նշանակում է քարտեզի վրա մի գիծ շնչել և քաշել մի նոր գիծ... Իսկ նրանց համար, նրանց, որ այս երկրի հին ու օրինավոր տերերն են, դա ոչ թե գիծ է, այլ ահավոր ճեղքվածք, որ անցնում է մարդկանց սրտի

միջով, իրենց տան ու ընտանիքի միջով, ազգի ճակատագրի վրայով: Ահա այս տարբերութիւնն է, որ մենք հաճախ շենք էլ հասկանում:

Կապիտանին համողիչ թվաց այդօրինակ բացատրութիւնը, սակայն մտքին շէր նստում, թե դասալքութիւնը կարող է ունենալ արդարացում: Դրա համար էլ գեներալը վերստին դարձավ վերջին հիսնամյակի պատմութեանը, նույնիսկ սեղանի վրա փորձեց մատով ցույց տալ Կովկասյան ճակատի գիծն իր տարբերակներով:

— Քե՞զ պիտի բացատրեմ, որ երբ թուրքին զիջել ենք մեր նվաճած, հայերի օգնութեամբ ու խանդավառ ընդունելութեամբ չբաղեցրած երկիրը և ետ ենք նահանջել, թուրքն առաջ է եկել մահ ու ավեր տարածելով: Մենք ենք նորից առաջ շարժվել, նա ինքը ետ է քաշվել՝ դարձյալ մահ ու ավեր սփռելով: Եվ այս ամենը կատարվել է հայի գլխի վրա, նրա հողում, նրա տանը, Հասկանո՞ւմ ես...

Վարպետ Գևոն եկավ խորովածի անուշ ճենճերահոտով, թարխունի ու անանուխի, համեմի ու կոտեմի զգլխիչ բույրերով և ձեռնածուի շարժումներով ուտելիքները շարեց սեղանին, իր ձեռքով ճոռնիկից օղի լցրեց գավաթների մեջ, մի գավաթը բարձրացնելով՝ վարժ ուսերեն ասաց.

— Ձեր թանկագին առողջութեան կենացը, պարոն գեներալ, նաև ձեր, պարոն կապիտան,— նա գլուխ տվեց նախ գեներալին, ապա կապիտանին:— Այսօր ինձ համար մեծ պատիվ է, շա՛տ մեծ պատիվ: Կերեք-խմեցեք, ես ձեր խոնարհ ծառան... Ներող կլինեք,— և աչքով խորամանկորեն ցույց տվեց այն տեղը, ուր կից սպիտակ սավանով փաթաթված փայտն էր տարել:

Վարպետ Գևոն իր հաճոյախոսութեան ամբողջ պաշարը պարպեց, գնաց, և «թանկագին հյուրերը» գավաթներն իրար զարկեցին:

— Մեր առողջութեան համար,— համարյա միաբերան մաղթեցին նրանք:

— Երևում է՝ ականջ է դրել,— օղին կուլ տալուց հետո նկատեց Շնեուրը:

— Անկասկած,— ասաց գեներալը՝ խորովածի մի համեղ կտոր բերանը տանելով: Ապա մտածեց մի պահ և հիշեց.—

Աշխարհում շատ կան ազգեր, որոնց պատմութեան բազմաթիվ

էջեր գրվել են արյամբ: Իսկ այս հայերը հենց արարչագործութեան սկզբից դրված են եղել Արևելքի ու Արևմուտքի ճամփաբաժանի վրա, և բոլոր մեծ նվաճողներն իրենց սրի ուժը նրանց վրա են փորձել:

Շնեուրի մտքով անցավ ասել, թե ինքը հպարտ է, որ կովում է հայ ազգի փրկութեան համար: Սակայն մեկ էլ հրկնչեց այդ բարձր խոսքից և, գավաթներն օղի լցնելով, իր գավաթը բարձրացրեց:

— Աստված բարին կատարի,— մաղթեց նա հուզված սրբառով:— Ձէ՞ որ լինելու է վերջին ահեղ դատաստանը...

Գեներալն իր գավաթը բարձրացրեց և զարկեց Շնեուրի գավաթին.

— Դու բաց ճակատով պիտի դնաս վերջին ահեղ ատյանին,— խոսեց նա:— Դու և բոլոր նրանք, որ մասնակից են այս ճակատամարտին:— Ապա մի փոքր դադարից հետո հիշեց.— Ուիլիամ Գլադստոնն է ասել, թե ծառայել հայ ազգին նշանակում է ծառայել քաղաքակրթութեանը:

\* \* \*

\*

Պահպանվել է Ալեքսանդրապոլի անկման ականատեսի հիշատակարանը, որն այստեղ եմ դնում՝ նախապես կատարելով միայն լեզվա-ոճական թեթև շտկումներ:

«Բախտորոշ մայիսի 15-ի նախընթաց քսան օրը թուրքերը նստած էին Արաքսի մյուս ափին և ոչնչով չէին մատնում իրենց անհազուրդ ախորժակը: Հակառակը, բարեկամութուն էին խաղում. մեր հրամանատարներից էին հյուր կանչում, պատիվներ էին տալիս, մեկ-մեկ էլ իրենք էին հյուր գալիս Ալեքսանդրապոլ: Եվ ամեն անգամ երդում-հավատ էին անում, թե իրենց հոգսը 1877 թվականի ուս-թուրքական սահմանի վերահաստատումն է եղել՝ Արդահանի, Կարսի ու Բաթումի մարզերի վրա իրենց տիրապետութեան տարածումը: Հաստատել են այդ սահմանը, պըր-ծա՛վ, հիմա հայերի ու մյուս կովկասցիների հետ ազնիվ հարե-վանութուն պիտի անեն:

Մենք գիտենք, որ եթե թուրքն ազնիվ հարևանութուն անելու ցանկութուն ունենար, իր սահմանը պիտի դներ Բիթլիսից ու

Մուշից, Արաբկիրից ու Սեբաստիայից հարավ և հետո միայն հարևանի իրավունքով խոսեր այդ սահմանից այս կողմ ապրող հայության հետ: Արևմտահայությանը շարդելուց հետո, նրա կենդանի մնացած փշրանքներն աշխարհով մեկ տարագրության քշելուց հետո, Արաբսի ափին նստած՝ սա ի՞նչ տեսակ հարե-վանություն պիտի անի Արարատյան երկրում ու շրջականերում կուշ եկած հայության հետ, որն այլևս հնարավորություն չունի իր ֆիզիկական գոյությունը պահպանելու, ո՞ր մնաց, թե ուժ գտներ իր մեջ՝ թուրքին Արաբսի ափից դեն շարտելու համար:

Սակայն մեր ճա՛րն ինչ էր. երբ չէինք կարող ուժով վճռել նվաճած հողերից, պիտի ձևացնեինք, թե հավատում ենք նրա հուշակած հարևանությանը և աշխատեինք գոնե այնպես անել, որ Արաբսը շանցնի:

Աչքաբաց մարդիկ ասում էին. «Այս փոխայցելությունները նրա համար են կատարում, որպեսզի լավ ծանոթանան Ալեքսանդրապոլի ծակուծուկերին: Չէ՞ որ քաղաքի ամրությունների մասին այն օրերի գյումրեցիները մեծադղորդ առասպելներ էին տարածել: Իսկ Բաթումի խորհրդածողովից էլ ստույգ, թե կասկածելի լուրեր էին գալիս, թե թուրքերն ուզում են տիրանալ Ալեքսանդրապոլ-Ջուլֆա երկաթգծին:

Այսուհանդերձ, Ալեքսանդրապոլում տարածված այս ճիշտ թե փուշ լուրերը ոչ ոքի չէին անհանգստացնում: Մարդիկ մտածում էին, որ քաղաքային դումայի նախագահը, այսինքն՝ Ալեքսանդրապոլի քաղաքագլուխը, հուշակավոր քաղաքագետ Ալեքսանդր Խատիսովն է և նա էլ Բաթումի խորհրդածողովում հայկական պատվիրակությունն է ղեկավարում: Դրանից էլ հարմար առի՞թ, որ նա այնտեղ պաշտպանի իր քաղաքի ու իր ազգի շահերը: Թող պաշտպանի, ինչպես վայել է հուշակավոր քաղաքագետին և պետական գործչին ու դիվանագետին...»:

Այստեղ ես ընդհատում եմ Ալեքսանդրապոլի անկման ակա-նատեսի հիշատակարանը, որովհետև նա ակնարկում է Բաթումի խորհրդածողովի մասին, առանց լուրջ տեղեկություններ ունենա-լու վերջինիս ընթացքից: Մինչդեռ պահպանվել են խորհրդածո-ղովի փաստաթղթերը և, մանավանդ, մասնակիցների գրառում-ները, որոնք և լույս են սփռում թուրք նվաճողների քաղաքակա-նության այն հատվածի վրա, որը վերաբերում է-Ալեքսանդրա-պոլի նվաճումին:

Ճիշտ այդ ժամանակ Բաթումում հաշտութեան խորհրդաժողով էր ձգվում մի կողմից Թուրքիայի պատվիրակութեան, մյուս կողմից՝ Անդրկովկասյան միացյալ կոչված կառավարութեան երեք բաղկացուցիչների՝ վրաց մենշևիկների, հայ դաշնակցականների և ադրբեջանցի մուսավաթականների միջև:

Խորհրդաժողովն իբր թե տեղի ունեւր: Սակայն կողմերը չէին ժողովվում, կարծիքներ չէին փոխանակում: Թուրքական կողմը դեռևս ապրիլին անդրկովկասցիներին էր ներկայացրել իր վերջնագիրը և պատասխան էր պահանջում: Սրանք էլ, երեք թև՝ երեք տարբեր շահերով ու նկատառումներով, չէին կարողանում ընդհանուր եզրակացութեան գալ, աշխատում էին տարրեր կողմերից մոտենալ վերջնագրին, տարբեր կերպ շքեւ նրա վրայով:

Անդրկովկասյան կառավարութեան պատվիրակութիւնը տեղավորված էր ժովափնյա «Բել վյու» հյուրանոցում, որի սենյակներն իրենց նախշաղարդ փոքրիկ պատշգամբներով ծովահայաց էին, և խաղաղութեան պատվիրակները գոնե հնարավորութիւն ունեին դիտելու հին Պոնտական ծովի խաղաղութիւնը:

Օրը մի քանի անգամ անձրև էր գալիս: Բաթումն իր խոնավ տարերքի մեջ էր: Հյուրասենյակներում տեղաշարժերը քարի ծանրութիւն էին ստացել, և հյուրերը գանգատվում էին հողացավերից ու ծանր-ճնշող տրամադրութիւնից:

Օրերը երկարում էին տարտամ ու ձանձրալի ընթացքով, սակայն Թուրքական պատվիրակութիւնը ի մի չէր հավաքվում, որպեսզի սկսվեն բանակցութիւնները:

Անգործութիւնից ու հեռանկարի անորոշութիւնից զզված էր հայ պատվիրակ Հովհաննես Քաջազնունին, որն անանձրև ժամերն անց էր կացնում պատշգամբին, ճոճաթոփ մեջ ընկրղմած, իսկ մնացած ժամանակը՝ անկողնու վրա պառկած: Իրար հանգուցած թաթերը գլխատակին՝ մտորում էր լուռ, բանակցութիւններին ներկայացնելիք հաշկական պահանջներն էր մտովի քննում ու վերաքննում և մխիթարական բան չէր գտնում, քանի որ ուղմաճակատից գալիս էին միայն ցավալի լուրեր, որոնցից չէր կարելի չեզրակացնել, որ Թուրքերն այստեղ իրենց պարզապես առել են ծուղակի մեջ և ճակատում իրենց գործն են առն-



նում: Հայ պատվիրակներից միայն Ալեքսանդր Խատիսովն էր, որ իրեն չէր կորցնում: Առավոտից մինչև ուշ գիշեր հանդիպումների մեջ էր: Վրաց խմբի ղեկավար Չխենկելին, որ հին ծանոթներից էր, հաճախ էր ընդունում նրան, լսում, զրուցում հետը՝ միշտ էլ, սակայն, զգուշորեն շրջանցելով այն հարցերը, որոնք իր ազգակիցների խմբի առաջիկա ծրագրերին էին վերաբերում: Բանն այն չէր միայն, որ Չխենկելին բնությամբ ծածկամիտ էր ու այդ ծրագրերի շատ կետերի մասին չէր խոսում նույնիսկ իր ազգակիցների հետ: Նա գործնական մարդ էր և ճակատից ստացվող լուրերով ու Թիֆլիսի հետ ունեցած հեռախոսազրույցներով իր համար պարզել էր, որ հայերի վիճակն օրհասական է, հետեւաբար և՛ անիմաստ, նույնիսկ վտանգավոր է նրանց հետ լուծ քաշելը: Եվ այս համոզմունքով էլ մտածում էր, թե որքան ծիծաղելի է Խատիսովի դերը. մեկ վրացիների մոտ է վազում, մեկ փորձում է գերմանական պատգամավորության ղեկավար գեներալ Ֆոն Լոսովին ներքաշել հայոց. շահերի պաշտպանության մեջ, նույնիսկ Բաքվից եկած մուսավաթականների հետ էր լեզու թափում, չնայած պարզ/ց էլ պարզ էր, որ վեչչի՛նները երազում են օր առաջ տեսնել Օսմանյան դրոշի ծածանումը Կովկասի վրա: «Ի՞նչ է պատեպատ զարկվում այս հայը, — Խատիսովի հեռանալուց հետո Չխենկելին էր մտածում: — Մի՞թե իրեն քաղաքական բանիմաց գործիչ համարողը չի կարողանում հասկանալ մի պարզ հաշիվ. հայության նավը խորտակվում է: Իսկ խորտակվող նավի մկներն անգամ հասկանում են, որ պետք է փախչել, գլուխ պրծացնել»:

Մայիսի կեսերին «Գյուլ Զեմալ» նավով Բաթում ժամանեց Օսմանյան կայսրության ծովային նախարար Զեմալ փաշան՝ Իթթիհատի եռապետության (Թալեաթ-էնվեր-Զեմալ) կարևոր անդամը: Ինչպես և նրանից մի քանի օր առաջ Բաթում եկած էնվերը, սա ոչ մի անելիք չունի խորհրդածողովում, սակայն ժամանեց և անմիջապես էլ տեսակցություն ունեցավ Անդրկովկասյան պատվիրակության հետ:

Հանդիպումը տեղի պիտի ունենար հենց «Բել վյու» հյուրանոցում: Սակայն մինչ այդ ծովային նախարարն այցելեց քաղաքի ռազմական կետերը: «Հյուրերի» վրա ազդեցիկ տպավորություն թողնելու համար այս ու այնտեղ ընդունեց զորամասերի

աղմկոտ գեկույցները և նոր միայն հասավ հյուրանոց: Անդրկովկասյան պատվիրակութեան բաւոր անդամներն ընդառաջ էին ելել՝ արժանանալու նրա բարյացակամ ողջույնին: Շքամուտքի առաջ աջ ու ձախ կանգնել էին գլխահակ, երբ նա ցած իջավ մեքենայից և թիկնապահներին ու ղինվորական, բարձրաստիճան պաշտոնյաների ուղեկցութեամբ սրբնթաց անցավ ղիմավորողների շարքերի միջով:

Կարճահասակ մարդ էր այդ Ջեմալ փաշան, կուրծքը դուրս ցցած, լայնամորուք և ղինվորական շքեղ հագուստի մեջ երևում էր իբրև պճնված մի խրտվիլակ:

Հյուրանոցի սրահում դրված երկար սեղանի շուրջ իսկույն տեղավորվեցին պատվիրակութունները, և սեղանի գլխին բազմելով՝ Ջեմալը հայացքը շուտ տվեց ներկաների վրա: Նրան շատ մոտիկ, ամենապատվավոր տեղերում նստել էին մուսավաթականները: Սրանցից հետո կովկասյան լեոնականների ներկայացուցիչներն էին տեղեր գրավել: Ապա վրացիներն էին, վերջին ամրոններին՝ հայերը:

Բազկաթոռի վրա ծուռ նստած՝ Ջեմալ փաշան հին ծանոթի մտերմութեամբ գլուխ տվեց հավատակից մուսավաթականներին, և նրանք իսկույն ոտքի ելան, ժպտադեմ ծալծվեցին փաշայի սիրալիր հայացքի առաջ: Լեոնականները ևս անմասն չմնացին Ջեմալի սիրալիրութունից: Կողքին նստած թարգմանի՞չը, թե՞ խորհրդատուն նրա ականջին ինչ-որ բան փսփսաց, և նա մի ծուռ կիսաժպիտով պատասխանեց Վրաստանի պատվիրակների գլուխ տալուն: Երբ հերթը հասավ հայերին, Ջեմալը կտրուկ փոխեց դիրքը: Հայացքն այնպես ծուռ էր ու արհամարհական, կարծես հարցնելիս լիներ. «Դուք դեռ գոյությո՞ւն ունեք այս աշխարհի երեսին»: Համոզվելով, որ գոյություն ունեն, և, ահա՛, որպես Անդրկովկասյան կառավարութեան պատվիրակներ նստած են իր ղիմաց, իր երկրի հետ բանակցություններ վարելու են եկել, կապտեց-սևացավ, երեսը շրջեց, սկսեց ջղային մատներով թկթկացնել սեղանը:

Ջեմալին այդ վիճակից հանեց հալիլը, որ նրա ականջի տակ փսփսում էր: Մովային նախարարը տեղից վեր կացավ խրոխտորեն, աքլորավարի և, իբր թե, մոռացած տհաճ միջադեպը, սկսեց ողջունել պատվիրակութեան մասերին առանձին-ա-

ուանձին ու այն հերթականութեամբ, որով իր հայացքներն էր բաշխել:

— Թուրքերը և ադրբեջանցիները եղբայր-բարեկամներ են, — դիմելով իր դիմաց նստած Ռասուլ-զադեին ու նրա հարևաններին՝ շերմորեն խոսեց Զեմալ փաշան: Նրա աչքերը փայլում էին խանդավառութունից: — Մենք նույն մոր զավակներն ենք, նույն լեզուն ու հավատն ունենք և նույն նպատակը: Ճակատագրի պատահական դիպվածներով բաժանվել էինք իրարից և ահա նույն ճակատագրի բարյացակամութեամբ պիտի միանանք իրար: Մենք անպայման կմիանանք, կստեղծենք մեր միասնական ու հզոր տերութունը, և ոչ ոք չի կարող խանգարել մեր միասնութեանը: Ո՛չ ոք և ո՛չ մի ժամանակ...

Ադրբեջանցի մուսավաթականները ոգևորութեամբ ծափահարեցին նրան: Ռասուլ-զադեն՝ մուսավաթական պատվիրակութեան ղեկավարը, նստած տեղում վեր-վեր էր թռչում: Զեմալը ձեռքն առաջ պարզեց մարտականորեն, և ադրբեջանցիները հարևան վրաց մենշևիկներին նայելով՝ ակամա դադարեցրին խանդավառ ծափողջույնը:

— Մենք Անդրկովկասում ոտք ենք դնում որպես կարգ ու կանոն հաստատողներ, — Զեմալն այսպես շարունակեց իր ճառը: — Բավական է որքան աստծու ծրից ելածներն այնտեղ սերմանեցին մահ ու թշնամութուն: Բայց, առաջին հերթին, մենք այնտեղ պետք է ազատագրենք մեր ազգակիցներին: Եվ մեր մեծ ու փոքր թշնամիները թող լավ իմանան, որ հենց սա էլ մեր գլխավոր նպատակն է:

Զեմալը դեռ հետույքն աթոռին շէր դրել, որ տեղից վեր կացավ Հյուսիսային Կովկասի ու լեռնական ազգությունների պատվիրակ Հեյդար Բամաթը: Նրան թվում էր, թե Օսմանյան կայսրության բանակներն այդ պահին եկել-դեմ են առել Կովկասյան լեռնաշղթային և այլևս ոչ մի քայլ չեն անելու դեպի հյուսիս: Աղաշանքի իր խոսքը նա Զեմալին ուղղեց թուրքերեն.

— Արդար վեզիր, ալլահի ուղարկած փրկարար, Գափգազը Մահամմադի որդիների տունն է, և մենք՝ լեռնականներս, որ միշտ էլ Օսմանյան թագավորութեան ազնիվ բարեկամներն ենք եղել, այսօր չպետք է դուրս մնանք ձեր ուշադրութունից: Գափգազը մի մեծ ու համբերաշխ պետութուն պիտի դառնա՝ հայր Օստոմանի գավազանի ներքո...

Զեմալը գլխով հավանութեան նշաններ էր անում և սիրալիր հայացքով հուսադրում ռազմաշունչ լեռնականների պատվիրակին:

Քաջազնունին, որ Խատիսովի ձախ թևում էր նստած, նրա ականջին շնչաց.

— Այս ի՞նչ է կատարվում, մարդ աստուծո՛ւ:

Խատիսովը միայն ուսերը թոթվեց: Նա գիտեր, որ նախորդ օրերին ադրբեջանցիներն ու լեռնականները, իրենցից ու վրացիներից գաղտնի, հանդիպումներ են ունեցել Թուրքիայի պատվիրակութեան անդամների հետ:

Երբ «Գափգազի» մահմեդականության ներկայացուցիչներին ու Զեմալի սիրաբանությունն ավարտվել էր, և Եռապետության անդամը գոհունակությամբ շոյում էր լայն, թիանման մորուքը, Չխենկելին ելույթի իրավունք խնդրեց և տեղից բարձրացավ, սակայն այնպես խոնարհ ու ձգված դեպի Զեմալը, որ թվում էր, թե գնում է համբուրելու նրա ձեռքը՝ սեղանի վրա թրի պես մեկնված դեպի պատվիրակները: Անդրկովկասյան կառավարական պատվիրակության ղեկավարը լորձնաշուրթ գովեց Օսմանյան կայսրությունը, այդ կայսրության հզորությունն անվերջ ամրապնդող պարոն նախարարին, ապա, մոռանալով, որ ինքը Անդրկովկասի ֆեդերատիվ հանրապետությունն է ներկայացնում, միայն Վրաստանի համար խնդրեց խաղաղություն և բարեկամական հարաբերություններ:

Ակակի Չխենկելու ելույթի ամեն նախադասությունը հաստատվում էր Զեմալի գլխի մի շարժումով: Պարզ երևում էր, որ վրաց ղեկավարի խոսքերը նրան դուր են գալիս: Եվ սա ավելի էր խորացնում հայերի վիճակի անորոշությունը:

— Վրաստանը դարերի ընթացքում ապացուցել է, որ իր համար թանկ է Թուրքիայի բարեկամությունը, և այսօր էլ մենք այստեղ ենք հավաքվել այդ բարեկամությանը տալու պետական ապահովություն,— Չխենկելու վերջին այս խոսքերն էլ Զեմալը հաստատեց գլխի մի քանի շարժումով, և, ի նշան համերաշխության, ասաց.

— Ես տեսնում եմ, որ գյուրջիների հետ մեր զրույցը հաճելի հունով է գնալու,— այս բառերը նա արտաբերեց հանդարտ ինքնավստահությամբ, հայացքը դարձնելով աչ ու ձախ, ուր Վեհիբն ու Խալիլն էին նստած: Իր եզրակացության տպավորությունն

ստուգելով նրանց սառը դեմքերին, Ջեմալն անմիջապես էլ ավելացրեց.— Իհարկե, գարերի պատմությունը մեզ տվել է ոչ միայն ուրախանալու առիթներ, եղել են նաև ցավալի միջադեպեր, որոնց փորփրելն այսօր մեզ կշեղեր ուղիղ ճանապարհից: Կարևորն այն է, որ մենք հիմնականում հավատացել ենք իրար և այսօր էլ, հուսով եմ, առիթ չունենք հիասթափվելու: Ես համոզված եմ, որ Օսմանյան կայսրության և հյուսիսային հարևան Գյուրջիստանի փոխըմբռնողությունը պիտի լինի լիակատար ու հաստատու:— Այստեղ Ջեմալը կանգ առավ մի փոքր, մռայլվեց, մռայլ հայացքը հառեց հայ պատվիրակների վրա և շարունակեց.— Այո՛, գյուրջիների բարեկամությունը ես հավատում եմ... Ինչ որ չէի կարող ասել հայերի վերաբերյալ: Հայերը... հայերը,— երևում էր, թե ինչպիսի դժվարությամբ էր զսպում զայրույթի ու ատելության պոռթկումը, որի դեմ անզոր կուշ էին եկել հայ պատվիրակները, իսկ մյուսներն անտարբեր գլուխներն էին խոնարհել, որ շտեմենն հայերի՝ օգնություն աղերսող դեմքերը: Ջեմալը, սուր հայացքը սրահում կուշ եկած հայ պատվիրակների վրա հառած, հայերի «վայրագություններն» էր հիշում, թուրք ժողովրդի, նրա պետության և անդրկովկասյան մահմեդականության դեմ գործած «դաժանությունները», որոնք «այսօր էլ շարունակվում են»: Նա հայոց «մեղսագործությունները» թվարկելիս հատուկ շեշտեց նրանց կապը ռուսաց և բուլղարիկների հետ: Չմոռացավ անդրադառնալ նաև գեներալ Անդրանիկի գործունեությանը, հիշեց նրա «անհաշտ, ավազակային դիրքը կայսրության դեմ»: Անդրանիկի մասին խոսելիս նա արդեն զազազած էր և թուքն էր շաղ տալիս դիմացը նստածների վրա... Հետո էլ իր խոսքն ուղղելով զահլիճին՝ ասաց.— Ո՞վ չգիտի, որ մեր ու հայերի վեճը հին է և շատ աղետների պատճառ է եղել: Բայց կյանքը և վերջին տարիների դեպքերը ցույց են տալիս, որ հայը չի ուզում ոչ մի քայլ ձգել դեպի հաշտություն և անընդհատ խորացնում է այն անդունդը, որ, ի՞նչ թաքցնեմ, կարող է դառնալ նաև իր իսկ գերեզմանը:

Հայ պատվիրակների ղեկավար Ալ. Խատիսովն այս ամբաստանությունների տակ խեղճացած՝ փորձեց արդարանալ, արդարացնել իր ժողովուրդը: Նա խոնարհաբար միայն ասաց.

— Գուցե պետք է ստուգել պարոն նախագահին հասած տեղեկությունները:

— Ես դրանք ստուգելու կարիքը չունեմ, — գազազած նետեց Ջեմալը: — Նո՞ր պիտի ստուգեմ ու համոզվեմ, որ դուք միշտ էլ ոռուսի հետ եք եղել: Այո՛, նրանց բացակայութեամբ էլ նրանց հետ եք, և առիթը բաց չեք թողնում թիկունքից հարվածելու ձեր իսկական բարեբար թուրքին:

Ուրիշ պարագաներում իր ճարպկութեամբ ու ճարտարախոսութեամբ փայլող Խատիսովն այստեղ ոչինչ չգտավ պատասխանելու և, երևի կյանքում առաջին անգամ, բարվոք համարեց լռել ու հանձնվել դեպքերի ընթացքին:

\* \*  
\*

Հանդիպումն ավարտվեց, և Ջեմալն ինչպես հայտնվել էր, այնպես էլ հեռացավ հյուրանոցից՝ Անդրկովկասյան պատվիրակութեանը հանձնարարելով ամենակարճ ժամկետում պատասխանել վերջնագրին, որպեսզի հնարավոր լինի հավաքվել հաշտության սեղանի շուրջ:

Պատվիրակության խմբերն անխոս հեռացան իրենց հարկաբաժինները միանգամայն տարբեր ու ներհակ տրամադրություններով:

Քաջազնունին, առանց շորերը հանելու, մեջքի վրա պառկեց լայն մահճակալին, ձեռքերը տարածեց աջ ու ձախ և աչքերը փակ փորձում էր շմտածել ոչ մի բանի մասին: Այս դեպքում նա շատ էր նման խաչված Քրիստոսին: Այո՛, եթե հայերն էլ ունեցած լինեին իրենց Քրիստոսը, ապա նա անպայման կլիներ հայ թշվառ ազգի այս խեղճ պատվիրակի նման:

Գեղեցիկ տղամարդ էր Հովհաննես Քաջազնունին: Միջահասակ, առնական կերպարանքին շատ էին վայելում խելոք ու թախծոտ աչքերը, գլխի՝ վաղ ճերմակած թավ ու խոփվ մազերը, բեղ-մորուքը: Աշխատավորի խոշոր ձեռքերը եթե զործի չէին, խաչված էին լինում կրծքին կամ իրար հյուսված՝ հանգչում էին փորին: Այդպես նա նման էր լինում նաև հոգնատանջ մի ճանապարհորդի, որ լուռ մտորում է անցնելիք ճանապարհի մասին:

Հիմա խաչանման փովել էր մահճակալի վրա և, մտածելու, անցնելիք ճանապարհի մասին մտորելու անընդունակ, փորձում

էր իրեն անջատել այն ստորացուցիչ ու անարգական վիճակից, որին դատապարտված էին ինքն ու իր ընկերները:

Նրա ընկերները, այսինքն՝ հայկական պատվիրակութեան անդամները, երեքն էին՝ պատվիրակութեան ղեկավար Ալեքսանդր Խատիսովը, շարքային անդամ Միքայել Պապաշանովը և խորհրդական Սիմոն Վրացյանը: Սրանցից երկուսն իսկապես իր ընկերներն էին՝ նույն դաշնակցական կուսակցութեան պատկանելու հանգամանքով: Երրորդը՝ Պապաշանովը, նախկին Պետական դումայի հայ անդամը, որ ժամանակին հայտնի էր հենց դումայի նիստերում ունեցած հայանպաստելույթներով ու վճռական նախաձեռնութիւններին իր եռանդուն հրահրումով, կարծես հոգնել էր մենշևիկներին ու մուսավաթականների հետ կռիվ տալուց: Մի տարի էր, ինչ ժամանակավոր կառավարութեան նշանակած Անդրկովկասյան հատուկ կոմիտեի կազմում նրա հիմնադիր շորս անդամներից մեկն էր, որ պետք է այդ կառավարութեան բարձր մարմնի մեջ ներկայացնէր հայ ժողովուրդը: Այդ ժողովրդի մասին ի՞նչ գիտեր Հայաստանի գյուղերում երբեք ոտք չըդրած այդ շինովնիկը: Գիտե՞ր, թե ինչպե՞ս է ապրում, ի՞նչ է անում և ի՞նչ է երազում այն ժողովուրդը, որին ներկայացնելու պատիվն են վստահել իրեն: Կամ իրենք՝ պատվիրակութեան ղեկավար Ալեքսանդր Խատիսովն ու հենց ինքը՝ Հովհաննես Քաջազնունին, վերջապես խորհրդականի խորհրդավոր պարտականութեամբ օժտված Սիմոն Վրացյան—Գրուզինյանը,— մի՞թե իրենք, այդ երեքը միասին, հայ ժողովրդի վիճակին, ցավին ու բաղձանքներին շատ ավելի էին տեղյակ, քան ժամանակավոր կառավարութեան դրածոն: Զէ՞ որ այդ օրերին Հայաստան կոչվող այն բզկտված ու անվերջ քրքրվող տարածքը նրանցից հետու էր որպէս մի օտար մարմին: Խատիսովն, իհարկե, երկար տարիներ պետական բարձր պաշտոն էր զբաղեցրել՝ իբրև ցարական կառավարութեան վստահելի անդրկովկասցիներից մեկը: Բավական է ասել, որ 1909-ից մինչև 1917-ը նա Թիֆլիսի քաղաքագլուխն էր եղել, ընդ որում վերջին երեք տարին՝ նաև Կավկասի 44 քաղաքների միութեան նախագահը: Նրա մասին խոսում էին իբրև գործիմաց ու ձեռնհաս պաշտոնյայի, որը վստահութիւն է ներշնչում իր պաշտոնում: Այդ ժամանակներում նրան շա՞տ էր հետաքրքրում հայ ժողովրդի ճակատագիրը կամ նա շա՞տ էր

հիշում իր հայ լինելը: Տասնամյակներ հետո նրա դասակիցները պիտի գրեին ու թմբկահարեին, որ, երբ «Թիֆլիսն անցավ վրացիների ձեռքը, և Անդրկովկասը փաստորեն անջատվեց Ռուսաստանից», ահա այս ժամանակ միայն «իրագործելի էր նրա վազեմի փափագը՝ մտնել դաշնակցության շարքերը»:

Հետաքրքիր է, թե այդ «փափագն» ինչո՞ւ չիրագործվեց այն ժամանակ, երբ խառնուրդը գործի գլուխ էր, ազդեցիկ դեմք համաանդրկովկասյան կյանքում: Պաշտոնա՞նկ պիտի դառնար՝ հիշելու համար, որ ինքը հայ է և իր ազգին օգտակար լինելու նպատակով հարկ է «մտնել դաշնակցության շարքերը»:

Ալեքսանդր խառնուրդը մեծ գործունեություն, հասարակության աչքին երևացող լայն շրջագծով, ազդեցիկ դերակատարության համար էր ծնվել և դեռ երիտասարդ տարիներից հասկացավ, որ իրեն նեղ է գալիս իր ձեռք բերած բժշկի պաշտոնը, նետվեց հասարակական-պետական գործունեության ասպարեզ, ուր գրկաբաց ընդունեցին մի այդպիսի եռանդուն, սնդիկի պես շարժուն, գործնական, ամեն ինչ առաջադիր նպատակին ծառայեցնելու պատրաստ մարդուն: Երբ նրա թուրը, ինչպես ասում են, աչ էլ էր կտրում, ձախ էլ, նա պատճառ չունեի ամփոփվելու հայոց անձուկ միջավայրում և շփվելու նրա փշոտ հարցին: Թիֆլիսի քաղաքագլխի բարձր դիրքին ոչ իր կամքով հրաժեշտ տալուց հետո նա, ճիշտ է, ստանձնել էր Անդրկովկասյան հանրապետության ելևմտական (ֆինանսների) նախարարի պաշտոնը: Սակայն նա շրջահայաց մարդ էր և չէր կարող շտեմանել, որ այդ օրապակաս հանրապետությունը երկար կյանք չպետք է ունենա: Եվ իրեն կապեց հայկական կյանքի հետ, իր ուժերն ի սպաս դրեց ազգային գործունեության. տասնութի սկզբին արդեն Ալեքսանդրապոլի քաղաքագլուխն էր և պատրաստվում էր նոր թոհչեների, որ պիտի կատարեն ազգային կյանքում:

Ազգային գործունեությունը մի հետաքրքիր ու շահեկան կողմ ունի. գործչի անունը զնգում է ազգի բոլոր շերտերում: Ազգաշահ ու ազգապահպան գործունեությամբ է, որ ազգի մեջ անմահանում են մարդիկ: Սակայն այդ գործունեությունն ունի նաև իր տհաճ կողմերը, որոնցից մեկը պարզապես անտանելի է՝ պահանջում է նաև զոհողություններ: Դրա համար էլ Ալեքսանդր խառնուրդն Ալեքսանդրապոլի քաղաքագլուխն էր հեռակա: Չէ՞ որ այն օրերին քաղաքն ուղղակի թուրքական արշավանքի ճա-



նապարհին էր գտնվում: Դրա համար էլ խառնուկը թուրքերի կողմից իր քաղաքի գրավման լուրը պիտի առներ շատ օրեր հետո:

\* \*  
\*

Հրածեշտից առաջ Զեմալ փաշան քաղաքավարի վերաբերմունքով զարմացրեց Անդրկովկասյան կառավարութեան պատվիրակներին. նրանց հանդիսավոր ճաշկերույթի հրավիրեց իր նավի մեծ սրահը: Երբինավառ գորգերի, բազրիքների շարված ծաղկամանների և եղբայարական համագործակցութեան կոշող պատառների առատութունից շլացել էին պատվիրակները: Թուրքական նավը լցվել էր եվրոպական դասական երաժշտութեան ելեէջներով: Դեպի սրահ տանող աստիճաններին ու միջանցքներում թուրք հաճոյակատար սպասավորները շողմաբար նրանց ներս էին հրավիրում և յուրաքանչյուրին նստեցնում էին հենց նրա համար նախատեսված տեղում: Հայ պատվիրակների ղեկավար խառնուկին տարան և, ի մեծ զարմանս իր, բազմեցրին սեղանի զլխին: Երբ բոլորն զբաղեցրին իրենց տեղերը, պարզվեց, որ խառնուկը գտնվում է Զեմալ փաշայի կողքին, նրա ու դուրսը Բեհանգդին Շաքիրի արանքում: Սկզբում նրան մի պահ թվաց, թե ինքը զգայախաբութեան մեջ է նախորդ օրվա խայտառակ տեսարանից հետո, մանավանդ որ նորին մեծութեան Զեմալ փաշան, ծափահարութունների ուղեկցութեամբ իր աթոռին հասնելով, սիրալիր ողջունեց և նույնիսկ ժպտադեմ հարցրեց.

— Ինչպե՞ս եք, հալ-ահվալ նեշա՞ դիր:

Իսկ երբ նստեցին, խառնուկն աչքի տակով աչ ու ձախ նայեց կողմնորոշվելու համար: Աջում փքված Զեմալ փաշան համարյա հավասար էր իրեն և ճնշում էր սոսկ ներկայութեամբ: Իսկ ձախ թե՛ն զբաղեցնող Բեհանգդին Շաքիրը և նրա կողքին տարածված խալիլ բեյն իրենց մեծազանգված մարմիններով կողք կողքի տված փղերի տպավորութուն էին թողնում:

Խառնուկն այլալված էր շափազանց: Ուրիշ պարագաներում արագորեն ինքնագսպումի ու կողմնորոշման հասնող մարդ՝ նա էր կարողանում տիրապետել իրեն, որոշել անելիքն ու ասելիքը: Իր կտոր Շաքիրը, հակառակ ահռելի մարմնազանգվածին, փոքր

ու նվազուն ձայն ունեք և, երբ հազիվ լսելի շաղակրատում էր, հայոց պատվիրակն ստիպված էր լինում նստատեղից բարձրանալ, ձգվել դեպի հարևանի բերանը, որպեսզի ականջը որսանրա խոսքերը:

Երկարուկ սեղանի մյուս ծայրին, նրանց ուղղութեամբ, նրստած էին հայ պատվիրակութեան երկու անդամները. Քաջազնունին՝ մրկված, մթնած երեսկահատով, և կոկ ու շիկ հագնված, սակայն տեսքով ու վերաբերմունքով շրջապատի նկատմամբ անտարբեր Պապաշանովը, որի աչքին ոչինչ չէր երևում, բացի համով խորտիկներից և ընտիր խմիչքներից, որոնց յուրացման փայլուն օրինակ էր տալիս հարևաններին:

Քաջազնունին, առուծաբաշ գլուխն ափերի մեջ առած, դիմացն էր նայում և, նկատելով Խատիսովի հերթական ձգվելը դոկտոր Շաքիրի բերանի ուղղութեամբ, զայրացած մոնչաց.

— Վայ քո մոր... արգանդը շորացած լինեք, քեզ նմանին չբերեք:

— ЧТО-ЧТО? — խորովածի մի խոշոր պատառ բերանը դնելով՝ անհանգիստ հարցրեց Պապաշանովը:

— Կե՛ր, ասում եմ, կե՛ր, — նրա կողմ նետեց Քաջազնունին: — էլ չի լինելու:

— Странный ты человек, — խոռովկան երեխայի պես պատառաբաղը վայր դրեց Պապաշանովը: — Եթե հայ ժողովուրդը մեր շուտելուց է բախտավորվելու, ես պատրաստ եմ շաբաթներով ծոմ պահել:

— Ինչպիսի՞ զոհաբերութեան:

— Պատվովս եմ երդվում:

Խատիսովն իր տարերքի մեջ էր: Պենսնեի տակից շողշողում էին նրա մանր աչքերը: Նա կլանված լսում էր ձախակողմյան հարևանին և ինքն էր խոսում ու տեղեկություններ հաղորդում. երկու դեպքում էլ ձգվում-երկարում էր՝ մեկ դեպի դոկտոր Շաքիրի բերանը, մեկ դեպի ականջը: Եվ բավական էլ բնական ու անբռնազբոսիկ բնույթ էր ստացել նրանց զրույցը: Հայոց պատվիրակութեան ղեկավարը, օրինակ, տեղեկացավ, որ տասնչորսին էնվեր փաշայի հետ այդ Շաքիր Բեհաեդդինն է արշավել Արդահանի վրա, որ Ռիզա բեյի հետ աջարական շեքեններն է կազմակերպել, և որ առհասարակ ինքը՝ Բեհաեդդին Շաքիրը, հայոց ազնիվ թշնամին է: Նա այդպես էլ ասաց՝ «ազնիվ թշնա-

մին», այսինքն՝ որ ուրիշների պես չի թաքցնում հակակրանքը և, պավառներում հայերին կոտորելով, ամբիոններից բարեկամության ճառեր չի ասում ու եղբայրության երդումներ չի տալիս: Այս խոսքն ասելիս այնպես անկեղծ ու անշինժու ժպտաց՝ ոսկե ատամնաշարը ցուցադրելով, որ հատիսովն ինքն էլ փորձեց ժպտալ հարևանին: Հավանաբար, այդ ժպիտն ստացվեց, որովհետև դրանից հետո էր, որ թուրք ղոկտորն իսկապես սրտաբաց, մինչև վերջ անկեղծ բացատրեց իր կառավարության քաղաքական ծրագիրը:

— Հայերդ,— ասաց,— կանգնած եք մեր համախալամական ու համաթրքական սրբազան բաղձանքների իրականացման ճամփի վրա, և մենք, ուզենք-չուզենք, բախվում ենք ձեզ հետ: Այդ բախումը վեր և դուրս է մեր անձնական զգացումներից ու տրամադրություններից: Պատկերացնո՞ւմ եք:— Խատիսովը շճած պլխով արեց. «Պատկերացնում եմ», և ղոկտոր Շաքիրն ավելի անկեղծ շարունակեց.— Մենք տարերայնորեն հարկադրված ենք ոչնչացնել, հեռացնել ճամփի վրայից այն ամենը, որ արգելք է հանդիսանում մեր ազգային այդ սրբազան բաղձանքների իրականացմանը: Եվ ապա,— մի փոքր շունչ աննելուց հետո ղոկտորը գտավ շատ կարևոր մի բան ևս.— դուք միշտ ուուսների հետ եք: Դուք նրանց առաջապահն եք այս կողմերում: Իսկ ոուսները մեր ռիսերիմ թշնամիներն են: Պատմական և ճակատագրական թշնամիները: Հասկանո՞ւմ եք:

— Հասկանում եմ, պարոն ղոկտոր,— արդեն սրտովացած պատասխանեց Խատիսովը:— Բայց չէ՞ որ մենք հիմա ոուսների հետ խզել ենք մեր կապերը: Մենք Անդրկովկասյան մեր հարևանների հետ կազմել ենք Ռուսաստանից անկախ մեր կառավարությունը և, եթե հարկ լինի, պիտի կովենք ոուսների դեմ:

— Է՞, բարեկամ... Իսկապե՞ս բարեկամ, քանի որ մենք միասին ճաշի ենք նստած և բարեկամաբար մեր անկեղծ խոսքերն ենք ուղղում մեկմեկու... Հնարավոր է, որ դուք հիմա իրոք խզել եք ձեր կապերը: Բայց մի՞թե դա փոխում է դրությունը, երբ ձեր խմբապետներն են անհաշտ կանգնել ամենուրեք ու դարձյալ խանգարում են մեր շարժմանը: Եվ, վերջապես, ո՞վ է Շահումյանը: Մի՞թե նա հրաժարվել է հայությունից: Եվ նա՞ չէ, որ Բաքուն կտրել է Կովկասից ու Օսմանյան կայսրությունից, դրել ոուսի ժառանգության տակ: Իսկ Բաքվում ո՞վ է պա-

հում Շահումյանի թիկունքը: Հայերը, հայկական զորքը: Եվ այսքանից հետո դուք ուզում եք համոզել, թե արդեն ձեր կապերը խզել եք Ռուսաստանից ու մեր բարեկամն եք դառնում: Է՛, ո՞նց կլինի, բարեկամ, այդպես ո՞նց կլինի:

— Բայց Շահումյանը մեզ հետ ոչ մի կապ չունի, պարոն դոկտոր: Կդա ժամանակ, որ մենք կովի կեննենք իրար դեմ:

— Իսկ դրան մենք որքա՞ն պիտի սպասենք, — խորամանկ հարցրեց թուրքը: — Որքա՞ն պիտի սպասենք: Չէ՞ որ օրեցօր նրանք ամրապնդվում են Բաքվում... Լավ իմացեք, մենք բաբեկամեներ կդառնանք այն ժամանակ, երբ տեսնենք, որ մեր բոլոր թշնամիները նաև ձեր թշնամիներն են, և դուք սուր եք շարժում նրանց դեմ: Մենք ուրիշ տեսակ բարեկամություն չենք ճանաչում:

Ջեմալ փաշան ականջի պոչով լսում էր հարևանների զրույցը և, տեսնելով որ այն ճիշտ հունով է ընթանում, աշխատում էր ոչնչով շխանդարել: Ահա այդպես, Բեհանգդիի Շաքիրը լավ բռնեցրեց. այդ ո՞նց եք Ռուսաստանից կտրվել, որ Շահումյանը նրա կարգը բերել է Բաքու և դեմ է արել մեր թթին: Այդ քանի՞ տեսակ հայեր կան աշխարհում, և մենք մի հայ ժողովրդի հանդեպ քանի՞ տեսակ հարաբերություն ու քաղաքական ընթացք պիտի բռնենք: — Այսպես ինքն իր ներսում հարց էր տալիս Ջեմալը, շնայած իր համար այդպիսի հարց առհասարակ չկար, քանի որ տարիներ ի վեր, գոնե 1914-ից սկսած ինքն ու իր կուսակիցները միայն մեկ ու միասնական քաղաքականություն են վարել հայի դեմ, որտեղ էլ նա հանդիպի, ինչ քաղաքական հասանքի, դասի ու խավի էլ պատկանելիս լինի: Այդ էր մնացել, որ 1915-ի հայկական եղեռնի կազմակերպիչ Եռապետության անդամը շիմանա, թե ինչպես պիտի լուծել հայ ժողովրդի հարցը:

Դոկտոր Շաքիրը հայ պատվիրակի դեմքին հավանաբար հարց կարդաց և աշխատեց այդ հարցին ևս բացատրություն տալ: Այդ պահին նրա անկեղծությանը չէր կարելի չհավատալ:

— Դուք փորձեցեք հասկանալ մեր դրությունը, — բացատրեց Շաքիրը, — մեծ տերությունները մեզ դուրս են արել Եվրոպայից, և մեզ հիմա կենսական մեծ տարածություն է պետք: Կենսական տարածություն, որը լավագույնս համապատասխանի նաև մեր հավատոս և ազգային բողձանքներին: Հայերդ խելոք մարդիկ եք, և չի կարող պատահել, որ շիմանաք մեր ակունք-

ներր Միջին Ասիայում են, Հյուսիսային Կովկասում, Իթիլ-Վոլգայի ավազանում: Եվ այստեղից մինչև այդ ակունքները մերոնք են տարածված, մեր լեզվի ու հավատի եղբայրները, մեր արյունակիցները: Մերոնք և... մեզանից կտրված: Հասկանալի՞ է: Մենք պետք է միանանք: Մենք պարտավոր ենք կազմել մեկ միասնական հզոր պետություն և այս խուլ ու բութ աշխարհին ասել այն խոսքը, որի համար ամենակարող ալլահն ստեղծել է մեզ: Եթե չկատարենք այդ միսիան, ճակատագիրն ու ալլահը մեզ չեն ների: Հիմա ո՞նց կլինի, որ ամեն մի Անդրանիկ մեր մեծ ճանապարհին կանգնի ու խանգարի... Այստեղից էլ առաջ է գալիս ճանապարհը մաքրելու խնդիրը, որը վեր է մեր անձնական ցանկությունից...

...Հյուրանոցային իր սենյակի առաջ խառնուկը կանգ առավ մի պահ՝ խոսելու պատրաստ, իր երկար ու հանգամանալից զրույցը բացատրելու տրամագրությամբ: Սակայն Քաջազնունին կողքով անցավ գլուխը կախ, մռայլ ու փշոտ: Նրան սպասում էր անքուն ու անհանգիստ մի գիշեր, որի տխուր ուրվագիծը պիտի մնար միայն ամեն ինչ պարունակող ու հանդուրժող օրագրում:

\* \* \*

\*

Զեմալ փաշայի գնալուց հետո Բաթումի դիվանագիտական մթնոլորտն ավելի պղտորվեց: Անդրկովկասի պատվիրակության վրացի, ադրբեջանցի ու հայ անդամներն այլևս ոչնչով ցույց չէին տալիս իրենց «միասնությունը»: Իսկ թուրք պատվիրակությունը, արգեն համոզված, որ իր դեմ ունի շահերով իրարից տարբեր, նույնիսկ հակադիր ու թշնամի զրուցակիցներ, չէր էլ շտապում ստանալու վերջնագրի պատասխանը, որի վրա առաջին շրջանում այնպես պնդում էին Պոլսից եկող հրահանգները:

Ստացվել էր այն դրությունը, երբ որսորդը թակարդը լարում-դնում է ճամփաբաժանի կենտրոնում և սպասում որսի ընկնելուն: Որսն էլ գիտե թակարդի տեղը, մոտենում-հոտոտում է ու ետ կանգնում: Որսորդն սպասում է, որսն էլ է սպասում: Եվ որովհետև որսն ուրիշ ճանապարհ չունի, որսորդը չի էլ շտապում:

Ահա այս սպասումի ծանրութեանը շղիմանալով՝ հայ պատ-  
վիրակները մոտեցան, զգուշորեն փորձեցին ոտք դնել թակարդի  
վրա. չէ՞ որ փորձը փորձանք չէ: Բաթումի խորհրդաժողովին  
Գերմանիայի կողմից ներկա գններալ Ֆոն Լոսովին հայերը  
խնդրեցին միջնորդել, որպեսզի Թուրքիայի պատվիրակության  
ղեկավար Խալիլ բեյն ու ռազմական ներկայացուցիչ, Կով-  
կասյան ճակատի հրամանատար Վեհիբ փաշան իրենց ընդու-  
նեն: Ֆոն Լոսովի միջնորդությամբ հիշյալ թուրքերը մայիսի  
13-ի ուշ երեկոյան ընդունեցին հայկական պատվիրակության  
ղեկավար Ալեքսանդր Խատիսովին ու պատվիրակության անդամ  
Հովհաննես Քաջազնունուն: Խորհրդակցությունն ավարտվեց հա-  
ջորդ օրվա սկզբին, և գիշերվա երրորդ ժամին իր հյուրասենյակը  
հասնելով՝ Քաջազնունին նստեց ու դրի անցկացրեց խորհրդակ-  
ցութեան բոլոր մանրամասները (գրառումներից դժվար է հաս-  
տատ ասել, թե խորհրդակցությունը երբ է սկսվել՝ մայիսի 13-ի՞  
վերջին ժամերին, թե՞ նախորդ կամ հաջորդ օրվա):

Ընդունելությունը Վեհիբ փաշայի կացարանում էր, գոր-  
գապատ ու ընդարձակ մի սենյակում, որի գլխին, գահավորակի  
վրա տիրաբար փլված էր մարմնապարարտ հսկա Խալիլը, և  
Վեհիբն իրեն այնպես էր պահում, ասես նրա ծառան էր:

Տանը ծառայող կար, որը հայ «հյուրերին» աթոռներ մատու-  
ցելով՝ այնպես հեռացավ, ոնց որ գոյություն էլ չէր ունեցել:

Եվ Խալիլը, իբր, բարեկամաբար, հարցրեց.

— Հը՞, խե՞ր լինի:

Հարցը Խատիսովին էր տալիս, բայց հայացքն ուղղեց նաև  
Քաջազնունու վրա և մեկ էլ ետ վերցրեց, ինչպես փշոտ մի բան  
վերցնի ու անմիջապես էլ վայր ձգի: Եվ հայ պատվիրակության  
ղեկավարը սրտապնդված սկսեց խոսել:

— Թանկագին Խալիլ բեյ,— ասաց,— եկել ենք աղերսելու,  
որ դուք մի քիչ մտնեք մեր դրության մեջ: Գոնե մի քիչ  
Ախա՛ր,— ասաց,— Տրապիզոնից ու Բրեստ-Լիտովսկից մենք  
այնքան էլ գոհ չէինք, կարծում էինք՝ ժամանակ անցնի, մեր  
մասին կմտածեք, մեր ցավերը կմեղմանան: Սակայն այժմ կանգ-  
նած ենք առավել վատթար պայմանների ու տխուր հեռանկարի  
առաջ: Ձեր զորքերն անընդհատ առաջ են շարժվում: Ոչ միայն  
ս.ն.հնար է դարձել, որ մեր գաղթականները վերադառնան իրենց

բնակավայրերը, այլև նոր գյուղեր են դատարկվում, ժողովրդի վերջին մնացորդներն են տեղահանվում:

Վեհիբը զորավարական համազգեստը հանած՝ փաթաթվել էր նախշուն խալաթի մեջ և հողաթափները քսքստացնելով սենյակի մի ծայրից մյուս ծայրն էր շափում: Կանգ առավ հալիլի կողքին, և հալիլն էլ նրան ծուռ նայելով, մի դիմախաղ ցույց տվեց, որը պիտի նշանակեր. «Բա ես քեզ ի՞նչ էի ասում»: Վեհիբը ժպտի նման մի բան խաղացրեց դեմքին: Եվ հալիլը խշշոցով օդը ներս քաշեց, ավելի տարածվեց՝ ու սկսեց բացատրել.

— Ես ձեզ բարեկամաբար պիտի հայտնեմ, որ Տրապիզունից հետո շատ ջուր է հոսել: Մենք պատերազմի ենք ելել և երկար ճանապարհ ենք կտրել: Այս ճանապարհն էլ հեշտ շենք անցել, հա՛. շատ արյուն ենք թափել, արյուն, որը պետք է վարձատրվի: Խատիսովն ապշահար նրան էր նայում:

Քաջազնունին մտածեց, որ հետաքրքիր տրամաբանություն է. իրենց անցած երկար ճանապարհին հայի արյուն է թափվել, միայն հայի՛ և շա՛տ արյուն: Ու հիմա հայը պիտի վճարի դրա դիմաց, իր արյան դիմաց: Նա գուցե այս մասին պիտի խոսեր, բայց Վեհիբը կանխեց.

— Մենք լրացուցիչ հատուցում պիտի ստանանք: Պա՛րզ է: Եվ դրանից բացի էլ, ինչպես անցյալ անգամ Ջեմալ փաշան հանգամանորեն բացատրեց, մենք պարտավոր ենք հոգալ Կավկազում ապրող մեր հավատակիցների մասին:

— Հոգացե՛ք, պարոն զորավոր,— խեղճ-խեղճ առաջարկեց Խատիսովը:— Հոգացե՛ք: Դա մեզ հետ ի՞նչ կապ ունի:

— Դուք խանգարում եք մեզ,— ջղային հայտարարեց հալիլ բեյը:— Դրա համար ապացույցներ՝ որքա՛ն ուզեք:

Այստեղ նա շարադրեց, հավանաբար, նախօրոք մշակված մի տեղեկանք, որի համաձայն՝ հայերը դաժան բռնություններ են գործադրում Երևանի նահանգի, Բաքվի ու մյուս շրջանների մահմեդականների նկատմամբ:

Լուսթյունը խեղդում էր Քաջազնունուն: Նա առարկելու փորձ արեց: Ասաց.

— Բայց մենք Ջեմալ փաշային էինք խնդրել, որպեսզի ստուգել տա այդ տեղեկությունները:

Սակայն հալիլը չէր լսում նրան և հասավ ամենակարևորին.

— Դրա համար էլ մենք ստիպված ենք պահանջել Երևանի նահանգի մի զգալի մասը, որպեսզի այնտեղից կարողանանք յաշտպան կանգնել մեր հարազատներին: Ես կարող եմ վստահորեն հաղորդել, որ Թուրքիայում հասարակական կարծիքը սարսափելի գրգռված է և բավարարություն է պահանջում: Այո՛, այո՛, բավարարություն է պահանջում: Իբրև գաղտնիք ես ձեզ ասեմ նաև, որ իմ կուսակցության մեջ երկու հոսանք գոյություն ունի՝ քիչ հանդուրժողներ և անհանդուրժողներ: Հենց վերջին շրջանում հաղթանակել է երկրորդ հոսանքը: Հիմա այս հոսանքն էլ պնդում է գծել այն նոր սահմանները, որոնք ներկայացված են մեր պատվիրակության նախագծում: Ես, որ վաղ ժամանակներից մեր երկու ազգերի միջև հաշտարարի դեր ստանձնած մարդ եմ, շատ էլ համակիր չէի նախագծին, սակայն անզոր եղա այն փոփոխելու... Ամեն պարագայի, խոստանում եմ իմ կողմից գործադրել ամեն ջանք, որպեսզի նախագծի մեջ, տարածքային պահանջներին վերաբերող մասում, մտցվեն էական փոփոխություններ: Ես հույս ունեմ, թե հաջողության կհասնեմ: Բայց դրա համար ժամանակ է պետք, ժամանակ: Ամեն ինչ կլինի իր ժամանակին:

Խատիսովը գո՛հ էր այդ բացատրությունից, ինքն էլ չգիտեր: Սակայն ե՞րբ էր գալու ժամանակը:

— Պատերազմական ամեն մի օրն այնքա՛ն ավերածություններ է պատճառում...

— Զգիտե՛մ-չգիտե՛մ,— իբր մեղմացած խոսեց Խալիլը:— Ես վախենում եմ՝ հեռագրեմ իմ կառավարությանը, և այնտեղ զայրանան ու հրաման տան վերջնազիրը ներկայացնելու իր ամբողջությամբ: Դրա համար էլ անհրաժեշտ է որոշ ժամանակ: Այդ ընթացքում էլ գուց՝ Կովկասի հայերդ, կտաք շոշափելի ապացույցներ, որ դուք արդեն խելքի եք գալիս: Հասկացա՞ք, ահա այսպե՛ս:

Խալիլից հետո խոսեց Վեհիբ փաշան:

Նրա խոսքից կարելի էր եզրակացնել, թե Խալիլի՝ աստիճանաբար իջած, մեղմացած վերաբերմունքից է վրդովվել: Սակայն իրականում գործում էր ընդունելությունից առաջ լարած մեքենան. եթե մեկը գնում է դեպի հաշտության եզրը, մյուսը պետք է գազազի և ընդհակառակը: Թող այս հայերը համոզվեն, որ իրենց առաջ միայն մեկ ճանապարհ կա՝ Արևելյան Հա-



յաստանը նվաճող թուրքի առաջ փոսելու ճանապարհը: Իսկ հետո  
էլ թե ի՞նչ կմա այդ ճանապարհին, դա արդեն թուրքի իմանալու  
կամ որոշելու բանն է:

Եվ հալիլի բարեկամական վերաբերմունքից հավասարակշ-  
ռությունը կորցրած զորավար Վեհիբն այնպես էր խոսում, ասես  
նախորդը ոչինչ էլ չէր ասել, և այսքան ժամանակ ինքը քնած  
էր եղել կամ անշատված: Սկսեց խատիսովի խոսքից և մոլեգ-  
նեց, որովհետև նա ասել էր. «Դուք այժմ հրաժարվում եք  
Տրապիզոնում տված ձեր խոստումներից. Ռաուֆ բեյն այնտեղ  
խոստացել էր չարգելել արևմտահայերի վերադարձն իրենց հայ-  
րենիք: Իսկ հիմա դուք Կարսի մարզից փախածներին էլ չեք թող-  
նում վերադառնան իրենց տները, որ երեկ, մեկել օրն են լքել»:

Ապա Վեհիբը նորից սենյակը շափեց իր քսքստոցներով և,  
չղայնությունից շնչահեղձ լինելով, պատմեց նահանջող հայ-  
կական զորամասերի դործադրած «ահավոր դաժանությունները»  
թուրքերի դեմ: Պատմում էր Երզնկայում, Մամախաթունում ու  
էրզրումում «իր աչքերով տեսածները»: Այդ բոլորը տեսել են  
նաև իր զինվորները և, համենայն դեպս, իրեն հաջողվել է զըս-  
պել նրանց վրեժխնդրությունը, իսկ թուրքական բանակը հայերի  
հանդեպ իրեն պահել է միանգամայն քաղաքավարի:

Եվ այսպես, հալիլն անմիջապես հնարեց ու հաղորդեց  
«զարհուրելի լուրեր», որոնք, իբր թե, իրենց են հասել Կովկասի  
տարբեր մասերից՝ Բաքվից ու Երևանի նահանգից՝ գուժելով մահ-  
մեղական անգնն ու անմեղ բնակչության հանդեպ կիրառված չա-  
րագործությունների մասին: Վեհիբն էլ, հալիլից ետ շմնալով,  
դարձյալ հորինում և մեկ առ մեկ պատմում էր իր ժողովրդի դեմ  
նույն հայերի գործած այն «ահավոր դաժանությունները», որոնց  
ականատեսներն ինքն ու իր զինվորներն են եղել Երզնկայից  
մինչև էրզրում, Սարիղամիշ, Կարս, մինչև Արաքսի ափերը...

Վեհիբ փաշան, որ զրույցի սկզբում շատ էր հուզված ու ան-  
հանգիստ, քանի դեռ չգիտեր, թե իրենց զրուցապանակից ինչո՞վ  
պիտի կրակեն հայ ընդդիմախոսները, խորամանկորեն որսաց  
նրանց տարակուսական հայացքները և հանգստացավ. հանկար-  
ծական հարձակումը խուճապ էր գցել հակառակորդի թուլա-  
կազմ բանակում: Եվ հարձակումը շարունակեց արդեն ճնշող, դի-  
մացիներն զինաթափող հանգստությամբ: Մեղադրանքները

հորդում էին նրա բերանից՝ ասես առատության եղջյուրից: Հայերը թուրքերին ամեն տեղ և ամեն ժամանակ խարդավանքներ ու շարություններ են նյութել: Նրանք արժանի չեն ոչ մի վստահության ու ներողամտության: Ճիշտ է, մի տարի էլ շանցած, 1919 թ. փետրվարին, երբ ռազմական դատարանը սեղմի պատին, նույն այդ Վեհիբ փաշան ուրիշ երդ է ասելու: Այն ժամանակ անհերքելի փաստերի ճնշման տակ նա պետք է խոստովանի, որ իրենց ավանդական հայրենիքից տարագրված հայերը ոչ մի մեղք էլ չեն ունեցել, իսկ «հայերի ղանգվածային ջարդերն ու կոտորածները, կողոպուտներն ու նրանց ունեցվածքի բռնագրավումներն իրականացվել են «Միություն ու առաջադիմություն» կոմիտեի կենտրոնական հաստատության որոշումներով»: Այո՛, այն ժամանակ Վեհիբ-փաշան ուրիշ տեսակ պիտի խոսի: Բայց հիմա նրա դեմ նստած են մարդիկ, որոնք անտեղյակ են իրավիճակից: Պահանջներ ունեն, բայց չգիտեն ո՛ւմ պեմ են կանգնած և ո՛ւմ են ներկայացնում իրենք, ո՛ւմ շահերից են խոսում...

Վեհիբն ու Խալիլը հայերին ընդունելուց առաջ խորհուրդի էին նստել և մտածում էին, թե նրանք իրենց հաշիվներն սկսելու են 15 թվականի դեպքերից: Նույնիսկ խորհուրդ էին արել, թե ի՛նչ պատասխան պիտի տան, ինչպե՛ս պիտի տակից դուրս գան. չէ՞ որ ամբողջ աշխարհն է խոսում այդ մասին: Եվ քանի գնում, այդ խոսքն ավելի անողոք է դառնում... Եվրոպայում ու Ամերիկայում դիվանագիտական ամբիոններից ու մամուլից հորդացող հակաթուրքական հեղեղից փրկություն չունեն իրենք...

Իսկ սրանք կարծես ուրիշ աշխարհից են եկել, կամ ուրիշ երկիր են ներկայացնում...

Գուցե իրավացի՞ էին իրենց Ծռապետության ղեկավարները, որ ասում էին՝ պետք է ոչնչացնել ամբողջ արևմտահայությունը, այն ժամանակ նրանց դատը պաշտպանող չի մնա:

Եվ, Խալիլի «բարի» դեմքին իր ասելիքը կարդալով, Վեհիբ փաշան հասավ ամենակարևորին: Ասաց.

— Անգլիացիները շարժվում են դեպի Մոսկուլի ու Հյուսիսային Պարսկաստանի կողմերը: Մենք պետք է կանխենք այդ առաջխաղացումը և անհետաձգելիորեն գրավենք Թափրիզը: Հենց ի՛նքս, — շարունակեց Վեհիբը, — էնվեր փաշայից հրաման ունեմ այդ միջոցառումն իրականացնել առավելագույն արագու-

Սյամբ, ի՛նչ գնով լինի: Այստեղ էլ ամենակարճ և օգտագործման համար միակ հնարավոր ճանապարհը Ալեքսանդրապոլ-Ջուլֆա-Թավրիզ երկաթգիծն է: Խնդրում ենք՝ մե՛զ տրամադրեք այդ ճանապարհը: Այս միջոցառումը ձեր դեմ ոչինչ չունի: Դա ռազմական կառաչարի հասարակ տեղափոխություն է ձեր երկրով: Ես անձամբ ձեռք կառնեմ բոլոր միջոցները, որպեսզի իմ զինվորների կողմից որևէ բռնություն կամ անկարգություն տեղի չունենա: Ես գլուխս կտամ, եթե իմ բանակի զինվորականը ձեր երկրում... Դա էլ ասելո՞ւ բան է... Մերոնք միշտ էլ աչքի են ընկել իրենց կարգապահությունով: Ես հանդարտություն Պատրաստ եմ, — նա գլխով ցույց տվեց իրեն ու հալիլիին, — եթե կուզեք, ձեզ հետ միասին մշակել բոլոր անհրաժեշտ պայմանները, որպեսզի այս մեծ ղորաշարժը տեղի ունենա միանգամայն հանգիստ ու անվտանգ:

Հետո խնդրեց հավատալ, որ իր կառավարությունն այստեղ չունի ոչ մի ետին միտք, ասենք, երկրամասի բռնագրավման նպատակ կամ նման որևէ բան:

— Բռնագրավումը երկաթգծով չի կատարվում, — հանգրստացնող ժպիտով ավելացրեց թուրք զորավարը: — Երկաթգրծով, երբ զորքերը լցված են վագոնները և վագոնների բերաններն էլ փակ են: Եթե ես նպատակ ունենայի գրավել Սրեանի նահանգը, դրա համար ինչո՞ւ պիտի դիմեի խաբեություն կամ երկաթգծով այդքան ճանապարհ կտրելուն: Նման նպատակը ես կիրականացնեի բացահայտ, ցանկացածս պահին և առանց վախենալու, թե կհանդիպեմ որևէ լուրջ դիմադրության: Արևո՛վս եմ երդվում, որ մեր միակ ու իսկական նպատակն է տեղափոխվել Թավրիզ: Եվ ուզում եմ, որ այդ գործողությունը կատարենք բարեկամական պայմանավորվածությամբ: Չեմ կարող չհավաստիացնել, որ դա հավասարապես շահավետ կլինի ինչպես մեզ, այնպես էլ ձեզ համար: Մեր շահը պահանջում է զորքերի ջուտափուլթ փոխադրություն և, որ քիչ կարևոր չէ, զորքի մի մասը, իբրև ապահովություն հրաշխիք, ճանապարհի տարբեր կետերում պահելու հոգսից կազատվենք (չէ՞ որ ստիպված կլինեք ջարժվել հակառակորդի երկրով): Ձեզ համար էլ ձեռնտու է, քանի՞ որ դա ձեզ կազատի նորանոր բախումներից, արյունահեղությունից ու ավերածություններից, որոնք, ի՛նչ խոսք, անպայման կլինեն, եթե փորձեք հրաժարվել ու դիմագրել: Ես

չեմ կարող չավելացնել նաև հետևյալը. ձեր շահերի տեսակետից ձեռնառու է, որ մենք անգլիացիների հետ հանդիպենք իրանի հողի վրա և ոչ թե ձեր երկրում: Իսկ դրա համար դուք պետք է ամեն եղանակով մեզ օգնեք նվազագույն ժամկետում հասնելու Թավրիզ:

Վեհիբը բոլոր այս նկատառումներով շատ էր խնդրում, որ հայերն անմիջապես համաձայնեն իրենց առաջարկությունը և հետո էլ ցույց տան հնարավոր ամեն տեսակ աջակցություն: Նամիածամանակ զգուշացնում էր, որ հրաժարվելը կբարդացնի փոխհարաբերությունները և կգժվարացնի իր խնդիրը: Սակայն ինքն այն մարզը չէ, որ կանգ է առնում գժվարությունների առաջ: Միևնույն է, ինքը կիրականացնի այդ միջոցառումը:

— Եթե երկաթգիծը չտաք,— զգուշացրեց Վեհիբը,— մենք առաջ կգնանք ռազմական երթով, նույնիսկ շքերթով, պատկերացնում եք... Եվ ահա վախենում եմ, թե ձեր քաղաքներով ու գյուղերով կատարված այգորինակ երթի ժամանակ անհնար լինի պահպանել կարգ ու կանոնը, և երկրամասի բնակչությունն էլ ենթարկվի շտեմնված տառապանքների:

Այս զրույցը, ավելի ճիշտ՝ երկու թուրքերի մեղադրանքները, սպառնալիքներն ու առաջարկները այսպես հանդամանորեն շարադրելուց հետո շովհաննես Քաջազնունին իր պարտքը համարեց գրի անցկացնել նաև հետևյալ շատ կարևոր տպավորությունը, որ ինքն ու խատիսովն էին ստացել իրենց բարձրապաշտոն զրուցակիցներից:

«Խալիլի ու Վեհիբի խոսքերից անձամբ ես (կարծում եմ՝ նաև խատիսովը) կազմեցինք այն համոզմունքը, որ թուրքերն այս անգամ չեն խաբում, որ նրանց իսկապես ծայրահեղորեն անհրաժեշտ է շուտափույթ հասնել Թավրիզ և որ, համենայն դեպս, այս պահին նրանք չունեն ուրիշ նպատակներ ու ցանկություններ»: Ինչպես ասում են՝ սևով սպիտակի վրա այսքանը գրել է Քաջազնունին: Եվ հետո էլ շարադրել է իրենց տված պատասխանը:

«Նախ խոսեց խատիսովը,— գրում է հայ պատվիրակը:— Իհարկե, մեր վիճակը շատ էր ծանր, և խատիսովն աշխատում էր մերժողական մեր պատասխանը ներկայացնել առավելապես գիվանագիտական ձևի մեջ՝ ջանալով թուրքերի ուշադրությունը շեղել գլխավորից և մեջտեղ քաշել երկրորդական հարցերը: Ինձ

թվաց, թե հատիսովի պատասխանի մեջ թուրքերը կարող են դիտել տատանումի նշաններ, որոնք և իրենց հիմք կտային ավելի համառելու: Գրա համար էլ ինքս անհրաժեշտ համարեցի շատ կարճ, բայց շատ որոշակի ու աներկղիմի արտահայտություններով նկարագրել մեր վերաբերմունքը գլխավոր հարցի նկատմամբ: Ես համարյա բառացի ասացի հետևյալը. «Այն պահին, երբ դուք մեզանից պահանջում եք Ախալցխան, Ախալքալաքը, Ալեքսանդրապոլը, էջմիածինն ու Սուրմալուն, այսինքն՝ այն պահին, երբ դուք պատրաստվում եք հասցնել մահացու հարվածը հայ ժողովրդի քաղաքական, իսկ թիրևս նաև ֆիզիկական գոյությանը, մեր միջև չի կարող լինել համաձայնություն որևէ հարցում: Ամենից առաջ պետք է լուծվի տարածքային հարցը, սահմանների հարցը: Այդ հարցի լուծումից էլ կախված պիտի լինի ամբողջ մնացյալը: Ես գիտեմ, որ մեր հրաժարվելու դեպքում դուք ուժ կգործադրեք, և դա մեզ համար կստեղծի նորանոր զարհուրելի տառապանքների սպառնալիք: Այդուհանդերձ, քանի դուք դեռ չեք հրաժարվի ձեր պահանջներից, մենք չենք համաձայնի, որ ձեր զորքերը փոխադրեք մեր երկաթգծով: Իմ ընկերն ասաց, որ դա շատ դժվար է, իսկ ես ասում եմ՝ դա պարզապես անհնար է»:

Հովհաննես Քաջազնունին գոհ էր իր ասածից: Նա այդ մասին էլ է գրել. «Ինձ թվաց (նույն կարծիքը հետո հայտնեց նաև հատիսովը), թե այս խոսքերն ինչ-որ շափով ներգործություն ունեցան, և թուրքերի խոսելու տոնն իջավ իր արհամարհական ու ամբարտապան բարձրերից: Նրանք դեռ երկար ժամանակ փորձում էին համոզել մեզ, որ զիջենք: Բայց մենք հաստատ կանգնած էինք մեր դիրքերում»:

Այդպես էլ, ոչ մի համաձայնության չգալով՝ մենք բաժանվեցինք գիշերվա կրորդ ժամին»:

Սրչանի՛կ անտեղյակություն, որով իրենց օրորում էին այդպես էլ բռնագրավիչ թուրքին մինչև վերջ շճանաչած հայ բանախոսները:

Խալիլն ու Վեհիբը նրանց համառությունը ստուգեցին (եթե նրանց ունեցածն էլ կարելի էր կոչել համառություն, որը պետք է հոյս ցնդեր երկու շաբաթ հետո): Ստուգեցին իրենց համար ձեռնտու եղանակներով. նախ հարձակվեցին, հետո բարեկամական ժեստեր արին, հետո էլ զիջումների խոստումներից անցան

սպառնալիքին... Երբ տեսան, որ ընդդիմախոսների ձեռքին ոչինչ չկա և տալիք էլ ոչինչ չունեն, նրանց թմրեցրին իրենց ձևական անտարբերությամբ: Իբր թե, չեք ուզում-չեք ուզում, ձեր աստվածը ձեզ հետ...

Հաջորդ առավոտյան իսկ ֆերիկ-մարշալ Վեհիբը ռազմա-ձակատ հասավ և, ոտնատակ տալով պայմանագրությունը, իր զորքը տարավ Ալեքսանդրապոլի վրա:

Այստեղ ես վերստին պիտի դառնամ Ալեքսանդրապոլի անկ-ման ականատեսի հիշատակարանին:

«Մայիսի 15-ի վաղ առավոտյան թուրք մի սպա մտնում է Ալեքսանդրապոլ, փնտրելով գտնում քաղաքի պարետ գնդապետ Յանկովսկուն և նրան է հանձնում իր հրամանատարությունից բերած ծրարը՝ պահանջելով շտապ կարգով պատասխանել նրա մեջ եղած կարգադրությանը:

— Ի՞նչ կարգադրություն է, — հարցնում է պարետը:

— Բա՛ց արեք, կարդացե՛ք, կիմանաք, — բացատրում է սպան: — Հայոց կորպուսի հրամանատարին է ուղղված, նրա բացակայության դեպքում՝ ձեզ: Վերջնապիւր է, որին պետք է պատասխանեք երեք ժամվա ընթացքում:

Հայկական կորպուսի հրամանատար Թոմաս Նազարբեկովն այդ պահին գտնվում էր քաղաքում: Երեկոյան գեներալ Արեշևը մեծ կերուխում էր սարքել նրա հրաժեշտի առիթով: Բոլոր կարե-վոր հրամանատարներն այնտեղ էին եղել, և տաքացած զուխ-ները, իրար հերթ շտալով, գովում էին իրենց սպարապետին, խոստանում էին նրա հրամանով թուրքին ևս բշլել մինչև էրզրում, չնայած պարզ էր մի բան, որ Նազարբեկովն էր քշվում. ետ թե առաջ՝ դժվար էր պարզել, քանի որ նրա շտաբը, Ալեք-սանդրապոլում պահելն այլևս անհնար համարելով, նախորդ օրն էին ուղարկել Ղարաքիլիսա, և հաջորդ օրն էլ շտաբի ետևից ինքը՝ մեծ զորապետը պիտի գնար: Կերուխումն այդ առիթով էր կազ-մակերպված:

Ըստ երևույթին, ամեն պարագայի հարկ էր պահել մունդիրի պատիվը: Ինչ էլ որ լինի, Հայոց սպարապետին էին հրաժեշտ տալիս, և հարկ էր, որ հրաժեշտի արարողության մասին եր-կար խոսվի: Եվ Արեշևի կազմակերպած այս ուրախության օրի-նակով խնջույքներ եղան նաև զորանոցում, տեղաբնակ հրամա-նատարների տներում ու մոտակա գյուղերում: Ի՛նչ մեծ մեղք

է, որ,— մտածել էին կազմակերպիչները,— հայ զորականն իրավունք չունի՞ մեկ անգամ իրեն անհոգութեան տալու: Զէ՞ որ զատկի տոնն անգամ չէին նշել և մարդիկ մի կարգին չէին էլ թաթախուել:

Այս անհոգութիւնը թելադրված էր, իհարկե, նախ և առաջ թուրքերի վարքով. վերջին քսան օրերի ընթացքում իրենց այնքան հանգիստ են պահել, որ կարելի էր մտածել, թե նրանք իրենց խնդիրը կատարել են՝ 1877 թ. սահմանին տիրանալով և դրանից դենը որևէ քայլ կատարելու ո՛չ ախորժակ ունեն, ո՛չ էլ հատկապես ուժ:

Քաղաքի պարետը հրավիրված չէր կերուխումի, և նա լավ գիտեր, որ սպիտակ ագռավի դերով ինքը չպետք է այնտեղ գտնվեր: Իրեն պարետ էր նշանակել Անդրկովկասյան զորքերի ընդհանուր հրամանատար Լեբեդինսկին: Նշանակել էր նազարբեկովի գլխի վրայով, և դա բավական էր, որ այս մարդը և՛ պարետ լինի, և՛ չլինի: Իսկ սա նշանակում էր՝ քաղաքը և՛ պարետ ունի, և՛ չունի:

Նազարբեկովը դեռ չէր սթափվել գիշերվա կերուխումի ազդեցութիւնից: Աչքերը բացեց և պառկած տեղը, ձեռքերը գլխատակին, ընդունելով քաղաքի պարետ Յանկովսկուն, թոնթորաց.

— Ի՞նչ է պատահել, լույսը չբացված տնկվել եք աչքիս առաջ:

— Թուրքերից կարևոր ծրար կա, ասում են՝ վերջնագիր է:

— Կարևոր է, թե ոչ, դուք եք այս քաղաքի տերը, բա՛ց արեք, որոշեցեք անելիքը: Զէ՞ որ ինքս եմ շրջաբերականով ձեզ իրավունք տվել, որ իմ բացակայութեամբ դրութեան տերը լինեք և ամեն ինչի պատասխանատվութիւնն առնեք ձեզ վրա:

— Ձեր բացակայութեամբ, պարոն գեներալ: Բայց դուք այստե՛ղ եք:

— Ծ՛ս, ե՛ս, սատանա՛ն տանի,— ճակատը շփեց գեներալը և վրդովված հարցրեց.— Իսկ ի՞նչ է գրված: Բաց արեք տեսեք՝ ի՛նչ են ուզում:

Յանկովսկին բացեց ծրարը և շժմած նայեց անծանոթ գրերին.

— Ոնց որ պարսկերեն է, պարոն գեներալ: Սրանք միշտ ֆրանսերեն էին գրում: Գոնե իրենց լեզվով լիներ, շտաբում կարդացող կգտնեիք:

— Նման դեպքերում ես քաղաքում եմ գտնում այդ մարդուն: Եվ դո՛ւք եք այս քաղաքի տերը: Գնացե՛ք, գտե՛ք, որոշեցե՛ք անելիքը:

Յանկովսկին պարսկերեն իմացող շհայտնաբերեց քաղաքում և ուղևորվեց թուրքերի մոտ, որպեսզի նրանցից իմանա, թե ինչ են գրել: Իսկ Նազարբեկովը նրա գնալուց հետո փորձեց քունը շարունակել: Հայհոյեց ապիկար պարետին: Համհարզին կուպտեց հիմար այցելու: Բռններով իր հանգիստը խանգարելու համար... Եվ հետո էլ անսովոր աղմուկից վեր կացավ, տեսավ՝ քաղաքում սողոմ-գոմոր է: Դու մի ասա, թուրքերը պարսկերեն ուղարկած վերջնագրով պահանջած են եղել երեք ժամվա ընթացքում քաղաքը հանձնել իրենց, հակառակ պարագային պետք է ամրությունները հողին հավասարեցնեին: Եվ այդ երեք ժամն անցել էր:

Հայոց սպարապետի աչքի առաջ Ալեքսանդրապոլը կործանվում էր: Արկեր էին, որ պայթում էին այս ու այնտեղ: Փողոցները լիքն էին գաղթականներով: Զորքի մի մասը զորանոցը լքած հեռանում էր քաղաքից, որովհետև ավագ ու կրտսեր հրամանատարներից շատերը նախորդ օրվա մեծ կերուխումից հետո իրենց տվել էին տեական հանգստի:

Գեներալ Արեշևն իր մտերիմների հետ քաղաքի այս թոհուրոհի մեջ հազիվ գտավ սպարապետին և պաղատագին հորդորեց անմիջապես հեռանալ քաղաքից:

— Մենք հիմա անզոր ենք բերզը պահել, և ուր որ է թուրքերը ներս կմտնեն: Ի՛նչ ազգային աղետ ու խայտառակություն կլինի, եթե Հայոց սպարապետը գերի ընկնի թշնամու ձեռքը,— սրտացավ, անկեղծ հուզումով նրան բացատրեց փոքր գեներալը:

Վերջապես՝ հաջողվեց Նազարբեկովին նստեցնել իր «Մերսեդեսը»: Գեներալ Արեշևն ու փոխգնդապետ Եղիազարովը նրան թիկնապահ դարձան և, գաղթականների հեղեղը ճեղքելով, հետևից փոշու ամպ թողնելով, սպարապետական մեքենան հասցրին Օրթաքիլիսա գյուղը:

Օրթաքիլիսայում նրանց հայտնեցին, որ Ալեքսանդրապոլի խուճապն անցել է, կարգը վերականգնվում է: Եվ «Մերսեդեսը» մեկ էլ վերադարձավ իր իսկ լքած քաղաքը:

Սակայն այստեղ պարզվեց, որ քաղաքի խուճապն անցել է



նրա պարպումով: Ճիշտ է, իրենց դիրքերում էին գտնվում փոխ-  
գնդապետ Կարաքեշիշյանն ու առաջին գնդի հրամանատար Սա-  
մարցկը: Սակայն սրանք երկուսով ի՛նչ պիտի անեին, երբ նա-  
հանջել էր զորքի մեծագույն մասը, իսկ քաղաքում գտնվող ավե-  
լի քան հարյուր երեսուն թնդանոթներից ոչ մեկը չէր գործում,  
հարյուր գնդացիներից և ոչ մեկը չէր հնձում բերդաքաղաքի  
վրա գրոհի եկող թուրքական շարքերը:

Այո՛, քաղաքի պաշտպանութանն ի սպաս էին գրված 134  
թնդանոթ, 100 գնդացի: Քաղաքի պահակազորը հաշվում էր 5576  
զինվոր ու 506 սպա, որոնցից բացի Ալեքսանդրապոլի շրջակայ-  
քում էին գտնվում ավելի քան տասը հազար մարտիկ և 1100  
սպա (Հայկական առաջին դիվիզիան, Հայկական միացյալ զո-  
րամասը, Անդրանիկ զորավարի հատուկ շոկատը): Պահակազորի  
հետ միասին այս բոլորն անում է տասնվեց հազարանոց մի բա-  
նակ, որի դիմաց թուրքերն Ալեքսանդրապոլի վրա էին եկել ըն-  
դամենը յոթ հազարանոց զորքով:

Չի կարելի կասկածել, որ տասնվեցհազարանոց բանակով  
յոթ հազարին հաղթելն ավելի հեշտ է, քան հակառակը: Չի կա-  
րելի կասկածել, որ գործը լավ կազմակերպելու դեպքում քաղաքի  
բնակչությունը ևս դուրս կգար իրեն պաշտպանելու, քանի որ,  
միևնույն է, պաշտպանվելով որոշ զրկանքներ կրելն ավելի թեթև  
նեղություն է, քան գաղթի ճամփան բռնելը կամ տեղում մնա-  
լով թուրքի կամայականություններին ենթարկվելը:

Գնդապետ Յանկովսկուն հաջողվել էր թուրք հրամանատարու-  
թյունից մի քանի ժամ ևս պոկել քաղաքի բնակչությունը տե-  
ղահանելու և զորքը 25 կիլոմետր քաղաքից հեռացնելու համար:  
Երբ այս բոլորը նա զեկուցեց նազարբեկովին, վերջինս զայրույ-  
թից եռում էր: Հենց փողոցում գոռգոռաց գնդապետի վրա,  
նրան համարեց անբան ու անհասկացող մարդ և կարգադրեց  
նորից գնալ թուրքերի մոտ ու նրանց պահանջներն իմանալ  
ավելի հանգամանորեն: Կարծես ճակատի գծի վրայով թուրքերի  
մոտ գնալ-զալը պապոնց տուն այցելելու պես մի բան է, կամ  
էլ շատ կարևոր է, թե թուրքերն ի՛նչ տեսակ մանրամասներով են  
պահանջում Ալեքսանդրապոլը:

Թուրքերի տված ժամկետը լրացել էր, վերսկսվեց քաղաքի  
ոմբակոծությունը: Նազարբեկովն իր մոտ հրավիրեց քաղաքի  
մեծավորներին ու հրամանատարական կազմի մնացորդներին և

կարգադրեց, որպեսզի քաղաքը գիշերով հանձնեն, եթե թուրքերի պահանջներն ամոթալի չլինեն: Այդ էլ շեշտեց՝ «եթե թուրքերի պահանջներն ամոթալի չլինեն»: Իսկ եթե ամոթալի լինե՞ն: Չասաց, թե այս դեպքում ի՞նչ պետք է անել: Շտապում էր: Ալեքսանդրապոլը հոգեվարքի մեջ թողած՝ նստեց իր մեքենան և հեռացավ դեպի Մեծ Ղարաքիլիսայի կողմերը, ուր իր շտաբը պիտի տեղավորված լիներ:

Նազարբեկովի հեռանալուց հետո միայն տեղ հասավ քաղաքի պարետ Յանկովսկին՝ բերելով թուրքերի պահանջի մանրամասները: Ահա նրանք.

ա) Պետք է անմիջապես հանձնել Ալեքսանդրապոլն ու նրա մեջ գտնվող ամբողջ զինամթերքը.

բ) Թուրքաց զորքի մի մասը քաղաք պիտի մտնի այնտեղ կարգ ստեղծելու և պաշտպանելու համար (հայտնի է, չէ՞, որ թուրքերը լավ կարգ ստեղծող ու պաշտպանող են), մյուս մասը կշարժվի դեպի արևելք.

գ) Հայոց զորքերը պետք է ետ քաշվեն, դիրքավորվեն Ախուրյանից 25 կմ հեռավորության վրա.

դ) Երկաթուղային կայարանը, դեպոն, արհեստանոցները, շոգեմեքենաները և քաղաքի ու բերդի մեջ ամեն ինչ պետք է մնան անվնաս:

Դժբախտաբար, Նազարբեկովն այլևս տեղում չէր, որպեսզի որոշեր՝ թուրքերի այս պահանջներն ամոթալի՞ են թե՞ ոչ և հատկապես ի՞նչ աստիճան ընդունելի են:

Եվ մայիսի 15-ի երեկոյան թուրքերը մտան Ալեքսանդրապոլ: Զօգնեցին քաղաքի բնակիչների պարզած ճերմակ դրոշները: Ի՞նչ մի նշանակութուն չունեցավ քաղաքի պարետի հետ կազմած պայմանագրութունը: Թուրքն էր խուժել հայկական քաղաքը և սկսեց գործել թուրքավարի. նախ և առաջ կողոպտում էր պահեստներն ու տները, որպեսզի գաղթողները չհասցնեն իրենց հետ դուրս տանել որևէ բան, որ արժեք ունի նվաճողի համար: Ապա սկսվեցին կոտորածները, բռնություններն ու բռնաբարությունները: Վաղուց էր, ինչ թուրք ասկյարը ոտք չէր դրել Արաքսից ու Ախուրյանից այս կողմ, դրա համար հին ծարավը հագեցնելու մարմաջով թափվել էին տները, խոզերի պես տակն ու վրա էին անում: Նրանցից փախչող կանայք ու աղջիկները խառնվում էին Արարատյան դաշտի ճանապարհը բռնած խմբերին:

Քաղաքում մնացածների հետ արդեն հաշվեհարդար էր տեսնում գազազած թուրքը, որին իր իսկ հրամանատար Վեհիբ փաշան հավատացրել էր, թե հայերը նրա ցեղակիցներին տանջել են ինչպես Արևմտյան Հայաստանում, այնպես էլ Կովկասի քաղաքներում ու գյուղական վայրերում:

Ահա այսպես ընկավ Ալեքսանդրապոլը, որից հետո դեպի Վաղարշապատ ու Երևան տանող ճանապարհի վրա ոչ մի լուրջ ռազմական ամրություն չկար, և թուրքն անարգել մտնում էր Արարատյան նահանգը՝ Հայոց աշխարհի սիրտը, ինչպես այդ նահանգն էր ճանաչվում հնագույն ժամանակներից ի վեր»:

Ալեքսանդրապոլն ընկավ, և թուրքերը տիրացան ոչ միայն այդ բերդաքաղաքին, այլև Ալեքսանդրապոլ-Ջուլֆա երկաթգծին, որին խաղաղորեն տիրելու համար Բաթումում հայ պատվիրակների հետ, իբր թե, բանակցություններ էին վարում:

Ալեքսանդրապոլն ընկավ, և այն ժամանակ արդեն բոլորի համար պարզ դարձավ, որ դա հայոց վերջի սկիզբն է:

Բայց ո՞վ էր մեղավոր: Ո՞ւմ կամ ինչի՞ պատճառով ընկավ և այն էլ այդքան հեշտ ու հանկարծակի՝ մի քաղաք, որը, ինչպես հայտնի էր ժամանակակիցներին, պետք է դիմադրեր ու դիմադրար շատ ավելի, քան նվաճող թուրքի ճանապարհի բոլոր ռազմական կետերը՝ էրզրումից մինչև Կարս:

Անկասկած, ամեն պատերազմում էլ զորքն է կովողը: Բայց ինչպե՞ս կովեց Ալեքսանդրապոլում ու նրա շուրջը տեղակայված տասնվեց հազարանոց բանակը, որ նույնիսկ մի քանի ժամ էլ չդիմացավ քաղաքը: Տասնվեցհազարանոց բանակ՝ շուրջ յոթ հազարի դիմաց: Եթե տասնվեց հազար զինվորներ դատարկաձեռն ու անզոր լանգնած էլ լինեին, յոթ հազարը նրանց կոտորելու և վրայից անցնելու համար գոնե մեկ ամբողջ օր կպահանջվեր: Ուրեմն, զո՞րքն էր մեղավոր, որ չկովեց, ոչ մի դիմադրություն ցույց չտվեց, և թուրքն անարգել ու անպատիժ մտավ քաղաք, հզիացավ նրա բարիքներով:

Պատմաբանն այս պարտություն միակ պատճառ է համարում Հայկական զորքերի գլխավոր հրամանատար Թոմաս Նազարբեկովին ու նրա վատարի օգնականներին, որոնք չկարողացան հայոց ուժերը կազմակերպել վճռական ճակատամարտի համար: Մեկ ուրիշն էլ, ռազմական գործի իմացություն մտավ քաղաքում է, որ այն ժամանակ հայոց ուժերը պարզապես անբա-

վարար էին հաղթանակ տանելու համար, և կազմակերպչակա՞նք ի՛նչ եռանդ էլ որ գործի դրվեր, մեկ է, վաղ թե ուշ այդ ուղտը պիտի շտաբեր հայ ժողովրդի դռանը:

Պարտության պատճառի մասին գրել է նաև ինքը՝ զեներալ Նազարբեկովը: Նա ասում է՝ թուրքերի կողմից հանկարծակի ու անսպասելի հարձակման ենթարկված քաղաքը թողնելուց առաջ ինքը մի քանի լուրջ կարգադրություններ էր արել: Ահա այդ կարգադրությունները. «...կոխվր եռում էր, թեև բերդի հրետանին չէր գործում: Գեներալ Արեշևն իր շտաբով դեկավարում էր մարտը: Պարետը դեռևս չէր վերադարձել: Կարգադրեցի, որ տեղակալն ստանձնի նրա պարտականությունների կատարումը: Գեներալ Սիլիկյանին հաղորդեցի թուրքերի հարձակման անցնելու մասին: Անդրանիկին կարգադրեցի անմիջապես շարժվել դեպի Ալեքսանդրապոլ և գործել թշնամու թիկունքում, որը շրջանցել էր մեր աջ թևը: Սակայն, ցավ ի սիրտ, կարգադրություններս չկատարվեցին»:

Շարագրվածներից միայն մեկն է կարգադրություն, այն, որ ուղղված էր Անդրանիկին: Եվ մի՞թե այս մեկի չկատարումն էլ բավական էր, որպեսզի այդպես դյուրությամբ քայքայվեր բերդաքաղաքի պաշտպանությունը:

Ես ասացի՝ Ալեքսանդրապոլի անկումը հայոց վերջի սկիզբը պիտի դառնար, և սա մոռալ հոռետեսություն չէ, որովհետև հայոց զորքերը, որոնք, ըստ թուրքաց հետ Յանկովսկու ընդունած պայմանի, պետք է դիրքավորվեին Ախուրյանից 25 կիլոմետր հեռավորության վրա, — ոչ մի տեղ էլ կանգ չառան ու չդիրքավորվեցին: Ըստ երևույթին այդ անկարգ, անկանոն ու անզուխ նահանջող խառնամբոխի մասին բարձր կարծիքի էր միայն թուրքական հրամանատարությունը. չէ՞ որ, այնուհանդերձ, հնարավոր էր համարել, որ այն անպայման կդիրքավորվի արդեն նվաճված Ալեքսանդրապոլից 25 կմ հեռու և կդիմադրի, կանի այն, ինչ որ չէր արել Ալեքսանդրապոլում: Իսկ իրականում ծայր էր առել անկազմակերպ նահանջի, դասալքության և հուսահատ դեգերումների մի շղթա, որով խեղդվում էր հայ զինվորությունը: Զնգուն անուններով պսակված Երզնկայի, Մակվի գումարտակները, Խնուսի գունդը, զնդապետ Զալինյանի հեծյալ զորամասը և ուրիշ խմբեր տարբեր ճամփաներով գնում էին

դեպի Արարատյան դաշտը: Նազարբեկովի հետ բախված ու դրժ-  
գոհ Անդրանիկը 3500-անոց իր ընտիր ջոկատի հետ շարժվում  
էր դեպի Զալալօղլի: Մնացած զորքն էլ, գեներալ Արեշևի երաշ-  
խավորությամբ ու Նազարբեկովի առանձնահատուկ հովանա-  
վորությունը վայելող Բեկ Մամիկոնյանի գլխավորությամբ հո-  
սում էր դեպի Մեծ Ղարաքիլիսա, որտեղ հույս ուներ Հայոց կոր-  
պուսի շտաբի «ռազմավարական հնարամտությամբ» փրկել  
ոտով-գլխով տանուլ տված պատերազմը:

Թուրքերը չէին շտապում հետապնդել նահանջողներին, նախ,  
որովհետև նրանք չէին կարող մտածել, թե նահանջն այդքան  
համատարած է ու արագընթաց, ապա, որ ամենակարևորն է,  
նրանք պետք է հիմնովին յուրացնեին ու մարսեին ձրի ստա-  
ցած վիթխարի պարզեր՝ Ալեքսանդրապոլում մնացած անբավ  
պարենն ու ռազմամթերքը:

\* \*

\*

Իսկ այնտեղ՝ Բաթումում՝ թուրքական պատվիրակությունը  
ձևացնում էր, թե բանակցությունները շարունակվում են: Հայ  
պատվիրակները ևս մի բան ձևացնում էին, իսկ թե ի՞նչ՝ իրենք  
դեռ պարզ չէին պատկերացնում: Զգձգո՞ւմ էին իրենց պատաս-  
խանը Ալեքսանդրապոլ քաղաքի ու Ալեքսանդրապոլ-Զուլֆա եր-  
կաթգծի վերաբերյալ: Այնպես էր երևում, թե Խատիսովն  
ուղղակի շճած է իր պատվիրակության հնարամտության վրա.  
տեանո՞ւմ եք, ահա այդպես մենք հարցր կախված կպահենք, և  
դուք՝ թուրքերդ, ստիպված կլինեք զիջումներ անել:

Մի անգամ նույնիսկ Զխենկելու մոտ այդ առթիվ թափանցիկ  
ակնարկ արավ, ասաց.

— Խալիլն ու Վեհիբը մեր առաջ վիզ են ծոել. երկաթգիծ են  
ուզում՝ Ատրպատական զորք փոխադրելու համար: Եվ մենք այն-  
պես կանենք, որ դա թանկ նստի իրենց վրա:

Թող Զխենկելին իմանա, որ միայն իրենք ու մուսավաթա-  
կանները չեն թուրքերի հետ իրենց հարցերը քննում առանձին-  
առանձին:

Իսկ եթե իրական վիճակը հարցնելու լինեք, այնտեղ մի այն-  
պիսի տաղտկալի սպասում կար, որից բանագնացները լխկածի

պես էին: Թմրած, անշարժության գամված, մտածելու, դեպքերն արագացնելու ոչ մի ուժ չունեին և կարծես չէին էլ ուզում ունենալ:

Խատիսովին նամակ էին բերել իր թիֆլիսյան մի բարեկամից: Ավելի ճիշտ՝ իր նամակի պատասխանն էր դա. ինքը նրան մայիսի սկզբին էր գրել՝ պատմելով պատվիրակությունների կազմի ու թուրքերի ներկայացրած վերջնագրի մասին: Եվ հիմա պատասխան-նամակում նախկին պոլսեցի ծանոթն աշխատում էր իր թղթակցին գոնե որոշ շափով տեղյակ պահել հակառակորդների վարք ու բարքից: Ըստ երևույթին նամակից զգացել էր, որ Ալեքսանդր Խատիսովին իր հակառակորդներին գիտե միայն արտաքին տպավորությամբ. «Խալիլ բեյը հաստ մարդ է, ուռած դեմքով, իսկ Վեհիբ փաշան, հակառակը, շոր մարմին ունի և ձայնն էլ՝ խլացնող»:

«Զհավատաք թուրք պատվիրակների ոչ մի խոսքին,— գրել էր Խատիսովի ծանոթը:— Խալիլ բեյն այն ապերախտն է, որ բարեկամական ապաստան էր գտել Գրիգոր Զոհրապի տանը, երբ երիտասարդ թուրքերը հալածական էին Նազիմ փաշայի հեղաշրջման առիթով: Այն ժամանակ Զոհրապի ոտքերն էր լիզում և երդվում էր նրա երախտիքը չմոռանալ հարյուր տարի: Սակայն Տասնհինգին, երբ Զոհրապի կինը նրան դիմեց՝ խնդրելով, որ պաշտպանի իր անմեղ ամուսնուն, նա հրաժարվեց նույնիսկ այդ խեղճ կնոջ աղերսանքը լսել մինչև վերջ»:

«Վեհիբը Տասնհինգի դահիճներից է, սիրելիս,— գրում էր ծանոթը:— Ես իմ աջբերով եմ տեսել, թե ինչպես իր ասկյարներին կարգադրում էր խոշտանգել հայ անճարներին և չէր վրստահում, երևի մտածում էր, թե հանկարծ այդ ճիվաղները կարող են թերանալ, կանգնում, իր կարգադրության կատարումն էր դիտում մինչև վերջ»:

Խատիսովին այդ նամակի մասին ոչինչ չասաց գործակիցներին: Մտածում էր, թե ծանոթը, Տասնհինգի դժոխքով անցած մարդ, դառնացածությունից գուցե թե շափն անց է կացնում: Նա պատրաստ էր առհասարակ ոչ մի նշանակություն էլ չտալ ստացած տեղեկություններին: Բանակցող կողմերն իրենց ներսում կարող են հազար ու մի գաղտնիք ունենալ, նույնքան էլ ծրագրեր ու նկրտումներ: Կարևորն այն է, որ այդ թուրքերը

մեզնից շեն թաքցնում մեր գործին վերաբերող իրենց բոլոր մտածումներն ու ծրագրերը: Իսկ մնացյալի վրա թքած:

...Եվ հալիլ բեյն ինքը ջուր մաղեց այս անտեղյակ երջանկության կամ երջանիկ անտեղյակության վրա: Խալիլ բեյը, որին հատիսովն ուղղակի խալիլ էր կոչում իր գործակիցների շրջանում. «Խալիլն ասաց», «Ես քիչ առաջ խալիլին մի դիտողություն արի»: Ահա այս խալիլը, թուրքական պատվիրակության ղեկավարն ու «հաստ մարդը», մայիսին 18-ի թե 19-ի առավոտյան հանդիպելով հատիսովին, նրա բարեկին պատասխանելու փոխարեն, հենց այնպես, իբր ոչ մի կարևորություն էլ չունի, նետեց.

— Կարող եմ շնորհավորել, ձերոնք Ալեքսանդրապոլը հանձնեցին:

— Ալեքսանդրապոլը, — շնչահեղձ եղավ հայոց պատվիրակության ղեկավարը: — Ո՞նց հանձնեցին: Չէ՞ որ զինադադար էր:

— Մերոնք ներս մտան, և ձերոնք էլ հանձնեցին: Ճիշտ է, զինադադար էր, և համարյա առանց կրակոցի հանձնեցին, — լարծուն մի բարեկրթությամբ, քողարկված շարախնդությամբ հաղորդեց խալիլ բեյը և շնայեց էլ, որ տեսնի՝ իր հաղորդած լուրն ի՞նչ տպավորություն թողեց մարդու վրա:

Օղը ծանրացավ: Պարզ, արեկա եղանակ էր, սակայն միանգամից աշխարհը մթնեց հատիսովի համար, նրա սրտի զարկերը մուրճահարվածների ձևով խփում էին ականջների տակ և քունքերին: Ուշքը գուլսը եկավ միայն այն ժամանակ, երբ Քաջազնունին և Վրացյանը, ուրիշներից տեղեկացած լինելով կատարվածի մասին, եկան, որպեսզի խելք-խելքի տան մեծ աղետի առաջն առնելու համար:

\*

\*

Ես չգիտեմ՝ ո՞ր ժողովրդին է պատկանում ծնունդն այն իմաստության, որն ասում է. հաղթողին շեն դատում: Բայց իսկապե՞ս հաղթողին չպետք է դատել: Կամ մի՞թե պարտվողը, — նա, որ հնար չի ունեցել հաղթական իր ծունկը դնելու դիտապաստ ընկած հակառակորդի կրծքին, — պետք է միայն դա-

տապարտված մնա խայտառակության, սերունդների՝ մեկմեկու փոխանցվող պարսավանքին...

Հաղթողին չե՛ն դատում:

Հայն իր բազմադարյան պատմության դժվար բավիղներում պարտություն շատ է տեսել, որպեսզի խորշի այդօրինակ ինքնագոհ իմաստակութունից: Հայը միշտ էլ փոքր ուժերով կռվել է իր մեծաքանակ թշնամիների դեմ և, ինչո՞ւ թաքցնել, շատ է պատահել, որ անհավասար ու ասեղ այդ ճակատամարտերում նրան վիճակվել են պարտություն, կոտորած, արհավիրքներ ու մահեր: Դրա համար էլ նա փարվել է ուրիշ մի իմաստություն. չիմացյալ մահը մահ է, իմացյալ մահը՝ անմահություն: Իմացյալ՝ մահը, որ անմահացնում է ոչ միայն հայրենիքի ու նրա սրբազան գործի համար ընկածին, այլև բովանդակ ազգին...

Տասնամյակների հեռվից հեշտ է դատել հայրենիքի զինվորությանը, առավել ևս՝ զորավարներին, որոնց մեղքով կամ անճարակության պատճառով բախտորոշ ճակատամարտեր են տանուլ տրվել:

1918 թ. զարնանը հայոց զորամասերը բոլոր ճակատներում անկարգ նահանջում էին թուրքական բանակների առաջ: Նահանջող զորամասերը հրամանատարներ ունեին, որոնք արիության բազմաթիվ օրինակներ էին տվել անցյալ պատերազմներում: Ճակատների հրամանատարները ռուսական բանակի շարքերում, կայսրության փառքի համար չէին խնայել իրենց արյունը: Եվ, վերջապես, կար զորքի գլխավոր հրամանատարը, բազմափորձ ու անվանի մի գեներալ, որը հինավուրց կարգով պետք է կոչվեր Հայոց սպարապետ:

Հայոց սպարապետները, ըստ օրինաց երկրի, բանակն իրենք էին առաջնորդում մարտի, իրենք էին զորքին տալիս անձնագոհության օրինակ, որ լինում էր թշնամու ջարդ, նաև սեփական անձի նահատակություն: Հին օրերի սպարապետը շուներ առավել բարձր նպատակ ու պատիվ, քան հայրենիքի համար զոհվելը: Եվ մեծագույն խայտառակություն էր, եթե աստժու կողմից իրեն վերապահված մահը նա ընդունում էր իր հարկի տակ, խաղաղ իր անկյունում: Հին պատմիչները մեզ են ավանդել մի այդպիսի տարօրինակ մահ, որ բաժին էր հասել Մամիկոնյան սպարապետական տոհմի քաջազարմ ներկայացուցիչ Մանուկին: Երբ ծեր սպարապետը հիվանդ պառկած էր անկողնում, և հա-



րազատներն ու երկրի տերերը հավաքված էին նրա շուրջ, նա ամենքի առաջ մերկացավ, բացեց մարմնի բոլոր անդամները, անհարմար չզգաց նույնիսկ ամոթը ցույց տալ: Ասաց՝ չեմ սեք, թե ինչպես ողջ մարմնիս վրա մի դրամի մեծության շափ ողջ տեղ չկա, քանի որ վերքերով եմ ծածկվել պատերազմների մեջ: Հետո նա սկսեց աղիողորմ լալ: Ասում էր. «Մանկությունից ի վեր ես արյունահեղ կոիվներում եմ եղել, ամեն վերք հանձն եմ առել քաջությամբ, սակայն ինչո՞ւ բախտ չունեցա մեռնելու պաշտերազմի մեջ, երկրիս համար, հայ ազգի ու եկեղեցու համար... Ես երբեք չէի խնայում իմ կյանքը, բայց և այնպես ինձ վիճակվեց կյանքս ավանդել անփառունակ մահով՝ անկողնում պառկած»:

Այդպես էր կարգը Հայոց աշխարհում: Սպարապետը բանական առաջնորդում էր մարտի, գնում էր զորքի առջևից, կոչում էր քաջաբար և հայրենիքի ու ազգի համար մարտում ընկնելը համարում էր փառքերից մեծագույնը:

Հայոց նոր սպարապետն էլ էր գնում իր զորքի առջևից, սակայն, դժբախտաբար, նահանջող զորքի, որի առջևում արդեն հայրենի երկրի վերջին սահմանն էր մնացել, և սպարապետը՝ մեջքը հենած այդ սահմանին՝ իբրև մահվան պատին, օգնություն էր աղերսում, ու նրան օգնող չկար:

Գուցե նա տեղյակ չէ՞ր հին հայոց սպարապետների մարտական վարք ու բարքին, չէ՞ր կարդացել նրանց անձնագոհություններին նվիրված հնավանդ երկերը: Զէ՞ որ չգիտեր հայերեն և իր ենթակաների հետ խոսում էր ռուսերեն, կամ օգնության էին հասնում թարգմանիչները: Արևմտահայ հասարակական գործիչ Վահան Փափազյանին էր բախտ վիճակվել դատարկվելիք Ալեքսանդրապոլում միջնորդ-թարգմանիչ լինելու նազարբեկովի ու զորավար Անդրանիկի միջև: Այդպես էլ հայոց երկու նշանավոր զորավարներն իրար չէին հասկացել, և մեր ազգային հերոսը հեռացել էր վրդովված: Ասել էր.

— Թող գայլերը գան, ինձ ուտեն, թե որ Հայոց սպարապետն իր զորքի հետ պիտի խոսի թարգմանիչի միջոցով:

Բայց չէ՞ որ այդ սպարապետը նաև քաջության ու զորավարական հմտության օրինակներ էր տվել Արևմտյան Հայաստանում, երբ նրա հրամանին ենթակա էին ռուսական կանոնավոր զորամասերը, երբ հայ կամավորական խմբերն իրենց կործա-

Կարար հարվածներով թշնամուն ստիպում էին գլուխ պրծացնել...

Ալեքսանդրապոլի անկումը, իսկ ավելի ճիշտ՝ նրա անփառունակ հանձնումը թուրքերին, ըստ երևույթին, այն ճակատագրական կետերից էր, որոնք միանգամից բեկում են մարդու անունը, և այնուհետև մոռացվում է, թե այդ անվան տերն ի՞նչ է արել առաջներում: Հենց իրենք՝ ալեքսանդրապոլցիները, տեսնելով հսկա մարմինն ափալ-թափալ մեքենայի մեջ խցկող զորավարին՝ չկարողացան զսպել իրենց լեզուների խուտուտը, ետևից կանչեցին.

— Նազարբեգով-Նազար-բեգով:— Հետո տեսան, որ առանց ետ նայելու սլանում է դեպի Ղարաքիլիսա, փորները բռնած, այդ ողբերգական պահին քրքջալով իրենց մեջ ուժ գտան գուալու.— Նազար բեգով, նազար բեգով:

Սրամիտ մարդ լինել այդ Նազարբեկով զորավարը, գոնե հետագայում, երբ կանգ էր առել Ղարաքիլիսայում, կամ էլ հենց Դիլիջանում, որ նրա վերջին ապաստանն էր դարձել, և հավաստի լուրերով՝ ամբողջ Հայաստան աշխարհին հայտնի էր դարձել, թե ինչպես թուրքերը Ալեքսանդրապոլը զուր տեղը ումբակոծելուց հետո, քաղաք էին մտել տոնական շքերթով, առանց տեղացիներից մի գնդակ, թեկուզ մի ապտակ վայելելու,— ահա այս ժամանակ, գոնե ստացած փոթ-անվանն ի հատուցում, կասեր՝ ա՛յ ալեքպոլցիներ, ա՛յ գյումրեցիներ, բա դա անելո՞ւ բան էր, որ դուք ձեր քաղաք-ամրոցն այդպես տոնական ճաշասեղանի պես բացեցիք-փռեցիք թուրքի առաջ...

Բայց ո՞վ էր ինքը՝ Թոմաս Իվանի Նազարբեկովն իբրև մարդ, գեներալ և հատկապես Հայկական զորքերի գլխավոր հրամանատար, այսինքն՝ Հայոց սպարապետ:

Զորավար Նազարբեկովի մասին շատերն են գրել: Գրել են նրա անձնական բարեկամները և առհասարակ բարյացակամ մարդիկ, որոնց համար այդ հին ու փորձված, ուսական պետության երեք մեծ պատերազմների բովով անցած զորականը պատշաճ բանականության, ռազմական հմտության և խիզախության օրինակ էր՝ առանց որևէ շոշափելի թերության: Իսկ անբարյացակամների ներկայացրած զորավարը պատահաբար ունեցել է նաև հաջողութուններ, երբ ինքնըստինքյան պատահական մարդ էր իբրև ժամանակի հայկական զինվորության գլխավոր հրամանատար:

Ինձ թվում է՝ ավելորդ կլինի այս երկու ծայրահեղությունները հաշտեցնելու ամեն փորձ: Մանավանդ, որ հրապարակված ու անտիպ մեծաքանակ նյութերի մեջ կան նաև լուրջ, համոզիչ կարծիքներ: Ահա նրանցից մեկը, որի հեղինակը նազարբեկովի երկարամյա ծանոթ-բարեկամն է, Թիֆլիսի հայկական դեկավար շրջանակի ոչ երկրորդական մի գործիչ՝ Գևորգ Մելիք-Կարակոզով-Ղարագոզյանը: Նա, իր իսկ խոստովանությամբ, սուիթներ շատ է ունեցել զորավարի հետ խոսելու մեզ հետաքրքրող խնդրի շուրջ և ահա թե ի՞նչ է գրել իր հուշերում: Ասում է՝ դեռևս այն ժամանակ, երբ հայկական կորպուսը նոր էր կազմակերպվում, և հետագայում, «ընդհուպ մինչև իր մահը, նա (այսինքն՝ նազարբեկովը.— Բ. Ու.) ինձ բազմիցս ասել է, թե հայերը հոգնել են, շեն ուզում կովել, որ այդպիսի նյութից դժվար է կազմակերպել մարտունակ բանակ, և այդ պատճառով էլ, «քիչ հավանական է, որ հնարավոր լինի կասեցնել թուրք զորքերի առաջխաղացումը» (հուշերում այս շակերտները կան, որ կնշանակի՝ մեջ է բերված զորավարի ուղղակի խոսքը.— Բ. Ու.): Ինչպես այն ժամանակ, այնպես էլ հետագայում, նա այս բառերն այնքան հաճախ էր կրկնում (և պետք է ենթադրել՝ ո՛չ միայն ինձ), որ, պարզ է, նրանք չէին կարող լինել պատահական, այլ կամ գալիս էին խոր համոզմունքից, կամ անհաջողությունների համար արվող կշտամբանքները դիմակայելու պահանջից: Բայց ինքն իրեն բխում է օրինական հարց. նա այդպիսի կասկածամտության պարագային պե՞տք է իր վրա վերցնել ազգային բանակի կազմակերպչի ու գլխավոր հրամանատարի այդքան պատասխանատու դերը»:

Հուշագրողը, այս իսկապես օրինական հարցից հետո, նշում է, որ նազարբեկովն առհասարակ չի ունեցել ո՛չ հիվանդոտ պատվախնդրություն, ո՛չ էլ բարձր պաշտոններից կառչելու սովորություն: Այս դեպքում ի՞նչը նրան ստիպեց ընդունելու, իբր կարծիքով, դեպի անկասեցնելի կործանում գնացող ազգի զորքը գլխավորելու պատիվը: «Բացառապես՝ ժողովրդի առաջ ունեցած պարտքի գիտակցությունը», — իր հարուցած հարցին այսպես է պատասխանում Գ. Մելիք-Ղարագոզյանը և ավելացնում. «Դրա մեջ էր նրա քաղաքացիական արիությունը, բայց գուցեև միաժամանակ... նրա պատմական սխալը»:

Սրան հետևում է հուշագրողի կարծիքը՝ այն օրերի հայ ժողովրդին ու նրա ցանուցիր զորքին անհրաժեշտ հրամանատարի մասին: «Անձամբ ես մտածում եմ,— գրել է նա,— թե այն փոթորկոտ ու ճակատագրական շրջանում պահանջվում էր ուրիշ մասշտաբի, եռանդի, բնավորության, թերևս նաև ուրիշ տարիքի զորահրամանատար: Նազարբեկովը հին, կազմակերպված, կանոնավոր բանակի փորձառու գեներալ էր: Բայց տանուլ տված աշխարհամարտի փլատակների վրա շտապ կարգով ազգային նոր բանակ համալրելու և այն թուրքաց բազմափորձ, միայն իրենց երևույթով հայության վրա սարսափ տարածող բանակների դեմ տանելու համար, ուրիշ զորավարների կամայականությունները և բիրտ ու ամբարտավան խմբապետների քմահաճույքները հաղթահարելու համար, զինվորությանն ու ամբողջ ազգին ոգևորելու, առաջ տանելու համար պահանջվում էր ուրիշ տեսակ զորահրամանատար: Առավել անմիջական ու հնարամիտ, զործնական վիթխարի եռանդի ու անձնական հմայքի, բնատուր մեծ խելքի ու առողջ բնազդի տե՛ր և վճռակա՛ն, հենց միայն իր իսկ կերպարով ոգևորող ու ոգեշնչո՛ղ, ահռելի զործնական եռանդո՛վ, թեկուզ նաև անդրկովկասյան իշխանության՝ նենգավոր թշնամու դեմ երերացող, անկայուն, հաճախ էլ դավաճանական վճիռներ հանող ղեկավարներին ընդգիմացո՛ղ... Կարող են հարցնել. իսկ որտեղի՞ց գտնեին այդպիսի մարդուն: Հայկական վերին սպայության շարքերում եղե՞լ է առավել հարմար մարդ, քան Նազարբեկովը: Զգիտեմ: Գուցե չի էլ եղել: Սակայն հեղափոխությունը և գործը ծնում են առաջնորդներ, և թերևս այդպիսին պետք էր փնտրել ո՛չ անպայման կադրային զինվորականների շարքերում, այլ նրանց մեջ, որոնք առանձնապես հուսադրում էին իրենց տաղանդով, եռանդով ու կազմակերպչական ընդունակություններով: Այդպիսիսին պետք է այն շրջանում վստահվեր դիկտատորական իշխանություն, ու նրա շուրջը, ինչպես այդ լինում է հեղափոխական բանակներում, շուտով կկազմակերպվեր ընդունակ գործիչների մի ամբողջ խումբ: Միայն այդպիսի առաջնորդի գլխավորությամբ 1917—1918 ճակատագրական թվականները կավարտվեին լավագույն արդյունքներով, քան ձեռք բերեց հայ տարաբախտ ժողովուրդը, որի միայն վերջին բեկորները փրկվեցին, շնայած նրա այն իսկապես հերոսական խիզախումներին՝ գործված մի խղճուկ տա-

րաժքի վրա, որը կհսով չափ բռնագրավվել էր թուրքերի կողմից և պիտի կոչվեր Հայկական հանրապետութուն»:

Մեյիք-Ղարազյոզյանն այստեղ վերստին անդրադառնում է գորավար Նազարբեկովի կերպարին՝ տալով նրա ճակատագրական սխալի իր սեփական բացատրությունը: Նազարբեկովը, — ընդգծում է հուշագրողը, — հաշվի չէր առել, որ երբ պետական իշխանությունը երերուն է, կամազուրկ և գտնվում է խարխվելու վիճակում, պատմական պահի խնդիրը պահանջում է ինքնուրույն բեմելն ու ինքնակամ վճիռներ հանելն ա՛յն մարդու կողմից, որին վստահված է ժողովրդի բախտը:

Սպառի՞չ է Նազարբեկովի բարեկամի այս բնութագրությունը թե՞ ոչ, ես քննելու նպատակ չունեմ: Մանավանդ նրա այն հարցը, թե սպարապետության համար «Հայկական վերին սպայության շարքերում եղե՞լ է առավել հարմար մարդ, քան Նազարբեկովը»: Իսկապես եղե՞լ է, թե՞ ոչ՝ այդ կերևա հետագա իրական-պատմական դեպքերից, որոնք և կազմում են այս գրքի առանցքը:

Բայց ո՞վ էր, այսուհանդերձ, Նազարբեկովը, որի մասին այնպիսի ծայրահեղորեն հակասական կարծիքներ են պնդում նույնիսկ մերօրյա հեղինակները:

Գրական գործերից մեկում նա ներկայացվել է իբրև Քաջ Նազարի կրկնօրինակը: Իսկ Կովկասյան ճակատի գաղտնիքներին քաջատեղյակ մի հետազոտող փորձում է արդարացնել Հայոց նոր սպարապետին: Թվարկում է նրա անցյալ ծառայությունները նշանակալից, Անդրկովկասյան սեյմի հայատյաց ղեկավարների խարդավանքներն է հիշում, հայոց ռազմաճակատի վիճակն անհուսալի... և ահա՛, պատրաստ է ուշացած, բայց զիտական ու հիմնավոր արդարացումը:

Ների՛ր ինձ, ընթերցող, որ չպիտի փորձեմ հաստատել մեկի ասածը կամ ժխտել մյուսի տեսակետը: Ականատեսները համերաշխ են միայն նրա արտաքինին վերաբերող տեղեկություններում: Ասում են՝ հաղթահասակ ու բարեսես մարդ է եղել: Նաև ասում են՝ ձախ աչքի վնասվածքի շնորհիվ նմանեցրել են ուս հոչակավոր այն զորավարին, որը նապոլեոնյան բանակները ներքաշելով մինչև իր հայրենիքի մայրաքաղաքը, հետո պարտիզանական պատերազմներով հյուժեց նրանց: Նմանություն, հավանաբար, եղել է, եթե իսկապես նմանեցրել են և աչ-

քից հեռու էլ կոչել են նրա անունով. «Կուտուզովն է գալիս», «Կուտուզովը վրդովված է»: Սակայն ռազմավարական նմանությունն նշմարելն անհնար է, որովհետև հայ «Կուտուզովը» ոչ մի տեսակ պատերազմ վարելու տրամադրություն չուներ և կառավարության լիազորություններով օժտված իր վերադասներին անվերջ ու անընդհատ հորդորում էր զինադադար կնքել, թուրքերն ի՛նչ պայմաններ էլ որ առաջարկելու լինեն...

Այստեղ իսկ ես խոսք պետք է տամ իրեն՝ Հայոց սպարապետ Թոմաս Նազարբեկովին: Թող նա ինքը խոսի (կամ կարգա իր գրածները), և ընթերցողը դատի նրա մասին:

Իմ ձեռքի տակ են Նազարբեկովի հեռագրերը հայ-թուրքական ռազմաճակատից՝ ուղղված Թիֆլիս, գններալ Կվինիտաձեին և Հայոց ազգային կենտրոնական խորհրդի նախագահին, որ Ավետիս Ահարոնյանն էր: Սրանք սովորական հեռագրեր չեն, որ ունենում են անարյուն բառերի կցկտուր շարքեր, և կարդալիս չես կարող որոշել՝ իմաստունի՞ ձեռքի տակից են դուրս եկել, թե՞ հազիվ տառաճանաչ մահկանացուի: Սրանք հանգամանալից, ընդարձակ գրություններ են, որոնք ոչ միայն պատմում են դեպքերի ընթացքը ճակատում, այլև արտահայտում են հեղինակի հոգեբանական վիճակի շարժումը, նրա բնավորության գծերը, մարդկային արժանավորություններն ու թուլությունները:

Դատելով այս հեռագրերից՝ չի կարելի շեղրակացնել, որ Նազարբեկովը վարժ ու կիրթ գրիչ է ունեցել: Իսկ այսպիսի մարդու մասին ընդունված է ասել՝ որտեղ նրա գրածը, այնտեղ էլ ինքը:

Ուրեմն Հայոց նոր սպարապետ Թոմաս Նազարբեկովին փորձենք ճանաչել նրա գրածներից, որոնք հիմնականում ես տեսել եմ իր սեփական ձեռագրով, այսինքն՝ իր իսկ գրչի տակից ելած վիճակում: Իսկ մեր օրերում ձեռագրով ճշգրիտ որոշում են նաև նրա հեղինակի վարքն ու բնավորությունը, նրա հոգեբանության անսխալ պատկերն են տալիս:

«Այս մայիսի 10-ի ժամը մեկին Ղարաքիլիսա հասա Ալեքսանդրապոլից, որտեղից դուրս էի եկել երեկոյան ժամը 17-ին, — գրել է Հայոց սպարապետը: — Դուրս գալուս ժամանակ քաղաքի գրությունը ներկայանում էր իբրև կատարյալ անհուսալի. թուրքերն աջ թևում նվաճել էին Օրթաքիլիսան՝ կտրելով երկաթուղին և շարունակում էին հարձակումը Ջաջուռի վրա: Չախ թևում թուրքերը նվաճել էին Փոքր Ղարաքիլիսան և դուրս էին գալիս

Ալեքսանդրապոլի թիկունքը: Ծախսված էին բոլոր պահեստային ուժերը: Թուրքերի կողմից զինադադարի հանկարծակի խախտումը աներևակայելի խուճապ էր առաջացրել քաղաքում և շրջակա գյուղերում. ամբողջ բնակչությունը փախչում էր՝ իր հետ քաշելով նաև զինվորներին, որոնք նետվում էին փրկելու իրենց ընտանիքները, քանի որ տեսնում էին դրուժյան ամբողջ անհուսալիությունը:

Ալեքսանդրապոլից դուրս գալուց առաջ ես հրամայել եմ թուրքերի մոտ բանազնացնել ուղարկել զորքի ու քաղաքի բնակչության ներկայացուցիչներից, որպեսզի մշակեն ըստ հնարավորին շահավետ պայմաններով քաղաքը թուրքերին հանձնելու կարգը: Դրա հետ միասին, այն ժամանակ ես գեներալ Արեշկին կարդադրել եմ զիշերվա ընթացքում նահանջել Ջաջուռի լեռնանցքը՝ նախօրոք պատրաստված դիրքը: Հաղորդում եմ առաջին հայկական հրաձգային դիվիզիայի շտաբի պետի տված զեկույցը: «Զեկուցում Ալեքսանդրապոլ քաղաքի ու բերդի հանձնման պայմանների մասին. առաջին՝ պարտավոր ենք ամբողջ սպառազինությունը թողնել քաղաքում կամ զենքերը հանձնել, երկրորդ՝ քաղաք պիտի մտնի թուրքական զորքի մի մասը՝ այնտեղ կարգ պահպանելու համար, մնացած զորքը պետք է Արփաչայից 25 կմ հեռանա: Երրորդ՝ երկաթուղային կայարանը, դեպոն, արհեստանոցները, գնացքաքարշները, վագոնները և ամեն ինչ քաղաքում ու բերդում պետք է մնան անվնաս»: Մայիսի 15-ի երեկոյան դրուժյունը. շնայած մեր մի շարք միջոցառումներին, թուրքերն աչ թևում ամրացել են Օրթաքիլիսայում ու նրանից հյուսիս գտնվող բարձունքներում, կենտրոնում կուտակվել են բերդի առաջ, ձախ թևում գրավել են Թափա-Ղոլակն ու Փոքր Ղարաքիլիսան, որտեղից էլ հարձակվել են դեպի արևելք: Մեր աչ թևը, շրջանցելով թուրքերին, հեռացել է դեպի սարերը: Չգիմանալով թուրքերի հարձակմանը, շորրորդ գունդը նահանջել է Ջաջուռ՝ Դյուզքենդի շրջանից դեպի արևմուտք, մի մասով Օրթաքիլիսայի վրա գնալու, մյուս մասով էլ ձախ թևին օժանդակելու համար: Ձախ թևում երկրորդ ու առաջին գնդերը նահանջել են Մեծ Քափանակի շրջանի բարձունքները: Ութերորդ գունդը դժվարությամբ շարունակում էր մնալ Ալեքսանդրապոլի հյուսիս-արևելյան մասում: Մնացած զորամասերի ու բազմաթիվ ջոկատների տեղադրությունն անհայտ է: Կարգադրու-

ված է եղել պաշտպանել Ջաջուռի բարձունքները, և ժամը 24-ի կողմ ստացվել են վերոշարադրյալ պայմանները: Նկատի առնելով զորքերի քայքայվածությունն ու նվազ մարտունակությունը, ուշադրության առնելով, որ անհնար է Ալեքսանդրապոլի կայազորով գրավել Ջաջուռի լեռնանցքից հյուսիս գտնվող տեղամասը, և այդ պատճառով էլ բոլորովին հույս չղնելով Ջաջուռի բարձունքները պահելու վրա, դիվիզիայի հրամանատարը որոշել է կատարել թուրքերի պայմանները և զորքերը ետ քաշել Գերբի գիծը՝ ճակատը պաշտպանելով և հեծելազորի միջոցով թևերին հետևելով, ուր և զորասյունները կարգի բերել և մարտն ընդունել, որի մասին հրաման է տրված:

1918 թ. մայիսի 16-ի ժ. 4 և 35 րոպե»:

Սա դիվիզիայի շտաբի պետ Մացիևի զեկույցն է Հայկական կորպուսի հրամանատար Նազարբեկովին: Նազարբեկովը, իր տազնապալից խոսքին առավել մեծ համոզություն հաղորդելու համար, այս հեռագիրը մեջ է բերում ամբողջությամբ, ապա կատարում է նաև սեփական եզրակացություն, որ հետևյալն է. «Նկատի առնելով զորագնդերի լիակատար քայքայվածությունը, մարտն ընդունելու և Ջաջուռի դիրքերը պաշտպանելու բացարձակ անհնարինությունը՝ ես համաձայն եմ դիվիզիայի պետի առաջարկությանը և իրեն կարգադրել եմ զբաղեցնել նախատեսված գիծը:

1918 թ. մայիսի 16-ի ժ. 9 և 30 րոպե:

Կորպուսի հրամանատար Նազարբեկով»:

Հայկական կորպուսի հրամանատարը հեռագրում Ալեքսանդրապոլից իր հեռանալու օր է համարում մայիսի 10-ը և ոչ թե 15-ը: Մի՞թե այսպես շուտ նա մոռացել էր իր նահանջի հանգամանքները: Թե՞ Թիֆլիսում նստածների առաջ էր անհարմար, որպեսզի քաղաքը թուրքերին հանձնվեր իր աչքերի առաջ, իր իսկ անմիջական մասնակցությամբ:

Ավելորդ չէ նշել նաև, որ դիվիզիայի պետի հեռագրում դրությունը ծայրահեղ անհուսալի չէ: Մացիևը որոշել էր «կատարել թուրքերի պայմանները և զբաղեցնել ետ քաշել Գերբի գիծը՝ ճա-



կատրը պաշտպանելով ու հեծելագործի միջոցով թևերին հետևելով, ուր և զորասյունները կարգի բերել և մարտն ընդունել»: Գններալ Նազարբեկովն այսքանից վերակազմում է ուրիշ մի վիճակ՝ «նկատի առնելով զորագնդերի լիակատար քայքայվածությունը, մարտն ընդունելու և Ջաջուռի դիրքերը պաշտպանելու բացարձակ անհնարինությունը»:

Ի՞նչ է պատճառն այս տարբերության: Մի՞թե դիվիզիայի պետ Մացիևն իր դիվիզիայի վիճակն ավելի վատ էր տեսնում, քան գններալ Նազարբեկովն իր զարաքիլիսյան հեռվից: Թե՞ վերջինիս ձեռնառու էր դրությունն այնպես ներկայացնել, որպեսզի հետո արդարացվեն թուրքերի առաջ անձնատուր լինելու բոլոր պայմանները:

«Թիֆլիս, Հայոց ազգային խորհրդի նախագահին.

Ալեքսանդրապոլը թուրքերի կողմից գրավելու և մեր զորքերն Արփաչայից ու Երևանյան երկաթուղուց ետ քաշելու պատճառով ինձ վստահված կորպուսի զորամասերն իրերի բնական ընթացքով դասավորվում են հետևյալ երեք խմբերով (ապահանգամանորեն ներկայացնում է Բաշ-Ապարանի, Ղարաքիլիսայի ու Երևանյան զորախմբերի դասավորությունը.— Բ. ՈՒ.): Հայկական զորամասերի դրությունը ծայրահեղորեն դժվարանում է նրանով, որ մենք գտնվում ենք երկու թշնամիների սրանքում. մեր առջևում թուրքերն են, թիկունքում՝ թաթարները, և թուրքաց հետագա հարձակման դեպքում մենք այլևս ետ գնալու տեղ չենք ունենա: Մայրազույն կետերը, որոնցից դենը մենք չենք կարող նահանջել, ես համարում եմ Ջալալ Օղլին ու Վորոնցովկան աջ թևում, Սանահինը կենտրոնում և Դիլիջանն ու Նոր-Բայազետը ձախ թևում: Եվ խնդրում եմ ցուցում տալ, թե ի՞նչ պիտի անել, եթե թուրքերը մոտենան այդ ծայրագույն կետերին:

Դժբախտաբար ես հույս չունեմ, թե մեր զորամասերը թշնամուն ցուլց կտան անհրաժեշտ դիմադրություն այն կետերում, որ իրենք են այժմ զբաղեցնում: Չորամասերը լրիվ կազմալուծված են, գնդերը վեր են ածվել վաշտերի: Այսպես. 8-րդ հրաձգային գնդում առայժմ առկա են 120 մարդ, յոթերորդ հրաձգային գնդում հիմա սոսկ մի քանի տասնյակ մարդիկ են հավաքվում:

ինձ վստահված կորպուսի համար ամենահեղ հարցը սույն պարագային սննդի հարցն է՝ պարենային բոլոր տեսակների գծով: Ժամանակին էվակուացվելու հնարավորություն չունենալով, գաղթականների հոսքի, ինչպես նաև Կարսի ու Ալեքսանդրապոլի փոխադրամիջոցների անբավարարության պատճառով, երկու այդ կետերում եղած հսկայական պաշարները գրավվել են թուրքերի կողմից, և կորպուսի տրամադրության տակ եղած մարտական, մթերային, սննդի, հացահատիկի պաշարները միանգամայն չնչին են. եռագիծ փամփուշտների պաշարը կբավականացնի միայն մեկ մարտի համար, ուրիշ խոսքով՝ մենք փամփուշտ համարյա չունենք: Հրացաններ բոլորովին չունենք: Հագուստ և կոշիկ բոլորովին չկան: Ունենք սպիտակեղենի մի չնչին պաշար: Ալյուր առհասարակ չկա: Պաքսիմատը, յուրաքանչյուր մարդուն օրական մեկ ֆունտի հաշվով, կբավականացնի յոթ օր: Կա ձավարի ու շաքարի մի փոքր պաշար:

Նկատի առնելով, որ Թիֆլիսից փամփուշտ ու մթերքներ ստանալը դժվար թե լինի, և որ դրա հետ նաև՝ մեր զորքերը համարյա հասել են հնարավոր նահանջի վերոհիշյալ ժայռագույն կետերին, ստիպված ենք, առանց դրսի օգնության, մեր դրությունը համարել անելանելի, որը և անհնար է դարձնում թուրքերի դեմ մեր կովի հետագա շարունակելը:

1918 թ. մայիսի 16-ի ժ. 22 և 30 ըոպե:

Կորպուսի հրամանատար Ենազարբեկով»:

Մայիսի 16-ի ժամը 12 և 40 ըոպեին, նույն հասցեներով հղած հեռագրում հանգամանորեն նկարագրված են հայկական զորամասի անհաջողությունները Ղարաբախի ճակատում:

Հաջորդ օրվա հեռագիրն էլ ունի նույն բովանդակությունը՝ գումարած ամեն ինչով օգնության հաւանելու խնդիրքը:

Ամսի տասնութին փոխադրամիջոցներ են խնդրվում՝ իր մոտ, Ղշաղ գյուղում պահվող երեք հազար թուրք գերիներին թիկունք տեղափոխելու համար:

Գնդապետ Բեկ Մամիկոնյանը, ղեկուցելով իր և հարևան միավորումների վիճակի մասին, գեներալ Ենազարբեկովին խորհուրդ է ալիս նյութական ամբողջ ունեցվածքն ու թնդանոթները շտապ կերպով փոխադրել խոր թիկունք, որպեսզի չընկնեն թուրքերի

ձեռքը: Սակայն դենեբրալին հայտնի էր, որ այլևս խոր թիկունք չկա: Իսկ թնդանոթնե՛րը... Այն ե՛րբ է եղել, որ կռվողներն իրենց զենքերն ուղարկել են խոր թիկունք: Բռնցքամարտի՞ պիտի նետվեին դիմացից եկող թշնամու դեմ:

Գենեբրալ Նազարբեկովը հիմնավոր կրթություն ստացած մարդ էր, կարողանում էր կազմել գրագետ զեկուլցներ, որոնք պարզ ու լայն պատկերացում են տալիս ռազմաճակատի ընդհանուր դրուժյան և նրա առանձին կետերի մասին: Այդ գրագետ մարդը նաև խելոք էր. մտածում էր, թե հնարավոր է, որ թղթակիցները շհավատան իր տագնապալից ահազանգերին: Դրա համար էլ մեկ-մեկ ուղարկում էր նաև ստորին օղակներից իրեն հասած զեկուլցները: Ուղարկում էր՝ անպայման շեշտելով, որ դրանք բնագրերն են, և ինքը չի հավելել ոչ մի բառ:

Այստեղ արժև մեջ բերել երկուսը Նազարբեկովի ստացած ու վերազրկած զեկուլցներից:

«Հաղորդում եմ, որ միացյալ զորախմբի երրորդ առանձին բրիգադը հալչել է և կարող է դուրս բերել 84 զինվոր, 4 գնդացի: Բրիգադին է միացված Տիգրան Բաղդասարյանի (արևմտահայ) ջոկատը 400 հետիոտն ու 250 հեծյալ զինվորների կազմով, որը գտնվում է առաջին զինվորական գնդի մեջ: Գնդապետ Բաղդասարովը, Վանի երկրորդ գնդի հրամանատար Կետտերը ներկայացրել են զեկուլց հիվանդության մասին: Գենեբրալ-մայոր Ուլիլով:»

Գենեբրալ Արեշևի հեռագրում դրուժյունը նկարված է այնքան մռայլ գույներով, որ Նազարբեկովն իսկապես կարող էր շավելացնել ոչինչ: Արևմտահայերը փախչում են ճակատից, արևելահայ գյուղերն էլ լավագույն դեպքում դատարկվում են, վատագույն դեպքում՝ սպիտակ դրոշ բարձրացնում հորիզոնում դեռևս չերևացած թուրքերի առաջ, որովհետև սրանք լրատուների միջոցով խոստացել են խնայել հնազանդվողներին, — գրում է մարտական հրամանատարը, ապա, դառնալով զորամասի վիճակին, հաղորդում. դիրքերը լքում են նույնիսկ նախկին կռվողները. «Ախալքալաքցիները, դարաբաղցիներն ու ելիզավետպոլցիները, տեսնելով ընդհանուր փախուստը, հայտարարել են, որ եթե բոլոր հեռանում եք, ապա մենք էլ կհեռանանք՝ պաշտպանելու մեր հարազատ վայրերը: Հետևանքն այն է, որ մնացել են հրամանատարական կազմն ու զինվորների մանր խմբեր...»:

Եվ այս տազնապալից տեղեկություններից հետո վերստին գալիս են սպարապետի ոչ պակաս տազնապալից ահազանգերը:

«Թիֆլիս, Հայոց ազգային խորհրդի նախագահին.

Այս ժամին ինձ է ներկայացել Ալեքսանդրապոլի ջոկատի պետ և հայկական առաջին հրաձգային դիվիզիայի հրամանատար գնդապետ Բեկ Մամիկոնյանն իր անձնական զեկույցով: Իր իսկ նախկին տեղեկությունների և անձնական այս զեկույցի համաձայն՝ վերջին օրերին ծավալված զինվորների զանգվածային դասալքության պատճառով ռազմաճակատում ես այլևս զորք չունեմ: I, IV, VII և VIII հրաձգային գնդերը բոլորովին հեռացել են իրենց տեղամասերից: Այդ գնդերից յուրաքանչյուրում մնացել է 20—40 մարդ: Երրորդ հրաձգային գնդում և Կարսի ամրոցային գնդում մնացել է հարյուրական մարդ: Գնդապետ Բեկ Մամիկոնյանի խոսքով՝ ամբողջ զորամասում մնացել են չորս հարյուր մարտիկներ, որոնք ևս անպայման կհեռանան այսօր դիշերը: Դրանից բացի, վերջին օրերի ընթացքում միանգամայն փոխվել է տեղական բնակչության տրամադրությունը. բոլոր գյուղերը ճերմակ դրոշակներ են հանել, զենքը ձեռքներից պահանջում են հեռանալ և պատրաստ են անցնել թուրքերի կողմը: Վաղը կորպուսի շտաբի ու թուրքերի արանքում այլևս չի լինի ոչինչ, բացի դիվիզիայի շտաբից: Դիվիզիաների ու կորպուսի շտաբներին մնում է երկուսից մեկը՝ մնալ տեղերում և այստեղ սպասել թուրքերի գալուն, կամ էլ՝ անհապաղ կազմացրվել հենց այստեղ, կամ ուր որ կնշվի: Սպասում եմ ձեր շուտափույթ կարգադրություններին՝ ի՞նչ անել: Դրանից բացի, խնդրում եմ շտապուցում տալ այն մասին, թե պե՞տք է հաշվել, որ մենք պատերազմական վիճակում ենք թուրքերի հետ, թե՞ զինադադարի դրություն է:

1918 թ. մայիսի 18-ի ժամը 20:

Կորպուսի հրամանատար նազարբեկով»:

«Ղարաքիլիսայից Թիֆլիս, Հայոց ազգային խորհրդի նախագահին.

Ի գիտություն հաղորդում եմ գեներալ Սիլիկովից ստացածս հեռագրի պատճենը. «Սուրմալուի ու էջմիածնի գավառներ-

րի բնակչութիւնը Ալեքսանդրապոլի դեպքերից հետո փութկոտ էվակուացվում է: Փախստականներով լցվել են գյուղական ճանապարհները, փոխադրական միջոցներ չեն մնացել: Արժեքավոր ունեցվածքները շուտափույթ կերպով տեղափոխելու համար անհրաժեշտ է շտապ իմ կարգադրութեան տակ ուղարկել տաս բեռնատարներ: Գեներալ Սիլիկով»:

1918 թ. մայիսի 19:

Կորպուսի հրամանատար Նազարբեկով»:

«Թիֆլիս, Հայոց ազգային խորհրդի նախագահին.

Ունեցած տեղեկութիւնների համաձայն՝ Ալեքսանդրապոլյան զորաշտկատի կազմից մարդիկ զանգվածաբար դասալքել և հասել են Թիֆլիս: Միջոցներ ձեռք առնք դասալիքներին բռնոտելու և, ըստ անվանական ցուցակների, վերադարձնելու իրենց զորամասերը, ուր և նրանք պետք է ենթարկվեն դատի:

1918 թ. մայիսի 19:

Կորպուսի հրամանատար Նազարբեկով»:

«Գեներալ Կվինիտաձեին,

«Թիֆլիս, Հայոց ազգային խորհրդի նախագահին.

Ամեն օր դրութիւնն առավել վատթարանում է: Ինչպես ես արդեն գեկուցել եմ (ընդգծումն իրենն է.— Բ. Ու.), Ղարաքիլիսայի առաջ զորք չի մնացել, բոլորը ցրվել են տները: Ինչպես գեներալ Սիլիկովի այսօրվա զեկուլցից է երևում, նույն պատկերն է նաև Երևանյան զորաշտկատում: Այսպիսի պայմաններում ես մեր վիճակը համարում եմ անելանելի և պատերազմի հետագա շարունակումը՝ անհնար: Դրութիւնը պահանջում է անմիջապես կնքել խաղաղութիւն: Անհրաժեշտ է հայտարարել զորացրում և դադարեցնել մարտական ամեն տեսակ զործողութիւն, նույնիսկ թուրքերի հետագա հարձակման դեպքում: Դոնե թույլ կադրերը իրեղենի մի մասի հետ պահպանելու և բնակչութիւնը փրկելու համար անհրաժեշտ է այդ միջոցառումն իրականացնել անհապաղ, ապա թե ոչ, թուրքերի կողմից մեզ Դիլիջանին ու Սանահնին սեղմելն ավելի կվատացնի դրութիւնը և

վերջնականապես կխորտակի ինչպես բնակչությանը, այնպես էլ  
գործին:

Մայիսի 20-ի ժ. 20 և 30 րոպե:

**Կորպուսի հրամանատար Նազարբեկով»:**

**Նույն հասցեներով՝**

«Թշնամին գրավել է Համամյուն և շարունակում է առաջ-  
շարժումը: Զոկատը նահանջում է Ղշլաղ, որից հետո Ղարաքի-  
լիսա:

1918 թ. մայիսի 21-ի ժ. 19:

**Կորպուսի հրամանատար Նազարբեկով»:**

«Այսօր կորպուսի շտաբը փոխադրվում է Դիլիջան:

1918 թ. մայիսի 21-ի ժ. 20:

**Կորպուսի հրամանատար Նազարբեկով»:**

**Թիֆլիս, գեներալ Կվինիտաձեին,**

**Պատճենը՝ Հայոց ազգային խորհրդի նախագահին.**

Անդրկովկասյան կառավարության կարգադրությունը, որ ձեր  
թիվ 76 հեռագրով հաղորդել էիք ինձ, ընդունված է ի կատարումն,  
ես համապատասխան նամակ եմ հղում Շեքի փաշային՝ ման-  
րամասն համաձայնագիր մշակելու համար երկու կողմերից բա-  
նախոսներ հավաքելու մասին: Բայց ինձ զարմացնում է կառա-  
վարության կողմից ինձ արված կարգադրությունը, երբ թուրքերը  
համառորեն չեն ուզում հաշվի նստել ոչ մի տեսակ համաձայ-  
նության հետ, համառորեն շարունակում են մարտական գործո-  
ղություններն ու առաջարժումը, շնայած ես արդեն համաձայ-  
նություն էի տվել [իրենց] գործն անարգել կերպով Զուլֆա տե-  
ղափոխելու համար:

Այսօրվա տեղեկությունների համաձայն՝ թուրքերն արդեն մո-

տեցել են Վորոնցովկային, մերձենում են Նալբանդին և գրոհում են Իգդիրի վրա:

Բացի դրանից իմ ոչ մի նամակին ևս պատասխան չեմ ստացել: Այս ամենն ապացուցում է, որ թուրքերը նկատի ունեն (երևի պիտի լինի՝ նպատակ ունեն.— Բ. Ու.) նվաճելու ոչ միայն երկաթգիծը մինչև Զուլֆա, այլև հետապնդում են ուրիշ նպատակներ և առհասարակ չեն ցանկանում մեզ հետ կնքել որևէ համաձայնագիր: Ենթադրում եմ, որ կառավարութեան կողմից ինձ վրա դրված այս հանձնարարությունը ևս ցանկալի արդյունքներ չի տալու:

1918 թ. մայիսի 21:

Կորպուսի հրամանատար Նազարբեկով:»

Նույն հասցեներով տրված հեռագրում սպարապետը գրում է, թե.

«Գեներալ Սիլիկովը հաղորդում է, որ մայիսի 21-ի ժամը 17-ին Սարդարապատի տակ մարտ է բորբոքվել: Սարդարապատի ջոկատը նահանջում է Գյուրաքոփու և Հայկական Զեյվա գիծը: Իգդիրի ուղղությամբ մեր զորամասերն ամրանում են Արաքսի գետանցներում՝ Մարգարայի առջև ունենալով հեծյալ զորաջոկատներ...»:

Գեներալ Նազարբեկովը վերստին աղերսում է, որ խաղաղութեան դաշինք կնքվի, քանի որ թուրքերն առաջ են շարժվում, իսկ ինքը Դիլիջանում է, և դեհը ոչ մի տեղ չկա: Առաջարկում է թույլ տալ, որ ինքը զորքը ցրի՝ թողնելով միայն հրամանատարական կազմը, ապա հայտարարի, որ զորքն ու բնակչությունը պիտի հույսները դնեն բացառապես տեղանքի և իրենց վրա:

«Անհրաժեշտ է անմիջապես հրաժարվել մարտական գործողություններից,— շարունակում է նա,— և խաղաղություն կնքել, քանի որ միայն այդպիսի ճանապարհով կարելի է պահպանել մնացած նյութական ունեցվածքը («материальную часть»): Խնդրում եմ նաև նշել, թե ի՞նչ պիտի անեմ ինքս, եթե թուրքերը շարունակեն հարձակումը Դիլիջանի վրա, որովհետև կորպուսի շտաբն այլևս նահանջելու տեղ չունի, և թուրքերի կողմից Դիլիջանի գրավումով ևս, շտաբն ուրիշ որևէ տեղ փոխադրելով

անգամ, կտրվում եմ Թիֆլիսի, ինչպես նաև մի քանի դորաչո-  
կատներին հետ ունեցած ամեն տեսակ կապից:

1918 թ. մայիսի 22:

Կորպուսի հրամանատար Նազարբեկով»:

«Մի շաբաթ առաջ խնդրել էի շտապ ուղարկել հաց ու գարի:  
Զորքը ծայրահեղ դրուժյան մեջ է դրված՝ մի շաբաթվա ընթաց-  
քում հացի ու պաքսիմատի բացակայութան պատճառով: Այս-  
պիսի պայմաններում անհնար է ռազմական դործադուժյուն-  
ներ վարել: Խնդրում եմ ձեռք առնել վերջին միջոցները՝ ամենա-  
շտապ կարգով պաքսիմատ ու գարի ուղարկելու ինձ վստահված  
կորպուսին:

Մայիսի 25:

Կորպուսի հրամանատար Նազարբեկով»:

\* \*

\*

Հայկական կորպուսի հրամանատարի, այսինքն՝ Հայոց սպա-  
րապետի հեռագրերը Թիֆլիս էր հղում մի կապավոր սպա, որն  
իր գործը լավ դիտեր և բանականութան հետ սերտ հարաբերու-  
թյունների մեջ էր: Այդ պատճառով խելամիտ կապավորը հե-  
ռագրերը հազորդելիս մտնում էր նրանց խորքը, վեր էր լուծում  
ամեն մի նախադասութունը, նույնիսկ բառերի տեղն ու նրանց  
ներքին իմաստներն էր քննում: Եվ որովհետև ուղղախոս մարդ էր,  
մտածածը չէր թաքցնում:

Մայիսի 25-ի հեռագիրը ձեռքին Նազարբեկովի մոտից հեռա-  
նալիս կապավոր սպան երկընտրանքի մեջ ոտքը կախ էր գցել ու  
քթի տակ խոսեց սպարապետի հետ:

— Պարոն գեներալ, բա այսպես հարմա՞ր է:

— Ի՞նչը հարմար չէ, — գլուխը հաջորդ հեռագրի սևագրու-  
թյունից բարձրացնելով՝ քրթմնշաց սպարապետը:

— Այս, որ գրում եք, թե «Մի շաբաթ առաջ խնդրել էի շտապ  
ուղարկել հաց ու գարի», և հետո էլ՝ «Խնդրում եմ ձեռք առնել



վերջին միջոցները՝ ամենաշտապ կարգով պաքսիմատ ու գարի ուղարկելու ինձ վստահված կորպուսին»:

— Իսկ ինչո՞ւ հարմար չէ: Զորքն ու ձիերը օդո՞վ պիտի սնվեն:

— Հասկանալի է՝ զորքը հաց է ուտում, ձիերը՝ գարի: Սակայն դուք մի շաբաթ առաջ հեռագրով նույն այս մարդկանց հաղորդել էիք, որ «վերջին օրերին ծավալված զինվորների զանգվածային դասալքության պատճառով ռազմաճակատում ես այլևս գորք չունեմ»:

— Ե՞րբ եմ այդպիսի բան հաղորդել:

— Մայիսի 18-ի ժամը 20-ին, պարոն գեներալ: Եվ հաջորդ օրերին էլ տարբեր ձևերով հաստատել եք ձեր այդ հաղորդումը: Օրինակ, մայիսի 20-ի ժամը 20 և 30 ըոպեին գրել եք. «Ինչպես ես արդեն զեկույցել եմ, Ղարաբիլիսայի առաջ համարյա զորք չի մնացել»: Եվ ավելացրել եք նաև, թե «Գեներալ Սելիկովի այսօրվա դեկույցից էլ երևում է, որ նույն պատկերն է նաև Երևանյան գորաշոկատում»: Պարոն գեներալ, ի՞նչ կմտածեն այս հեռագրերն ստացող մարդիկ: Գուցե նրանք իսկապես կարդում են:

— Գնա՛, գնա՛, — վրդովմունքով ու արհամարհանքով կապի սպային քշեց սպարապետը: — Քո խելքի բանը չէ, գնա՛, շտապ հեռագրի՛ր:

Ի՞նչ պիտի աներ կապի սպան: Գնաց ու հեռագրեց: Սակայն ճանապարհին, հեռագիրը տալիս և նրանից հետո էլ երկար ժամանակ մտածել է: Մարդ է, չէ՞: Մանավանդ որ քննելու որթն էլ պլուխը մտած է եղել: Մտածել է՝ փորձելով գտնել իր գեներալի հեռագրերի տարօրինակ տրամաբանության ակունքը, ավելի ճիշտ՝ նրանց մեջ սովորական տրամաբանության բացակայության պատճառը: Իվ որովհետև, ինչպես քիչ առաջ ասացի, նա սերտ հարարիություն մեջ է եղել բանականության հետ, ուրեմն գտել է և ակունքը կամ պատճառը: Մտածել է, որ քաջությունը նաև խելք է (անխելք մարդուց քաջություն չսպասե՛ք): Բայց երբ խելքը մարդուն չքում է քաջությունը, նա ուզած-չուզած սկսում է անխելք բաներ անել:

Այս կառավար սպան գոյություն ունեցե՞լ է թե՞ ոչ, հաստատ չգիտեմ: Սակայն մնացածը եղել է այնպես, ինչպես ներկայացրի: Ո՛չ ավել, ո՛չ պակաս: Ուրիշ խոսքով՝ այստեղ և ամենուրեք ես առաջնորդվում եմ հազար հինգ հարյուր տարի առաջ մեր

պատմիչ Ղազար Փարպեցու ավանդած արդար սկզբունքով՝  
«չյավելուզ զանեղեալսն... շնուաղեցուցանել զեղեալսն»:

\* \* \*

\*

Իսկ ռազմաճակատի վիճակն օրհասական էր հայերի համար: Եվ նրանց սպրապետը դարձել էր այդ օրհասի ազդարարը: Երևի նա կտրված էր արդեն ամեն տեղից: Թիֆլիս հեռագրեր էր հղում՝ պատասխան, հատկապես պատասխան-օգնութիւն շնուսալով: Իսկ Երևանյան զորամասի վերջին տազնապաներից հետո ոչ մի լուր չուներ և մտածում էր, որ այնտեղ իր գուշակած օրհասն արդեն վրա է հասել: Եվ վերջին անգամ անհույս մի կանչ էլ հղեց Թիֆլիսում նստած հայոց մեծամեծներին:

«Դիլիջանի մոտ այլևս ոչ մի զորք չկա: Ոչ մի հնարավորութիւն չունենք Դիլիջանի առաջ գոնե մի թույլ ջոկատ կանգնեցնելու: Բացի դրանից, պարենի ու փամփուռտի ոչ մի պաշար չկա: Դրութիւնն այնքան աղետալի է, որ զորաջոկատի պիտ զնդապետ Բեյ Մամիկոնյանցը չի տեսնում ուրիշ որևէ ելք, քան անձնատուր լինելը՝ համաձայնելով թուրքերի ամեն տեսակ պայմաններին և նրանցից խնդրելով, որպեսզի անարգել թույլ տան մարդկանց գնալու իրենց տները: Ծս իմ կողմից վերստին զեկուցում եմ, որ անհրաժեշտ է, առանց մի բոպե ուշացնելու, խաղաղութիւն կնքել, ինչ էլ որ կատարվի, որպեսզի սովամահութիւնից փրկվեն ինչպես զորքի մնացորդները, այնպես էլ ժողովուրդը, որը հարւյսօրհասազարանոց քաղցած զանգվածով շարժվում է դեպի Ելիզավետպոլի ու Նոր Բայազետի շրջանները, ուր, հավանաբար, գնում է նաև Երևանի շրջանի բնակչութիւնը: Հաղորդելով այս մասին՝ խնդրում եմ շուտափույթ ցուցումներ և միջոցառումներ կառավարութեան կողմից:

Մայիսի 23-ի ժ. 10:

Կորպուսի հրամանատար Նազարբեկով»:

Հայոց սպարապետ Թոմաս Նազարբեկովի այս տազնապանից ու աղերսական հեռագրերը, որքան էլ զարմանալի, մնում էին ոչ միայն անհետևանք, այլև անպատասխան: Հայկական զորա-

բանակի այն օրերի ելից-մտից բոլոր փաստաթղթերը մնացել են անվնաս: Նրանց մեջ չկա Թիֆլիսի ազգային խորհուրդից ստացված և ոչ մի գրութուն, որ պատասխանի սպարապետական զեկուլց-աղերսագրերից գոնե մեկին: Չկա այդպիսի ո՛չ մի թուղթ, ո՛չ մի կարգադրութուն, ո՛չ մի հանձնարարութուն: Իսկ այդ խորհուրդը, Թիֆլիսի Հայոց ազգային խորհուրդը, որ ծնվել էր 1917 թ. հոկտեմբերին՝ իբրև Ռուսաստանի ժամանակավոր կառավարութայան տեղական հավատարիմ պաշտպանը, անմիջապես էլ իրեն հայտարարել էր ամենայն հայութայան ղեկավար գործադիր մարմին, որն «ստանձնում է ազգային բոլոր գործերի գերագույն ղեկավարութունը»: Հայութայան այդ գերագույն գործադիր (գործադիր) մարմինը կարողացավ ստեղծել միայն իրեն ենթակա նահանգային, գավառական ու քաղաքային մարմնիկներ՝ Նրևանի ազգային խորհուրդ, Բաքվի ու Մոսկվայի, Գանձակ-Նիդգավեստպոլի ու Ալեքսանդրապոլի, Զանգեզուրի, Ղարաբաղի ու Նախիջևանի հայոց ազգային խորհուրդներ: Մարդիկ հույս ունեին, թե իշխանութայան կերպարանքով ու հավակնութուններով ծնված այդ խորհուրդները կջանան և կկարողանան շոշափելի գործ կատարել, ազգի տարասփյուռ հատվածներն իրար բերել՝ սպասվող նոր աղետը կանխելու կամ այն գոնե մասամբ մեղմացնելու համար: Սակայն այդ հույսերն ի դերև ելան, որովհետև բազմակուսակցական մարմինն ու մարմնիկները գլուխ չէին հանում միջկուսակցական ու ներկուսակցական գզվուտուբից: Եվ անգործունեության ու ապիկարության ամենատխուր օրինակը տալիս էր հենց կենտրոնական մարմինը՝ Թիֆլիսի Հայոց ազգային խորհուրդը: Հայ ժողովրդի համար ամենաօրհասական այն օրերին, Ալեքսանդրապոլի խայտառակ անկումից հետո, այդ խորհուրդը գիշեր ու ցերեկ ժողովներ էր գումարում, բարձրաձայն կարդացվում էին Նրևանից, ռազմաճակատի տարբեր կետերից ու Հայոց սպարապետ Թոմաս Նազարբեկովից ստացված հեռագրերը, առավել բարձրաձայն, ուղղակի կոկորդ պատռելով ճառախոսները ջանում էին իրար համոզել, որ հայոց ռազմաճակատում ահավոր վիճակ է, ազգը գոնջում է կործանման առաջ, և իրենք՝ ազգի գլուխն անցած զաշնակցական ու ոչ դաշնակցական «գործիչներն» ունեն միայն մեկ պարտականութուն՝ որքան կարելի է հեռու մնալ ազգի ճակատադրի անօրինութունից և չկատարել ոչ մի գործնական քայլ:

Սա կարող է թվալ անպատասխանատու հայտարարութիւն կամ առնվազն՝ չափազանցված տեղեկութիւն: Բայց դուք տեսաք Հայոց սպարապետ Նազարբեկովի տագնապալից հեռագրերը, որոնցով նա «Ազգային բոլոր գործերի գերագույն ղեկավարութեանը» զեկուցում էր, որ ռազմաճակատը քայքայված է, ժողովուրդը տեղահանված փախչում է՝ ուր որ կարող է կամ կոտորվում է առաջ շարժվող թուրքական բանակներին դիմադրելով:

Թիֆլիսի Հայոց ազգային խորհրդում 1918 թ. մայիսի 19-ին քննել են հայ ազգի օրհասական վիճակի հարցը, և խորհրդի նախագահ Ավետիս Ահարոնյանն արել է մի հայտարարութիւն, որը դարձել է խորհրդի վճիռը: Ահա այդ վճիռ և «գործունեութեան» ծրագիր դարձած հայտարարութիւնը. «Ավելի լավ է թողնել իրեն՝ ժողովրդին իր բնազդական հայեցողութեամբ լուծելու խնդիրը և մեզ վրա չվերցնենք ծանր պատասխանատվութիւն...»:

Իսկ այս վճռից հետո խորհրդի հեղինակավոր անդամ Նիկոլ Աղբալյանն էլ, ճակատագրական պահին իր վճռականութիւնը ցուցադրելով ասել է. «Ով կազատվի, թո՛ղ ազատվի»:

Ահա թե ի՛նչ վիճակի էր հասել հայ ժողովուրդը, որի գինվորութիւնը, երկրի նահանգներն իրար հտակից թշնամուն գիջելով ու անընդհատ նահանջելով, հասել էր Արարատյան դաշտը, բարձրագույն հրամանատարութիւնը պատրաստ էր և անվերջ հորդորում էր հայրենիքի վերջին մնացորդը հանձնել թուրքերին՝ ինչպիսի պայմաններ էլ նրանք առաջարկելու լինեին: Իսկ առաջնորդներ՝ բախտն իրենց խղճի վրա առած առաջնորդներ՝ Նախընտրում էին հետո մնալ ավելորդ գլխացավանքից՝ թողնելով, որ ազգն ինքն իր «բնազդական հայեցողութեամբ» կատարի ընտրութիւնը՝ ապրե՛լ, թե՞ մեռնել:

\* \* \*

\*

Գեներալ Սիլիկյանին իր տարօրինակ զեկույցն ի պիտութիւն թողնելուց հետո Դանիելբեկ Փիրումյանը ռազիոկապով Պողոսեկ Փիրումյանին հաղորդեց, որ նա իր գունդը Սուրմարիից փոխադրի Արաքսի ձախ ափը և Մարգարայի կամուրջի մոտ սպասի նոր հրամանի:

— էլի՞ նահանջում ենք, ախպերս:

— Գետն անցնում ենք՝ ամուր դիրքեր գրավելու համար,— անորոշ պատասխանեց Դանիելը եւ զրույցը փակեց:

Սակայն անորոշ պատասխան տվեց ոչ թե այն պատճառով, որ չէր ուզում ռադիոկապով ռազմավարական մանրամասներ օգրաց թողնել: Պարզապես շատ էր անորոշ դրուժյունը: Գոնե իր համար այդպես էր, որովհետեւ անբեկանելի վճռել էր Երևանյան ռազմաճակատի հրամանատարի տեղակալի իր պաշտոնը լքել եւ գնալ կովի գիծ: Իսկ թե ի՞նչ պիտի աներ այնտեղ, ինչո՞վ եւ ինչպե՞ս, դա հայտնի չէր ոչ ոքի, նույնիսկ իրեն, որ ինքնակամ որոշել էր գնալ ուղիղ ճակատ, կովել եւ ոչ թե նահանջի հրամաններ հաղորդել սրան-նրան: Այդ հարցը հնարավոր պիտի լիներ լուծել մի այլ ազգականի հետ, որն այդ օրերին գտնվում էր Բուրքական հարձակման սուր սլաքի դեմ-դիմաց, Սարգարս-պատ-Վաղարշապատ գծի վրա:

Հովսեփբեկ Փիրումյանն էր իր այդ ազգականը, գնդապետ, իրենից տասը տարով ջահել, սակայն ռուսական բանակում վաղուց անուն հանած մի զորական, որը գրագետ ու քաջ սպայի համբավ ուներ, եւ բոլորովին էլ պատահական չէր, որ գեներալ Սիլիկյանն ու Երևանի հայոց ազգային խորհուրդը նրան էին վստահել Ալեքսանդրապոլից եկող թուրքական գլխավոր հարվածի դեմն առնելու պատի՞վը, թե՞ ղժբախտությունը: Երբ այդ հարցը լուծվում էր, Դանիելբեկն անհարմար զգաց իր ժխտական վերաբերմունքն արտահայտել Հովսեփբեկին այդ ամենապատասխանատու ճակատը վստահելու վերաբերյալ: Ո՞վ է նման դեպքերում ձայն բարձրացնում հարազատի դեմ: Սակայն հետո, մանավանդ վերջին վճիռներին տեղյակ դառնաով, որոշեց, որ ինքը ճակատագրական սխալ է կատարել իր կարծիքը թաքցնելով:

Իսկ վերջին վճիռներն այնքան անտրամաբանական էին, որ ստիպում էին գործել ոչ միայն ազգականի նշանակման դեմ, այլև ի հեճուկս հայկական գինվորական ու քաղաքացիական ամեն տեսակ ղեկավարութան: Բաթումի խորհրդաժողովի հայ պատվիրակությունը Թիֆլիս էր հեռագրել՝ առաջարկելով գաղա-րեցնել ռազմական գործողությունները հայ-թուրքական ճակատում եւ Երևանն առանց որևէ դիմադրության հանձնել թուրքե-րին: Այդ առաջարկությունը Բաթումից Երևան էր հասել դաշնակ-

ցական բյուրոյի անդամ Համո Օհանջանյանի ստորագրութեամբ: Իսկ Երևանի քաղաքային դումայում էլ մայիսի 18-ին քննել էին հարցը, և քվեարկութեամբ անցել էր դումայի նախագահ Արմենակ Թոշյանի առաջարկութիւնը, որի համաձայն երկրի դեկավարութիւնը պետք է քաշվեր Սևանի բարձունքները՝ Երևանն ու էջմիածինը հանձնելով թուրքերին: Դումայում կարդացվել էր նաև Հայկական զորքերի գլխավոր հրամանատար Թոմաս Նազարբեկովի հրամանը, որով հանձնարարվում էր էջմիածնի ու Երևանի հանձնումը կատարել շուտափույթ՝ ի՛նչ տեսակ պահանջներ էլ թուրքերը ներկայացնելու լինեն:

Դումայի նիստին ներկա էր նաև Մովսես Սիլիկյանը, որն ուրիշ ոչ մի խոսք չուներ, քան վերադասներից եկած առաջարկութիւնը և իր գլխավոր հրամանատար Նազարբեկովի կարգադրութիւնը: Ընդհակառակը, զարմանում էր, որ ստեղծված իրադրութեան մեջ այդքան ճշմարիտ ու տրամաբանական ելքի դեմ խոսող մարդիկ էլ են գտնվում:

Այդպիսի «ելքի» դեմ նույն օրը Երևան քաղաքի բնակչութիւնը ցույց կազմակերպեց: Քարկոծեցին քաղաքային դումայի շէնքը: Համարձակ կանանցից մի քանիսը լաշակները վար առան գլխներից, շարտեցին դեպի դումայի պատշգամբը: «Առեք,— առացին,— այդ լաշակները կապեցեք ձեր դատարկ գլուխներին, դուք տղամարդու գլխարկ դնելու իրավո՛ւնք չունեք»: Սակայն քաղաքի պարետ Արշո Շահխաթունին հեռախոսով կապվեց պահակազորի պետի հետ, կարգադրեց իսկույն գորք ու զենք հանել ցուցարարների գեմ: Եվ կես ժամից փողոցները դատարկված էին:

Առաջները, նույնիսկ Ալեքսանդրապոլի անփառունակ անկումից հետո, ճակատի պատասխանատվութիւնն զգացող մարդիկ մտածում էին, թե, այդուամենայնիվ, դեռ կորած չէ ամեն ինչ, քանի թիկունքում կա Արարատյան դաշտը՝ իր հոծ բնակչութեամբ, որ կկուլի բանակի հետ միասին կամ, ծայրահեղ դեպքում, գոնե նյութական ու բարոյական օգնութիւն ցույց կտա կովոդներին: Իսկ դա իսկապես կլինի օգնութիւն, որպիսին գորքը շտեսավ ո՛չ Կարսում, ո՛չ էլ մանավանդ Ալեքսանդրապոլում: Առաջ մտածում էին, որ, աստված մի՛ արասցե, եթե Արարատյան դաշտում էլ անհնար լինի կասեցնել թուրքի առաջխաղացումը, ապա Երևանում նրա դեմ կկանգնի բոլորսքված հայու-

թյունը և կապաշտպանի իր վերջին կենտրոնը: Իսկ հիմա, երբ երկրի ղեկավար կոչվածները, համաժողովրդական դասալքության փող հնչեցնելով, մերկացրել են թիկունքը, երբ կովող զորքի սպարապետն ու նրան ենթակա զորամասերի հրամանատարներն իրենց անճարակությունը փորձում են քողարկել Բաթումից ու Թիֆլիսից եկած անձնատվական կարգադրություններով, մնում է վերջին մի հույս՝ ի մի հավաքել դեռևս կովելու ընդունակ զորքը, դուրս գալ թուրքի ստեղծած ճակատի ամենասուր անկյան դեմ: Պարզ է, որ ամենասուր անկյունը նաև ամենաուժեղ հատվածն է թշնամու ճակատի: Այնտեղ կուտակված լավագույն ուժերը գալիս են Վաղարշապատ-էջմիածնի ու Երևանի դեմ և աչքի առաջ ունեն Բաքուն: Այո՛, սա թշնամու գլխավոր հարվածի ուղղությունն է: Բայց այստեղ է նաև այդ ահեղ թշնամու ամենամեծ թուլությունը. չէ՞ որ նա այստեղ հակահարված չի սպասում: Այն ո՞ր խելագար թույլ հակառակորդն է, որ իրեն թշնամու երախըն է նետում նրա ամենաուժեղ կետում:

Թշնամու գլխավոր հարվածի ամենասուր կետում է գտնվում գնդապետ Հովսեփբեկ Փիրումյանի զորամասը: Դանիելբեկը շգիտեր՝ ղեկավարության որոշումը նրան հասե՞լ է թե՞ ոչ: Հնարավոր է, որ նա, հակառակ այդ որոշման, կանգնի ու դիմադրի: Սակայն ի վիճակի՞ կլինի վճռական բեկում մտցնել ճակատում: Վճռական բեկում, որ միակ միջոցն ու ելքն է փրկության: Վճռական բեկում, որից այդօր կախված էր Հայաստան աշխարհի, իսկ եթե կուզեք, նաև ազգի ճակատագիրը: Սա միակ հնարավորությունն է վճռական բեկումն ստեղծելու համար: Միակն ու վերջինը, որովհետև այստեղ ձախողվելով՝ հայոց զորքն այլևս ո՛չ թիկունք կունենա, ո՛չ էլ ճակատ: Այստեղ չի կարելի փորձել: Այստեղ պետք է հարվածն իջեցնել՝ համոզված լինելով, որ դա կոտորելու է թշնամու ողնաշարը: Հայի ու Հայաստանի համար արիշ ճանապարհ չկա, ուրիշ հնարավորության ստվերն անգամ չի երևում:

Ոչ ոք չէր կասկածում Հովսեփբեկ Փիրումյանի ռազմագիտական կարողությունների և հատկապես զինվորական արիության վրա: Իր ազգական Դանիելբեկը՝ նույնպես: Ճիշտ է, Կովկասյան ճակատում նա իր այդ արժանիքներն առավելագույն չափով չէր դրսևորել ոչ մի անգամ: Սակայն մերձավոր ազգականը գիտեր նրա կենսագրությունը և համոզված էր, որ Հով-

սեփեբեկ Փիրումյանը, ի տարբերություն վերին հրամանատարության, պատրաստ կլինի կովելու մինչև վերջին գնդակն ու վերջին շունչը: Կկովի առանց ետ նայելու: Այդպես էր նրա բնավորությունը՝ ըմբոստ, վճռական, գլխապատառ քայլերի պատրաստ: Սիրահարված էր Թիֆլիսի հայ մեծահարուստ Մելիքյանցի աղջկան: Երբ ամուսնության առաջարկություն էր արել, աղջկա հայրն ամբարտավան մերժել էր, պատճառաբանելով, թե իր ազնվական տոհմը մի ստորին սպայի տալու աղջիկ չունի: Այն ժամանակ Հովսեփեկը նժույգի վրա Մելիքյանցի ապարանքի սանդուղքներով սլացել էր երկրորդ հարկ՝ թուրք մերկացրած սպառնալով բնաջնջել այդ «ազնվական տոհմը»:

Սարիղամիշի տակ, տեսնելով, որ իր ջոկատը փախչում է թուրքի գնդացրային կրակից, վեր էր կացել, մեն-մենակ նետվել դեպի հրակնատը, որ լռեցնի: Եվ, իր բախտից, պատահական մի արկով գնդացիրն ու գնդացրորդը հօդս էին ցնդել:

Հրամանատարի ռազմագիտական հմտությունն ու խիզախությունը միշտ էլ վճռական դեր ունեն պատերազմի դաշտում: Հատկապես այդ երկուսի միասնությունը: Բայց մի՞թե միայն այսքան բան: Եթե այո՞, ուրեմն, Հովսեփեկը հարմար դեկավարն է վերջին այն ճակատամարտի, որով պետք է վճովի հայոց կենաց ու մահվան հարցը: Այն ժամանակ ինքն էլ կկովի նրա կողքին, նրա ընդհանուր հրամանատարության ներքո, որևէ գումարտակի կամ դասակի գլուխ անցած: Այստեղ է նաև Պողոսբեկի Հինգերորդ հետևակայինը, հիմնականում ղարաբաղցիներից կազմված այն գունդը, որի հետ ինքը մեծ հույսեր է կապում՝ հենց այն պատճառով, որ դա հիմնականում կանոնավոր զինվորությամբ համալրված գունդ է: Թեպետ պակաս դեր չունի նաև Պողոսբեկի հրամանատարության պարագան: Պողոսբեկի նկատմամբ նա ուներ ներքին անբեկանելի հավատ ու վստահություն: Նրան հավատում էր, ինչպես ինքն իրեն: Ա՛յ, ուրի՛շ բան, եթե Պողոսբեկին վստահած լինեին ռազմաճակատի հրամանատարությունը: Այն ժամանակ Գանիելբեկի համար ոչ մի հարց չէր մնա: Նա կմտածեր, որ իր հորեղբորորդին ամեն ինչ կանի, և որ նրանից չի՛ կարող փախչել նույնիսկ ամենավերջին հնարավորությունը, հարյուրից մեկը:

Պողոսբեկին հիշելուց մտածեց նաև ամենահարմար տարբերակի մասին. հնարավոր է, որ այս երկու հորեղբորորդիներն



իրար շընդունեն: Մանավանդ Պողոսբեկը, որին այնքան էլ դուր  
չէր գալիս երրորդ հարազատի բնավորութիւնը, և նրանից երբեք  
չէր թաքցնում իր վերաբերմունքը: Մի անգամ, ոնց էր պատահել՝  
երեքով սեղան էին նստել: Դանիելբեկը մեծավարի բաժակ  
բարձրացրեց իրենց տոհմի կենացը, մաղթեց, որ երեքով բարձր  
պահեն Փիրումյան տոհմանունը: Երեք գնդապետ, երեք հողվոր  
եղբայրների զավակներ: Կարևոր էլ չէ տիտղոսը: Երեք զորա-  
կան, որոնց հտեից գալիս են ուրիշ տոհմակիցներ: Իժմար ժա-  
մանակ է, հայ ազգի ու նրա հին թշնամու ամենաճակատագրա-  
կան բախումի ժամանակը: Եվ թող յուրաքանչյուրը մտածի, որ  
ինքը տոհմի եռոտանու մի ոտքն է: Մտածի ու ամուր մնա, հաս-  
տատ ու աներեր: Որովհետև բավական է եռոտանու մի ոտքն էլ  
ծովի, մյուս երկուսն անկարող կլինեն իրենց պարտքը կատա-  
րել, և ամեն ինչ կրակի ու մոխրի մեջ կթափվի»: «Հովսեփի  
հետ եռոտանի պահել չի լինի», — կես լուրջ-կես կատակ ասաց  
Պողոսբեկը: Երևի, մտածում էր, որ նրանից հինգ-վեց տարով  
մեծ է, և դա իրեն իրավունք է տալիս անելու նաև այդքան լուրջ  
մի դիտողութիւն: «Ինչո՞ւ չի լինի, ա՛յ Պողոս, — լուրջ պայ-  
թեց Հովսեփբեկը: — էդ ինչպե՞ս եղավ, որ մի հասարակ եռո-  
տանու ոտք էլ չենք կարող լինել»: Պողոսբեկը, փոխանակ իր  
խոսքի մեջ լրջանալու, կատակի տվեց՝ քրքջալով. «Վա՛յ քո  
պապոնց ի՛նչն եմ ասել. ոտից գլուխ նրանց ես քաշել, հա՛-  
կովարար աքլորի նման միշտ կատարը տաք»:

Այս «աքլորի» վրա Հովսեփբեկը տեղից վեր թռավ, այլայլ-  
ված բողոքեց, կապտեց ու կարմրեց: Զիմանար Պողոսբեկի ուժը,  
չուցեև մենամարտի հրավիրեր կամ աշխատեր հենց սեղանի  
վրա հարաբերութիւնները պարզել: Սակայն նրա դեմ հանգիստ,  
հեզնական ժպիտը երեսին Պողոսբեկն էր նստած, Փիրումյան  
տոհմի այն կաղնեբազուկը, որի ուժը մեկ էլ, ասում են, ինքը՝  
Փիրումն է ունեցել: «Արի՛, նստի՛ր, նստի՛ր, ամոթ է հերսդ ցրիվ  
տաս», — խոսեց նա, փեշը բռնեց, որ նստեցնի: Աքլորացածը  
փեշն ազատելով՝ բողոքեց ավագին. «Դե՛, տե՛ս, է՛, տված  
վիրավորանքը քիչ էր, հիմա էլ՝ հե՛րսդ ցրիվ տաս»: Այ մարդ,  
մեծը դու ես, ինչո՞ւ չես հարցնում թե ի՞նչ է ուզում ինձանից:  
Հը՞, ես դրա ծաղրատե՞ղն եմ, ի՞նչ է»: «Բայց ի՞նչ է պատահել,  
ա՛յ Հովսեփբեկ, — տեղից վեր կենալով՝ արգեն լրջացած, զար-  
մացած հարցրեց Պողոսբեկը: — Ես ինչ մի վիրավորական բան

ասացի»: «Դե՛, սրա՛ն տես, հա՛, կտա, գլուխս կշարդի, հետո էլ հանգիստ կհարցնի՝ ի՞նչ է պատահել, ինչո՞ւ վիրավորվում ես իմ հասցրած վիրավորանքից»: «Ախպե՛ր, ես թերություն չունեմ, դու էլ իմ այդ թերությունը երեսովս տուր, ծաղրի՛ր, ծիծաղի՛ր: Ի՞նչ է պատահել: Այդ ո՞ր օրվանից է, որ Փիրումանց մեծը փոքրին չի կարող ասել՝ աչքիդ վերը հոնք կա: Հը՞, ասացե՛ք, խնդրեմ», — ասաց ու աչքով արեց Դանիելբեկին. իբր, այսպես հաշտության եղանակն էլ գտանք: «Դու ե՛ս մեծը: Դու ո՞ր օրվա մեծն ես: Ա՛յ, նա՛ խոսեր, — գլխով Դանիելբեկին ցույց տալով՝ ավելի բորբոքվեց կրտսեր Փիրումյանը: — Նա խոսեր, էլի կասեինք, հա՛, մեծի իրավունքն է շահատակում»: «Ես եմ մեծ, այո՛, քեզանից մեծ եմ հինգ տարի և 279 օրով»:

Դանիելբեկը հազիվ էր ծիծաղը զսպում: Առաջ էլ գիտեր, որ իր կրտսեր ազգականը տաքարյուն է ու կովարար: Բայց ա՛յս աստիճան: «Դե, լա՛վ, երեխայություն արիք, բավական է, նստեցե՛ք», — առաջարկեց՝ մեծավարի ժպտալով: «Բա ո՞նց նըստեմ, է՛, — թափը կոտրած, բայց դեռ անհանդուրժող հարցրեց կրտսերը: — Ինձ վիրավորի, և ես էլ մարսեմ ու նստե՛մ»: «Դե՛, դու էլ իրեն մի բան ասա»: «Ի՞նչ ասեմ»: «Ասա՛ արջ, առյուծ կամ նման մի բան, որ իրեն սազի»: «Ուրեմն, քո կարծիքով իր ասածն ինձ սազո՞ւմ էր: Եվ շատ լավ հատուցում ես առաջարկում. ինքն ինձ աքլոր անվանի, ես իրեն՝ առյու՛ծ»: «Դե, դու էլ իրեն՝ աքլոր ասա»: «Բա ո՞նց ասեմ, էս բոյի աքլո՞ր կլինի»: «Դե՛, նստիր, այդ վերջին արդարամտությանդ կենացը խմենք»...

Հիմա Դանիելբեկը գնում էր այս «աքլորի» հետ որոշելու իր համար ամենակարևոր, ամենամեծ ու ամենա... խնդիրը: Ո՛չ երևի անհնար կլինի այդ խնդրին վայել լրջությամբ խոսել նրա հետ: Հանկարծ այն հին օրվա պես աքլորացավ, ինչպե՛ս պիտի բան հասկացնես: Հրամայելու էլ իրավունք չունես: Դու քեզ ազատել ես ռազմաճակատի հրամանատարի տեղակալի պաշտոնից և հիմա մի սովորական անպաշտոն մարդ ես, որը լավագույն դեպքում կարող է մտնել որևէ զորամաս և կովել նրա հետ: Բայց հիմա ո՞ւր է կովող զորամասը: Այն էլ վերևներից տեղատարափի պես եկած զինադադարի որոշումներից ու կարգադրություններից հետո:

Արաքսի ձախափնյակում անկանոն տարածված ճակատի հրամանատար Հովսեփբեկ Փիրումյանը, իր շտաբի հետ միա-

սին, նահանջել էր դեպի Վաղարշապատի դաշտը և, լայն հարթութեան վրա բարձրացած մի փոքրիկ բլրի գլխին հարմար տեղավորված, հեռադիտակով փորձում էր ընդգրկել ամբողջ ճակատը՝ արևելքից արևմուտք, ջանում էր գտնել մի կետ, որի վրա հենվելով հնարավոր լիներ կասեցնել թշնամու առաջխաղացումը: Նա, հեռադիտակն աչքերին, ահա ինչքա՛ն ժամանակ, զրննում էր ճակատի գիծը: Հետն էին շտաբի սպաները, որոնք ըզիտեին, թե ի՛նչ խնդիր է կանգնած իրենց առաջ, ինչպե՛ս պիտի պաշտպանեն այդ բաց դաշտը, երբ Կարսի ու Ալեքսանդրապոլի բերդում, հարյուրավոր թնդանոթներով ու գնդացիներով զինված՝ չկարողացան մի փոքր դիմադրություն ցույց տալ:

Ճակատի տարբեր կետերում, այս ու այնտեղ արկեր էին պայթում, գնդացիներն էին ճարճատում, հրացանների կրակոցներն էին լսվում: Սակայն դա պատերազմ չէր, այլ անզորժմնացած զորքերի վարժություն կամ կովի ծարավ ունեցողների շարություն, որ դժվար թե հագենար այդօրինակ պարապ զբաղմունքով:

Դանիելբեկը բլրի թիկունքում ձին պահ տվեց համհարզին, որը Վաղարշապատում պիտի բաժանվեր, մնար շտաբում, կամ գտներ իր ճանապարհը, սակայն չուզեց բաժանվել հին պետից և ասաց. «Որտեղ դուք, այնտեղ էլ ես: Հիմա իմ ճակատագիրը կապված է ձեզ հետ: Եթե դեռևս չեմ ձանձրացրել, թույլ տվեք ծառայել ձեզ»: Այդ ինքնակամ նվիրվածութեան համար կարող էր միայն շնորհակալություն հայտնել: Նվիրվածութեան և այն ծանր ու դժվարին օրերի, որ միասին են անցկացրել, և ինքը երբեք առիթ չի ունեցել մի հասարակ նկատողություն անելու: «Գնա՛նք, — ասել էր, — աստված պահի՛ քեզ»:

Համհարզը երկու ձիերի լկամները հանեց բերաններից, բաց թողեց, որ արածեն: Ճերմակը պղնձաձայն խրխնջաց և առջևի աջ ոտքով գետինը ծեծեց: Բլրի վրա կանգնածները մեկեն շրջվեցին դեպի նորեկները և զարմացան, որ շեն նկատել նրանց մոտենալը: Մինչև ճակատի հրամանատարը կհավաքեր իրեն, կարգադրություն կաներ սպաներին, Դանիելբեկն աշխույժով վե՞ր վազեց և բլրի հարթ գագաթին, զինվորական ողջույն տալով ներկաներին, ողջագուրվեց տոհմակցի հետ, փորձառու հայացքով շուրջը տնտղեց:

— Չե՞ս վախենում՝ շտաբդ բարձրացրել ես այս նշանակետի վրա, — հարցրեց ի միջի այլոց:

— Զինագաղար է, չէ՞:

— Իսկ ինչպե՞ս են գործերդ:

— Գործ չկա: Ժամ առ ժամ կարգադրության եմ սպասում: Զգիտեմ՝ ի՞նչ պիտի լինի վերջը: Ասում են՝ հանձնվում ենք: Գոցե նոր հրամա՞ն ես բերել:

Ճակատի հրամանատարը շատ էր զարմացել, որ տոհմակիցը հայտնվեց այսպես հանկարծակի ու առանց զգուշացնելու: Մի շաբաթից ավել չէր տեսել նրան: Իսկ օրերն անսովոր արագությամբ գլորող պատերազմի պայմաններում դա կարելի էր համարել մի հավերժություն: Եվ, այսուհանդերձ, ճակատի հրամանատարը շիմացավ՝ ուրախանա՞ թե՞ տխրի տոհմակցի անսպասելի հայտնությամբ: «Ի՞նչ է պատահել, հո այդ անիրավները չե՞ն ուղարկել, որ հանձնվենք՝ թշնամուն, — անցավ նրա մտքով: — Չէ՞ որ վերջին օրերի տագնապալի հեռախոսազրույցներն ու հասցրած լուրերն ուրիշ էլքի չէին հասցնի, քան դրան: Գեներալ Նազարբեկովն անդունդի վրա կախվածի պես մի գլուխ դինագաղար էր աղաղակում, որ նշանակում էր՝ համաձայն եմ ամեն տեսակ պայմանի: Իսկ Երեանյան ճակատի հրամանատար գեներալ Սիլիկյանը, Արարատյան դաշտի բախտը որոշված համարելով, տագնապի փող էր հնչեցնում՝ զորք ու ժողովուրդ Կոտայքի ու Սևանի լեռները քաշելու և այնտեղ անմատչելի ժերուկերում հայության մնացորդները պաշտպանելու համար: Հարազատներն ուրիշ հանդամանքներում ուրախ պիտի լինեին իրար հանդիպելիս: Ուրախությունն, իհարկե, ցույցերով չէին արտահայտում: Լեռնցու «Բարե», «Բարով տեսանքի» հետ իրար ձեռք սեղմում էին ամուր, մեկ էլ Գանիելբեկը սովորություն ունեւր դիմացինի ուսը թփթփացնելու, որ երեկ պիտի նշանակի՝ «Ես պինդ եմ, իսկ դո՞ւ»:

Այս անգամ նրա թփթփացնելը սոսկ սովորության տուրք էր, և Հովսեփբեկը միայն գլուխը շարժեց վաբանոտ:

— Ի՞նչ կա վերեններում, — հարցրեց նա, — Նազարբեկովը հո Դիլիջանից էլ ներքե՞ չի գնում:

— Դիլիջանից դենը նստած են մուսավաթի զորքերը, որոնց մի թեկն արդեն Սևանի ափն է հասել:

— Բա քո պեան էլ ինչպե՞ս էր մեզ հրավիրում Սևանի լեռ-

ները: Որպեսզի ճակատից թուրքի հարվածն ընդունենք, թիկունքից՝ մուսավաթի՞:

— Արի դրա մասին շխոսենք, Հովսեփբեկ:— Դանիելբեկը նրա թևն առավ և քաշեց մի կողմ՝ տեսնելով, որ իրենց զրույցն ուշագրուծյամբ լսում են քիչ հեռու իբր թե անելիքը քարտեզի վրա որոշող սպաները: Եվ երբ հեռացել էին այնքան, որ իրենց այլևս անհնար կլինեիր լսել, Դանիելբեկը մտահոգ հարցրեց.

— Ի՞նչ ես որոշել, ինչպե՞ս պիտի կանգնեցնես թշնամուն: Այս պահին դա է ամենակարևորը: Նրա մոռթքը շախտի հասնի էջմիածին: Հակառակ դեպքում ազգովին կկործանվենք, և ոչ ոք չի մնա մեզ վրա սզացող:

— Ես ձեզ չեմ հասկանում, ախպերս. մեկ հրաման եք տալիս, թե պատրաստվեք կազմակերպված նահանջելու, մեկ էլ եկել ես... Չնայած ես ոչ նահանջողն եմ, ոչ էլ համաժողովըրդական նահանջ կազմակերպողը: Ես վճռել եմ կռվել մինչև վերջին շունչս, հասկանո՞ւմ ես,— կտրական հայտարարեց ճակատի հրամանատարը.— Եթե թուրքերն առաջ կշարժվեն, թող անցնեն իմ դիակի վրայով:

— Այդ քիչ է,— հանգիստ խոսեց Դանիելբեկը:

— Ո՞նց թե քիչ է,— նրա տոհմակցի աչքերը կլորացան զարմանքից:— Ո՞նց թե քիչ է: Եթե գինվորականը պատրաստ է կռվելու մինչև վերջին շունչը, եթե նա մի թիզ անգամ չի նահանջի, քանի շունչը վրան է...

— Այդպիսի լողունքը հիմա մեզ չի փրկի, հասկանո՞ւմ ես, Հովսեփ: Դու ճակատի հրամանատարն ես, և այսօր քեզ է հանձնրված ամբողջ ճակատի, եթե կուզես՝ Հայաստան երկրի բախտը: Իսկ դու խոսում ես որպես մի հասարակ գինվորական, որը պատրաստ է միայն նահատակության:

— Բա ի՞նչ անեմ ես, որ մի դժբախտ երկրի գինվորն եմ և, մոխի՛րը գլխիս, ձեր շտաբի մեղքով՝ վաղուց պարտված զորամասի հրամանատարը:

— Հիմա մեղավորի և անմեղի հարցը չենք քննելու, Հովսեփբեկ: Շտաբում հույսները դրել էին քո քաջության վրա:

— Իսկ դո՞ւ: Ի՞նչ է, դու չէի՞ր հավատում,— արդեն այլայլված՝ պայթեց գնդապետը:— Մազիս համրանքով մեկ մարտի եմ նետվել...

Դանիելը բեկը մտերմորեն գրկեց նրա ուարը և փորձեց կատարել:

— Քո գլխին մաղ կա, հաշվում ես,— ցավագին ժպտաց և գլխարկը վար բերեց՝ մերկաթնելով գագաթը:— Իմ գլխին քանի՞ մաղ է մնացել...

Դանիելը բեկի մերկ ու քրտնած գագաթը փայլփլում էր մայիսյան արևոտ օրվա շողերից: Արևի երես շտեսած այդ մերկութունն այնպես ճերմակ էր, այնպես փափկասուն, ասես կաթնահունցի երես լիներ: Ալեխաուն քունքերի ու ծոծրակի մազերի մեջ սևը դեռ տիրական էր, թեպետ գնդապետի վեցերորդ տասնամյակն էր լրանում:

Շուրջը թռչուններ էին ծլվլում: Այգիներում այս ու այնտեղ գեղջուկները ծառերի տակերն էին քշփորում, որ նշան էր, թե նրանք դեռ հավատում են իրենց վաղվան, համոզված են, որ թշնամու ոտքը չի դիպչելու այս հողին: Չհավատային էլ, հավանաբար անհնար է, որ հայ գյուղացին տանը նստի և ձեռքերը ծալած սպասի իր օրհասին: Դանիելը նայում էր նրանց ու մտածում, թե ինչպե՞ս է, որ հրամանատարութայան մտքով չի անցել վտանգի ենթակա այս գյուղերի աշխատավորներին ոտքի հանել: Հետո ի՞նչ, որ ծերունիներն են մնացել, հաշմանդամներն ու անգեն կանայք: Այդ ծերունիները կարո՞ղ էին իրենց գրաստբեռնատարներով զինամթերքի ու պարենի փոխադրումներն անել: Կանայք հո կարո՞ղ էին զորքի սնունդն ապահովել, որպեսզի զինվորական խոհանոցների հաստավիզները գնան ճակատ...

Դաշտի լուսթյունը պատառոտվեց այդ կողմերի համար անսովոր դղրդյունից. Հյուսիսից, Բաշ-Ապարանի կողմից, մի ինքնաթիռ, կոշտերի վրայով քարշ եկող գոմշասայլի նման օրորվելով եկավ, երկու անգամ պտույտ գործեց նրանց գլխի վրայով, երևի ճակատի գիծն էր ստուգում, հեռացավ Երևանի կողմի վրա:

— Ես քեզ կարող եմ վստահեցնել, որ այս զորամասում նահանջող չի լինելու,— վճռաբար ասաց Հովսեփբեկը:— Կոի՞վ մինչև վերջին գնդակը: Իսկ նրանից հետո թող թշնամին մեր դիակների վրայով գնա դեպի Երևան: Միայն Պողոսբեկի հետ է, որ առանձին չեմ խոսել: Նրան էլ կտեսնեմ այսօր երեկոյան: Բայց վստահ եմ, որ նա ևս ուրիշ խոսք չի կարող ունենալ: Պողոսբեկին հո լա՞վ ես ճանաչում:

— Մինչև վերջին գնդակը,— տոհմակցի խոսքը կրկնելով՝

ձայնին ուրիշ երանգ տվեց Դանիելբեկը:— Դա ուրիշ բան չէ, քան նահատակութեան գնալը, սիրելիս:

— Բա է՞լ ինչ կարող եմ անել, երբ դեմս այսքան հաղթանակներով հարբած թշնամին է, իսկ թիկունքում, ասում ես, նազարբեկովն ու Սիլիկյանը զենքերը ցած են դրել: Երևի նրանք ինձ ռազմական տրիբունալի էլ կհանեն իրենց որոշումը չկատարելու համար:

— Պիտի հաղթել թշնամուն, հասկանո՞ւմ ես: Պիտի հաղթե՛լ: Սա մեր միակ ելքն է: Մեկ է՞լ կրկնեմ. մեր ազգի գոյությունը կախված է այս միակ ու վերջին ճակատամարտից: Միակ ու վերջին: Վերջին, եթե պարտվեցինք: Որովհետև նրանից հետո թուրքը կմտնի Արարատյան երկիրը և կանի այն ավերածությունն ու կոտորածը, որ սփռել է Երզնկայից մինչև Ալեքսանդրապոլ: Նա գիտի, որ այսօր այլևս մեր թիկունքում ոչ ոք չկա. ո՛չ Ռուսաստանը, ո՛չ հարևանները: Ո՛չ էլ նույնիսկ եվրոպական քարեզիչները, որոնք նախորդ տարիներին ցավակցութեան աղաղակ էին բարձրացրել աշխարհով մեկ: Հիմա նրանք զբաղված են ավելի կարևոր գործով. իրենց շահերի համար են պոռում: Հայի սուզն անելը ոչ ոքի եկամուտ չբերեց:

— Հիմա դու ի՞նչ կարգադրություն ես բերել ինձ համար, Դանիելբեկ, ախպերս, — հուսահատ նրան դիմեց ճակատի հրամանատարը:— Եթե ինձնից պատրաստի հաղթանակ ես ուզում, ես ո՛չ կտամ, ո՛չ էլ կարող եմ խոստանալ: Այն, ինչ կարող եմ, ես խոստացել եմ արդեն: Իսկ եթե այդքանը չի բավարարում, խնդրեմ, ես կհեռանամ այստեղից, իմ տեղը նշանակեցեք՝ ո՛ւմ ուզում եք, ո՛ւմ արդեն որոշել եք:

Դանիելբեկը մտածեց, որ հաջողութեան կեսն ապահովված է. նա ինքը պատրաստակամություն հայտնեց հեռանալ: Լա՛վ է այսպես: Առանց բարդությունների: Սակայն, այնուհանդերձ, համագործակցություն առաջարկեց, շնայած ենթադրում էր, որ հայտարարությունը վերջնական է:

— Դրա կարիքը բոլորովին էլ չկա: Եթե ինքդ ես մնում, էլ ե՞ս ինչ դդալի պոչ եմ, որ պիտի տնկվեմ այստեղ:

— Միասին կգլխավորենք ճակատամարտը: Կարծում եմ՝ մենք բաժանելու ոչինչ չունենք:

— Ո՛չ, ո՛չ, ո՛չ մի դեպքում: Ես քեզ միայն հաջողություն կարող եմ մաղթել: Կոտրիր թշնամու առաջխաղացումը, և ես

առաջիններից մեկը կհամբուրեմ քո ճակատը:— Հուզված, այլալված էր Հովսեփբեկը: Նա անկեղծորեն իր տեղը զիջում էր ավագ տոհմակցին և դրա մեջ չէր տեսնում որևէ բան, որ վիրավորեր իր պատվասիրությունը: Նրա հոգում այդ պահին ծնվեց նույնիսկ այն առկայծող հույսն էլ, թե գուցե իսկապես այդ տոհմակիցը կարողանա գտնել դրությունը փրկելու մի ճանապարհ: Քանի որ համոզված էր, որ Հայկական կորպուսի տնօրինության ներքո գործող բոլոր սպանների մեջ Դանիելբեկ Փիրումյանը եթե ամենագրագետ ու ամենաքաջ մարդկանցից մեկն է, ապա հնարամտության մեջ չունի իր մրցակիցը: Իսկ հնարամտությունը պատերազմական անելանելի վիճակներում հավասար է օգնություն հասնող թարմ զորամասի: Հովսեփբեկ Փիրումյանն այս հանկարծահաս մտածումով էր բաժանվում իր ազգականից և հրաժեշտին ասաց նաև իր համար ամենակարեվորը.— Իսկ որ ավելի անկեղծ լինեմ... պատկերացնո՞ւմ ես, Դանիելբեկ...

— Ի՞նչ ես երեխա-երեխա խոսում, Հովսեփբեկ,— թեթևացած, հանգիստ նրան ասաց ավագ տոհմակիցը:

— Իսկապես անկեղծ ասած,— աչքերում խոնավություն կար, կոկորդը սեղմվում էր, բառերը դժվար էին լեզվին հասնում:— Ես ինձ ու իմ զորամասին պատրաստում էի նահատակության: Այո՛, ստո՛ւյգ նահատակության: Որովհետև պիտի կռվեիրք մինչև վերջին գնդակը և մինչև վերջին շունչը: Մեզնից ոչ ոք չպետք է տեսներ Երևանի անկումը: Դա կարող էր լինել միայն մեր վերջին զինվորի նահատակությունից հետո... Բայց այդ չի նշանակում, թե հավատ ունեի իմ հաղթանակի նկատմամբ: Մեղավոր եմ ես, թող ապիկարի մեկը համարվեմ. չե՛մ հավատում դրան: Մենք թուրքական դիվիզիաների դեմ կռվելու ուժ չունենք: Չեմ հավատում մեր հաղթանակի հնարավորությանը... Բայց... Բայց, պատկերացնո՞ւմ ես, քեզ հավատում եմ, քե՛զ, Դանիելբեկ: Եվ ուզում եմ հավատալ նաև քո հաղթանակին...

Եթե մի երկվայրկյան էլ մնաք, հեկեկալու էր: Դրա համար էլ շտապ գրկեց ավագ տոհմակցին, սեղմվեց նրան, ապա կրտրուկ բաժանվելով՝ հեռացավ: Բլրակի ստորոտից ձեռքով հրաժեշտի նշան արեց:

— Ամենա՞յն հաջողություն, հաջողություն,— ինչքան կարող էր բարձրաձայն գոռաց Հովսեփբեկը և արագաքայլ գնաց



դեպի հրամանատարական վրանը, այնտեղից Երևան ճանապարհովելու համար:

Միայնակ մնալով իր վրանում, Հովսեփբեկ Փիրումյանը, արդեն պաշտոնանկ ու կովի դաշտից հեռացող մի գնդապետ, փորձեց հանգիստ սրտով ու մտքով գնահատել իր վիճակը, հատկապես կատարած վերջին քայլը, որի համար ուրիշ հանգամանքներում գուցե թե ինքն իրեն չներեր: Այստեղ նա, առաջին հերթին, ուրախացավ, որ ամեն ինչ կատարվեց խաղաղ, բարյացակամության մթնոլորտում: Նա լավ էր ճանաչում իրեն և գիտեր, որ մի ուրիշ անգամ նույնիսկ Դանիելբեկի նկատմամբ ունեցած սերն ու հավատն էլ չէին կարող զսպել իրեն: Կբորբոքվեր, կպայթեր, կաներ մի այնպիսի բան, որից պիտի ամաչեր հետո: Իսկ այժմ, փառք աստծո, ոչինչ վատ բան, ո՛չ մի տհաճություն... Հանգիստ խղճով, հարազատի բարյացակամությամբ իր դիրքը զիջեց մի մարդու, որը,— դրա մեջ արդեն ավելի քան համոզված էր,— արժանի է շատ ավելի բարձր դիրքի ու պաշտոնի: Եվ նա դրանք է՛լ ուներ ընդամենը մի քանի ամիս առաջ: Նախորդ տարվա վերջին, երբ նոր էր կազմակերպվել Երևանյան զորամասը, Դանիելբեկին նշանակել էին այդ զորամասի հրամանատար: Եվ այն ժամանակ ոչ ոքի մտքով իսկ չէր անցնում, թե շրջապատում կա այդ պաշտոնին առավել արժանի ուրիշ մի զորական: Ո՛վ չէր հիշում էրզրումի ճակատամարտի օրերին նրա կատարած անօրինակ խիզախությունները: Ռուս ու հայ սպաների և զինվորների աչքի առաջ է եղել նրա անբասիր ծառայությունը ռուս-թուրքական պատերազմի ամբողջ ընթացքում: Իսկ նա այդ պատերազմի ճակատը ռաթ էր դրել՝ ցարական բանակի սպայի համար նախատեսված ամենափառավոր շքանշաններով կուրծքը զարդարած: Համարյա գոյություն չունեցող Երևանյան զորամասի հրամանատար նշանակվելով՝ նա ամենակարճ ժամանակում ստեղծեց ու ամրացրեց այդ զորամասը և թուրքերի դեմ հարդարեց այնպիսի ճակատ, որ անպայման կդիմանար բոլոր փորձություններին: Սակայն նազարբեկովի ու մյուս վերևիների գլխներին փչել էր, թե Երևանի զորամասի հրամանատարը պետք է գններալի աստիճան ունենա: «Պարոնա՛յք,— ասում էին,— Դանիելբեկ Փիրումյանն արդեն գններալ-մայոր է. Կովկասյան ճակատի հրամանատարությունը վաղուց նրան ներկայացրել էր, հաստատումն էլ եղել է արդեն: Ի՛նչ մեծ դրժ-

բախտութիւնն է, որ կապը կտրված է ուսական կենտրոնի հետ, և այդ մարդու գեներալական տարբերանշաններն ու փաստաթղթերը տեղ չեն հասել»: «Զէ՛, որ չէ՛, — պատասխանում էին գեներալացալ ունեցողները: — Մեզ գեներալի ուսադիրներով մարդ է հարկավոր»: Եվ գեներալ Մովսես Սիլիկյանին նշանակեցին Երևանյան զորամասի հրամանատար: Երբ նոր նշանակված հրամանատարը ծանոթացել էր գործերի վիճակին, զորամասի կառուցվածքին ու հնարավորութիւններին, և Դանիելբեկը պիտի հրաժեշտ տար զորամասի հին աշխատողներին ու նոր պետին, գեներալը մոտեցալ, փաղաքուշ ձայնով հարցրեց. «Բարեկամ, այդ ո՞ւր եք շտապում»: «Ռազմաճակատ, գեներալ, իմ գործն այնտեղ է»: «Իսկ այստե՞ղ ով պիտի աշխատի»: «Այստեղ ձեզ են նշանակել, գեներալ, երևի դուք էլ կաշխատեք»: «Զէ՛, կներե՛ք ինձ, — բարեկամաբար, սիրալիբ խոսել էր նորեկ գեներալը: — Ամեն ինչից երևում է, որ դուք լալ աշխատող եք: Դուք սլիտի մնաք: Ես մենակ ի՞նչ պիտի անեմ այստեղ»: Եվ Դանիելբեկը մնացել էր: Մնացել էր ծառայելու ոչ թե գեներալ Սիլիկյանին կամ գեներալ Նազարբեկովին, այլ իր երկրին ու ազգին: Զէ՞ որ տարիներ շարունակ տեսնում էր, թե շտաբային ու հրամանատարական կետերից արձակվող սխալ հրամաններն ի՞նչ տեսակ աղետ են կովող զորքի ու հայրենիքի համար: Գոնե իր ուժերի ու կարողութիւնների չափով կկանխեր այդպիսի հրամանների արձակումը մի զորամասում, որը երևի թե ամենակարևորն էր հայկական ռազմաճակատում: Սակայն երեք-չորս ամսվա ծառայութիւնն այս զորամասի հրամանատարութեան մեջ նրան համոզեց, որ զուր է փայփայել այդ անիրականանալի պարտքը. հայկական ճակատը ղեկավարվում է ո՛չ միայն և ո՛չ այնքան զորամասի հրամանատարութեան հրամաններով, որքան ռազմաճակատի ու հայրենիքի իրական վիճակի մասին ոչ մի գաղափար չունեցող Թիֆլիսի Հայոց ազգային խորհրդի գործիչների կարգադրութիւններով, Հայոց սպարապետի՝ Նա՛ւանջի ու թշնամուն հանձնվելու աղերսագրերով: Եթե, իհարկե, Անդրկովկասյան միացյալ կառավարութեան հայատեյաց ղեկավարները նրանց երբեմն թույլ էին տալիս խառնվելու հայոց ճակատի գործերին և իրենք անմիջապես չէին կատարում գաղտնի մի խարզավանք կամ բացահայտ մի ստորութիւն:

Եվ հիմա եկել է վերջին անգամ իր բախտը փորձելու՝ ո՛չ, սնիդճություն է այդպես մտածելը: Դանիելը եկի նմանները սեփական բախտը չեն փորձում: Նրանք ամեն ժամ պատրաստ են սեփական կյանքը փորձանքի ենթարկելու, որպեսզի փրկեն ազգի բախտը: Նրանք երբ գնում են իրենց պարտքը կատարելու, երբեք չեն մտածում, թե իրենք սեփական բախտ ունեն, երկրի ու ազգի բախտից բացի՝ սեփական, անձնական կյանք... Ա՛յ, հիմա, երկու հասուն տղաներին նետել է այս կրակի բերանը և ինքը, հրամանատարի տեղակալի հանգիստ ու ապահով դիրքը թողած, գնում է արյամբ գրելու իր կյանքի վերջին էջը կամ հայրենիքի փրկության մեծ հայտը...

Վերջին մտքի վրա Հովսեփբեկը կանգ առավ մի պահ, ընկերկեց. ո՛չ այստեղ, ամենայն հավանականությամբ, սխալվում եմ ես,— մտածեց նա:— Դանիելը եկի նմանների համար «կամ, կամ» չկա: Նա ասաց, եթե կա հարյուր տարբերակ, որոնցից միայն մեկն է փրկություն, մենք ա՛յն պիտի կատարենք: Դու կարո՞ղ ես: Քեզ ընդունա՞կ ես համարում այդ քայլին: Ո՞չ: Պատրաստվել ես նահատակությա՞ն: Զորքն է՞լ ես տանում նահատակության: Որպեսզի լուծպորտ անցնես ու պատասխա՞ն չտաս այդ ապիկարության համար: Ո՛չ, մեր տոհմը սովորություն չունի ապիկար զավակի փոխարեն պատասխան տալու Բարի եղիբ հենց այս գլխից զիջելու դիրքը: Ես ճակատը կտանեմ դեպի փրկություն և պատասխան կտամ... Եթե դրա կարիքը լինի...

Այդպե՞ս ասա՛ց: Զգիտե՛մ: Երբ նա խոսում էր, ես շատ էի հուզված: Ես նրան այդե՞ս հասկացա: Եվ, կարծում եմ, դա կյանքիս ամենահաջող քայլերից մեկն է կամ հենց ամենահաջողը, որովհետև Դանիելը եկի նահատակություն տվի անմահացնելու մեր տոհմը, որ շատ է արժանի այդպիսի պատվի...

Գնդապետ Հովսեփբեկ Փիրումյանը ճակատից հեռանում էր այս խոհերով: Լինում էին վայրկյաններ, երբ նա ըմբոստանում էր հենց այս խոհերի դեմ, իրեն ճնշված-ստորացած էր զգում, որովհետև կատարածը թվում էր փոքրոգություն: Սակայն մեկ էլ վայրկենական այդ ապրումը տեղի էր տալիս առավել մեծ ու տևական, հիմնավոր ու բարձր գիտակցությանը, որի համար քիչ էր մնում ինքն իրեն շնորհակալություն հայտնել բարձրաձայն:

Առավոտյան աղչամուղչին պատից կախված հեռախոսը զրոզրոաց, և Արամ Մանուկյանը, որ դեռ կարգին քնով չէր անցել Երևանի Հայոց ազգային խորհրդի աղմկոտ ժողովից ու նրան հետևած տխուր, անհանգիստ մտորումներից հետո, վեր կացավ, լափողը սեղմեց ականջին: Աղմուկ ու խշշոց էին լսվում, ընդհատ-ընդհատ աղմուկ ու կտկտոց, ապա այդ կտկտոցները միախառնվում էին, ոնց որ կարկուտ էր տեղում թիթեղյա կտուրների վրա: Մի վայրկյան միայն անփարատելի խառնածայնի միջից լսվեց.

— Генерал Силиков говорит, генерал Силиков...

Հետո գեներալի հեռավոր ձայնը կորավ աղմուկի մեջ, և առանտերն այդպես էլ չիմացավ, թե Երևանյան զորամասի հրամանատարն ինչ էր ուզում ասել այն տարածամին:

Քիչ անց վերստին զոզոաց հեռախոսը: Այս անգամ աղմուկը մեղմացել էր, սակայն գեներալ Սիլիկյանը չէր խոսում:

Արամը սենյակի անկյունում դրված վացարանի առաջ երեսը թրջեց, իբր վացվեց, հագավ շորերը և շտապեց գրասենյակ: Մակայն այնտեղի հեռախոսով ևս հնարավոր չեղավ կապվել զորամասի շտաբի հետ կամ զանգել Սիլիկյանի բնակարան: Այն ժամանակ նա գրասենյակի առաջ ննջած պահակին խնդրեց, որ արագ վաղի քաղաքի պարեռ Շահխաթունու բնակարանը, որ հարևան շենքում էր գտնվում:

— Ասա, թող իր մեքենայով գա: Շտա՛պ,— հանձնարարեց նրան:

Ի՞նչ կարող էր լինել: Հո առա՞ջ չեն շարժվել թուրքերը: Գուցե հենց իր՝ գեներալի հետ է վատ բան կատարվել: Համենայն դեպս, Ազգային խորհրդի նախագահն ուրախալի ոչինչ չէր սպասում գեներալի տարածամ զանգից:

Շատ շանցած կազմ ու պատրաստ ներկայացավ Արշո Շահխաթունին: Նա այնպես կոկիկ էր հագնված, այնպես խնամքով սափրված էր, սանրված, նույնիսկ օժանելիքներով գլխի հարթ մազերը մշակած, որ Մանուկյանը մտածեց, թե գուցե այս մարդն առհասարակ չի քնում:

— Արտակարգ բա՞ն է պատահել, պարոն Արամ,— նախա-

գահի առաջ իր գեղուղեջ հասակը տնկելով՝ անհանգստություն խաղաց Շահխաթունին:

Նախկին դերասանի այս ձևերը դուր չէին գալիս Ազգային խորհրդի նախագահին, որ լուրջ մարդ էր և արհեստական-շինծու վարվեցողության հակառակորդ: Մի անգամ նույնիսկ մտերմորեն նրան նկատողություն էր արել:

— Աշխատիր շմոռանալ, որ հիմա բեմում չես քայլում,— զգուշացրել էր Արամը:— Հետո էլ պիտի իմանաս, որ այն, ինչ բեմում իրական ու ճշմարիտ է թվում, շատ հաճախ պարզապես կեղծ ու տհաճ է առօրյա կյանքում:

Ձևացնելով, թե բոլորովին էլ չի վիրավորվել այդ նկատողությունից, Շահխաթունին պատասխանել էր, թե.

— Մայրս, Արամ փաշա, սրամիտ կին է: Ասում է՝ բեմի վրա հարյուր գեր ես խաղացել, բոլորին էլ հավատացել ենք: Այս պարետի գերն էլ թող լինի հարյուրմեկերորդը:

— Մեքենան սարքի՞ն է,— ողջույնն առնելով անմիջապես հարցրեց Մանուկյանը:

— Հիմա սարքին է,— պատասխանեց պարետը:— Սակայն ինչքան կդիմանա՝ աստված գիտե: Հեռո՞ւ տեղ պիտի գնաք:

— Առայժմ գնանք փոստ: Գուցե հնարավոր լինի այնտեղից կապվել գեներալ Սիլիկյանի հետ:

Ճանապարհին Երևանի պարետն Արամին պատմեց, որ գիշերը գեներալ Սիլիկյանը զանգել ու հաղորդել է, թե թուրքերն արդեն Ալեքսանդրապոլից շարժվել են Անի ու Աղին կայարանների վրա: Ասում էր. «Պահեստային զորք ուղարկեցեք, մերոնք դժվար թե դիմանան»:

— Իսկ ինչո՞ւ հիմա ես ասում,— վրդովվեց Արամը:

— Ես անմիջապես կապվեցի Աղինի հետ, և հեռախոսավարն ինձ ասաց հետևյալը: Ես բառացիորեն նրա խոսքերն եմ կրկնում. «Սա վերջին զանգը կլինի, որին պատասխանում եմ. բրովհետև մեր կայարանն են նվաճում: Ահա՛-ահա՛ ես տեսնում եմ, թե ինչպես մի ասկյար վազում է դեպի հեռախոսագիծը: Ուր որ է կկտրի»:

Շահխաթունին ոչ միայն բառացիորեն, այլև հեռախոսավարի ձայնով կրկնեց նրա հաղորդածը, մտածելով, թե Արամը շատ պիտի գոհ լինի, որ զուր տեղն իրեն չի անհանգստացրել այդպիսի դատարկ բանի համար: Սակայն, հակառակը, նա գայրացավ

և կարգադրեց հետագայում իրեն վերաբերող ամեն ինչին տեղ-  
յակ պահել:

Փոստի պատի տակ դրված երկար նստարանին թիկունքի  
վրա պառկած էր հեռախոսավարը և խոմփոցներ էր արձակում:  
Արամ Մանուկյանը նոր հասկացավ, թե ինչո՞ւ քաղաքի հեռա-  
խոսները միայն ղողոացնում են, և պարետին հասկացրեց, որ  
ուշքի բերի նրան:

Շահխաթունին երկու ձեռքով բռնեց հեռախոսովարի ուսերը  
և թափ տվեց: Շշկված հեռախոսավարը վեր թռավ, գլորվեց  
նստարանից և հա՛յ-հո՛ւյ կանչելով վազեց դեպի անկյունում ցից  
դրած հրացանը:

— Հը՞, ո՞վ է, ի՞նչ կա, թուրքե՞րն են եկել,— փնթփնթաց  
նա: Մեկ էլ ճանաչելով դիմացը կանգնած Շահխաթունուն, խեղ-  
ճացավ.— Վա՛յ, պարոն Շայխաթունի՞, էս ի՞նչ էր պատահել,  
ենչե՛լ էի, հա՞:

— Տո՛, անբա՛ն լածիրակ,— պայթեց քաղաքի պարետը,—  
մոնչոցիցդ Արաքսի վարազները փախան, դադարգյուն ընկան:  
Որ քո ննջելն այդ է, բա մրափե՞լդ ոնց է լինում:

— Ներող կլինես, պարոն պարետ, չգիտեի, որ գալու ես: Բա  
որ իմացած լինեի, բայդուշի պես անբուն-անդադար կսպասեի  
քո գալուն:

— Չգիտեիր է՞լ, որ պատերազմ է, և դու գտնվում ես մար-  
տական դիրքում, հայվա՛ն-անասուն:

— Դիրքում եմ, բա ի՞նչ է, պարոն Շայխաթունի: Բա ո՞նց  
չգիտեմ: Լուսադեմին գեներալն էր հրաման արել, որ միացնեմ  
էն փաշա՛ է, ի՞նչ է՝ նրան: Ես էլ միացրի-պրծա ու ասի՝ աչքիս  
որթը կոտրեմ, էդ ա որ դու ինքդ եկար, պարոն Շայխաթունի,  
ես քո էդ ազնվական ոտիդ փոշին դառնամ: Բա մարտական դիր-  
քում եմ, ո՞նց, սա հենց իմ մարտական դիրքն է և իմ խրա-  
մատը...

— Դե՛, քի՛չ բլբլացրու, քո դեմ Արամ փաշա Մանուկյանն է,  
Ազգային խորհրդի նախագահը և քո հոգեհառը. ուզի տրիբունալի  
կտա, ոտով-գլխով կկորչես:

Հեռախոսավարը հանկարծ քարշ եկավ դեպի դռան մոտ  
կանգնած հսկայամարմին Արամը և փովեց նրա ոտքերի առաջ:

— Վա՛յ, խնայի՛ր ինձ, մեծ փաշա, մի բռնուկ երեխի տեր եմ:

Արամը կռացավ, թևատակերից բռնած թեթևորեն բարձրացրեց նրան:

— Դե՛, լա՛վ, բավական է թատրոն խաղաք, — բարկացած մի կողմ հրեց նրան և քայլեց դեպի հեռախոսը, որ գտնվում էր սենյակի կենտրոնում ձգված երկար սեղանի վրա: — Շուտ միացրու գեներալին և աշխատիր շքնել դիրքում: Մեկ էլ որ քնեցիր, էլ ինձնից չնեղանաս: Շո՛ւտ:

Գեներալ Սիլիկյանի հոգնած, խուպոտ ձայնը ոչ մի լավ բան չէր խոստանում: Ռազմաճակատի անմխիթար վիճակը մի քանի բառով ներկայացնելուց հետո նա հաղորդեց, որ հեռագրեր է ստացել Թիֆլիսից ու գլխավոր հրամանատարությունից և ուզում էր իրեն՝ Արամին, ոչ միայն տեղյակ պահել, այլև խորհրդակցել հետը, որպեսզի միասին որոշեն անելիքը:

— Ովքե՛ր են ստորագրում հեռագրերը, — անհանգստացավ Արամը՝ պատրաստվելով ծանր բոթի:

— Թիֆլիսի Հայոց ազգային խորհրդի նախագահն է, Ավետիս Ահարոնյանը, և Ղարաքիլիսայից գեներալ Նազարբեկովը:

— Ի՞նչ են ուզում: Պահանջում են երկի՞րը հանձնել թուրքերին:

— Երևի դա նրանց համար արդեն վճռված հարց է, որովհետև հրամայելու պես խորհուրդ են տալիս, որպեսզի կաթողիկոսը բարձրանա Բյուրականի իր ամառանոցը՝ այնտեղ փոխադրելով նաև վեհարանի շարժական հարստությունը:

— Ա՛հ-հա՛, — խոր հոգոց հանեց Մանուկյանը: — Այդպե՛ս՝ Ուրեմն այլևս ոչ մի հույս չկա, և կաթողիկոսն ու իր գանձերը պիտի փրկվեն՝ Բյուրական փոխադրվելով: Այդպե՛ս-այդպե՛ս: — Նա այս խոսքերը ձգում էր, որպեսզի մտածելու ժամանակ շահի: Եահիսաթունին ամբողջ կեցվածքով ու դեմքով ողբերգության մարմնացում էր Ազգային խորհրդի նախագահի հայացքի առաջ: Իսկ հեռախոսավարը սմքել, կուչ էր եկել սենյակի անկյունում, և դեմքին այնպիսի արտահայտություն կար, կարծես գիտակցում էր, որ այդ ամբողջ դժբախտության պատճառն ինքն է եղել: Բնով անցած շիններ, հայոց բանակն այնքան ապիկար կզառնա՞ր, որ մի կաթողիկոսի կյանք էլ չկարողանար պաշտպանել: Արամը դեռ հերթապահ հարցեր էր տալիս, ուզում էր իմանալ Սիլիկյանի սեփական կարծիքը, որովհետև նրան է, որ ավելի լուրջ մարդ և բանիմաց զորավար էր համարում: — Ուրեմն, դուք

ևս համոզված եք, որ լավ կլինի, եթե փոխադրվի: Այդպե՛ս Իսկ ինչպե՛ս պիտի տեղ հասցնեք այդ առաջարկութիւնը: Ես և դո՛ւք: Ինչպես կուզե՛ք: Իհարկե, անձամբ կնախընտրեի կրո-վել մինչև վերջ: Մինչև վերջին գնդակը և վերջին շունչը: Բայց ի՞նչ կարող եմ անել, երբ ռազմավարներդ միայն ա՛յդ եյքն եք տեսնում: Ցտեսութիւն: Կհանդիպենք Հոփսիմեի վանքի մոտ և այնտեղից միասին կգնանք: Ցտեսութիւն:

Ճանապարհին Շահխաթունին առաջարկեց մի տեղ մերենան կանգնեցնել, և վարորդը, նրա առաջարկութիւնն նպատակը գուշակելով, Զանգվի ձորն անցնելուց հետո, թեքվեց դեպի աջ, մտավ մի հսկա ընկուզենու տակ, որի արմատների արանքից վրխկալով ջուր էր հոսում:

Շահխաթունին մի տարօրինակ պայուսակ հանեց մերենա-յից և նրա պարունակութիւնը մեկ-մեկ հանելով՝ փոքրիկ ճաշա-սեղան սարքեց ընկուզենու ամենամեծ կոճղարմատի վրա:

— Էս հո կարգին պատրաստութիւնն ես ունեցել,— զարմա-ցավ Արամը:

— Մինչև ես լվացվեի, մայրս եղած-չեղածից կապեց, դրեց: Իմաստուն կին է: Ասաց՝ որ կանչում են, երևի կարևոր գործ կա, վերցրու, որ անոթի շմնաք:

Կոնյակի փոքրիկ շիշ էլ կար: Շահխաթունին երկու բաժակ լցրեց և մեկը դնելով Արամի առաջ, մյուսը հանդիսավոր բարձ-րացրեց:

— Ինչի համար գնում ենք, հաջողութեամբ պսակվի, պարոն Արամ,— մաղթեց նա և բաժակը երկարեց, որ զարկի:

Արամն առանց ոգևորութիւն բարձրացրեց իր բաժակը:

— Չեմ կարծում, թե հաջողվի համաձայնեցնել,— դժկամ խոսեց նա:— Չեմ կարծում և, ճիշտն ասած, չեմ էլ ուզում:

Շահխաթունու խաժ աչքերը շովեցին՝ արտահայտելով այն զարմանքը, որ բառերով, իբր, դժվար է արտահայտել:

— Այո՛, ինձ ցավ պիտի պատճառի, եթե համաձայնի,— մտախոհ շարունակեց Արամը և ձեռքով տրորեց իր քիթն ու մոռթք:— Էհ, վերջապես, այս հողի վրա մի՞թե չի մնացել նա-հատակութիւնն պատրաստ մի մարդ:

Շահխաթունին պարպեց իր բաժակը և հայացքով նույնը հորդորեց Արամին: Իսկ նա իրենը դրեց գետնին:

— Ես առհասարակ խմելու սովորութիւն չունեմ: Դու այդ



մեկն էլ կուլ տուր. հաճույքով ես խմում: Մի անգամ խմելուց հետո հայելու մեջ նայել եմ մուռթխ... Դիմացինս հաց ու շրից կկտրվի:

— Բայց ի՞նչ օգուտ նահատակությունից, եթե այն չի փրկելու երկիրդ:— Շահխաթունուն դեռ անհանգստացնում էր Արամի ցանկությունը՝ կաթողիկոսին տեսնելու նահատակության պատրաստ:

— Ես նկատի ունեմ ոչ թե էշի նահատակությունը:— Արամը դարձյալ տրորեց դեմքը: Ըստ երևույթին ներքին անհանգստությունը նա այդպես էր արտահայտում: Չէ՞ որ ուրիշներն էլ սեփական մատներն են ջարդոտում կամ անում են մի այնպիսի բան, որից զրուցակցի ախորժակն է փակվում:— Երբ իր ազատության համար նահատակության պատրաստ է լինում ամբողջ ազգը, այն ժամանակ կոչվում են բոլորը, և նահատակության կարիքն այլևս չի ղգացվում: Իսկ մեր զորավարները թշնամու առաջ ճողոպրելով՝ հեռագրեր ու կոշեր են շաղ տալիս. պայմանագի՞ր կապեցեք, հաշտո:թյո՞ւն կնքեցեք, կաթողիկոսի՞ն փախցրեք և երկիրը հանձնեցեք թուրքին:

Այդ ժամանակ ընկուզենու տակ հայտնվեցին մի խումբ որբեր. մի ջահել աղջիկ, այնքան նիհար, որ թվում էր՝ եթե վրայի ցնցոտին հաներ, կմնար միայն կմախքը, առանց մաշկի, և զբլուխները խուզած մանկահասակներ, որոնց տղան ու աղջիկը դժվար էր որոշել: Նրանց ոսկրացած դեմքերին հիվանդոտ կայծկըլտում էին սև-սև աչքերը, որոնք հառված էին Շահխաթունու «սեղանի» վրա:

Արամը նայեց, նկատեց և անմիջապես վարորդին կարգադրեց եղած ուտելիքը բաժանել:

— Ախր, դուք սկի բան չկերա՞ք.— դժգոհեց պարետը:

— Բան չկա, թող բաժանի,— տխուր ասաց Մանուկյանը և սեղից վեր կացավ:— Աստված իմ, այնքան սովորական է դարձել, որ այս թշվառությանը նայում ենք առանց սարսուռի:

Ճանապարհին. գաղթականների խմբերը մի քանի անգամ կանգնեցրին մեքենան: Վրա էին տալիս բոլոր կողմերից, պառկում էին անիվների առաջ... Բողոքն ու արտունչներն արտահայտում էին այնպես խառնաձայն ու իրար հերթ չտալով, որ դժվար էր տարբերակել նրանց ասածները: Զվարթնոցի մոտ էր, որ մեքենան պաշարած ամբոխի վրա գոռոռալով Շահխա-

Թունին ատրճանակը հանեց ու սպառնաց: Տարեց մի մարդ, որ երևի ամբոխավարն էր, կամ հիմա ամբոխ դարձած երբեմնի համայնքի հեղինակավոր ներկայացուցիչը, ոսկրացած ձեռքն առաջ պարզեց.

— Ի՞նչ պիտի անես, աղա՛, որ զենքդ հանել ես:

— Պիտի կոտորե՛մ,— արտիստորեն գոռաց Շահխաթունին:

— Դե՛, էն է առանց քո զենքի էլ կոտորվում ենք, ինչի՞ նեղություն քաշես:

— Բա ի՞նչ անեմ, որ ճանապարհ չեք տալիս, գնանք մեր գործին: Այս ի՞նչ խառնակչություն է:

— Աղա՛ ջան, հոգո՛ւր մեռնիմ, խառնակչություն չկա: Կոտորվում ենք անտեր: Ապրեցնելու մի ճար գիտես, արա՛, ինչի՞ կսպառնաս կոտորել: Բա մի՞ ազգ չենք, նույն աստծո՞ւն չենք ուղղում մեր օրհնանքները: Ինչի՞ կսպառնաս կոտորել...

Տարեց մարդուն ձայնակցում էին նրա շուրջը խոնվածները, և չէր երևում, թե հեշտ է լինելու օղակումից դուրս գալը: Դա ավելի էր կատաղեցնում դյուրաբորբոք Շահխաթունուն, որը հարձակվեց տարեց մարդու վրա:

— Տո՛, ծե՛ր դեմագոգ, ի՞նչ է, ձենդ երկինք ես պցել...

Արամը դուրս եկավ մեքենայից և առաջին հերթին Շահխաթունու թևը բռնեց:

— Կացե՛ք,— աղմկոտ ամբոխի կողմ հնչեց խրոխտ ձայնը: Նրա երևալուն պես քարացավ ամբոխավար հոշակվածը:

— Տո՛, էս խո Արա՛մն է,— նա, իր բախտակիցներով շրջապատված, ձեռքերը վեր պարզեց, ասես հայտնվել էր նրանց մեսիանի:— Երկինք-գետի՛նք, էս խո Արա՛մն է: Ժողովո՛ւրդ...

Արամը դանդաղ, հանդիսավոր մոտեցավ ծերունուն, իսկ նա դեռ շշմած էր, հմայված ու հիմա էլ ձեռքերն էր քսում Արամի հագուստին. «Այդ դո՞ւ ես»:

Կմախքացած մարդու մեջ Արամը տեսնում էր մեկին, որին գիտեր առաջուց, սակայն խանգարված դիմագծերը թույլ չէին տալիս վերականգնելու հին ծանոթի պատկերը: Ծերունին երևի թե զգում էր, որ նա ջանում է հիշել, սակայն դժվար է իր աղավաղված արտաքինի մեջ տեսնել Վանի պաշտպանության զինվորին:

— Աբե՛լն եմ, Արամ փաշա: Վանա կոխվ շե՞ս հիշեր: Վանա արդար կովի Աբելին շե՞ս հիշեր...

Արամը նրան իր գիրկն առավ, սեղմեց եղբայրաբար ու վերից վար ականջին ինչ-որ բան շնչաց: Վարից նա էլ գլուխը բարձրացրեց, և հիմա խոսում էին հայացքներով:

Երկուսի աչքերից էլ արտասուք էր հոսում...

Արամն Աբելին հրավիրեց իր մոտ՝ Ազգային խորհրդի շենքը և ասաց, թե ինչպե՛ս պիտի գտնի:

— Վաղը կգաս, կզրուցենք, մի բան կանենք:

Աբելն Արամին պատմել էր, որ իրենց խմբից մի պատանի գիշերը մտել է դիմացի արտը՝ հեղիի համար ցորեն քաղելու, և տվել-սպանել են: Ինքը՝ Արամը, ճանաչում էր արտատիրոջը և մտքում որոճում էր այն պատիժը, որին պիտի ենթարկել տար այդ հղիացած հարուստին: Շահխաթունուն հանձնարարեց երեկոյան իր ծանոթ խմբապետներին հրավիրել:

— Թող գործ անեն, պարապուժյունից իրար են գզում:

— Ի՞նչ նկատի ունեք, պարոն Արամ:

Նա մեքենայի միջնորմը բարձրացրեց, որ վարորդն իրենց չլսի:

— Ազգը կոտորվում է քաղցից, իսկ գյուղական համփաներն օրեցօր ուռճանում են: Խմբապետների խնդիրը կլինի գաղթականների սնունդն ապահովել այդ համփաների հաշվին:

\* \*  
\*

Հոփսիմեհի վանքի մոտ երկար սպասեցին գեներալ Սիլիկյանին: Նա եկավ այլայլված և, ներողություն խնդրելով ուշանալու համար, կցկտուր բացատրեց.

— Տեղակալս էր օչինբագություն սարքել:

— Դանիելբեկ Փիրումյա՞նը:

— Էլ ո՞վ:

— Ի՞նչ պիտի աներ այս խառնաշփոթ իրավիճակում:

Եվ գեներալը պատմեց հետևյալը:

Ինքը՝ Մովսես Սիլիկյանը, Մանուկյանին զանգել էր ցայգալուսին և հետո գնացել դեպի զորամասի մարտկոցները, որպեսզի օրվա համար առաջադրանքներ տա հրամանատարներին ու վերադառնա Հոփսիմեհի մոտ: Զոկատներից մեկում հայտնեցին, որ

շտաբում գնդապետ Դանիելբեկ Փիրումյանն է սպասում և իր հետ շտապ լուծելու հարց ունի:

— Ես շարունակեցի գործս, մտածելով, որ տեղակալս է, պարտավոր է սպասել և ոչ թե կարգադրել, որ շտապ ներկայանամ:— Հոփսիմեի վանքի մոտից ոտքով էին գնում մինչև Մայր տաճարը, և ճանապարհին այսպես հանգիստ ու մանրամասն պատմեց Սիլիկյանը:— Վերագառնամ, տեսնեմ ի՞նչ սա, կարծելով, թե շատ պիտի ուշանամ, դիմում է գրել, թողել սեղանիս, հեռանում է: «Ի՞նչ դիմում է»,— ասում եմ: Թե՛ «Կարդա՛, կիմանա՛ս»: Կարդում եմ, և քիչ է մնում գազաթս պայթի: Դիմումով հայտնում է, որ հայրենիքի համար ստեղծված ժայրահեղ ճակատագրական պահի գիտակցությամբ թողնում է Երևանյան ռազմաճակատի հրամանատարի տեղակալի իր պարտականությունը և ստանձնում է Սարդարապատի ճակատի ղեկավարությունը: «Ո՞նց թե՛ ստանձնում ես, ա՛յ մարդ,— ասում եմ,— քո ուզելով է, որ վերցնես ու գնաս: Կամ Սարդարապատի ճակատն անտե՞ր է, ի՞նչ է: Չէ՞ որ այնտեղ էլ քո տոհմակից Հովսեփբեկ Փիրումյանն է հրամանատար: Ճանաչված ու խիզախ մի գնդապետ, որի ծառայությունները բարձր են գնահատվել Գերագույն հրամանատարության կողմից»: «Բայց այդ «ճանաչված ու խիզախ հրամանատարը»,— ասում է,— իր ճակատի վիճակը համարում է անհուսալի և հենց մի գլուխ պահանջում է, որ զինադադար կնքենք»: «Հետո՞ ինչ, որ պահանջում է: Մենք էլ ենք պահանջում: Բոլորն են պահանջում: Հայկական կորպուսի հրամանատար Նազարբեկովը չի՞ պահանջում: Մեր դրությունն իսկապես անհուսալի է, և հաշտությունն ու զինադադարը՝ միակ խոհեմ քայլը, որ այսօր կարող ենք և պետք է կատարենք»: Այստեղ նա կովարար արջորի պես խրոխտացավ, թե «Ի՞նչ է, դուք մի՞թե այսքան երկար նահանջի ճանապարհին չտեսաք ու չիմացաք, որ թուրքը ձեզ հետ հաշտվել չի ուզում, որ զինադադարի պայման է կապում, անմիջապես էլ ինքն է խախտում իր պայմանը և առաջ է շարժվում քո խաբված ու թմրած զորաչոկատների վրայով»: «Տեսել ու իմացել եմ,— ասում եմ,— ո՛չ կույր եմ, ո՛չ անհասկացող: Բայց մի՞թե դրանից մեր վիճակը թեթևանում է: Մենք ուրիշ ելք չունենք,— ասում եմ:— Այդպես են մտածում բոլորը՝ Թիֆլիսում նստած մեր Միացյալ կառավարության պարագլուխները, Հայկական կորպուսի հրամա-

նատարը: Վերից վար ու վարից վեր բոլորն էլ այդպես են մտածում: Դա է միակ ելքը: Մի՞թե դու չես հասկանում այդ հասարակ բանը»: Ասում է. «Ո՛ր, դա ելք չէ, որովհետև քանի դու զինադադարի կոչեր ու խնդրագրեր ես ուղարկում վերև-ներքև, թուրքը մեր ժողովուրդը կոտորելով ու երկիրն ավերելով առաջ է շարժվում: Զինադադար կնքես, դարձյալ կշարունակի առաջ շարժվել: Առաջ կշարժվի ու կշարդի այնքան ժամանակ ու այնքան տեղ, մինչև որ Հայաստան աշխարհը լրիվ կլինի իր ոտքի տակ, հայազուրկ ու ավերակ, և ինքը հնարավորութուն կունենա գրկախառնվելու մուսավաթի հետ, իր կայսրության սահմանները հասցնելու: Կովկասյան լեռնաշղթա և նրանից էլ դեն: Իսկ մեր միակ ելքը, — ասում է, — կովելն է, կովելը և ոչ թե դիրք պահելը»: Այսպես խոսում էր տաքացած և գտնում էր, որ իր վճիռը միակ ճիշտն ու հարմարն է պատերազմական այն իրադրության մեջ, որ ստեղծված է Ալեքսանդրապոլից մինչև Սարդարապատ: Պատերազմական պայմաններում զորամասի հրամանատարութունը կարող է իր ձեռքը վերցնել նույնիսկ ցածր կոչման որևէ սպա, որն ի վիճակի պիտի լինի փրկելու դրությունը: Սակայն դա լինում է այն դեպքում, երբ զոհվել է ճակատի հրամանատարը կամ ինչ-ինչ պատճառներով անհնար ու անհարմար է նրան թողնել իր պաշտոնում: Բայց սա հավակնում է այն պաշտոնին, որի տերն է իր տոհմակիցը՝ մի կարգապահ սպա և փորձված զինվորական: Ասում է. «Գնդապետ Հովսեփբեկ Փիրումյանի հետ ինքս անձամբ լուծել եմ հարցը, և նա ինձ է զիջել ճակատի հրամանատարությունը»:

— Երկուսն էլ գնդապետ են, ճանաչում եմ, — խոսեց Մանուկյանը, որ ուշադիր ու լուռ լսում էր այս զարմանալի պատմությունը:

— Այո՛, երկուսն էլ գնդապետ են: Բայց Դանիելբեկը մի տարի առաջ ներկայացված է եղել գեներալության: Ռազմական մինիստրությունում հաստատվել էր միջնորդությունը: Փաստաթղթերն ու տարբերանշաններն են ուշանում, որովհետև քանի ամիս է, ճանապարհները փակ են, և Կովկասը կտրված է մայրաքաղաքից:

— Հիմա գնդապետի տարբերանշաններով այդ գեներալն ուզում է ճակատ գնալ, կոբլն անձամբ գլխավորել և հավատում է իր հաղթանակին:

— Այո՛, ճիշտ այդպե՛ս:

— Բայց ի՞նչ կա այդտեղ դատապարտելի: Եթե, իհարկե, դուք ևս դտնում եք, որ նա ի վիճակի պիտի լինի գոնե մի փոքր բարեշավելու ճակատի վիճակը:

— Ոչինչ չունեմ, պարոն Մանուկյան, ինքս նրան շատ բարձր եմ գնահատում իբրև մտածող մարդու և հմուտ ուղղամտ արհեստավարի. Երևի լսած էլ պիտի լինեք էրզրումի ճակատամարտում նրա կատարած քաջութիւնների մասին: Բայց Արարատյան դաշտն էրզրում չէ, պարոն Արամ, այստեղ թույլ տված մեր ամեն մի սխալը էրբող է լինել ճակատագրական:

Արամ Մանուկյանը քայլում էր՝ այդ պատմութեամբ մի փոքր խանդավառված: Եվ նա շթաքցրեց այդ:

— Պատկերացնո՞ւմ եք, — ասաց, — ես առաջ էլ ճանաչում ու հարգում էի: Իսկ հիմա պարզապես սիրեցի այդ գնդապետ-գեներալ Դանիելբեկ Փիրումյանին: — Սիլիկյանը զարմացած նայեց նրան, երևի փորձեց առարկել: Սակայն Մանուկյանը, որ պատմութեան ամբողջ ընթացքում սոսկ լսող էր, այժմ խոսում էր ոչ թե կարծիք հայտնելու, այլ վճիռ հանելու համար: Եվ գեներալ Սիլիկյանն արդեն պարտավոր էր ընդունելու նրա ասածը՝ իբրև վճիռն այն արտակարգ ու իրավարար պաշտոնի, որն Արամ Մանուկյանին էր վստահված: — Միշտ չէ, որ ինձ իրավունք եմ վերապահում խառնվելու ձեր գործերին: Ճակատի հարցերը հիմնականում ձեր բաժինն են, և դուք՝ հրամանատարներդ, շատ ավելի չավ գիտեք, թե ո՞ր քայլն ինչպե՛ս պիտի կատարել: Սակայն այս անգամ, պարոն գեներալ, թույլ տվեք շահամաձայնելու ձեզ հետ: — Մանուկյանի տոնը լուրջ էր, առարկութիւն չընդունող, և Սիլիկյանն զգաց, որ ինքն այս անգամ շարաշար սխալվել է: — Առհասարակ մենք պարտավոր ենք շատ ավելի նրբանկատ լինելու... Կրկնում եմ. ես առաջ էլ հարգում էի Դանիելբեկին: Ճանաչում եմ նրա տոհմը, քաջ տոհմակիցներին: Գնդապետ Պողոսբեկին մոտիկից ճանաչելու և մտերիմը լինելու բախտ եմ ունեցել վանում, ճակատագրական Տասնհինգի ժանր օրերին: Այդպիսի մարդկանց վստահորեն կարելի է հանձնել մի ամբողջ երկրի զորքը, և նրանք հրաշքներ կգործեն...

— Բայց չէ՞ որ Հովսեփբեկն էլ նրանց տոհմից է և առ այսօր իրեն չի հեղինակազրկել, — գեներալն ասես կառչեց մի վերջին

հեղհեղուկ պատճառաբանության՝ իր դեռևս շհանած վճիռն արդարացնելու նպատակով:

— Առ այսօ՛ր,— ձգեց Մանուկյանը:— Այո՛, Հովսեփբեկը ևս նրանց տոհմից է, ըստ երևույթին՝ ժառանգած նաև տոհմի ավանդական քաջասրտությունը: Բայց տեսնո՞ւմ եք, որ այդ քաջասիրտ գնդապետն այսօր կովելը համարում է ապարդյուն, նույնիսկ վտանգալից և միակ ելքը թուրքի ողորմածությանը հանձնվելու մեջ է տեսնում... Հետո՞ ինչ, որ այդպես են մտածում նաև վերադաս հրամանատարներն ու Մյացյալ կառավարության պարագլուխները:

— Եթե դուք այդպե՛ս եք որոշել,— Սիլիկյանը հուսահատորեն դիմեց Մանուկյանին:— Եթե դուք իսկապես այդ համոզմանն եք, էլ ո՞ւր ենք գնում, ինչո՞ւ ենք գնում:

Մանուկյանը դառը ժպտաց քթի տակ.

— Ես գնում եմ ոչ թե իմ կարծիքը հաղորդելու կաթողիկոսին: Դուք ասացիք՝ հեռագրեր եք ստացել և անձամբ էլ համաձայն եք նրանց առաջարկությանը... Պարզապես հաճելի է տեսնել՝ ի՞նչ է մտածում այս երկրի հոգևոր նվիրապետը, որ ի պաշտոնե պարտավոր է լինելու ամենախելոքը. չէ՞ որ հոգևոր առաջնորդն է:

— Եվ դուք այնտեղ չե՞ք հայտնելու ձեր կարծիքը:

— Պիտի աշխատեմ լինել միայն վկա, շնայած նման դերն առհասարակ անհարիր է իմ բնավորությանը:

Վաղարշապատը հայոց ողբերգության կենտրոնն էր դարձել, և նրա ներսում եռացող դժբախտությունը հորդում էր դուրս: Քաղաքի մուտքին շհասած՝ նրանք դեմ առան գաղթական ծովի ակիքին, որը խճուղին լցված շարժվում էր տարբեր կողմերի վրա: Խճուղու եզրերին նստոտած աղերսալից, մեռնող հայացքներով ողորմություն էին մուրում մեծ ու փոքր, կին ու տղամարդ: Մակայն ողորմացող չկար: Կային մուրացիկներ, որոնք այլևս ուժ չունեին նստած տեղից ձեռք առաջ շարժելու: Պառկել էին, մի ձեռքը զլխատակին, մյուսը բուռ արած մեկնել դեպի առաջ: Փակ աչքերով էին, և հայտնի չէր՝ ո՞րն է կենդանի, ո՞րը՝ մեռած:

Մայր տաճարի բակի աջակողմյան ծառերի տակ կրակարաններ էին շինել և հսկա կաթսաներում ձավարից ապուր էին եփում գաղթականների համար: Երեք վեղարավոր երիտասարդներ դարպասներից ներս խուժող գաղթականների դեմը պահում էին՝

հայտարարելով, որ ճաշը պատրաստ չէ, հենց որ պատրաստ լինի, խումբ-խումբ ներս են թողնելու: Երիտասարդներից մեկը, ճանաչելով զորավար Սիլիկյանին, որի շտաբը հենց իրենց կողքին՝ Գեորգյան ճեմարանի առաջին հարկում էր տեղավորված, ընդառաջ գնաց և գլխով խոնարհում արեց: Ապա իմանալով, որ զորավարն ու իր ուղեկիցները վեհափառին պիտի հանդիպեն, զարմացավ:

— Այս ժամին, — բայց և այնպես առաջ ընկավ:

Տրդատա դուան պահակի ականջին ինչ-որ բան ասաց և, հյուրերին իրենից առաջ թողնելով, հետևեց նրանց: Դեպի վեհարան տանող սալարկած ուղին եզերում էին վերասլաց բարդիներ ու լորենիներ, որոնց արանքներում խնամված թփերն էին վարդերի, հասմիկների և այլազան երփնավառ ծաղիկների: Ուրիշ ժամանակ այստեղ պիտի լավեին երգեցիկ թևավորների դայլայլները: Սակայն հիմա օդը լիքն էր Մայր տաճարի պատերից անդին խլրտացող գաղթականների անհողարաշխ ձայներով:

Տարօրինակ բանագնացները մռայլ էին և բառեր չէին գտնում իրենց հոգիների խռովքներն իրար հաղորդելու:

Արամը մտածում էր, որ գաղթականութունն ավելի շատ էջմիածնի շուրջն է կուտակվել, շնայած նրան տեղավորելու, օգնելու և պետքերը հոգալու կոչված կազմակերպութունները Երևվանում էին գտնվում: Գաղթականը չի՞ հավատում այդ կազմակերպութուններին, որոնք իսկապես անզոր էին որևէ լուրջ օգնութուն հասցնելու: Թե՞ պարզապես երկրի հին հավատն է նրանց այստեղ բերում: Այստեղից ավելի շո՞ւտ են տևել հասնում իրենց աստվածառաք աղոթքները, թե՞ գիտեն, որ ամենուր էլ մահն է սպասում, և այստեղից ավելի հեշտ պիտի իրենց հոգիները հասնեն հայոց աստծու մոտ, խառնվեն նրա երկնային հոտին:

Կաթողիկոսը նրանց ընդունեց վեհարանի իր ընդարձակ առանձնասենյակում, փափուկ բազկաթոռի մեջ ընկղմված: Ցոթերորդ տասնամյակը նոր միայն ետե թողած Գեորգ Ծ Սուրենյանը շատ էր ծեր երևում, և հյուրերը չզարմացան, որ իրենց ողջույնին ծուլ-ծուլ պատասխանելով՝ նա պարարտ մարմինը հազիվ շարժեց բազկաթոռի վրա ու աչք մեկնեց առաջ: Գեներալ Սիլիկյանը խլեց նրա ձեռքը և տարավ շուրթերին:



— Հը՛, նոր սենյակներ նվաճելո՞ւ եք եկել,— լայն դեմքին բարի ժպիտ՝ փորձեց կատակել վեհափառը:

— Քա՛յ լիցի, վեհափառ, այն երեք սենյակն էլ մեզ բավական է.— մեղավոր խոսեց գեներալը:— Գուցե ճեմարանի տնօրենը պանդատվե՞լ է: Բայց մենք դժգոհելու առիթ չենք տալիս:

— Իժպոհելու առիթն էլ, պատճառն էլ հենց այն է, որ հոգևոր ճեմարանում է նստում զորամասի սպայակույտը... Սակայն, կարծում եմ, դա ժամանակավոր երևույթ է, և խաղաղություն լինի, ամեն ինչ կբռնի իր տեղը: Ուրեմն, խաղաղությո՞ւն ամենեկոցու:

Տեսնելով, որ հովանավորը մնում է ստվերի մեջ, Շահխաթունին մոտեցավ, համբուրեց վեհափառի աչքը, որ թույլ ընկած էր առջևի սեղանի հզրին, ապա խոսեց թատերային վերամբարձ տոնով.

— Պատիվ ունեմ ներկայանալու, վեհափառ. Երևան քաղաքի պարեա Շահխաթունի:— Կաթողիկոսը գլուխը շարժեց հանգիստ, և պարեաը հայացքով ցույց տվեց քիչ հեռու, մեկուսի կանգնած Արամին, նրան ևս ներկայացրեց.— Պատիվ ունեմ, վեհափառ, և առհասարակ ինձ համար մեծ պատիվ է ներկայացնել Երևանի Ազգային խորհրդի նախագահ, Արարատյան երկրի արտակարգ և միանձնյա դեկավար Արամ փաշա Մանուկյանին:

Այս անունը լսելուն պես աշխուժացավ կաթողիկոսը, փորձեց տեղից վեր կենալ: Արամը մեծաքայլ մոտեցավ, շտապեց առնել նրա աչքը, որպեսզի նա տեղից վեր չկենա: Երբ կոացավ համբուրելու համար, վեհափառը ձախ ձևերով բռնեց նրա ուսը և մտերմորեն սեղմեց:

— Այդպես էլ պատկերացրել եմ ձեզ,— գոհունակությամբ խոսեց վեհափառը՝ ուզելուն չհայացքն իր դեմ կանգնած Արամի վրա և ուշքի գալով՝ նրան տեղ ցույց տվեց.— Նստեցե՛ք, նստեցե՛ք... Ահա ճիշտ այդպես էլ պատկերացրել եմ՝ բարձրահասակ, բացճակատ: Մարդուս ճակատին կարևոր է կարգալ նրա հոգին: Ա՛յր չէ, որ «ճակատագիր» խոսք էլ կու:— Ապա հայացքը սահեցնելով ներկաների վրա, ասելիքը հղիփակեց աստվածաշնչյան խոսքով.— Բազումք են կոչեցեալք և սակաւք՝ ընտրեալի: Գոհություն աստծուն, որ այս դառն ու դժվար օրերին

ազգին ձեզ նմաններն են առաջնորդում: **Ջեյնից** առաջ ձեր անունն էր այստեղ հասել:

Վեհափառի գովեստի խոսքերը հաճելի էին Արամի համար: Մակայն այդ պահին նրան տանջում էր իր առաքելության տխուր գիտակցությունը: Քիչ հետո կպարզվի, թե ինչի՞ համար են եկել, և վեհափառը կզղջա իր խոսքերի համար: **Ջոյումն** ի՞նչ է որ, կանի՞ծի՞ այն ճանապարհը, որ իրենց բերել է այստեղ... Եվ մինչ նա այս հոգեմաշ ինքնախարագանումն էր ապրում, պարավար Սիլիկյանն իր կաշվե պայուսակից հանեց հեռագրի երկու մեծադիր թերթեր ու անհամարձակ դրեց կաթողիկոսի առաջ: Վերջինս փորձեց մի հայացքով իմանալ թղթերի էությունը. կկոցած աչքերով վերից վար տնտղեց, հետո էլ սրտնեղած նայեց վեղարավոր գավաղանակրին, որը հանդիպման առաջին իսկ վայրկյանից պատի տակ ձգված սպասում էր կարգադրության: Նա իսկույն դուրս գնաց և բերեց ակնոցը:

Եթե քիչ առաջ վեհափառը հիշած էլ շիններ մարդու ճակատին նրա հոգին կարդալու հնարավորությունը, միևնույն է, նրա դեմքին նայողն անպայման կգար նման եղբուկացություն: Հեռագրերից մեկի առաջին իսկ սողերի վրա նրա լայն ճակատը ճերմակեց, ապա երևացին կապտադալուկ բծեր, որոնք շուտով ծածկվեցին քրտնքի կաթիլներով: Երկրորդ հեռագիրը շարդաց: Երկուսը միասին սեղանի վրա շարտեց և տեղից վեր կացավ շանթահարի պես: Քիչ առաջվա հոգնած ու ընդարմացած մարդը շեր ալլես: Նրա աչքերը վառվում էին, ասես կայծեր պիտի արձակեին: Երևի հարվածը շատ էր անսպասելի, և սկզբում անելիքը չիմանալով նա անհանգիստ աչ ու ձախ քայլեց վանդակի մեջ նետված առյուծի պես, ապա շեշտակի կանգ առավ գորավարի դեմ և ձեռքը նրա կողմ տնկելով որոտաց.

— Ուրեմն, դուք արդեն որոշել եք թուրքերին հանձնել Հայոց եկեղեցու Մայր աթոռը...

Սիլիկյանը փորձեց հանգստացնել ափերից դուրս ելած վեհափառին:

— Ձերդ Սրբություն, էջմիածնի Մայր աթոռը հանձնելու ոչ մի որոշում էլ չկա: Պարզապես ձեր անձի և Մայր աթոռի սրբությունների ապահովությունն ունենք այժի առաջ: Առջևում ամառ է, և դուք առժամանակ կփոխադրվեք Բյուրականի ձեր ս.մառանոցը...

— Իսկ Բյուրականի՞ց ուր պիտի փոխադրվեմ,— պայթեց վե-  
հափառը:— Չէ՞ որ էջմիածինն այդքան հեշտությամբ թշնամուն  
հանձնողի համար Բյուրականը ոչ մի դժվարություն չի ներկա-  
յացնի:— Եվ առանց զորավարի նոր պատճառաբանությունների  
վրա ուշադրություն դարձնելու, շրջվեց դեպի գավազանակիրը,  
առույգ ձայնով կարգադրեց.— Իմ անունից ասացեք, որ հնչեց-  
նեն բոլոր եկեղեցիների զանգերը: Հայրց երկրին ո: նրա առա-  
քելական եկեղեցուն անագորույն վտանգ է սպառնում:

Ապա նա թափ տվեց հագուստը, կրծքի վրա ուղղեց ադա-  
մանդակուռ խաչը, գոհարազարդ գայլստներ ձեռքն առնելով հաղ-  
թաքայլ ելավ վեհարանից և սև սքեմավորներով շրջապատված  
ուղղվեց դեպի Մայր տաճարը:

Շուտով ղողանջեցին զանգերը՝ նախ Մայր աթոռի զանգակա-  
տնից: Սրան էլ արձագանքեց Գայանեի եկեղեցու կոչնակը:  
Հոփսիմեի տաճարի զանգերը փոքր-ինչ ուշացումով, բայց այն-  
պես ղողանջեցին, որ վանքի շուրջը ծփացող ժողովուրդը հոր-  
ձանք տվեց դեպի Մայր աթոռ:

Լուրն իրար տալով՝ մարդիկ ամբողջ Վաղարշապատն ու շրը-  
ջակաները լցրել էին այնպիսի տազնապով, ասես թշնամին Մայր  
տաճարի պատերի տակ է արդեն, և միայն նահատակների դիակ-  
ներով պիտի փակվի նրա ճանապարհը դեպի հայոց եկեղեցու  
սրբությունները: Իսկ վեհափառի թափորը վեհարանից մինչև  
Մայր եկեղեցու դուռն իր կարճ երթի ընթացքում ստվարացավ,  
դարձավ սևակնած գետ, որ հոսում էր առաջ՝ իր ետևից ու կող-  
քերից քշած տանելով մարդկային հեղեղը:

Մայր տաճարի դռները կրնկի վրա բաց էին կաթողիկոսի  
առաջ: Բայց նա դռներով ներս մտնելուց առաջ փարվեց զան-  
գակատան սյուներին, շքամուտքի աջ ու ձախ կողմերի քան-  
դակազարդ քարերը շոյեց-գուրգուրեց ղողացող ձեռքերով և նոր  
միայն քայլեց դեպի սրահը, որի կենտրոնում Իջման սեղանն էր՝  
գմբեթի լուսամուտներից իջնող խորհրդավոր լույսերով ողողված:

Բեմի առաջ գրակալներ կային՝ ծանրաբեռնված քուրբ գրը-  
քերով: Բարձրաստիճան հոգևորականները կիսաշրջան կազմած  
կանգնել էին՝ տեղ ազատելով կաթողիկոսի համար, որը սովո-  
րաբար մոտենում էր կենտրոնական գրակալին, բաց էր անում  
ծրվա ոգուն հարմար գրքի համապատասխան էջը, և այսպես  
էր սկսվում պատարագը, որի ամբողջ ընթացքում տասներկու

սարկավագներ ձայնակցում էին նրան: Այս անգամ, սակայն, էա շրջանցեց գրակալները, հոգևորականների կիսաշրջանն ու սարկավագների շարքը, բարձրացավ բեմ և շրջվելով դեպի ծփացող դահլիճը, հուզված խոսեց:

— Ժողովուրդ հայոց, հայրենիքը մեր ծանրապայման վտանգի տակ է:— Դողդողացող ձայնով ասաց այս խոսքը, որպես թե կրակ նետեց դահլիճը և թողնելով, որ կրակն այդ բոբբոքվի, տարածվի ծայրեծայր, ինքը հայացքը նկարավարոյ առաստաղին հառած՝ ապրում էր այն պահը, երբ հոգին վերանում է, խառնը-վում բարձրյալի սրբազան բանակին: Ժողովուրդը մի շունչ դարձած տնքում էր, հառաչում: Նույնիսկ նրանք, որ քաջատեղյակ էին ռազմաճակատի վիճակին, գիտեին թշնամու առաջխաղացման ընթացքն ու յուրայինների անկասեցնելի նահանջը, միայն այժմ, վեհափառ հայրապետի ցավագին ահազանգից հետո ամբողջ ահագնությունը պատկերացրին երկրի վիճակը, և սրտները լցվեցին դառը կսկիծով: Նրանք սարսափահար հայացքները հառել էին տաճարի պատերի վրա, և պատերից իրենց էին նայում տազնապած սուրբ հայրերն ու հրաշագործ ոգիները: Ցավ ու կարեկցանք կար մշուշոտ հայացքներում, որոնք այդ պահին առավել, քան երբևէ, հարազատ էին հայի հոգուն, նրա սրտի թարգմանն էին, նրա անմխիթարական վիճակի սրտամորմոք ու լուռ արտահայտությունը: Եվ այդ հայացքների մեջ մարդիկ դուր պիտի փնտրեին պատասխանը իրենց տանջող հարցերի, ելքն այն ահազարհուր վիճակից, որի մեջ խորովվում-փոթոթվում է բովանդակ ազգը:— Ժողովուրդ հայոց:— Վերացած, ևրկնային գիտների հայացքներից փրկություն աղերսող հալատացյալների կրկին սթափեցրեց կաթողիկոսի դողդոջ ձայնը:— Թուրքը՝ մեր բանական հոտի արնախում ոսոխը, նվաճել է Ալեքսանդրապոլը, շարժվում է դեպի սիրտը մեր երկրի, մեր հավատի, մեր կենսագրություն, գալիս է էջմիածնի վրա: Թուրքը կոտորած ու ավեր փռելով գալիս է, և մեր զորապետներն էլ ուրիշ ելք չեն գտնում այդ աղետից, քան հայոց հայրապետին փախուստի մղելը: Նրանք Ամենայն հայոց կաթողիկոսին առաջարկում են ոսոխի բերանին թողնել Մայր աթոռ էջմիածինը, մեր սրբարանները, հայ ժողովուրդը, հայրենի երկրի վերջին կտորը և առաջարկում են լքել այս բոլորը, սեփական կյանքը փրկել Բյուրականում կամ ուրիշ անմատչելի որևէ լեռնածերպի վրա:

Ահա այսպես, ո՛չ ավել, ո՛չ պակաս: Կարծես ի՛նքը չէ այն կաթողիկոսը, որին առաջարկում են փրկել իր կյանքը և փրկության ճանապարհն են ցույց տալիս. հեռանալ Բյուրական կամ մի ուրիշ ապահով տեղ: Իսկ ինքը՝ Գևորգ Սուրենյան-Տփղիսեցին, մտածում է այդ փրկարար առաջարկի մասին, մտածում է հայոց կաթողիկոսի ու նրա բռնելիք դիրքի մասին: Հայացքը վերկնեցնում է, հրեշտակների հետ, նա պատասխան է հայցում Ամենափրկիչից, Հայոց Լուսավորչից, սուրբ առաքյալների մըշտագո և մշտազդոն ոգիներից:

Դահլիճում վա՛շ-վի՛շ էին կանչում: Տառապանքի ու ցավի հառաչանքներն իրար խառնվելով, ալիք տալով հասնում էին եպիսկոպոսաց դասին և խփում վեհափառի քղանցքներին: Ժողովուրդը մոլորված էր «այո»-ի ու «ոչ»-ի բավիղներում: Եվ ահա պղնձաձայն զնգաց կաթողիկոսի խոսքը, իբրև տապը մեղմացնող սյուրք ու զեփյուռ տարածեց, սփռվեց եռացող մարդկային ծովի վրա:

— Ո՛չ և ո՛չ, հազա՛ր անգամ ոչ: Ես չեմ լքի մեր սուրբ նախնիներից ավանդված Մայր աթոռը: Ես չեմ հեռանա հայոց առաքելական եկեղեցու օջախից: Եթե հայոց զինվորությունն ու ինքը՝ հայ ժողովուրդը, չեն կարողանա թշնամու առաջխաղացումը կասեցնել, եթե ի զորու չեն լինի փրկելու մեր սրբությունները, ապա թող ես նահատակվեմ հենց այստեղ, շեմի վրա Մայր աթոռի, որի գահակալի պատիվն ունեմ մեր սուրբ նախնիների արդար բարեխոսությունը և Աստծո ողորմածությունը:

Դահլիճում գոհունակության տնքոցը հորձանք տվեց, ժայթքեց դուրս, որպեսզի տարածվի տաճարի բակում ծփացող բզմունքյան վրա և այնտեղից էլ հորդա Վաղարշապատի փողոցները, գնա ավելի հեռո՛ւ, տարածվի կուչ եկած Հայաստանում ու նրա սահմաններից դուրս:

Վեհափառի մոտ կիսաշրջան կազմած եպիսկոպոսական դասը հպարտության հայացքներով ողջագուրվեց ծերունագարդ հայրապետի հետ: Խրոխտ շտկեցին իրենց մարդիկ, որոնց Մայր աթոռ էր բերել տազնապը: Նույնիսկ ժպիտներ երևացին պայծառացած դեմքերի վրա: Իսկ նրանք, որ վեհարանում ուրիշ առաքելություն էին ներկայացել, մեկուսի կանգնած որոճում էին իրենց մտորումները, որ տարբեր էին իրարից, տարաբնույթ: Ահա զորավար Մովսես Սիլիկյանը, որ լիցք առած իր վերադաս-

ներից, հրահրողը դարձավ այս բուրբի, հիմա ամսից կծկվել էր մեկուսի: Կուզենար, որ վեհափառն իրեն շտեններ, և կյանքում առաջին անգամ զգում էր, որ ինքը երկարահասակ է ու ցուվում էր դրա համար: Երևանի պարետ Արշո Շահխաթունին արդեն մոռացել էր, թե ինչի՞ համար է եկել, ոսկորված կաթողիկոսի փայլուն դերով, շատ էր ափսոսում, որ նրա կողքին չէ իբրև երկրորդ հերոսը բեմում: Նա զարմանում էր նաև, թե ինչպե՞ս է, որ այս մուրթված հանդիսականները ծափողշուշաներն են մոռացել:

Բարդ ու հակասական էին Արամ Մանուկյանի սպրտմենջը: Իբրև վերին հրամանն ի կատար ածող՝ այն զինից զմ էր եղել այդ հրամանին և հիմա կարող էր վայելել ստապուլումի և այսօրան բարեհաջող, աներևակայելիորեն գեղեցիկ տապալումի հուճույքը... Սակայն նրա սիրտը կոտրված էր այն գիտակցությունից, որ կաթողիկոսի աչքում ընկավ իր անունը, հավասարվեց լքումի փող հնչեցնողների անուններին: «Ձեզնից առաջ ձեր անունն էր այստեղ հասել», — գորովանքով ասաց վեհափառ հայրապետը: Դա վանի պաշտպանի անունն էր: Պատահական չէր, որ ասաց նաև, թե պետք է գոհանանք, որ այսօր հաջոց ազգին ձեր նմաններն են առաջնորդում... Եվ դո՛ւ, վանի՛ հերոս, ազգային ազատագրական պայքարի քաջամարտի՛կ, այժմ ի՞նչ առաջարկությամբ ես եկել Մայր աթոռ էջմիածին: Ո՞ւմ հետ ես դու՞ Ո՞ւր ես տանում հաջոց ազգր, որ տարտղնված է, կիսակործան, բարեկամներից լքված, թշնամու անդթությանը մատնելված:

Արամը տանջվում էր անմխիթար, որ վեհափառն իրեն շատաց նաև այս խոսքերը, շղատամբեց ու շանիծեց: Արհամարհե՞ց իրեն, թե՞ խոցված էր այնպես խորն ու անբուժելի, որ չէին օգնի ո՛չ կշտամբանքի խոսքերը, ո՛չ անեծքը, ո՛չ էլ խրատը հայրական: Գուցե նրա հոգում այդ վայրկյանին միայն մի հա՞րց էր գլուխ հանել՝ սրտաքանդ մի հարց, հուսահատեցնող մի հարց՝ «Եվ դո՞ւ, Արամ»: Գուցե շտվեց այդ հարցը միայն նրա համար, որ պատասխանը կարող էր լինել առավել սրտաքանդ: Եվ Արամին քրքրում էր, ամենից առաջ, այն գիտակցությունը, որ իր հանդեպ սասանվեց հավատը մեծ հավատավորի: Եվ սասանվեց ի՛ր մեղքով, Արամ Մանուկյանի՛:

Պատվախնդրութիւնը հզորագուշն խթանն է մեծագործութեան: Պատվախնդրութիւնը ողնաշարն է հոգու, որը կծռմովի, կկորցնի իր ձեն ու ինքնութիւնը, եթէ այդ ողնաշարը շունեցավ: Արա՛մ տղա, — ո՛չ թէ Արամ փաշա, որպիսի պատվանունով քեզ հաճախ են մեծարում, առանց հասկանալու, որ դու վիրավորվում ես թուրքական այդ կցորդից, — այո՛, Արա՛մ տղա, այն լեռնաստանը, ուր ծնվել ես դու, ուր սովորել ես քայլել, հոգու ամբուլութիւնն է սիրում, շիտակութիւնը հոգու: Այնտեղ լեռներն ուղիղ դեպի երկինք եմ միտում: Հող չէ, որ կայծակները նրանց կուրծքն են ձեղքում կամ զարկում են հպարտ ճակատներին: Դու այդ ինչպե՞ս մոռացար հայրենի լեռնաստանի դասերը: Ինչպե՞ս լծվեցիր այն սայլին, որը գլորվում է դեպի բացերախ ձորը...

Արամը հոգեպէս բղկալում էր այս մտքերից: Եղավ մի պահ, որ ինքնադատաստանի ուլորտի մեջ կորցրեց վեհափառի խոսքի տուտը: Թմրած էր կարծես և արթնացավ մեկ էլ, երբ տաճարն այնպէս հորձանք տվեց, ամբոխն այնպէս ծփաց-ալեկոծվեց, ոնց որ իրար էին ձուլվել տաճարի ներսում գտնվողներն ու դրսինները, կամ կապկալած իրար՝ գերմարդկային մի անտես ուժով ցնցվում էին, և նրանց հետ էլ տաճարն էր ցնցվում, իսկ հրեշտակներն ու սրբերն արդեն խառնվել էին ալեկոծվող ամբոխին, գնում էին դեպի կոիվ ու նահատակութիւն:

— Թուրքը չի կշտացել մեր ժողովրդի արեւմտյան կիսով, հիմա էլ այս մի կիսի վրա է եկել անհագուրդ ու մոլեգնած: Եվ եթէ այստեղ էլ հաղթեց, դա կլինի ստույգ վերջը մեր ազգային գոյութեան: Մի՞թէ մենք չպիտի կարողանանք պահպանել մեր օջախի կրակը, մեր հավատի ջահը, մեր ազգային գոյի հիմքերը: Իսկ եթէ եկել է վերջը, ապա ինչո՞ւ այն շրնդունենք պատվով ու քաջութեամբ և ոչ թէ ողորմելի զեռունի պես ոսոխի առաջ սողալով: Մեր պատմութեան անցյալ դարերը լիքն են քաջութեան օրինակներով, ներկված են նահատակների արյամբ: Դրանով չի սպառվել մեր արյունը, և չի կորսվել քաջութիւնը մեր շարքերից: Դարեր առաջ, երբ Մոհամեդի խաժամուժն արաբական անապատներից եկել, ուզում էր ավերել մեր երկիրը, կտրել մեր լեզուն և մեռցնել մեր հավատը, ոտքի ելան մեր նախնիք: Նրանց դրոշին գրված էր. «Քաջութեամբ մեռցուք ի վերայ աշխարհիս մեր և ի վերայ ազգիս, և մի՛ տեսցեն աչք մեր կոխան ոտից լեալ

պղծալից արանց սրբարանս մեր»։ Հաջորդ բոլոր դարերը հայոց ազգն այդպես է ապրել՝ իր ինքնութեան համար պայքարելով, իր վաղվա համար այսօր մեռնելով։ Եվ որովհետև ով գաղափարի հետ է մեռնում, մեռնում է որպես հատիկը ցորչանի, ապա հատիկի մահով նոր կյանքեր են ծնվում վաղ թի անագան։ Դրա համար է, որ զանգվածային մահերով ու կոտորածներով հարուստ մեր կենսագրությունը չի ունեցել և երբեք էլ չպետք է ունենա վերջին վերջակետ։ Ուրեմն էլ ինչո՞ւ դավենք ապրելու և զոյատեկելու մեր ազգային կերպին։ Ինչո՞ւ աղգովին շարժրանանք, չկանգնենք թշնամու դեմ, որ գալիս է անդրարաքսյան իր թեթև հաջողություններով հղիացած և մեր արյան վերջին կաթիլին ծարավի...

— Պատրաստ ենք ելնելու, վեհափա՛ռ տեր,— գոչեցին դահլիճի տարբեր կողմերից։

Եվ այս ահեղագոչ ձայնը՞ն էին՝ միացան, թե՞ դահլիճը միաձայն, միահամուռ պայթեց.

— Պատրաստ ենք։

Կաթողիկոսը դրան էլ սպասում էր. շունչ առավ մի պահ և, հայացքը ծփացող ամբոխի վրա, աջով ադամանդազարդ լանջալուաչը բռնած, երանություն մը շարունակեց.

— Ես միշտ էլ հավատացել եմ իմ ժողովրդի ոգուն։ Ես գիտեմ նրա անցած ճանապարհի դառնությունները։ Իսկ դրանք ո՞վ չգիտի։ Բայց վերին նախախնամության բարեհաճ թելադրությամբ՝ համոզված եմ նաև, որ ազգն իմ հայոց անարդ թշնամուն դեռևս չի ասել վերջին իր խոսքը։ Եվ խոսքն այդ պետք է լինի հաղթական...

— Պետք է լինի հաղթական... հաղթական,— արձագանքեց դահլիճը։ Եվ արձագանքն այդ թնդաց Մայր տաճարի կամարների տակ, ելավ նրա դռներով ու լուսամուտներով, տարածվեց դո՛ւրսը, ամենուրե՛ք։

Էջմիածնից ելած սուրհանդակները, որ սարկավազներ էին, Գևորգյան ճեմարանի սաներ կամ էլ այդ պատվական առաքելությունը կամավոր ստանձնած աշխարհականներ, Արարատյան երկրի բոլոր վանքերին ու եկեղեցիներին էին տանում Ամենայն հայոց կաթողիկոսի հրամանը՝ տիվ ու գիշեր զանգեր հնչեցնել այնքան ժամանակ, քանի դեռ թուրքը գտնվում է Արաքսից այս կողմ։



Արեգակը նոր էր ելնում Սևանի կողմերից և դեռ արեգակ չէր, այլ Գեղամա լեռների թիկունքները հրավառած լավա: Այդ հրավառութունը տվել էր ել՛նքին, անդրադարձել, շաղ եկել Արարատյան նահանգում, որ ասես լվացված էր հազար ջրով: Գիշերը մեղմ անձրև էր տեղացել, և համատարած կանաչութունը վաղորդայնից այնպես էր շողարձակում, այնպես էր հուրհրատում, որպես թե երկինքը ոչ թե անձրև էր մաղել, այլ աղամանգի փոշի, որի ակնախտիտ փայլերով բռնված էին դաշտերը, թուփ ու ծառերը, լեռ ու սարերը՝ հորիզոնից հորիզոն:

Եվ սուրհանդակները կաթողիկոսական հրամանը թեմական առաջնորդներին ու գյուղական եկեղեցիների տերանց էին տանում մայիսյան այդ թույր ու բույրերով արբեցած: Տանում էին՝ մտածելով աշխարհը լցված այս անձիր ու անսահման երջանկության մասին, որ հայր շի կարողանում վայելել, քանի որ նրա դեմ նորից մոլեգնել է թուրքը:

\* \*  
\*

Երեկոյան դեմ Երևանի ազգային խորհրդի նախագահի առանձնասենյակը մտավ մոտ քառասուն տարեկան, պատկառելի արտաքինով մի մարդ և նախագահ Մանուկյանին խնդրեց իրեն լսել մի քանի բոպե:

Մի քանի բոպեն դարձավ մի ժամի շափ, գուցեև ավելի, որովհետև ղրույցը, որ չէր կարելի համարել բարեկամական, սակայն անպայման ընթանում էր փոխըմբռնողության մթնոլորտում, Արամ Մանուկյանին ստիպեց մոռանալ և՛ ժամանակը, և՛ այն անհետաձգելի գործերը, որոնք պետք է ավարտեր հենց այդ օրը:

Անսպասելի այցելուն Արշավիր Մելիքյանն էր, Արամին միայն իր հրապարակած հոդվածներով ու խմբագրած բուլեթիկյան թերթի առիթներով ծանոթ մի մտավորական, որը վերջին տեղեկութունների համաձայն՝ դասեր էր տալիս Երևանի դպրոցներից մեկում: Սակայն, ինչպես ղրույցից պարզվեց, հիմնական զբաղմունքը դարձյալ մնում էր գրական-հրապարակախոսական գործը, որի առանձին պոռթկումները նույնիսկ դուր էին եկել իրեն՝ Երևանյան նահանգի միանձնյա ղեկավարին:

Արդեն բավականին խոսել էին, երբ Արամը գլորոցից հանեց մի թերթ և փոեց գրասեղանին: Թերթի վրա թանաքով նշումներ էին կատարված, և Արամը զրուցակցի ուշադրությունը հրավիրեց նրանց վրա:

— Այստեղ ձեր մի դասախոսության մասին են գրել,— ասաց Ազգային խորհրդի նախագահը:— Ցավում եմ, որ ներկա չեմ եղել: Բայց լրագրի տեղեկություններից կարելի է պատկերացնել ոգին: Ասում է. «որպեսզի կովկասյան անարխիան վերջ գըտնե, անիկա ըսավ, որ հարկավոր է ճանաչել խորհուրդների իշխանութունը և մեր խղած կապերը վերահաստատելով անոր հետ...»:

— «Զանգի» հարձակումն եք ընթերցում,— հանդիստ միջամրտեց Մելիքյանը:

Արամը, թերթը մի կողմ նետելով, վեր կացավ տեղից:

— Հարձակումը հարձակում, սակայն կարևոր է, որ ձեր զեկուցման հիմնական թեզերը շարադրել են, և ընթերցողի համար հասկանալի է, թե ի՛նչ եք ուղում և ինչի՛ համար:

— Այդ զեկուցումը ես կարդացել եմ երկու ամիս առաջ, բայց այսօր էլ նույնը կկրկնեի:

— Դրանով ոչ ոքի չէիք զարմացնի,— Արամի ներսում կարծես եռում էր հակադրության ոգին:

— Ձեզ չհասկացա, ներող եղեք:

— Կուզե՞ ինքս էլ հրապարակավ նույն բառերն ասեմ ու պաշտպանեմ: Եվ ոչ թե ձեի համար:

— Բայց գո՞րծը, ձեր գործը, ձեր կուսակցության դիրքն ու քաղաքականութունը: Չէ՞ որ դրանք այլ բան չեն, քան հրածարումն այն ամենից, ինչ որ ես եմ պնդում:

— Ես անձամբ Շահումյանի հետ կապվելու և համագործակցելու փորձեր արել եմ:

— Իսկ ինչո՞ւ չեք շարունակում: Մի՞թե երեկվա անհաջող փորձը թույլ չի տալիս այսօր բռնելու միակ ճշմարիտ ուղին, որք մեր ժողովրդին պիտի տանի դեպի փրկություն:

— Այսօր մեր քթի տակ է թուրքը, և մենք պետք է կովենք նրա դեմ: Դրանով, կարծում եմ, կօգնենք նաև Շահումյանին, որի դեմ է գնում մեր ընդհանուր թշնամին: Ա՛յ, եթե վաղը ևեթ դուք ու ձեր համախոհները մեզ հետ ելնեք այդ թշնամու դեմ, և մենք

միասնական ուժով կարողանանք կասեցնել նրա սուռչխաղացումը...

— Մերոնք արդեն զինավառ պատրաստ են գնալու ճակատ, — հպարտությամբ հայտնեց Մելիքյանը:

— Շնորհակալություն դրա համար, — ուրախացավ Աղզային խորհրդի նախագահը: — Թշնամու հետ մաքրենք մեր հաշիվը և նրանից հետո արդեն կխոսենք մնացած հարցերի մասին:

— Բայց չէ՞ որ ձեր ղեկավարները որոշել են հանձնվել: — Արամը ոչինչ շուներ դրան պատասխանելու: Գրանից էլ բւժ առավ Մելիքյանը: — Նրանք Ռուսաստանից կտրվել են, որպեսզի ընդունեն Թուրքիայի հովանավորությունը:

— Իմ ղեկավարները, մեր ղեկավարները, — Արամը մարտահրավերը շքնդունողի պես խուսափեց ուղղակի պատասխանից: — Ես արդեն տասցի, որ մենք պատրաստվում ենք վճռական ճակատամարտի: Գանիելը և Փիրումյան կա, ճանաչո՞ւմ եք: Ա՛յ, շատ տարեք: Ընկալա՞մարտի հրամանատարությունն ըստա՞նձնել է այդ Փիրումյանը, և մենք ազգովին պետք է դուրս գանք մարտի: Պետք է փրկենք մեր երկրի այս վերջին կտորը: Այս է աճա մեր զխավբը խնդիրը: Միակն ու ամենազխավորը: Թող բախտը ժպտա մեզ՝ մարտը շահենք: Նրանից հետո կմտածենք մնացածի մասին:

Մելիքյանը ոտքի ելավ միանգամից, ակամա ձևորը մեկնեց դրուցակցին:

— Ուրեմն, ցտեսություն, ցը հանդիպում ուղմի դաշտում: Արշավիր Մելիքյանի գնալուց հետո Մանուկյանն անցավ իր անհետաձգելի հարցերի լուծմանը, հանձնարարություններ տվեց ենթականերին, ոմանց հետ կարճ ու երկար դրուցներ ունեցավ առաջիկա անելիքների շուրջ: Սակայն այնպես էլ չկարողացավ բաժանվել այն մտքերից, որոնք ծնվել էին այդ շապաված գրուցից: Այդ մտքերը նրան հանգիստ չտվին նաև տանը, ուր սովորաբար գիշերվա մի քանի ժամերն էր անց կացնում:

Տանը մոմ կար, վառված էր, և նրա աղոտ, իրերը հագիվ խորհրդանշող լույսը երազելու էր մղում: Ուժասպառ, դրանից էլ խաղաղված քաղաքի անդորրը, մոմի համարյա անիրական լույսը, քիչ առաջ աչքի անցկացրած թղթերի հանդարտեցնող, ինքնահանգստություն բերող տրամադրությունը և մանավանդ գրուցը խառնակ դրու՞թյան տեր դարձած ու այդ իսկ դրու՞թյունից

երկիրը փրկելու ելք որոնող հայրենակիցների հետ,— այս բոլորը միասին և առանձին-առանձին,— Արամին առել էին մտորումների, երազի, ինքնաքննումի ու ինքնարդարացման հորձանուտի մեջ, հանգիստ չէին տալիս:

Անելանելի կամ այդպիսին թվացող վիճակներում մարդ պատեպատ է զարկվում, և նրան օգնության ձեռք են մեկնում անցած կյանքի, պարզապես ծանոթ, լսածից կամ կարդացածից հայտնի դեպքերը: Նրանք հուշում են մի ելք, փրկության մի դուռ: Մանուկյան Արամի համար այսպիսի հուշարարի դեր կարող էր ստանձնել սեփական կյանքի փորձը, որ այդ պահին կարծես պատի ետև էր անցել, պահմտոցի էր խաղում՝ թույլ տալով, որ դառը մտորումները սարդոստայնի նման փաթաթվեն նրան ու հանգիստ շտան: Իսկ այդ մտորումները հիմա նրան խոր ցավ էին պատճառում:

Անկողնում պռկած, աչքերը փակ՝ ինքը շատ էր թույլ, և հակառակ մտքերը, դատապարտման տրամադրությունները հաղթում էին: Անկողինն այսպիսի դեպքերում դառնում էր պատժարան կամ կլանող ճահիճ, որ վար էր քաշում մինչև խեղդելու աստիճան:

Վեր կացավ անկողնուց, վերստին անցավ գրասեղանի ետև ու, հայացքը սենյակի առարկաներին, սկսեց քննել այն մտքերը, որոնք իրեն հանգիստ չէին տալիս քիչ առաջ: Հայացքի դեմ իրենց ստվերների հետ ելերացող առարկաների մեջ տեսավ զարմանալի մի երկվություն,— իրենք՝ բուն առարկաները, մեկ էլ՝ նրանց ստվերները,— և փորձեց իր կյանքը համեմատել նրանց հետ: Չէ՞ որ ինքն էլ իր ստվերն ունի՝ այն կենսագրությունը, որ երևում է ահա ճիշտ այսպես՝ աղոտ, երեբուն, բայց անպայման երևում է, եթե դիմացինը զինված է լույսով, ճանաչում է իրեն, գիտե, հիշում է Ձեյթունն ու Վանը, հայոց աղատագրությունը զինվորագրվածների անանձնական պայքարի պատմության մանրամասներն է իմանում: Այո՛, ինքը և իր ստվերը: Պատահում է, որ ինքն իր ստվերը հիշելիս հոգով առույգանում է, լցվում ներքին մի հպարտությամբ և մտածում է, որ զուր չի եղել իր ծնունդը, իր ապրած կյանքը: Մեկ էլ զգաստանում է, և Վանն ու Ձեյթունը, պայքարն ու գալիքի պայծառ երազները թվում են այն վարդագույն հիշողությունը, որ մարդուն հյուր է գալիս իբրև մխիթարություն, ոսկեմշուշ հեքիաթ, սրտապա-

բար հովվերգութիւնն: «Մի՞թե ես հիմա լոկ այս հիշողութեամբ պիտի մխիթարվեմ,— ցավով մտածում էր նա:— Մի՞թե վերջին շրջանում ես արեւ եմ մի բան, որից պետք է ամաչեմ ինձ ծնած ազգի առաջ, իմ խղճի դեմ հաշիվ տալիս»:

Քիչ առաջ տուն մտնելով նա պեղեց վերջին ամիսներին իր ձեռքի տակից ելած թղթերը: Դրանք բոլորն էլ գրել ու ստորագրել էր որպէս պաշտոնյա և կատորագրեր իբրև անձնավորութիւն, որ սեփական կարծիքներ ունի, համոզմունքներ ու նպատակներ: Ո՛չ, երկդիմութիւն չի խաղացել: Սակայն ինչո՞ւ մարդիկ դժգոհ են իրենից:

1917 թվականի վերջին, երբ դեռ նոր էր նշանակվել Արարատյան երկրի կառավարիչ, երբ նոր միայն ուրվագծվում էին հայկական կյանքի դժվարութիւնները, նա սեփական ձեռքով կոչ հղեց ժողովրդին: Հայ զինվորին, քաղաքային ու գյուղական բնակչութեանը փորձեց ոտքի հանել վերահաս վտանգի դեմ. «Հայ՛ զինվորներ,— գրել էր նա,— ուղղամտակատի դատարկվելը, Կովկասի ու հատկապէս հայ ժողովրդի ծանր կացութիւնը, հակահեղափոխական մութ ուժերի գլուխ բարձրացնելու փորձերը մեզ հրամայում են դիմելու ամենակտրուկ ու ամենախիստ միջոցների: Բայց նախքան այդ ծայրահեղութեան դիմելը վերջին անգամ կոչ ենք անում ձեզ և պահանջում, որ դուք ձեր քաղաքացիական խղճի պարտադիր թելադրութեամբ շտապեք հայրենիքի փրկութեան գործին ինքնաբերաբար բերելու ձեր մասնակցութիւնը»:

«Քաղաքացիներ. մեր առաջին կոչը ձեզ ենք ուղղում: Դուք պարտավոր եք առաջին օրինակը տալ...»

«Գյուղացիներ. վերջին անգամ դիմում ենք ձեզ, ձեր ամուր հավատքին, ձեր խորունկ հայրենասիրութեանը: Դուք, աշխատանքի զավակներ, դուք ձեր առողջ բ՛նազգով ավելի սուր մրմուռով կզգաք հայ ժողովրդի ցավն ու օրհասը: Ազգն ու հայրենիքը վտանգի մեջ են: Ելե՛ք, մեր քաջե՛ր, եկե՛ք, ձեր կրծքները դեմ տվեք ու դարձեք ամուր պատենեշ թշնամու հանդեպ, ա՛յն թշնամու, որ սպառնալիորեն արշավում է հեղափոխութեան դեմ, ձեր իրաւունքների, ձեր հողի ու ազատութեան դեմ»:

«Հայեր. կոչն ամենքի՛դ ենք ուղղում: Ամենքը պիտի ելնեն զինվոր դառնալու կամ զինվորի դժվարին բեռը թեթևացնելու

համար: Ամենքը պիտի իրենց մասնակցութեան բաժինը հանեն, ծերն ու երիտասարդը, հարուստն ու աղքատը, տղամարդն ու կինը, ամե՛նքը, ամե՛նքը»:

Տազնապալից ու ոգեպնդիչ այս կոչի տակ դրված էր Երևանի հայոց ազգային ու զինվորական խորհուրդների շատուկ կոմիտեի անունը: Բայց չէ՞ որ ինքը՝ Արամն էր նրա հեղինակը, նույն այդ կոչով 1886—1898 թվականներին ծնված տղամարդ զինապարտների զորահավաքի եռանդուն կազմակերպիչը: Իսկ եթե այժմ դեռ հայկական գնդերը կան, և դուք հավատում եք, թե նրանք պիտի կռվեն ու ազատագրեն գերեզմանատեղիի շափ փոքրացած այս հողը, ապա Արամն էլ իր բաժինն ունի դրա մեջ, այս գնդերի ստեղծման ու իրար բերելու մեջ:

Դուք Ռուսաստանին հենվելու ճանապարհն եք ցույց տալիս: Դուք գիտեք, որ այս աշխարհում հայի փրկութեան ու ապահովութեան ամենաստույգ ճանապարհը բարեկամութունն է ուսի հետ, նրա հովանավորութունը: Բայց այդ ո՞ւմ եք ասում: Եթե աշխարհում դեռ կա արդարութեան ձայնը, թող բարձրանա և զորդա այն ականջների համար, որոնք խցանված են ճշմարտութեան դեմ: Երբ մեր կոչով զինվորյալ գնդերը ճակատ էին գնացել, սակայն մթնոլորտում դեռ օգնութեան ու հարեհասի աղաղակն էր տիրում, ես նոր կոչ հղեցի մեր մտավորականութեանը՝ մեր ազգի միակ այն խավին, որին խնայել էինք նախորդ զորահավաքին, որովհետև նրանց կատարածը թիկունքում միշտ նույն կռիվն է ազգի գոյութունը պահպանելու համար: «Այժմ հայկական գնդերին հարկավոր են մտավորական շատ անձնավորութուններ, — մենք այսպես սկսեցինք մեր երկրորդ կոչը: — Արդ, հայ մտավորականութեանն ենք դիմում՝ փորձված ռազմիկներին, հայրենիքին ծառայելու զգացմունքով լցված անձնավորութուններին և հորդորում ենք կամավոր գրվել...»

«Մենք համոզված ենք, որ ճակատի քայքայումը, հայ ժողովրդի ու կովկասի գլխին ծանրացած վտանգը և Ռուսաստանի ազատութեան վտանգվելը շատ մոտ են հայ գիտակից տարրերի սրտին, համոզված ենք, որ նրանք չեն կամենա, թշնամու երկվարների ոտքերի տակ նետել մեծ հեղափոխութեան փրկարար սկզբունքները, ուստի և վստահութեամբ կանչում ենք նրանց հայ ժողովրդի ազատագրութեան գործին մասնակցելու:

Ամենից առաջ ձեզ ենք դիմում, հա՛յ ուսանողներ ու աշա-

կիւտներ, դուք դեռ կյանքի խճճված պայմաններում շեք մեկոցը-  
րել ձեր արյունը, դուք դեռ ապրում եք վառվուռն գաղափար-  
ների աշխարհում: Ամենից առաջ ձեր սրտերում է արձագանք  
գտնելու ժողովրդի փրկութեան կոչը:

Դիմում ենք և ձեզ, հայ ուսուցիչներ, բժիշկներ, փաստա-  
բաններ, ինժեներներ ու այլ մասնագիտությունների մտավո-  
րականներ: Դուք մինչև այսօր ձեր շնորհները ծառայեցրել եք  
ազգի խաղաղ կուլտուրական առաջադիմութեանը: Այսօր, երբ  
ռազմի շեփորն է հնչում, դուք պիտի դուրս գաք ձեր առանձ-  
նասենյակներից և գնաք պատերազմի դաշտ:

Իաց ճակատով ենք դիմում ձեզ, փորձված հայ մարտիկներ,  
դուք մեր ժողովրդի ամենաանձնվեր պահապաններն եք և միշտ  
պատրաստ եք եղել զոհաբերելու ձեր կյանքը: Այսօր կրկին ձեր  
դռներն է բախում հայ ժողովրդի բախտը:

Երեանի հայոց Ազգային ու Զինվորական  
խորհուրդների Հատուկ կոմիտե:

«Մենք համոզված ենք, որ ճակատի քայքայումը, հայ ժո-  
ղովրդի ու Կուլկասի գլխին ծանրացած վտանգը, Ռուսաստանի  
ս.զատութեան վտանգվելը շատ մոտ են հայ գիտակից տարրերի  
սրտին»: Մեկը, որ իրար կողքի է դնում այս երեքը՝ հայ ժողո-  
վուրդը, Կուլկասն ու Ռուսաստանը...

Այսպես ինքնարդարացման, ավելի ճիշտ՝ սեփական դիրքի  
ճշգրտման ու մեկնաբանման տենդի մեջ Արամը հասավ վերջին  
տարիների դեպքերին, որոնց մասնակիցն էր եղել ինքը, որոնց  
լնթացքն ինչ-որ շափով պայմանավորված էր եղել նաև իր հա-  
յացքներով ու գործելակերպով: «Երբ ինձ արդեն Երեան էին  
ուղարկել՝ Թիֆլիսում համահայկական հարցերը Ռուսաստանից  
անջատ ու անկախ տնօրինելու համար, — մտածում էր Արամը, —  
ես նույնիսկ Երեանից էլ աշխատում էի խափանել նրանց այդ  
արկածախնդրությունը: Քանի՜ անգամ գլուխ եմ զարկել նրանց  
հետ՝ հասկացնելու, որ մենչևիկներն ու մուսավաթականները մեզ  
հետ մի սալի լծվել շեն կարող, նրանցից յուրաքանչյուրն իր  
շահերն ունի: Մուսավաթականները երազելով երազում են այն  
օրը, երբ կապվելու են օսմանյան թուրքերի հետ և դառնան  
համաթուրքական տերութեան գլխավոր սյուներից մեկը: Իսկ

վրացի մենչևիկների բոլոր խաղերը լոկ մի նպատակ ունեն՝ ստեղծել իրենց միասնական, կոնկրետ պետությունը և ինքնուրույն գոյություն պահպանել՝ Գերմանիայի հովանավորության ներքո: Դրա համար մենչևիկներն արդեն գերմանական կառավարության դիվանագիտական ու արդյունաբերական ներկայացուցիչներին են հրավիրել, նրանց սիրաշահում են հանքային ու տնտեսական հարստությունների համատեղ մշակման հեռանկարներով: Այս տարամետ նպատակներին լծված սուտ-բարեկամների հետ ընդհանուր ի՞նչ շահեր կարող է ունենալ բոլորի կողմից լքված Հայաստանը: Թուրքիա՞ն էր հովանավորելու նրա ազատագրական ձգտումները, թե՛ նրա հայաջինջ քաղաքականության դրդիչ ու խրախուսիչ Գերմանիան: Մենչևիկներին ու մուսավաթականներին հայ դաշնակցությունը նրա համար է անհրաժեշտ միայն, որպեսզի միասնաբար հեշտությունը կարողանան Անդրկովկասը կտրել Ռուսաստանից: Հակառակ դեպքում, այսինքն՝ Հայաստանի ու Ռուսաստանի շխզված կտպերի դեպքում, ռուսական ներկայությունը պիտի փշաքներ Թուրքիայի ախորժակը և ձախուղեր նրա նորաթուխ դաշնակիցների ծրագրերը:

Ես գիտեի, որ ռուսներից վերջնականապես կտրվելուց հետո մենչևիկներն ու մուսավաթականներն ա՛մբիջապես լքելու են մեզ՝ երեսի վրա թողնելով հայակույ թուրքի առաջ: Թիֆլիսի մեր ջոջերը ևս չէին բացառում այդ խարդավանքի հնարավորությունը: Սակայն նրանց ամենից առաջ ու ամենից շատ սարսափեցնում էր Մոսկվայում ու Պետրոգրադում հռչակված խորհրդային իշխանությունը: Նրանք փիտրվարին ստեղծված Անդրկովկասյան սեյմում էլ կարողացան անցկացնել մի այսպիսի որոշում. թուրքերի հետ բանակցությունների գնալ «իբրև Ռուսաստանի անբաժանելի մաս», երբ «Ռուսաստանի տակ հասկանում էին լոկ այն մարզերը, որոնք հակահեղափոխական արկածախնդիրների ջանքերով անջատվել էին հեղափոխական-ժողովրդական Ռուսաստանից: Այն ժամանակ չէր, որ ես հայ ժողովրդին ուղղված կոչում ցավով նշեցի Ռուսաստանի ազատության վտանգվելն ու հեղափոխության փրկարար սկզբունքների պաշտպանության մեր բրբազան պարտքը: Այն ժամանակ չէր, որ ես մեր կուսակցության առավել իրատես գործիչների հետ ջանում էի Հայաստանի բախտը կապել սովետական իշխանությանը, Սովետական Ռուսաստանին և, Թիֆլիսի մեր պարագլուխներից անկախ, կապվե-



ցի Ստեփան Շահումյանի հետ: Այն ե՞ս չէի, որ Պողոս Մակինցյանին ո՞ղարկեցի Բաքու՝ Շահումյանի մոտ, որպէսզի նրա երաշխավորութեամբ էլ գնա Լենինի մոտ, և ամուր հիմքեր զրցվեն սովետական իշխանութեան ու Հայաստանի նոր բարեկամութեան համար: Երբ Թիֆլիսում պատրաստվում էին ընկնելու թուրքի գիրկը, ես բանախոսներ ուղարկեցի Շահումյանի մոտ, խնդրեցի շտապել նոր Ռուսաստանի ձեռքը դնելու մեր բախտի վրա. «Թե որ մեր թիկունքում Ռուսաստան չեղավ, կկրկնվի Տասնհինգ թվականը», — այս էր իմ կարգախոսը: Մեզ համար ուրիշ ճանապարհ չկա: Մենք փրկութեան ուրիշ կուլաններ չունենք: Մենք պետք է Շահումյանի հետ լինենք և նրա միջոցով՝ Ռուսաստանի հովանու ներքո: Իսկ Թիֆլիսի մեր գործիչները, — բրոնցից յուրաքանչյուրն այսօրվանից արդեն իրեն պատկերացնում է ստեղծելիք Հայկական պետութեան գահին փառավորապէս բազմած, — սարսափում են ոչ միայն Կովկասի խորհրդային իշխանութունից, այլև նրա հայ ղեկավար Ստեփան Շահումյանից: Նրանք Շահումյանին կոչում են Կովկասի փոխարքա և վախենում են հայ փոխարքայի ստվերի տակ մնալուց: Նրանք իրենց այս վախը խոստովանում են՝ առանց ամաչելու Սիմոն Վրացյանն ասում է. «Մեր ու Շահումյանի ջրերը մի առօրով գնալ չեն կարող, որովհետև հենց որ նա երևում է, ժողովուրդն այլևս ուրիշ որևէ մեկին ո՞չ տեսնել է ուզում, ո՞չ լսել»:

Այսօրինակ մտորումներն Արամին տանում էին մի տխուր մտահանգումի. որ այդ մարդիկ հիմա անձնական պատճախերնդրութեան են ծառայում: Եվ ազգային գործը նրանց հետաքրքրում է այնքան, քանի դեռ չի վտանգվել իրենց անձը... Իսկ այս դեպքում ինքն ի՞նչ գործ ունի նրանց հետ: Մի՞թե այս էր ամեն ինչի վերջը: Մի՞թե դրան պիտի հանգեցնեին մանկութեան վարդագույն երազները, պատանութեան խանդավառ փնտրտուքը, երիտասարդ օրերի անձնագոհ ճակատումները բախտի քմահաճ խաղերի դեմ, որոնց զոհ գնացին Նիկոլը, Իշխանը, Թորգոմը և մյուս նվիրյալները: Երբ Շուշիա Ագուլյաց ծխական դպրոցում իրենց մանկական երազներով էին ապրում, ինքը մտքով Կապան երկրի լեռնաստանում էր, ծննդավայր Զեյվա գյուղում, արդեն առասպել դարձած Դավիթ բեկի հայրենանվեր հերոսների հետ: Ի՞նչ անձնական կյանք, երբ ազգի կյանքն է վտանգված,

ի՞նչ երջանկութիւն այն մարտերից դուրս, որոնցով պիտի ձեռք բերվեր հայրենիքի ազատութիւնը... Թեմական: Եւ նրա այդ համոզմունքներն ամրացան, առավել խոր արմատներ ձգեցին: Իսկ դարասկզբին արդեն Բաքվում էր, Գանձակում, Կարսում, Սասունում, ամենուր՝ որտեղ հայը նեղվում էր, և պետք էր ինքնապաշտպանութիւն կազմակերպել: Մինչև Վանի պաշտպանութիւնը: Վա՛նը: 1915-ի համատարած ջարդի թշվառ համայնապատկերի մեջ եթե կային նաև միտթարական պահեր կամ պոռթկումներ, ապա դրանց շարքում Վանի ինքնապաշտպանութիւնն էր, ամենահերոսականը, ամենափառավորը: Իսկ ինքը՝ Արամը չէր, որ Արմենակ Եկարյանի ու մյուս հայրենանվեր ազատամարտիկների հետ միասին գլխավորեց այդ պաշտպանութիւնը:

Այն ժամանակ դրսի միջամտութիւն չկար: Պարագլուխ կոչվածները Թիֆլիսի տաքուկ անկյուններից գրավոր ու բանավոր կարգադրութիւններով չէին խառնվում մարտնչողների գործին: Եվ նրանք՝ թուրքական սպառազեն, կանոնավոր բանակի դեմ իրենց ազատ ինքնուրույնութիւնը պաշտպանող վանեցիները, կռւում էին ինքնամոռաց: Նրանք համոզված էին, որ իրենք պարտութիւն չունեն, քանի պաշտպանում են իրենց տունն ու տեղը, իրենց աստվածատուր ազատութիւնը... Եվ երբ մեկ ամսվա համառ պայքարից հետո Վանն աշխարհի դեմ կանգնեց իսկապես հաղւ՛ական, վրա հասած կենտրոնական պաշտոնեութիւնը, տեղական բնակչության ցնծուն հավանութեան ներքո, Արամին՝ Վանի պաշտպանութեան հերոսներից մեկին, հռչակեց Վանի ու համայն Վասպուրական աշխարհի կառավարիչ-նահանգապետ:

Հետո ծայր առան տեղահանութիւնը, գաղթը, նոր տառապանքները:

Թիֆլիսում, դաշնակցական բյուրոյի նիստերին, երբ համոզված էր, որ իր ղեկավար գործակիցները ծուռ են խոսում կամ սխալ վճիռ պիտի հանեն, վիճում էր, պնդում իր տեսակետի վրա... Մինչև որ նրանք սկսեցին իրենց անվստահութիւնն արտահայտել բացահայտ: Նույնիսկ իր պակասավոր կրթութիւնը երեսով տվին. «Ինչ քո Թեմականի էջը նստած Բեռլինից կամ Ցյուրիխից նժուգով եկածների առաջն ես ընկնում...»: Բայց Շուշվա Թեմականն ու Բեռլին-Ցյուրիխն ի՞նչ գործ ունեն այստեղ, երբ խոսքը վերաբերում է մի հասարակ հարցի՝ բոլոր կողմերից մերժված, բարեկամներից լքված հայութիւնը, ոտքի

կանգնելու համար, արժե՞ որ Ռուսաստանի փեշը բռնի թե՞ ոչ:

Առաջին անգամ համառոտ: Մտածում էր, որ նահանջի առաջին քայլին կհետևեն հաջորդները, և այն ժամանակ հրաժեշտ ձեզ, ինքնուրույնություն, սեփական կարծիք, այդ կարծիքն արտահայտելու-պաշտպանելու ազնվամտություն և ուրիշ նման բաներ, որ մինչև այդ նրա համար եղել էին մարդկային ամեն տեսակ արժանավորությունների հիմքը, մարդ արարածի հոգու ողնաշարը...

Սակայն հետո կամաց-կամաց սկսեց մտածել, որ այդ բեռլին-ցյուրիխներից ստացած կրթությունն, ըստ երևույթին, մի շատ կարևոր, շատ վճռական հատկանիշ է, որի համը հասկանում են նրա՛նք միայն, ովքեր վայելել են արդեն:

Հիմա մեկ-մեկ հանդիպում է իր հին բարեկամ Գարեգին Հովսեփյանի հետ, որն ուսումնառության ջանադիր տարիների հիմնավոր վայելել է Բեռլին-Ցյուրիխը, վրայից՝ Հալլեն ու Հայպցիզը, այսօր էլ՝ Ռուսաստանի ու արտասահմանյան գիտական մի շարք ընկերությունների պատվավոր անդամ է: Հաճախ են բռնվում տաք ու սառ զրույցների: Սակայն, այսուհանդերձ, չէր պատահում, որ իր Թեմականի էջը մի անգամ էլ նրա այդ բազմաթեև ու հրեղեն նժույգի առաջն ընկնի:

Սա՞ ինչպես պիտի բացատրվի:

\* \* \*

\*

Արամ Մանուկյանն ու նրա ենթակաները գիշեր-ցերեկ ոտքի վրա էին, որովհետև թուրքերը տառացիորեն Երևանի քթի տակն էին հասել, և ռազմաճակատին պետք էին զինվորներ, զենք ու պարենամթերք: Թաղեթաղ ման էին գալիս, ժողովներ էին գումարում, սակայն ճառ ու զեկուցում կարդալու կարիք չէր լինում, որովհետև, նախ, դրա համար այլևս ժամանակ չկար, ապա ժողովո՞ւրդը... Ժողովուրդն արդեն ամեն ինչ գիտեր, զգում էր ու հասկանում: Մարդիկ համոզված էին, որ թշնամու հետ բախվելն անխուսափելի է, ուրեմն էլ ինչո՞ւ սպասել, որ նա մտնի Երևան, և նոր միայն զենք առնել այնտեղ պաշտպանվելու կամ պարտվելու համար:

Կոնդի բոլոր բակերը փոքր ու նեղ էին, սակայն մի լայն բակ

գտնվեց և, հարևաններին հավաքելով, ժողովն այնտեղ արին: Արամի հետ եկածները կանգնել էին տան հաշտում, որ բակից բարձր էր մի քանի ոտք: Հաշտ-պատշգամբի սյունից սյուն պարան էր կապված, որի վրա լվացքի ճերմակ շորերը թեթև քամուց ֆոֆոում էին ճերմակ դրոշների պես:

Արարատյան երկրի արտակարգ ղեկավարը կարճ ու վճռական խոսք ասաց հայրենիքի վրա կախված մահադուլժ վտանգի մասին, զինապարտներին առաջարկեց շտապ ցուցակագրվել՝ ռազմաճակատ մեկնելու համար: Թիկունքում մնացողներին էլ կոշ արեց ռազմաճակատին օգնել՝ ինչով կարող են: Նա շմոռացավ հիշել նաև, որ այս պատասխանատու, հայրենանվեր գործի կազմակերպումը տեղերում պետք է գլխավորեն թաղամասերի ընտրյալները: «Ժողովրդական պատերազմ է,— ասաց,— և չեմ կարծում, թե մեր ժողովուրդն իր կյանքն ու պատիվը պաշտպանելու համար պիտի սպասի, որ զրսից գան, մեջքին հրելով տեղից շարժեն»:

Ժողովականները կենտուկաթուկ ծափ զարկեցին: Նույնիսկ միահամուռ ոտքի ելնելու, մինչև վերջին շունչը կուվելու կոշեր եղան: Իսկ երբ շիկացած մթնոլորտում ոգեշնչող խոսք ասելու կարիք կար, բակում կանգնածների առաջին շարքից խոսք խընդրեց տարեց մի կին: Նա մարմնով առույգ էր դեռ, սակայն դեպի հաշտ քայլեց երկու երիտասարդի օգնութամբ, որոնք թևատակերը մտած տարան, բարձրացրին, մինչև հասան Արամ Մանուկյանի կողքը: Կինը հազիվ էր ոտքերը փոխում: Ըստ երևույթին տեսողութունն էլ վատ էր. կարմրած աչքերով նայում էր մի անորոշ կետի, որը պետք է գտնվեր ժողովականների թիկունքում, նրանց գուլխներից վեր: Ձեռքով ինչ-որ հասկացրեց ուղեկցող երիտասարդներին, և նրանք ուրիշ շորսին էլ հրավիրեցին իրենց մոտ և վեցով նրա աջ ու ձախ կողքերին շարվեցին:

— Սրանք իմ տղերքն են,— ծանր, սարսուզգու ձայնով խոսեց կինը:— Սրանց համար ես և՛ մայր եմ եղել, և՛ հայր, էն պատճառով, որ մեր տան տղամարդը թուրքի կովում զոհվեց, երբ մեծը հազիվ ութ տարեկան էր: Ես սրանց պահել, մեծացրել եմ իմ ոտ ու ձեռքի ուժով և աչքերիս լույսով. ունևորների համար լվացք էի անում և հաց էի թխում թե՛ թոնրի վրա կռացած: Հիմի սրանք են իմ ուժը, իմ աչքերի լույսը և իմ հույսը: Երկուսը պսակված են, թոռներ ունեմ և թոռներիս աչքերով եմ

Նայում էս քաղցր ու անարդար աշխարհին: էն շորսն էլ կամուսնանան, տուն-տեղ կդառնան, թե որ աստված կամենա... Իսկ հիմի, որ մեր երկրի նեղ օրն է, և թուրքը եկել է՝ մեր ազգի օրը սևացնի, ես իմ պահած-պաշտած վեցին էլ կովի եմ ճամփում, ժողովուրդ: Ես էլ ուրիշ խոսք չունեմ: Ես չեմ ափսոսում, որ վեցն էլ կովի են գնում: Իսկ ո՞ւմ հայտնի չի, որ կովում շամիչ ու հալվա չեն բաժանում:— Նա շարժվեց տեղից, և տղերքն իսկույն թևատակերը մտան, փորձեցին տանել, ինչպես կտեղափոխեին աշխարհի ամենաթանկ ու ամենափխրուն մի գանձ: Սակայն մայրը հանկարծ ազատվեց նրանց ձեռքերից և պառավ արծվի նման թևերը դեպի բակը տարածած, բացականչեց.— Միայն մի բանի համար եմ ափսոսում: Շա՛տ եմ ափսոսում... որ միայն էս վեցն եմ բերել: Ա՛յ, էդպե՛ս:

Խոսելու կարիք այլևս չեղավ: Պահանջեցին ցուցակ անել, և երբ քարտուղարը մի տախտակի կտորի վրա թուղթ դրած՝ ուզում էր ցուցակագրել, մարդիկ նրա գլխին թափվեցին.

— Ի՛նձ գրիր, պուճուր աղբեր:

— Տղայի՛ս, տղայի՛ս,— քիչ էր մնում մատը քարտուղարի աչքը կոխի մի ցնցոտիակիր պառավ:— Որ մերը մեկն է, գնանք, Ձանգվում խեղդվե՞նք: Մինուճարիս գրիր. Աղամիրանց Արաս:

— էգ թուրքի անուն-ազգանունով ի՞նչ ես առաջ ընկնում, քի՛րս,— պառավի վրա հարձակվեց զինվորական մաշված համազգեստով մի կարճահասակ մարդ, որի թիկունքում կանգնած էին նրա երկու պատճենները:

— Ազգանունը չգիտեմ հորս ի՛նչ ցավն է: Իսկ տղայիս էդ անունը տվել ենք, որ ապրի, հոգուդ մեռնիմ: Բա նրանից առաջ վեցն իրար հտևից գնացին, ի՞նչ պիտի անեի:

— Ուրեմն, սա քո մինուճա՛րն է,— արդեն ուրիշ հայացքով նրան նայեց զինվորականի հագուստով մարդը:

— էդպես, հոգուդ մեռնիմ, թող տղիս առաջ ու առաջ գրի: էս սուրբ իրիկնամուտից եմ ուզել, որ բոլորն էլ գնան ու հալթանակով, ողջ-առողջ ետ գան:

Վերջապես քարտուղարն ուշադրություն դարձրեց զինվորական հագուստով մարդուն.

— Լսում եմ, ախպերացու:

— Շա՛տ ապրես, ուրեմս, էս ե՛ս, էս էլ երկու տղերքս:

— Անուն-ազգանուն:

— Ես՝ Սիմոն, սրանք էլ՝ Վազգեն և Վարազդատ: Բոլորս՝  
ձշմարիտյան:

— Հաջո՞րդը...

Նորքում կամավորներին ցուցակագրելու գնացած երկու հո-  
գու քիչ էր մնում ծեծեին:

— Էս ի՞նչ է, — ասացին, — ուրիշ տեղեր Արամ փաշան ինքն  
է իր ոտքով գնում, իսկ մեզ մոտ էս երկու օրասլակասներին է  
ուղարկել:

Կայծակ Պողոսը, իր տիտղոսի համար անսովոր՝ կարգ ու  
կանոնի սիրահար մի մարդ, ձեռքը վերցրեց հավաքույթի գործը,  
ելույթի խոսք տվեց իր ընկերներին ու բարեկամներին, և երբ որ  
պիտի սկսեին ցուցակագրութունը, ժողովի հրասլարակ թափ-  
վեցին մի խումբ կերած-խմած երիտասարդներ, որոնք երևի  
կիսանդարեին դործը, եթե Կայծակ Պողոսի ներկայութունը բա-  
ցաոված լիներ: Նրան տեսնելով՝ մոտեցան, փորձեցին սրախո-  
սել, աշխուժացնել լուրջ-լուրջ կանգնած մարդկանց:

— Տղե՛րք, — նրանց սաստելով ձեռքը դեպի մաուլերը տա-  
րավ կազմակերպիչը: — Մեջտեղ հայրենիքի խնդիր կա, տղե՛րք:  
Շանտղութուն անողի մորը կլացացնեմ, հա՛:

— Ի՞նչ ես խոսում, Կայծակ ախպեր, ի՞նչ ես խոսում, —  
մոտեցավ, սկսեց լեզու թափել խմբի ղեկավարը: — Մենք մեր  
հայրենիքի թշնամինե՞րն ենք, թե՞ խորթ զավակները: Մենք հենց  
էս սհաթին էլ ցուցակագրվենք: Քաջե՛ր, — շրջվեց նա և դիմեց  
իր թասակիցներին, — առաջ եկեք և ձեր աղնիվ անուններն էս-  
տեղ շարել տվեք:

Ցուցակագրութունն ավարտելուց աղմուկով ցրվում էին հա-  
վաքվածները: Հանկարծ տղերքը շրջան կառմեցին ու երգեցին.

— Գարահիսար լերան կրծքին  
Ձինվորն ընկավ վիրավոր,  
Կուրծքը պատռած, սիրտը խոցված  
Չար թշնամու գնդակով...

Կայծակ Պողոսը կայծակնային արագությամբ հասավ, տվեց  
ղեկավարի վզակոթին:

— Տո լածիրա՛կ, — ասաց, — մենք թշնամուն ջարդելու ենք  
գնում, դու էստեղ լաց ու շիվա՞ն ես գցում:

— Կայծակ ջան, կուզես՝ «Դաշնակցական խումբ» երգենք.—  
մեղավոր ժպտալով նրան քսվեց զինով երիտասարդը:— Կարևորն  
էն է, որ երգ ասելով ենք գնում: Թող թշնամին սարսափի մեր  
զահմ ու զանգից:

\* \* \*

\*

Սարդարապատի ուղղությամբ գործող հայ զորքի ղեկավա-  
րությունն ինքնակամ ստանձնել էր Դանիելբեկ Փիրումյանը, և  
այս լուրը կայծակի արագությամբ տարածվեց ամբողջ ռազմա-  
ճակատում՝ Իգդիրից մինչև Մեծ Ղարաբաղի սայի մոտերքը: Հին,  
կադրային հրամանատարներն ու ղինվորները մոտիկից ճանաչում  
էին կամ տեղյակ էին այդ քաջ ու հնարամիտ զորապետի մար-  
տական ուղուն: Եվ ոչ ոքի համար զարմանալի չէր, որ հայոց  
կովի ամենաճակատագրական պահին, պատերազմի ամենա-  
սովոր, պարզապես անհուսալի կետում առաջ նետվելով՝ կրակն  
իր վրա է վերցրել մի այդպիսի զորական.

Իրավացի՞ էին նրանք, պիտի արդարանա՞ր նրանց սպասու-  
մը՝ դեռ ցույց կտար պատերազմը, որն այդ օրերին իրենց մեծա-  
վոր ու մեծ ճանաչող հայ գործիչներն արդեն համարում էին  
տանուլ տված:

Հայոց բազմադարյան պատմությանն անծանոթ չէր այդ վի-  
ճակը, մանավանդ հին ու հզոր թագավորական հարստություն-  
ների կորստից հետո: Բոլոր մեծ ու փոքր պատերազմները տա-  
նուլ էին տրվել վերջիվերջո, և բազմապատկվել էին նահա-  
տակները, որոնք պետք է անմահանային ազգի պահած գրավոր  
ու բանավոր պատմություններում:

Սակայն այս մե՛կը: Մի՞թե վերջինը պիտի դառնար: Մի՞թե  
նահատակվելու էր ժողովուրդը, մի ամբողջ ազգային հանրու-  
թյուն, որպեսզի ոչ ոք չմնար՝ հյուսելու նրա վերջին եղերերգը:

Ասում են՝ երբ Հայոց սպարապետ Նազարբեկովին հեռագ-  
րով հաղորդել են, թե Դանիելբեկ Փիրումյանը Սարդարապատի  
տակ անցել է նահանջող հայ զորքի գլուխ և ուզում է ետ մղել  
թուրքերին, կատաղությունից կապ է ընկել նրա լեզուն, և դո-  
զացող շուրթերն արտաբերել են միայն մի խոսք. «Խեղագա՛ր է,  
ձեռ է քաշել իր գլխից, ուզում է ազգի գլուխն ուտել»:

հելագա՞ր էր Փիրումյանը:

Եվ ո՞վ էր առհասարակ Դանիելբեկ Աբիսողոմի Փիրումյանը:

Ես պետք է մի փոքր պատմական շրջագայություն կատարեմ դեպի անցյալ դարերը, որովհետև այն տոհմը, որի պատկանելիւթյամբ հպարտ էր ինքը՝ նոր ժամանակի ինքնակոչ զորսպետը, յսոր անցյալից է գալիս:

\*

\*

Տասնհինգերորդ դարի կեսին, երբ Հայաստանի մյուս մասերում օտար բռնակալների պարբերական հարվածներից հողմնահարվել-վերացել էին հայրենի պետական կազմավորումները, Արցախ-Ղարաբաղում և հարևան Սյունիք-Զանգեզուրում դեռևս իրենց գոյությունը պահպանում էին այդ նահանգների բնիկ տեր հին հայ նախարարական տների մնացորդները: Ծիշտ է, մանրացել էին նրանք՝ նաև անվելով տարբեր կողմերի վրա տարածված էջուղերին այն ժառի, որի բունն արդեն պետի սակ է անցել: Բայց և այնպես նրանք գոյություն ունեին օտարներից անկասկամ կիսանկախ վիճակում, պահում-պահպանում էին հայրենի երկիրը, հարազատ ժողովրդի ազգային ու մշակութային ինքնությունն էին պաշտպանում: Եվ այնքան նշանակալից էր այդ գավառապետությունների վարչա-քաղաքական դեմքը, որ Արևելյան Հայաստանին տիրացած պարսկական արքունիքն ստիպված եղավ հաշվի նստել եղածի հետ՝ ճանաչելով նրանց վարչական գերը, նույնիսկ սեփական զորք պահելու իրավունքը: Հետագայում, տասնվեցերորդ դարի սկզբին, շահ Աբաս Մեծն այդ հույզավառապետների հետ իր քաղաքական փոխհարաբեբությունները կանոնավոր հունի մեջ առնելով՝ նրանց կոչեց մելիքներ: Նման տիտղոսով օժեց նաև այն գավառապետներին, որոնց ինքն էր նշանակել Արևելյան Հայաստանի մյուս նահանգներում: Եվ այնպես արմատավորվեց, կյանքի իրավունք ստացավ հայ մելիքությունը, որի աթոռակալները երեք դար շարունակ, մինչև Արևելյան Հայաստանի միավորումը Ռուսաստանի հետ տասնհինգերորդ դարի սկզբին, քաղաքական ու տնտեսական ամենադժվար պայմաններում հայրենի երկրի ու հայ ազգի փրկության



համար ճամփաներ էին փնտրում, հաճախ իրենց նետելով կենաց և մահու ճակատագրական բախումների մեջ:

Մելիքությունը վարչական մի շարք հարցերում ժառանգել էր հին նախարարական-իշխանական կարգի օրենքները: Այսպես, մելիքական աթոռի օրինական ժառանգորդն էր գերդաստանի ավագ որդին, և մյուսները միայն ազնվական ավատատերեր էին: Մելիքական զորքի գլխավոր հրամանատարը մելիքն ինքն էր, և սահմակիցները միայն այդ զորքի մեծ ու փոքր ստորաբաժանումներն էին գլխավորում՝ ըստ այդմ կոչվելով հազարապետ, հարյուրապետ (յուզբաշի): Մելիքական տներում զորական ավատատերը հաճախ կոչվում էր նաև բեկ, որ արևելյան լեզուներում նշանակում է ազնվական, իշխանավոր:

Փիրումյան տոհմաճյուղի բունը Վարանգայի Մելիք-Շահնազարյան մելիքությունն էր, որի զինական ուժերի գլուխն ու բռունցքն էր հանդիսանում այն՝ մինչև Մելիք-Շահնազար Բ-ի հայրենադավ գործունեությունը տասնութերորդ դարի երկրորդ կեսին: Շահնազարը մելիքության աթոռին տիրել էր ապօրինաբար, և հարևան մելիքներն իրենց զինական ուժերով քանիցս փորձեցին դաս տալ այդ ինքնակոչին: Հարևանների անզիջում թշնամանքը դիմագրավելու համար Շահնազարը բարեկամացավ քոչվոր ցեղապետ Փանահի հետ, նրան նվիրեց Շոշի բերդը, որը կես դար առաջ, 18-րդի առաջին քառորդում, անառիկ էր պահել դարաբաղցիների դիրքը թուրք ասպատակիչների դեմ մղված հերոսական պայքարում:

Շահնազար Բ-ին լքեցին տոհմակիցներից շատերը, որոնց հետ էր նաև Փիրումյան տոհմաճյուղի նախնին՝ Փիրում անունով: Սա ժառայության մտավ Պարսից շահի զորքերի մեջ՝ որոշելով այնտեղ բարձր դիրքի հասնել և այս ճանապարհով սանձահարել Վարանգայի ուխտադրուծ ու հայադավ ինքնակալին: Սակայն, ինչպես ասում են, մարդիկ ծրագրեր են գծում իրենց համար, իսկ երկնայինը դրանք խառնում է իրար: Կովկասյան լեռնաշղթայից հարավ են իջնում Ռուսական կայսրության բանակները, և այսրկովկասում շուտ են գալիս բոլոր հին հաշիվները:

Իրենք՝ Փիրումյան տոհմի ժառանգները, պահել են հետաքրքիր ավանդություններ տոհմի վաղնջական նախնիների մասին: Իրենց հիմքում ճշմարիտ, սակայն արտաբուստ հեքիաթանման այս զրույցներում փառավոր կենսագրություն ունեն լեռնային

Վարանդա գավառի Նախիջևանիկ գյուղից ելած քաջ Փիրումյանները: Վարանդայի մելիքի զորապետներն էին նրանք կամ ճարտարախոս բանագնացները, որոնք հարկ եղած պահին ղենք էին առնում և սրով էին լուծում այն հարցերը, որոնք չէին լուծվել բանախոսությունների ճանապարհով: Եվ ավանդական հերոսների շարքում կա մեկը, որը ոտք է դրել նաև գրավոր աղբյուրների մեջ՝ իրար կապելով նշանավոր տոհմի ավանդական պատմությունը իրապատում կենսագրության հետ: Բահադուր կամ Բայանդուր բեկն է դա, որը աասնութերորդ դարի առաջին քառորդում նախ պարսից բանակի զորավարներից մեկն էր, շահական անիրավություններից զզված՝ վերագարձավ հայրենիք, ապա գնաց Վրաստան, բարեկամացավ Դավիթ բեկի հետ, վերջում դարձավ Սյունյաց և Արցախի հակաթուրքական քաջ պայքարի ղեկավարներից մեկը:

Այս Բայանդուրի թո՞ռն էր, թե՞ թոռնորդին՝ Ասրիբեկ, որը, հրապուրված քաջ նախնի Բայանդուրի կենսագրության փառավոր էջերով, եղավ պարսից բանակում, շահի վստահությունն ու համակրանքը նվաճեց իր քաջությամբ և իմաստությունը: Սուկայն, երբ շահական զորքերն ասպատակության էին եկել իր պապերի հողը, լքեց նրանց, անցավ գեներալ Վալերիան-Ռոստոմ Մազաթովի մոտ: Ասրիբեկի հաղորդած թանկագին տեղեկությունների շնորհիվ էր, որ ռուսական բանակի հայազգի խիզախ զորավարը պարսիկ բռնազրավիչներին քանիցս ջադդ տվեց Շամքորի մոտ, Գանձակի տակ, ապա և բուն պարսկական հողում, ուր Մազաթովն իր խուճապարար ռազմնւյթն էր իրականացնում: Պարսկական արշավանքը տեղի էր ունեցել 1828 թ. ձմռանը, աղբյուրների հավաստմամբ՝ հյուսիսային Պարսկաստանի համար անսովոր դաժան ցրտին: Եվ ահա այդ պայմաններում, մանավանդ անժանոթ երկրի տարածքում, ինչպես դեռևս Բաֆֆին է նշել, — «Ռուսաց զորքերը մեծ արգելքների և անհաջողությունների պիտի հանդիպեին, եթե չունենային մի այնպիսի ճարպիկ և քաջ առաջնորդ, որպիսին էր Ասրիբեկը»<sup>1</sup>:

Նախիջևանիկ գյուղի հին գերեզմանատանը, Փիրումյան տոհմի տապանաքարերից մեկի վրա, նախշազարդ շրջանակի մեջ փորագրված է. «Ազնիւ տապանս է հրաշալի և մեծանուն Ասրի-

<sup>1</sup> Բաֆֆի, Երկրի ժողովածու, տասներորդ հատոր, Ե., 1959, էջ 364—365:

բեկի բուտբարուչիկ... որ է տոհմէն Փուրումովի, 1838 թվին»: Ուրեմն, ռուս-պարսկական պատերազմի հերոս, պողպորուչիկ Ասրիբեկ Փիրումյանը վախճանվել է 1833-ին: Նրա ժառանգներից էին՝ «ազնվազարմ Ալահվերդին», Փուրումբեկը («որ է որդի Ասրիբէկի»), «որ է տոհմէն Փուրումովի»: Փիրումբեկի որդին էր Աբխտղոմը, որ, հավանաբար, միայն հողագործությամբ է զբաղվել, քանի որ մյուս հարազատները զարդարված էին բեկի (զոքապետի) տիտղոսով, և հարկ էր, որ նրանց համար հաց վաստակող ևս լիներ: Հողվոր ու ալյուրգործ Աբխտղոմը հասել էր քահաներորդ դասը՝ ժառանգ ունենալով Դանիելբեկին: Աբխտղոմի եղբայր Ղահրամանի որդին՝ Պողոսբեկը, Դանիելբեկի մոտ էր արդեն, գլխավորում էր Հայկական հրաձգային Հինգերորդ գունդը, որ Իգդիրից անցել էր Արաբսի ձախ ափը և իր վրա պիտի առներ թուրքական զորքերի գլխավոր հարվածը:

Սարդարապատի ճակատամարտին իր եռանդուն մասնակցությունը բերեց նաև Ասրիբեկի մյուս թոռ Նիկոլայի որդին՝ Քրիստափորը, որը Շուշվա թեմական դպրոցն ավարտելուց հետո, 1913 թ. կրթութունը շարունակելու էր գնացել Կիևի համալսարանի բժշկական ֆակուլտետը և Սարդարապատի ճակատագրական օրերին ինուսի գնդի ավագ բժիշկն էր ու այդպես էր կատարում իր սրբազան պարտքը օրհասի առաջ կանգնած հայրենիքի հանդեպ:

Դանիելբեկը ծնվել էր 1860 թ. և 80-ականներին սովորում էր Պետերբուրգի ռազմական դպրոցում, համարյա պատահաբար ծանոթացավ լազարյան ճեմարանի ուսանողուհի, Ալեքսանդրապոլի իսլաթյանց հայտնի տոհմի դուստր Երանուհու հետ: Ծանոթացավ, ճանաչեցին իրար և հասկացան, որ համարյա պատահական այդ հանդիպումը եղել է ճակատագրի մատի ցուցումով: Առաջին հանդիպումից մեկ ամիս անց տեղի ունեցավ նրանց հարսանեկան հանդեսը, որ կազմակերպեցին Պետերբուրգի հայ մեծահարուստները՝ հիմնականում ալեքսանդրապոլցիներ և շուշեցիներ: Սեղանապետ էր կարգված Թադևոս Թաբերը՝ Շուշի անվանի բարերար Թադևոս Թամիրյանցը, որի մառաններից բերված արնագույն գինիները պլավում էին ջահերի լույսերի տակ:

Եվ Թադևոս ապերն էր, որ, հարսանեկան սեղանն օրհնելուց

հետո, գինու գավաթը գլխից վեր պահած, ոգեշունչ ու երազկոտ խոսեց.

— Ժողովուրդ, նախևառաջ աստվածանից եմ ուզել, որ մեր ազգի ամեն մի օրը ծնունդով սկսվի և հարսանիքով էլ ավարտվի...

\* \* \*

Երանուհին բարձր առաջադիմությամբ ավարտեց կազարյան ճեմարանը և դասախոսների միահամուռ կարծիքով՝ անպայման իր ծանրակշիռ խոսքը պիտի ասեր հայագիտության բնագավառում: Դա լինելու էր առաջին կին հայագետի խոսքը: Սակայն ունեցավ առաջին տղան, որին անվանեցին Միքայել, ապա անմիջապես էլ միանգամից հայտնվեցին զույգ գստրերը՝ Սրբուհին ու Մարիամը, դրանց էլ հաջորդեցին Հովսեփը, Ալեքսանդրն ու Լևոնը, և փոքրիկների հոգսերով ծանրաբեռ մայրն այնպես էլ ոչինչ չկարողացավ տալ իրեն սպասող հայագիտությանը: Գիտության ճանապարհին իրենց լուրջ քայլերը կատարող Խալաթյանց եղբայրները՝ Գրիգորն ու Բագրատը, ճեմարանական ծանոթներն ու բարեկամները միշտ էլ ափսոսանքով էին խոսում նրա վաղեմի շնորհների մասին: Սակայն ինքը՝ Երանուհին, դա մի մեծ կորուստ չէր համարում, քանի որ հնարավորություն ուներ երեխաներին տալու իր ցանկացած դաստիարակությունը: Մի անգամ նրա եղբայր Գրիգորը ձեռքի անցկացրեց տասնամյա Միքայելի շարագրությունների տետրերը և բառեր չէր գտնում իր գմայլանքը քրոջն արտահայտելու համար: Եվ Երանուհին, որ վաղուց, տարիներ շարունակ, համառորեն ու հաստատակամ սպասել էր այդ օրվան, ակնհայտ հպարտությամբ եղբորն ասաց.

— Իսկ դուք խոսքներդ մեկ արած միայն կորուստներն էիք հաշվում:

Գրիգոր Խալաթյանցը՝ ժամանակի հայագիտական մարզի ամենաազդեցիկ անուններից մեկը, որի խոսքն այն տարիներին կազարյան ճեմարանում հնչում էր իբրև տնօրինական, քեռուդուն առաջնորդեց ճեմարան, այստեղ էլ հովանավորեց առաջին քայլերը... Սակայն քեռու խանգավառությունը երկար շտեկեց, և դրա մեղքը, հավանաբար, Միքայելինը չէր: Երկուսի միջև գոյացած ու օրըստօրե սաստկացող սառնությունն աննկատ չէր կարող մնալ Երանուհուց: Նա քրոջ գորովալից հորգորներով ու

մոր փաղաքուշ խրատներով շատ ջանաց լցնել այն անջրպետը, որ գնալով մեծանում էր երկու անհունորեն հարազատ մարդկանց միջև, սակայն ապարդյուն: Եվ մի անգամ էլ Դանիելբեկը, Կովկասյան ծառայութիւնից արձակուրդի գնալով՝ դարմանքով իմացավ, որ աներձագի ոտքն իսպառ կտրվել է իրենց տնից: Վշտացած էր Երանուհին, սակայն շգիտեր ո՛ւմ պետք է մեղադրել. եղբո՞րը, որ պահանջում է կույր խնկարկութիւն իր պիտական ծառայութիւնների առաջ, թե՞ որդուն, որ բաց աչքերով է նայում աշխարհին և համարձակութիւն ունի սևը սև կոշիկու, ճերմակը՝ ճերմակ:

Դանիելբեկի ու ավագ որդու միջև տիրական էր մի պարզ անկեղծութիւն, որ միայն լավ ընկերներն են ունենում: Հայրը միշտ էլ համոզված է եղել, թե տղան մորից ստանում է հոգեկան այն սնունդը, որ նրա կրծքի կաթի պես անարատ է ու սուրբ:

Կազարյան ճեմարանի պրոֆեսորներից միայն հիացմունքի խոսքեր էր լսել: Ասում էին՝ Միքայելը հմտութեամբ տիրապետում է արևելյան բոլոր այն լեզուներին, որ անցնում են ճեմարանում: Ասում էին՝ ինչ որ ուրիշները մի տարում են յուրացնում, ինքը հաղթահարում է մեկ ամսվա մեջ: Իսկ Գրիգոր քեռին մի անգամ Դանիելբեկին, գաղտնիք հաղորդելու պես, ասել էր. «Մարդ աստուծո, սա ոչ թե սովորում, այլ կլանում է... Վախենում եմ, — ասաց, — վերջն ի՞նչ պիտի լինի...»:

Բայց այս անվերապահ հիացմունքը երկար կյանք չունեցավ: Մի օր էլ, ամենօրյա սովորական զրույցի մեջ, հիշվեց Միքայելի անունը, և քեռին անմիջապես թթվեց:

— Ի՞նչ պատահեց, Գրիգոր, — անհանգստացավ Դանիելբեկը:

— Եղբայր, որտեղի՞ց է այդ ամբարտավանութիւնը, — ցասկոտ խոսեց աներձագը: — Ո՛չ մեծ ու փոքր կասի, ո՛չ պատիվ ու անուն: Պրոֆեսորներ կան, որոնց հեղինակութիւնը Կայսերական ակադեմիայում անձեռնմխելի է: Իսկ սա տալիս, կացնով կտրում է դրանց վիզը: Ո՛վ է տեսել նման բան:

Դանիելբեկը չէր կարող ընդունել այդ նորութիւնը. ո՞նց թե ամբարտավան: Տղան ինչպե՞ս է ամբարտավան աճել իրենց տանը, իր կողքին, մանավանդ օրինապահ ու բժախնդիր Երանուհու դաստիարակութեան պայմաններում:

Տուն հասնելով՝ մտավ տղաների սենյակը, մոր մոտ ուղար-

կէց պատանի Հովսեփին ու փոքրիկ Լեոնին (Ալեքսանդրը մահացել էր, երբ դեռ կաթնակեր էր) և, առանց նախապատրաստության, հարձակվեց.

— Այս ի՞նչ եմ լսում, տղաս, ինչպե՞ս է պատահել, որ քեռուդ հետ խոսվիսեթ եք:

Տղան կարծես դրան նախապատրաստված էր: Առանց իրեն կորցնելու, քմծիծաղով հարցրեց.

— Ձեզ է՞լ հասցրել են արդեն:

— Ի՞նչ են հասցրել, տղաս: Ոչինչ էլ չեն հասցրել:

— Բայց այդ դեպքում ինչի՞ մասին է խոսքը, հայրիկ:

Իսկապես, ինչի՞ մասին է խոսքը: Որ տղան ամբարտավա՞ն է: Որ նրանից հանգի՞ստ շունեն քեռին ու էլի ինչ-որ անառարկելի հեղինակություններ: Իսկ ինչո՞ւ շունեն: Տղան ինչո՞վ պետք է անհանգստացնե՞ր նրանց: Ինչի՞ մեջ է արտահայտվել տղայի ամբարտավանությունը: Կարելի՞ է բացատրել: Կարելի՞ էր այս հարցերի պատասխաններն իմանալ և նոր միայն դատ բաց անել:

— Գուցե քեռի՞ն է գանգատվել, հայրիկ, — հորն օգնության հասավ Միքայելը: Գանդիլբեկը վերագտավ իրեն, փորձեց հիշել հալաթյանցի գանգատի էությունը:

— Ասում է...

— Որ ինքը դժգո՞հ է ինձանից:

— Այո՛, և՛ ինքը, և՛ էլի ինչ-որ հեղինակավոր պրոֆեսորներ:

— Հայրիկ, — անմեղ, տղաշական խոսեց երիտասարդը, — միայն ի՛նքը: Այդ «հեղինակավոր պրոֆեսորներն» էլ ինքն է: Ձի՞ ասել, որ Կայսերական ակադեմիայում իր տեսակետները հալած յուզի տեղ են ընդունում...

— Հը՛մ:

— Ա՛յ, հենց դա է, որ կա: Կայսերական ակադեմիայում իր տեսակետները ոտուզվխով ընդունում են: Հետո՞ ինչ: Մի՞թե դրանով էլ իր սխալ տեսակետները դառնում են ճիշտ ու վավերական:

— Բայց ի՞նչ տեսակետներ են, որտե՞ղ են արտահայտվել: Եվ դո՞ւ որտեղ ես նրանց դեմ խոսել:

— Նա իր այդ տեսակետներն ամեն տեղ էլ արտահայտել է, տպագրել է առանձին գրքերով...

— Ա՛հ, Խորենացու մասի՞ն, — հանգստացավ Դանիելը, և ամբողջ այս գրույցն իր հիմքով ու հետևանքներով դարձավ անհետաքրքիր, նույնիսկ զավեշտական: — Ես էլ մտածում էի, թե պատահել է մի զարհուրելի բան:

— Հայրիկ, հիշո՞ւմ եք. երբ կարդացել էինք նրա գիրքը, ես ձեզ հետ խոսեցի: Այն ժամանակ ասում էիք՝ դուք էլ նույնն եք մտածում: Կարանում նա մի անգամ խոսեց այնպես, ոնց որ Մովսես Եփեսացու՝ հեղինակութունն ու վավերականութունը բաղել է և ամբիոնից վերջին դամբանականն է կարդում: Սպասում էր, թե ահա կծափահարեն ուսանողները, իսկ ես վեր կացա և ասացի. «Նվե մի հրաշքով Մովսես Խորենացին կենդանունար, ինչն իրեն կարդարաց՝ ևր մեծազույն հաջողությամբ»: «Ձի՞ր լինի, որ ինքդ նրա փոխարեն արդարացնես», — զայրացած հարցրեց նա: Ես ամբիոն բարձրացա և խոսում էի, իր տեսակետի դեմ ծառայող փաստերն էի վկայակոչում. Թողեց ու հեռացավ: Այս է ամբողջ պատմությունը: Ես մեղավո՞ր եմ, հայրիկ: Ես իրավո՞ւնք շունեմ իմ կարծիքն արտահայտելու: Եվրոպայի հայագետների հորինած «հիմքերը» մի տեղ է հավաքել և նրանց էլ իր անհիմն վարկածները գումարելով՝ սուտ ու կեղծարար է հայտարարում մի հեղինակի, որին կարգին շեն է՛լ հասկացել: Հասկանան, հետո՞... Դա ի՞նչ գիտություն է:

Դանիելի համար պարզ էր ամեն ինչ, իսկ ամենակարեւորը՝ նա ուրախ էր, որ տղան սեփական կարծիք ունի և այդ կարծիքն արտահայտելու համարձակություն: Ո՛ւր կտանի այդ վեճը, և տղան ուժ կունենա՞ մինչև վերջ կռվելու իր ճշմարտության համար:

— Բայց ի՞նչ պիտի անես, տղաս: Մեր գործում մի մեծավորի սխալ բացահայտում է այն ժամանակ, երբ արդեն տրված են լինում զոհերը, երբ նրա ձախողանքն աչքի առաջ է իջրե պարտություն:

— Ձեր գործն ուրիշ է, հայրիկ, — պատմասխանեց Միքայելը, և հայրը ներքին մի անհարմարություն զգաց իր վիճակի համար: Ինչպես էլ արագ են աճում զավակները: Ահա այսպես. մեկ էլ տեսար՝ դերերը փոխվել են, և որդիդ քեզ խելք է սովորեցնում: Ուրախանա՞ս դրա համար, թե՞ տխրես: Ամեն հանդիպումին, — իսկ այդ հանդիպումները քանի գնում հազվադեպ էին դառ-

նում, — որդին երևում էր մի նոր կողմից, ավելի բարձր ու խելոք, ավելի հավասարակշիռ ու լայնախոհ: — Ձեր գործն ուրիշ է, հայրիկ: Ձեր մեծավորի տեսակետն առաջարկվում է որպես անփնելի հրաման և այն պետք է կատարվի առանց առարկության: Թե դա որքան նպատակահարմար է, դուք ինքնե՛րդ կիմանաք: Գիտության մեջ ինչպե՞ս կարելի է հրամանով առաջ մղել մի կարծիք, որը չի կարողանում ոտքի վրա կանգնել:

— Եվ դու մտածում ես, թե գիտության մեջ այդպիսի բաներ չե՞ն լինում:

— Ինչո՞ւ չեն լինում, լինում են, հայրիկ: Մեկն իր դիրքի ու հեղինակության ուժով կարողանում է սխալ տեսակետներ հրապարակել, նույնիսկ նրանց շուրջը նպաստավոր կարծիք է տարածվում... Սակայն գալիս են արդարամիտ մարդիկ, ցույց են տալիս սխալները, ասում են ճշմարտութունը: Իմ բարեկամներից մեկը, — դուք նրան ճանաչում եք, հայրիկ. Հովսեփ Օրբելին, — ասում է. «Լավ է, որ այս թյուրատեսությունները ի մի հավաքեց քեռիդ: Մեկն էլ կգա, միանգամից հողմացրիվ կանի, և այն ժամանակ Մովսես խորենացին ավելի կբարձրանա իրեն պատողների աչքում»:

...Միքայել Փիրումյանը պատրաստվում էր կովելու հանուն հազարամյա մեծ ճշմարտության: Բավականաչափ նյութեր էր հավաքել: Իրար էր բերել իր խոհերն ու գիտողությունները Հայոց Պատմահոր ազգային ու համաշխարհային նշանակության վերաբերյալ: Մի ժավալուն գլուխ, որի վերնագիրն էր դարձրել ժամանակի հմուտ հետազոտողներից մեկի դիպուկ հրամայականը՝ «խորենացին խորենացիով պետք է հասկանալ», — պատրաստ էր արդեն... Սակայն սկսվեց մեծ պատերազմը: Եվ թրդթերը գրասեղանի զգոցների մեջ հավաքելով՝ Միքայելը հրածեշտ տվեց խորենացուն, եկավ Կովկասյան ռազմաճակատ:

\* \* \*

\*

Ալեքսանդրապոլում թուրքերն էին նստած, և դա իր դրոշմն էր դրել ամենուրեք, ամեն ինչի վրա: Առանց դիմադրության հանձնրված քաղաքում ասկյարներն իրենց հրամանատարների ղեկավարութամբ շրջում էին փողոցները և կրակում մարդկանց վրա:



Կարգադրութեամբ էր կասկածելիներին գնդակահարել: Իսկ գողեգող եկած թուրքի աչքին կասկածելի էին երևում բոլոր հայերը, նույնիսկ բակերում տուն-տուն խաղացող մանուկները:

Կողոպուտն սկսվել էր մայիսի 15-ի երեկոյան ժամը 6-ին, էրբ մեկ ժամի շափ քաղաքը բմբակոծելուց հետո թուրքերը ներս էին խուժել և խումբ-խումբ տարածվել թաղերում: Կողոպուտի ենթարկվում էին, առաջին հերթին, այն քաղաքացիները, որոնք սպիտակ գրոշ էին պարզել նվաճողների առաջ: Թուրքերը մտածում էին, որ այդպիսիք անպայման մեծ հարստութեան տեր պիտի լինեն, և սպիտակ գրոշներով ընդառաջ են ելել, որպեսզի փրկեն իրենց ունեցվածքը: Ի՞նչ չէ, այն ե՞րբ է եղել, որ ընչազուրկ հայը հանձնվի թուրքին և այն էլ խաղաղութեան ու բարեկամութեան ցույցերով:

Վարսեա Գևոյի գինեատունը նրանք նվաճեցին ո՛չ միանգամից: Նախ ստիպեցին, որ իրենց ուրախութեան համար մեծ քաղաքեմ սարքվի: Գինեատուն լցված խաժամուժը վայելեց Գևոյի առատաձեռնութեանը: Այստեղ մեծ մասամբ սպաներ է՛ն, որքան կարողացավ հասկանալ Գևոն: Նկուղի բոլոր սեղանները շնաճանձերի պարսերի պես զբաղեցրած՝ կերան, խմեցին գովառուով: Կշտանալուց-լիկվելուց հետո կտրգապրեցին, որ նվագախումբ էլ բերվի:

Մինչև նվագախումբը գար, նրանցից մի քանիսը թափվեցին խոհանոց, անկյուններն էին ստուգում: Նույնն արեցին նաև մանուկները: Տակառների արանքներն էին նայում, դատարկ տակառներն էին շուռ տալիս:

— Բաշընա դոնում, ի՞նչ եք փնտրում, ի՞նչ եք ուզում, չի՞ լինի ասեք, իմանամ,— իրենց լեզվով հարցնում էր Գևոն, որի ոտքերն արդեն դողում էին:

— Կին ծառաներիդ որտե՞ղ ես թաքցրել, ի՞թ օղլու,— մոռալու պես հարցրեց փնտրողներից մեկը:

— Ինձ մոտ կին ծառայող չկա, ջանընա՛ղ ուրբան,— վիզը ծռած փորձեց համոզել Գևոն և մի ապտակ կերավ:

Հազիվ էր ոտքի վրա կանգնում: Քթի արյունը սրբելով բողոքեց.

— Բա աստված կընդունի՞ ձեր արածը...

Եվ թուրքը հարձակվեց՝ նրա վրա շարտելով գինու պղնձե շափը:

Գևոնն գլուխը փախցրեց, և շափը գնաց, փշրեց նկուղի ցածրիկ պատուհանի ապակին:

— Քո հավատը... Գյավուր շո՛ւն...

Մեծավորների համար Գևոնն սեղան էր դրել սրահի անկյան փակ խցում: Վազեց նրանց մոտ և արյունլվա գանգատվեց մեծավորների մեջ իրեն ավագի պես պահողին.

— Փաշա, ջանընձ դուրբա՛ն օլում, բու նա՞ զուլում դրր:

— Ադա, այդ ի՛նչ թամաշա է,— հոհոալով հարցրեց փաշան:— Հո շե՞ս կովել տղերանց հետ:

— Փաշա, ծեծեցին ու հավատս հայհոյեցին: Բաշընա դոնում, փաշա: Կարգադրիր, որ իրենց կարգին պահեն, բա էսպես ո՞նց կլինի:

Փաշան դռան տեղ ծառայող վարագույրի փեշը մի կողմ քաշեց ու դեպի սրահը գոռաց.

— Այ գյադալար, է՛յ:— Սրահի աղմուկը դադարեց, և փաշան մատը թափ տվեց ասկյարների վրա.— Ո՞վ համարձակվեց այս պատվարժան մարդու հավատը հայհոյել: Ես ձեզ շե՞մ ասել ի՛նչ պիտի անեք, քյոփայօղլուլար:— Եվ դառնալով Գևոյին՝ հարգալից ասաց.— Դե, գնա՛, հիմա քեզանից ներողություն կխնդրեն:

Սրահում հանկարծ թափվեցին Գևոյի վրա և, բերանը փալաս խցկելուց հետո, քարշ տալով տարան մառանը...

Եկան նվագախմբի տղերքը և Գևոյին իր տեղում չգտնելով ուզում էին վերադառնալ: Մի հաստամարմին ասկյար թիկունքով ծածկեց դուռը, թե.

— Մեզ համար եք եկել, պիտի նվագեք:

Եվ տարակուսած նվագածուներն իրար նայելով ճարահատյալ նստեցին իրենց սովորական տեղերում, հարբած խուժանի համար նվագեցին թուրքական երգեր ու պարեր: Սկզբում ոռնալու պես երգում էին իրենք՝ թուրքերը: Հետո ստիպեցին, որ նվագախո՛ւմբը երգի: Խմբի ավագը, որ դափ զարկողն էր, կանգնեց, թե.

— Բիլմանամ, վալլա՛հ, թուրքջա բիլմանամ:

Ասկյարներից մեկը հանեց ատրճանակը և երեք անգամ կրակեց նրա վրա:

— Ո՞նց թե բիլմանամ, քյոփայօղլու,— ասաց նա և նստեց: Թառ ու քամանչա նվագողները, տեսնելով իրենց ընկերոջ

գետին փովելը, հարսայ տվին, բողոքեցին, աղաղակով դիմեցին սպաներին, որոնք հարրած իրենց երգերն էին ոտնում:

Եվ սրանց էլ տեղնուտեղը լուցրին:

Քաղաքում տագնապ էր, և խորհրդավոր, ծանր լուռությունը խախտում էին հատուկենտ կրակոցները տարբեր թաղերում: Լուռությունը խեղդում էր մարդկանց: Կողոպտվածներն իրենց բախտն էին լալիս, չկողոպտվածները սարսափով թուրքերին էին սպասում ամեն բուպե և, շնայած ունեցվածքի լավագույնն արգեն թաղել-հորել էին հուսալի տեղերում, հույս չունեին իրենց համար, որովհետև գիտեին նաև, որ թուրքը չի հավատում, թե շունկոր հայ էլ կարող է լինել: Ուրեմն կյանքը փրկելու համար շունկորն էլ պետք է ունկոր դառնար:

Գիշերը տեղացիներից ոչ ոք չէր համարձակվի փողոց դուրս գալ: Լուսադեմին երկաթգծի աշխատող Անդրեյ Վինոգրադովը, աշխատանքային հերթափոխի գնալիս, Գևոյի գինետան առաջ, հենց պատի տակ տեսավ մերկ ու արնաշաղախ մի մարմին, որ փոված էր մեջքի վրա: Կողքին դրված էր Գևորգի գլուխը: Իսկ մարմինն այնպես էին փռել, որ երևա... Մորթելուց առաջ թլպատել էին:

Ճանապարհին Վինոգրադովին միացան աշխատանքի ընկերները, որոնք մոռյլ էին ու մտահոգ: Նրանցից յուրաքանչյուրն իր հետ բերել էր թուրքի վայրագությունների նորանոր գույժեր: Մեկը պատմեց, որ Աստվածածին եկեղեցու տիրտերին կախել են զանգակատանը՝ հենց զանգի լեզվակից, որովհետև այդ հոգևորականը համարձակվել է երեկոյան ժամերգության համար զանգ հնչեցնել: Մի ուրիշը բերգի մոտ տեղի ունեցած կոտորածի մանրամասներն էր պատմում: Բերդապահ մի շոկատ, արդեն հրաման ստացած լինելով դադարեցնել հրաձգությունը, կամավոր հանձնվել է ներս խուժած թուրքերին: Շարք են կանգնեցրել, հանել են տվել շորերը, ստիպել, որ մերկ-մերկ փորեն իրենց գերեզմանի խրամատը, հետո ասել են՝ պառկեցեք, և կոտորել են մինչև վերջինը:

— Հանձնվողին սպանում են, սպիտակ դրոշ պարզողին սպանում են... Ի՞նչ պիտի անել, որ լավ լինի, հը՞,— տրտնջում էր տարեց մի երկաթուղային, որի դեմքը մրոտ էր, սև, և միայն ատամներն ու աչքերն էին փայլում առավոտյան աղջամուղջի մեջ:

— Ի՞նչ պիտի անել, մի՞թե շփտես,— իր հզոր բասով պատասխանեց Վինոգրադովը, որի սիրտը վառվում էր անզոր կատաղությունից:— Զգիտե՞ս ինչպես պիտի վարվել թշնամու հետ: Պիտի սպանե՞լ: Կարծես թուրքին նոր ես ճանաչում և նոր պիտի որոշես՝ ի՞նչ անել, երբ նա գալիս է քեզ ոչնչացնելու, քո երկիրն սվերելու:

— Հեշտ բրգում ես, էլի՛, Անդրի,— դառնացած խոսեց մրոտը:— Կարծես կարող էինք սպանել, չսպանեցինք:

Կայարանը եռում էր Կարսի կողմից բերված զորքերով: Աղմուկ էր, իրարանցում: Հրամանատարները գոռգոռալով կարգադրություններ էին անում: Զինվորները սոված գայլերի պես ուզու ձախ էին ընկնում և, որսալու բան չգտնելով, հայհոյում էին գյավուրների: Նրանց մեծ մասը ոռուսական զինվորի հագուստակապուստով էր, որովհետև թուրք զինվորությունն իր մերկությունը ծածկել էր էրզրումում, Սարիղամիշում ու Կարսում ձեռք ձգած ոռուսական պահեստների առատ պաշարներով:

Ռուսական համազգեստը խաբում էր քաղաքի հին տերերին: Մտածում էին՝ Ղինի՞ մերոնք վերանվաճել են Ալեքսանդրապոլը: Մեկ էլ մոտենալով տեսնում էին թուրքի մոուլթը և մըտքներում թքոտում էին:

Քաղաքի ելումուտը փակ էր մայիսի 15-ի—լույս 16-ի գիշերվանից: Դուրս գալու փորձ անողները զնդակահարվում էին սուսանց հարցաքննության: Իսկ կայարանը, գեպոն, հարակից արհեստանոցները մնացել էին անվնաս, ինչպես որոշված է եղել երկկողմ պայմանադրությամբ: Հիմա նրանք գործում էին անխափան, և անխափան պահողներն էլ նախկին աշխատողներն էին՝ հայեր, ոռուսներ:

Անդրեյ Վինոգրադովն այն առավոտյան տեսածից գազազած՝ մտածեց ընկերների հետ խոսել, պայմանավորվել, որ թողնեն, հեռանան այս դժոխքից: Մեկ էլ հիշեց զնդապետ Սամարցյանի խոսքը. «Մենք չպետք է ձեռքից տանք երկաթգիծը»:

— Լա՛վ, ձեռքից չտվինք երկաթգիծը, բայց ի՞նչ կարող ես անել, երբ տնօրենը թուրքն է, և դու պարտավոր ես ծառայել նրա բոլոր կամայականություններին:

Ալեքսանդրապոլի կայարանում արդեն քանի՛ տարի մեքենավար աշխատող Անդրեյ Վինոգրադովն իր աշխատանքային ընկերների համար Անդրեյ էր, նույնիսկ Անդրանիկ: Եվ ինքն էլ

իրեն շոյված էր զգում Անդրանիկ անունով, որովհետև գիտեր, որ հայի համար այդ անունն ու անվան տերը նվիրական են, ինչպես քրիստոնյա հավատացյալի համար սուրբ Գևորգ զորավարը:

Մի անգամ,— դա նույն տարվա գարնանամուտին էր,— իր գնացքով Թիֆլիս պիտի հասցնէր Անդրանիկ զորավարին: Ալեքսանդրապոլում իրեն տարան, ժանթացրին մեծ անվանակցի հետ: Ասացին.

— Այս ուսան է ձեզ Թիֆլիս հասցնելու, զորավար: Անունն էլ Անդրանիկ է:

Անդրանիկը մտերմորեն, պինդ սեղմեց Վինոգրադովի ձեռքը և ուրախ պատասխանեց:

— Մի գնացք, որի վարողը ուսան է, անվթար ու անխափան տեղ կհասնի:

Միջահասակ զորավարի կողքին կանգնած հսկա Վինոգրադովը ճնշվում էր իր հասակի համար: Եվ մի քիչ խոնարհված փորձեց սիրալիր խոսքի պարտք շմնալ, ասաց.

— Մի գնացք, որ ձեր նման փառապանծ մարդու է տանում, իհարկե, անխափան տեղ կհասնի:

Թարգմանելու կարիք չկար: Զորավարի խաժ աչքերը շողացին բարությամբ: Եվ Վինոգրադովը, հիացած նրա առնականորեն գիղկցիկ դիմագծերով, մտածեց, թև արարիչն ինչպես գիտե մեծ անհատականության համար ստեղծել անթերի կաղապար:

Անդրեյ Վինոգրադովն ինքն էլ արարչի կողմից տուժվածներէց չէր: Բարձրահասակ, թիկնեղ, դիմագծերը կանոնավոր, կապույտ աչքերի արծվենի հայացք... Եվ այս բոլորի հետ ներդաշնակ էր նրա փափուկ բարությունը, որ, հիրավի, ընտանեկան բարձր դաստիարակության արդյունք էր: Մնվել էր Կազանում, տոհմիկ մտավորականի ընտանիքում: Ուսուցիչ էր եղել պապը, իսկ հայրը պատմաբան էր, Կազանի համալսարանի պրոֆեսոր: Հորն էր պարտական այն բուռն սիրով, որ ուներ հին պատմության, ժողովուրդների հանգամանալից կենսագրությունների հանդեպ: Գիմնազիան ոսկե մեղալով ավարտելուց հետո պետք է ուսումը շարունակեր համալսարանում, սակայն զինվորական ծառայության կանչվեց: Երբ զորացրվելու ժամանակն էր, սկսվեց մեծ աշխարհամարտը, և համալսարանական ուսումը հետաձգվեց անորոշ ժամանակով, գուցե և առհասարակ մնաց անիրականա-

նալի երազանք, որովհետև բանակում դարձավ երկաթուղային ժառանգող, ամենահմուտ մեքենավարներից մեկը Թիֆլիս-Ալեքսանդրապոլ-Ջուլֆա գծի վրա: Բնակվում էր Ալեքսանդրապոլում և ծնողներին գրած նամակներում հիացմունքով պատմում հայկական քաղաքի բնակիչների, նրանց կենցաղի ու բարքերի մասին: Հայրը նամակներում առանց տագնապի հաճախ հարց էր տալիս, թե արդյոք հայուհին<sup>6</sup>ըը շեն նրան մոլորեցրել իրենց թուխ աչքերի մշուշներում, և զգուշացնում էր, որ բոլոր դեպքերում չմոռանա Կազանը, հայրական տունը. չէ՞ որ ինքն այդ տան միակ արու զավակն էր:

Անդրեյը հաջորդ նամակներում անպայման շրջանցում էր հոր կես-կատակ, կես-լուրջ հարցը և հիշեցնում, որ ինքն այս ժողովրդի հանդեպ ունեցած խոր հարգանքի ու հիացումի համար ևս, առաջին հերթին, իրեն՝ հորն է պարտական: «Հիշո՞ւմ եք, հայր,— գրել էր մի նամակում,— դուք ինչպիսի հպարտությամբ էիք նշում, որ ձեզ դաս է տվել Ստեփանոս Նազարյանց հայր՝ ամենալուսավոր ու ամենաաղնվական այն մարդանցից մեկը, որոնց դուք բախտ եք ունեցել ճանաչելու ձեր կյանքի ճանապարհին: Հիշո՞ւմ եք, հայ վաճառականների ազնիվ ու խիզախ արարքը, որի մասին գրված է Կազանի հին ժամանակագրության մեջ, և դուք կարդալով բացատրում էիք ինձ ու պատվիրում երբեք չմոռանալ, քանի որ երախտագիտությունը մարդկային բնավորության հիմնաքարը պետք է լինի:

Եվ Կազանի հայ վաճառականների արարքն ինքն էլ քանի՜ անգամ պատմել էր Ալեքսանդրապոլի իր ժանոթներին ու բարեկամներին:

— Իվան Ահեղի ժամանակներում է եղել,— պատմում էր Անդրեյ Վինոգրադովը,— տասնվեցերորդ դարի կեսին: Ռուսական հողերի միարար թագավորը շատ էր մտահոգված իր երկրի հարավային սահմանների համար, որովհետև Կազանում բուն գրած թուրք-թաթար խանը երբեք հանգիստ չէր տալիս հարևան ռուսական իշխանություններին: Եվ խանի զնդաններում էլ ցմա՛հ տառապանքի էին դատապարտված ավելի քան հարյուր հազար ռուս գերիներ: Իվան Ահեղի բանակը պաշարում է Կազանը: Խանն իր քաղաքի բերդապարիսպների պաշտպանական կետերն է թշում ամբողջ բնակչությունը, նույնիսկ բոլոր այն օտարներին,

որոնք պատահաբար գտնվում էին այս վաճառաշահ քաղաքում։ Այս օտարների հետ էին նաև հայ վաճառականները։— Պատմելիս Անդրեյ Վինոգրադովի աչքերը վառվում էին ներքին կրակից։— Հայերին, իբրև ռազմական գործում հմտություն ունեցող մարդկանց, խանի գործակալները տանում են բերդի թնդանոթների մոտ և կարգադրում են կրակել։ Հայերը հրաժարվում են կտրականապես, պատկերացնում եք, հրաժարվում են։ Այս ժամանակ խանի մարդիկ երկաթե շղթաներով նրանց կապտում են թնդանոթներին և թիկունքներին թրամերկ գինվորներ կանգնեցնելով՝ մահվան սպառնալիքի տակ ստիպում են կրակել։ Ի՞նչ անեին հայ վաճառականները։ Պիտի կրակեին։ Եվ կրակում են, բայց այնպե՛ս, որ արկերը պայթում են ռուսական զորքերից այն կողմ կամ էլ նրանց դիրքերին չէին հասնում, որպեսզի ոչ ոքի վնաս չտան...

— Խելք են ունեցել, հա՛... մե՛րդ շմեռնի, հա՛յ, — խանդավառ արծագանքում էին ունկնդիրները։— Հենց էդպես էլ ձեր պատմության գրքերում գրված է։

— Գրված է։ Գրողն էլ եղել է ականատես մի հոգևորական, — և իր ասածի ճշտությունը հաստատելու համար Անդրեյն արտասանում էր այդ ականատեսի ժամանակագրության ամենակարևոր հատվածը. — «лестно и худо бияху и не улучаху, аки не умеючи, и ядра через все перепущаху или не допушаху, едва кого убиваху».

— Ա՛յ Անդրանիկ, էդ է՞լ ռուսերեն է։

— Ռուսերեն է, իհարկե, մեր հին ռուսերենն է, ինչպես որ ձեր գրաբար լեզուն։

— Վա՛յ, մերդ շմեռնի, գրաբա՛ր, — հպարտանում է հայ ունկնդիրը։— Որ բան էլ չես հասկանում, մեկ է, սիրտդ հետը խոսում է, և մարմինդ փշաքաղվում է, ոնց որ մեր անցյալներն իրենց պատանքը շալակներին եկած-խոսելիս լինեն մեզ հետ։

Զորավար Անդրանիկին Թիֆլիս տանելիս Վինոգրադովը նրա հետ մի փոքր զրույց էր ունեցել և հաճախ էր հիշում ոչ առանց հպարտության։

— Մի հատ կոնյակ ունեի՝ Շուստովի արտադրության։ Լսել էի, որ զորավարը կոնյակ է սիրում։ Մեքենայի դեկը տվի օգնականիս, կոնյակս առած գնացի զորավարի կուպեն։ Մտածում էի, որ ապրել կա ու մեռնել կա։ Ո՞նց կարելի է ամենաժողովրդական զորավարին այսքան մոտիկ լինել ու մի քանի խոսք չփո-

խանակել հետը, մեկ էլ ինձ ե՞րբ է բախտ վիճակվելու: Գնացի, հենց այդպես էլ ներկայացա: «Զորավար,— ասացի,— ներեցեք, որ ուզում եմ ձեզ անհանգստացնել...»: «Ա՛, ոո՛ւս,— ասաց,— խնդրեմ, ներս արի, ի՞նչ է պատահել»: «Ոչինչ էլ չի պատահել, զորավար: Ուղղակի համարձակությունս բռնել է, որ դամ ու ձեզ հետ մի քանի խոսք փոխանակեմ: Այս Շուտովի կոնյակն էլ,— ասացի,— բերել եմ, որ ձեզ հետ բաժակ բարձրացնեմ»: Անկեղծ, ամբողջ երեսով մեկ ծիծաղում է: Աչքերից բարություն ու անկեղծություն են ճառագում: Օ՛խ, ի՞նչ աչքեր էին, ի՞նչ հայացք: «Համեցի՛ր,— ասաց,— ոուսի անմիջականությունը շատ կսիրեմ»: «Իսկ իրե՞ն»: Հարցական, մի քիչ զգաստացած նայեց: «Ռուսին, իրեն՝ ոուսին չե՞ք սիրում»: Նա ասաց. «Իսկական ոուսին սիրում եմ ու հավատում: Շա՛տ»,— լրջացած պատասխանում է և նայում երկու ուղեկիցներին, որոնք, երեկ իմ անսպասելի հայտնությունից զարմացած, լուռ հետևում են սկսված զրույցի ընթացքին:

Այս խոսքից հետո վեր կացավ, աչ ու ձախ քայլից վազոնի միջանցքում: Վերջը եկավ, նստեց, բաժակ բարձրացրինք... Զորավարը խմեց հասարակ ժողովրդի կենացը, աշխատավոր, տանջվող ու շարժաշ ժողովրդի՝ ի՞նչ ազգի էլ որ պատկանի: «Աշխարհը նրա ուսերին է դրված,— ասաց,— աշխարհը նա է տանելու դեպի մեծ լույս ու ազատություն, թե որ տանելու լինի: Ա՛յ, Ռուսաստանում ժողովրդական պետություն է ստեղծվել, և նրա շորշոփներն արդեն Կովկասյան լեռնաշղթան ձեղքել, հասել են Բաքու: Թող զորանա, արմատավորվի այդ իշխանությունը: Թող Շահումյանի բազմազգ իշխանության գլխից ցրվեն թշնամական ամպերը, որ այսրկովկասյան ժողովուրդները նրա հովանու տակ ազատ շունչ քաշեն: Հիմա մենք մի խնդիր ունենք,— ասաց,— թիկունք դառնանք Շահումյանի իշխանությանը և միասնական ուժերով ետ մղենք թուրքական բռնությունը... Մինչև որ Ռուսաստանը, նոր Ռուսաստանը ոտքի կանգնի և իր հաշտարար ձեռքը մեկնի Կովկասյան լեռներից այս կողմ: Այս է մեր հասկանալիքը: Այս է մեր այսօրվա անելիքը, մեր փրկության միակ ու ստույգ ճանապարհը»:



Այն առավոտ Կարսից եկած ապրանքատար զնացքը երևի մի քանի հազար ասկյար բերեց Ալեքսանդրապոլ: Եվ ասում էին՝ էլի՛ են գալու: Վինոգրագովին ծանոթ էր թուրքերի ծրագիրը: Նա ռազմաճակատի շտաբում բարեկամներ ուներ, և նրանք էին ասել, թե թուրքերը մեր երկաթգիծը պահանջում են, որպեսզի շտապ կարգով զորք փոխադրեն Ջուլֆա, որտեղից մի օրվա ընթացքում զորաշարժով կհասնեն Ատրպատական և այնտեղ կփակեն Բաքվի ու Միշին Ասիայի վրա զնացող անգլիացիների ճանապարհը: Սակայն իրականում ուրիշ էր թուրքերի նպատակը: Անգլիացիների հետ բախվելու համար ինչո՞ւ պիտի Կարսի վրայով Ալեքսանդրապոլ գային, այստեղից էլ հասնեին Ջուլֆա, ապա ոտքով՝ Ատրպատական: Անգլիացիների ռազմերթը կասեցնելու ամենակարճ ուղին հարավով էր անցնում, Վանա լճի մոտերքով: Այնտեղ նրանք մեկ-երկու օրվա ընթացքում կհանդիպեին անգլիական զորքերին և կլուծեին իրենց հարցը, եթե իսկապես դա՛ էր հարցը:

Բայց ուրիշ էր թուրքերի նպատակը. նրանց դեպի Ջուլֆա էր քաշում Բաբուն:

— Ա՛յ հեր օրհնած, դե այդպես ասա, էլի՛, — Վինոգրագովի այս կարծիքի վրա բացականչեց մեքենավար Սերոբը, որ երիտասարդ երկաթուղայինների մեջ աչքի էր ընկնում իր կրակոտ, մարդամոտ բնավորությամբ և Վինոգրագովի մտերիմ ընկերն էր: — Նրանք էդ անգլիացիների անունը մեջտեղ են գցել, որպեսզի շխրտնեցնեն մեր մեծավորներին: Մինչդեռ աչք են տրնկել Բաքվի վրա, որտեղ Ստեփան Շահումյանի կոմունան է: Ուրեմն, թուրքը մտածում է, թե սրանք, ինչ էլ որ լինի, իրենց հայ Շահումյանի թիկունքում պիտի կանգնած լինեն: Չէ՞ որ կոմունան պաշտպանող զորքի մեջ հազարավոր հայեր կան:

— Վո՛, — ուրախացավ Վինոգրագովը, — գլուխդ լավ է գործում, Սերոբ:

— Է՛, գլխիս տերը շմեռնի, գլխովս ինչե՛ր են անցել: Բայց լավ է, հա՛, որ թուրքն էս տեսակ մոլորություն ունի. մտածում է, թե ամեն տեղ էլ հայը մնում է հայ:

— Թուրքի մոլորությունը լավ է թե ոչ՝ մե՛նք չպիտի որո-

շինք,— Վինոգրադովն է վրա բերում:— Բայց որ Շահումյանի կոմունան պիտի պաշտպանել, դրա մասին երկու կարծիք չի կարող լինել:

— Մեր ձեռքին ի՞նչ կա, այ՛ Անդրանիկ: Մենք իսկի մեր Ալեքսանդրապոլի համար չկարողացանք կուրծք դեմ տալ...

— Ալեքսանդրապոլը տանուլ տվինք անխելքությունից: Շահումյանն Անդրկովկասի տերերին զգուշացնում էր, որ չկտրվեն Ռուսաստանից, չհավատան թուրքին... Նրանց համար ի՞նչ կարմիր Ռուսաստանից խրտնած՝ ոտով-ձեռով ընկան թուրքի գիրկը, հիմա էլ նրա հետ սիրաբանում են:

— Է՛, դա ի՞նչ կապ ունի Ալեքսանդրապոլի հետ, կամ էլ հենց քո Ռուսաստանի հետ, որին ստիպեցին զորքերը ետ քաշել, և հայք մնաց մեն-մենակ կանգնած արնախում թուրքի դեմ:

— Կապ կա՛, Սերոբ,— այս անգամ էլ Հարութն է խոսում՝ տարեց մի մարդ, որ ոռու-ճապոնական պատերազմին է մասնակցել, կովել նաև 14—15 թվականներին և ոտքից վիրավորվելուց հետո եկել, կայարանում աշխատում է որպես սլաքավար:

— Չե՛ս բացատրի, որ իմ էս անհասկացող գլուխն էլ մըտնի,— քունքին զարկելով՝ հարցնում է Սերոբը:

Հարութը կաղ, մի քիչ էլ կարճ ոտքը մյուսով է գցում, իբր տեղը հարմարեցնում է, և աշխատում է բացատրել.

— Ես էսպես եմ գաղափարում, Սերոբ. նախ էդ ոռու զորքի ետ քաշվելը Ռուսաստանի մեղքով չեղավ...

— Բրեստ-Լիտովսկի պայմանագրով պարտադրեցին,— վրա է տալիս Վինոգրադովը:— Ռուսաստանի դեմ կանգնած էին Թուրքիայի ուժեղ հովանավորները և ստիպեցին, որ թուլացած, հոգնած Ռուսաստանն իրենց խայտառակ առաջարկներն ընդունի:

— Բա մենք էգ հոգնած ու թույլ Ռուսաստանից ի՞նչ պիտի ստանայինք ըստ քո գաղափարի, ընկեր Հարութ քեռի,— իրենն է պնդում Սերոբը, որ ուրիշ անգամ գուցե թե ամենակրթոտ պաշտպանը կլինեիր Ռուսաստանի, սակայն հիմա հակառակությունը բռնել է:

Վինոգրադովը թողնում է, որ հարցը լուծվի երկու հայերի անգլխաս վեճով, և ուշադրությամբ լսում է: Հանձնվելու տրամադրություն չունի սլաքավար Հարութը՝ նա յուզոտ, դժգունած կարտուզը հանում, քորելու պես տրորում է ճաղատ գագաթը և մեծ իմաստություն ասողի կեցվածքով բացատրում է.

— Կա մի մեծ և, Սերոբ աղա,— ասում է:— Ես կուզենայի, որ դու էդ և-ն իմանաս ու երբեք մտահան չանես:

— էդ և-ն ի՞նչ ցավս է,— Սերոբն է խոսում քմծիծաղելով:— Հիմի էլ սկսեցիր և-երով խոսել:

— էդ և-ն էն է, որ ուսն էսօր հանգամանքից ստիպված ետ է քաշվել, վաղը մեկ էլ ետ կգա ու իր դասը կտա ինչպես քո էդ թուրքին, էնպես էլ նրան քսի տվող գերմանացուն:

— Թուրքն էլ երբվանի՞ց իմը դառավ:

— Խոսքի օրինակ եմ ասում, ա՛յ Սերոբ: Ես քեզ համար մի հաստատ բան նշեմ, փորձված, ստուգված, ուսը մի տեղ որ ոտք է դրել, էնտեղից ետ կանգնողը շի՛ նամանավանդ,— այստեղ սլաքավարը ցուցամատն էլ վեր է տնկում,— նամանավանդ, եթե էդ տեղը արյուն էլ է թափվել, իր սեփական արյունը: Իսկ մեր էս աշխարհում, Երևանի համար, Կարսում ու էրզրումում, Սարիղամիշում ու Սախարնի-գարայում ուս զինվորն էնքան արյուն է տվել, որ եթե հավաքես, իրար բերես, թուրքի զորքը կքշի-կտանի:

Սերոբը հարցական նայում է Վինոգրադովին, այսինքն՝ հը՞, ճի՞շտ է ասում, դո՞ւ էլ նրա պես ես մտածում: Եվ Վինոգրադովը գլխով է անում, այսինքն տարեց մարդ է, այնքան կռվել է ուսական բանակում, քնել-վեր է կացել, կերել-խմել է, թշնամու հերն է անիծել և սեփական արյունն է տվել ուս զինվորի հետ: Այդքան բաները նրան չպիտի՞ ծանոթացնեին, բարեկամացնեին այն բնավորութանը, որ կոչվում է ուսական:

Բայց Վինոգրադովն ասաց ուրիշ բան: Նա դեռ Ալեքսանդրապոլ-Ջուլֆա գծի վրա էր մտածում և չէր կարող իր բարեկամներին, աշխատանքի իր ընկերներին շասել մտածածը:

— Թուրքն այս երկաթգիծը ձեռք ձգեց, որպեսզի մեկընդմիշտ խեղդի Հայաստանը, լա՛վ իմացեք: Այս մի կտոր երկաթգիծը, ուրիշ ճանապարհներ չունեցող մի ափ Հայաստանի գլխավոր երակն է, որ հիմա գտնվում է նրա թշնամու ձեռքում: Եվ թուրք-թշնամին ուզի կսեղմի-կսպանի, ուզի՞ կպահի: Բայց ինչո՞ւ պիտի պահի, երբ որ եկել է սպանելու: Սպանելո՞ւ, որպեսզի ազատ ու անարգել հասնի Բաքու, և Անգորայից մինչև Բաքու ու նրանից էլ դենը լինի մեկ միասնական, համաթուրքական և համախլամական բռունցք՝ բարձրացած քրիստոնյա աշխարհի վրա:

— Ա՛յ, լսեցի՞ր,— դարձյալ Հարութն էր՝ աչ ձեռքը ցուցամատով վեր տնկած:— Էդ է, որ կա, Սերո՛ւբ տղա: Էսպես կզադափարեն, հա՛:— Ժպտում է, ապա մեծավարի թփթփացնում է Անդրեյ Վինոգրադովի հաղթ մեջքը:— Անդրանիկ ջան, ես էլ էդպես եմ գաղափարում, խոսքերս գալիս, հասնում են լեզվիս ծեբը: Բայց, դե, որ պիտի ասեմ, պիտի մեկ-մեկ բացահայտեմ, քարի կապին դեմ են առնում:

Անդրեյը համակիր ու ներողամիտ ժպտում է.

— Կարևորը մտածելն է,— ասում է,— կարևորն այն է, որ հոգուդ մեջ ճշմարիտ լինես: Թե չէ, ասել-բացատրելը, մի քիչ ավել-մի քիչ պակաս, ինքն իրեն կգա:

Աերոքն էլ համաձայն էր, իհարկե: Նա հիմա այնպես լավ էր պատկերացնում իր հողի ու հայրենիքի ցավալի վիճակը և այնպես պատրաստ էր իր բաժին օժանդակությունը բերել այդ վիճակից ազգը փրկելուն...

Սակայն ինչպե՞ս:

Ո՛չ դիվանագետ, ո՛չ էլ պետական կամ ռազմական գործիչ Անդրեյ Վինոգրադովի սովորական-տարրական տրամաբանությունը շատ ավելի իրատես ու ճշմարիտ էր, քան հայոց պարագլուխների դիվանագիտական խարխափումը Բաթումում և քաղաքական-ազգային ճամարտակությունները Թիֆլիսում: Թուրքերը Պարսկաստանում անգլիացիների հետ մաքրելու հաշիվ չունեին: Նրանց անգլիացիների դեմ կռվի էր հրահրում Անգլիայի նվաճողական մրցակից և Թուրքիայի հովանավոր Գերմանիան: Ալեքսանդրապոլի նվաճման առթիվ անգլիացիների հարցը տարփողելով՝ դիվանագիտության մեջ հմուտ ձեռնածու թուրքն էլ մի գնդակով երկու նապաստակ էր որսում. նախ հովանավոր Գերմանիային էր ուզում ցույց տալ, թե Ալեքսանդրապոլ-Ջուլֆա գծով գնում է անգլիացիների երթը կասեցնելու: Ապա և այդ զորաշարժի դեմ կանգնած միակ ուժին՝ հայությանն էր թմրեցնում՝ նրան այն պատրանքը սրսկելով, թե նման զորաշարժով հայոց ջահերը ոչ մի շափով չպետք է տուժեն, քանի որ, իբր թե, Ալեքսանդրապոլ-Ջուլֆա գիծն իրենց համար սոսկ ճանապարհ է, որով գնում են շուտափույթ կերպով անգլիացիների հարցը լուծելու, որից հետո պիտի տուն դառնան ոչ թե այդ նույն գծով, այլ հարավով՝ Հայաստանից հեռու, հայերի համար անվնաս ու անվտանգ:

Սերոբի համար պարզ էր դարձել հարցերից մեկը: Եվ, այնուհանդերձ, կար հարցերի հարցը, որ տանջում էր նրան:

— Եվ էդպես էլ ես շիմացա, թե հիմի ի՞նչ կա մեր ձեռին,— մտահոգ հայացքը դարձրել էր Վինոգրադովին և ուզում էր նրա դեմքին կարդալ իր հարցի պատասխանը:— Ի՞նչ կարող ենք անել, ի՞նչ պիտի անենք: Նորից հարց եմ տալիս՝ ի՞նչ կա մեր ձեռին:

— Մեր ձեռքի՞ն,— նրա հարցական հայացքը բռնած բացատրեց ոուս մեքենավարը:— Որ ասեմ՝ ձեր ձեռքին է ամեն ինչ, դու չպիտի հավատաս, ճի՞շտ է: Բայց ասեմ՝ մեր ձեռքին շտա բան կա, և բացատրեմ:— Հետաքրքրությունից վառվում էր Սերոբը: Պակաս լարված չէր նաև տարեց սլաքավարը, որի համար Վինոգրադովի խոսքը միշտ էլ նման է եղել ճանապարհի եզրին վառվող այն լույսին, որը բացում կամ փակում է գնացքի ճանապարհը:— Դուք գիտե՞ք, որ կարս-Ալեքսանդրապոլ և Ալեքսանդրապոլ-Ջուլֆա երկաթգծի տերն ու տնօրենը մենք ենք, այդ գծերի նախկին և այսօրվա աշխատողներս: Թուրքերը մասնագետներ չունեն, որ բերեն և մեզ քշեն այստեղից:

— Ադա՛, դրանցից ի՞նչ երկաթուղային,— համաձայն էր Հարութը:— Եզան սելն էլ կարգին-սարքին չեն կարող պահել:

— Ուրեմն, նրանց հույսը մենք ենք, պա՞րզ է,— շարունակեց Վինոգրադովը:

— Հրաժարվե՞նք ծառայելուց,— հարցրեց Սերոբը:

— Դա կլինի երեխայություն: Մենք չենք հրաժարվի: Բայց պիտի անենք այն, ինչ մենք ենք ուզում, ինչ որ մեր շահն է պահանջում:

Երևի կոնկրետ գործ պատկերացնելով մտահոգվեց Սերոբը:

— Մտածելո՛ւ բան է:

— Եվ կմտածենք,— հաստատեց Վինոգրադովը:— Իսկ դու ասում ես՝ մեր ձեռքին ի՞նչ կա:

\* \* \*

\*

Մի առավոտ Սևանի հարավային ափին գտնվող Սառցաշեն ավանի մարդիկ տեսան՝ իրենց աթարի դեղերին մեջք դեմ տված կկզել են մի քանի հարյուր զինվորներ՝ ամենատարբեր համա-

զգեստներով ու տարբերանշաններով: Սկզբում կարծում էին՝ սա-  
րել-փայտացել են խեղճ մարդիկ: Գիշերը սաստիկ ցուրտ էր  
եղել, շնայած մայիսի սկիզբն էր արդեն: Սակայն հետո թմրած-  
ներն արթնացան, ճլմկոտալով, իրենց կոտրատելով ուշքի եկան  
և բացատրեցին, որ դարաբաղցիներ են, Թիֆլիսից են գալիս և  
գնում են իրենց երկիրը թուրքից ու մուսավաթից ազատագրելու:  
Գիշերվա կեսին այս ավանն են հասել հոգնած ու փշրված և,  
գյուղացիներին շանհանգստացնելու համար, թիկունք են դարձրել  
աթարի դեզերը:

Սառցաշենցիները, որ սկզբում զարմացել էին, թե ինչպես է  
պատահել, որ իրենց շները նորեկներին դիմավորել են խաղա-  
ղությամբ, հետո հասկացան գաղտնիքը. հայի հոտ են առել,  
հարազատ հոտ և մտածել են, որ յուրայիններ են, նրանցից ոչ  
մի վտանգ չկա: Գաղտնիքն այսպես բացատրելուց հետո էլ  
սառցաշենցիները եկվորներին հրավիրեցին իրենց տները, տա-  
քացրին թեյով ու օղիով, կերակրեցին, և երբ նրանք, շնորհա-  
կալություն հայտնելով ուզում էին հեռանալ, ասացին.

— Ո՞րտեղով պիտի Ղարաբաղ գնաք, ճամփեքը բռնված են  
մուսավաթի զորքով:

Զորաջոկատի հրամանատար գնդապետ Գուրգեն Շահնազար-  
յանը ձեռքը թափ տվեց այդ «նորության» վրա և, ջոկատը մար-  
տական շարքի կանգնեցնելով, շարժվեց դեպի արևելք: Սակայն  
հենց Ախտայի կողքին հարևան Օրդաբլուից ու շրջակայքի բլրակ-  
ներից սրընթաց վար իջնելով՝ մուսավաթական ավազակախմբե-  
րը կրակի տակ առան կռվին անպատրաստ ջոկատը, որը, մինչև  
ուշքի գար ու մարտն ընդունել, տվեց երկու տասնյակ զինվո-  
րից ավելի կորուստ: Ծիշտ է, դասակների ու ջոկերի հրամա-  
նատարները շուտով մարտի դասավորեցին զորամասը, հուժկու  
հակահարվածով կոտրեցին նախահարձակների դիմադրությունը  
և հետո էլ հետապնդելով կոտորեցին նրանց մեծ մասը: Սակայն  
գնդապետն ու նրա օգնականները քրքրվում էին ինքնակշտամ-  
բանքից. ո՞նց կարելի էր քիթը երկինք տնկած առաջ շարժվել,  
երբ որ մարդիկ զգուշացրել էին, թե ճամփեքը բռնված են մու-  
սավաթի զորքով: Հետո՞ ինչ, որ մուսավաթն, իբր, դաշնակցու-  
թյան ու մենչևիկների հետ մի կառավարության մեջ է գտնվում,  
և այս բովանդակ Անդրկովկասն էլ մեկ միասնական, իբր, եղ-  
բայրական ընտանիք է: Դո՛ւք, դարաբաղցի կողբահաստ հայե՛րդ,

այդ ե՞րբ պիտի հասկանաք, որ մուսավաթը, հայ ժողովրդի երգ-վյալ թշնամին, միշտ և ամենուր մնում է մուսավաթ: Այսպես իրենք իրենց դատափետելով, հագեմաշ մտորումներով գնում էին դեպի արևելք, դեպի Շուշի, ուր նույն մուսավաթն ու թուրք փաշաները գրկախառնված, ոտքները դրել էին Ղարաբաղի շնչափողին, սեղմում էին ու պահանջում հանձնվել իրենց ողորմածությանը: Իսկ այդ համառ անհնազանդը չէր հանձնվում, չէր ենթարկվում, նույնիսկ ուժասպառ էլ չէր լինում, այլ գյուղական, գավառական, լեռնային ու ամեն տեսակ իր դիրք ու ամրություններին ապավինած՝ կովում էր, թափ էր տալիս իրեն, որպեսզի իր վրայից թոթափի օտար անիծյալ ոտքը...

Վարդենիսի մոտ ջոկատին հասավ հեծյալ մի սուրհանդակ, ի՞նչ սուրհանդակ, սառցաշենցի մի տրեխավոր ու ցնցոտիակիր պատանի և հայտնեց, որ Երևանից կարևոր մարդ է եկել, իրենց է ուզում:

— Իսկ ո՞ւր է ինքը, ինչո՞ւ դու ես եկել մեր ետևից,— կասկածով հարցրեց գնդապետ Շահնազարյանը:

— Մի կերպ իրեն գցեց մեր գյուղը. տաքության մեջ վառվում էր: Ասաց. «Հասե՛ք նրանց ետևից ու հաղորդեցեք մեծամեծների հրամանը. ե՛տ դարձեք, եկեք Երևան: Կոփվն էստեղ է,— ասում է,— դուք մեծ կոփվն էստեղ թողած՝ էդ ո՞ւր եք գնում»:  
Հա՛, մոռացել-պրծել էի. էս թուղթն էլ,— ասաց,— տուր իրենց հրամանատարին:

Գնդապետը, ծրարված քառածալ գրությունը բացելով, առաջին իսկ բառերից ճանաչեց Արամ Մանուկյանի ձեռագիրը: Շրջեց և մյուս երեսին էլ տեսնելով նրա ստորագրությունը՝ հաճելի թեթևություն զգաց: Ե՛վ ձեռագիրը, և՛ նրա տիրոջը ճանաչում էր Շուշվա թեմականից, ուր Արամը դեռևս աշակերտական նստարանից ազգային գործչի համբավ ունեւր: Հիմա այդ իսկապես ազգային գործիչը թուղթ է հղել՝ խնդրելով իր գունդը միացնել հայոց միասնական զորքին, որն օրհասական կոփվ է մղում էջմիածնի ու Երևանի, այսինքն՝ Հայաստանի սրտի համար: Հենց՝ այդպես էլ գրված էր. «Թուրքը սուրն ուղղել է Հայաստանի սրբափն: Այստեղ է լուծվում հայ ազգի լինել-չլինելու հարցը: Շտապեցեք այստե՛ղ: Իսկ Շուշվա և Ղարաբաղի համար կովելու ժամանակ մենք դեռ կունենանք»,— հրամանի տոնով աղերսում էր Երևանի արտակարգ տնօրենը:

Շահնազարյանը հուզումով կարգաց գրութիւնը, երկու անգամ շուռումուռ տվեց ձեռքին, ապա ծալեց, դրեց գրպանը և գարձավ սուրհանդակին.

— Շա՛տ լավ, տղա ջան: Գու հիմա շտապ վերադարձիր, տաքութիւն մեջ վառվող մարդուն հանգստացրու: Իսկ մենք մի բան կորոշենք: Պա՞րզ է:

— Հասկացա, ես գնամ,— թերահավատութեամբ արձագանքեց պորտակցի սուրհանդակը և ձիու գլուխը ետ շրջելով՝ ոտնահարեց լղար անասունի ցից-ցից կողաճաղերը:— Գե՛, շարժվի՛ր, է՛, քու տիրոջ...

Գնդապետ Շահնազարյանը կարգադրեց, որ պահակներ կարգեն շրջապատի դիտակետերում, իսկ ինքը հրամանատարական անձնակազմով քաշվեց մի դատարակ մարագ. սպայակույտի նիստում պիտի որոշեին իրենց անելիքը, շնայած ինքը՝ գնդապետ Շահնազարյանը, որպէս ջոկատի հրամանատար՝ արդեն ուներ իր վճիռը և կարող էր զորքի երեսը շուռ տալ դեպի Երևան ու մարտական քայլքով գնալ-միանալ թուրքի դեմ ճակատող հայոց բանակին:

Սպաները շուրջանակի նստոտեցին մարագի միաշար պատի եզրերին: Նրանցից ոմանք անտեղյակ էին Երևանից եկած նամակի բովանդակութեանը և փորձում էին վայրկյան առաջ իմանալ հարեաններից: Սրանք էլ հանգստացնում էին.

— Մ՛ս, հիմա ամեն ինչ կիմանանք:

Հրամանատարն սպայակույտի առաջ կարգաց Արամ Մանուկյանի նամակը և հայացքն ունկնդիրների վրա շուռ ածելով հարցրեց.

— Հիմա ի՞նչ եք առաջարկում:

— Ի՞նչ պիտի առաջարկենք, պարոն գնդապետ,— հարցն ասես օդում բռնելով՝ խոսեց երիտասարդ պորուչիկ Ավագյանը:— Հրամանատարը դուք եք, հրաման տվեք՝ շարժվենք դեպի ճակատ: Թիֆլիսից մեզ ճանապարհելիս ազգի մեծերն ասացին՝ «Հայրենիքն է ձեզ կանչում»: Այսօր այդ կանչը գալիս է Երևանից ու էջմիածնից:

— Բայց դրանից առաջ Շուշուց էր եկել, շէ՛: Հիշո՞ւմ եք, թե ի՞նչ էր ասում պատմաբան Լեոն,— տաքացած վեր թռավ տեղից ակնոցավոր մի սպա, որ ուսադիրներ էլ շուներ:— «Դուք գնում եք,— ասաց,— փրկելու մեր ժողովրդի այն հատվածը...»:



«Հիշո՞ւմ եք»: Իհարկե՛հ, հիշում էին: Եվ այդ պահին կարծես վերստին նրանց առաջ իր վիթխարի հասակով կանգնած էր Լեո-Սեռաքել Բաբախանյանը, որի յուրաքանչյուր խոսքին ծարավով սպասում էին համաշխարհային պատերազմի տագնապներին կուշ եկած հայ ընթերցողները: Թիֆլիսում բնակվող դարաբաղցիների հայրենակցական միության անունից նա ողջերթի հանձնարարական խոսք ասաց զորամասի առաջ, և հայրենիք Գնացող զինվորներն ասես նրա կրակոտ բառերն իրենց մեջ առան, իբրև հոգեղեն զինամթերք: «Արցախ-Ղարաբաղը դարերի վեր իր ազատության ու անկախության համար մաքառող Հայաստանի համար միշտ էլ վահան է եղել և զորավոր բազուկ, — ասում էր հրապարակախոս-պատմաբանը: — Պատմությունը մեզ շատ փաստերով ցույց է տալիս, որ նվաճող ազգերի ահավոր հորձանքները գալիս, ընդհարվում էին այդ լեռնաստանին, փշրվում էին ու ետ դառնում: Իսկ այսօր այնտեղ բնավորվող մուսավաթական ոճրագործը մեր լեռնաստանի դռներն է բացել հայակեր թուրքի առաջ...»:

Թիֆլիսաբնակ դարաբաղցի հայ երիտասարդները հայրենիքի ու իրենց սրտերի կոշով գնում էին փրկելու Ղարաբաղը: Արդյոք նրա՞ համար, որ այդ լեռնաստանը Հայաստանի հյուսիսարևելյան բերդամրոցն է, վահանը կամ թշնամու զխին իջնող հզոր բազուկը: Թե՞ որ այն իրենց հայրենի եզերքն է, իրենց ծննդյան ու սննդյան տեղին, միակ ու անփոխարինելին: Կար մի անբացատրելի մղում ևս. երբ որ Հայաստանը, Ալեքսանդրապոլից մինչև Շուշի և էրզրումից, Սարիղամիշից մինչև Ղարաքիլիսա ու Դիլիջան, այս բովանդակ Հայաստան աշխարհը վառվում էր թուրքի բորբոքած կրակից, նրանք ամաչում էին Թիֆլիսում փողոց դուրս գալ, իրար «բարի լույս» կամ «բարի օր» ասել: Այդ համարում էին անբարոյականութուն, սրբապղծութուն, մարդկային հասարակության կողմից դատապարտվող այնպիսի արարք, որից հետո մարդ արարածն իրավունք չպետք է ունենա հանգիստ քնելու:

Սպաներից մի քանիսն արդեն իրենց խոսքն էին ասել քննվող հարցի մասին, և դեռևս անհնար էր եզրակացնել, թե նրանց համար որտե՞ղ էր նախընտրելի հայրենասիրական պարտքի կատարումը՝ Շուշիո՞ւմ թե Ալեքսանդրապոլում, զնդապետ Շահնա-

կարյանը ձեռքի մի կտրուկ շարժումով լռեցրեց տաքացած սպաներին, ասաց իր խոսքը, որ և հնչեց վճռի պես:

— Սիրելի հայրենակիցներ, ես տեսնում եմ, որ ձեր խոսքերը, ինչքան էլ իրարից տարբեր, նույն ուղղությունն ունեն, այսինքն՝ մենք գնում ենք մեր հայրենիքի փրկության գործին մատուցելու մեր ծառայությունը: Եվ հոգ չէ, եթե այդ ծառայությունն արժենա մեր կյանքը: Այդպե՞ս է:

— Էդպե՞ս է, բա ի՞նչ, — համարյա միաբերան գոչեցին տեղերից:

— Այստեղ հիշեցինք քանքարավոր Լեոյի խոսքը, — շարունակեց գնդապետը: — Իհարկե, մենք բոլորս էլ գիտենք, որ մեր հայրենի լեռնաստանը Հայոց երկրի համար միշտ եղել է բերդու պատնեշ, նաև զորավոր բռունցք, որ իշել է նրա թշնամիների գլխին: Եվ այդ բռունցքը հիմա վտանգված է. թուրքն ու մուսավաթը սիրաբանում են նրա մարմնին տիրանալու և հոշոտելու համար: Բայց մենք իրավունք կունենա՞նք հայ կոչվելու, մեր արածը հայրենասիրություն անվանելու, եթե շարունակենք մեր երթը դեպի Ղարաբաղ, երբ առավել օրհասական պահ է ապրում Արարատյան երկիրը: Այն Լեո՞ն չէր, որ Արարատյան երկիրն էր համարում Հայաստանի սիրտը: Եվ ահա այստե՞ղ, — ստացված գրությունը գլխից վեր թափ տալով շարունակեց գնդապետը, — այստե՞ղ, նույնն է կրկնում Արամը՝ Արարատյան երկրի կառավարիչը: — Եվ կարդաց Արամի բառերը. — «Թուրքը սուրն իր ուղղել է Հայաստանի սրտին: Այստեղ է լուծվում հայ ազգի լինել-չլինելու հարցը: Շտապեցե՛ք այստեղ: Իսկ Շուշվա և Ղարաբաղի համար կոչվելու ժամանակ մենք դեռ կունենանք»:

— Բա էլ ինչի՞ եք ուշացնում, պարոն գնդապետ, — տեղից վեր կենալով՝ վրայի հագուստն ուղղեց սպաներից մեկը, որ քննարկման ամբողջ ընթացքում լուռ էր եղել:

— Ուրեմն, գնում ենք Երևանյան ռազմաճակատ, — հարցնելու պես գոչեց գնդապետը:

— Գնում ենք, բա ի՞նչ պիտի անենք, — միահամուռ որոշեց սպայակույտը:

— Դեմ չկա՞: Դե, հենց այս բոպեին ջոկատները պատրաստել մարտական երթի:

Դեռ երկար ճանապարհ կար մինչև Երևան, և այդ ճանապարհն անցնում էր լեռնափեշերով ու անհարմար դարավանդներով, որովհետև կարճ կտրելու նպատակով հրամանատարը հրաժարվել էր Սևան-Երևան խճուղուց: Լեռնային դժվար վերելքներին ու վայրէջքներին ծանոթ դարաբաղցիներն անմոռուն հաղթահարում էին արգելքները՝ յուրաքանչյուր ձոր ու սար անցնելուց առաջ հայացքով որոշում երկու կետերի միջև ընկած ամենակարճ ուղին: Եվ որքան էլ երթն արագ լիներ ու հրամանատարների շտապեցնող ներկայութունը՝ մշտագո, զինվորները ժամանակ էին գտնում խորհելու իրենց առաքելության շուրջ: Իսկ խորհելն անհրաժեշտ էր, որովհետև մի շաբաթ առաջ որոշել էին գնալ, հայրենի եզերքը փրկել բռնությունից, իսկ հիմա գնում են հակառակ ուղղությամբ, և իրենց յուրաքանչյուր քայլն ավելի է հեռացնում այդ երեզլից ու իրենց բուն նպատակից: Բայց հեռացնո՞ւմ է, թե ավելի՞ է մոտեցնում, — մտորում էին այսպես, և հաճախ էր պատահում, որ հակասական, այրող մտքերից գլուխ էր պտտվում:

Ներսիսյան ճեմարանի վերջին խմբի սան Գևորգ Բաբայանը՝ հաթերքցի մի երիտասարդ, որ հրաժեշտի միտինգում կրակոտ ճառ էր ասել՝ վերջում էլ կարդալով հանպատրաստից դրած իր ոտանավորը, հիմա փոթոթվում էր ներքին խռովքից: Այնտեղ ոտանավորով դիմել էր հայրենի գյուղին՝ իշխանանիստ, հինհին ժամանակներից աշխարհին հայտնի իր հերոս կովոզներով ու հոգևոր կյանքի մեծ գործիչներով, դիմել էր Թարթառին, որ իր երկրամասի դետն էր ու խորհրդանիշը.

Սպասի՛ր քիչ էլ, գալիս ենք, Թարթառ,  
Մենք կփրկենք քեզ բիրտ ճիրաններից,  
Եվ մեր երգերը, մեր նրգե՛րն արդար  
Քո զույգ ափերին կհնչեն նորից»:

«Ների՛ր ինձ, Թարթառ, — ինքն իրեն խոսում էր հաթերքցի կամավորականը, — ների՛ր, հարազատս, մայր Արաքսն է վտանգված, գնում եմ նրա կանչին: Թե որ մեր ազգի մայր դետն արյան ու ավերի բերանին թողած՝ քո գիրկը վազեի, պիտի որ ինքդ

է, ինձ շնորհիր. շէ՞ որ Արաքսը քո մայրն է նաև: Ների՛ր ինձ,  
Քարթառ»:

Այսպես ինքն իրեն խոսելով գնում էր զինվորը և շգիտեր,  
որ ընկերն էլ, կողքից քայլելով, Քիրսից է ներողութիւն խնդրում,  
Մոսկից կամ Դիզափայտից, որ ճանապարհը ծոկել, ահա այսպես  
գնում է հայր Արարատի կանչին: Կամ Շուշուց ու Գանձասարից  
է ներողութիւն խնդրում, որ Երևան է գնում ու էջմիածին, գնում  
է Հայաստան աշխարհի կրծքին ուղղված յաթաղանը ետ վա-  
նելու:

\* \*  
\*

Երևանում նրանց առաջնորդեցին Ազգային խորհուրդ: Լավ  
էր, որ այնտեղ էր Արամ Մանուկյանը: Սիրով ընդունեց և ասաց.

— Կարծում եմ՝ ամենաճիշտն այն կլինի, որ դուք միանաք  
Ղարաբաղյան գնդին:

— Այդպիսի գունդ է՞լ կա,— զարմացավ Շահնազարյանը:

— Այդպես չի կոչվում, բայց կազմված է հիմնականում զա-  
րաբաղցիներից, և հրամանատարն էլ գնդապետ Պողոսբեկ Փի-  
րումյանն է: Երևի ճանաչում ես:

— Հայտնի անուն է,— ուրախացավ Շահնազարյանը,— նրան  
ո՞վ չի ճանաչում:

— Ռազմաճակատն էլ ղեկավարում է մյուս Փիրումյանը, Դա-  
նիելբեկը, որ Պողոսբեկի հորեղբորորդին է:

— Ա՛, դա արդեն հրաշալի է,— երջանկութիւնը չկարողա-  
ցավ թաքցնել Քիֆլիսից եկած գնդապետը:— Մեկը մյուսից քաջ  
մարդիկ են:

— Իսկ այդ գունդը, որին պիտի միանաք,— ավելացրեց  
Արամը,— հաշվիր Հայկական կորպուսի միակ զորամիավորումն  
է, որ համալրված է հիմնականում փորձառու զինվորներով և  
շատ թե քիչ պահպանել է իր ամբողջութիւնը:

— Զի՞ մասնակցել կուիվներին:

— Այն էլ ինչպե՛ս. եղել է Կովկասյան ռազմաճակատի բո-  
լոր տաք կետերում,— տեղեկացրեց Արամը:— Բախտի բան է.  
գունդն ու գնդապետն իրար լավ են գտել, և հիմա պետք է կազ-  
մեն նորաստեղծ ռազմաճակատի կորիզը:

Հետո Արամը կարգադրեց, որ քաղաքի պարեո Շահխաթունին լուծի զորաջոկատի սննդի հարցը: Հրաժեշտին ողջագուրվեց գնդապետ Շահնազարյանի հետ.

— Հուսով եմ, որ ամեն ինչ բարեհաջող է լինելու, և մենք հաջորդ հանդիպումին իրար շնորհավորելու ենք հաղթանակի առթիվ:

— Եթե այդ հույսը չլիներ, ինչո՞ւ պիտի այս տարօրինակ ճանապարհը կտրեինք, — ժպտաց գնդապետը: — Ձեզ էլ ամենայն հաջողութուն եմ մաղթում. Արարատյան երկրի ամբողջ հոգսը հիմա ձեր ուսերին է դրված:

— Է՛, Գուրգեն սիրելիս, — հառաչեց Արամը: — Ի՞նչ է մնացել Արարատյան երկրից՝ Հետո էլ տվել են անսահման իրավունքներ՝ մի վանդակի սահմաններում, որի մեջ ոնց էլ շարժվում ես, գլուխդ պատին է զարկվում:

\* \*  
\*

Ջորաջոկատը Հինգերորդ գնդին միացավ Սուրմարիի գավառում, Արաքսի աջ ափին, որտեղից ուր որ է պիտի հեռանար արդեն նահանջի հրաման ստացած զորամասը: Երևանում Գուրգեն Շահնազարյանի գունդ-գումակին էին միացել դարաբաղցի, պանծակեցի ու զանգեզուրցի մի քանի տասնյակ նախկին զինվորներ, որոնք Երևանում ու մերձակայքում էին գտնվում և Արամ Մանուկյանի կոչով հավաքվել էին ռազմաճակատ մեկնելու համար: Նրանք խառնվեցին Թիֆլիսից ելած երեք հարյուրին, և շորս հարյուր հայրենանվեր մարտիկներ գնում էին գումարվելու Հինգերորդ գնդի՝ շուրջ յոթ հարյուր հետևակայիներին: Ռազմի փորձ ունեցող մարդիկ էին շորս հարյուրի մեծ մասը, իսկ մնացածները, եթե փորձ էլ չունեին, ապա ունեին կովելու պատրաստակամութուն և վառվում էին աղետյալ հայրենիքին օգնութուն հասցնելու տենչ ու երազով:

Իսկ ի՞նչ էր իրենից ներկայացնում Հինգերորդ գունդ կոչվածը, որ հրաշունչ այն օրերի պատմության մեջ հայտնի է Ղաբաբաղյան գունդ անունով:

Այս զորամիավորումը ծնվեց հայրենիքից հեռու և քաղաքական ու նյութական ծանր պայմաններում: Առաջին աշխար-

համարտի երրորդ տարում ուսական բանակը ցրված-շարված էր Սև ծովի ափերից մինչև Ռեանդուզ, Համադան ու Սուլթանաբադ, ավելի քան հազար երկու հարյուր կիլոմետր երկարութեամբ, և այդ անհուն տարածութիւններում իր վրա էր առնում զանազան տերութիւնների զորական մեծ ու փոքր միավորումների հարվածները: Այդ ժամանակ հայերը մտածեցին, որ մի այդպիսի ճակատ երկար դիմանալ չի կարող, ուրեմն և անհրաժեշտ է ազգային ուժերն ի մի հավաքել գալիք արհավիրքները դիմադրավելու համար:

Հայ ազատագրական մարտերի հերոս Քեռու ջոկատը, որ կոչում էր գեներալ Ռիբալչենկոյի՝ Պարսկաստանում տեղակայված զորամասում, հենց Ռեանդուզի ճակատամարտից հետո, 1916-ի վերջին որոշեց վերակառուցվել: Գնդապետ Պողոսբեկ Փիրումյանը նոր մի գունդ կազմեց Քեռու զորամասի արևելահայ զինվորներից, որոնք հիմնականում իր հայրենակիցներն էին՝ զարաբաղցիներ: Հաջորդ տարին, 1917-ին, գունդը Պարսկաստանից Արևմտյան Հայաստան փոխադրվելով՝ մասնակցեց Ռստանի ու Վանի պաշտպանութեանը: Այդ տարվա կեսից, երբ ուս զորքերը թողեցին նաև Վասպուրականը, Վանի պաշտպան էին մնացել միայն Պողոսբեկ Փիրումյանի գունդը, մեկ էլ տեղական աշխարհազորը, որի ղեկավարն էր Լևոն Շաղոյանը: Հետագա դիմադրութիւնն անիմաստ համարելով՝ սրանք ևս թողեցին Վանը: Հինգերորդ գունդը, որից հեռացել էին մի քանի դասակներ, և մնացել էր նրա կորիզը միայն, Արաքսի աջ ափով, հին Բայազետով-Իգդիրով նահանջեց դեպի Կարսի մարզը և մայիսի կեսերին մտավ Արարատյան դաշտը:

Ի՞նչ էր մնացել նախկին հզոր, լավ սպառազեն գնդից: Շուրջ 700 աննահանջ զինվորներ, որոնք ունեին հետևակային զինավառութիւն: Նրանք իրենց հետ քարշ էին տալիս նաև լեռնային հրանոթների մի մարտկոց, որը, սակայն, հրետանավորներ չուներ:

Արաքսից հարավ, Դաշբուրուն գյուղի դաշտում իրար խառնըվեցին Հինգերորդ գնդի հնաբնակներն ու նորեկները, և տեսնելով էր, թե ինչպես իրար գիրկ էին նետվում ծանոթները, ինչպես արագ ու սրտազին մտերմանում էին անծանոթները, ինչպես Ղարաբաղից այդքան հեռու, այդ խուլոր-մուլոր դաշտում հնչում էին զարաբաղյան գյուղերի անունները, հուլովում էին սարերի

ու ձորերի, դաշտերի ու աղբյուրների անունները, և ինչպես դրանից ավելի էին քաղցրանում կորցնելիք Սուրմարին, անկորնչելի, միշտ հայի աչքի առաջ ու սրտի խորքում գտնվող Արարատը, Արաքսը, մա՛յր Արաքսը, որ այդ օրերին վարարել, ելել էր ափերից, պիտի քշեր թշնամուն, սակայն չէր կարողանում:

Գնդապետներ Պողոսբեկ Փիրումյանն ու Գուրգեն Շահնազարյանը, որ հին ծանոթներ էին և երկար զրույցի ու խոսակցության շատ նյութ ունեին իրար համար, լուռ դիտում էին գնդի եռուզեռը: Իսկ հետո Փիրումյանը գնդապետ Գուրգեն Շահնազարյանին տարավ, ծանոթացրեց գնդի սպաների հետ. շտաբսկապիտաններ Վարդան Զաղինյան, Տաճատ Հովակիմյան, Աղասի Հովհաննիսյան, Կարապետ Սարգսյան, պորուչիկներ Միքայել Օհանջանյան, Ալեքսանդր Միրզոյան, պոդպորուչիկներ Նիկողայոս Թոփչյան, Սաքո Նահապետյան, Աղասի Կոռնկյան, Գրիգոր Շիրինյան, Գրիգոր Մարգարյան, Սմբատ Չատինյան, Թևիկ Առաքելյան, Տիգրան Ժամհարյան, Արսեն Սարգսյան, Հովհաննես Հովհաննիսյան, Գառնիկ Հովասափյան...

— Դե՛, այսպես, — ձիգ ու զգաստ սպաներին դիմելով՝ իր ահեղ բասով ասաց Պողոսբեկ Փիրումյանը: — Գնդապետ Գուրգեն Շահնազարյանը, մեր հին բարեկամն ու նոր զինակիցը, առայժմ լինելու է գնդի հրամանատարի տեղակալը: Նա իր կարողություններով արժանի է, որ կովի տանի շատ ավելի մեծ զորամիավորումներ: Սակայն այս է մեր ունեցածը: Մնացածներդ էլ ծանոթացե՛ք և սիրեցե՛ք: Այսքան բան: Ազատ եք: Գնդապետ Շահնազարյանը միայն Փիրումյանին լսելով՝ հարցրեց.

— Բա Երևանում ասում էին՝ գնդում ձերոնցից էլ կան: Ո՞ւր մնացին, պարոն գնդի հրամանատար:

— Մերո՞նք: Ահա՛, է՛, հեռու կանգնած դիտում են, — և ձեռքով արեց, որ մոտենան հեռու կանգնածները: — Մոտեցե՛ք, ծանոթացե՛ք գնդապետի հետ: Պոդպորուչիկ Աբրահամ Կարապետյան՝ քրոջս տղան է, պարոն գնդապետ:

— Այսքան էլ նմանությո՞ւն, — երիտասարդին ոտից զլուխ տնտղելով՝ հիացավ գնդապետ Շահնազարյանը: — Ասած չլինելիք, պիտի մտածելի, որ ձեր տղան է:

— Ասում են՝ տղա զավակը քեռուն է քաշում, — ուրախությամբ արձուպանքեց հրամանատարը: — Բայց իմ տղան, որ հիմա

Ղարաքիլիսայի ճակատում է, իր հորն է նման: Սա էլ մեր Դանիելբեկի տղան է, պողպորուչիկ Միքայել, հասկանալի է, Փիրումյան: Մոտեցի՛ր, ա՛յ տղա, ի՞նչ ես հեռվից-հեռու հետազոտում: Գիտնական է, հա՛, պիտի հայագիտության հսկաների հետ ոտ գցեր, եկել է հայրենիքը փրկելու:

Գնդապետ Շահնազարյանին մոտեցավ 29—30 տարեկան, բարձրահասակ, ամոթխած պողպորուչիկը, որի խնամված բեղերի ու քունքերի մեջ սպիտակ թելիկներ էին երևում, սակայն առնական ու կիրթ դիմագծերով իր տարիքից ջահել էր երեւում: Փոքր-ինչ խոնարհվելով, պողպորուչիկը սեղմեց գնդապետի ձեռքը, ցածրաձայն ասաց.

— Պարոն գնդի հրամանատարը ժամանակից շուտ կոչումներ է շռայլում: Ես միայն զինվորական եմ, պարոն գնդապետ:

— Մեզնից ոչ ոք զինվորական չի ծնվել, սիրելիս,— մտերմորեն նկատեց գնդապետը:— Ոչ էլ ծնվում են, որ հետո՞ դառնան զինվորական: Ռազմական գործը մեզնից յուրաքանչյուրի մեջ մի բան սպանում է:

— Եթե, իհարկե, մեզ չի սպանում,— կատակեց գնդի հրամանատարը:

— Այո՛, այո՛: Իսկ ո՞ւր է ձեր եղբայրը,— Միքայելին դիմելով հարցրեց գնդապետը:

— Նա շարքային զինվոր է, զինվորների մեջ կլինի,— պատանխանեց գնդի հրամանատարը:— Այս տարի մի քանի արով աթճակուրդ էի գնացել Թիֆլիս, ճանապարհին դարանեց, Անիի մոտ օձիքս հավաքեց, թե «Գալիս եմ քեզ հետ, եթե շթողեցիր, նշանակում է՝ սուտ են եղել նախկին բոլոր քարոզներդ»: Հիմա էլ հեռու է շուտ գալիս մեզանից: Ասում է. «Թող շիմանան, որ ազգական ենք»: Կարծես հավաքվել ենք գողության գնալու և ոչ թե թուրքի դեմ կռվելու: Ես էլ ասում եմ. «Թե որ ծուլացար կամ թուլացար, ա՛յ, այն ժամանակ ազգանունդ փոխիր, հիմա ի՞նչ ունիս թաքցնելու»:

— Իսկ ո՞նց է, ազգանունը փոխելու վտանգ կա՞:

— Օ՛,— կարճ բեղ ու մորուքը շոյեց գնդի հրամանատարը:— Նրա նման քսան զինվոր ունենամ, Աշոտ Երկաթի պես թշնամու մի ամբողջ զորաբանակի դեմ կգնամ, և հաշվիր՝ հաղթանակն ապահովված է:— Փիրումյանը հարազատին հիշելիս դարձավ փափուկ ու երազող:— Կան զինվորներ, նույնիսկ լավ կովոդներ,



որոնց անընդհատ պետք է մի բան ասես, կարգադրես: Պատկերացնում եք. ճիշտ է, նրանք միշտ պատրաստ են, բայց սպասում են հրամանի: Սրա նմաններն ուրիշ տեսակ են: Սրանց եթե պետք է կարգադրություններ անել, ապա միայն զսպելու համար թե չէ, մեր թթի արաղի պես բռնկվող են: Իսկ եթե երկար պահեցիր մի տեղ, ինքն իր ամանը կկոտորի:

Մանոթությունն ավարտվել էր: Զինվորներն այս ու այնտեղ փունջ-փունջ, ջոկ-ջոկ ու դասակ-դասակ զրուցում էին կամ հանգրստանում կանաչների վրա պառկած: Ոմանք բավականին հեռացել էին և դաշտում ցրված վարժում էին նորեկ անփորձներին:

Գնդի հրամանատարը կարգադրություններ արեց ավագ հրամանատարներին, սրանք էլ՝ իրենց ենթականերին, և դաշտի վրա մեկեն տարածվեցին մարտական հրամանները՝ «Ջոկա՛տ, շարքի՛-ի՛»: «Դասա՛կ, հավասարվե՛-ե՛լ»... Մի քանի բռնկում գունդըն արդեն շարքի էր կանգնած կանաչ հարթության վրա: Գնդի հրամանատարը շարքերի դիմաց ընդունեց հրամանատարների զեկույցները, կանգնեց մի փոքրիկ բարձրության վրա, ու ըկից երևում էին գնդի բոլոր շարքերը: Լուսթյուն էր դաշտում: Մի քանի բռնկում անաչ այդ մեծ տարածության վրա ճարճատող ու զրնգուն հրամաններից, իրար խառնված աղմկոտ զեկույցներից հռչտ ելած՝ թռել-հեռացել էին թևավոր երգիչները: Ծվ հիմա դաշտի բաց լայնության վրա հայոց զորքի Հինգերորդ գունդն էր կանգնած, որի մեծ մասը կազմում էին ռուսական բանակի շարքերում տարբեր ճակատներում թրժված զինվորներ ու սպաներ: Իսկ նրանք, որ անփորձ էին ու վառողի հոտից պիտի փոշտացնեին, հին գայլերի կողքերին այնպես էին ձգվել, այնպես հանգիստ էին նայում իրենց դեմ արձանացած զորապետին, կարծես նրա հետ հազար հուր ու ջուր էին անցել:

— Հա՛յ քաջեր, հայրենակիցներ,— շարքերի վրա տարածվեց հրամանատարի զրնգուն բասը,— շնորհավո՛ր գնդի համալրումը, շնորհավո՛ր:

— Շնորհավո՛-ո՛-ո՛ր,— միաձայն, խրոխտ արձագանքեց գունդը, և այդ արձագանքը կոտրատվելով գնաց, տարածվեց դաշտի չորս կողմերի վրա:

Բարձունքին արձանացած, կրակոտ հայացքը գնդի վրայով դեպի հայոց կորցրած հեռաստանները՝ հրամանատարը մի պահ

լոեց: Ճարտասան չլինելով՝ նա ուզում էր ոչ թե գեղեցիկ խոսք ասել, այլ արտահայտել այն արտակարգ հուզումը, որ պաշարել էր իրեն, և բառեր էր փնտրում:— Արտասովոր է այս համարումը և ունի մի մեծ խորհուրդ: Մարդիկ, որ Թիֆլիսի բարեկեցությունը թողած՝ գնում էին իրենց ծննդավայրը թուրքի ու մուսավաթի ճիրաններից փրկելու, Սեանի ափից ճանապարհը ծռել, եկել են այստեղ: Եկել են այստեղ, ուր վճռվում է շատ ավելի կարևոր մի խնդիր՝ մեր ազգային հավաքականության լինել-չլինելու խնդիրը: Լինել-չլինելո՞ւ, որովհետև եթե այստեղ, սուրբ էջմիածնի թիկունքում և այս արդար ու հավերժական Արարատի աչքի առաջ մենք հաղթեցինք, ուրեմն ապրելու է մեր ազգը, իսկ եթե, աստված մի՛ արասցե, պարտվեցինք, եթե ի վիճակի չեղանք թուրքին ետ մղելու իր եկած ճանապարհով, ապա դա լինելու է մեր ազգի մահը: Ես ուզում եմ, որ մեր գնդի ամեն մի զինվոր հասկանա այս ճշմարտությունը:

— Հասկանո՞ւմ ենք, պարո՞ն գնդի հրամանատար,— բարձր ու ցածր, բամբ ու քնքույշ ձայներով պատասխանեցին շարքերից:

— Հասկանո՞ւմ եք, շա՛տ բարի: Իսկ պատրա՞ստ եք թշնամուն ցույց տալու մի կոխվ, որ նա տեսած չլինի իր օրում: Մի կոխվ, որ մեր նախնիներն անգամ տված չլինեն: Պատրա՞ստ եք այդպիսի կովի:

— Պատրա՞ստ ենք, պարո՞ն գնդի հրամանատար,— հիմա ամբողջ գունդը գոչեց միահամուռ, միասնական և այնպես հզոր, որ թվաց, թե նրա թափից գետինը ցնցվեց:

— Կեցցե՛ք,— ավելի հուզված գոչեց հրամանատարը և չիմացավ, թե է՛լ ինչ ասի, ձեռքերն առաջ պարզած, շքանշաններով զարդարված կուրծքն առաջ տված բացականչեց.— Ես ձեզ մատա՛ղ:— Այս «մատաղը» հաղորդվեց ամբողջ գնդին, մտավ զինվորներից ու սպաններից յուրաքանչյուրի սիրտը, և գունդը որպես մի տարածուն, հսկա մարմին՝ օրորվեց, ծփաց, իրարով անցավ:— Չեզ մատա՛ղ, վաղը մենք պիտի կովի մրտնենք թուրքի դեմ: Վաղը մենք պետք է կանգնենք ու ասենք՝ «էլ առաջ շարժվելու տեղ չունես, թուրք»: Հասկանո՞ւմ եք:

— Հասկանո՞ւմ ենք, պարո՞ն գնդի հրամանատար:

— Հիշեցեք, որ ազգը միշտ էլ հավատացել է Արցախամուր աշխարհի զինվորին և երբեք չի սխալվել: Վաղը մենք պետք է

նման լինենք մե՛զ, մեր հերոսական աշխարհի՛ն և, եթե կուզեք, պիտի ավելին է՛լ լինենք: Այո՛, մարդս միշտ էլ հնարավորություն ունի լինելու ավելի վեր, ավելի ուժեղ, ավելի քաջ, քան ինքն է առհասարակ: Դուք կլինե՞ք այդպիսին, ձեզ մատա՛ղ:

— Կլինե՛նք, կլինե՛նք, պարո՛ն զնդի հրամանատար, — դարձյալ միահամուռ, որոտաձայն թնդաց գունդը, և զնդապետը լցվեց մի անպարփակելի հավատով, որից սիրտն է ուռչում:

Գնդի հրամանատարը նոր տեղակալին հանձնարարություններ տալով ճանապարհ ղնելուց հետո մենակ էր մնացել և գոհունակությամբ մտածում էր զնդի տրամադրության մասին: Հնաբնականներից յուրաքանչյուրին նա ճանաչում և վստահում էր, ինչպես հարազատ մարդու: Եվ դա ոչ միայն այն պատճառով, որ նրանց մեծ մասի հետ պատերազմական կյանքի անպատմելի դառնություններն ու շնչին ուրախություններն էր կիսել շուրջ վեց տարի, այլ և այն ճակատագրական պահի բերումով, որն ահականգնած է ազգի առաջ, և նրա յուրաքանչյուր մասնիկը ոտքի է ելել՝ հասկանալով, որ այստեղ միայն մահ կա ու հաղթանակ, մա՛հ ու հաղթանա՛կ, և պետք է ընտրել երկուսից մեկը:

Հին զինվորները դա լավ են հասկանում: Իսկ նորեկների հետ առանձին խոսելիս այդպես էլ բացատրեց. «Տղե՛րք ջան, իմ թանկագին հայրենակիցներ, ձեզ մատաղ, ես ուզում եմ, որ դուք լավ հասկանաք և մի վայրկյան իսկ մտներիցդ չզցեք. այս ճակատամարտում մենք երկու ելք ունենք՝ մա՛հ կամ հաղթանա՛կ: Երրորդը չկա՛: Ուրիշ անգամ, ուրիշ տեղերում լինում են նաև ուրիշ ելքեր՝ նահանջ ու փրկություն, զիջում ու դիվանախոսություն: Մեզ համար դրանք բոլորը թիկունքում են մնացել: Հիմա պիտի թուրքին հաղթենք...»: «Այսինքն՝ երկրորդ ելքն էլ բացառվում է, մա՛հը», — կողքից հուշեց նոր տեղակալ զնդապետ Շահնազարյանը, և այդ լրացումը դուր եկավ զնդի հրամանատարին: «Անկասկած, — իսկույն գլխով արեց նա: — Մահը՝ ծայրահե՛ղ դեպքում, որովհետև ռազմադաշտում մահ առնելը գոնե պատվաբեր է»:

Եվ այդ նորեկուկ զինվորներն ու իրենց հրամանատարները լսում էին այնպես ինքնամոռաց, հաճախ էլ խոսքով ու անհողաբաշխ ձայնարկություններով այնպես հասկացնում էին իրենց

անձնագրոհութեան պատրաստակամութիւնը, որ չհաջատալ չէր կարելի, անհնա՛ր էր պարզապես:

Երբ մարդ գիտակցաբար ու կամավոր եկել է պատերազմի դաշտ, և նրա խոսքը, կեցվածքը, անդամ հայացքը՝ ասում են, որ նա պատրաստ է ամենահավորէն ու ամենահերոսականին, չես կարող չհավատալ: Զհավատալը նույնիսկ անմարդկային կէ- նի, անբարոյական: Սակայն Պողոսբեկ Փիրումյանը, Հինգերորդ գնդի հրամանատարն ու ոգին, մի վեցերորդ զգայարանով զգում էր ու ներքուստ էլ համոզված էր, որ հերոսութիւնը սոսկ գի- տակցական գործողութիւն չէ, ուղեղի ու համոզմունքների թե- լադրութեամբ կատարվող այն քայլը, որ փրկում է ինչ-որ բան կամ ստեղծում է փրկելու հնարքը և դրանով իսկ հաստատում մարդու հզոր անհատականութիւնը: Բոլորովին էլ ո՛չ: Հերո- սութեան մեջ կա գերգիտակցական կամ ենթագիտակցական մի բան, որ շատ հաճախ մատչելի կամ հասկանալի չէ սովորական բանականութեանը, իսկ եթե կուզեք, հերոսութիւնն ի՛նչ-որ տեղ գիտակցութեան ու բանականութեան ժխտումն է: Հերոսու- թիւնը հրաշքն է, մարդու խելոք բնազդի ժայթքումը՝ գիտակ- ցականութիւնից վեր, անբանական ու անբնական: Եվ այն եր- բեք չի ենթարկվում գիտակցութեան ու բնականի նորմերին: Գուցե թե մարդու գիտակցութիւնը պարզապես հող է ստեղծում, որպեսզի բնազդական մղումները ժայթքեն ամենատրամաբա- նական, ամենաճշգրիտ ու ամենաօգտակար ձևով:

Հովսեփը՝ Հինգերորդ գնդի ամենակրտսեր Փիրումյանը, իբր թե, պատահաբար դեմ առավ գնդի հրամանատարին, ձգվեց, պատվի առավ և շիկնած վրա տվեց.

— Պարոն գնդի հրամանատար, թույլ տվեք զեկուցել...

Հրամանատարը ժպտաց, մոտեցավ ու ցուցամատով խփեց նրա քթին.

— Դու էլ ի՛նչ ես սալդաթ խաղում:

Պատանին սիրտ առավ և զգուշութեան համար շուրջը նայե- լով ասաց.

— Ամի՛, մեր ամբողջ դասակը լիագորել է, որ գամ զեկու- ցեմ...

— Ո՛ւմ զեկուցես, ի՛նչ զեկուցես,— կատակի տալով հարց- րեց գնդի հրամանատարը:— Քեզ ո՞վ է այդ իրավունքը տվել, որ վեր կենաս գաս, զեկուցես ուղիղ գնդի հրամանատարին:

Վաղն էլ սիրտդ կուզի, որ գնաս, ո՛չ ավել-ո՛չ պակաս, զեկուցես ոազմաճակատի հրամանատարին: Հետո՞ ինչ, որ նա քո հայրն է:

— Դե՛, լավ, է՛, ամի, ինչի՞ եք այդպես ծաղրում: Հազիվ սիրտ եմ առել, եկել,— երեխայի պես տրտնջաց Հովսեփը:

— Դե՛, լավ, որ եկել ես, ասա, տեսնեմ՝ ի՛նչ պիտի զեկուցես:

— Հա՛, ուրեմն ինձ լիազորել են, որ ամբողջ դասակի անունից ձեզ հաղորդեմ, թե մենք էլ ձե՛զ մատաղ ենք, ձեր ցա՛լը տանենք և ձեր ետևից մեզ կնետենք ամեն տեսակ կրակի մեջ:

— Վա՛յ-վա՛յ-վա՛յ,— տոհմակցին գիրկն առնելով՝ ճակատը համբուրեց գնդի հրամանատարը և այս անգամ էլ, հուզմունքը փարատելու համար, դարձյալ կատակեց.— «Ձեր ետևի՛ց»: Ետևվից քո քեռակին Սանամն էլ կնետվի: Կարևորն առջևից նետվելն է:

— Որտեղից էլ ուզեք, կնետվենք, ետևից է՛լ, առջևից է՛լ, կողքերից է՛լ:

— Իսկ չի՞ լինի առանց ինձ...

— Ինչո՞ւ չէ, կլինի՛: Բայց երբ դուք երևում եք, զինվորին թվում է, թե ինքն ամե՛ն ինչ կարող է:

\* \* \*

\*

Երկու օր առաջ Արտո Շահխաթունին ոազմաճակատի բոլոր կարևոր կետերն էր հասցրել Արամ Մանուկյանի հրահանգը ճանապարհների վրա խիստ հսկողութուն սահմանելու մասին: Իսկ Պողոսբեկ Փիրումյանի հետ Մանուկյանն անձամբ էր զրուցել հեռախոսով և բացել էր հրահանգի գաղտնիքը. Երևանի ազգային խորհրդի ու Պետական դումայի վերջին միացյալ ժողովին ներկա են եղել նաև քաղաքի մուսուլմանության ներկայացուցիչները: Չի կարող պատահել, որ նրանք թուրք հրամանատարությանը շահողորդեն այդ ժողովի անձնատվական որոշման մասին: Ուրեմն, պետք է հսկել բոլոր ճանապարհների վրա և լրտեսներին որսալ:

Արդեն երեք հոգի անցել էին գնդապետ Պողոսբեկ Փիրումյանի մաղով: Ոչ մեկը լրտեսի նման չէր: Երկուսը թաթարներ

էին՝ աշխարհի շարութարուց անտեղյակ մարդիկ, որոնց վրա կասկածելն անգամ անհնար էր: Երրորդը հայ էր, որ ճարպիկ մարդ էր երևում առաջին իսկ հայացքից, քննությունից էլ պարզվեց, որ դասալիք է, փախած գնալիս է եղել իր հայրենի Շուշա-վերս:

— Տարեք դասալիքներից կազմված գումարտակը, և եթե մեկ էլ փորձի ճանապարհը ծռել, դատեցեք ըստ ռազմական օրենքի, — քննելուց հետո նրան բերող զինվորին կարգադրեց Փիրումյանը:

Չորրորդը հենց հեռվից գնդապետի վրա թողեց շատ նպաստավոր տպավորություն: Երկու զինվոր նրան բռնել էին Թալինի մոտ, բանուկ ճանապարհից հեռու, դարուփոսերով կուզեկուզ հնալիս: Եվ նրանց բոլոր հարցերին տվել էր խուսափողական մի պատասխան. «Մարդ եմ, էլի՛, ինձ համար գնում եմ»: «Իսկ ո՞ւր ես գնում»: «Ձեզ ի՛նչ, թե ուր եմ գնում, ինձ համար գնում եմ»:

Գրպանից հանել էին մի փոքրիկ ատրճանակ և մի բուռ թուրքական ոսկի: Գրանց մասին որոշակի ոչինչ չսասց: Դարձյալ խուսափողական՝ «Պատերազմ է, հիմա ո՞վ գեներ չունի»: Ոսկու մասին էլ՝ «Տուն-տեղ ծախել եմ, այդքան փող է դարձել»:

Այսքանն իմանալուց հետո գնդապետն իր համար պարզեց, թե հենց դա է, որ կա: Այս մասին մտածելիս էլ նրա աջ այտին նկատեց կեղծ մորուքի պոկված եզրը և, զինվորներին ճանապարհ դնելով, մոտեցավ, պոկեց մորուքը: Տակը մնաց անձի-լած դեմքը, որի վրա միայն կարճ բեղեր կային՝ սև փայլուն որդի պես կպած վերին շրթունքին:

Հիմա արդեն հանգիստ էր, ուրախ, որ վերջապես հայտնվել է: Բայց ի՞նչ պիտի տա: Ժամանակը սուղ է, նրա հազորդելիք տեղեկությունները՝ չափազանց անհրաժեշտ:

— Այդ մորո՞ւքն ինչի էիր կպցրել:

Քննությունը կատարվում էր հրամանատարական վրանում: Վարազույր-դուռը հավաքված էր կողքի վրա: Առավոտվա արևը շեղակի խփում էր մինչև վրանի խորքը, և աչք ծակող լույսի տակ նկատելի էին տարօրինակ հյուրի գեմքի բոլոր շարժումները: Ավելի ճիշտ, պարզ երևում էր, որ դեմքի ոչ մի մկանն էլ չի շարժվում: Ոչ մի փոփոխություն, ոչ մի նշան, որ մատները նրա հոգու խոռվեքը: «Փորձված աղվես է», — մտածեց գնդապետը

և զարմացավ, որ փորձված աղվեսն այսպես հեշտ է թակարդն ընկել:

— Հր՛, պատմի՛ր, տեսնենք:

— Ի՞նչ պատմեմ, պարոն գնդապետ: Ի՞նչ եք ուղում ինձանից՝

— Այդ մորուքն ինչի՞ էիր կպցրել: Այս հարցին չպատասխանեցիր:

— Մորո՞ւքը... Դե՛, մորուք է, էլի՛, տարիքս մեծացնում է:

— Ահա՛, տարիքդ մեծացնում է: Հասկացանք: Որ կոիվ չգնաս, չէ՞:

Մեղավոր ժպտաց.

— Ճիշտ այդպես, պարոն գնդապետ: Դե՛, հիմա մեր ազգի կեսը խուսափում է պատերազմից: Ես էլ մտածում էի... Դե՛ հիմա, որ մեղքս բացվել է, թույլ տվեք՝ ես էլ սանկանում եմ կուլի:

«Սանկանում եմ»: Սա «ցանկանալն» է, և հայ չէ ասողը. մտածեց գնդապետը, դրանից էլ ուրախացավ: Սկզբից հայի նման էր, խոսում էր տանելի հայերեն, և պետք էր ենթադրել, որ հայ մարդն է լրտեսության գնում թուրքերի համար: Կավ է որ հայ չէ, — մի փոքր թեթևացած՝ մտածեց գնդապետը:

— Ի՞նչ ազգից ես:

— Հը՛մ, ինչի՞ եք հարցնում, պարոն գնդապետ, հայ եմ, ի՞նչ ազգիս սխտի լինեմ:

— Այսինքն, լրի՞վ հայ:

— Ինչպե՞ս թե: Ոչ լրիվ հայ է՞լ կլինի, պարոն գնդապետ: Դե՛, տեսնո՞ւմ եք, սաղ-սալամաթ տղամարդ եմ: Միայն այդ մորուքն էի դրել, որ մի քիչ տարիքով երևամ:

Իրոք, որ «սաղ-սալամաթ տղամարդ» էր, մոտավորապես գնդապետի հասակի, գուցե նույնիսկ մի քիչ երկար: Պինգ էլ կառուցվածք ունեք: Գլուխը... ոչ թուրքի էր, ոչ հայի, այլ ~~ան-~~պես՝ ինչ-որ խառնուրդի:

— Ի՞նչ ես քեզ հիմարի տեղ դրել, — ձայնը բարձրացրեց Փիրումյանը, և հարցաքննվողը նրա կրակված աչքերից վախեցավ: — Շավարդ հանի՛ր:

Հիմա նա արդեն վախից կծկվեց: Երևի չէր սպասում, թե հարցն այսքան կբարդանա:

— Հո չե՞ս խլացել: Ասացի՛ շավարդ հանի՛ր:

— Ինչի՞ համար, պարոն գնդապետ, բա ամո՞թ չի ձեր ներկայութեամբ մերկանամ:

— Իմ ներկայութեամբ դու հոգիդ էլ պիտի մերկացնես: Գե՛հա՛, շալվարդ վա՛յր գցիր, — ոգնու պես փշոտվեց գնդապետը: Շալվարն իջեցրեց, ձեռքը տարավ ամոթին:

— Ձե՛ռքդ:

Ձեռքն էլ ետ քաշեց: Եվ ամեն ինչ պարզ էր:

— Իսկ ինչո՞ւ էիր թաքցնում:

— Թաքցնում էի, որ ինձ չսպանեն: Հո ես մեղք չունեմ, որ թուրք եմ, — խեղճացած, դողալով խոսեց նա:

— Իսկ այդ ո՞ր հայն է անմեղ թուրքին սպանում:

Նա փաթաթվեց գնդապետի ոտքերին, երեսը հրկարաճիտ կոշիկներին էր քսում, մզզում էր հորթի պես, լաց էր լինում:

— Խնայի՛ր ինձ, պարոն գնդապետ, ես քո արևի՛ն մեռնեմ, ես քո ոտի տակի փոշի՛ն...

— Ուրի՛ կանգնիր: Քեզ հետ եմ, ոտքի՛:

Նա դեռ երեսն էր քսում, շողոմ-շողոմ մզզում էր: Գնդապետը ձեռքը գցեց նրա թևատակը, բարձրացրեց.

— Ա՛յ, այդպե՛ս — ասաց, — ուղիղ կանգնիր և ուղիղ պատասխանիր հարցերիս: Ուղի՛ղ, միայն ուղի՛ղ:

— Ախա՛ր, ես ի՞նչ պատասխանեմ, — բռունցքներով տրորում էր աչքերը, որոնցից այնպես էլ ոչ մի կաթիլ արցունք չէր գալիս: — Ես ի՞նչ պատասխանեմ, ես մի խեղճ մուսուլման եմ և ոչ մի պատասխան էլ չունեմ:

— Ոչ մի պատասխան չունե՛ս:

— Ոչ, գաղա՛ն ալըմ, գլխովդ շո՛ւտ գամ, պարոն գնդապետ:

— Ես վերջին անգամ եմ զգուշացնում. քեզ հետ մուկ ու կատու խաղալու ժամանակ չունեմ: Եվ պատմիր, թե ո՛ւր ես գնացել, ի՛նչ ես տարել ու ի՛նչ ես բերել:

— Ես ոչինչ էլ չունեմ պատմելու: Գե՛հ, սպանի՛ր, եթե պիտի սպանես դրա համար, — և սկսեց թոսխոտալ, իբր, ներսի ամբողջ արտասուքն սպառվել է, հիմա էլ ահա այդպես ճաք ու պատառ է լինում:

Այն ժամանակ Փիրումյանը նրա բազուկը բռնեց: Ինչպես որ բժիշկն է ստուգում հիվանդի զարկերակը: Բազուկը գցեց մատանի մատի ու միջի մատի արանքը և ստուգեց ոսկորի ամրութիւնը:



— Վա՛յ, նանա՛,— ծղրտաց, գալարվեց թուրքը և գունդուկծիկ դարձավ գնդապետի առաջ:— Մեռա՛, նանա՛, վա՛յ:

— Դու չես մեռնի,— ատամները կրճտացնելով հայտնեց գնդապետը:— Ես թույլ չեմ տա, որ դու մեռնես, այլ այսպե՛ս, ահա այսպե՛ս,— մի քիչ ավելի սեղմեց, և թուրքը ոռնաց.— Ահա՛, այսպե՛ս, զգո՛ւմ ես, հասկանո՞ւմ ես, ահա այսպես քո միջից կհանեմ բոլոր տեղեկությունները: Ես քեզ զգուշացրի, որ ժամանակ չունեմ: Կարծում ես՝ կատա՞կ եմ անում:

Թուրքը թուլացած փովեց գնդապետի ոտքերի առաջ: Ձեռքն ազատ էր արդեն, կարող էր առնել բերանը՝ Բերանն առավ կապտած, թուլացած ձեռքը և մղզաց: Հետո էլ պպեց ու սկսեց օրորվել աջ ու ձախ: Լալիս էր ու օրորվում: Հիմա որ բացվե՛լ էին նրա արտասուքի աղբյուրները:

— Դե՛, խոսի՛ր, ժամանակ չունեմ,— հանգիստ կարգադրեց գնդապետը:

— Վա՛յ, մեռնում եմ, պարոն գնդապետ, թող շունչս տեղը գա: Լա՛վ, է՛, լա՛վ, հիմա՛: Էս բոպեին:

Եվ կկզած էլ սկսեց պատմել:

Սեյֆուլա Աբրաս Օղլի Ասադուլլաևը, այսինքն՝ քննվողը, Երևանի մուսուլմանական կոմիտեի անդամ, անձնապես ծանոթ Հայոց ազգային խորհրդի անդամներին, Երևանի պարետ Արտո Շահխաթունու մտերիմն ու մանկության ընկերը, մայիսի 18-ին ներկա է եղել Ազգային խորհրդի ու Պետական դումայի միացյալ նիստին ու նրա որոշումն է հասցրել թուրքաց հրամանատարությանը:

Գնդապետ Փիրումյանը, վրանի միակ աթոռին նստած, լսում էր Սեյֆուլա Ասադուլլաևի հաղորդումը և համոզված էր, որ դա միայն մակերեսի վրա եղածն է:

— Հետո՞:

— Հետո էլ ի՞նչ, պարոն գնդապետ: Գնացել, հայտնել եմ, հիմա էլ վերադառնում եմ:

— Իսկ ձերո՞նց ինչ ես տանում: Ի՞նչ հանձնարարություն կա: Ցաղուր Շեվքի փաշան այդ հաճելի լուրն առել է ու առանց որևէ հրահանգի քեզ բա՞ց թողել:

— Դե՛, ի՞նչ հրահանգ, ես լուր տանող մարդ եմ:

— Լուր տանողը լուր բերող էլ է լինում:

— Չէ՛, վալլա՛հ, պարոն գնդապետ, այն ոսկիները տվեցին,

Թե՛ շատ ապրես, շատ գոհ ենք, որ այս լուրը հասցրիր՝ Ուրեմս, որ հայերը հանձնվում են, մենք էլ առանց կոտորածի ու արյունահեղության կհասնենք Երևան, ու էդպես էլ գործը կպրծնի՝

— Բայց ես քեզ զգուշացրի, չէ՞, — ցածրաձայն, սակայն կտրուկ խոսեց Փիրումյանը։ — Քեզ ասացի, որ պիտի քաշեմ հանեմ բոլոր տեղեկությունները։ Մինչև վերջինը։ — Եվ վեր կացավ տեղից։

— Վա՛յ, գաղա՛ն ալըմ, էլ չբռնես, պարոն գնդապետ, — հենց պազած ետ-ետ գնալով աղերսեց Սեյֆուլլա Ասադուլլահը, որի աչքերը սարսափից կտրացել էին։ — Ախր ինձ կսպանեն մեռոնք։ Ես ո՞նց կապրեմ սրանից հետո...

Ասադուլլահը պատմեց, որ թուրքերը նոր հարձակման են պատրաստվում։

— 21-ին պիտի առաջ շարժվեն, պարոն գնդապետ։ Վաղը չէ, մյուս օրը։ Նրանք ուզում են այսպես, — կապտած թաթն էլ կացնի պես առաջ տալով ցույց տվեց՝ ինչպե՛ս, — պիտի ճեղքեն էջմիածնի վրա, կտրեն, հասնեն Երևան...

— Իսկ դո՛ւք ինչ պիտի անեք այդ ընթացքում։

— Մեզ էլ հանձնարարում են, որ թիկունքից խփենք։ Իրը թե գյուղերում ու Երևանում կազմակերպված ջոկատներ կան և նրանք պիտի թիկունքից խփեն... Բայց, դե՛, մենք ի՛նչ ջոկատներ ունենք որ, մենք մեր եղբայր հայերի հետ հարյուր տարի ազուհաց ենք կերել, մենք ո՞նց թույլ կտանք այդպիսի նամարդություն։

— Որտե՞ղ են գտնվում այդ ջոկատները և ղեկավարների անունները, — մուսյլ ու մտահոգ պահանջեց գնդապետը։

— Դե՛, իրենք են մտածում, թե ջոկատներ կան, պարոն գնդապետ։ Ո՛ւր են այդպիսի ջոկատներ։ Զկան, վալլա՛հ, աստված վկա, պարոն գնդապետ։

— Բայց մենք պայմանավորվեցինք, որ ուղիղ խոսես և ասես ամեն ինչ։ Ամե՛ն ինչ՝ մինչև վերջ։

Գնդապետը թուղթ ու մատիտ հանեց իր պայուսակից, դրեց դաշտային սեղանի վրա, որ գտնվում էր վրանի անկյունում, և կարգադրեց.

— Մոտեցի՛ր և գրի՛ր, թե որտեղ են այդ ջոկատները և ու՛րքեր են նրանց ղեկավարները։

— Պարոն գնդապետ, գաղա՛ն արմ, խեղճ եմ: Ախար, ինձ թիքա-թիքա կանեն, ջհանդամի բաժին կդառնամ:

— Ոչ ոք ոչինչ չի իմանա: Իսկ այստեղից դու կհեռանաս քո մորուքով և կասես՝ «Ոչինչ չկարողացան պարզել, վասսալա՛մ...»:

Թուրքի դեմքն այլայլվեց: Ձեռքերը բարձրացրեց, սկսեց գլուխը ծեծել:

— Տե՛ղն է ինձ, տե՛ղն է ինձ: Ինձ նման շանը սա դեռ քիչ է: Ծա ի՛նչ գործ ունեի: Է՛, ինչի՞ ես խնայում, պարոն գնդապետ, տուր, սատկացրու, էլի՛, ինչի՞ ես պահում,— լրտեսն այսպես ինքնադատաստան էր անում՝ մերթ-մերթ գլխին զարկելով, մազերը փետելով, ականջները քաշելով: Հետո էլ նամազի համար շոքելու պես ընկավ, սկսեց գլուխը զարկել գետնին:

— Բավակա՛ն է հիստերիկա սարքես, վե՛ր կաց տեղից,— գոռաց գնդապետը և մեկ էլ հասկացավ, որ իր «հիստերիկան» ևս ավելորդ է. չէ՞ որ Սեյֆուլլա Ասադուլլաևի սարքած այս տեսարանը պարզապես վերջին հանձնարարությունը կատարելու նախապատրաստությունն է:— Դե՛, շուտ արա, վեր կաց, գրի՛ր՝ ինչ որ պահանջեցի, և հայդա՛:

Ցուցակն ստանալուն պես գնդապետ Պողոսբեկ Փիրումյանը թուրք լրտեսի առաջ շարտեց կեղծ-մորուքը, որ կպցնի, ապա ներս հրավիրեց իր համհարզին:

— Սրան պահեցեք առանձին:— Լրտեսը վիզը ծուռ նայեց նրան, և ի պատասխան այդ հայացքի՝ գնդապետն ավելացրեց.— Այս թղթի ճշտությունը պիտի ստուգենք...

\* \*  
\*

Ինքնաճակատի հրամանատար Դանիելբեկ Փիրումյանն իր հորեղբորորդու զեկույցը լսեց մեծ բավականությամբ:

— Պողո՛ս տղա, այս թուրքին աստված է ղրկել,— հաճույքով ձեռքերը շփեց, ժպտաց.— Վաղը չէ մյուս օրը նրանք առաջ կշարժվեն: Եվ որովհետև համոզված են, թե մեր զորքը քաշվել է Կոտայքի ու Սևանի բարձունքները, զորաշարժը կլինի պապոնց սուրն զնալու պես: Մենք պետք է օգտվենք այդ հանգամանքից: Մենք պետք է հարվածենք: Այս անգա՛մ կամ երբե՛ք:

— Ծն էլ մտածում եմ, որ այս հարվածից շատ բան կլինի կախված: Թուրքն այդ հարվածն, իհարկե, սպասում է, բայց, բարեբախտաբար ո՛չ այստեղ: Չէր կարող չսպասել որովհետև համոզված է, որ հակառակորդը մահվան շնչում էլ իր մեջ ուժ կգտնի գոնե մեկ հարված հասցնելու համար:

Դանիելը եկը համամիտ էր ազգականի հետ: Իսկապես, մի՞թե թուրքն այնքան հիմար է, որ պիտի կարծի, թե հայ ժողովուրդը մինչև իր մահվան վիճը ետ է քայլելու այսպես խեղճուկրակ, առանց մի փոքր անգամ վրեժխնդիր լինելու այն բոլոր տառապանքների ու գաղանթյունների համար, որ կրել է այսքան տարիների ընթացքում, մանավանդ վերջին այս պատերազմում: Այդ հարվածը կարելի էր հասցնել էրզրումում կամ Երզնկայում, Սարիղամիշում կամ Բիթլիսում... Կարսում՝ անպայման: Իսկ երբ այստեղ էլ չհասցվեց, թուրքն սպասում էր, որ Ալեքսանդրապոլը կդառնա փորձաքար: Թուրքի բախտից Ալեքսանդրապոլը եթե փորձաքար էլ եղավ, ապա միայն ցույց տալու համար, թե ի՛նչ աղետների կարող է ենթարկվել մի ժողովուրդ, որի զուխ են կանգնած ապիկար ղեկավարներ և անարի զորավարներ: Հավանաբար թուրքի միակ վախը մնացել է ժողովրդական պատերազմը Երևանում և Արարատյան երկրի մնացած բնակավայրերում: Չէ՞ որ մտնել մի երկիր՝ դեռ չի նշանակում նրա տերը լինել և նրա բնակչությանը թելադրել նվաճողի անկասեցնելի կամքը: Երկիրը պետք է նվաճել նրա բնակչության՝ մթ հանդերձ: Եվ այդ հաղթանակը դյուրացնելու համար թուրքը ոտքի է հանում Արարատյան երկրի մուսուլման բնակչությանը, որի հարվածներից կաթվածահար պիտի լինի հայութունը, և թուրքի առաջ այլևս գոյություն չպիտի ունենա ոչ մի խոչընդոտ:

— Դանիելը, սիրելիս, չի՞ լինի, որ այս հարվածի իրավունքը վստահես ի՛նձ, իմ գնդի՛ն:

Ռազմաճակատի հրամանատարը մտերմիկ ժպտաց, ինչպես սիրելի զավակի շարաճճիության վրա են ժպտում: Թեև իրենից ընդամենը չորս տարով փոքր, Պողոսը միշտ էլ կրտսերի դերում է եղել նրա ներկայությամբ, կրտսեր եղբոր կամ ավագ որդու: Այդքան հարազատ: Բայց ինչո՞ւ հարազատ շլինեին հորեղբորորդիները: Նրանց աշխարհում տոհմակիցները եղբայրներ էին համարվում և սա՛ այն պատճառով, որ այնտեղ դեռևս կար, սրբություն էր արյան հարազատության շխամբող զգացումը: Եղբայր-

ներից ավագը «մեծ ապա» — «մեծ հայր» էր մյուսների ու նրանց զավակների համար, և մյուսներն էլ ավագի զավակների համար «կուճի ապա» էին, «փոքր հայր»: Ուրեմն, այսպես թե այնպես, հորեղբայրները՝ մեծ թե փոքր, հայր էին բոլոր զավակների համար, և հավասար էին նրանց բոլորի իրավունքները, բացի մեկից՝ խոսքի իրավունքից: Խոսքը մեծի՛նն էր, ավագի՛նը:

\* \*  
\*

Մի շաբաթ էլ չկար, ինչ Ալեքսանդրապոլը թուրքերի նստավայրն էր դարձել, և այդտեղից տարբեր ուղղութիւնների վրա ձգվող ճանապարհներով հայ ժողովրդի վերջին ուժերի դեմ պիտի շարժվեին թուրքական հայաջինջ հեղեղները: Քաղաքում ու նրա մերձակայքում տեղավորված էին Կովկասյան ճակատում գործող թուրքական բանակի հիմնական ուժերը՝ 5-րդ, 9-րդ, 11-րդ ու 36-րդ դիվիզիաները, շուրջ երկու հազար հեծյալներից բաղկացած քրդական մի զորաջոկատ և տեղական մուսուլմանական բնակչութունից կազմված անկանոն բազմաթիվ զորախմբեր:

Թուրքական բանակի հրամանատարութեան ծրագրած արշավանքը, Ալեքսանդրապոլից սկսվելով, պետք է ծավալվեր երեք ուղղութիւններով.

Հինգերորդ դիվիզիան Քարախաչի լեռնանցքով գնում էր դեպի Բորչալու, նպատակ ուներ ոտքի տակ տալ մինչև Թիֆլիս, նվաճել Վրաստանի մայրաքաղաքը, ապա շարժվել Բաքվի վրա:

Տասնմեկերորդը, տեղարնիկ մահմեդականներից հետագայում կազմված խաժամուժի հետ միասին, հարձակման էր անցել Ղարաքիլիսայի ուղղութեամբ, պիտի Դիլիջանով, Քարվանսարայով դուրս գար Ղազախ, անցներ Բաքու:

Երրորդ ճակատն ուղղված էր Երևանի վրա: Այս ուղղութեամբ շարժվում էին 9-րդ և 36-րդ դիվիզիաները՝ քրդական հեծելազորի և դարձյալ տեղական մահմեդականներից հավաքված զորաջոկատների հետ միասին: 9-րդ դիվիզիան խնդիր ուներ Արագած սարը շրջանցելով դուրս գալ Ապարան, այնտեղից զորաջարժով նվաճել Աշտարակը, Եղվարդը և շրջակաները, ապա հարձակվել Երևանի վրա: Նրա կազմի մեջ էին մտնում Դար-

գանելում հռչակված 106-րդ, 107-րդ և 108-րդ հետեակային գնդերը, հրետանային երկու դիվիզիոն, հարվածային հետեակի ու սակրավորների մի գումարտակ, կորպուսային մեկ հեծյալ գունդ և այլ զորամիավորումներ, որոնցից հատուկ առաջադրանքներ ունենին շուրջ 1500 հեծյալից բաղկացած քրդական զորամասը և տեղական մուսուլմաններից հավաքված առանձին անկանոն կազմավորումներ: 36-րդ դիվիզիան գլխավոր ու վճռական հարվածի իրականացնողն էր լինելու Այս ճակատում թուրքերը սրընթաց գրոհով Ալեքսանդրապոլից պիտի անցնեին Սարդարապատ, դուրս գային Արարատյան դաշտը և հաղթական երթով Երևանում միանային 9-րդ դիվիզիային: Երևանի նվաճմանը պիտի հաջորդեր ավերիչ արշավանքը դեպի Սևան, Սյունիք, Ղարաբաղ, Գանձակի կողմերը: Եվ, այսպիսով, հայկական ու հայաբնակ շրջանները նվաճած թուրքական զորքերը, մուսավաթական բանակի հետ միասին, Գանձակից շարժվելու էին Բաքվի վրա:

Ալեքսանդրապոլից մինչև Բաքու՝ ավերված Հայաստանի և հայության դիակների վրայով:

Ղարաբաղի սայի գծի վրա նազարբեկովի ընդհանուր ղեկավարութայամբ պաշտպանութայան անցած հայկական զորամասը համալրվել էր զորավար Անդրանիկի ջոկատով, որն ուներ շուրջ 3500 ընտիր զինվորներ: Այնտեղ էին նաև Բեկ Մամիկոնյանի ու գեներալ Արեշևի ղեկավարած զորամիավորումները:

Ենթադրվում էր, որ Ապարանի վրա շարժվող 9-րդ դիվիզիայի ու տեղական մահմեդական խաժամուժի դեմ մղվելիք ճակատամարտը ղեկավարելու էր Գրաստամատ Կանայանը, որի տրամադրութայան տակ դրվեցին գնդապետ Գուլուխանյանի 6-րդ հրաձգային գունդը, փոխգնդապետ Կորոլկովի պարտիզանական հեծյալ գունդը, փոխգնդապետ Սիլինի սահմանապահ գումարտակը և Հայկական երկրորդ հեծյալ գունդը, որն Ալեքսանդրապոլի անփառունակ անկումից հետո գնդապետ Զալինյանի ղեկավարութայամբ արագորեն վերակազմվեց Եղվարդի դաշտում և անմիջապես բարձրացավ Ապարան՝ թշնամու առաջընթացը կասեցնելու:

Ալեքսանդրապոլից արշավանքի ելած թուրքական զորամասերի հիմնական հարվածն ուղղված էր Սարդարապատ-Վաղարշապատ-Երևան գծի վրա: Այստեղ էր գործում թշնամու հռչակա-

վոր Գալիպոլու կամ Դարդանելյան դիվիզիան՝ իր 36 թվահամարով\*:

Նրա թևերով առաջ էին շարժվում քուրդ վարձկանների հեծելազորը և կողոպուտի ծարավի զանազան ավազակախմբեր: Մարտական կարևոր առաջադրանքներ էին իրականացնելու տեղական այլևայլ անկանոն զորախմբերը, որոնց մի մասը դիվիզիայի պոչն էր դարձել Կարսի շրջանից, իսկ մյուս մասը, հայերից գաղտնի, կազմակերպված էր Արարատյան նահանգի գյուղերում և արդեն հրահանգ պիտի ստանար թիկունքից արնաքամ անող հարվածներ հասցնելու հայոց զորքերին: Այս հրահանգը, ինչպես հայտնի է, կուլ էր գնացել Պողոսբեկ Փիրումյանի զնդի հետախուզությանը: Սակայն զորախմբերն իրենք, ուրիշ աղբյուրներից տեղեկություններ ունենալով ռազմաճակատի վիճակի մասին, զինված էին, կազմ ու պատրաստ և սպասում էին իրենց ժամին:

Սարդարապատ-Վաղարշապատ-Երևան դժի համար, իբրև օժանդակ ուժ, կանգնած էին նաև թուրքական ուրիշ զորամիավորումներ, որոնց շարքում առանձնահատուկ պատասխանատու խնդիր պիտի կատարեին 6-րդ և 12-րդ հետևակային դիվիզիաները՝ սիոված Արաքս գետի աջ ափի երկարությամբ, Կողբի ու Իգդիրի կողմերում: Սրանք ևս հրամանի էին սպասում, որպեսզի Արաբսն անցնեն և, հեղեղելով Արարատյան դաշտը, ավերեն բոլոր բնակավայրերը, կոտորեն տեղացիներին ու արևմտահայկական նախճիրից փրկված գաղթական խլյակներին: Թուրքական հրամանատարությունը սովորաբար հետևակային զորքերով էր լուծում հայկական շրջանները հայաթափ անելու գործը, և այս տեսակետից 6-րդ ու 12-րդ դիվիզիաները բավականին փորձ ունեին:

Կովկասյան ռազմաճակատի թուրքական բանակի հրամանատարը, ինչպես ասվել է արդեն, Ֆերիկ Վեհիբն էր, Գերմանիայում ռազմական կրթություն ստացած և դիվանագիտական հարաբերություններում բավական փորձված մի գործիչ, որը լավ գիտեք

\* Թուրքական 36-րդ դիվիզիան Գալիպոլու (Գելիբոլու) կամ Դարդանելյան էր կոչվում, որովհետև նշանավորվել էր Դարդանելի համար Գալիպոլու թերակղզում մղված մարտերում, և այն Կովկասյան ճակատ էր ուղարկվել հաղթանակը շուտափույթ ապահովելու համար:

հայկական կյանքը և ժամանակի հայ գործիչներից շատերի անձնական ծանոթն էր: Երբ դեռ Ֆերիկ-մարշալ չէր, և 1908-ի հեղաշրջումից հետո երիտասարդ թուրքերի իր կուսակցությունը թուրքական կյանքի վերակառուցման առաջին քայլերն էր կատարում, նա եղավ Սասունում, Բիթլիսում, Վանում ու Շատախում, հանդիպեց հայկական շրջանների հետ, եղբայրության ու համագործակցության հավաստիացումներ տվեց նրանց, միաժամանակ, հենց նրանց աչքերի առաջ, գոյություն ունեցող քրդական զորամիավորումներին հովանավորեց իր կուսակցության անունից, երբ որ պարզից էլ պարզ էր, որ այդ զորամիավորումները սուլթան Համիդի նախաձեռնությամբ էին ստեղծվել՝ ուլած ժամին հայերի վրա քշելու համար: Իզուր չէր, որ քրդական այդ հեծելազորը «համիդիե» էր կոչվում սուլթան Համիդի անունով:

1915-ի հայկական ջարդերի ժամանակ էլ ձեռքերը ծալած չէր եղել Վեհիբը: 1917-ի վերջում Կովկասյան բանակի հրամանատար նշանակվելով՝ նա իր կուսակիցների հակահայկական ծրագրի իրականացումն ավարտին հասցնելու մեծ հեռանկար ստացավ: Եվ այդ հեռանկարը շոշափելի իրականություն դարձնելու համար գաղտնի ու բացահայտ ճանապարհներով իր ծրագրերին լծեց Ադրբեջանի մուսավաթական կառավարության անդամներին: Հետագայում նա հրապարակորեն խոստովանել է, որ առանց Բաքվի մուսավաթականների եռանդուն աջակցության դժվար թե իրենց հաջողվեր հայերին ու վրացիներին անջատել իրարից և Կովկասյան ճակատը թողնել միայն հայերի ուսերին:

Ինչ էլ որ լիներ ֆերիկ Վեհիբ փաշան ճարպիկ զորավար էր, կարողանում էր օգտվել անդրկովկասցիների տարաձայնություններից և ռազմական ու դիվանագիտական գործեր վարելու անճարակությունից: Այդ նա էր, որ պարբերաբար զինադադար էր կնքում և, հակառակորդին չկովելու տրամադրելով, հարձակվում, առաջ շարժվում այնքան, որքան պետք էր իրեն՝ մինչև հաջորդ հարձակման նախապատրաստությունը:

Դեպի Երևան շարժվող Դարդանելյան (36-րդ) դիվիզիայի հրամանատարը գնդապետ Քյազիմ բեյն էր, որից վեր Յազուբ Շեքի փաշան էր՝ զորամասի հրամանատար, դարձյալ հայկական շրջաններին ծանոթ, Տասնհինգի արյունարբուներից մեկը: Ամեն անգամ Բաթումից ռազմաճակատ այցելող ֆերիկ Վեհիբին հավատացնում էր, թե հեռու չէ այն օրը, երբ էջմիածինն ու Երե-



վանք արշալան մեջ խեղդու՞մ իրենք ճանապարհ կընցեն դեպի Բաքու: Ի՞նչ էր մնացել մինչև Երևան. իրենք Ալեքսանդրապոլսե ետև էին թողել և հույս ունեին շքերթով, առանց զորքի ու զենքի որևէ կորստի, Արարատյան երկիրն առնել:

Իսկ ի՞նչ կար Յաղուբ Շեքի փաշայի բանակի դեմ: Հայկական կորպուսն ի՞նչ էր հանել այդ սև ուժին դիմադրելու համար:

Գնենրալ Մովսես Սիլիկյանի հրամանատարութեան տակ գտնվող Երևանյան ճակատը, ցուցակների համաձայն, հսկայական ուժերով պիտի կռվեր ու հաղթեր թշնամուն: Նրա տրամադրութեան տակ բրիգադներ կային, դիվիզիա, հեծյալ ու հետիոտն բազմաթիվ զնդեր... Սակայն՝ լոկ ցուցակների համաձայն, այսինքն՝ անվա՛մբ: Բրիգադը սովորաբար մի քանի զնդից բաղկացած զորամիավորումն էր: Մինչդեռ Երևանյան ամեն բրիգադում 100—150 մարդ էլ չէր մնացել: Գնդերից յուրաքանչյուրը հալչելով մի քանի տասնյակ զինվոր ունեցող ջոկատ էր դարձել: Համալրումներ պիտի կատարվեին, զորաջոկատները պիտի վերակազմվեին ու վերադասավորվեին: Սակայն դրա համար ոչ լրացուցիչ ուժ էր մնացել, ոչ էլ, մանավանդ, տրամադրություն ու եռանդ: Քանի որ Թիֆլիսից ազգային պարագլուխները, նահանջի իր ճանապարհի տարբեր կետերից էլ Հայոց սպարապետ Թոմաս Նազարբեկովը բուլոբին հորդորում էին զինադադար կնքել, հանձնվել թուրքերին:

Եվ, աշուճահանդերձ, Հայկական կորպուսի Երևանյան զորամասի տրամադրութեան տակ էին գտնվում հետևյալ միավորումները. հրաձգային 2-րդ դիվիզիայի 5-րդ ու 6-րդ զնդերը, որոնցից առաջինի հրամանատարն էր Պողոսբեկ Փիրումյանը, երկրորդինը՝ Դանիելբեկ Փիրումյանը, զնդապետ Բաղդասարովի 3-րդ հետևակային բրիգադը, Պարտիզանական ու Զեյթունյան հեծյալ և հետևակային զնդերը, զնդապետ Պերեկրյոստովի, փոխզնդապետ Սիլիսի, փոխզնդապետ Կորովովի խմբերը, զնդապետ Արարատյանի ղեկավարած հրետանային շորս մարտկոց: Եղել էին, իհարկե, ուրիշ զորամիավորումներ ևս, որոնք փոխադրվել էին Ղարաքիլիսայի ճակատը, որովհետև, իբր, այնտեղ դրությունը ծանրացել էր անսպասելիորեն, և, ահա, Երևանյան ճակատը կարող էր գլուխ պահել մնացածով, որ ճշգրիտ հաշիվներով անում էր շորս հազար զինվոր: Չորս հազար զինվոր՝ թուրքերի Դարգանելյան դիվիզիայի, մի քանի հազարանոց ավերիչ խա-

ժամերով և Իգդիրում ու Սուրմարիում իրենց ժամին սպասող 5-րդ և 12-րդ դիվիզիաների դեմ:

Մայիսի 20-ի երեկոյան, երբ Միլիկյանի հրամանով Սուրմարիից ետ քաշված 5-րդ և 6-րդ հայկական հետևակային գրնդերը դեռևս գտնվում էին Արաքսի ափին, երկաթգծից հարավ և դեռ չէին էլ բռնել այն դիրքերը, որ գրավելու էին՝ թշնամու դեմն առնելու համար, թուրքերն Ալեքսանդրապոլի կողմից մտան Արարատյան դաշտը և, ինչպես կանխատեսել էին, հաղթական շքերթով, առանց լուրջ դիմադրութեան հանդիպելու, տիրացան Արաքս կայարանին:

Այդ օրերին տեղի ունեցած մարտերի մասնակից Հովհաննես Բաղրամյանը, հետագայում Սովետական Միութեան մարշալ և Սովետական Միութեան կրկնակի հերոս, իր հուշերի գրքում ամենայն մանրամասնութեամբ պատմում է Արագած կայարանի, ապա նաև Սարդարապատ գյուղի ու կայարանի գրավումը թուրքերի կողմից: Ըստ նրա ունեցած տեղեկութունների՝ Այսուրյան գետակի ձախափնյա Ղազարապատ գյուղից մինչև Արագած երկաթուղային կայարանը ձգված ճակատի գծի վրա պաշտպանութիւնն իրականացնում էր Արագածյան կամ Ալագյուղյան կողմած գունդը, որի կազմի մեջ էին մտնում Հայկական հետեւակային 1-ին և 2-րդ բրիգադները և Հայկական 1-ին առանձին հեծյալ գունդը, երեքը միասին՝ շուրջ 700 զինվոր ու սպա: Այս ջոկատի վրա էր դրված նաև երկաթգծի մոտերքից դեպի հյուսիս շարժվող հոծ գաղթականութեան ապահով տեղափոխութեան խընդիրը: «Բոլոր ճանապարհները բառացիորեն լեփ-լեցուն էին մարդկանցով, սայլերով ու անասուններով: Քրդական հեծյալ ջոկատների հարձակումների պատճառով բազմիցս խուճապի մատնւմեցին գաղթականները: Խուճապի ժամանակ նրանք հաճախ ձգում էին ունեցած-չունեցածը, որպեսզի զավակներին ու իրենց փրկեն սպառնացող վտանգից», — պատմում է անվանի զորահրամանատարը, որն այն ժամանակ կորնետի\* աստիճանով ծառայելիս է եղել Հայկական առաջին հեծյալ գնդում, բանակային ավագ Զոլոտարյովի հրամանատարութեան ներքո:

Այսպես, ուրեմն, Արագածյան ջոկատը չի կարողանում թըշնամուն լուրջ դիմադրութիւն ցույց տալ, և Շեքի փաշայի զորքի

\* Կորնետ — սպայական առաջին աստիճանը հեծելազորում:

առաջապահները մայիսի 20-ի երեկոյան գրավում են Արագած կայարանը:

Այս ժամանակ Ձուլտարյովը տեղակայված է լինում Գեչիրլու գյուղում և մայիսի 21-ի կեսօրին, ճշտված տեղեկութուններ չունենալով թուրքերի առաջխաղացման մասին, իր մոտ է կանչում կորնետ Բաղրամյանին, կարգադրում «հինգ ձիավորից բաղկացած հեծյալ պարեկի գլուխն անցնել, անմիջապես քառարշավ երթով դուրս գալ՝ Սարգարապատի արևմտյան ծայրամասը և պարզել, թե թուրքերն այդ բնակավայրի ուղղությամբ ինչպիսի ուժերով են ծավալել հարձակումը, միաժամանակ ճշտել, թե Հայկական 1-ին հետևակային բրիգադն ինչպիսի ուժերով է պաշտպանում հիշյալ գյուղը»: Այս առաջադրանքը կատարելուց հետո Բաղրամյանը շուտափույթ պիտի վերադառնար Գեչիրլու և զեկուցեք հետախուզության արդյունքների մասին:

Պատանի կորնետը, հինգ հաջողակ հեծյալների գլուխն անցած, հասնում է Սարգարապատ գյուղի արևելյան թաղը, որից կենտրոնական փողոցն է ձգվում դեպի արևմտյան թաղամասը: Հենց այստեղից էլ հետախուզիչների առաջ բացվում է հետաքրքիր տեսարան. դիմացից ընդառաջ էին գալիս «ռուսական բանակի ռազմական համազգեստով ու հանդերձանքով, հրացանները թեքությամբ դեպի առաջ բռնած, մոտ քսան զինվոր»:

Իրար տեսնելով՝ հանկարծակիի եկան ու կանգ առան ինչպես քսան զինվորները, այնպես էլ Բաղրամյանի հետախուզիչները:

Դիմացից եկողներն, իհարկե, թուրքեր էին, որ հագել էին Արևմտյան Հայաստանի քաղաքներում ռուսական ռազմական պահեստներից կողոպտած զգեստները: Բայց հայ հետախուզիչներն ինչպե՞ս իմանային, թե նրանք թուրք են և ոչ թե ռուսական բանակի զինվորներ, մանավանդ որ դեռևս չհերքված տրվյալներով գյուղի արևմտյան թաղամասը պիտի պաշտպանեին հայկական զորամասի ստորաբաժանումները: Իսկ թուրքե՞րն ինչպես պարզեին՝ դիմացից իրենց պես ռուսավարի «կահավորված» թուրքե՞ր են, թե՞ իսկապես ռուս զինվորներ: Առաջինը Բաղրամյանն է ջանում դիմացից եկող «յուրայիններին» հասկացնել, որ իրենք հայեր են: Ասում է. այն ժամանակ «ես ամբողջ ուժով ու ամբողջ ձայնով սկսեցի հայերեն նրանց հավաստիացնել, որ մենք յուրայիններ ենք, հայեր ենք»:

Երևի թուրքերն արդեն հասկացել էին ամեն ինչ. ձեռքներն

էին թափահարում՝ հասկացնելով, որ նրանք ավելի առաջ գնան: Այն ժամանակ Բաղրամյանը, դիմացիներին ավելի միամտացնելու համար, իսկույն վայր է իջնում ձիուց և խաչակնքում: Թուրքերը դրան պատասխանում են հրացանային մի համազարկով, որը, բարեբախտաբար, ոչ մի վնաս չի տալիս, որովհետև, նախ, նրանք իրարից բավականին հեռու էին գտնվում, ապա և հանկարծակիի եկած կրակողները դեռ լրիվ չէին զգաստացել արտասովոր պատահարից:

Բաղրամյանի զինվորները ձիերով, իսկ ինքը՝ ձին թողած-վազելով, հասնում են Գեչիրլու և զեկուցում, որ Սարդարապատում թուրքերն են տիրություն անում:

Սարդարապատի գրավման բռթն ավելի շուտ հասել էր Դանիելքեկ Փիրումյանին, որն այն ժամանակ թուրքիկ խորհրդակցության էր նստել Հինգերորդ գնդի հրամանատար, գնդապետ Պողոսբեկ Փիրումյանի հետ:

Պողոսբեկն առաջիններից մեկն էր շնորհավորել տոհմակցի վճռականությունը: Նա միշտ էլ դժգոհ էր եղել Հայկական կորպուսի ու Երևանյան ռազմաճակատի վերին հրամանատարության տարտամ քայլերից, իսկ վերջին օրերին, տեղյակ լինելով նրանց անձնատվական քաղաքականությանը, անվերջ մտածում էր այն մասին, թե ինչպիսի՞ աղետ պիտի գա ազգի գլխին, եթե երկրի այս վերջին տարածքն էլ հանձնվի թուրքի ձեռքը: Դանիելքեկի որոշման մասին երկու օր առաջ իրեն հաղորդեց Սիլիկյանը՝ դրությունն այնպես ներկայացնելով, թե այդ որոշումն ակնհայտ նշան է ծայրահեղ հուսահատության:

— Ամեն մարդ ազատ է իր գլուխը մահու տալու, — ասաց նա: — Բայց բանակն ու նրա թիկունքում կանգնած ժողովրդի վերջին մնացորդը դեպի կործանում առաջնորդել... Ի՞նչ ասեմ... դա խելքիս չի նստում: Երևի մտածում է՝ или пан, или пропал: Երկու դեպքում էլ պատվաբեր է. մի դեպքում՝ հերոսի փառք, մյուսում՝ նահատակի անուն: Սակայն չէ՞ որ երկրորդը բացավում է հենց միայն այն պատճառով, որ ապրողներն են բարձրացնում նահատակության հարգը, մինչդեռ պարտության դեպքում ապրողներ, այսինքն՝ ծափահարողներ չե՞ն լինելու:

Պողոսբեկը ջղայնությունից գուցե տվեց, գուցե առավ, սակայն զսպեց իրեն, միայն ասաց.

— Գոնե չվարկաբեկեիք... Թե չէ, առնվազն անհարմար է:

Եվ թողեց, հեռացավ՝ շտապելով անմիջապես գտնել Դանիել-բեկին: Անսխալ գուշակում էր, որ այդ պահին նա էլ իրեն է փնտրում:

Հինգերորդ գնդի գումարտակները, նախորդ օրվա երեկոյան Արաքսն անցնելով, տեղավորվել էին տարբեր վայրերում: Երկրորդ ու երրորդ գումարտակները էջմիածնից հարավ-արևմուտք էին հասել, գտնվում էին Քյորֆուլու և Հայի Զեյվա գյուղերի տարածքում, իսկ առաջինը և նորա՝ ազմ չորրորդը դեռևս երկաթ-գծից հարավ էին, Մարգարա գյուղի շրջակայքում:

— Պո՛ղ, ախպե՛րս, իմացի՛ր, որ հուլյսս դու ես, — անկեղծորեն խոստովանեց Դանիելյրեկը, և Պողոսբեկը նրա ձայնում, մանավանդ այդ «Պողի» մեջ մի այնպիսի ջերմություն զգաց, որ անհարմար շիհներ, կզրկեր, կհամբուրեր ճակատը:

«Պող» իրենց բարբառում նշանակում է վառվող ածուխ: Մանուկ Պողոսբեկին այդպես էին կոչում հարազատները, և դա շատ էր սազում, որովհետև նա ածխի պես թուխ էր, կրակոտ ու դյուրաբորբոք: Եվ հիմա այդ վաղնջական փաղաքջականն ընդունեց իբրև հարազատի անվերապահ հավատի ու հավատարմության կանչ, որ այս անգամ ակամա հնչեց, երբ երկուսն էլ սովորաբար պահում էին հոգու խոր-խորերում:

— Մի՛թե երբևէ կկասկածես, — շնչաց Պողոսբեկը: — Ես հավատում եմ իմ բոլոր ղինվորներին, նորեկներին ևս: Ամեն օր նրանցից յոթ քրտինք եմ հանում: Գնդապետ Շահնազարյանն էլ արժանի է իր ազգանվանը...

Դանիելբեկը որոշել էր առաջին մարտին դուրս գալ փոքրաքանակ ուժով և երբ պատճառաբանեց, տոհմակիցը մի ավելորդ անգամ ևս համոզվեց նրա ռազմավարական հմտության մեջ: Հիմա թուրքերը, ինչպես իրենք են թմբկահարում, առաջ են շարժվում շքերթային քայլքով և շեն սպասում ոչ մի դիմադրության: Փոքրիկ, բայց ընտիր մի ուժով կարելի է հանկարծակի հակահարձակում ձեռնարկել, կանգնեցնել, նույնիսկ ետ շարտել: Միաժամանակ պետք է ամբողջ ճակատը պատրաստել հաջորդ ու ամենավճռական հարվածին: Մեր առաջին հաջողության ու թուրքերի առաջին անհաջողության հանգամանքները քննելիս մեր զորքը հիմք պիտի ունենա մտածելու, որ ինքն անպայման կհաղթի. չէ՞ որ մի փոքրաքանակ զորամասով մենք շարդեցինք թըշ-

և ամու առաջապահը: Իսկ թուրքերը, ընդհակառակը, պիտի մտածեն, թե մենք, որ ջարդ կերանք սրանց մի բուռ զորքից, ո՞նց պիտի դիմանանք ամբողջ բանակին:

— Եվ, այսուամենայնիվ, մենք ճակատի մոտակայքում պատրաստ կունենանք պահեստային ուժեր, — ասաց Դանիելբեկը: — Ի՞նչ իմանաս, գուցե թուրքերն ավելի ուժեղ ու զգաստ են, քան մենք ենք պատկերացնում:

— Այդ ամենը ճիշտ է, — նկատեց Պողոսբեկը: — Եվ ես կարծում եմ, որ առաջին մարտին դուրս կգանք իմ երկու կամ երեք գումարտակով: Միայն թե աջից ու ձախից մեզ աջակցի հրետանին:

Դանիելբեկն այդ մասին էլ էր մտածել և նախօրոք կարդադրել էր, որպեսզի կազմ ու պատրաստ լինեն հրետանու կապիտաններ Սակելյարիի ու Սերգո Աթանեսյանի մարտկոցները:

Փիրումյանները մարտի մնացած մանրամասներն էին ճշգրտում, երբ համհարզն անհամարձակ ներս մտավ և զեկուցեց, որ եկել են եպիսկոպոսներ Գարեգին Հովսեփյանն ու Զավեն Բաբայանը և հանդիպում են խնդրում:

— Գարեգին Հովսեփյանն ինչո՞ւ է խնդրում, — ոտքի կանգնելով՝ ասաց Դանիելբեկը: — Անմիջապես նե՛րս հրավիրիր:

Դրսից երեկ լսելի էր այս խոսքը, առանց սպասելու համհարզի հրավերին, աշխույժով, արագաքայլ ներս մտավ փոքրամարմին սրբազանը, ետևից էլ՝ մարմնապարարտ ու հաղթանդամ Զավեն եպիսկոպոս Բաբայանը, որին երկու Փիրումյաններն էլ ճանաչում էին դեռևս էրզրումից, ուր նա վերջին մի քանի տարին վարել էր թեմի առաջնորդությունը:

Գարեգին սրբազանը, ողջույնի փոխարեն, խաչ հանեց երեսին, ապա նայելով սեղանի վրա փոված քարտեզին, որի կենտրոնում կարմիր ու կապույտ սլաքներն իրար դեմ էին խոյանում, ասաց.

— Երևում է՝ առաջիկա մարտն էիք ծրագրում: — Դանիելբեկը գլխով արեց: — Աստված օգնական: Թող ամենակարողն ապավեն կանգնի մեր սրբազան դատին: Հայոց հողն այլևս տեղ չունի նահանջի: — Եվ աչ ու ձախ նայելուց տեսնելով, որ ոչ ոք իրենց չի խանդարում, աշխատեց ժամանակ չկորցնել, դիմեց Փիրումյանին. — Հուսամ՝ ճանաչում եք Զավեն եպիսկոպոսին:

— Իհարկե, ճանաչում ենք: Էրզրումում նրա ժողովրդահաճ

գործերի մասին լսելով հպարտանում էի,— պատասխանեց Դանիելը:

Իսկ Պողոսեկը հին ծանոթի պես մոտեցավ, գրկեց եպիսկոպոսի ուսը, ժպտացին իրար:

— Հին, բարի ժամանակներում, երբ մենք թագավորութուն ունեինք և հայրենի նախարարներն էին իրենց զորքերն առաջնորդում ի պատերազմ, մեր յուրաքանչյուր աշխարհ կամ նահանգ իր զորքն ուներ՝ մեծ կամ փոքր, իր այրուձին, նիզակավորների, սակրավորների իր գնդերը: Նահանգի զորքի գլուխ կանգնած էր լինում գահերեց տերն այդ նահանգի, իսկ գնդերը նրա կրտսեր տոհմակիցներն էին վարում՝ սեպուհները:— Այսպես հեռվից սկսելով Գարեգին սրբազանը հասավ ամենակարեւորին.— Հիմա Հայոց տասնհինգ աշխարհներից հավաքվել է փոքրաքանակ մի զորաշար, որն իր վրա պիտի տանի այս սրբազան պատերազմի ծանրութունը: Այստեղ է նաև մեր Արցախական աշխարհը: Փոքր է նրա գունդը: Բայց դա հայրենանվեր ու քաջ զինվորների գունդ է, որին առաջնորդում են Ասրիբեկյան-Փիրումյան փառավոր տոհմի պայազատները:— Դանիելին ու Պողոսեկը նայեցին իրար, չգիտեին, թե պերճախոս սրբազանը դեպի ուր է տանում խոսքը:— Մեր հայրենի գունդը գնում է մի պատերազմի, որից չկա նահանջ, կա մահ կամ հաղթանակ: Ուրեմն, դա ազգի ու հայրենիքի վերին կամքով մահվան դատապարտվածների գունդ է, մահապարտների գունդ...

— Լավ անուն է,— անմիջապես արձագանքեց ճակատի հրամանատարը:— Թող գունդն իր այդ անունը վրայից ջնջի հաղթական պատերազմով:

\* \* \*

\*

Մի ժամ հետո Հայկական հինգերորդ հետևակային գունդը մարտական կարգով, գումարտակ առ գումարտակ, վաշտ-վաշտ, սվեյլի փոքր միավորներով կանգնած էր վաղարշապատի դաշտում: Թիկունքում էջմիածինն էր, Հայոց երկրի ու հայոց հավաստի մեծագույն սրբաբանը: Այնտեղ, մայիսյան ետկեսօրյա պրսպրդուն երկինք միտված գմբեթներով երևում էին Մայր տաճարը, Գայանեի ու Հռիփսիմեի վանքերը: Թիկունքում նրանք

էին, որ հայ զինվորները հայացքներին դեմ առնելով՝ պատճառում էին սրբազան, անբացատրելի սարսուռ: Գնդի հայացքի դեմ Արարատն էր, Հայոց երկրի, Հայոց սուրբ տան գմբեթը, ամենավեհն ու ամենափառահեր: Մաքուր օդը, մայր մտնող արևի սփռած ծիրանագուլչն մուծը և տրամադիր սրտերն այնպես մոտեցրել էին լեռը, որ կարելի էր շշուկով էլ խոսել հետը: Հավանաբար, կազմակերպիչների մտքում եղել էր այս տեսարանը. գնդի զրոշը կանգնեցրել էին մի բլրակի վրա, և գնդի շարքերից այնպես էր երևում, թե այն ծածանվում է Արարատի գագաթին:

Գնդի հրամանատար Պողոսբեկ Փիրումյանը, կանգնած հուզումնածուփ շարքերի առաջ, պողպատաձայն գոչեց.

— Հայկական Հինգերորդ հետևակային գունդ, զգա՛ւա՛ւա՛ստ,— և գետինը դողացնելով գնաց դեպի ճակատի հրամանատարը: Նա առաջին անգամ պիտի զեկուցեր տոհմակցին՝ իբրև իր պետին, և մոտեցավ, անսովոր ուրախությունից փոքր-ինչ դողացող ձայնով զեկուցեց.

— Ռազմաճակատի պարոն հրամանատար, պատիվ ունեմ զեկուցելու, որ Հայկական հետևակային Հինգերորդ գունդը պատրաստ է ձեր հրամանին:

Գանիելբեկը սիրահարվածի պես դիտում էր գնդի հաղթահասակ, ամրակուռ հրամանատարի շարժումները, կեցվածքը, լսում էր զնգուն ու երգեցիկ ձայնը և մտածում, թե ինչպե՞ս ամեն ինչ կատարյալ է իր հարազատի մեջ:

Եվ այս մտորումի պատճառով պատասխանն ուշացնում էր: Ճակատի հրամանատարը հանկարծ ուշքի եկավ և, առաջին պահասելիքը մոռացած, գոչեց.

— Ողջո՛ւյն Հայկական Հինգերորդ հետևակային գնդի զինվորներին ու սպաներին:

— Ողջո՛ւ-ո՛ւյն,— ի պատասխան որոտաց գունդը:— Ո՛ղջո՛ւ-ո՛ւյն:— Իսկ մի երկվայրկյան հետո.— Ո՛ւո-ուա՛ մեր ճակատի հրամանատարին, ո՛ւո-ուա՛:

Գարեգին եպիսկոպոսի ականջները կանչեցին: Զավեն Բաբայանը ծանրամարմին մոտեցավ նրան, ականջին շնչաց.

— Ի՛նչ քաջ տղերք կան այս Հինգերորդ գնդում: Սրբածթրեր են, հա՛:

— Թշնամու աչքը դուրս գա,— արձագանքեց սրբազանը՝ մյուս ականջը ռազմաճակատի հրամանատարի ձայնին:



Գանհելբեկ Փիրումյանը բլրակի վրա կանգնած՝ խոսում էր ազգաճակատի դրուժյան և հայկական զորքի խնդրի մասին։ Նա այդպես էլ ասաց։

— Հայկական զորքի խնդիրը, որ մեկն է, միս-մինակ, սուրբ ու անկասելի. մենք պետք է հաղթենք։ Մենք պետք է հաղթենք մեր թշնամուն։ Մենք պետք է հաղթենք թուրքին։ Հասկանո՞ւմ եք, մենք պետք է հաղթե՛նք...

Վերջին բառերն ասելիս կարծես աչքերից կրակ էր թափվում։ Իրեն էլ թվում էր, թե ահա ուր որ է, խոսքերի հետ ինքը պիտի թևածի զինվորական այդ հպարտ շարքերի վրա, դառնա նրանց ռզիս, կամքը, նրանց վճռականությունը։ Ուշքի եկավ զնդի միահամուռ ու միասնական պատասխանից։

— Մենք անպայման կհաղթե՛նք թուրքին։

Երբ խոսքը տվին էջմիածնի Գևորգյան ճեմարանի տեսուչ-տնօրեն, անվանի հայագետ, սրբազան Գարեգին Հովսեփյանին, նա՝ սևազգեստ, առաջին հայացքից խեղճ կանգնած բլրակի վրա, կարծես բան էլ չուներ ասելու։

— Իմ հայրենակիցներ, շատ սիրելի, պաշտելի Արցախ աշխարհի քաջ զա՛ւակներ։ Այն բառերը, որ դրին իմ անվան կողքին, այս րոպեին կապ չունեն ինձ հետ։ Հիմա ես ձեզանից մեկն եմ, օրհասի առաջ կանգնած հայրենիքի զինվորը։ Ծս էլ ձեզ պես եկել եմ պատերազմի դաշտ և ինձ համար չկա ո՛չ նահանջ, ո՛չ վերադարձ, քանի Արարատյան երկրում թուրք ասկյարն է քայլում, քանի մեր ազգի ու հայրենիքի վրայից վերացած չէ մահացու վտանգը։ Ծս ինձ համարում եմ մահապարտ մեկը, ուր միայն հաղթական պատերազմում կարող է ետ նվաճել իր կյանքը, իր ապրելու իրավունքը։ Ծս չեմ կարծում, թե ձեր շարքերում կգտնվի մեկը, որ ուրիշ տեսակ մտածի։ Ուրեմն, դուք է՛լ մահապարտներ եք, թանկագին հայրենակիցներ, և մահապարտների գունդ է այս Հայկական-դարաբաղյան Հինգերորդը, որ հայրենիքի փրկության համար պիտի կռվի մինչև վերջին շունչը, մինչև հաղթանակը... Մի մոռանաք, որ մեր թիկունքում էջմիածինն ու Երևանն են մնացել, մնացել է մեր հայրենիքի սիրտը։ Այնտեղ ազգի վերջին բեկորներն են հավաքվել և սպասում են մեր հաղթական խոսքին, որը լինելու է հայոց երկրի փրկության մասին...

Պողոսբեկ Փիրումյանն այդ վայրկյանին մի փոքր առաջ

շարժվեց և մայր մտնող արևից նրա լայնշի կուրծքը հուրհրաց  
ուզմական պատվանշանների ցուլքերով: Գունդը մի հայացք  
դարձած նկատեց իր հրամանատարի շարժումը և սպասում էր  
նրա խոսքին, երբ շարքերի վրա փոփեց նրա զրնգուն ձայնը.

— Կեցցե՛ հայոց Մահապարտների գունդը:

— Կե՛ց-ցե՛, — թնդաց զնդի միահամուռ արձագանքը, —  
Կե՛ց-ցե՛:

Վերստին լուսթյուն տիրեց դաշտում, և սրբազանը, ոգևորված  
գնդի խանդավառ արձագանքով, շարունակեց.

— Հիշենք, որ մեր նախնիները երբեք էլ թշնամուն չեն զիջել  
իրենց հպարտ լեռնաստանը: Մեր Քիրսն ու Մռավը, Դիզափայտն  
ու Լուսավորչի սարը մեզ համար չպետք է ամաչեն հայր Արա-  
րատի առաջ, որը մեզ հետ է, մեր աչքերի առաջ ու մեր սրտում  
և պետք է տեսնի թշնամու տապալումը մեր անկոտորելի ուժից...

Ապա ոսկեհուռ լանջախաչը բարձրացրած զնդի առաջ՝ պահ-  
պանիչ կարդաց սրբազանը:

Հետո գնդապետը հրամայեց, որ գունդը երգումի պատ-  
րաստվի:

Բոլորը միանգամից մեկ ոտքով ծնկի իջան, զենքերը՝ ձախ  
ձեռքերով բռնած, աջերը կրծքներին, հայացքները գնդի դրո-  
շին, որ այդ պահին ասես Արարատի գագաթին էր ծածանվում  
թեթև հովից: Նրանք վերացած, ոգեղինացած սպասում էին ամե-  
նակարևորին: Եվ այդ ամենակարևորը չուշացավ: Գնդապետ Պո-  
զոսբեկ Փիրումյանը որ, ականջը ճակատի հրամանատարի ձայ-  
նին, լուռ գլխով էր անում, հանկարծ պոկվեց տեղից, շքերթի  
քայլով մոտեցավ գնդի դրոշին, նրա առաջ ծնկի իջավ: Նրա  
կրակված աչքերի դեմ դրոշն էր այդ, հայոց սուրբ լեռն Արա-  
րատ և հայրենի երկրի կորսված հեռաստանները: Զախ ձեռքով  
արծաթապատ թուրը կողքի բռնած, աջով դրոշի փեշը՝ հրամա-  
նատարը գնդի անունից երդվեց բարձրաձայն:

— Մենք՝ Հայկական Հինգերորդ հետևակային գնդի բոլոր  
զինվորներս ու սպաներս, գիտակցում ենք, որ հայ ազգի ու հա-  
յոց հայրենիքի վրա կախված է մահվան վտանգը: Այս օրերին,  
երբ մեր գարավոր թշնամի թուրքը, մեր ժողովրդի կեսը ոչնչաց-  
նելուց հետո, շարժվում է նաև մյուս կեսը բնաջնջելու, մենք  
ուրիշ ելք չունենք, քան այս պահից կոչված մահապարտներ՝  
էրդվենք մեր գնդի դրոշի առաջ, մեր ազգի ու հայրենիքի առաջ,

որ կկովենք մինչև վերջ և կհաղթենք թշնամուն: Թող մեզ ստոր դասալիք ու դավաճան կոչեն, թող դարերի ու գալիք սերունդների անեծքով ծածկվեն մեր անունները, եթե դրժենք այս երդումը: Միայն հաղթանակը մեր վրայից կշնջի մահապարտ անունը: Հաղթանակ կամ մահ: Հաղթանակ, միայն հաղթանակ:— Ապա դրոշի փեշը սեղմելով շուրթերին, աչքերը փակ խոնարհվեց Արարատի առաջ, ոտքի ելավ, շրջվեց դեպի գունդը, շարունակեց երդումը և երգվեցրեց.— Հաղթանակ, միայն հաղթանակ:

— Հաղթանակ, միայն հաղթանակ,— թնդաց, որոտաց գունդը, որի վերջին զինվորն անգամ այդ վայրկյանին իրեն զգում էր հզոր ու ամենակարող:

— Երգվում ենք,— նորից զնգաց գնդապետի ձայնը:

— Երգվում ենք, երգվում ենք, երգվում ենք,— ճարճատեց գունդը միահամուռ, միակամ ու միասիրտ, և նրա ձայնն ալիք սալով տարածվեց Արարատյան դաշտում, երևի արձագանքեց Արարատի կրճքի խորխորատներում:

\* \*

\*

Մայիսյան օրվանից դեռ մի քանի ժամ կար, և Գարեգին եպիսկոպոսը մտածեց, թե կարող է մի զորաջոկատ ևս այցելել: Երբ իր այդ ցանկությունը հայտնեց, ճակատի հրամանատարը նրան խորհուրդ տվեց գնալ գնդապետ Պերեկրյոստովի մոտ, իսկ Պողոսբեկին էլ խնդրեց մի հուսալի ուղեկից դնել հետը:

— Զավեն եպիսկոպոսն էջմիածին պիտի գնա,— անհանդրստացավ սրբազանը,— կհոգա՞ք նրա մասին:

— Հանգիստ եղեք,— մտերմորեն ժպտաց Դանիելբեկը:— Զավեն եպիսկոպոսն օտար տեղ չէ:

Վերջին երկու օրերին սրբազանը ոգեշունչ ու հոգեպարար խոսքեր շատ էր ասել տարբեր վաշտերում ու գումարտակներում, աշխարհազորայինների խմբերում, պարենի բեռներով եկածների հետ զրուցելիս: Մի տեղ ելույթ էր ունենում, արժանանում իբր ունկնդիրների երախտագիտության ու սիրո խոսքերին, հետո սրանց ուղեկցությամբ մյուս խմբի մոտ էր գնում: Ուղեկիցներն այնտեղ էլ էին ոտ կախ տալիս, լսում և այստեղի ելույթի խոս-

քերից մի ուրիշ տեսակ հիացած ու զմայլված, դժգոհում էին.

— Այ սրբազան, բա ինչի՞ էս խոսքերից մերոնց էլ շասացիր:

— Օրհնյա՛լ, իսկ ձերոնց մոտ բերանս պարա՞պ էր:

— Չէ՛, սրբազան, մեզ մոտ էլ լավ-լավ բաներ էիր ասում: Բայց էստեղ ասածներդ ուրիշ են, է՛:

— Է՛, քե մատաղ, էդ ուրիշ բաներն էստեղ գալու ճանապարհին էի գտել, հո ինձնից չէի ասում,— մանրիկ բարի աչքերը կկոցած՝ կատակում էր սրբազանը:— Ա՛յ, հաջորդ խմբի հետ էլ պիտի խոսեմ էն բաներից, որ գտնելու եմ իրենց ճանապարհին: Կարևորն այն է, որ սրտի խոսք ասես: Սրտից հլած խոսքը լավ է գտնում ուրիշի սրտի ճանապարհը:

Եվ այսպես նա ամեն տեղ սրտի խոսք էր ասում, մարտիկների սրտեր էր հուզում: Մարդիկ ամենուրեք շնորհակալությամբ էին ճանապարհում նոր օրերի այդ Ոսկեբերանին, ինչպես նրան իր շնորհակալության խոսքում կնքեց Թիֆլիսից եկած դարաբաղցիների ջոկատի հրամանատարը՝ գնդապետ Շահնազարյանը, որի համար սրբազանի ճառը ճարտասանության վերին օրինակ էր, և ինքը պիտի հիշեր երկար ու երկար ժամանակ, և թե աստված տար, որ ողջ-առողջ ելներ այդ պատերազմից:

Երեկոյան դեմ սրբազանը հասավ Արաքսի ափը, ուր երկաթգծի զույգ եզրերին նստոտած իրեն էին սպասում ճակատի ծայր ձախթեայինները՝ մի խայտաբղետ «լսարան»: Այնտեղ էր գնդապետ Պերեկրյոստովը, որ հայտնեց, թե ճակատի հրամանատարն արդեն ռադիոյով տեղեկացրել էր, և իրենք սպասում էին սրբազանին:

Ռուս գնդապետի առաջ հավաքված էին պարտիզանները, նորեկ կամավորները, Թիֆլիսից ու Երևանից հենց այդօր ժամառած լատիշներ ու գիմնազիստներ, որոնք խառնվել էին ռուսական զորամասերի մնացորդներից կազմված Կոմարտակին, սակայն դեռ չէին ձուլվել նրան, որովհետև քաղաքացիական զանազան հագուստների մեջ էին և կարգապահության տեսակետից էլ նման էին կապտակոհակ գետին խառնված պղտոր ջրի, որ չվրիպեց սրբազանի սուր աչքից:

Գնդապետ Պերեկրյոստովը, բարձրահասակ, լայնաթիկունք ու շիկամազ մի տղամարդ, որ սրբազանի հին ծանոթներից էր, նրան ընդառաջ գնաց և, պեպենոտ դեմքին սրտաբուխ ժպիտ, դիմավորեց ու անուշ խոսքերով տարավ, ներկայացրեց իր ջո-

կատին: Երբ ժպտում էր, աչքերի տևող երկու նեղ գծեր էին գոյանում շեկ հոնքերի տակ, լրջանալիս երևում էին աչքերի սպիտակուցների պեպենները:

Գարեգին եպիսկոպոսն անհարմար վիճակի մեջ էր: Այդ իսկույն հասկացավ գնդապետը և նրան խնդրեց ուշադրութուն դարձնել, որ զորամասում ռուս և այլ ազգությունների զինվորներ ու հրամանատարներ էլ կան:

— Նրանց համար ձեր խոսքը թարգմանելու են իրենց հայ լեզվերները,— ասաց:— Ես այնպես եմ նստեցրել, որ հասկանալու համար ոչ մի դժվարութուն չլինի:

Սրբազանը շոյված էր գնդապետի նրբանկատութունից և քաղցրությամբ գլխով արեց ու վայրկենապես մտքում գծեց մտավոր պատկերն այն զրույցի, որ պատշաճ կլինի ոչ միայն խայտաբղետ, այլև բազմազգի իր ունկնդիրներին:

— Տեսնո՞ւմ եք, իմ սիրելի ազգակիցներ, այսօր ձեզ հետ ռուս-ուսի նստած են և վաղն էլ թուրքի դեմ կռվի պիտի դուրս գան մեր այլազգի բարեկամները, որոնց մեջ ես տեսնում եմ շատ ռուսներ:— Սրբազանն այսպես սկսեց իր զրույցը, որ հիմնականում ծավալվելու էր հայ և ռուս ժողովուրդների հին ու նոր փոխհարաբերությունների շուրջը:— Պարոն գնդապետն ասաց՝ վնաս չունի, որ ես մեր լեզվով պիտի խոսեմ, թարգմանիչներ կան, որոնք իմ խոսքերը պիտի հասկացնեն ռուս բարեկամներին: Բայց ես շատ կուզենայի իմ հատուկ շնորհակալութունը հայտնել իրենց իսկ լեզվով, առանց թարգմանիչների:

— Ասկանալի է, շատ ասկանալի է, սրբազան,— բարեկիրթ ասաց գնդապետ Պերեկրյոստովը, որ շուրջ շորս տարի ծառայելով Հայաստանի տարբեր նահանգներում տեղակայված զորամասերի հետ, լրիվ հասկանում էր հայերենը և ամեն կերպ ջանում էր խոսել:— Մենկ միասին կրվում ենք և միասին էլ պիտի ախտենք տշնամուն:

— Աստված տա, սիրելի գնդապետ, աստված տա,— ունկնդիրներն աղմկեցին, և սրբազանը հասկացավ, որ պատճառը զբնդապետ Պերեկրյոստովի հայերենն է. երևի շատերի համար անսպասելի էր այդ ուրիշ, ռուսից էլ ռուս զորականի հայերենը: Աղմկում էին զարմացողները, իրար հրմշտում: Գնդապետը տեղից վեր կացավ և, ձգված, գոտին ուղղելով, պեպենոտ, բարի դեմքն այս ու այն կողմ դարձնելով ասաց.

— Ուշադրուտյո՛ւն, զինվորներ, ուշադրուտյո՛ւն...

Զինվորները միահամուռ ծափահարեցին: Գնդապետը ժրպտակով ձեռքը թափ տվեց, նստեց: Սրբազանին ուրախացրեց ինքնաբուխ այս տեսարանը, և աչք բարձրացրեց: Սև թևքը բացվեց կողքի վրա, և դրանից նա երևաց արծվի պես, որ պատրաստվում է թռիչքի:

— Հայրենիքի՛ զինվորներ, քաջե՛ր,— նրա ձայնն այժմ սուր հնչեց և ասես մեկեն կտրեց աղմուկը:— Ծս տեսնում եմ, որ դուք սիրում եք ձեր ոռու հրամանատարին: Պարոն Պերեկրյոստովի անունը հայտնի է Տասնհինգից, երբ նա, ոռուակալն բանակի զորամասերից մեկի գլուխն անցած, մասնակցում էր Վասպուրականի ազատագրական մարտերին: Փա՛ռք նրան, որ այսօր էլ, երբ իր հայրենիքը պատառոտվում է երեկվա դաշնակիցների հարվածներից ու տնաբույս ապիկարների դավաճանությունից, ինքը մեզ հետ է, կռվում է մեր դարավոր թշնամու դեմ: Ի՛ր և մե՛ր թշնամու դեմ...

— Փա՛ռք գնդապետ Պերեկրյոստովին,— տեղից կտրուկ բարձրանալով գոչեց երիտասարդ մի պորուչիկ:

— Փա՛ռք և պատի՛վ,— նրան արձագանքեցին բոլոր նստածները:

Սրբազանը նորից թևը բարձրացրեց գոհունակությամբ, և նստածների շարքերի վրա տարածվեց այնպիսի լուսթյուն, որ լսվում էին մոտիկ թփերի վրա երգող թռչունների ձայները, թիկունքում ինչ-որ տեղ ետ ու առաջ անող շոգեբարշի հեղուկ:

— Ծս իզուր շասացի՛ «ի՛ր և մե՛ր թշնամու դեմ»,— շարունակեց սրբազանը:— Առաջին անգամ չէ, որ մենք միասին ենք ճակատում մեր ընդհանուր թշնամիների դեմ, որ թուրք նվաճողներն են: Հազար տարի սրանից առաջ հայ և ոռու զորքերը միասին ճակատ էին տալիս այսօրվա թուրքերի նախահարց՝ սելջուկ թուրքերի դեմ՝ Մանազկերտի մոտերքից մինչև Ճորոխի հովիտը: Եվ այն օրերից սկսած՝ արևելքից եկած մեր բոլոր թշնամիները պատուհասել են նաև ոռուաց երկիրը: Երբ որ ոռուներն իրենց կուլիկովյան դաշտում ջարդեցին թաթար-մոնղոլներին, այդ նշան էր, թե Հայաստանում ավեր ու մահ սփռող նրանց ցեղակիցների մեջքը կոտրեցին: Դրա համար էլ պետ վաղմիջնադարյան օրերից հայր հուսավառ հայացքով էր նայում դեպի հյուսիսի մեծազոր ազգը: Դրա համար էլ միջնադարյան հայ

տաղասացը հավատում էր, որ մեր երկրի թալկացած տունկը հյուսիսի հովից պիտի կենդանանա՝ Դրա համար էլ վերջին դարերի մեր ամենահեռատես ու ամենախմաստուն գործիչներից մեկը՝ Իսրայել Օրի իշխանը, եվրոպական բոլոր մեծ ու հզոր տերութիւնների քիմքերը պտրելուց, նրանց տրամադրութիւններն ու ցանկութիւններն ապարդյուն ստուգելուց հետո, եկավկանգնեց Ռուսական ցար Պետրոս Մեծի արքունիքում և սոսց. մեր բազմաշարշար ազգը կա՛մ այս երկրի օգնութեամբ պիտի փրկվի իր հին թշնամիների ճիրաններից, կա՛մ էլ ոչ մի փրկութիւն չունի: Եվ Օրիի հետ բանակցած Պետրոս Մեծը հասկացել էր նրան, գիտեր, որ հարեանների ասիական բարբարոսութիւնից քրքրվում է աշխատասեր ու լուսավոր մի ազգ, որ իր հավատակիցն է: Այդ մեծ թագավորը, կաղնեբազուկ իր թևը բարձրացրած ասել է. «Մենք մեր կայսերական առանձնահատուկ ողորմածութեան ու հովանավորութեան տակ ենք առնում անհավատների լծի տակ տանջվող հայ ազգը...»: Եվ ահա այն ժամանակից ի վեր, ավելի քան երկու հարյուր տարի, եթե մեր ազգի որևէ հատվածը կարճ կամ երկար խաղաղ ու համեմատական ապահով կյանք է ունեցել, ապա միայն ոռու ազգի ազնիվ ու քաջ զավակների օգնութեամբ, եթե մեր թշնամիները ժամանակ առ ժամանակ մեզ հանգիստ են թողել, ապա հյուսիսի մեր բարեկամի ահից: Թող հավերժորեն անխախտ լինի Ռուսաց տերութեան հզորութիւնը: Թող կարճ ժամանակում այդ մեծազոր տերութիւնը վերագտնի իր ապահով խաղաղութիւնը, որ մենք էլ նրա օգնութեամբ հզորացած՝ փրկվենք մեր հին թշնամու վայրագութիւնից:

— Կեցցե՛ ոռու ազգը, կեցցե՛ մեծ Ռուսաստանը, — ոգևորված բացականչեց քիչ առաջ իրեն ցույց տված պորուչիկը, և նրան անմիջապես արձագանքեցին բոլոր նստածները, բացի մի փոքրիկ խմբից, որը հանդիպման կեսից թիկունք էր դարձրել սրբազանին, և դա շէր վրիպել նրա ամենատես աչքից՝

Գարեգին եպիսկոպոսը խոսեց նաև Արևելյան Հայաստանը Ռուսաստանին միացնելու համար հայ ու ոռու ականավոր մարդկանց գործադրած ջանքերից, նրանց պայծառ հիշատակը վկայակոչեց: Վերհիշեց Աբովյանի երախտագիտութեան խոսքը ոռուի մասին, որը թուրքի ու ղվլբաշի ստրկութիւնից ազատել էր հայ

ժողովրդին: Եվ էլի ուրիշ շատ մեծերի հիշեց, որոնց իրատես հայացքում միշտ էլ փրկարար է Ռուսաստանի դերը... Եվ երբ գրույցի վերջում ունկնդիրներն սկսեցին իրենց տպավորութուններն արտահայտել լսածի մասին,— հարցեր էին տալիս, պատասխաններ լսում, իսկ առավել գործնական մարդիկ խոստանում էին անաղարտ պահել երկու ազգերի բարեկամութունը, վաղվա կովում էլ այնպես խիզախել, որ թշնամու աչքերը չըռվեն,— թիկունքով նստածներից մեկը տեղից վեր կացավ և հարց տալու իրավունք խնդրեց: Կարճահասակ երիտասարդ էր, թխադեմ, կարճ ու սրածայր մորուքով:

— Մենք բոլորս բարձր ենք ղնահատում ձեր հայագիտական ուսումնասիրութունները, թանկագին Գարեգին եպիսկոպոս Հովսեփյան:— Ներքին հուզմունքը թե խոռովքը զսպած՝ այսպես խոսեց զինվորականը:— Այսօր էլ վկա եղանք ձեր ճարտասանական ձիրքի հորդումին:— Սրբազանն արտաքուստ խաղաղ, նույնիսկ գովասանական այս բառերի տակ զսպված դժգոհութուն գգալով՝ պատրաստվեց հարված ընդունելու, և հարվածը շուշացավ:— Ի՞նչ եք կարծում, հարգարժան եպիսկոպոս, արդյոք շատ չէ՞ր ձեր խոսքը այդ հովանիի ու հովանավորության մասին...

Խոսողի շուրջը նստած երեք-չորս հոգին, որոնք, երևի իրենց ընկերոջ պատվին, շուռ էին եկել արգեն, և սրբազանը կարող էր նրանց երեսներն էլ տեսնել, ցնծության մեջ էին: Նրանց ընկերոջ հարցը շատ էր մերկ, բայց սրբազանը պատասխանելուց առաջ նրան հարցրեց.

— Զէի՞ք ասի, թե ուզումաճակատ գալուց առաջ ինչո՞վ էիք զբաղվում, հարգարժան զինվորական: Ինձ համար հետաքրքիր է, թե ո՞ւմ հարցին պատասխանելու պատիվն ունեմ:

Զինվորականը, ոչ առանց հպարտության, անմիջապես պատասխանեց.

— Հայագիտության դասեր ունեի ներսիսյան ճեմարանում, այժմ էլ, ինչպես տեսնում եք...

Սրբազանը քմծիծաղեց, շոյեց կարճ ու ցանցառ մորուքը:

— Հիմա պաշտոնակցի իրավունքով ես ձեզ մի հարց տամ... Պաշտոնակցի իրավունքով, թե չէ, ուրիշ ոչ մի պարագայում ես ինձ իրավունք չէի վերապահի:

— Խնդրեմ, խնդրեմ,— մեծահոգաբար առաջարկեց զինվորականը:



— Հայագիտութեան դասերին ձեր ուսանողներն են թիկունքները դեպի ձեզ նստում, թե դո՞ւք սովորութիւն ունեք թիկունքով լսելու: Տեսնում եմ, որ խոսելիս շեք օգտւում թիկունքի ծառայութիւնից:

Միծաղեցին զինվորականներից շատերը: Նույնիսկ նրա թիկնակիցները հեգնական ժպիտով նայեցին իրենց ընկերոջը: Եվ նա, իբր, դարձյալ իր մեծահոգութեան բարձունքից, զիջեց.

— Ես դրա համար կարող եմ ներողութիւն խնդրել՝ սպասելով, սակայն, հարցիս պատասխանին:

Սրբազանը, որքան էլ բարեկիրթ մարդ, դժվարութեամբ էր իրեն զսպում, որպեսզի կոպտորեն չվիրավորի այդ «հայագիտութեան դասեր ունեցողին»: Նա շատ էր ցավում, որ տեսարանին ականատես և ունկնդիր են վաղվա ճակատամարտին պատրաստվողները: Ինքը եկել էր նրանց ոգին բարձրացնելու, սակայն, ահա՛, նրանց մտքերը պղտորվում են այս տհաճ հարց ու պատասխանով:

— Բայց ինձ թվաց, թե ձեր հարցի պատասխանը կար արդեն իմ տված հարցի մեջ: Այսինքն՝ երբ թիկունքով ես լսում, երևի ամենակարճ խոսքը թվա երկար և ամենաճշմարիտ խոսքը՝ հիմարութիւն: Բայց անկախ այս հանգամանքից, ես կարող եմ օգնել, որ դուք ավելի պարզ արտահայտեք ձեր միտքը: Համաձայն եք: Հա՛, փառք աստծո, դե՛, խնդրեմ, ասացեք՝ ինչ որ մտածում եք:

— Այսինքն՝ ես ի՞նչ եմ մտածում, սրբազան, — իրարով անցած ու Գարեգին Հովսեփյանի այս մարտահրավերից գլուխը կորցրած խոսեց զորականը: Սակայն նահանջելու տեղ չունեի և միտքը բացատրեց. — Այդքան որ հովանի ու հովանավորութիւն եք կանչում, որքա՞ն ճշմարիտ է, և, հատկապես, դա որքա՞ն կարող է բարձրացնել հայ զինվորի մարտական ոգին: Չէ՞ որ մենք ունենք պայքարի վերջնական նպատակ, որ է՝ ազատ ու անկախ Հայաստանը: Ո՛չ մի պետութեան ու ո՛չ մի ժողովրդի կողմից չպարտադրված փոխհարաբերութիւններով...

— Ա՛հ-հա՛, — զորականի խոսքի վրա առաջացած աղմուկը լռեցնելու համար սրբազանը թևը բարձրացրեց: — Ուրեմն, ուզում եք անկախ-ազատ Հայաստան: Բոլորի՞ց անկախ, ամե՛ն ինչից ազատ: Ծիշտը որ խոստովանեմ, ինքս էլ եմ ուզում: Երևի չի լինի խելքը գլխին որևէ հայ, որ չերազի այդպիսի Հայաստան:

— Բա էլ ինչո՞ւմն է բանը:

— Բանն ամենակարևոր հարցի մեջ է. թե որտե՞ղ պիտի գնենք և ինչպե՞ս պիտի պահենք այդ անկախ, ազատ Հայաստանը:

— Է՞, որտե՞ղ պիտի գնենք, Գարեգին եպիսկոպոս, երեք հազար տարի է, նա իր տեղն ունի:

— Երեք հազար տարի չէ, շատ ավելի է, բարեկամ: Հայ ժողովուրդը ոչ մի տեղից էլ չի եկել երեք հազար տարի առաջ: Նա ծնվել ու ազդ է դարձել իր հայրենիքում, որ կոչվում է Հայկական բարձրավանդակ: Բայց նրա ամբողջ կյանքը, նրա ամբողջ գրավոր պատմությունը և մանավանդ վերջին դարերը մեզ սովորեցրել են մի դառը ճշմարտություն, որ ե՛ս չպետք է ձեռք բացատրեմ, եթե դուք իսկապես հայագիտության դասեր եք տալիս: Հասկանալի՞ է: Եթե դուք ձեր ազատ ու անկախ Հայաստանն իր տեղում եք պահում, բա որտե՞ղ եք տեղավորելու Թուրքիան, որը թշնամին է ո՛չ միայն քո անկախ պետության, այլև քո ազգի ֆիզիկական գոյության: Որտե՞ղ եք տեղավորելու մենշեիկներին ու մուսավաթին, որոնք մեր հողերի լավագույնը ծախելատակներն են դրել, աչքներն էլ տնկել մնացածի վրա:

— Մենք ուզում ենք...

— Դուք ինքներդ է՛լ շղիաեք, թե ի՛նչ եք ուզում,— վրդովված՝ նրան ընդհատեց սրբազանը:— Եվ, վերջապես, դուք ո՞վ եք, որ այդպես միայն ուզում եք: Չի՞ լինի վեր կենաք, ձեր ուղածը նվաճեք...

Գնդապետ Պերեկրյոստովը տեղից վեր կացավ և սրբազանից ներողություն խնդրելով, զորականին առաջարկեց նստել: Ապա իր շիտակ հասակով ձգվեց զորամասի առաջ, խոսեց.

— Կարծում եմ, մենք մեր խորին շնորհակալությունը պիտի հայտնենք թանկագին Գարեգին եպիսկոպոսին իր բովանդակալից, խոր ու իմաստուն գրույցի համար,— ասաց նա:— Ինչ վերաբերում է զրույցի վերջնամասին, այստեղ էլ հույսն՝ նրա կղնենք մեր թանկագին սրբազանի մեծահոգության վրա:

Գնդապետը շրջվեց, կուցավ դեպի սրբազանը և, նրա աջն իր հակառակական թաթի մեջ առնելով, ջերմորեն թափ տվեց.

— Կներե՛ք, սրբազան, երևի ձեզ վիրավորելու նպատակ չունեի երիտասարդը,— անկեղծ ցավակցությամբ, ցածրաձայն խոսեց նրա հետ:— Կամավորները քիչ ավելի ազատ են պահում

**իրենց:** Կանոնավոր բանակում զինվորն իր շրջանակներից դուրս գալու իրավունք չի ունենում:

Սրբազանն զգացված էր նրա խոսքերից և ինքն էլ նրա համար ցածրաձայն պատասխանեց.

— Երբ մեկը զենք է վերցրել, պետք է որոշակի իմանա, թե ինչի՞ համար է կռվելու:

\* \* \*

Ճանապարհին սովորաբար նա մտրով հաջորդ զարամասի հետ էր լինում. մտմտում էր այն խոսքը, որ այնտեղ պիտի ասեր, փորձում էր իրար բերել տպավորությունները նախորդ հանդիպումներից: Հաճախ այս նախորդները ևս բավականին նյութ էին տալիս հաջորդ ելույթի համար... Սակայն այնօր նա չէր կարողանում կտրվել «հայագիտության դասեր ունեցողի» միջադեպից: Ի՞նչ էր աչք խոթում իր հայագիտությունը: Այդ ի՞նչ հայագետ է, որ տարրական իրատեսություն չունի՞ և չի կարողանում պարզել, թե այս ժողովուրդն ի՞նչ շրջապատի մեջ է գտնվում, ինչպե՞ս կարող է ապրել, և նրան հրում է ինքնասպանության: Այո՞, եթե թուրքի, մուսավաթի ու մենշևիկի հարևանության պայմաններում մեր ուժասպառ ազգը մեկուսացնում են իր միակ բարեկամից ու հզոր հովանավորից, հանձնում այդ երդվյալ թշնամիների ողորմածությանը, դա նրա կործանումն է ու մահը: Մարդիկ չե՞ն տեսնում, չե՞ն զգում այսքանը: Քանի՞ ամիս է, թուրքիայի տերերը պահանջում են, որ Կովկասը մեկուսանա, անջատվի Ռուսաստանից, որպեսզի իրենք հեշտությամբ կլանեն այդ մեկուսացած ու անպաշտպան կովկասցիներին: Մի՞թե հենց դա՞ նրանց ոչինչ չի ասում, թուրքը շա՞տ է ցավում Կովկասի անկախության համար: Ինչպե՞ս չէ, հենց գիշեր-ցերեկ նրանց անկախ ու ազատ զարգացումն է երազում, այդ պատճառով է, որ արնախում զորքը քաշած եկել է՝ իր ճանապարհին ավեր ու մահ սփռելով:

Կամ այն մյուսները: Երեկ չէ մյուս օրը Սեյմի ժողովում Գեգեշկորին վեր է կացել ու հրապարակել մուսավաթական կառավարության զինվորական կոմիսար Զեյնալ Սուլթանովի հեռախոսազրույցը Թիֆլիսում գտնվող լեռնականների ներկայա-

ցուցչի հետ՝ Սուլթանովն ասել է՝ թող լեռնական մուսուլմանները ղինվեն ու նախապատրաստվեն. իրենց նոր իշխանությունը շուտով Ղարաբաղի ու Զանգեզուրի վրայով կկապվի Անատոլիայի հետ, և նրանից հետո Կովկասում միայն կլինի մուսուլմանական տիրապետություն: Պատահակա՞ն է, որ թուրքացած քուրդ Սուլթանովը, Անգրկովկասում, իբր թե, բարիդրացիական հարաբերություններ հաստատելու նպատակով բնավորված անգլիական միսիային կաշառելով, իր եղբորը՝ բժիշկ Խոսրովբեկ Սուլթանովին, նշանակել է տվել Ղարաբաղի տեր ու տնօրեն: Իսկ այդ բժիշկ-հայակերն էլ կաշառվածների օժանդակությամբ փորձում է ձեռք ձգել նաև Զանգեզուրն ու Կապանը:

Գեգեչկորին ինքը քի՞չ սաղրանքներ է կատարում Հայաստանի ու հայության հանդեպ. ահա թուրքի ճակատը լքած մենշևիկյան զորքերը կանգնել են Լոռու և Բորչալուի դեմ ու այս կողմից էլ նրանք են պատրաստվում հռոշտելու հայ ժողովրդի բզկտված մարմինը:

Իսկ մեր իմաստուններն ազգի գլուխն են լցնում անկախ ու ազատ Հայաստանի թմբիրը: Չե՛ն ուզում ոչ մի տերության կամ ժողովրդի կողմից պարտադրված փոխհարաբերություններ:

Բայց որքան հայտնի է, կամ ինչպես պետք է ենթադրել, կուսակցություններն ազգի ցավից են ծնվում, որպեսզի դարմանեն այդ ցավը: Ինչպե՞ս է պատահում, որ նրանք մոռանում են իրենց դերը: Թե՞ կարծում են՝ ցավը պետք է վերացնել ցավատիրոջ հետ միասին: Հիմա մեր ազգի առաջ կանգնած մի անհետաձգելի խնդիր կա՝ կասեցնել թուրքի առաջխաղացումը, փրկել Հայաստանի սիրտը, որպեսզի նա ապրի: Հետո արդեն անհրաժեշտ կլինի ապահովել այն հովանավորությունը, որի առկայությամբ թուրքն այլևս չի համարձակվի մեզ վրա գալ, և Կովկասում վերջ կտրվի ազգամիջյան խժոժություններին:

Այսպես նա մտածում էր իր համար՝ երկար ժամանակ մոռացած ուղեկցի գոյությունը: Իսկ այդ ուղեկիցը խոնարհ, խելոք, սակավախոս մարդ էր՝ նշանակված գնդապետ Պողոսբեկ Փիրումյանի կողմից:

Մի օր էլ սրբազանին ուղեկցեց Դանիելբեկի ավագ որդին՝ պողպորուչիկ Միքայել Փիրումյանը՝ Հաջորդ օրը նա կարևոր գործունեք զորամասի շտաբում. հոր հետ պետք է ճակատամարտի քարտեզը գծեր, մնաց այնտեղ, և սրբազանն ստիպված եղավ

շրջագայել միայնակ, մեկ-մեկ էլ հոգևորական պաշտոնակիցները  
հետ: Զավեն եպիսկոպոսի հետ զորամասից-զորամաս էին գնում  
հին աշուղների պես, մեկը մյուսի թևը բռնած: Մարմնեղ Զա-  
վենը ծանր էր շարժվում և հաճախ էր խնդրում, որ Գարեգին  
սրբազանը ոտը մի քիչ կախ գցի: Գարեգինը կանգնում էր, ժըպ-  
տալով խոսում:

— Աչքերդ խփի՛ր, փեշս բռնի՛ր: Ես էլ կձևացնեմ, թե քոռ  
աշուղ եմ ման ածում:

— Տեսե՞լ ես՝ այդ քոռերը ոնց էլ դիպուկ են գավազան իջեց-  
նում շների վրա:

Գարեգին սրբազանը լավ էր հիշում իրենց գյուղերում տաղ  
ասող զանգեզուրցի աշուղներին: Երեխա էր, հարցասեր, աշ-  
խարհի բոլոր գաղտնիքները բացելու հետամուտ, մի անգամ  
իրենց բախում երգող աշուղի առաջ կոացավ, փշակ-փշակ աշ-  
քերին նայեց և հարցրեց.

— Աշուղ դայի, դու բոլորովի՞ն քոռ ես:

— Հա՛, քե մատաղ, բոլորովին,— դատարկ խոռոշների վրա  
կուշ եկած կոպերը ճպճպացնելով փորձեց ժպտալ «աշուղ դային»:

— Բա սկի ոչ մի հետ էլ չե՞ս տեսել:

Երևի «աշուղ դային» հասկացավ, որ հարցվորը շատ է միա-  
միտ, և հետո էլ, պարտավոր էր հավաքվածներին աշխուժացնել:  
Կոտրատված մի ժպիտ խաղացրեց ծաղկատար դեմքին, ասաց.

— Քե մատաղ, ինչի՞ չէ. տարին մի հետ տեսնում եմ:

Քոռ աշուղին ման ածողը լուրջ զայրացած նկատեց.

— Շա՛տ ա,— ասաց,— մի օրվա մեջ էնքան ցավ ու դառ-  
նություն կտեսնես, որ սիրտդ կճաքի, և աչքդ նորից կքոռանա:

Հիմա ամեն առավոտ էջմիածնից դուրս գալիս ա՛ երեկոյան  
իր կացարանը գնալիս երանի էր տալիս այն քոռին, որ «ոչ մի  
հետ» բան չէր տեսել կյանքում, և սիրտը շպիտի ճաքեր այն  
ցավերից ու տառապանքներից, որ միայն աչքով տեսնողը կա-  
րող է հասկանալ:

Արդեն երեկո էր: Մի պայծառ կիսալուսին իր կաթնալույսն էր  
փռել շհնձած արտերի ու արոտների վրա: Հեռվում հատուկենտ  
կրակոցների ձայներ էին լսվում: Մոտիկ եղեգնուտներում միայն  
մեկ անգամ բղավեց վայրի խոզը և լռեց: Երևի նա էլ հասկա-  
ցավ, որ վտանգավոր ժամանակներ են:

Սրբազանը ձին կանգնեցրեց, ետ նայեց, որ տեսնի՝ ուղեկիցը

հո չի՞ ննջել ձիու վրա: Պողոսբեկն իր հետ ուղարկելիս ասել էր.

— Խոսողին լսող է պետք: Թե որ ռուսի զորամասում ունկընդիր չունենաք, մեր Կարոն բավական է. հաղար լսում է, մեկ խոսում:

— Միքայելն էլ շատախոս չէ, գնդապետ,— բարեկամաբար պատասխանեց սրբազանը:— Խոսում է հա՛տ-հա՛տ: Բայց դրանք ոսկեհատներ են: Աստված շա՛տ պահի:

— Կարոն էլ անարժան բաներ չի ասում,— տեղեկացրեց Պողոսբեկը:— Միայն թե կարողանաք բերնից խոսք քաշել:

— Նկատի կունենամ:

Եվ հիմա բավական տեղ նրա հետ ճանապարհ գնալուց հիշեց գնդապետի երաշխավորութունը, մանավանդ, որ շատ էր ուզում դուրս գալ այն տհաճ միջադեպի տպավորութունից: Իսկ ուղեկից Կարոն, կարծելով, թե սրբազանը բան է ուզում, ձիուն խիթանեց և արագ հասավ նրան.

— Հը՛, լսում եմ, սրբազան:

— Լավ ես անում, որ լսում ես, հեր օրհնած: Բա սկի չես ասում, թե որտեղացի՞ ես, ումանցի՞ց:

— Է՛, որ ասացի, պիտի ճանաչե՞ս, սրբազան: Աշտարակի կողմերից եմ:

— Հատուկ ո՞ր գյուղից:

— Նազրվան են ասում, սրբազան, լսած կլինես: Նազրվանցի եմ:

— Հա՛, Ղազարավանցի՞ ես,— ծոր տալով ուղղեց Գարեգին եպիսկոպոսը:

— Ինչ-ի՞նչ:

— Ղազարավան:

— Չէ՛, սրբազան, մեր գեղի անունը Նազրվան է, Նազրվան:

— Ա՛յ տղա, այդպես եկվոր անլիզուններն են կոչում, նրանք, որ հենց մի գլուխ տեսածն ու լսածը աղավաղում ու այլանդակում են: Չեր գյուղի իսկական անունը Ղազարավան է, Ղազարավան: Հասկանո՞ւմ ես: Եվ Ղազարն էլ մեծ մարդ է եղել: Մեզանից, է՛, հազար քանի հարյուր տարի առաջ է ապրել: Գրող մարդ էր, պատմիչ: Նրա մարմինը թաղված է ձեր գյուղի եկեղեցում: Այդ պատճառով էլ գյուղը նրա անունով են կոչել:

— Բա դու էդ ո՞րտեղից գիտես, սրբազան, գրքերում գրված է էդ բոլորը:

— Գրված է, որդիս, գրված է:

— Բա ո՞նց է, որ մեր գյուղի տերտերը մեզ չի ասել:

— Ասած կլինի, երևի դու շեռ ուշադրութուն դարձրել:

— Զէ՛, սրբազան, ասող չի: Որ ասած լիներ, ինձ էլ կհասներ:

Ասող չի: Համ էլ նրա խոսքին որ ուշ դնես, ճանապարհդ կծուլի:

— Ո՞նց թե:

— Էսօրվա էն մեծախոսի նման է:

— Ո՞ր մեծախոսի:

— Էն, որ մեծ-մեծ բրդում էր: Ժողովուրդը թուրք-նասրանու ձեռքից կոտորվում է, իսկ ինքը վեր է կացել, թե ես անկախ Հայաստան եմ ուզում:

— Գյուղում ի՞նչ ունես, Կարո:

Սրբազանն ուրախ էր, որ այս հասարակ շինականն էլ ճիշտ է մտածում: Սակայն ցանկութուն շուներ վերադառնալու տխուր միջադեպին:

— Գյուղում ի՞նչ ունես, Կարո:

— Է՛, գյուղացին ի՞նչ կունենա, սրբազան. մի քանի տավար ունեմ, դրանից ավել՝ էրեխա: Տանը հարսներն են մնացել, էրեխեքը: Ես ու ախպերն էստեղ ենք: Զգիտեմ՝ էս բոլորի վերջն է՞լ է լինելու, որ դառնանք մեր գործին...

— Շուտո՛վ, շուտո՛վ,— տխրամած պատասխանեց սրբազանը:

— Է՛, աչքս խաղում է. վախենում եմ՝ թուրքի գնդակը չթողնի, որ էդ օրը տեսնեմ:

— Սիրտդ լե՛ն պահիր, Կարո ջան, այս զորքը, որ ես եմ տեսնում, վաղը թուրքի մոտեթը շարդելու է: Նախորդ բոլոր պարտութունների, նահանջի ու կորուստների վրեժը պիտի հանի:

— Ախար, էդ պարտութունների ու նահանջների ժամանակ ուրիշ տեսակ էր, է՛, հայր սրբազան: Մեր ափիցերները ռուսերեն մեր էին հայհոյում, հայերեն էլ՝ խոր խոքի: Մեզ հետ ո՞վ էր էդ իմաստուն զրույցներն անում, որ աչքներիս ազգն է՛լ քաղցրանա, հողն է՛լ: Էս է, ինձ զցել են պարոն Պողոսբեկի գունդը, ոնց որ դժխքից դրախտն ընկած լինեմ: Գնդապետ տեղովն էն հասարակ զինվորներին «քե մատաղ» է ասում: Բա ես նրա «քե մատաղի» համար կրա՞կ շեմ դառնա, թափվեմ թուրքի գլխին...

— Գնդում բոլո՞րը քեզ պես են մտածում, Կարո:

— Դե՛, գնդի մասին ի՞նչ ասեմ, սրբազան, քո աչքով տեսար,

քո բերանով էլ կնքեցիր «Մահապարտների գունդ»: Գնդում մի սրախոս կա, կողքիս էր, ասաց. «Մահապարտներ չենք, է՛, մահատարներ ենք. թուրքին մահ ենք տանելու»:

\* \*  
\*

Երբ երկու Փիրումյանները, մյուս զորագնդերի հրամանատարների հետ որոշում էին գլխավոր հարվածի ուղղությունը, հիշեցին նախանցյալ օրը բռնած լրտես Սեյֆուլլա Ասադուլլաևին:

— Նրա հաղորդած տեղեկությունները հաստատվեցին,— հաշորդեց ճակատի հրամանատարը:— Արամի մարդիկ հայտնաբերել էին ապստամբության բոլոր օջախները Զանգիբասարում: Այս գործողությունը կատարվել էր գիշերը և հույժ գաղտնի: Ամբողջ գիշեր խստագույն պահակություն են սահմանել թուրքական գյուղերի շուրջ և բռնել են երկու հոգու, որոնք այդ մասին պետք է լուր տանեին Շեքի փաշային: Ուրեմն, ո՛չ փաշայի հանձնարարությունն է հասել ապստամբներին, ու այդ մասին ինքը փաշան տեղեկություն չունի, ո՛չ էլ ապստամբների զգուշացումն է հասել փաշային: Հիմա փաշան հույս ունի, թե Զանգիբասարի գյուղերն ապստամբած սպասում են իր զորքի երեվալուն: Թուրքական զորքը երկաթգծի ուղղությամբ, որ միակ ամենակարճ ու անվտանգ ուղին է, պիտի հասնի Զանգիբասար, այնտեղի ապստամբներին էլ իր հետ առած՝ շարժվի Երևանի վրա:

— Դա ամենահավանական տարբերակն է, պարոն հրամանատար,— համաձայնեց Պողոսբեկ Փիրումյանը:— Ծիշտ է, երկաթգիծը համեմատաբար բաց տարածություն է, ենթակա մեր հարվածներին: Բայց թուրքը չի կարող մտածել, թե ո՛չ փակ տարածություններն առավել անվտանգ են: Զանգիբասարը նրանց ամենահուսալի հենակետն է, նախապես, իբր թե, ոտքի հանված, և հիմա նրանք այնտեղ են շտապելու:

Առանց Մահապարտների գնդի անելիքի մանրամասները բացելու, ճակատի հրամանատարը հանձնարարեց, որ մարտական պատրաստության բերվեն հրետանային մարտկոցները:

— Ես առավոտյան կստուգեմ պատրաստությունը,— զգուշացրեց նա:— Ժամը հինգին-վեցին: Հասկանալի՞ է:



— Պարզ է, պարոն հրամանատար,— տեղից վեր կենալով՝ զգաստ պատասխանեց հրետանու կապիտան Խորեն Իգիթխանյանը՝ վրաստանցի ամրակազմ մի երիտասարդ, որի մարտական կարողութիւնները մասին արդէն տեղյակ էր ճակատի հրամանատարը՝

Մյուս հրամանատարները ևս մարտի պատրաստ լինելու հրաման ստացան։ Այդքա՛ն բան։

Գնդապետ Պերեկրյոստովը մտածեց, որ ճակատի հրամանատարն զգուշանում է գլխավոր հարվածի մանրամասները հրապարակելուց։ «Ծիշտ էլ վարվում է,— եզրակացրեց նա։— Առաջին անգամն է այս մարդկանց հետ գործողութիւնն ձեռնարկում և այն էլ ամենակարեւորը, ինչպե՛ս կարող է քացել բոլոր քարտերը։ Վիրավորակա՞ն է։ Ես անձամբ չեմ վիրավորվում»։ Այս մտքի վրա էր, որ հրամանատարը նրան հարցրեց.

— Պարոն գնդապետ, չե՞ք կարծում, որ ձեր կողմերի կամուրջները մեզ պետք չեն։— Գնդապետ Պերեկրյոստովը հանկարծակիի գալով՝ շփտեր ի՛նչ պատասխանել։— Մենք աջափնյակում այլևս ոչինչ չունենք։ Առայժմ այնտեղ փոխադրելու էլ բան չկա։ Այդ կամուրջները կարող են պետք գալ միայն թուրքերին։

— Այո՛, ճիշտ այդպես, պարոն հրամանատար։

— Մենք այդ կամուրջները կոշնչացնենք այսօր ևեթ,— կըտրուկ ասաց նա։— Եվ, կարծում եմ, առայժմ մեկ-երկու վաշտը բավական կլինի, որպեսզի՛ հնարավորութիւն ունենանք կանխելու այդ կողմերի որևէ գետանցում։ Արաքսը վարարել է, և ամեն տեղ չէ, որ թուրքերը կհամարձակվեն իրենց նետել գետը։

— Ծիշտ այդպես, պարոն հրամանատար,— գլխի շարժումով պատասխանեց Պերեկրյոստովը։— Ուղղակի պետք է աշալուրջ լինենք։

— Աշալուրջութիւն ամենից առաջ,— համաձայնեց Դանիելը և Փիրումյանը և կտրուկ հայացքը դարձրեց դեպի կապիտան Երվանդ Մամաջանյանը, որ, անկյունում նստած, ոչնչով չէր մատնում իր ներկայութիւնը։— Դո՛ւք ինչ կարծիքի եք, պարոն կապիտան։ Եթե Արաքսի գետանցումների հսկողութիւնը դնենք ձեր վաշտի վրա... Կտանք մի վաշտ ևս։ Ավելին չսպասեք։

Երվանդ Մամաջանյանը ոտքի կանգնեց, ձգված ուղղեց գո-

տին՝ բութ մատները տակից անցկացնելով և համարձակ պատասխանեց.

— Պատրաստ եմ մարտական առաջադրանքը կատարելու, պարոն հրամանատար:

Գնդապետ Պերեկրյոստովի պեպենոտ դեմքին մի խոր գոհունակութուն կար, որ չվրիպեց ճակատի հրամանատարի աչքից: Ի՞նչ է մտածում այս փորձված ու խելոք ռուսը, — անցավ Դանիելբեկ Փիրումյանի մտքով: — Դեմքն այնպիսին է, կարծես ժպտում է միշտ. ներքին բարությունի՞ց է, թե՞ անհոգությունից: Սրանք մարդկային հակոտնյա հատկանիշներ են, որ հաճախ են ջփռվում:

— Առաջարկություններ չկա՞ն, — ընդհանուր հարց տվեց Փիրումյանը և անմիջապես էլ հայացքը հռոնց Պերեկրյոստովի վրա: — Պարոն գնդապետ:

Գնդապետի դեմքի ժպիտն ավելի ընդգծվեց:

— Կարծում եմ՝ սկզբի համար մեեն ինչ լավ է: Աստված տա՛ մեր ուզածը կատարվի, — խոսեց Պերեկրյոստովը: — Եթե գալի՞ս եք մեզ մոտ. ասացիք, որ հրետանու մարտկոցներն եք այցելելու վաղ առավոտյան:

— Այո՛, կապիտան Իգիթխանյանի մարտկոցը ձեր զորամասի մոտ է: Ուրեմն, տեղում կհանդիպեմք:

\* \*  
\*

Թուուցիկ խորհրդակցությունից հետո ճակատի հրամանատարն անցավ շտաբի ռադիոկետը և փորձեց կապվել Երևանյան ռազմաճակատի հրամանատար գեներալ Սիլիկյանի հետ:

Ռադիոկապն ստեղծել էր կապիտան Ալեքսանդր Շենուրը՝ Փիրումյանի կազմակերպած նոր շտաբի պետը՝ Ռուսական բանակի այդ հին սպան, ծագումով գերմանացի, շտաբի ղեկավարությունն ստանձնելուն պես իր հետ բերած ռադիոսարքը կարգի գցեց և նորաստեղծ ճակատի հրամանատարին հպարտությամբ զեկուցեց.

— Ռադիոկապը պատրաստ է, կարող եք օգտվել:

Սակայն այդ ռադիոսարքի առաջին իսկ ծառայությունն այն եղավ, որ իրեն՝ շտաբի պետ Շենուրին, կարգադրեցին անմիջա-

պես ճանապարհվել Երևան՝ խորհրդակցութեան, և շոտացան հաղորդել, որ դա գեներալ Սիլիկյանի կարգադրութեանն է:

«Ի՞նչ խորհրդակցութեանն է, — վրդովված մտածեց Գանիելբեկ Փիրումյանը: — Ո՞վ է այն իմաստունը, որ առաջ շարժվող թշնամու դեմից մարդկանց հանում, հետները խորհրդակցութեանն է անում: Ի՞նչ պիտի անեն այդ խորհրդակցութեանում: Գուցե Սիլիկյանը մտածում է, թե առանց Շնեուրի ես ի վիճակի չպետք է լինեմ այստեղ գործից գլուխ հանելու...»:

Այնուհանդերձ, նորաստեղծ շտաբի պետին ճանապարհեց և հանձնարարեց Երևանում շուշանալ:

— Արամին էլ թե որ տեսնելու լինեք, — ավելացրեց նա, — ասացեք՝ օգնութեան ենք սպասում. ժողովրդական պատերազմին՝ համաժողովրդական օգնութեան: Անհարմար չզգաք. իմ անունի՛ց ասեք:

...Եվ այս անգամ Սիլիկյանին էջմիածնի շտաբում բռնելով Փիրումյանը վարմացավ. «Ի՞նչ խորհրդակցութեանն է հրավիրել, որին ինքը չի մասնակցում»: Նա Շնեուրի մասին ոչինչ էլ չհարցրեց, իբր կապվել էր վաղվա մարտի նախապատրաստութեանը ծանոթացնելու:

Սիլիկյանը դժկամութեամբ ընդունեց հաղորդված տեղեկութեանները և նախկին տեղակալին հասկացրեց, որ ինքը չի խրախուսում այդ միջոցառումը, սակայն նպատակ էլ չունի դեմ կանգնելու, որովհետև, միևնույն է, Արարատյան դաշտի հարցը լուծված է ըստ էության: Նա հայտնեց նաև, որ իր ու կորպուսի ղեկավարութեան ջանքերն ուղղված են նրան, որպեսզի հաշտութեան կնքվի, և ազգի գոնն վերջին բեկորները փրկվեն վերահաս կործանումից:

— Ամբոխավարութեանը գուցե մի այլ տեղ որևէ շահ բերի, բայց պատերազմի մեջ և այն պայմաններում, որոնցում մենք ենք գտնվում, կործանարար կարող է լինել, — ռազմիկապով տրտնջաց նա և, խոսքը փակելու համար, հաջողութեան մաղթեց. — Աստված ընդ քեզ, Գանիելբեկ Աբխտողովիչ: Թող ե՛ս լինեմ չկամեցողը: Միայն իմացիր, որ խելացի նահանջը միշտ էլ նախընտրելի է անհաջող մարտից...

— Երանի՛, թե դեռ նահանջելու տեղ ունենայինք, զորավար, — գրույցը կտրուկ շքնդհատելու համար ասաց Փիրումյանը: — Այն ժամանակ երևի թե ընտրութեան կատարեինք: Զե՞

որ միշտ էլ խելոք մարդիկ տարբերակներինց լավագույնն են ընտ-  
բում: Բայց այժմ մենք ունենք միայն մեկ ճանապարհ, որը  
տանում է դեպի մահ կամ հաղթանակ: Ընդ որում մահը մերը  
կլինի, հաղթանակը՝ ազգինը:

— Դա՞ ինչ բառախաղ է: Առաջ դու բառախաղով խոսող չէիր:

— Բառախաղ չկա, զորավար: Եթե մահ լինի, միայն մենք  
ենք ընդունելու. չէ՞ որ մենք պիտի կռվենք: Իսկ հաղթանակի  
գեպքում կասեն՝ հայե՛րը հաղթեցին: Մի երկու ժամ առաջ մեր  
ճակատի գլխավոր հարվածային ուժերինց մեկը՝ Հինգերորդը, սըր-  
բազան օծում ընդունեց և ստացավ գիտե՞ք ի՞նչ անուն, Մահա-  
պարտների՛ գունդ: Մեռնել կարելի է, բայց դեպի ետ ո՛չ մի քայլ:

— Օժոզն ո՞վ էր: Չլինի՞ զորամասի հոգևոր առաջնորդի պաշ-  
տոն էլ եք ստեղծել:

— Գարեգին Հովսեփյանն էր օժողը, մեր նոր Ոսկերերանը:

— Չեմ նախանձում այն զորավարներին, որոնց խորհրդա-  
տուն վեղարավորն է լինում:

Կաթողիկոսի հետ ունեցած շարաքաստիկ հանդիպումից հետո  
սեպագետների մասին հիշելն անգամ գեներալ Սիլիկյանին հա-  
նում էր հավասարակշռութունից: Դա գիտե՞ր Փիրումյանը և եր-  
բեք ջանք չէր թափում նրան մխիթարելու համար:

— Հինգերորդ դարում, զորավա՛ր, երբ հայութունն Ավարայր  
էր գնում պարսից գերակշիռ բանակների դեմ իր հավատն ու  
ինքնութունը պաշտպանելու, Վարդանի և վարդանանց կողքին  
կռվում էր Ղևոնդն իր դասակիցներով: Եվ պատմութունը Վար-  
դանին ու Ղևոնդին իրար կողքի է հիշում:

— Փռխվել են ժամանակները, Դանիելբեկ Աբխսողոմովիչ, —  
հորանջեց Սիլիկյանը, և Փիրումյանն այդ զգաց նրա ձայնի տա-  
տանումից:

— Դժբախտաբար, մեր ազգի համար ոչինչ էլ չի փոխվել,  
զորավար, — այս անօգուտ խոսքամարտը փակելու տրամադրու-  
թյամբ վրա բերեց Փիրումյանը: — Թշնամու անունն է փոխվել,  
նրա նպատակը նույնն է՝ մեզ վերացնել իբրև ազգային ինք-  
նության: Իսկ մե՞նք ինչով ենք փոխվել: Նույն շարաքախտն ենք,  
նույն միայնակը: Միայնակ՝ այս արևի տակ, ամբողջ քաղա-  
քակիրթ աշխարհի աչքի առաջ: Պատկերացրե՛ք, պատերազմն էլ  
նույն ուժերով ենք մղում, ազգի բոլոր շերտերով, մեծ ու փոք-  
րով: Այսօր աշխարհագորայինների ջոկատն ընդունեցինք մի

ամբողջ գերդաստան՝ մեծ հորը, նրա երեք տղաներին և տասներկու թոռներին: Մերուկը նեղսրտում էր, որ քիչ են՝ Ասաց՝ այդքան էլ Դիլմանի կովում է թողել: Մի կողմ քաշվեցի և ուրախության արտասուքս սրբեցի: Իսկ շեմ հիշում, թե ցավից երբեք արտասուք թափած լինեմ:

Այս ասելիս սիրտը կսկծաց. «Ի՞նչ հիմարություն. դու ի՞նչ ցավ ես ունեցել որ հպարտանում ես»:

— Աստված մի՛ արասցե, որ ցավից արտասվես, — անմիջապես արձագանքեց զորավարը, և ձայնը դարձավ ջերմ, հարազատական: — Աչքդ տղաներիդ վրա՛ պահիր: Կարծեմ երկուսն էլ այդտեղ են:

— Այո՛, այսօր երկուսն էլ մտահապարտներ կնքվեցին: Սիրտըս ճմլվեց... Բայց մեկ էլ մտածեցի, թե նրանք ինչո՞վ են առավել ուրիշներից:

— Մի՛ ասա, աստված սիրես, քո սիրտն են...

— Նրևի դժվար կլիներ, եթե պատերազմը ժողովրդական չլիներ: Ժողովրդական պատերազմ, որ մղվում է ոչ թե թշնամու մի հերթական ներխուժման դեմ կամ շարքային մի հաղթանակի համար, այլ կործանման վիճի եզրին կանգնած ազգը փրկելու... Դուք դիտեք, որ ես բարձր խոսքերի սիրահար շեմ: Սակայն այդ խոսքերը հիմա գալիս են, և շասել զինվորին, զինակցիդ, ազգիդ, կնշանակի լինել ծածկամիտ, նույնիսկ վախկոտ ու սնբարյացակամ: Չէ՞ որ այս պահին անկեղծ ու ոգեպրնդող խոսքի կարիք ունեն բոլորը. ո՛չ միայն նորածիլ զինվորականը, այլև բազմափորձ կովոզը և շրջահայաց սպան:

Այս խոսքն ասելիս մտածեց, որ զորավարը կընդունի իբրև կշտամբանք իր հասցեին, բայց չզղջաց ասելու համար: Չէ՞ որ ինքը շեր սկսողը, և, վերջապես, ո՞վ է ասել, թե անկեղծությունը պետք է պարուրել զգուշության մշուշով:

Նախապատմական ժամանակներից ի վեր արաքսամերձ այս դաշտին վերապահված է եղել ինքնահատուկ մի բախտ: Ավանդությունն ասում է՝ Հայկյան ժառանգները տարածվել են մայր Արաքսի ափերին և Արարատի հովանավոր հայացքի տակ ստեղծել իրենց քաղաքակրթությունը: Իսկ բևեռագիր մեր ժայռերն ու քարերը խոսում են առավել արժանահավատ և, հաստատելով ավանդության մանրամասները, պատմում են Արամ թագավորի ու նրա հետնորդների մասին, որոնք, իրենց աստվածների զորությանն ապավինած, քաղաքներ ու ավաններ են կառուցել, ոռոգել են իրենց երկրի պապակած անդաստանները և հաց ու գինի են վայելել հողի վրա հեղած արդար քրտնքի դիմաց: Այստեղ, արաքսամերձ այս դաշտում բարձրացած բլուրների վրա Արգիշտիխինիլի քաղաքն է կառուցել Մենուայի որդի Արգիշտի Առաջին արքան՝ էրեբունի—Երևանի հիմնադիրը: Ահա նրա բևեռագիր արձանագրությունը, որով հզոր ու շինարար տիրակալը գալիք սերունդներին հաղորդում է, թե Մարաստանի դեմ տարած փառավոր հաղթանակի պատվին կանգնեցրեց քաղաքն Արգիշտիխինիլի և նրա շրջակա հողերը ոռոգելու համար գետից ջրանցք հանեց առատաջուր: Հայտնի ևն Արգիշտի արքայի գահակալության տարիները՝ մ. թ. ա. 786—764 թթ.: Հայտնի է նաև Արգիշտիխինիլի հիմնադրման ժամանակը, որ եղել է Արգիշտիի գահակալության տասնմեկերորդ տարին՝ մ. թ. ա. 775 թվականին:

Արգիշտիխինիլին ամբացել ու ծաղկել է նրա հեղինակ Արգիշտի Ա-ի հաջորդների օրոք: Վանի թագավորութւյան մեծագորտիրակալներն էին. Սարգուրի Բ՝ որդի Արգիշտի Ա-ի, Ռուսա Ա՝ որդի Սարգուրի Բ-ի, Արգիշտի Բ՝ որդի Ռուսա Ա-ի, Ռուսա Ա՝ որդի Արգիշտի Բ-ի և, վերջապես, Ռուսա Գ էրիմենա, որ նշանակում է էրիմենյան-Արմենյան, այսինքն՝ հայի որդի... Նրանք էրեբունի—Երևանի կողքին բարձրացած Արգիշտիխինիլիի համար ապահովեցին ռազմա-պաշտպանական հզորութւյան, տնտեսական փարթամութւյան և մշակութայն ծաղկման մի այնպիսի վիճակ, որ հին արևելքի ամբարտաձան տիրակալների նախանձն էր շարժում:

Հետո եկան Երվանդունի գահատոհմի դարերը, երբ Արգիշտիխինիլին մասամբ կորցրել էր իր վաղեմի շուքը, սակայն պեռես այնքան բանուկ էր և մայր Արաքսի ու հայր Արարատի հարևանութամբ այնքան գրավիչ, որ այս արքայատոհմի տիրակալները հենց այստեղ, հինավուրց քաղաքի արևելյան մասում հաստատեցին իրենց գահը:

Սակայն պատահե՞լ է, որ մի թագավոր աշխարհի արարչագործութւյունը չկապի իր ծննդի հետ: Երվանդունիները չէին ճանաչում դահանխստ քաղաքի հինավուրց փառքը և իրենց էին վերագրում նրա շինարարութւյունն ու բարգաձայնումը: Նրանք նույնիսկ նոր անվամբ կնքեցին իրենց գահանիստը՝ Արգիշտիխինիլին կոչելով Արմավիր:

Մշտահուով այս աշխարհում հավերժական ոչինչ չկա: Երվանդունի արքայական տանը փոխարինելու եկան ուրիշ գահատոհմեր, որոնք միշտ էլ պիտի այս աշխարհից հեռանային անբնական մահով... Հաջորդ հարյուրամյակները հին ու հզոր տերութւյուններ պիտի ջնջեին աշխարհի երեսից և աշխարհ պիտի բերեին առաջներում անհայտ ցեղեր, որոնց ձեած-կարած անհարմար հագուստների մեջ հողագունդը թփրտալու էր հուսահատ: Մեծ Հայքն իր հաղթանակներով ու փառքերով արդեն ծվարել էր պատմութւյան խորխորատներում, իսկ նրա ժողովուրդը բզկտված ու կոտորակված քաշում էր օտարի լուծը, օտարի՛, որ նրա տան տերն էր դարձել և նրա բախտի տնօրենը...

Վերջին դարերում, երբ Պարսից շահերն իրենց ենթարկեցին Արևելյան Հայաստանը և նրա տարբեր նահանգներում էլ բազմեցրին իրենց կուսակալ-խաներին, Արարատյան երկրի խան-

Սարգարն իր նստավայր դարձրեց Երևան քաղաքը, որ հին էր, ինչպես իրեն կանգնեցնող ժողովուրդը հայոց, սակայն երկար գարերի միջոցին երբեք էլ չէր պատահել, որ դառնար Հայաստան երկրի քաղաքամայր: Երևանի սարգարն ի վերուստ հաստատված պարտականություն ուներ հավաքելու արքունի հարկը և հետևելու նահանգի կարգ ու սարքին: Սակայն Իրանի այս դրածոն, որ կարող էր և՛ Իրանի որդին լինել, և՛ Ալթայի տափաստաններից իր հոտի՝ ետևից եկած վրանաբնակի մի երկրորդական-երրորդական շառավիղը, շատ շուտով դարձավ ինքնակալ տերն Արարատյան երկրի: Երևանի ամենականառու տեղում, Զանգվի գեղատեսիլ ձորի վրա կառուցել տվեց իր ապարանքը, որ պետք է մրցեր իր դիրքն այստեղ անխախտ պահող շահի պալատի հետ և անպայման մրցում էր, որովհետև կառուցված էր հայ բազմաբանքար վարպետների ձեռքով: Ապարանքի դիմաց, Զանգվի մյուս ափին, դեպի Վաղարշապատի դաշտը ձգվեց ու տարածվեց սարգարի այգին՝ հայ բազմաշարժար գեղջուկներից խլված հողակտորների կցմցումով: Օրեցօր շենանում էր այս այգին, ցանկապատերն ու պարիսպները տարեցտարի ընդլայնվում էին ու ծավալվում, որովհետև սարգարի այգին պետք է մրցեր իր իսկ տիրոջ՝ Պարսից շահի այն այգեստանների հետ, որ փռված էին Կասպիական ծովի հարավային ափին: Եվ արդեն մրցում էր իսկապես, որովհետև սարգարի այգու եզրը հասել էր հին Արգիշ-աիխինիլի-Արմավիր: Բայց նրանից արևմուտք այլևս չէր շարժվում, որովհետև դեռն անկենդան տափաստանն էր, արևախանձ ու խորշակահար, դռալից բոժն օձերի ու օձակենցաղ ուրիշ գեոունների: Եվ այստեղ էր, որ իբրև վերջին սահման ու անառ եզրագիծ, կանգնեցվեց սարգարի այգու հզոր պարիսպը՝ Սարգարապատը՝

Այս ամենը կատարվում էր Արարատի հայացքի առաջ: Արարատի, որ լեռ էր, քարեղեն հսկա և անմոռուն պիտի մնար դար ու դարեր: Սակայն Հայաստանում, ասում են, անխոս քար չկա, հայոց քարերն իրենց վրա պահում են անցյալ սերունդների հեռագրերը ապագային: Զեռագրեր՝ փորագրված անհիշելի ժամանակներից ի վեր, սկսած դեռևս այն օրերից, երբ փորագրողը շփտեր էլ, թե ո՞վ է ինքը՝ ինչացո՞ւ, ի՞նչ առաքելությամբ աշխարհ եկած... Պարզապես աչք էր բացել, տեսել արևի ճառագումը հեռավոր լեռնապարի ուսից և... արևի ժպիտ փորագրել



իր բնակարան-քարայրի ճակատին: Անտառում եղնիկ էր որ-  
սացել, ընդառաջ եկած հարազատները երջանկությունից թևաբաց  
վեր-վեր էին թռել... Եվ նա քարով քարի վրա փորագրեց փախ-  
չող եղնիկ, փորանկարեց իրեն՝ եղնիկի ետևից նետ արձակելու  
պահին, եղնիկը քարայր հասցնելը քանդակեց, ապա և յուրային-  
ները խանդավառությունը՝ երջանկությունից վեր-վեր թռչող մար-  
դիկ, կին-տղամարդ... Այո՛, կին-տղամարդ, որոնք տարբերակ-  
ված են իրենց բաց ու ընդգծված ամոթներով, որովհետև այն  
ժամանակ ամոթը դեռևս ամոթ չէր համարվում...

Ահա այսպես է գրվել մեր առաջին գրական գործը, որին հե-  
սուկ էին ուրիշները՝ կարճ ու երկար, հմուտ ու ապաշնորհ, ուրախ  
ու վշտալից: Նրանց հեղինակներն իրենք էին իրենց տպագրիչ-  
ները, բայց չէին մտածում մեծ տպարանակի մասին: Ամեն ան-  
գամ մեկ օրինակ՝ մեկ խանդավառ կանչ, մեկ ցավագին հառաչ,  
մեկ պարզունակ պատմություն...

Հիմա մեր լեռնաստանը ծածկված է այդպիսի հեռագրերով...

Հետո մերոնք սեպագրեր տեսան հարևան երկրներում և փոխ  
առան, նրանցով գրեցին իրենց անշուք ու անպաճույճ խոսքերը,  
որպեսզի քարերը զրուցեն գալիք սերունդների հետ, որպեսզի  
քարերը ժպտան ու հառաչեն, ջանասիրության դաս տան և քա-  
ջության օրինակ...

Այսպես են քարերին կենդանացրել, շունչ ու հոգի պարգևել  
մեր հինավուրց նախնիները, մինչև որ եկել է այր մի Մաշտոց  
անուն և ասել է. «Բավական է որքան ծովովեցիք անխոս, կամ  
ուրիշների առաջ վիզ ծեցիք կիսատ-պոսատ խոսքերն իրար կա-  
պելու համար... Ահա սրա՛նք են մեր գրերը՝ սեփական, հարմար,  
հավերժական, — տպա դիմելով բովանդակ ազգին՝ պատվիրել  
է այսպես. — Եղիր տե՛րն այս գրերի, պահի՛ր ու պաշտպանի՛ր  
իբրև սրբությունը սրբոց: Կապրես այնքան ժամանակ, քանի տե-  
րը կլինես այս գրերի, որոնք պահապանն են քո հողի ու քարի,  
քո երկրի և քո հոգու»:

Եվ մաշտոցյան գրերը ծաղկեցին, սփռվեցին հանուր Հայաս-  
տանով մեկ, գնացին ապրելու աշխարհի բոլոր կողմերում, ուր որ  
հայ կար և հայություն... Կամ՝ ուր երբևէ ոտք էր դրել ճշմա-  
րիտ մի հայ: Իսպանիայում ու Շոտլանդական լեռնաստանում  
գտնվել են խաչքարեր, որոնք խոսում են հայերեն, քանի որ

ուշ-միջնադարում այդ վայրերը ոտք են դրել հայ վաճառական-  
ներ, որոնց վախճանք եղել է հայերեն...

Եվ հիմա քարեղեն Արարատը պիտի մնար անմունչ, երբ  
նա ի՛նքը համակ խոսք էր ու սրտագին զրույց, երբ նա պերճա-  
խոս խորհուրդ էր ու սուրբ խորհրդանշան, հայի ապրելու լեռ-  
նացած կերպը՝ նրա հին ու հավերժական հայրենիքի կենտրո-  
նում...

Վաղնջական մի զրույց է պատվում Արարատի շուրջը, Արա-  
րատյան դաշտում:

Արարատի թևի տակ, Փոքր Մասսի գագաթին մի լճակ է ծփում  
անապական ջրով:

Լճակն այն կոչվում է Անահտական, քանզի գոյացել է հայոց  
աստվածուհի Անահիտի արտասուքից:

Պատմում են, թե բերքի և արգասավորության մեր ոսկեմայրն  
ու ոսկեծղին Անահիտ սիրահարված էր Արարատին: Գիշերը քուն  
չունեի և, Արաքսի ջրերից ելնելով, պատվում էր լուսնոտի պես,  
ւիրո և նվիրումի իր քնքշագին խոսքերն էր հղում Արարատի  
լանջերն ի վեր՝ իբրև սյուր ու զեփյուու: Իսկ ցիրեկները փար-  
վում էր նրա փեշերին՝ բաշխելով իր զգվանքները, որ տոթակեզ  
էին առավել, քան Արարատյան դաշտի միջօրեի շունչը: Անցնում  
էին օրերը՝ անպատասխան սիրո տանջանքներով լեցուն: Արա-  
րատի լուսթյունը փոթորկում, քրքրում էր Անահիտի սիրտն ու  
հցգին: Եվ նա մի օր էլ, իրենից ի բաց վանելով կանացի պար-  
կեշտության կեղևը, բարձրացավ գագաթը Փոքր Մասսի: Վա-  
ղորդայնի մի թափանցիկ մշուշով իր հմայքոտ մարմինը պա-  
րուրած՝ կանգնեց Փոքր Մասսի կատարին և սիրո կրակ-խոսքեր  
ուղղեց սիրած Արարատին: Խոսքերն այդ նրա շուրթերից ել-  
նում էին իբրև հրաշք թռչուններ, թևածում էին Արարատի ական-  
ջի տակ, Արարատի ճակատն ի վեր, Արարատի ուսերն ի վար...  
Սակայն Արարատը՝ անդրզվելին այդ վիթխարի, այնքան ան-  
տարբեր էր ու սառնաշունչ, որ Անահիտի շուրթերից թռած հրաշք  
թռչունները թևաբեկ ու սառած թափվում էին նրա խուլ-փակ  
ականջի տակ, նրա ձյունամած ճակատն ի վար, ուսերն ի վար:

Եվ սիրաբեկ ու հուսահատ Անահիտը, ասում են, ծնկի է իջել  
Փոքր Մասսի կատարին... Միայն արտասուքը կարող էր մեղմել  
նրա անամոք վիշտը... Երկար լացեց ոսկեմայրն ու ոսկեծղին  
Անահիտ... Եվ նրա սիրո արտասուքից մի լիճ գոյացավ Փոքր

Մասսի կատարին, Արարատի հայացքի տակ՝ իբրև անպատաս-  
խան սիրո և սիրեցյալի անտարբերության հավերժական առհա-  
վատչյալ:

Հետո, ասում են, Անահիտը ոսկեմայր ու ոսկեծղի՝ թանձ-  
րամշուշ ամպի մեջ պարուրված, հեռացել է Արարատի փեշե-  
րից, գնացել է դեպի Արաքս՝ նրա գարնանահորդ ալիքների մեջ  
խեղդելու իր վիշտն անամոք և վիրավոր ինքնասիրությունը կա-  
նացի:

Երևի աշխարհի արարչագործությունից ի վեր այս երկնքի  
տակ պոռթկացած ամենամեծ ու ամենածանր ցավերից մեկը  
տանջանքն է այն, որ բերում է իր հետ ուշացած զղջումը: Ասում  
են՝ մի առավոտ Արարատն աչք է բացել, տեսել արտասուքի  
լճակն Անահտական, հասկացել է անմտությունն իր արարքի և  
ցավից ու տառապանքից քարացել է մի ակնթարթում: Եվ ցավն  
ու տառապանքը հազար ճեղք են տվել նրա կրծքի վրա: Եվ ցավն  
ու տառապանքը հավերժորեն ձյունաճերմակ նստել են նրա գա-  
լաթին, որպեսզի, երբ նայի Անահտական լճակի հայելուն, այն-  
տեղ տեսնի գլուխն իր ալեհեր:

...Եվ մի օր էլ, ասում են, Փոքր Մասսի հյուսիսային լանջին  
ծվարած Ակոռի գյուղի տանուտերը գնացել է Երևանի սարդարի  
ապարանքը, գոռոզ տիրակալին լուր է տվել, թե բա շն՝ս ասի  
այսպե՛ս ու այսպե՛ս. Փոքր Մասսի կատարին ծփում է մի եղե-  
մական լճակ: Իր, անմահական է ջուրը նրա, որ անտեսանելի  
ծորանով իջնում և իբրև աղբյուր արևերես է ելնում սարի հյու-  
սիսահայաց լանջին, հազարաբույր ծաղկանց, մշտադալար թփե-  
րի և զմրուխտե կանաչների մեջ: Սարդարն իսկույն իր մոտ է  
կանչել երկրամասի հմուտ ճարտարապետներին ու քարգործ  
վարպետներին և կարգադրել, որ իր համար ամառանոց-ապա-  
րանք կառուցեն Փոքր Մասսի կանաչափառ լանջին, անմահա-  
կան այն աղբյուրի մոտ: Երևանի բռնատիրոջ հրամանն ի կատար  
է ածվել կարճ ժամանակում: Հինավուրց Ակոռի գյուղի քար-  
գործ վարպետները բազմագույն քարեր են կտրել Մասսիի հյու-  
սիսահայաց ժայռերից: Կտրել են ու սրբատաշել, սրբատա-  
շիլ ու տեղափոխել, շնայած այդ ժայռերի անդունդներում  
օրնիրուն դղրդյուն կար սարսափազդու. ասես մռնչում էին  
մասսյաց պահապան դեերը խորին անդունդների մեջ:

Մի տարին էլ շրջուրած՝ Փոքր Մասսի ստորոտում կանգ-

նեց ազինասարաս մի ապարանք, որի շքեղահյուս կամարների ներքո գիշեր ու զօր անմահական ջրի ցայտաղբյուրներն էին երգում, ծփում էր լճակը մարմարակուռ, և երփնավառ ծաղկաստանում դայլայլում էին հրաշք թևավորներ:

Սարդարը տեսավ այս բոլորը, շրջեց ապարանքի զարդարուն սենյակներում, իր մեծազգի հպատակների հետ ճաշի նստեց գմբեթարդ, մասսահայաց տաղավարներում... Եվ երբ ամեն ինչ ստուգված էր, տիրոջ հավանությանն արժանացած, ի զարմանս ականատեսների, խան-սարդարը կարգադրեց, որպեսզի հարևան Սուրբ Հակոբա վանքի առաջնորդը ներկայանա և նորակերտն օրհնի հայոց երկրի օրենքներով:

Խան-սարդարի սարքազներն անմիջապես նրա ոտքը բերին սուրբ առաջնորդին ու վանական միաբանությանը:

Ասում են՝ օծման այդ հանդեսին ներկա է եղել ամբողջ Ակոռին իր մեծ ու փոքրով և լիացել է սարդարի կարգադրությամբ սարքված, առատությունից տրաքվող սեղաններից:

Ասում են՝ Ակոռիի քարգործ վարպետներն արժանացել են խան-սարդարի տեսակ-տեսակ նվերներին:

Ասում են՝ Սուրբ Հակոբա վանքի հավատավոր սպասարկուները քեֆ-խնջույքից հետո գինուց շաղված հայացքներով շփոթել են մենակյացի իրենց խուցերը...

Իսկ հետո եղել է այն, ինչ որ պիտի լիներ. Արարատյան երկրի բոլոր գավառներից բռնությամբ դեռատի աղջիկներ են բերել ապարանքը: Շինականի լուծն ավելի է ծանրացել: Հայոց հողն ավելի անհույս է տնքացել օտարի արնաներկ կրունկների տակ:

Եվ այս բոլորը տեսել է Մեծ Մասիս-Արարատը: Հայոց հայրն ու ապավենը: Դարերի անհույս աղաղակներն ու տնքոցներն ամպրոպաձայն արձագանքներ են տվել նրա քարեղեն խորխորատներում: Աշխատավոր, արդար զավակների տառապանքը բազմապատկել ու թանձրացրել է նրա ճակատի մռայլ ամպ ու դամպը:

Եվ ասում են... Բայց այս մեկը ո՛չ թե ասում են որպես հնավանդ զրույց, այլ գրված է ժամանակի արդար հիշատակարաններում, հայտնի է աշխարհի աստղագետներին ու երկրախույզներին: Տեսածներից ու լսածներից դայրացած Արարատը 1840 թվականի հունիսի 20-ին իր անդունդներում ամբարած պատժիչ

ուծերն է ի ցույց հանել: Եվ ժայթքելով դեպի երկրի երես՝ ցամառն հեղեղը խորտակել է սարդար-խանի ամառանոց-ապարանքը, մեղսակից Սուրբ Հակոբա վանքը և Ակոռին: Եվ պարիսպը Սարդարապատ այնպես գետնի տակն է անցել, որ նրանից պահպանվել է լոկ մի անուն՝ իբրև ահեղ զգուշացում բոլոր բռնակալներին:

Պատմության ու իմաստության դասերը, սակայն, բռնակալների համար չեն կարծես:

Երբ Օսմանյան կայսրության բանակները ձախողվեցին Բալկաններում ու Միջերկրականի ափերին, երիտթուրք կառավարողներն իրենց հայացքը շրջեցին դեպի արևելք և հյուսիս: Եվ փոխհատուցումը պիտի կատարվեր հայոց հաշվին: Իսկ հայերն ունեի՞ն այդքան ձախողանքները փոխհատուցելու ուժ ու հարըստություն: Չունեի՞ն: Թող, ուրեմն, վճարեին իրենց հողով, տուն ու տեղով, կյանքով ու արյունով:

Թայց պատահե՞լ է երբևէ, որ թուրքը հայից պահանջելիս սուաշնորդվի ճշմարիտ հաշիվներով... Այսպես, ասենք, մեկի դեմ մեկ կամ թեկուզ երկուս, երեք... Այն ի՞նչ հաշվով էին առաջնորդում հենց Սարդարապատի ճանապարհը բռնած թուրքերը, որոնք իրենց նույն քաղաքական ու զինական առաջնորդների հրամաններով, հորդորներով և հարկադրանքով 1915-ին մտել էին Արևմտյան Հայաստանի նահանգներն ու զավառները, անխնա կոտորում էին անպաշտպան հայ բնակչությանը, կողոպտում էին նրանց ունեցվածքը և հիմնահատակ ավերում: Բնակավայրերը:

\* \*

\*

1918 թվականի մայիսի 22-ի առավոտը բացվեց Արարատյան երկրի բոլոր վանքերի ու եկեղեցիների զանգերի ղողանջներով: Դեռ մութը կոխվ էր տալիս լույսի հետ, որ էջմիածնի Մայր տաճարի կաթողիկեն կանչեց արծաթաձայն: Նրան անմիջապես արձագանքեցին Գայանեի ու Հոփսիսիմեի վանքերի համերաշխ զանգերը, որոնց տազնապոտ ձայներից չորս կողմերի վրա զարթնեց Արարատյան դաշտը: Եվ ծավալվեց համասփյուռ ու անվերջանալի մի ահագանգ, որ մտնում էր շեներն ու ավան-

ներք, զարկվում էր հայոց սարերին ու լեռնապարներին: Զարկվում ու ետ էր գալիս, և այնպես էր թվում, թե լեռները ևս զանգեր են դարձել, ու Արարատն էլ մայր զանգն է՝ դրված Հայոց երկրի կրծքին:

Արևելքում, Գեղամա լեռների վրա մութը ճաք էր տվել, և այդ ճաքից ելնում էր մի կրակ, որ ասես դանդաղ պիտի լափեր լեռների վրա քուլա-քուլա նստած ամպերը: Կրակը ձևավորվեց: Հիմա էլ արեգակի ծիրանավառ կիսաշրջանը նման էր աչքի վառվող լույսի, որ ամպեղեն բիբի հետ միասին չոված էր Արարատյան երկրի վրա:

Ռազմաճակատի հրամանատար Դանիելբեկ Փիրումյանը, վաղոց ոտքի վրա, երկու ձեռքով տրորեց ուսերն ու ծոծրակը: Թվում էր այնտեղ թունավոր մի սարդ ճիրանները տարածել է դեպի զանգը և սեղմում է անխնա: Տրորեց ու նայեց երկրի կարմրած աչքին:

— Ի՞նչ ես բերում այս երկրին, ա՛յ սուրբ առավոտ: Շառագունած աչքդ ի՞նչ է ասում: Կկարողանա՞նք ետ մղել պղտոր սելավը, — այսպես բարձրաձայն խոսելով շրջվեց և թիկունքում տեսավ տոհմակից գնդապետին: — Պո՛ղ: Այդ երբվանի՞ց ես ս.յստեղ:

— Մրսած հարսի պատմությունը գիտե՞ս:

— Ի՞նչ հարս:

— Աղբյուրի վրա կոացած է լինում: Մի ձայն է հանում ու ինքն իրեն թոնթորում: «Քոռանա՛մ, — ասում է, — երկուշաբթի օրը թոնրատանն եմ քամի առել»: Մի ձայն էլ հանում է երեքշաբթի՝ ոչխար կթելիս առած քամուց... մինչև հասնում է ուրբաթ օրը և ինքն իրենից խրտնած ետ է նայում, տեսնում՝ Սիմոն քեռին ետևը կանգնած: «Վա՛յ, Սիմոն քեռի, էդ երբվանի՞ց ես էստեղ»: Թե՛ «Քե մատաղ, հենց հաշվիր՝ երկուշաբթի օրվանից էստեղ եմ»:

— Ո՛նց էլ կատակ անելդ գալիս է, — տրտնջալու պես նրան ասաց Դանիելբեկը:

— Օրը պիտի կատակով բացես, — անհոգ հարեց գնդի հրամանատարը: — Մանավանդ որ այս օրը մերն է: Հայի՛ օր է բացվում, Դանիելբեկ: Եվ մենք պիտի ծիծաղենք թուրքի վրա: Թե չէ, մեռած օրս կլինի...

— Անմիտ կատակներ մի՛ անի, Պո՛ղ:

— Ես ասացի, դու կտեսնես:

— Ի՞նչ ես սիրտ տալիս:

— Երբեք ինձ չի խաբում կանխազգացումը, — հանգիստ խոսեց Պողոսբեկը: — Իսկ այս օրվա հաղթանակը ոնց որ գրպանումս լինի: Գումարտակների հրամանատարները գիշերը կանգնել էին, թե՛ «Թույլ տուր, հարձակվենք: Զուր ժամանակ ենք վատնում, — ասում են, — միևնույն է, զինվորի աչքին քուն չի պալիս...»:

Գանիելբեկն անհանգստացավ:

— Զանե՛ս նման բան, — ասաց: — Ո՛չ մի քայլ առաջ, մինչև նրանց առաջապահների վրա հրետանային կրակ չթափենք: Հասկանո՞ւմ ես. նրանք առավոտյան սեպի պես դուրս են գալու Սարդարապատից: Մենք միաժամանակյա կրակով կոմբակոծենք թևերից: Գուք պիտի շարժվեք այն ժամանակ, երբ տեսնեք, որ սեպի կենտրոնն է կրակի տակ:

— Հասկանալի է, սիրելիս: Ամեն ինչ կլինի՝ ինչպես պայմանավորվել ենք: Ես զինվորի տրամադրություն մասին եմ խոսում, — հանգստացրեց Պողոսբեկը: — Գիշերն ինձ մոտ վերադարձավ սրբադանը: Ասում է. «Սիրտս չի դիմանում»: Գնացել, Մայր տաճարը բացել է տվել, ալոթք է կարդացել ու անմիջապես բռնել վերադարձի ճամփան: «Զեր քունը կտանի՞», — ասում է: — Եկել եմ, որ միասին կարճացնենք այս երկար գիշերը»:

— Սնդի՞կ է գրված այդ մարդու ներսը, — զարմացավ Գանիելբեկը: — Ամբողջ օրը շարժման մեջ է, կրակված խոսում է, գիշերն էլ մի ժամ չի հանգստանում:

— Հովսեփր սիրահարված է նրան: Ասում է. «Եթե նրա ճառերից հետո մեր զորքը պարտվի, կենդանի մնացածներին պիտի կախողան բարձրացնել»:

— Միքայելն էն գլխից է զմայլված նրա գիտությունը: Հիմա էլ ասում է. «Միայն նրա պես վիթխարի գիտնականը կարող էր լինել այսպիսի քարոզիչ»: Եվ որոշել է պատերազմից հետո մնալ մոտը: Ասում եմ. «Թող բարով-խերով այդ հեռոյին հասնենք»:

Այդ պահին երևաց համհարզը և զինվորական ողջունյալ տալով՝ զեկուցեց, որ ներկայանում է ըստ հրամանի: Ծակատի հրամանատարը նայեց ժամացույցին.

— Կեցցե՛ս, — ասաց, — պայմանաժամից էլ շուտ ես եկել: — Եվ դառնալով գնդապետին՝ ձեռքը պինդ սեղմեց. — Ես գնում

եմ դեպի հրետանային մարտկոցները: Ինչպես պայմանավորվել ենք:

Ճանապարհին Գանիելբեկ Փիրումյանը նախ հանդիպեց հրետանային մարտկոցի պետ Խորեն Իգիթխանյանին, տեսավ ու հավանեց դասավորությունը, հրետանավորների տրամադրությունն ու պատրաստականությունն ստուգեց թռուցիկ հարցուփորձով և, այսքանից հետո միայն խոսելով մարտկոցի հրամանատարի հետ, զգաց, որ իր առաջ կանգնած է իսկուր ու բարեխիղճ մի զորական, որի հետ ուժովար չպիտի լինի խնդիրներ լուծել:

Իգիթխանյանը՝ երիտասարդ, զրազետ ու հայրենասեր մի սպա, համակ սպասում էր ու անհանդստություն: Համոզված էր, որ իր մարտկոցի «նախապատրաստությունից» մեծապես կախված է լինելու մարտի հաջողությունը: Ինքը պիտի թշնամուն հասցնեք առաջին անսպասելի հարվածը, առաջացնեք տաճնապ ու խուճապ, որից հետո արդեն իրենց խոսքն էին ասելու գնդացրորդներն ու հետևակայինները: Սպասումից, ամենասպասախանատու դերի գիտակցությունից լարված էր այն աստիճան, որ զգում էր ներքին մի դող: Այդ ծայրահեղ լարվածությունից նա չկարողացավ ազատվել նույնիսկ ռազմաճակատի հրամանատարի հայրական-խրախուսիչ խոսքից հետո: Փիրումյանն անմիջապես նկատել էր նրա վիճակը և փորձեց հանգստացնել.

— Տղա՛ս, — ասաց, — ապրե՛ս, լավ ես պատրաստվել: Բայց շատ մի՛ հուզվիր: Ծս քո կողքին եմ լինելու, — և ուսը գրկեց մտերմորեն:

Հետո ճակատի հրամանատարը մի կարճ ժամանակով բաժանվելու էր նրանից: Ճերմակը քամու պես սուրում էր դեպի Արաքսի շամբուտները, ուր տեղակայված էր հայկական զորքի մի փոքրիկ մասը և խնդիր ուներ հսկելու գետի անցումները, որպեսզի թուրքերն այդ կողմերով չխուժեն Արարատյան նահանգ:

Արաքսը վարարել, հորդում էր մայիսյան պղտոր ջրերից: Գետի իսկական հունից բավական հեռու գոյացել էին հոսող ճահճուտներ, որոնցով անցնելու փորձ կարող էին կատարել միայն խելագարները: Իսկ թուրքերն իրենց խելոք էին համարում: Բլրեմն շնորհակալություն հայոց մայր Արաքսին, որ բնական պատնեշ էր դարձել թուրքական 5-րդ և 12-րդ դիվիզիաների գեմ, որոնք առատաջուր գետից այն կողմ, Իգիթի, Կող-



բի ու Կաղզվանի երկարութեամբ տարածված, երազում էին թափվել Արարատյան դաշտը, կոտորել տեղացիներին ու արեւմտահայ հարյուր-հազարավոր գաղթականներին, որոնք ապաստան էին գտել հայկական այս վերջին մի բուռ հողի վրա, բաց երկնքի տակ:

Փիրումյանն իմացավ, որ կատարված է իր հրամանը՝ արդեն քանդված են Մարգարայի ու Կարակալայի կամուրջները, և թուրքերը միայն մտքով կարող էին Արաքսն անցնել, եթե, իհարկե, գետանցների վրա հսկող հայ փոքրիկ ջոկատները կարողանան աշալուրջ հսկողութեամբ կասեցնել նրանց ամեն մի փորձ:

Մարգարայի կամուրջի ավերակի մոտ նա հանդիպեց գումարտակի հրամանատար Երվանդ Մամաջանյանին, որը ղեկուցեց առաջադրանքի կատարման մասին և խոստացավ ամուր պաշտպանել Արաքսի գետանցները: Ռուսական բանակի երկու զորականներն իրար վաղուց էին ճանաչում և նոր փորձութունների կարիք չունեին իրար ստուգելու համար: Հրգրումի ճակատում կապիտան Մամաջանյանի ղեկավարած վաշտը գնդապետ Փիրումյանի հուսալի հենարանն էր եղել, մանավանդ Դալան-գյոզ ամրոցի գրավման ժամանակ, երբ ուսից ծանր վերք ստացած վաշտապետը մարտը չթողեց, մինչև որ թշնամին ջախջախված էր վերջնականապես, և ինքն այլևս չէր կարող տեղից շարժվել:

— Կապիտան, ես քեզ նման կտրիճին ճակատից հանել եմ ու նշանակել այստեղ նրա համար միայն, որ այս թիկունքը մեր ամենանեղ տեղն է, — հին ծանոթի ու բարեկամի մտերմութեամբ սեղմելով Երվանդ Մամաջանյանի ձեռքը՝ բացատրեց Դանիելբեկ Փիրումյանը: — Ձեր գումարտակի հսկողութեան տակ քիչ տեղամաս է գրված, բայց այդ չի նշանակում, թե դուք լիազորութուն չունեք ուրիշ հանգույցների վրա հսկելու:

— Պարոն զորավար, ես ուրախ եմ... և հպարտ նաև, որ պատիվ ունեմ կատարելու ձեր հրամանը...

Եվ պատմեց, որ առավոտյան եղել է բաշգառնեցի Մակեդոնի ու տրապիզոնցի թուրքիկ շովսեփի հեծյալ ջոկատներում, խելք-խելքի են տվել, պայմանավորվել, թե ինչպես գիշեր-ցերեկ աշալուրջ հսկեն Արաքսի հովիտը, որ ոչ մի թուրք չհամարձակվի գետի ձախ ափ ելնել:

— Ուշագիտ եղեք նաև արեւելյան սահմաններում, որովհետև

նրանք Շարուրի կողմերից էլ կարող են հայտնվել, — զգուշացրեց Փիրումյանը: — Արամը խոստացել է վեդիի կողմերում ոտքի հանել ժողովրդական աշխարհագործը՝ Սակայն, ամեն պարագայի, այստեղ դո՛ւք պիտի լինեք դրուժյան տերը, փորձված ու հմուտ զորականներդ:

— Կաշխատեմ արդարացնել ձեր վստահությունը, պարոն զորավար:

Դանիելը եկ Փիրումյանը Մամաշանյանին հրաժեշտ տվեց այն հաստատ համոզումով, որ թիկունքը հուսալի ձեռքերում է գտնվում: Իսկ նրա կարծիքով՝ թիկունքի ապահովությունը ճակատամարտի հաջողության կեսն է: Երբեք չէր մոռանում հայկական ավանդությունն այն քաջ զորականի մասին, որը կրծքից վերք ստացած՝ գոռացել է. «Վա՛յ, թիկունքս...»: «Տարօրինակ մարդ, — հարցրել են, — կուրծքդ է վիրավորված, դու թիկունքիդ համա՞ր ես վայ կանչում»: Եվ զորականն ասել է. «Թե որ ես պաշտպանված թիկունք ունենայի, կրծքից վե՞րք կստանայի»:

Հիմա ճակատամարտի գնացող հայ փոքրաքանակ զորքը պաշտպանված թիկունք ուներ: Սակայն նրա դեմ կանգնած էր և ահա այսօր նոր արշավանքի պիտի ելնեթ թուրքական հռչակավոր դիվիզիան՝ կոչված նաև Դարդանեյան կամ Գալիպոլլու, որի հետ շարժվում էր մի խաժամուժ՝ քրդական հեծելազորը և Սարիղամիշի ու Կարսի կողմերից հավաքված մահմեդական ավազակախմբերը: Փոքրաքանակ հայոց զորքն ի վիճակի՞ կլինի թշնամուն հասցնելու վճռական ույն հարվածը, որից հետո սովորաբար մնում է փակել հաշիվները: Դանիելը եկ Փիրումյանն այդ հարվածը տեսնում էր շատ որոշակի, այնպես իրական, կարծես մեկ անգամ արդեն ամեն ինչ կատարվել էր և հիմա լոկ ցույց էր տրվելու եղածի կրկնությունը: Իսկ այսօր թուրքերը վաղ առավոտվանից հարձակման շանցան, դա ևս ինքը կանխատեսում էր, դրա համար էլ հանգիստ գնաց Արաքսի ափի հսկողության կետերն ստուգելու:

Հրետանու սպա Խորեն Իգիթխանյանն արդեն վարակվել էր ռազմաճակատի հրամանատարի հանգստությունը, սակայն դեռևս չէր կարողանում մի տեղ կանգնած մնալ: Մարտկոցի հրանոթների ստուգումն առիթ դարձնելով՝ մեկից մյուսի մոտ էր գնում, խոսում էր զինվորների հետ, նոր հանձնարարություններ էր տալիս: Սակայն դա էլ չէր օգնում, որովհետև այնտեղ էլ

հրետանավորներն էին հուզված և անհամբեր հարցնում էին. «Ինչի՞ հնք սպասում, երբ որ պարզ տեսնում ենք իրենց դիրքերը: Ահա մի տեղ ծուխ է բարձրանում, և զորքը խոնված է շուրջը: Հարվածենք՝ անագին ավերածություն կլինի»:

Եվ Դանիելբեկ Փիրումյանն իր շուրջը հավաքեց մարտկոցի մեծ ու փոքրին, բացատրեց հարվածն ուշացնելու պատճառը.

— Տեսնո՞ւմ եք թուրքի ու մեր միջև ընկած այն բաց տարածությունը: Մերկ դռեր են, ոչ մի թուփ ու կանաչ, ոչ մի ձոր կամ բլուր: Առաջինը կրակ բացողն ու առաջ շարժվողն այնտեղից պիտի անցնի: Եվ այնտեղ էլ պիտի հակառակորդի կրակի տակ ընկնի: Իսկ դա կլինի այն աղետը, որին մեր ժողովուրդն ասում է էջի նահատակություն:

— Բայց, միևնույն չէ, պարոն զորավար, թե մենք այնտեղով երբ պիտի անցնենք,— երկչոտ հարցրեց հրետանավորներից մեկը, որ երևի ամենաանհամբերն էր իր ընկերներից:

Խորեն Իգիթխանյանը խեթ նայեց նրան, և հայացքն ասում էր՝ «Ա՛յ կոտրած գդալ Դրաստամատ, դու էլի մե՞ջ ընկար»: Սակայն մարտկոցի հրամանատարի հոդում կշտամբանք չկար, նույնիսկ ուրախ էր, որովհետև մտածեց, թե զորավարը գոնե մի փոքր կբացատրեր իրենց խնդիրը:

— Իհարկե, միևնույն չէ, որդիս,— հանգիստ բացատրեց ճակատի հրամանատարը:— Մենք պետք է այդ դռերն անցնենք թուրքերին բոլոր կողմերից հարվածելուց, խուճապահար անելուց հետո:

— Գլուխը կորցրած ետ փախչելիս նա երկար ժամանակ դեռ ետ չի նայի,— նկատեց մարտկոցի հրամանատարը, որ իսկույն հասկացել էր գաղտնիքը:

— Ա՛յ, կեցցե՛ս,— վրա բերեց Փիրումյանը:— Հիմա հասկանո՞ւմ եք՝ ինչի՞ հնք սպասում:

— Դե՛, որ ամեն ինչ էղբան պարզ լինի, կովելը կդառնա խաղ ու պար,— քթի տակ քրթմնչաց Դրաստամատը:

— Խաղ ու պա՞ր,— հեզնական ժպտաց Փիրումյանը:— Չէ, որդիս, այդ մեկը մտքիցդ հանիր:

— Դե՛, ես հեշտության տեսակետից եմ ասում, պարոն հրամանատար,— արդարանալու համար խոսեց համարյա պատանի Դրաստամատը:— Երբ որ, ա՛յ, էսպես պարզ գիտենք առաջադրանքը, էլ ի՞նչ է մնում:

— Մնում է խիզախորեն կռվել:

— Իմ էս աչքի՛ս վրա, — աչ թաթը վեր պարզած խոստացավ հրետանավորը և աշխույժ քայլեց դեպի իր հրանոթը:

\* \*

\*

Արևը բավականին բարձրացել էր: Շոգից տաքացած օդը երևում էր հանդարտ ծփացող, ծիրանագույն ու թափանցիկ հեղուկի պես: Արարատյան երկրի զանգերը հնչում էին իբրև խորհրդավոր, անորոշ հեռուններից եկող կանչեր:

Թուրքերի հանդիստը կորել էր այդ զանգերի ղողանջներից, որոնք լցվել էին օդը, տարածվել ամենուր, կախվել նրանց գլխավերևներում ինչպես խայթող մեղվապարսեր, որոնցից փրկվելու համար գոզ արջն իրեն ջուրն է նետում կամ ժայռից գլորվում ցած:

Սվ այդ հոգեմաշ ու հալածող ղողանջները լռեցնելու, թե՛ պարզապես նրանցից փրկվելու համար Շեքի փաշայի զորքերն առաջ շարժվեցին: Առաջ շարժվեցին Սարդարապատ ավանից ու Սարդարապատ կայարանից, իսկ ճանապարհն անցնելու էր Գեշիրլուով դեպի Ղամիշլու-Սղեզնուտ և այնտեղից երկաթգծի վրայով՝ Զանգիբասար, ուր պետք է խառնվեին ապստամբած տեղացիների հետ ու գնային Երևանի վրա: Վեհիբ փաշայի ռազմավարական ծրագրով Կովկասյան Թ-րդ դիվիզիան ու նրան ուղեկցող անկանոն զորամասերն էլ պիտի, Արագածը հյուսիսից շրջանցելով, նվաճեին Բաշ-Ապարանը, ապա կտրուկ ճանապարհով հասնեին Երևան: Այնուհետև Արարատյան դաշտն իր բնիկներով և շուրջ երեք հարյուր հազար գաղթականներով պիտի մնար թուրքական աքցանի մեջ: Կսեղմվեր այդ աքցանը, այնքան կսեղմվեր, որ խեղդամահ լիներ հայության վերջին այդ խոշոր զանգվածը: Վերջապես թուրքը պե՛տք է ազատվեր կոկորդին դեմ առած ու անտանելի այդ ոսկորից:

Թուրքերի առաջապահները Սղեզնուտին հասվեհաս էին, իսկ զորքի ամբողջ բազմությունը կեղտաշրի պես տարածված բռնել էր Սարդարապատի ամբողջ տափաստանը: Աչ ու ձախ թևերից հրանոթները կրակում էին բոլոր ուղղությունների վրա: Գնդացիներ էին ճարճատում: Հետևակնօդում և դեպի դիմացի տա-

րածությունները կրակելով, աղմուկ-աղաղակով շարժվում էր: Նրանց երթը շատ էր ուրախ:

Թուրք զինվորը դեռ այդպիսի շքերթ, այդքան աղմկալից ու խանդավառ տեղաշարժ չէր ունեցել վերջին պատերազմի ընթացքում: Դե՛, թող խլանա՛ն հայոց զանգերի ղողանջները: Թող Արարատյան երկիրը գերեզման դառնա հայության մնացորդների համար, որպեսզի ոչ մի արգելք չմնա թուրքաց ավանդական բաղձանքների իրականացման ճամփի վրա...

Դանիելբեկ Փիրումյանի հրամանով մեկեն կրակ ժայթքեց Խորեն Իգիթխանյանի մարտկոցի թնդան: Թնդերից: Եվ դա ահազանգ դարձավ, որպեսզի Քյորփուլու դյուրից արևմուտք դիրք մտած կապիտան Կլիշի թնդան: Թնդերն էլ իրենց զայրույթը թափեն երկաթգծի երկարությունը: Եվ հող խոնաված թուրքերի վրա: Փիրումյանը Կլիշին հունձնաբարել էր առաջին իսկ հարվածներով շարքից հանել Սարդարապատ կիսակայարանի ջրհան սարքը, որը երկաթգծի այդ հատվածն ու շրջականները խմելու ջրով ապահովող միակ կետն էր: Ճակատի հրամանատարը, հեռադիտակով կիսակայարանը հայացքի մեջ առած, սպասում էր դիպուկ այն հարվածին, որ միայն կապիտան Կլիշի նման նշանառուն կարող էր հասցնել: Եվ այդ հարվածից ջրհան կայանի փայտամածը վառվեց, կայանը փշուր-փշուր տարածվեց շորս կողմերի վրա:

Հայերի թնդան: Թնդերի ավերիչ ու մահացու հարվածներից Սարդարապատի դաշտի դռերը ծածկվում էին թուրքերի դիակներով ու արյունով: Դաշտի մոտերքում խնամքով քողարկված գնդացրորդները հնձում էին անկազմակերպ նահանջի ճանապարհը բռնած ասկյարներին:

Եվ այն ժամանակ Քյորփուլուի այգիներում, Ղուլիբեկլի ու Հայի Զեյվա դյուղերում դարանած Հինգերորդ գնդի գումարտակները դուրս հորդալով սկսեցին շնդմիջվող ու դիպուկ հարվածներով հնձել նահանջող թուրքերին:

Գնդապետ Պողոսբեկ Փիրումյանը հեռադիտակով տեսել էր, որ թուրքական շարժման ծայրն արևելքում Եղեգնուտից էլ դուրս էր եկել, իսկ ձախ թևը քսվում էր Ղուլիբեկլուի իրենց թաքստոցներին: Եվ այժմ, երբ իրաք կոխկրտելով փախչում էին թուրքական դիվիզիայի ետնապահները, սեպի ծայրը կազմող վաշտերը, գլուխները կորցրած՝ աննպատակ կրակում էին աչ ու ձախ: Գրեն-

դապետը գումարտակի հրամանատար Ստեփան Խաչատրյանին կարգադրեց կտրուկ անցումով փակել այդ վաշտերի նահանջի ճանապարհը: Խաչատրյանի գումարտակը գնդացրային կրակի պաշտպանությամբ հասավ Սարգարապատ կայարանի մատույցներին և ապահով դիրքեր գրավելով՝ սկսեց ջարդել նահանջի փորձ կատարողներին: Ծուղակի մեջ ընկած թուրքական վաշտերը ուրիշ ելք չունեին, քան սպիտակ դրոշ պարզելը:

Թուրք բարձրաստիճան մի սպա անմիջապես առաջացավ և, Պողոսբեկ Փիրումյանի ոտքերն ընկնելով, կյանք աղերսեց:

Գնդապետը կովկասյան թուրքերենով կագադրեց, որ նա վեր կենա, ապա հանձնելով համհարզին՝ ճանապարհեց թիկունք:

— Լավ պահեցեք, — հանձնարարեց նա, — կարևոր հավք է երևում:

Սակայն սպան ու համհարզը դիրքերից հազիվ էին հեռացել, երբ սպիտակ դրոշ պարզած թուրքերը հանկարծ պպղոտեցին և սկսեցին կրակ տեղալ իրենց շրջապատած հայկական շոկատների վրա:

Գնդապետը շարաշար զղջաց, որ հավատացել էր թուրքական դրոշի գույնին: Այն ե՞րբ է եղել, որ թուրքը հարզել է զինադարի իր պայմանագրությունը կամ հայի պարզած ճերմակ դրոշի ազնվությունը: Նա կարգադրեց նունակներով հանգցնել թուրքաց կրակը: Իսկ ինքը թուրք մերկացրած խոյացավ օղակի մեջ գտնվող վաշտերի վրա.

— Քաջե՛ր, իմ ետևի՛ց, — և նրա ծանր հարվածից տապալվեց թուրք մի սպա:

Գնդապետի ետևից թրամարտի ու սվինամարտի նետված հայ զինվորները գոռում-գոչյունով լցրել էին Սարգարապատի դաշտը:

Բոլոր կողմերից պաշարված թուրքերը, տեսնելով, որ իզուր է դիմադրությունը, աղերսում էին խնայել իրենց: Լուրդ վաշտապետը, բարձրացած մի քարի վրա, լալահառաչ բացատրում էր, որ իրենք ծառայել են եվրոպական ճակատներում և շեն մասնակցել հայկական կոտորածներին: Աղաչում էր խիղճ ունենալ և չկոտորել անմեղ զինվորներին:

— Բա էդ որտեղի՞ց ես իմացել հայկական կոտորածների մասին, ես քու..., — գոռաց մի հայզինվոր և հրացանի փողը բռնած՝ կոթով զարկեց նրա գլխին: — Խիղճ ունեցողների՛ս նայեք:

Ղուլիբեկլուից արևմուտք Հինգերորդ գնդի երկրորդ գումարտակին էր կոչում: Այնտեղ գնդացրային կրակով ետ էին մղել թուրքերի հակահարձակումը և ջանում էին պաշտպանել գրաված դիրքերը, մինչև օգնական ուժեր կհասնեին:

Այնտեղ լավ հունձ էին անում դիպուկահարները, որոնք իրենց գործին էին՝ հարձակում լինելու թե պաշտպանութուն: Այնտեղ էին երկու անբաժան ընկեր՝ Զաքարն ու Արշակը, որոնք իրենց Վարանդայում համբավավոր որսորդներ էին ևղել, հիմա գնդի լավագույն դիպուկահարներն էին: Զաքարն անպայման հրացանին հենակներ պիտի դներ, նոր բռներ իր որսը: Իսկ Արշակին բավական էր և իր ձախ թևը: Հրացանը դնում էր ձախ թևին, փողը վերից զգուշորեն վար իջեցնում և ձգանը սեղմում: Այդպես նրա գնդակից փրկութուն չունեի օդում թևածող թռչունը: Իսկ դիմացի թուրքը բավականին մեծ էր ամենախոշոր թռչունից:

Արշակը հայացքը կտրեց թիկունք դարձրած թուրքերից, տեսավ՝ աջակողմյան փոքրիկ հողաթմբի վրա, թռիչքի պատրաստվող արծվի նման, սքեմի թևերը թափ է տալիս Գարեգին սըրբազանը: Նրա ձեռքի խաչը հուրհրատում էր արևի տակ: Ինքը խանդավառված խոսում էր. աղոթք էր կարդում, թե՞ անեծքով դժոխք էր ուղարկում թուրք ասկյարներին: Ճիշտ է, հայ զինվորները տեսնում էին նրան և գիտեի, որ իրենց համար է սեփական կյանքը վտանգի տակ դրել սրբազանը: Սակայն արկերի դղրդոցի, գնդակների ճայթյունների ու սուլոցների, փախչողների վայնասունի ու հետապնդողների աղաղակի մեջ ո՞վ էր լսում նրա ձայնը:

Թուրքերի հունձը մի պահ դադարեցնելով՝ Արշակը վազեց դեպի հողաթումբը և, հրացանը ձախ ձեռքին, աջով սրբազանին առավ թևի տակ ու վազեց դեպի մոտիկ փոսը: Սրբազանը, նրա թևատակին հորիզոնական ձգված, ոտուձեռքերն էր թափ տալիս: Բայց ինչպե՞ս կարող էր փրկվել լեռնորդու պիրկ ձեռքից: Փոսի մեջ դիպուկահարը նրան ցած դրեց և փորձեց արդարանալ.

— Սրբազան ջան, կյանքս քե մատաղ, բա էն թումբն ես բարձրացել, հեռի քեզանից, որ մի բան պատահեց, ո՞ւմ պիտի դնենք քո տեղը:

Իսկ սրբազանը շարժ նրան էր նայում, ոտից գլուխ շափում էր հայացքով, մտքում՝ այն առեղծվածը, թե այդ կարճ ու կլոր կոճղի մեջ որտեղի՞ց այդքան ուժ:

— Ա՛յ արջ, ո՞նց է անունդ:

— Արշակ է, Գարեգին սրբազան, — խոստովանողի մեղսապարտությամբ հայտնեց «արջը»: — Անունս անունիդ մատաղ, քեզ խնայի՛ր, սրբազան:

— Այ տղա, գիտե՞ս, որ Արշակ էլ նշանակում է արջի ձագ: Արշակը բմծիծաղեց, հողոտ ձեռքով սղալեց կախ-կախ բեղերը.

— Հլա ո՞ւր է, հա՛, մինչև իսկական արջ դառնամ...

— Արշակ, թո՛ւրքը, թո՛ւրքը:

— Հո՞ր ա, սրբազան:

— Ձեռքիս ուղղությամբ նայիր...

Բավական հեռու, մասրենու թփի տակից ելած ասկյարը բաց տարածությամբ իրեն աջ ու ձախ զցելով փախչում էր՝ մեջքից կռացած: Արշակը ձախ բազուկը ծալեց, հրացանի փողը դրեց վրան և վերից մի փոքր վար իջեցնելով կրակեց.

— Քո պատվին՝ է՛դ մեկ, սրբազան, — ինքնագոհ ծպիտով նրան նայեց Արշակը:

— Ադա՛, մեկ է՛լ կրակիր, ոնց որ շի կպել, — հորդորեց սըրբազանը:

— էդպես շի լինում, սրբազան:

Եվ, իսկապես, ասկյարը գլուխը բարձրացրեց, ոտքերը խանգարված ու լայն-լայն առաջ զցեց, ապա ետ ընկավ թիկունքի վրա:

Սրբազանը թփթփացրեց Արշակի մեջքը:

— Դե՛, հիմի դու էնտեղ նայիր, սրբազան, — հրացանը նորից հարմարեցրեց դիպուկահարը: — Տե՛ս, հա՛, գալիս է իր ընկած յուզաշին կողոպտելու, — արդեն ինքն իրեն խոսեց Արշակը: — Վա՛յ, ես քո հավատը...

Սրբազանն ուզում էր զգուշացնել, որ էլ հավատ չհայհոյի, նա կրակեց: Թուրքը նստեց իսկույն, մեկ էլ ձեռքերին հենվելով ծանրորեն վեր կացավ:

— Ադա՛, ոնց որ...

Երեսի վրա ընկավ ընկերոջ գլխին:



— Սրբազան շան, էդ է՛լ քո պատվին,— ուրախացավ Արշակը:— Հիմի դու էստեղ կաց, ես առաջ պիտի գնամ:

Այդ պահին թուրքի արծակած արկը եկավ, ընկավ աջակողմյան այն թմբի վրա, որը քիչ առաջ սրբազանը դարձրել էր աղոթարան: Հողի ու փոշու սյուն կանգնեց և, երբ սյունն իջավ, թմբի տեղը մնաց հարթ մի կալատեղ:

Արշակը վախով ու խնդությամբ դարձավ դեպի սրբազանը. — էն ո՞ր սովյալին ես մի կտոր հաց տվել, քե մատաղ: Եռանդով ծիծաղեց սրբազանը.

— Տված կլինեմ, օրհնվեն քո անցյալները: Էդ ո՞ր տեղից հասար:

— Աստծու մատը խառն է, սրբազան: Թե չէ, ես պիտի վազելով ընկերներիս ետևից գլացած լինեի: Դե, հիմի դու էստեղ մի քիչ շունչ քաշի, ես գնամ: Ափսոս են էն թուրքերը, որ իմ գնդակներին են սպասում:

— Իսկ ի՞նչ կլինի, որ միասին գնանք:

— Է՛, շեղավ, սրբազան,— լուրջ անհանգստացավ Արշակը:— Տե՛ս, կտամ, ինձ կսպանեմ... Ես հե՛չ, հա՛, էն թորքերն են ափսոս:

Մոտիկ ինչ-որ տեղ ահեղ դղրդյուն լսվեց: Զիեր վրնշացին: Սրբազանը ծնկի իջած, ակնազարդ լանջախաչը վերովար անելով աղոթք էր կարդում: Արշակն շտապով մոտեցավ, սըրբազանի ձեռքը խլեց, տարավ շուրթերին, ապա թողեց ու վազելով գնաց դեպի երկաթգիծը:

Կեսօրից հետո Պողոսբեկ Փիրումյանի գումարտակները մտան Սարգարապատ ավանն ու Սարգարապատ կայարանը: Կայարանի նվաճումը կատարվեց այնպես արագ, որ թուրքերը չփորձեցին էլ վիրավորներին տանել իրենց հետ, և գերի ընկան երկու հարյուրից ավելի վիրավոր ասկյարներ, որոնք հաղթողներին նայում էին վիզները ծռած, իրենց օրհասին սպասող դատապարտյալների պես: Բարձրաստիճան մի սպա, որի երկու ոտքերը ջարդված էին արկի բեկորներից, մոտեցող հայ զինվորներին տեսնելով, ատրճանակի փողը սեղմեց քունքին ու կրակեց: Պողոսբեկ Փիրումյանը մոտեցավ նրա կողքին անհույս պառկած ասկյարին, թուրքերեն հարցրեց.

— Ինչո՞ւ կրակեց:

— Մեկ չի՞, դո՛ւք պիտի կրակեք,— լալով պատասխանեց թուրքը:

— Մենք գերու վրա շենք կրակում,— պատասխանեց գնդապետը և զինվորներին կարգադրեց՝ հսկեն գերիներին, մինչև կգան-կհասնեն սանիտարական զորամասից:

Սարգարապատ գյուղում թուրքերը փորձեցին դիմադրել: Դիրքեր էին մտել գյուղի արևմտյան թաղամասում և կրակում էին փողոցներում շարժվող հայ զինվորների վրա: Հենց կենտրոնական փողոցում, եկեղեցու պատի տակ սպանեցին երկու զինվորի ու մի սարգարապատցի ծերունու, որը զինվորներին պատմում էր, թե ինչպես առավոտյան թուրքերն սկսեցին քանդել եկեղեցու պատերը, երբ լսեցին զանգերի ղողանջները:

Գնդապետ Փիրումյանը կարգադրեց շտապ անցումով թիկունքից հարվածել թուրքերին, և երկու վաշտեր անմիջապես գործի անցան:

Վարանդացի Արշակը նկատել էր գյուղի ծայրի տան հրակնատը, որտեղից մեկը ժամանակ առ ժամանակ հրացանային կրակ էր տեղում: Նա իր հրացանի փողը բազկին դրած նշան էր բռնում հրակնատի վրա, բոլորովին մոտիկ երևաց Գարեգին սրբազանը, ետևից՝ զինվորների մի ջոկատ: Աղմուկ էր շուրջը, ծուխ ու փոշի: Արշակը շհասկացավ ի՞նչ է աղաղակում սրբազանը: Կրակեց հրակնատի վրա, համոզվեց, որ գնդակն իր գործը տեսել է, նոր միայն վազեց հոգևորականի մոտ:

— Ին՞չ է պատահել, սրբազան,— անհանգստացավ դիպուկահարը:— Ինչի՞ ես կանգնել գնդակի բերանին:

— Մուխը տեսնո՞ւմ ես,— լանջախաչը սրի պես պարզեց դեպի գյուղի հարավ-արևմտյան ծայրը: Այնտեղ իսկապես թանձր ծուխ էր բարձրանում, և ծխի միջից մերթ ընդ մեղթ ցուլանում էին բոցեղեն լեզուները:— Թուրքերը երեխաներին լցրել են այն տունը, կրակ են տվել: Հասե՛ք, փրկեցե՛ք...

— Զինվորներ՛ր, ի՞նչ ետևի՛ց,— գոռաց Արշակը և ջոկի գլուխն անցած, նեղլիկ մի փողոցով վազեց դեպի աղետի վայրը:

Վազում էր նաև սրբազանը: Փոշոտվել, գո՛լյնը գցել էր նրա սքեմը, որի ձախ փեշը պատռված էր, և վազելիս մեկ-մեկ ծունկը դուրս էր գալիս պատռվածքով: Գյուղը դեռ ցնցվում էր կրակոցներից: Փողոցում իշամեղվի տզզոցով գնդակները թռչում էին աջ ու ձախ, խփում էին պատերին ու պարիսպներին: Եվ

զարմանալի էր, թե ինչպես է, որ նրանցից ոչ մեկը... Այս մըտքի վրա էր սրբազանը, որ առջևից գնացող զինվորը գլուխը բռնեց ու նստեց: Չկարողացավ էլ «վայ» կանչել: Մինչև ընկերները հասան, փորձեցին բարձրացնել, շունչը փչեց: Օգնության եկած զինվորները հայացքով սանրեցին շրջապատի կտուրները և տեսան՝ մեկը շարշարվում է, որպեսզի անցնի վերջին ցանկապատը: Երկուսի գնդակներն էլ բռնեցին նրան. մեջքին երկու տեղից թեթև ծուխ բարձրացավ: Կարծես հոգին էր, տվեց, ընկավ:

Գյուղի տարբեր կողմերից դեպի վառվող տունն էին վազում կանայք՝ պառավ, ջահել: Վազում էին՝ մազ փետելով, կուրծք պատռելով, ճվոց-ծվվոցով... Ասում են՝ մինչև վերջին ժամը զինված ասկյարները պաշտպանելիս են եղել տան մատույցները, որ տեղացիներից ոչ ոք չմոտենա: Իսկ իրենք՝ ասկյարներն ու սպաները, խումբ-խումբ գնացել են և կենտուկաթուկ, շալվար կապելով հեռացել:

Գյուղի տանուտեր Աղապարոնը, որ այդ շարաշուք տան տերն էր նաև, ասում են, երեկ գնացել է բողոքելու Ասկյարները բռնել, տարել են դեպի Ղուրղուղուլու կողմերը, և խեղճ մարդն էլ չի վերադարձել:

Հիմա տան շուրջն ականապատված է: Տարեց կանանցից մեկը փորձեց մոտենալ, ականը պայթեց, մարմինը շաղ տվեց վառվող տան պատի տակ: Մնացած կանայք աղիողորմ հեկեկում էին ու երեսները ճանկոտտում:

— Քարանան ձեր մայրերը, — կանչում էր մի պառավ, որ ցամաքած աչքերը հառել էր երկնքին: — Աստված, քարե կարկուտ թափիր: Աստված, էլ ինչի՞ հնք ապրում էս գուլումից հետո:

Տան հրդեհը հանգցնել չհաջողվեց: Զինվորներն արագորեն ականազերծ արին: Ապա դռները ջարդելով փրկեցին քառասուն երեխաների, որոնց թուրքերը փակել էին ներսի սենյակներում:

Մի ծեր գյուղացի, մազը երեսին չորացած, փորձեց պատմել եղելությունը: Կակազի պես շարշրկեց բառերը, վերջն էլ ողբալով բացատրեց սրբազանին.

— Լեզվով ասելով չէ, հա՛յր սուրբ, լեզուս պատ չի գալիս, որ ասեմ:

Երեխաներից շատերը հազիվ էին ոտքի վրա կանգնում: Մնացածներին դուրս բերին ձեռքերի վրա: Պատառոտված էին հագուստները: Կիսամերկ մարմիններն արյունոտ էին, կապտոտած. ենթարկվել էին տեական ու դիվային խոշտանգումների: Եվ լուռ էին նրանք, անարտասուք, անտրտուն՝ իբրև նոր օրերի նահատակներ:

Տան ընդարձակ բակում ասեղ գցելու տեղ շկար արդեն: Երեխաների շուրջը խոնվել էին կանայք և վիրավոր դաղանների մոլտոցով գուրգուրում էին անմեղ զոհերին: Վիրավորված, բրզկլտված էր մայրական ղգացումը, և նրանք իրենց կարևկցանքի ու խղճահաբուխյան խուսժերը մայրերին էին ուղղում, այդ երեխաների հեռավոր ու անծանոթ մայրերին. «Քարանձն ձեր մայրերը, ա՛յ աստծո գառներ», «Թող ձեր մայրերի անեծքը մա՛հ դառնա թուրքի համար, ձեր մայրերի ու աշխարհի բոլոր մայրերի անեծքը...»:

Գյուղացիները զինվորների հետ բակն էին լցվել, նաև թառել էին հարևան կտուրներին, պարիսպներին, ծառերի վրա:

Բակի կենտրոնում Պողոսբեկ Փիրումյանն էր շվար կանգնած և վառվում էր զայրույթի, ցավի ու վրեժի զգացումներից: Քրտինքը ճակատից հոսում էր դեպի աչքերը, այտմորուսները: Փոշին ու արյունը գորշ բծերով էին նախշել հագուստները: Նա ծանր, տանջված հայացքով նայեց Գարեգին սրբազանին, և տառապանքից կուշ եկած հոգևորականը մոտեցավ, նրա ականջի տակ ինչ-որ բան ասաց:

Հետո սրբազանը շրջվեց դեպի զինվորները և խոսեց.

— Զավակներս, հա՛յ զինվորներ, դուք, որ վկան եք այս համազգային ցավի ու նվաստացման, լա՛վ իմացեք, թե ինչի՛ համար եք կռվում, ո՛ւմ դեմ և ինչի՛ց պիտի փրկեք մեր հողն ու ժողովուրդը: Թող վրեժք բազմապատկի ձեր ուժը: Թող աստվածն ամենատես ու ամենակարող զորավիգ լինի ձեզ և դժոխքի կրակը թափի նվաճող թուրքի գլխին...

Երեխաների կողքերին լուռ լալիս էին անծանոթ մայրերը: Ժողովուրդը տնքում էր, ախ ու վիշով էր արձագանքում սրբազանի խոսքերին: Իսկ Պողոսբեկ Փիրումյանը, որ աչք-ունքով զինվորներին արդեն կարգադրել էր մարտական շարք կազմել, «զգա՛ստ» հրաման արձակելով՝ խրոխտ անցավ շարքերի առաջ և, դիմելով սարգարապատցիներին, ասաց.

— Թանկագին ժողովուրդ, հայ մայրեր, քույրեր, մենք զինվորներ ենք և խոսքով չէ, որ պիտի սփոփենք ձեր վիշտը: Մենք երգվում ենք ձեր ցավով, որ վրեժ կլուծենք, վրեժ՝ այս բոլոր ցավերի ու վիրավորանքների համար: Երգվում ենք:

— Երգվում ենք,— որոտացին զինվորական շարքերը:  
Նվ ժողովուրդը նոր սկսեց բարձրաձայն, անզուսպ հեկեկալ:

\* \*  
\*

Իրիկնադեմին Սարգարապատ գլուղից ու Սարգարապատ կայարանից արևմուտք Պողոսբեկ Փիրումյանի Մահապարտների գնդի հետ հանդիպեցին գնդապետ Պերեկրյոստովի պարտիզանական զորամասն ու փոխգնդապետ Կորոլկովի հեծյալ էսկադրոնը: Նրանք մի քանի ժամ առաջ էին լսել թուրքերի սարգարապատյան շարագործության մասին և ցավում էին, որ վաղ առավոտյան չեն իմացել:

— Մենք պիտի շրջապատեինք նրանց,— ցասումնալից խոսեց Պերեկրյոստովը:— Այն տան մոտ էլ նրանք պիտի կոտորվեին շուրջկալված կեղտոտ շների պես:

Շիկնած դեմքի վրա նրա պեպենները երևում էին որպես փշեր:

Սարգարապատում արդեն ղողանջում էր եկեղեցու զանգը, և այնպես էր թվում, թե նա ոչ միայն Արարատյան երկրի զանգերի ղողանջներն է փոխանցում կովոդ հայ զինվորներին, այլև իր հատուկ սարգարապատյան պատվիրանն է տալիս, սարգարապատյան տառապանքի վրեժն է պահանջում:

Այնօր հայոց զորքերը կարող էին երկաթգծի ուղղությամբ առաջանալ առնվազն մինչև Արաքս ու Ղարաբուրուն կայարանները: Օրվա վերջում կովոդներին օգնության հասած հրետանային մարտկոցների ու գնդացրորդների, հեծյալ ջոկատների ու պարտիզանական խմբերի աջակցությամբ Մահապարտների գունդը բավականին խոր կմխրձվեր թուրքական նահանջող զորաշարքերի մեջ: Նրանք առաջ էին շարժվում և սարգարապատյան աղետի վրեժով կրակված՝ մոռացել էին նախընթաց պատերազմի երկար ճանապարհը, որ կազմված էր միայն նահանջի ու պարտության ցավալի դրվագներով, հիշում էին ու գիտեին մի բան՝

որ իրենք պարտավոր են հաղթել, պարտավոր են վրեժ լուծել իրենց հարազատներին, երկրին ու ազգին հասցված լիկանքների և տառապանքների համար:

Սակայն Դանիելը և Փիրումյանը փորձված զորապետ էր և գիտեր, որ զինվորութեան ամենախառնաձև տրամադրությունն ու հաղթելու կամքը ոչինչ չեն կարող անել այնտեղ, ուր մեծ խզում կա թիկունքի ու ճակատի միջև: Թուրքերն ուշքի կարող են գալ և գերակշիռ ուժերով կհարձակվեն ելման կետերից բավական հեռացած հայկական զորամասի վրա: Այն ժամանակ ջուրը կթափվի ձեռք բերած առաջին հաջողություն արդյունքը: Մինչդեռ գրաված դիրքերում ամրանալով՝ հնարավոր կլինի բուրբ ուժերի նոր դասավորություն կատարել և երկու-երեք օրվա ընթացքում նախապատրաստել հաջորդ ու ամենավճռական հարձակումը:

Երեկոյան դեմ զորավարը հասավ շտաբ և Երևան, Ազգային խորհրդի նախագահին կարճ հեռագրեց, որ Սարդարապատյան ճակատում թշնամու առաջխաղացումը կասեցված է:

Շտաբ կոչվածը երկաթգծի կողքին ընկած փայտե մի տնակ էր՝ փայտաղինների մակաղատեղիների զարմանահրաշ նախշերով, գաղջ օդով, ավելի ճիշտ՝ շնչելու օդի բացակայությամբ: Միայն այստեղ էր, որ զորավարն զգաց իր հոգնածությունը: Այնպիսի հոգնածություն, որի նմանը կյանքում երբեք չէր զգացել: Նախորդ ամբողջ գիշերն ու այդ ցերեկը նա ոտքի վրա էր եղել կամ ձիու վրա: Սա առաջին անգամ չէր: Հիշում էր, որ օրերով, շաբաթներով քուն ու դադար չի ունեցել, ձյան ու անձրևի տակ, ցիխերում ու ձյուններում կովել է, և մարմինն այնպես ջարդված չի եղել, այնպես անընդունակ շարժվելու, գործնական մի քայլ կատարելու: Մտածեց, որ ծեփությունն է վրա հասել: Ինչ էլ որ լինի, վաթսուներե հասվեհաս է, և սա այն տարիքը չէ, որ իր պահանջները չներկայացնի: Բայց մի՞թե այս տարիքն իր պահանջները պիտի ներկայացնեն այնպես միանգամից, ամենապատասխանատու պահին, կյանքում ամենակարևոր քայլը կատարելու ժամանակ: Չէ՛, երևի ապրումներն էին ուրիշ, վերջին օրերի հուզումնակոծ, անհնարինը հանձն առած մարդու ապրումները, որոնց տակ նա կարող էր առհասարակ չդիմանալ: Բայց դիմացավ: Ո՛չ միայն դիմացավ: Ազգային խորհրդին էլ գեկուցեց, որ թշնամու առաջխաղացումը կասեցված է: Եվ հիմա կարելի է գո-

նե մեկ ժամ փովել մի տեղ, փովել ու շմտածել, շմտածել, այսինքն՝ անշատվել այս ճակատից, աշխարհից, ամեն ինչից...

Ուզում էր համհարզին զգուշացնել... Եվ հանկարծ փայտոջիլների բուծարանից դուրս պրծած երիտասարդ կապավորը շուտասելուկով զեկուցեց.

— Պարո՞ն հրամանատար, պարո՞ն հրամանատար, ներողութուն եմ խնդրում անհանգստացնելու համար: Ազգային խորհրդից պատասխան հեռագիր է ստացվել. խնդրում են ճակատի վիճակի մասին մանրամասն գրել:

— Դե՛, դու պատասխանիր, էլի՛:

Եվ երիտասարդը կարմրատակեց միանդամից իր վրա դրված այլ աներևակայելի պարտականութունից: Նրան կապիտան Շնեուրն էր իր հետ բերել շտաբ՝ ներկայացնելով իբրև պատրաստի կապավորի: «Ճեմարանի բարձր դասարանի աշակերտ է, տեխնիկայի նկատմամբ մեծ սեր ու հմտութուն ունի և իմ օգնությամբ շուտով լրիվ կտիրապետի գործին»: Հիմա Շնեուրի բացակայությամբ նա ստիպված է միայնակ գործել այն տեխնիկայի վրա, որին հետո պետք է տիրապետի:

Հեռագիրն Արամ Մանուկյանից էր: «Ուրախ եմ, հպարտ եմ և շնորհակալ: Խնդրում եմ հեռագրել մանրամասները», — գրել էր Ազգային խորհրդի նախագահը: Ապա գալիս էր երկրորդ մասը. «Այդպես էլ գիտեի: Շնորհավորում եմ: Շնեուր»:

Երևի կապիտան Շնեուրը Մանուկյանի մոտ է եղել, երբ հեռագիրն ստացել են:

— Բայց ի՞նչ մանրամասներ են պետք: Հո ճակատամարտը չպիտի՞ նկարագրենք... Դե՛, գրի՛ր, երիտասարդ, — կանգնած տեղը, հենց դռան արանքից թելադրեց ճակատի հրամանատարը: — Ասում էիր՝ անունդ ի՞նչ է:

— Անունս Դանիել է, պարոն հրամանատար, — ամոթխած, կարծես ինքն էր դրել իր անունը, պատասխանեց կապավորը, որ կանգնել էր, մնացել ու չգիտե՞ր՝ իրեն ինչպե՞ս պիտի պահի ճակատի հրամանատարի ներկայությամբ:

— Դանիել՞, — հոգնած ժպտաց հրամանատարը: — Ա՛յ տղա, գիտե՞ս, որ դա շատ ծանր անուն է, ինչքա՞ն պատասխանատու... Ա՛յ, ես, որ չգիտեմ, թե ով է վրաս կապել, տանջվում-չարչարվում եմ, չեմ կարողանում արդարացնել:

— Հենց միայն այսպիսի մի զեկույցը բավական է, պարոն հրամանատար, որպեսզի...

Հրամանատարի մարդամոտ վերաբերմունքից ստացած հաճմարձակությունն այդքան բավականացավ, երիտասարդը շիկնած-շշկլած՝ տեղ չէր գտնում իրեն թաքցնելու:

— Դե՛, նստի՛ր, նստի՛ր, երկու Դանիելս մի կարգին հեռագիր տանք: Գրի՛ր. «Թշնամին դուրս է շարտված և նահանջում է: Մեր զորքերը գրավել են Սարդարապատ գյուղն ու կայարանը»:— Գրեցի՛ր: Կեցցե՛ս: Դե՛, մի քիչ էլ դժվարություններ ցույց տանք, թե չէ, կկարդան, կկարծեն՝ այդքանը հենց խաղ ու պարով ենք արել: Հը՞: Ճիշտ չե՞մ ասում: Գրի՛ր. «Մմբակածության հետևանքով ավերվել է Սարդարապատ կայարանի ջրհան աշտարակը, որը երկաթգծին ջուր մատակարարող միակ հանգույցն է: Հաղթական զորքը ծարավ է...»: Կհասկանան, չէ՞, որ հաղթական զորքը նաև կուշտ չէ... Դե՛, այսքան բան: Կարծեմ՝ բավական է: Ստորագրությունն էլ դիր՝ Սարդարապատի ռազմաճակատի հրամանատար Դանիելյեկի Փիրումյան: Դիր նաև քո սեփական ստորագրությունը. հեռագիրը հղեց Դանիել... ազգանունդ ոնց է:

— Մարտիրոսյան:

— Ա՛, մարտիրոսների ցեղի՞ց ես:

— Նաև Մարտիրոս գյուղից:

— Ի՞նչ ես խոսում: Այդպիսի գյուղ է՞լ կա:

— Կա՛, վայոց ձորում է գտնվում: Այնտեղ է ծնվել Իսրայել Օրին:

— Ա՛, մեծ մարդ է եղել Իսրայել Օրին: Պատմաբանները նրա գործն ուսումնասիրում են... Նրա մասին դեռ շատ կգրվի: Ուրեմն՝ Դանիել Մարտիրոսյան, Մարտիրոս գյուղից: Ա՛յ տղա, այդքան էլ մարտիրոսություն կլինի:

— Մեր գյուղի գերեզմանատունը լիքն է նահատակների տապանաքարերով:

— Ինձ էլ անվերջ այն միտքն է տանջում, թե մենք ինչպես ենք ապրել՝ անդադար նահատակվելով,— կարծես ինքն իրեն խոսեց հրամանատարը և հոգնած ոտքերն առաջ գցելով՝ դուրս եկավ: Տնակի ցածր դռնից ելնելիս գուլխն իջեցրել էր, բարձրացրեց և հայացքն առավ Արարատին, որ օծված էր իրիկնագեմի ոսկեղեն մուժով: Գագաթի ձյունները խայտում էին ու



կայծկլտում, և դաշտի բուր Կողմերից եկող զվարթաձայն  
զանգաղողանջներին ունկնդիր սարը գլուխը թեքել էր դեպի արե-  
վելք, մտորում էր այդ օրվա, հայոց օրվա փոքրիկ թե մեծ եր-  
ջանկության վրա:

— Ների՛ր, Արարատ, մեր հայր ու ապավեն,— համարյա  
լսելի խոսեց Դանիելբեկ Փիրումյանը: — Ների՛ր, որ առաջինը  
քեզ շքեկուցեցի: Բայց չէ՞ որ գու տեսնում էիր, քո աչքի առաջ  
էինք մարտնչում, քո անունով ու պարգևած զորությամբ:— Եվ  
գլխարկը վար առնելով՝ ծունկի եկավ, հայացքն Արարատին,  
աչքերի մեջ երջանկության պարգևած երանելի խոնավություն:

\*

\*

Հինգերորդ գագ: շտաբում Պողոսբեկ Փիրումյանը նորընծա  
տեղակալի հետ հետագա գործողություններն էր քննում, որ ներս  
մտան Արշավիր Մելիքյանն ու իր մի գինվորը, և Մելիքյանը  
գնդապետին մեկնեց մի լայնշի ծրար, մեջը՝ լուսանկարներ:

— Երբ այն թուրք սպային թիկունք տանելիս են եղել,—  
անշտապ բացատրեց Մելիքյանը,— շարտել է մի թփի տակ: Այս  
երիտասարդն է տեսել ու վերցրել:

Երիտասարդը շիկնելով հայացքը վայր թողեց. ասես մեղք է  
գործել՝ թուրքի նետած ծրարին տեր կանգնելով:

Նկարներից մեկում հայոց վանքի ընդարձակ աղոթասրահ էր,  
ուր անկանոն իրար վրա էին թափված սևասքեմ վանականների  
մարմինները: Այս ու այնտեղ սուրբ սպասքի ամաններ էին երե-  
վում, քրքրված գրքերի կիտակներ: Եվ այս ամենի կողքին,  
հպարտ գլուխը վեր տնկած, աչ ոտքը գրքերի կիտակին՝ օրվա  
առաջին գերին էր, բարձրաստիճան սպան: Գնդապետը լավ էր  
հիշում նրա կերպարանքը: Մի երկար պահ հայացքը հառել էր  
նկարին. այո՛, նա էր, որ ճակատում իր ոտքերն էր ընկել և կյանք  
էր աղերսում: Այն վիճակից մինչև այս նկարը կամ հակառակը...  
Նույն ճիվաղն էր: Ապա ձեռքն առավ ծրարը, նայեց կոնակին:  
Այնտեղ լատինատառ գրված էր «Կարս, 1337, ուրբիուսանի»: Սա  
հիջրայի թվականն էր, որ քրիստոնեականով կլինի՝ 1918,  
ապրիլ: Ծրարի վրա հասցե էլ կար՝ դարձյալ լատինատառ.

«Իսթանբուլ...»: Գնդապետը շկարդաց. մնացածը կարևոր չէր: Ուրեմն, իր կյանքի մի երանելի պահն անմահացրած տուն պիտի ուղարկեիր, որպեսզի հարազատները տեսնեն, հպարտանան իրենց հերոսի արած-թողածով:

Հաջորդ նկարում կախաղանների շարք էր՝ ոտքերից կախված մարդկանցով: Կախվածներից մեկի կողքին նույն սպան էր՝ ատրը՝ ճանակը պարպելուց հետո կամ պարպելու համար առաջ մեկնած: Գնդապետը մտքով պատկերացրեց լուսանկարի տեսարանին նախորդած պահերը: Կախվածը ձեռքերով ոտնաջիլերը բռնել, փորձում է բարձրանալ, և սպան կրակում է նրա թևերին: Կրակում է ու սպասում հաջորդ շարժումին:

Թուրքը երևի ձանձրացած է եղել սովորական սպանություններից ու կոտորածից և հետաքրքիր տեսարաններ է հորինել իր միապաղաղ զբաղմունքը հետաքրքիր դարձնելու համար:

Գնդապետը խոպոտած բասով դարձավ երիտասարդին, որը մոռյլ կանգնել էր Մելիքյանից մի քայլ ետ.

— Անունդ ի՞նչ է, տղաս:

— Վրեժ:

— Վրեժ: Իննսունհինգից հետո ես ծնվել, պարզ է: Ո՞ր կողմերից ես:

— Սասունցի եմ, գնդապետ, — խրոխտ պատասխանեց երիտասարդը: — Աբգուլ-համիդյան ջարդերին փոքր երեխա եմ եղել, անունս էլ՝ Հրահատ: Մեր մեծ գերդաստանից ես եմ մնացել և քույրս: Հայրս է ինձ «Վրեժ» վերակնքել:

— Հրահատ-Վրեժ, — արտասանեց Պողոսբեկը և արդեն մտերմորեն դիմեց Արշավիր Մելիքյանին. — Իսկ ո՞նց է կովում: Հուսով եմ՝ արդարացնում է անունը:

Մելիքյանի դեմքը պայծառացավ.

— Անո՞ւնը և հոր հո՞ւյսը:

\* \*

\*

Արարատյան դաշտում դեռ լույս էր, հաղթանակի խանդավառություն: Զանգերի ղողանջներից օդը լցվել էր մի երածըլտությամբ, որ կարծես չի ունեցել սկիզբ և վերջ էլ չպետք է ունե-

նա՛ շենց այդ ժամանակ Երևանի կողմից դաշտի վրա փովեց շոգեգնացքի՛ օդը ճոթոտող սոււոցը: Հայոց գնդերը, մոռացած գգուշուձիւն ու վտանգ, տեղներում կանգնեցին, ուռա՛ կանչեցին. գնացքն ինչ էլ որ բերեր իր հետ, թիկունքից էր գալիս, թիկունքի գոյուձիւն անհավատչյան էր, նրա հզոր ապացույցը: Առաջ ե՛րբ էր եղել այդպիսի բան. տուն ու տեղ թողած՝ թիկունքը փախչում էր՝ իր հետ քշած-տանելով նաև դասալքուձիւն պատրաստ զինվորներին:

Գնացքի զիլ սոււոցը և ուրախ հեռոցները սարսափ տարածեցին թուրքաց խանգարված զորաշարքերում: Ասկյարները մտածում էին, որ հայերի ճակատի համար զորահամալրում է գալիս, և շգիտեին՝ ո՛ւր պիտի փախչեն, եթե հանկարծ գնացքը հասնի Ալեքսանդրապոլ ու սկսի թիկունքից հարվածել: Նրանք տագնապած իրար էին հասցնում տխուր լուրը.

— Գյավուրները նոր ուժե՛ր ստացան:

Իսկ հայոց ճակատի ուղղութիւնը շարժվող գնացքն շտապելուց թանշում էր: Վագոնների պատուհաններից, ապրանքատար վագոնների տախտակամածներից հորդում էր ցնծագին աղմուկը: Զուռնան ծկլթոցով նվագում էր մի հին եղանակ, որ ուրախ էր ու տխուր, և նրա հետ դճուլը քայլ էր գցում կենտուկաթուկ:

Պողոսբեկ Փիրումյանը կարգադրել էր, որ զինվորները շհեռանան դիրքերից ու խրամատներից: Իսկ զինվորների սրտերն այնտեղ էին, գնացքից դուրս հորդացող ամբոխի մոտ:

Գնացքը կանգ առավ Սարդարապատ կայարանի թիկունքում, այնտեղ, ուր ջրմուղն էր, որը կործանվեց հրետանային համազարկից:

Վագոններից դուրս ժայթքեց բազմակերպար ու բազմագույն հեղեղը: Ծանրաբեռ շալակներով կանայք ու աղջիկներ էին, ժերեր ու երեխաներ: Խոնավ կուլաներն ուսերին ու կոնատակներին՝ երկաթգծի եզրերին աղմկում էին Երևանի ջուր վաճառող տղաները:

— Զրի ջո՛ւր, սառը ջո՛ւր, — կանչում էր գանգրահեր ու թուխ մի պատանի:

Նրան հետևեցին աշխույժ դասակիցները:

Բեղերը ճերմակ, գլխաբաց մի ծերունի կայարանի պատի տակ խաշած ձվերի, պանրի, թարխունի ու այլազան կանաչիի պաշարը շարեց լայն սփռոցի վրա, լավաշն էլ կողքին դարսեց: Նա

կոնատակն էր առել այծենի տկճորը, որից զինի էր լցնում կավե գավաթի մեջ ու մեկնում զինվորներին:

— Մո՛ւրբ զինի է, իսկը մեռոն, խմողին զնդակ չի բռնի,— ասում էր նախօրոք զինով ու կարմրատակած ալևորը:— Մոտեցե՛ք, մոտեցե՛ք, ես ձեր օր ու ումբրին մեռնեմ, մո՛տ եկեք: Ձեր հաղթանակի՛ կենացը, ձե՛ր կենացը, մեր Հայաստան աշխարհի՛ կենացը:— Ապա հայացքը դարձնելով դեպի հարավ՝ խոսեց.— Ա՛յ սուրբ Արարատ, դո՛ւ հաստատ պահիր մեր գոյության հիմքը:

Ծեր, նիհար, կարճահասակ զուռնաչին հենց ապրանքատար վագոնի եզրին նվագում էր այն պարեզանակը, որից լսողի ոսկորն ու մկանն են խաղում: Դեռահաս դամբաշը շունչը կուլ տալ չէր կարողանում, վարպետը դճուլուն աչքով էր անում, որ ուժեղ վարկի: Դճուլը ցավից թե ուրախությունից մոնչում էր տիրոջ ծնկան վրա: Պարի ասպարեզ մտան ձերմակ խալաթավոր աղջիկներ և սկսեցին պարի հրավիրել իրենց շուրջն ակնապիշ կանգնած երիտասարդ զինվորներին: Սկզբում դժկամությամբ աղջիկներին խառնվեց մի պորուչիկ, որ աջ ձեռքը վեր տնկած, ձախը՝ զավակին, մի շրջան արեց, հետո ճկոնց ու սկսեց հոլի պես պտույտներ գործել աղջիկների քթների տակ:

Գնդապետի հրամանով պարենի իրենց նվերները շալակած քաղաքացիները, զինվորների ուղեկցությամբ, մտան խրամուղիները, անձամբ նվերներ մատուցեցին դիրքապահներին: Այնտեղ դիրքերի մեջ էլ նրանք ճաշի սփռոց բացեցին՝ հյուրասիրելով հաղթանակած զինվորներին: Նրանց հետ բաժակ բարձրացրին հանուն ընկածների հիշատակի և շմոռացան ճակատամարտի հերոսներին:

Այս նվիրատվությունների ընթացքում, կերուխումի սփռոցների շուրջ բոլորի ուշադրության կենտրոնում էին վիրավորները, մանավանդ նրանք, որ վիրակապերով զարդարված, չէին լքել ճակատը և պատրաստ էին մասնակցելու հաջորդ մարտերին: Նրանցից շատերը նորընծա զինվորներից էին, անփորձ աշխարհազորային: Ցավի ու տառապանքի հետ միասին դեմքներին դրոշմված էր հպարտությունը:

Եղվարդեցի մի երիտասարդ, անունը՝ Կիրակոս, ձերմակ փաթաթանով աջ թաթը շքանշանի նման դրած դռչին, հրաժարվեց ճակատը թողնել «Հիմա էլ կօգնեմ կովողներին,— ասաց նա,—

և հենց որ ձեռնամարտի գնալու լինենք, թուրը ձեռս կառնեմ. ես ձախլիկ եմ»:

Կիրակոսի երկու քույրը հարցուփորձ անելով գտել էին նրան: Բերած պաշարը բացեցին-շարեցին խրամատի պատրհանում, հարևաններին մոտ հրավիրեցին և սկսեցին թոնթորալ.

— Մեր եղբա՛յրը, մեր մինուճար եղբա՛յրը...

— Վա՛յ, Կիրակոս ջան, վերքդ շա՛տ է ցավեցնում, ցավդ տանեմ:

Փոքր քույրն էր սրտապատառ լինում, շնայած ավագն աչքունքով ջանում էր հասկացնել, որ նա զսպի իրեն:

Հանկարծ խրամուղու ծայրին երևաց երիտասարդ մի սպա, կուզեկուզ մոտեցավ զինվորներին և հազորդեց Պողոսբեկ Փիրումյանի հրամանը խմիչքը չշարաշահելու մասին:

— Տնաշենի տղերք, ի՞նչ շարաշահել, եղածը խմում ենք, էլի՛,— սպայի գնալուց հետո անտարբեր փնթփնթաց մի երիտասարդ զինվոր, որ կուշ էր եկել կողքի ծեր զինվորի՝ Լիպարիտ սպոր կողքին:

— Եղածը խմո՛ւմ ենք,— նրան տնազելով խոսեց Լիպարիտ ապերը:— Մի մատան տեղ է, շե՛ս կարող հուպ տալ:

— Ո՞նց հուպ տամ, երբ էն անտերը կողքիս է: Անհնարին է, չեմ կարող:

— Ախր ինչի՞ շես կարող, է՛, դու կնյազ Կուտուզովի տղա՞ն ես, թե՞ Մանթաշովի փեսան... Ասում են՝ հրեն հարձակման ենք անցնելու: Որ ծուռուծուռ անես, տան-լեղդ փռեն, լա՛վ կլինի...

Սակայն այնպես էլ հարձակման անցնելու կարիք չեղավ, որովհետև թուրքերը, մի քանի արկ ուղարկելով դեպի հայկական դիրքերը, նահանջեցին մինչև Արաքս ու Ղարաբուրուն կայարանները և, հավանաբար, ապահովության համար, դիրքեր փորեցին կայարաններից հյուսիս-արևելք գտնվող բլուրների վրա:

Իրիկունը վրա էր հասնում, և Սարդարապատ ավանն ու Սարդարապատ կայարանը վերանվաճած հայ զորքերը պիտի դիրքավորվեին ձեռք բերած նոր գծի վրա, շնայած դեռ կարող էին առաջ գնալ և ստիպել, որ թուրքերը շամբանան Արաքս կայարանի մոտերքում:

Այն ժամանակ Պողոսբեկ Փիրումյանն իր շտաբի ռադիոյով միացավ ճակատի հրամանատարի հետ և փորձեց ճշգրտել հետագա անելիքը:

— Ի՞նչ անելիք, ախպերս, ամրանանք մեր գրաված դիրքերում, մի փոքր շունչ քաշենք, մինչև խելքներս տեղը գան,— փոքր-ինչ անհոգ պատասխանեց Դանիելը եկ Փիրումյանը, և գրեհապետը հասկացավ, որ հրամանատարը շատ է հոգնած:

— Պարոն հրամանատար, գուցե, այնուամենայնիվ, մի բան սսեմ:

— Ասա՛, Պող, ասա՛,— արդեն մտերմիկ ու ջերմ արձագանքեց ճակատի հրամանատարը:— Գիտեմ, որ դու հանգիստ նըստողը չես:

— Պիտի կարծել, որ թուրքերն առայժմ մեր գծով հարձակման չեն դիմի:

— Չեր գիծը ո՞րն է:

— Ուր որ մեր գունդն է կանգնած, ճակատի կենտրոնը:

— Չեն դիմի, պարզ է:

— Նրանք պիտի աշխատեն ճեղք գտնել թևերում կամ թիկունքում:

— Հա՛, կաշխատեն, հասկացա: Սիրում եմ մտածող մարդկանց, կեցցե՛ս, Պող, ախպե՛րս:

— Դե, սպասիր, խոսքս ավարտեմ, է՛:

— Հիմնականն արդեն հասկանալի է, Պո՛ղ,— նրան ընդհատեց ճակատի հրամանատարը և բացատրեց:— Ուզում ես, որ ճակատի կենտրոնում առայժմ դիրք բռնի քո գունդը, իսկ մնացածներին դասավորեմ թևերում ու հնարավոր ճեղքումի մյուս կետերում:

Գնդապետը զարմանքից հոգոց հանեց.

— Վա՛հ, տնաշեն...

— Բա՛, կարծում ես միայն դո՛ւ իրավունք ունես հասկանալու: Հիմա դու գունդը խրամատավորիր, ես մնացածների հոգսը կքաշեմ: Համենայն դեպս, քո աջ թևում մի մարտկոց կթողնենք: Հրետանին միշտ էլ պետք է...

Ճակատի կապի սպան զրույցի մեջ ընկավ.

— Պարոն հրամանատար,— ասաց,— գեներալ Սիլիկյանն է ուզում ձեզ հետ խոսել: Պարոն գեներալ, պարոն գեներալ, պարոն Դանիելը եկ Փիրումյանը գծում է, խնդրեմ, խոսեցե՛ք:

— Գիտեմ, գիտեմ, կես ժամ է, պարոն Դանիելը եկ Փիրումյանի զրույցն եմ լսում,— հոգնած, փուխը ձայնով խոսեց գեներալը:— Ենորհավորում եմ հաղթանակդ, պարոն Փիրումյան:

— Շնորհակալ եմ, պարոն գեներալ:

— Հավատա, որ շնորհավորում եմ ամբողջ հոգով, ամենայն անկեղծությամբ:

— Հավատացած եմ, պարոն գեներալ, շնորհակալ եմ:

— Իսկ որ հավատացած եք, ինչո՞ւ չէիք զեկուցում, չէ՞ որ ես դեռևս Երևանյան ճակատի հրամանատարն եմ և, կարծեմ, իրար հետ էլ դեռևս հաշտ ու համերաշխ եմ:

Փիրումյանը հանկարծակիի եկավ այսպիսի սկզբից:

— Պարոն գեներալ, — ասաց, — դուք շտաբում չէիք: Ինձ ասել էին՝ գտնվում եք Երևանում, և ես էլ հեռագրել եմ Երևան, Ազգային խորհրդին, որտեղ էլ, հավանաբար, դուք պետք է լինեիք: Համ էլ, կարծում եմ՝ ամենից կարևորը կատարվածն է. հայոց զորքը ո՛չ միայն կասեցրել է թշնամու առաջխաղացումը, այլև ետ է մղել ամբողջ ճակատի լայնությամբ՝ միջին հաշվով 18—20 կիլոմետր: Անհրաժեշտ է մտածել հաջորդ քայլի մասին, որը շատ ավելի դժվար պիտի լինի:

— Իհարկե, ամենակարևորը դա է, սիրելիս, — փոխվեց նաև գեներալի ձայնը:

— Քիչ առաջ Արամի հետ էի խոսում, — զրույցի ուղղությունը փոխեց գեներալը: — Նա ոգևորված է ձեր զեկուցում և խոստանում է ճակատի համար կազմակերպել համաժողովրդական օգնություն: Ես խնդրեցի այդ անել առանց վայրկյան կորցնելու:

— Շնորհակալ եմ, գեներալ: Հիմա մեզ համար ամենակարևորը հաջողությունը ձեռքից չտալն է:

— Դե՛, պի՛նդ կացեք, սիրելիս, պի՛նդ կացեք: Ես միշտ հավատացել եմ ձեր հնարամտությանը և ուրախ եմ, որ այս անգամ, ամենաճակատագրական պահին, ձեր աստղը շխաբեց:

Ա՛ստղը... Երանի՛ թե այն ուղեկցի մինչև վերջ: Փիրումյանն էլ շնորհակալ էր իր աստղից, բայց այդ վայրկյանին՝ նաև գեներալ Սիլիկյանից, որ, վերջապես, հավատում է և իր հետ է, ճակատի հետ: Թե չէ, այն ի՛նչ տրամադրության էր լծված երկու օր առաջ:

— Պարոն Փիրումյան, հիշո՞ւմ եք, մի անգամ գնդապետ Վեֆելյանի մոտ...

Փիրումյանը վերջին ամիսներին նկատել էր, որ գեներալ Սիլիկյանը հաճախ է խճճվում իր իսկ նախաձեռնությունները զրույցին խառնված երկրորդական թեմաների մեջ ու կորցնում է հիմ-

նականի ծայրը: Գիտեր, որ դա ժերունական թերութիւնն է, և հանգուրժում էր, օգնում, որ մարդը դուրս գա խճճանքից: Հիմա գեներալի այս թերութիւնը նյարդայնացնում էր նրան: Նա կուզենար նույնիսկ կտրուկ անջատվել զրույցից, մեկ էլ զգաստացավ. կմտածի, թե առաջին հաջողութիւնից Դանիելը եկ Փիրումյանը մեծամտացել, զուգար կորցրել է:

— Գեներալ, ի՞նչ լուր ունեք մյուս ճակատներից:

— Ի՞նչ-ի՞նչ, — սթափվեց գեներալը:

— Ասում եմ՝ ի՞նչ լուրեր կան մյուս ճակատներից:

— Դրութիւնը վատ է Ղարաքիլիսայում: Իսկ Արագածի կողմերում՝ ուղղակի անհուսալի: Այսօր թուրքերը մտել են Բաշ-Ապարան և հավանաբար Աշտարակի ու Եղվարդի վրայով պիտի շարժվեն դեպի Երևան: Հակառակի պես մենք այնտեղ զորք առհասարակ չունենք: Գնդապետ Զալինյանի հեծյալ գունդն է իրեն կարգի բերում Եղվարդի դաշտում: Իսկ թե երբ կովի մեջ կմտնի, հայտնի չէ:

— Ինչո՞վ կարող եմ օգնել: Որոշակի ծրագիր կա՞, — անհանգստացավ Փիրումյանը, կարծես թշնամին ետ էր նվաճել իր հաջողութիւնը:

Սիլիկյանը հապաղում էր, երևի ինքն էլ շէր որոշել, թե ի՞նչ պիտի ուզի Սարգարապատի ճակատից:

— Իսկ դուք ի՞նչ կարող եք տալ, — վարանոտ հարցրեց նա: — Այսինքն՝ ի վիճակի՞ կլինեք մեկ-երկու գունդ զիջել:

— Մահապարտների գնդից բացի...

— Այն ժամանակ՝ վեցերորդը:

— Խնդրեմ:

— Եվ Կորուկովի պարտիզանական հեծյալ գունդը:

— Այդ էլ՝ խնդրեմ: Աջ թևում է գտնվում Մուրադի խումբը, որ լավ հանգիստ է առել, կուզեք՝ այն էլ ուղարկեմ:

— Շատ շնորհակալ կլինեմ:

— Ո՞ւր պիտի ժամանեն: Տեղը, ժամը որոշակի ասեք:

— Գիշերը կարո՞ղ են շարժվել:

— Դրանք այսօրվա մարտին չեն մասնակցել, հանգիստ են և կարող են հենց այս րոպեին էլ ճանապարհվել:



Արամը Սարդարապատ հասավ ուշ երեկոյան, երբ արդեն Երեւանում ռազմաճակատին օգնելու համար կատարել էր բոլոր կարգադրութիւնները և համոզվել, որ գործերը լավ են գնում:

Պարենի և խմելու ջրի պաշարներով բեռնված գնացքը ճակատ էր հասել, և կանանց ու աղջիկների ջերմեռանդութեամբ նորից պատրաստվում էր հերթական բեռը: Երևանի պարետ Արտո Շահխաթունին ու տարեց մի քանի սպաներ ինքնապաշտպանութեան համար աշխարհազորային խմբեր էին կազմակերպել: Նրանք դիրքեր բռնեցին քաղաքի մատուցներում: Երևանում տեղակայված միակ փոքրիկ զորամասը, հազիվ 300—320 զինվոր, որ Սարիղամիշի մարտերից հետո Կողբի վրայով նահանջել էր Արաքսի ձախափնյակը, ապա անգործութեան մատնված՝ Շահխաթունու «ռազմական» պահեստային ուժն էր համարվում, Ազգային խորհրդի կարգադրութեամբ անմիջապես ուղարկվեց ճակատ, որպեսզի համալրի Մահապարտների գունդը: Աշխարհազորային նոր խմբերի կազմակերպումը ևս ընթանում էր արագ ու բարձր կազմակերպվածութեամբ և առավոտյան նրանք կազմ ու պատրաստ պետք է մեկնեին ճակատ:

Եղեգնուտ կայարանից արևմուտք, Սարդարապատ շրջան, ավտոմեքենայի լույսերի դեմ հանկարծ երևաց մի զորաջոկատ: Երկաթգծի աջ կողքի հարթութեան վրա նստոտած էին զինվորները, և նրանց դեմ Գարեգին սրբազանն էր կանգնած:

Արամն իջավ մեքենայից, ողջագուրվեց սրբազանի հետ, հարցուփորձով իմացավ, որ իր դեմ օրվա հերոսներն են կանգնած, Հինգերորդ գնդի Երկրորդ գումարտակի մի ամբողջ վաշտ, շնորհավորեց նրանց, Ազգային խորհրդի ու Երևան քաղաքի հասարակութեան անունից շնորհակալութիւն հայտնեց անօրինակ հերոսութեան համար:

— Հայ ժողովուրդը հպարտութեամբ պիտի հիշի ձեր սխրանքը, քաջ հայրենակիցներ,— ձեռքն առաջ պարզած, ոգևորութեամբ խոսեց Երևանի ազգային խորհրդի նախագահը և հանկարծ խարուկի կրակից լուսավորվածների մեջ նկատեց բարձրահասակ Արշավիր Մելիքյանին: Պատանիներ էին շրջապատել նրան: Արամը հասկացավ, որ զրուցելիս են եղել, և ահա իր

հայտնվելով խանգարվել է զրույցը: Ինչի՞ մասին էին խոսել, — մտածեց նա: — Դարձյա՞լ մեր ղեկավարների անճարակության, թե՞ այսօրվա հերոսության, որի մեջ իրենք էլ իրենց բաժինն են ունեցել: Արամի խոսքը, որ ուրիշ պարագաներում աչքի էր ընկնում առողջ տրամաբանությամբ ու կառուցիկությամբ, այս անգամ կցկտուր էր: — Արարատյան երկրի բնակչությունը և ամբողջ հայ ազգը, ուր էլ որ կա, — ասաց նա, — սրտի թրթիռով հեււում է ձեր խիզախությանը՝ համողված, որ շուտով թշնամին դուրս կշարավի մեր երկրի սահմաններից, և հայությունը ձեռք կբերի խաղաղ ու ապահով կյանք...

Մանուկյանը խոսում էր, իսկ վաշտի զինվորները ոչ այնքան նրան էին ունկնդիր, որքան նրա մասին փսփսոցով ասվող տեղեկություններին, որ իրար էին հաղորդում նրա կյանքին ու գործին իրազեկ վաշտակիցները: Ասում էին՝ Վանի պաշտպանության կազմակերպիչներից է և առհասարակ օրինակ է արիության ու խոհեմության, բայց, ահա, վերջերս շատ է հավատում Թիֆլիսում նստած հայ մեծավորներին և դարձել է նրանց կամակատարը: Մեկն էլ հերքում է վերջին տեղեկությունը և ասում՝ Արամը Թիֆլիսի ղեկավարների հետ ոչ մի կապ չունի. նրանց կարգադրություններն արհամարհում է և հենց սա՛ է, որ Դանիելբեկ Փիրումյանին կարգադրել է դեմ կանգնել թշնամուն ու Սարգարապատի դաշտը դարձնել թուրքի գերեզման...

Զրույցից հետո Արամն ու Մելիքյանը մոտեցան իրար: Առաջինն Ազգային խորհրդի նախագահը ձեռքն առաջ մեկնեց:

— Ուրախ եմ, որ ձեզ այստեղ եմ տեսնում, — անկեղծ բարեկամությամբ նա սեղմեց Մելիքյանի ձեռքը:

— Այստեղ է լուծվում մեր ազգի լինել-չլինելու հարցը, — պատասխանեց Մելիքյանը և, ցույց տալով երիտասարդների խումբը, ոչ առանց հպարտության ավելացրեց, — սրանք էլ մեր երիտասարդ սպարտակյանները:

— Երանի՛ նրանց, որ այսպիսի քննությամբ են սկսում իրենց կյանքը՝ Երկա՛ր ապրեն...

— Պատերազմ է, պարոն Արամ, ի՞նչ իմանաս՝ ո՛վ կհասնի ավարտին: Պատերազմը զոհեր է կլանում և ծնում է հերոսներ...

Արամին դուր եկավ այս խոսքը և, հրաժեշտ տալով, նորից չեմոորեն սեղմեց զրուցակցի ձեռքը:

— Ցտեսություն, բարեկամ: Երանի՛ թե ամեն ինչ մեր ուղածի՛

պէս լինի, և մենք նորից հանդիպենք ու շարունակենք մեր...

— Զրո՞ւյցը, թե՞ վեճը, — քթի տակ ժպտաց Մելիքյանը:

— Միևնույն է, — անորոշ ասաց Արամը և գնաց դեպի մեկուսի իրեն սպասող Գարեգին Հովսեփյանը:

— Երևանում ձեզ Ղևոնդ երեց են կոչում, սրբազան, — հասնելով նրան՝ ուրախությամբ հայտնեց Արամը: — Ասում են՝ Ղեւվոնդի պես իր հայրենասիրական խոսքով վառել է հայ զինվորների սրտերը:

— Իսկ ինչո՞ւ անպայման Ղևոնդ երեց: Չնայած Ղևոնդը մեր մեծ սրբերից մեկն է, և ինձ նման մահկանացուների համար հպարտություն է նրա հետ համեմատվելը: — Մթան մեջ ժպտաց Գարեգին եպիսկոպոսը: — Մի՞թե իմ անունն արժանի չէ ինձ:

— Ձեր անունը երկար ապրի, ինչո՞ւ արժանի չէ, — լրջացավ Արամը: — Ասում են՝ ամեն մարդ ինքն է իր անունն ստեղծում և գեղեցկացնում...

— Է՛հ, պարոն Մանուկյան, — նրան ընդհատեց սրբազանը, — հիմա ս'ւմ միտքն է գալիս իր անունը կամ անձը: Թուրքը եկել, ուզում է հայի անունը ջնջել: Նրա այդ շարությունը խափանենք... Իսկ թե այսօրն ինչպէս անցավ, դա պատմել չի լինի: Ինչ որ եղավ այսօր, պարոն Արամ, դա կարգե դուրս բան էր, անսովոր, եթե կուզեք, նույնիսկ անտրամաբանական, իսկ ավելի ճիշտ՝ հրա՛շք: Մինչև այսօր միշտ մեզ հաղթող, թվով գերակշիռ, շատ անգամ մեզանից ուժեղ թշնամուն հաղթեցինք... Ասում եմ հաղթեցինք, կարծես ես էլ հաղթեցի: Պարզապես ամեն ինչ կատարվեց իմ աչքի առաջ, իմ ներկայությամբ: — Եվ հանկարծ սթափվեց սրբազանը, որովհետև գտել էր ասելիքը: — Պարոն Արամ, թանկագին իմ բարեկամ, ինձ այնպես է թվում, թե ցարգե դուրս մի բան անելու համար, անհավատալին ու հրաշքը իրականություն դարձնելու համար մարդս պետք է մի քիչ խենթություն ունենա: Առանց այդ խենթության հերոսություն չկա ու չի կարող լինել: Առանց այդ խենթության չկա ու չես կարող սեանել սխրանք, որտեղ էլ փնտրելու լինես՝ հող մշակելի՛ս, արհեստի ու արվեստի ոլորտներո՛ւմ, գիրք գրելի՛ս: Այդ խենթության անհրաժեշտ սլաշարից զուրկ մարդիկ շա՛տ են կարգապահ: Կարգապահ լինեի Դանիելը եկ Փիրումյանը, պետք է լռելյայն ընդունեի վերին կարգադրողներիդ խոսքը և տեղի տար թշնամուն...

— Ուրեմն, կեցցե՞՞ անկարգապահութիւնը, — ինքն էլ շիմանալով ինչու՞ հակադրվեց Մանուկյանը, թեկուզ տարերային պոռթկումների պահերին նա ինքը հաճախ էր խախտում այն կարգը, որ կաշկանդում է մարդու բարի կամքն ու խիզախ նախաձեռնութիւնը:

— Քա՛վ լիցի, քա՛վ լիցի, պարոն Մանուկյան: Ես ինքս կարգապահ մարդ եմ և սիրում եմ կարգն ամեն ինչում: Իմ խոսքն այն խենթութիւն մասին է, որ ժողովրդական զրույցներում սարեր է շուռ տալիս, իսկ իրականում ջարդում է նվաճողի մոռութիւնը: Գուցե մեր նոր հայերենի «խենթութիւն» բառը դեռևս այն չէ, որ անհրաժեշտ շափով ընդգրկի երևույթը: Սասունցիները հազար տարի «ծուռ» են ասվում: Այդ ծուռութիւնը շիներ, արաբական տիեզերակալութիւնն դեմ կկռվեի՞նք երկու հարյուր տարի, որպեսզի վերջում էլ մի թագավորութիւն ստեղծեինք, որի հիշատակներն անգամ սրբազան ոգևորութիւն պարգևեն երախտագետ սերունդներին:

Վաշտին բարի գիշեր մաղթելով՝ Գարեգին սրբազանն ու Արամ Մանուկյանը քայլեցին դեպի մեքենան: Նրանց ոտքերի տակ Սարդարապատյան դաշտի ժլատ կանաչն էր փոված, որ բուրում էր սուր, ռունգները գրգռելու շափ անսովոր: Արամն առաջին անգամ չէր այս կողմերում, սակայն դաշտածաղիկների այս բույրերից զարմացած էր, որովհետև միշտ էլ այստեղ տեսել էր խանձված ու քարոտ մի տափաստան, որը երևի թե անհնար լիներ կենդանացնել: Իսկ հիմա ծաղկաբույրեր կան: Մեկ-մեկ լուսնելոյսի տակ նշմարվում են թփեր, որոնցում ծղրիդներ են երգում: Այս ի՞նչ է, ծղրիդները մրցման մե՞ջ են մտել Արարատյան երկրի զանգերի հետ, — մտածեց Մանուկյանը, որի սիրտը շատ էր ուրախ մայիսյան այդ երեկոյին: Նա փորձում էր գնահատել անցած օրը, իսկ շուրջը զնգուն մի խաղաղութիւն էր, որը երևակայել անգամ անհնար էր վերջին ամիսների դաժան իրականութիւն մեջ: Հիշեց սրբազանի խոսքը Ղևոնդ երեցի անվան մասին, և նորից հոգում ծփաց երախտագիտութիւնն այս համեստ մտավորականի հանդեպ: Հանկարծ նրան սկսեց անհանգստացնել մի հարց. ապագա սերունդները պիտի հիշե՞ն, որ եղել է այսպիսի մեկը՝ մարմնով նվազ, հոգու կրակով ու զորութիւնմբ անսպառ, որ իր ետևից գինվորներ է տարել անհավասար մարտի: Պիտի հիշե՞ն Դանիելբեկ Փիրումյանին, որ համա-

տարած դասալքումի ու անճարութեան առաջ կանգնեց իբ գընդերի հետ մեկտեղ, ասաց՝ մենք պետք է կովենք ու հաղթենք Եվ հաղթեց...

— Ի՞նչ եք մտածում, պարոն Արամ, ի՞նչ երանելի իրիկուն է, չէ՞,— հանկարծ ուղեկցի մտորումները կտրեց Գարեգին սրբազանը:

— Ապագայի մասին էի մտածում, սրբազան, գալիք սերունդների: Ասում եմ, տեսնես կհիշե՞ն այսօրը...

— Է՛հ, սիրելիս, ապագան շատ է հեռու: Կա՞մ է մտածներ մեր ժամանակի ու ժամանակակիցների մասին: Թե որ գնահատեցին ու գոհ եղան, կնշանակի՝ ապագայի համար էլ մի բան կմնա:

Գիշերանում էր: Զանգերի ղողանջներն ավելի բարձր էին հնչում, և հայոց հողի վրա այդ գիշեր քուն չպետք է իջներ:

\* \* \*

\*

Հրամանատարներն ասել էին՝ հարձակման հրամանի են սպասում, և անհամբեր զորքը շէր դիմանում սպասումին: Հաղթանակի համն առել էին մարդիկ, փախչող թշնամուն թիկունքից հարվածելու, առհասարակ թիկունք դիտելու հաճույք էին զգացել և հիմա արթուն թե քուն, այդ էր մտքներում: Մի՞թե կարելի է սառեցնել կրակված հոգիները: Կարելի՞ է թողնել, որ թշնամին հանգիստ շունչ քաշի, ուժ հավաքի և նորից հարձակման գա:

Խրամատները փորել էին առաջին գիշերը, մայիսի 22-ի տաք մարտին հաջորդած մի քանի ժամվա քնի դադարից հետո: Համոզված էին, որ շուտով հարձակում է լինելու, պիտի թողնեն ու առաջ գնան: Սակայն փորեցին խոր ու հիմնավոր:

Հետո գինվորները նորից գործի անցան և կրակակետերն այնպես ամրացրին ու քողարկեցին, պատերն այնպես կոկիկ տաշեցին կարճկոթ բահերով, ասես բնակարաններ էին սաբբում, որոնց մեջ ամառ ու ձմեռ պիտի անցկացնեին, զավակներ ու թոռներ պիտի աճեցնեին:

Մայիսի 23-ի ճաշից հետո, երբ հայտնի դարձավ, որ այդ օրը ևս շարժում չի լինելու, առավել անհանգիստները խրամատների թիկունքներում կարճ ու երկար պատրհաններ փորեցին, կար-

ճերը՝ ուտելիք ու զանազան իրեր տեղավորելու համար, երկար-ները՝ իբրև քնելու տեղ:

Հողվոր մարդիկ էին այդ փորողները: Փորում էին հողի բույրով արբեցած: Իսկ հողն ամեն տեղ նույնն է, անգամ Սարգարապատի թիկունքում, ուր քարքարոտ էր, և մի բուռ հող իրար բերելու համար երկու-երեք բահի բերան քոնճ պիտի քանդվեր:

Վարանդեցի Արշակը խրամատի թիկունքում իր քնատեղի հատակին կանաչ խոտ էր փռել, մի խորոմ էլ կապել, բարձի տեղ դրել էր անկյունում: «Բարձի» մեջ լցրել էր խոռնխոտ ու վայրի դաղձ, և հողի ու այդ վայրի բույսերի սուր խառնաբույրի տակ պառկում էր, որ քնի, քունը չէր տանում: Մտքերը պաշարում էին, քունը հեռու քշում: Արշակը որտեղից էլ մի փունջ մուշկահամուկ էր քաղել, կախել գլխավերևը և հետը մտովի զրուցում էր: «Էդ ո՞նց ես հասել Սարգարապատ, ա՛յ հրաշք ծաղիկ: Դու միշտ մեր շենի, հազարի մեջ ընտրած մեր Մուշկապատի քարածերպերին էիր բուսնում: Դու միայն մեր նախշուն հարսների ու աղջիկների սնդուկներում էիր պահվում, որ քո անմահական հոտով տարին բոլոր խոտուտ տայիր նրանց քիմքերը: Քեզ ո՞վ է բերել էս կովի դաշտը»:

Արշակը շուտ բաժանվեց իր մուշկահամուկից և ահա թե դա ինչպե՛ս պատահեց:

Մայիսի 23-ի վաղ առավոտվանից Երևանն ու Արարատյան դաշտի գյուղերն իրենց նյութական օգնությունը ճակատին էին հասցնում կազմակերպված, կանոնավոր շարասյուներով: Ուտելիքով ու խմիչքով, զինամթերքով ու հագուստով բեռնված գրաստները բռնել էին Սարգարապատի գիծը տանող բոլոր ճանապարհները: Կանայք ու աղջիկներ, ծերեր ու հաշմված տղամարդիկ, որոնք շալակով էին տանում իրենց նվերները, արտամիջյան կաթաններով էին գնում, ավելի կարճ երթուղիներով: Նրանցից շատերը կովող յուրայինների տեղերը գիտեին և նրանց էին տանում իրենց պարենը, որից բաժին էր հասնում նաև հարևաններին, ծանոթ-անծանոթներին: Կեսօրվա դեմ նվիրաբերողներն այնքան շատացան, որ ճակատի հրամանատարը կարգադրեց, որպեսզի մանր խմբերով, հերթապահ զինվորների ուղեկցությամբ նրանց հասցնեն ճակատի գիծը, հանդիպումներ կազմակերպեն խրամատավորված զորախմբերի հետ: Հին զորականը գիտեր, թե կովող զինվորին լրացուցիչ ինչպիսի լիցք ու

եռանդ կարող են հաղորդել անմիջական հանդիպումն ու սրտագին զրույցը՝ ունեցածից ու շունեցածից ճակատին նվեր բերող հայրենակցի հետ:

Մահապարտների գնդի սպաներն ու զինվորները համարյա ոչ ոք չունենին այս կողմերի գյուղերում և գլուխները կորցնում էին նման հանդիպումներից, Արարատյան երկրի խոսքաշեն ու սիրազեղ մարդկանց զրույցներից: Լեռնական պարզ ու կոշտ մարդիկ, հարաբերութունների մեջ զուսպ և ծածկամտության շափքչախոս՝ նրանք ե՞րբ են այդքան «ջան» ու «ազիզ» լսել, վայելել այդքան համեղ հոգեպահուստ և հոգեպահուստից էլ սրտագրավ խոսք ու զրույց: Արցախական աշխարհում ասում են՝ թե ցորեն հաց չունես, գոնե ցորեն լեղու ունեցիր: Արցախցիներն այստեղ տեսնում էին, որ ցորեն լեղու ունեին բոլորը՝ մեծ ու փոքր, կին ու տղամարդ, և՛ ցորեն հացով ու զարմանազան ուտեստի հարուստ նվերներով և կածները, և՛ նրանք, որ միայն գարի կամ կորեկ հաց էին բերում ու դաշտից քաղած կանաչի:

Արշակենց խրամատում նվիրաբերները հայտնվեցին եամիջօրեի տապին, երբ արևը նայում էր զենիթից, և խոր ու երկար հողափոսի մեջ նստելն անգամ դարձել էր անտանելի: Մի բարձրահասակ չորամարմին պառավ էր (Արշակենց գյուղում նրան կասեին լորու սարի) և մանկամարդ մի կին: Նրանց ուղեկցող զինվորը հտ գնաց՝ խոստանալով մի ժամ հետո հայտնվել: Պառավն ասաց.

— Այտա՛, վախում ես կորչե՞նք, — հետո ձեռքի կապոցը վայր դնելով՝ սկսեց աչք ածել խրամատի երկարությամբ: Մայրական գորովանքով շահել զինվորներին էր տնտղում:

Իսկ մանկամարդ կինը խրամատի ծունկ տված տեղում կանգնել էր մոլորված և արևից, տոթից, երևի ամենից շատ՝ անսովոր միջավայրից, շիկնած ու շառագունած: Արշակը տեսավ նրան ու կայծակը խփածի պես մեջքը դեմ տվեց խրամատի պատին: «Վա՛յ, քո մերը չմեռնի, էս ի՛նչ արիր», — անցավ Արշակի շվար մտքով: Աչքերը տրորեց ու նայեց ընկերներին, որ տեսնի՝ նրանց բան չպատահե՞ց: Ոչինչ էլ չէր պատահել. երիտասարդներն իրենց իրերն էին աչ ու ձախ գցում, որ նորեկներին նստելու տեղ հրամցնեն: Իսկ զինվոր Ջաքարը, գիշեցի այդ շատակերը, երկար ոտքերը չռած, պլշած աչքերով պառավի

կապոցներին էր նայում՝ կանխավայելելով նրանց պարունակու-  
թյունը:

Շատակերների մեջ եթե մի տարօրինակը գտնեք, երևի Զա-  
քարը պիտի լինի: Չորրորդ տարին էր Արշակի հետ ծառայում,  
դեռ մի անգամ ուտելու վրա գանգատ արած չկար: Ուտում էր  
ուղտի պես՝ ծամելիս ուտելիքը բերանում աջ ու ձախ գցելով:  
Ուղտի պես էլ դիմացկուն էր. շինե՞ր՝ չէր ուտի-կդիմանար, լի-  
նե՞ր՝ կուտեր, ինչքան որ տային: Պահեստներում նրա հասակին  
հագուստ չէր լինում, հատուկ էին կարում, և ինքը մեծ-մեծ գրը-  
պաններ էր կարում հարմար ու անհարմար տեղերում: Նրանցից  
մեկը հենց փորին էր՝ ոնց որ կենգուրուի պարկ, որի մեջ կա-  
բելի էր մի շաքաթվա պարեն տեղավորել: Այդ գրպաններում  
միշտ էլ ուտելու մի բան կգտնվեր: Կտար Արշակին. «Կե՛ր, հա-  
րեան» (գյուղերով հարեան են. Գիշու և Մուշկապատի հանդերը  
մի գետակ է բաժանում): Արշակը հրաժարվում էր. «Դու կեր,—  
ասում էր:— էգ հսկա բոյ-բուսաթիդ պահանջը շատ կլինի»:  
«Ա՛ տղա, սա ինձ ի՞նչ անի, դո՛ւ կեր, մի տեղ կերեա»:

Արշակն ու Զաքարը նախապատերազմյան ծանոթներ էին:  
Հանդիպում էին իրենց գյուղերն իրարից բաժանող գետակի վրա,  
Շրշոանի ձորում, երբ գյուղեգյուղ կովում էին: Գետակի աջափ-  
նյակի թթենիների ու կեռասենիների տակ զիշեցիների բանակն  
էր դիրք բռնում, ձախափնյակի թթենիների տակ՝ մուշկապատ-  
ցիների: Վերջիններս Շրշոանի ձորում կեռասենիներ չունեին և  
պատերազմական այս նախապատրաստությունից առաջ անպայ-  
ման ավերած էին լինում Գիշու կեռասի այգին: Ուրեմն, պա-  
տերազմելու հիմնավոր պատճառ կար: Բայց շինե՞ր էլ, կատար-  
ները տաք երիտասարդները կգտնեին, առանց որոնելու:

Ծվ այսպես. ձորի երկու լանջերին դիրքավորվում էին թշնամի  
բանակները, որոնց մարտն սկսվում էր հայհոյանքի փոխհրա-  
ձգությամբ: Այստեղ էլ դիպուկահարներ կային ու գնդացրային  
կրակահերթի վարպետներ: Այո՛, կար հայհոյանք, որ դիպուկա-  
հարի գնդակի պես հակառակորդին խոցում էր տեղնուտեղը, և  
էար, որ գնդացրային կրակահերթի պես երկար էր, ծալ-ծալ,  
հարկ-հարկ: Դրանց վարպետները զիշեցիք էին, մանավանդ, եթե  
իրենց հետ բերած էին լինում գյուղի ամառանոցավորներին,  
որոնք ինտերնացիոնալ տարր էին մտցնում կովի մեջ. հայ-  
հոյում էին հայերեն-ռուսերեն-թուրքերեն... Ծվ այն ժամանակ



Արշակը, որ երեխա էր դեռ, բայց պարսատիկով թռչուն կորսար թռիչքի մեջ, տալիս-շարքից հանում էր այդ «ինտերնացիոնալիստին»: «Վա՛յ, մամա ջյա՛ն, ես մեռյա՛...», — լսվում էր թշնամու դիրքերից, և մուշկապատցիները քարապրանուկով իջնում էին դեպի ձորը:

Զաքարը փորձված մարդ էր և գիտեր, թե քարապրանուկն ի՛նչ տեսակ աղետներ կարող է պատճառել, եթե նշանաության տակ իր նման մեկն է, որին կույրն էլ խփեր, չէր վրիպի: Զաքարն իրենց դիրքերում կանգնում էր ամբողջ հասակով ու գոռում էր գեպի ձորը. «Ա՛ մուշկապատցիք, — ասում էր, — ես ձեզ մատաղ, դուք էդտեղից հայհոյեք, մենք՝ էստեղից, էդ առաջ գա՛լն ինչի է պետք»:

Այս կոչը հաճախ հաշտության դուռ էր բացում, և երկու հակառակ բանականները մերկացած թափվում էին գետակի մեջ, որպեսզի տաքացած կատարները հովացնեն նրա սառը ջրերում:

Այսպես, ուրեմն, Զաքարն ու Արշակը միմյանց գիտեին դեռևս մեծ պատերազմից առաջ, իրենց տեղական «պատերազմների» օրերից և երբ ճակատում հանդիպել էին, կարոտով ու երանությամբ էին հիշում անցյալ «պատերազմները»:

Ես հիմա այս վերհուշը կատարեցի, որպեսզի Արշակն ուշքի գա, հասնի ինքնատիրապետման: Եվ, ի պատիվ իրեն, պետք է ասել, որ ինքնատիրապետումն ապահովվեց: Զաքարը նայեց ընկերոջը, վիճակը հասկացավ:

— Արշակ տղա, — ասաց, — ինչքան էլ քնինք անես, տասի կեսը հինգ է: Արի տեսնենք՝ ի՛նչ են բերել մեր խանում-խաթունները:

Իսկ խանում-խաթուններն արդեն Արշակի պատրհանում դասավորում էին բերածները:

— էս ոնց որ քնելու տեղ է, — ամոթխած անհանգստացավ դեռատի կինը՝

— Բան չկա, դասավորի, ա՛ քուր, — սիրտ առած խոսեց Արշակը:

«Ա քուրն» անսովո՞ր էր, թե՞ նրա բերանից անսովոր ու հարազատ հնչեց. դեռատի կինը նայեց նրա կողմը, ժպտաց՝ պարզակելով մի երջանկուսյուն, որի նմանը երբեք չէր ունեցել մուշկապատցի զինվորը: «էս ի՞նչ է, անաստվածն ինձ տվեց, միանգամից շարքից հանե՞ց, — մտածեց Արշակը և որոշեց իրեն

տղամարդ պահել:— Արշակ տղա՛, քեզ ձեռքդ հավաքիր, բոլոր կողմերից նայում են»:

Դեռատի կինը ձեռքի կապոցը դատարկելուց հետո էլ գնաց՝ խրամատի մուտքի մոտ թողած փոքրիկ տոպրակը բերելու: Զգույշ կողքի կուացավ, և երևացին սրունքները, որոնք ասես շարխաքաշ էին: Հետո խրամատի հատակին քայլում էր, թվաց ոտքերը գետնին չէին առնում: Նրա հագին շթե ծաղկավոր շրջազգեստ էր, որ գրկել էր համաշափորեն գիրգ կոնքերը, փարթամ կուրծքը, եկել-եզրով փակել ուսերն ու վիզը:

Արշակն աչքի տակով նայում էր, չէր կարող չնայել այդ հրաշքին, և մտածում էր, որ ահա այսպիսի կանանց տեսնողներն են տարածել, թե աշխարհում հուրի-փերիներ էլ են լինում, և հետո հավատացել են իրենց տարածած հեքիաթին:

Պարզվեց, որ պառավն այնքան էլ պառավ չէ. մազերն են շուտ ճերմակել վշտից: Իսկ վիշտն այն է, որ Շուլավերից Փարաքար մարդու եկած այդ Շարմազը մի տարում կորցրել է ամուսնուն, երկու տղային ու երեք աղջկան: Իրենց Փարաքարում տիֆի համաճարակ է եղել, շուլավերցու աղջկա ամբողջ ընտանիքը տարել է, իրեն թողել միայնակ, որ բվի նման կոնչա դատարկ տանը: Իսկ խրամատ մտնելուց այնպես աշխույժ էր, այնպես ասող-խոսող, որ Արշակին թվում էր, թե մեկն է այն երջանիկներից, որոնք փեշով էլ չեն քավել դժբախտությանը և հարյուր տարի կապրեն՝ իրենց կատակն ու խնդությունն աշխարհում շաղ տալով:

Երբ սեղան էր բացված Արշակի պատրհանի երկարությամբ, և զինվորները ծալապատիկ նստել էին ճաշի՝ իրենց մեջ առած երկու հյուրերին, Շուլավերցու աղջիկը գինով լի բաժակը բարձրացրեց և հայացքով ընդգրկեց բոլոր նստածներին, ապա մեծավարի խոսեց.

— Տեսնում եմ, որ բոլորիդ էլ մայր կսազեմ, ուրեմս, խոսքը իմն է:— Կանգ առավ, մտածեց մի փոքր, նայեց դեռատի ընկերուհուն:— Աղջի, է՛յ, շասես՝ շանան շարխի կալավ: Սիրտս լիքն է, էրվում է, խոսում եմ, հանգստանամ:— «Աղջին» անքեն ժպտաց, և դեմքն օծվեց մի այնպիսի վարդագույնով, կիսաբաց ճերմակափայլ ատամնաշարն այդ վարդագույնի մեջ այնպես շողաց լուսնի մահիկի պես, որ Արշակի գլուխը պտտվեց: Շուլավերցու աղջիկը դիմեց զինվորներին.— Ձեր կենացը, ա՛յ տունու-

տեղից դադարգլուն եղած ջահելներ: Դուք, որ եկել եք հայրենիքի փրկութեան համար ձեր կյանքն ու արյունը տալու, շատ ապրեք: Շատ ապրեք ու հասնեք ձեր մուրազներին:— Ապա շորացած, վշտակիր երեսը դեպի երկինք դարձնելով՝ վերացած ասաց.— Ա՛րկնային, դու միակ ամենազոր ու հավերժական, դու հարեհաս լինես էս խեղճ անցավորներին: Դու լավ ես տեսնում՝ ղրկված ու դժբախտ մայր եմ, ինձ սազական շի այս խոսքը, բայց որ շասեմ, սիրտս կտրաքվի. թող մեր աղգի տունը քանդող թշնամու մայրն իր մազե՛րը քանդի:— Մի շնչում խմեց լիք բաժակը, ափով սրբեց բերանը և նորից դարձավ գինվորներին.— Դե՛, խմեցեք ու կերեք, Շարմաղը ձեր օր ու ումբրին մատաղ: Հա՛ղջուշացնեմ. կոխվը պրծնի թե չէ, եկեք Փարաքար, հարցրեք Շարմաղի տունը... Զէ՛, ասեք՝ Շուլավերցու աղջկա տունը ո՞րն է: Ում էլ հարցնեք, ցույց կտա. Շուլավերցու աղջիկը ես եմ: Կգաք: Թաղած կարաս ունեմ, կբացեմ, երկու տարեկան զոչ ունեմ, կմորթեմ...— Աչքերը տամկացան, ձայնը կոտրատվեց և թոսխոտալով ասաց.— Է՛, մեր հայրը, հոգին լո՛ւյս դառնա, ոսկի ձեռքեր ուներ: Գործը քարի հետ էր. տուն կշիներ, խաչքար կկազմեր... Խաչքարի վրա նկարած մարդը հետդ կխոսեր... Ի՞նչ պատմեմ, պատմելո՞ւ բան է... Լիք տուն է թողել, ես ձեզ մատաղ, ամեն ինչ էլ ունեմ, ամեն ինչ... Կգաք-կտեսնեք... Աղջի Համեստ, մի բան էլ դո՛ւ խոսիր, էս անծանոթ ջահելները շասեն՝ Շուլավերցու աղջիկը դարդից խելըռել է, լեզուն բուն շի մըտնում:

— Ես ի՞նչ խոսեմ, Շարմաղ հոքիր, — դարձյալ շառագունեց Համեստը և նայեց աջ կողմը նստած Արշակին: — Ես ի՞նչ խոսք ունեմ, որ ասեմ:

— Ինչի՞ շունես, ա՛յ Համեստ, ինձ նման մի դարդոտն էլ գու ես:

Զաքարը, որ կավե գավաթով գինին խմել էր և խաշած հավն էր պատառոտում, զարմացած նայեց մեկ Շուլավերցու աղջկան, մեկ Համեստին:

— Գարդո՞տ: Ինչի՞ պիտի դարդոտ լինի էս հուրի-մալաք աղջիկը:

Մյուս գինվորներն էլ զարմացած էին: Իսկ Արշակն այլևս չէր հասկանում լսածը:

— Գարդոտ է, բա ի՞նչ է, — արդեն հանգիստ, լուրջ բացատ-

րեց Շուլավերցու աղջիկը, իսկ Համեստը շառագունած, տխրամած գլուխը թաքցնելու տեղ չէր գտնում:— Մարդը դնաց, զոհվեց թուրքի կոպում: Երկու տարի է արդեն: Եվ խեղճի անունն երկու դառած՝ տանջում է իրեն:

— Բա՛-բա՛-բա՛, աղջի, էդ ի՞նչ մեծ դժբախտություն է էդ հասակում,— անկեղծ կարեկցեց Զաքարը:— Գոնե խոխա-բան թողե՞լ է՛:

Համեստը հարցական նայեց Շուլավերցու աղջկան, և նա բացատրեց.

— Ասում է խոխա՛, այսինքս՝ երեսա թողե՞լ է:— Համեստը դժկամորեն ուսերը բարձրացրեց, և Շուլավերցու աղջիկն այդ էլ թարգմանեց.— Չէ՛, չի թողել, ա՛յ ախպեր: Ո՞ւր է, թե թողած կլինեիր... Հիմի ո՛չ հերանց գնացողն է, ո՛չ էլ...

— Է՛, Շարմաղ հոքիր, իրենց ցավը քի՞չ է, դու էլ եկել, մեր դարդերն ես պահ տալիս,— այլայլված դժգոհեց Համեստը և, որևէ բան անելու համար, կրծքին թափված մազերը ետ գցեց, ապա ուտելեղեն քաշեց Արշակի առաջ.— Ախր, դու իսկի բան չկերար:

— Ես ուտում եմ, ա՛ քուր...

Այս կողմերում ասում են՝ «քո՛ւր ջան», «հոգի՛ ջան»: Արշակն ինչպե՛ս կասեր այդ «ջաներից» մեկը: Սակայն սովոր չէր և ասեր, այդ միևնույն է, թե տկլորանար մարդկանց առաջ: Միայն շնորհակալությամբ նայեց Համեստին, այնքան նայեց, որ նա ամոթխած ժպտաց ու հայացքը փախցրեց՝

Ճաշի վերջում մեջտեղ եկավ գաթան՝ մեծածավալ, նախշազարդ մի խմորեղեն, որ Արցախական աշխարհում կոչվում է դովլաթ-կրկենի: Կրկենին հենց այդ ծավալուն գաթան է, իսկ դովլաթը՝ նրա մեջ դրված խորհրդավոր կորիզը կամ ուրիշ որևէ նշան, որին արժանացողը ճանաչվում է գերդաստանի ընտրյալն ու սիրելին: Այստեղ է՛լ նման սովորություն կար, թե՛ Համեստն ուրիշներից է սովորել կրկենի թխելը: Պարզվեց, որ նա Ոսկեվազից է հարս եկել Փարաքար: Եվ ոսկեվազցի Համեստը Փարաքարում կրկենի է թխում իր մորից սովորած եղանակով:

— Հաջորդ անգամին էջմիածնի կոլոլակ պիտի բերեմ,— ցածրաձայն խոստացավ Համեստը՝ տեսնելով, թե իր ոսկեվազյան կրկենին ինչպես ուրախացրեց զինվոր եղբայրներին:

— Հաջորդ անգամ որ գաս, մենք արդեն Կարսն անց կացած

կլինենք,— խոսեց զինվորներից մեկը, որ կուշտ կերել էր և գոտին էր թուլացնում:

— Աստված տա՛ անց կացած լինեք,— ուրախ արձագանքեց Շարմաղը:— Մինչև էլզուլում էլ կգանք, միայն թե ետ առած լինեք մեր հողերը:

— էլզուլում չի, Շարմաղ հոքիր,— ժպտաց Համեստը:— էրզրում է:

— էլզուլում է, բա ի՞նչ է: Քեզ համար զուլում եղավ, տեղ-րակնոջս համար եղավ, մեր քավոր Ապետնակի զույգ աղջկանց համար եղավ: Քանի՛ մեկին հիշեմ:

Դովլամթ-կրկենին Արշակը պիտի կտրտեր: Զաքարն ասաց.

— Միայն դու կարող ես տասնհինգ հավասար բաժին անել:

— Կտրտիր, հոգի ջան,— մայրաբար հորդորեց Շարմաղը:— Երեսկահատդ ասում է՝ արդար մարդ ես: Քո արդար ձեռքով կտրիր:

— Արշա՞կն է արդար,— առանց հայացքն ուտելիքից կտրելու, հարցրեց Զաքարը և քմծիծաղեց, ասաց.— Դրա փեշի մեջ մեռոն կեփվի:

— Բա՛, ես մենակ իմ մեռնելու օրը չգիտեմ:

Արշակը գոտկին կապած պատյանից հանեց ծալովի դանակը, գոտկի վրա թավ տվեց, սրությունը փորձեց ձեռքի ափին և գործի անցավ: Շարմաղը, որ նայում էր նրա այս արարողությանը, հիացումով խոսեց.

— Բա ասում էի, չէ՞: Մեր ողորմած հոգին էլ էդպես էր, հա՛. ամեն ինչ տեղը-տեղին: Գործիքները կարգին-սարքին: Զեռքի գործն էլ՝ թամաշա: Զուտես-չխմես, նայես արած-թողածին... Փեշակիդ անունն ի՞նչ է, Արշակ ախպեր:

Մինչև Արշակը կպատասխաներ, զինվորներից մեկն ասաց.

— Սնայպեր է,— և բացատրեց.— Կարևոր թուրքերին վերացնում է:

— Բա գնդակը ո՞նց է կարևորին ջոկում անկարևորից:

— Գնդա՛կը չէ, ինքն է ջոկում. հեռադիտակով նայում է, տեսնում՝ սա հրամանատար է, մյուսը լավ դիրք ունի, շատ վնաս կտա մեզ... և մեկ-մեկ, դը՛մբ, ջահանդամն է ճանապարհում:

Շարմաղն ու Համեստը հիմա որ բացահայտ հիացումով էին

նայում Արշակին, որը կտրտել էր կրկենին և սկուտեղի վրա դրել  
Համեստի առաջ.

— Ա՛ք քուր, դե՛, հիմի քո սուրբ ձեռքով բաժանիր, տեսնենք՝  
դովլաթիդ ո՛վ պիտի արժանանա:

Համեստն սկուտեղը բարձրացրեց, պարզեց դեպի Արշակը.

— Դե՛, վերցրու,— և պարզեց այն ժպիտը, որ այդ վայրկե-  
յանին Արշակ զինվորին դարձրեց աշխարհի տերը:

— Չէ՛, հրաժարվեց Արշակը,— քո՛ ձեռքով, ասացի, չէ՞,  
քո՛ սուրբ ձեռքով:

Համեստն անհամարձակ նայեց կտորներին, մեկն ընտրեց  
և արագ, կարծես ձեռքը վառում էր, դրեց Արշակի առաջ: Հետո  
մյուսների բաժինները տվեց: Զինվորներն սկսեցին զգուշորեն  
ուտել: Զաքարն արագ-արագ իր կտորի հարցը լուծեց, վերա-  
դարձավ ուտելիքի մնացած տեսակներին: Հարևաններն էլ լռու-  
թյամբ կերան: Համեստը և Շարմաղն իրենց բաժինների հասը  
բաց արին-ստուգեցին. ոչինչ չկար: Չէր կերել միայն Արշակը.  
ուրեմն, կորիզը նրա բաժնում էր: Համեստը հարցրեց.

— Ինչո՞ւ չես ուտում:

— Պահեմ... հիշատակ է,— համարձակվեց ասել Արշակը, և  
Համեստը, շփոթմունքը թաքցնելու համար, աննպատակ իրար  
բերեց «սեղանի» ուտելիքի մնացորդները:

Հրաժեշտ պիտի տային, և Զաքարը կարգադրեց, որ վերջին  
անգամ լցնեն բաժակները: Շնորհակալության խոսքեր ասաց,  
ջոկատի անունից խոստացավ լավ կովել և արժանի լինել այս  
հոգատարությանը...

Արշակը նայում էր նրան, սակայն չէ՞ր կարողանում լսել:  
Մտքով ուրիշ տեղ էր: Ուրիշ հոգս էր տակնուվրա արել նրա  
սիրտը: Ուրիշ մի բաղձանք, երազում տեսած հրաշք թռչունի  
պես, նրան առել իր թևերին, տարել էր անիրական մի աշխարհ,  
որտեղ կոփվ չկար, արյուն չէր հեղվում, և համատարած սերն ու  
բարությունն էին թագավորում: Երբ կտրվեց այդ երազից, բոլորն  
իրեն էին նայում: Նրա աչքի առաջ, այնպես մոտիկ ու իրական,  
սակայն երազի պես անհավատալի, Համեստի լուսապայծառ,  
շիկնանքի բողո՞վ պարուրված գեմքն էր: Ժպտում էր, և ճերմակ-  
ճերմակ ատամնաշարը լուսնի մահիկի պես ցոլում էր: Նա ուղեց  
կենաց ասել և այդ կենաց խոսքի մեջ Համեստին շնորհակալու-  
թյուն հայտնել պարզեած մեկ ժամվա երջանկության համար,

ամաչեց այդ մտքից: Սակայն հանկարծական մի մղումով խոսեց և այն, ինչ պիտի ուզվեր մեկին, ասաց երկուսին, ընդհանուր: Ասաց՝ հուսալով, որ նա պիտի հասկանա. մի՞թե սուտ էին այն հայացքներն ու ժպիտները:

— Էս կովոդ տղերքին մայրեր են սպասում, հարսներ ու հարսնացուներ են սպասում: Նրանց կենացը և ձեր կենացը, ա՛յ նոր բարեկամուհիներ: Ձեր շա՛տ կենացը: Որ պատերազմ չլիներ, մի ամբողջ կյանք էլ իրար կողքի ապրեինք, էսպես իրար շէինք ճանաչի... Ուզում եմ ասել՝ էսքան շէինք, ոնց ասեմ, է՛...

— Հարազատանա, — հուշեց Շարմաղը:

— Ա՛յ, շա՛տ ապրես: Խոսքը լեզվիս ծերին էր, բայց չէր դալիս: Մի ամբողջ կյանք էր պետք, որ էսքան հարազատանայինք: Ձեր շա՛տ կենացը: Եվ... երանի՛ ձեր հարեաններին:

Ջաքարը, գլուխը ևտ թեքած ծիծաղեց:

— Էդ հարեանների՞ն ինչի հիշեցիր, ա՛յ Արշակ ախպեր, — դարմացավ Շարմաղը, որ շուրջն էր աչք ածում՝ պատրաստվելով վեր կենալ, որովհետև ուղեկից զինվորը երևացել էր խրամատի ծայրին:

— Նրանք ամեն առավոտ առաջինը ձեր երեսն են տեսնում, — արդեն սիրտ առած՝ պատասխանեց Արշակը: — Իմացիր, որ դրանից է սկսվում նրանց ամեն մի օրը, որ չի կարող բարի չլինել:

— Է՛, քե մատաղ, երեսդ տեսնող ամենն էլ մեկ չի լինում, — բացատրեց Շարմաղը, որ կարծես հասկանում էր Արշակի խոսքի խորքը: — Մարդ կա, բարեդ առնում է, թի՛վում:

Ջաքարն աչքով արեց Արշակին և մտքում ասաց. «Թե կարծում ես՝ սնայպերը միայն դու ես, մոլորված ես: Էդ Շարմաղը քեզանից դիպուկ որ չկրակի, քեզ հետ հավասար կմրցի»:

Շարմաղն ու Համեստը լրիվ դատարկեցին իրենց կապոցները: Ուտելիքի մնացածը դասավորեցին պատրհաններում՝ հանձնարարելով ինչպե՛ս պահել, որ ոչինչ չփչանա:

— Ա՛յ հեր օրհնած, մեզանից բան կպրծնի՞, որ փչանա, — կատակեց Ջաքարը:

— Տեսա՛նք, Ջաքար ախպեր, տեսա՛նք, — արձագանքեց Շարմաղը: — Հերս ասում էր. «Մարդ ոնց ուտում է, էնպես էլ կաշխատի»:

Երբ պիտի հրաժեշտ տային, Արշակն իրարով անցավ:

— Բա մե՞նք ինչ տանք—տանք: Ախր, էսպես հավասարու-  
թյուն կլինի:

Զաքարը վերին փոքրիկ պատրհանից դուրս բերեց արկի պար-  
կուճից պատրաստած մի շողշողուն ճրագ և մեկնեց Շարմաղին:

— Գո՞մ ունե՞ս, տա՛ր,— ասաց:— Արշակի ձեռքի գործն է՝  
Շարմաղն ուզում էր հրաժարվել, մեկ էլ մտածեց, որ կնե-  
ղանա, վերցրեց:

— Լույսի մեջ կենաք,— մաղթեց նա:— Ամեն վառելիս պիտի  
հիշեմ:

Արշակն էլ մուշկահամուկի փունջը պոկեց պատի մեխից և  
անհամարձակ գրեց Համեստի ձեռքում: Նրանք իրար ոչինչ չա-  
սացին: Խոսքերի փոխարեն հայացքներ փոխանակեցին, որոնց  
մեջ եթե խոստում կար, մշուշոտ էր, անորոշ և հեռավոր աստղի  
լույսի պես աղոտ...

Երբ հասան խրամատի մուտքի մոտ և կանգ առան, արդեն  
լսելի էին հեռավոր զանգերի ղողանջները: Նրանք խուլ, ծանր-  
ծանր հարվածում էին, և Արշակին թվում էր, թե դրանք իր  
լրտի հարվածներն են, որ լսելի պիտի լինեն նաև Համեստի համար:

Զերմագին ձեռքսեղմումներից հետո Շարմաղը նորից հի-  
շեցրեց.

— Փարաքարում ու՞մ էլ որ հարցնեք Շուլավերցու աղջկա  
տունը...

— Ողջ-առողջ մնաք, հաղթանակով դառնաք,— մաղթեց  
Համեստը:

Արշակը նրա լուսաճառագ աչքերում շողշողուն արտասուք  
տեսավ և ինքն իրեն ասաց. «Անաստվածը մթան մեջ լույս կտա»:

\* \*  
\*

Իսկ Բաթումում հայ պատգամավորները ոչինչ չգիտեին ռազ-  
մաճակատում տեղի ունեցած նոր դեպքերից և իրենց պահում  
էին իբրև պարտվող, ավելի ճիշտ՝ արդեն պարտված կողմի ներ-  
կայացուցիչներ, որոնց միակ պարտականությունն է հանձնվել  
հաղթանակած կողմի ողորմածությանը և գուժ հայցել: Նրանք  
գո՛ւթ պիտի հայցեին թուրքերից...

Ալեքսանդր Խատիսովը հյուրանոցի մուտքի մոտ հանդիպել  
էր ֆերիկ Վեհիբին, որն իրեն ոչ միայն ուշադրություն չէր դարձ-



րել, այլև ցուցադրական արհամարհանքով շրջվել էր ու շուրջալվել գերմանական «Մերսեդեսի» մեջ ու շտապ հեռացել: Եվ դա հիմնավոր պատճառ էր, որպեսզի հայկական պատվիրակութայն ղեկավարն իր գործընկերներին ներկայանար սգվորի կերպարանքով, ապա, մի ժամ խորհրդավոր, ողբերգական գաղտնիք պահպանողի խաղեր անելուց հետո, հաղորդեր, որ իրենք վերջնականապես կորած են:

— Կորած ենք, և ոչ մի փրկութուն չկա: Բա վեհիբն ինձ տեսնի և շուգենա՞ էլ բարևս առնել: Կնշանակի՞ իրենք նստած են Երևանում և կարող են մեզ շան տեղ չդնել: Չե՞ք հիշում, մեկել օրը խալիլն ասաց. «Հայերդ պարտված եք և խոհան կլինեք, եթե զենքը ցած դնեք ու վերջ տաք ավազակային գործողութուններին»:

Թուրքերը հայկական «ավազակային գործողութուններ» են կոչում արևմտահայ ազատագրական զորախմբերի մղած կռիվները: «Դուք այդ ավազակապետ Անդրանիկին մեր ձեռքը պիտի տա՞ք, թե՞ ոչ», — վերջում սպառնալից իր խոսքն այսպես էր փակել խալիլ բեյը՝ երևի մտածելով, որ բավական է՝ Անդրանիկի զորախումբն էլ դադարի գործելուց, որպեսզի իրենք իրենց կրունկների տակ զգան մի ամբողջ դիակնացած Հայաստան և նրա վրա խաչ քաշեն որպես իրենց կրթմանի թշնամու, որը հողին է հանձնված և այլևս չի կարող գլխացավանք պատճառել: Բայց Անդրանիկը դեռ գլխացավանք շատ էր պատճառում, որովհետև նման էր անիրական, արտասովոր ուժի, արևհի ղրկած դիվային պատժի, որը մեկ հայտնվում էր Դիլմանում, մեկ Սարիղամիշի տակ, մեկ Ղարաբաղիսայի մոտ կարող էր փակել թուրքական զորքի ճանապարհը և հետո էլ պիտի հայտնվեր Նախիջևանում կամ Զանգեզուրում՝ հատկապես այն ճամփաների տիրակալի դերում, որոնք ամենից շատ էին անհրաժեշտ Թուրքական կայսրութայն արևելյան քաղաքականութունն ապահովելու գործին:

Շատ էր դժվարացել հայ դիվանախոսների գործը: Այնքան էր դժվարացել, որ նույնիսկ ամենաճարպիկ ու ամենաձեռներեց գործիչ համարվող Ալեքսանդր խատիսովը, անգործութայն մատնրված, չգիտեր ի՞նչ պետք է անել ծուղակից դուրս գալու համար: Նրան ամենից շատ հավասարակշռութունից հանել էին կովկասյան դաշնակիցները, որոնց հետ մի ամիս առաջ փայ-

փայլում էին ոչ այնքան մուսյլ երազներ և հույս ունեին, թե պիտի ստեղծեն համակովկասյան մի հզոր ընտանիք, որի համար այլևս սարսափելի չպետք է լինի հարավի գորշ գայլը: Ի՞նչ եղան այդ երազներն ու հույսերը: Պարզ է, թե Բաքվի մուսավաթականներն ինչո՞ւ այնքան շուտ և այնպես պատրաստակամ ընկան թուրքերի գիրկը. Օսմանյան եռապետության ներկայացուցիչներին հաջողվեց նրանց գլուխները լցնել համաթուրքական ու համախլամական զառանցանքով: Իսկ մենշևիկները: Նրա՞նք ինչու են փախչում հայերի համագործակցությունից: Մի՞թե կարծում են՝ բավական է գերմանական հենակներով ոտքի կանգնեն և անմիջապես կկարողանան ինքնուրույն շարժվել, նույնիսկ հաջող քայլ զցել մեծ-մեծ տերությունների հետ: Այնօր գնե՜րալ Լոսովը վրացիների այցելությունից հետո մի քիչ բացսիրտ էր դարձել իրենց հետ և բաց արեց վիրա-գերմանական հնարավոր դաշնակցության եթե ո՛չ բոլոր խաղաքարտերը, ապա գոնե ամենահիմնականները: Ասում էր. «Վրացիների հետ մենք տնտեսական մեծածավալ գործակցություն կունենանք. նրանց երկրի մանգանի հանքերն ու մերձարևադարձային այգեգործությունը Գերմանիային կտան այն, ինչ մենք ապարդյուն փնտրում ենք ուրիշ երկրներում... Իսկ Հայաստանն ինչ ունի: Հայերը գերմանական օգնության համար ինչո՞վ կարող են վարձահատույց լինել»: Գերմանացի գորավարը պատասխանի էր սպասում, իսկ Հայաստանի շահերի ու իրավունքների պաշտպանողիվանախոսը չգիտեր, թե իր «պաշտպանած» երկիրն իրապես ի՞նչ ունի և ինչո՞վ կարող է գայթակղիչ դառնալ շահամոլ եվրոպացու համար: Իսկապես ի՞նչ ունի Հայաստանը, օգտակար հանածոներ կա՞ն այնտեղ, հողը կարո՞ղ է տալ այնքան բարիք, որ կարողանա կերակրել ոչ միայն իր վրա ապրողին, այլև լցնել գերմանացի շահամոլի անկուշտ աչքը: Ի՞նչ Հայաստան էր մնացել թուրքական բռնագրավումներից ու հարևանների սանձարձակ ոտնձգություններից հետո. մի Արարատյան նահանգ ու Սևանի չոր ափերը:

Խատիսովը խորհրդակցեց իր պատգամավորության մյուս անդամների հետ, և նրանք էլ չկարողացան շատ բան ավելացնել այն պատկերացումին, որ ինքն ունեւր Հայաստան աշխարհի մասին: Պապաշանովը զարմացավ Ֆոն Լոսովի տարօրինակ հետաքրքրասիրչւթյան վրա. «Հայաստանի չոր քարերից ի՞նչ պիտի

կորզի այդ ցնդած գերմանացիին»: Միմոն Վրացյանը ծոցատետ-  
րում գրեց, որ Թիֆլիս վերադառնալուց իր «Հորիզոնում» աե-  
պայման հոգվածաշար կտպագրի Հայաստանի գյուղատնտեսա-  
կան ու երկրաբանական առանձնահատկությունների մասին: Հովհ  
Պաննես Քաջազնունին հիշեց Շուստովի կոնյակը և զգուշացրեց  
միաժամանակ, թե դա տնտեսական փոքրածավալ միավոր է,  
և, ապա, դժվար թե կոնյակի մենաշնորհի տնօրեն Շուստովը  
համաձայնի ունենալ գերմանացի գործընկերներ:

Հովհաննես Քաջազնունին, բնավորությամբ ինքնամիտի մարդ  
լինելով, ժամանակն անց էր կացնում օրվա դեպքերի վրա խոր-  
հրդածելով և մտորումներն էլ հաճախ գրի էր առնում մի ընդհա-  
նուր հաստատիր տետրում, որը դարձել էր նրա խոստովանու-  
թյունների մատյանը: Այնօր նա սրտի ցավով գրեց իրենց վեր-  
ջին խորհրդակցության մասին: Այս գրառումը նա փակում էր  
ցավագին հարցերի մի փնջով. «Եվ այս մե՞նք ենք, որ եկել ենք  
պաշտպանելու այն երկրի դատը, որի մասին նվազագույն պատ-  
կերացում իսկ չունենք: Չգիտենք՝ ի՞նչ կա այնտեղ, ի՞նչն է կազ-  
մում նրա հարստությունը և ինչի՞ կարիքն ունի: Իսկ ժողովրդի՞  
մասին ինչ գիտենք. ի՞նչ է մտածում, ի՞նչ է ուզում, ո՞րն է նրա  
ցավը, ինչպե՞ս պիտի դարմանել: Ինչո՞վ կարող ենք օգնել, որ  
նա ոտքի կանգնի և շարունակի իր պատմական ճանապարհը:  
Ո՞վ դժբախտ իմ ազգ, դու ե՞րբ ես ունենալու քեզ արժանի առաջ-  
նորդներ»:

Հայ պատվիրակներն այսօրինակ անպտուղ մտորումներով  
էին սպանում իրենց օրը: Իսկ Վեհիբ փաշան նախքան նրանց  
ղեկավար Ալեքսանդր Խատիսովին կոնակ ցույց տալը առել էր  
Սարդարապատում իր զորքի կրած պարտության բոթը և շտա-  
պում էր ռազմաճակատ:

Այդ ֆերիկ-մարշալը, որ վայելում էր երիտթուրք բռնապե-  
տության պարագլուխների վստահությունը, իսկապես փորձառու  
և գրագետ զորավար էր, որպեսզի կարողանար երեք-չորս տա-  
րիների պատերազմական առանձին զրվագներից գաղափար կազ-  
մել հայկական զորախմբերի ռազմական կարողությունների  
մասին և որևէ լուրջ դիմադրություն սպասեր նրանց կողմից:  
Վասպուրականի ինքնապաշտպանական մարտերն ու Դիլմանի  
ճակատամարտը, էրզրումի կռիվն ու կամավորական գնդերի  
հանկարծահաս հարվածները Վեհիբին ստիպում էին մտածել, որ

հայկական զորքը մի տեղ պետք է ասի իր վճռական խոսքը: Եթե այդ խոսքը չսավեց Երզնկայում, ապա կասվեր Սարիղամիշում: Սարիղամիշում, անշուշտ, ռուսական հրամանատարությանը համակած խուճապը խանգարեց, բայց դեռ թիկունքում Կարսն էր՝ Անդրկովկասի նախաշեմի հզոր բերդամրցքը, որի տերը վիթխարի առավելություն պիտի ունենար հարձակվող բանակի համեմատությամբ: Կարսն էլ ընկավ, և Վեհիբը գիտեր, որ դա հայ զորքի անճարակությունից չէր, այլ իր ու Չխենկելիի այն գործարքից, որի մասին հայերն իմացան բերդամրոցի անկումից հետո: Ալեքսանդրապոլի հեշտ նվաճումը, ճիշտ է, Վեհիբին տողորել էր մեծ ինքնագոհությամբ և, մանավանդ, արհամարհանքով հայոց զորքի հանդեպ: Բայց նա գիտեր, որ կա ժողովուրդ, որի բեկորները երկրի տարբեր կողմերից հավաքվել են Արաքսի ձախափնյակը: Հավաքվել են ոչ թե մեռնելու, այլ ապրելու համար: Իսկ նա, ով որոշել է ապրել, դժվար թե հեշտությամբ հանձնվի թշնամուն: Սակայն այսքանից հետո եթե Ֆերիկ Վեհիբն սպասում էլ էր ժողովրդական ուժի մի պոռթկման, ապա ո՛չ Սարդարապատում, ուր իրենք մտել էին շքերթով, և բոլորովին չէր երևում, թե նրա թիկունքի բաց տալ ածություններից որևէ վտանգ է սպառնում:

Արդահանի վրայով գիշերը նա հասավ Ալեքսանդրապոլ և, վրայի փոշին անգամ չթոթափած, գլխին հավաքեց ճակատի սպայակույտն ու դիվիզիաների հրամանատարներին, նրանց գլխին էլ թափեց իր ցասումն ու հայհոյանքի տարափը: Շևքի փաշան՝ Սարդարապատի դաշտում ջարդ կերած Երեսունվեցերորդ դիվիզիայի հրամանատարը, կուշ էր եկել նրա առաջ և շախսեյ-վախսեյի հանձնված մոլեռանդի նման սպասում էր իր օրհասին:

Կովկասյան ճակատի հրամանատարի առաջ խեղճ-խեղճ կծկվել էին Կողբի ու Սուրմալվի կողմերում տեղակայված զորամասի հրամանատար Մյուրսալ փաշան, Շիրակում կազմ ու պատրաստ դեպի Ջուլֆա, իսկ այնտեղից էլ Բաքու գնալու համար նախատեսված դիվիզիաների հրամանատարներ Հիլմի փաշան ու Քյազիմ Կարաբեքիր բեյը, ինչպես նաև Թիֆլիսի վրա աքշավող զորքերի հրամանատար Զավիդ փաշան: Նրանք ամբողջ գիշեր անքուն էին անցկացրել, որովհետև կարգադրված էր եղել հավաքվել Ալեքսանդրապոլում և սպասել Վեհիբ փաշայի

ժամանումին: Ալեքսանդրապոլում էլ իմացել էին՝ ինչի՛ համար է արված այդ կարգադրությունը և վայրկյան առ վայրկյան սպասել էին նրա հայտնվելուն: Հիմա տեղները նստած ննջում էին և Վեհիբի յուրաքանչյուր գոռոցի վրա վեր էին թռչում, աչքները տրորում: Մի անգամ էլ վեր թռան, տեսան՝ Վեհիբը կանգնել է Շևքի փաշայի քթի առաջ կատաղությունից եռում է:

— Ա՛յ հայվան, հայվա՛ն օղլու, հիմա աշխարհում հինգ դիվիզիա հայ շի մնացել,— զորավարն էր ասում՝ ցուցամատը տնկած Շևքի փաշայի աչքի առաջ:— Քո դիվիզիայի դեմ նրանք ինչպե՞ս կարող էին հինգ դիվիզիա հանել:

— Վալլա՛հ, ֆերիկ, այդքան զորք էին հանել մեր դեմ, և դեռ ետևից էլ անվերջ գալիս էին նորերը: Գնացքը գնում-գալիս էր: Գալիս նոր զորքն էր բերում, գնալիս էլ տանում էր կոտորվածներին ու վիրավորներին: Մենք ջարդում էինք, նրանք նորերն էին բերում:

Այն ժամանակ Վեհիբը հեռացավ նրանից և արտասանեց իր հրամանը, որն անմիջապես գրի էր առնվում գրագիրների կողմից:

— Հրամայում եմ, որ Հինգերորդ դիվիզիան Բորչալուից ետ դառնա և, միանալով Տասնմեկերորդին, Ղարաքիլիսայի ուղղությամբ ավեր ու մահ սփռելով հասնի Երեան: Կողքում ու Սուրմավում արևկող անող մեր զորքը... Քեզ հետ եմ, Մյուրսալ փաշա, բավական է գլուխ պահես, ի՛թ օղլու... Ձորքերդ անցկացրու և այդ գյավուրների թիկունքը կտրելով այնպես հարվածիր, որ կենդանի մարդ չմնա: Գլխի ընկա՛ր:

Մյուրսալ փաշան քնաթաթախ աչքերը տրորեց, վեր թռավ տեղից և խոնարհվեց.

— Աչքի՛ս վրա, ֆերիկ, գլխի՛ս վրա:

Ապա կարգադրեց, որ Հիլմի փաշան ու Քյազիմ Կարաբեքիրն իրենց զորքերը հանեն պահեստային վիճակից ու փոխադրեն Սարդարապատի ճակատը:

«Սարդարապատի ճակատ» գոյությունն չէր ունեցել ո՛չ քարտեզներում, ո՛չ էլ կովոզ կողմերի ծրագրերում: Այն ծնվեց հանկարծ, միանգամից, մայիսի 22-ի կեսօրին, երբ հայերը թուրքական բռնակալության հայակործան ծրագրի դեմ հանեցին կովելու և հաղթելու իրենց կամքը:

Սարդարապատի՛ ճակատ: Ո՞նց թե: Իսկ դա ի՞նչ ճակատ է,

որ պիտի կլանի Ատրպատականի ու Ադրբեջանի գրավման համար նախապատրաստած գիվիզիաները: Հիմի փաշան ու Քյազիմ Կարաբեքիրը, որ այդ օրերին կանխավայելում էին Բաքվում հաղթականորեն իրար հանդիպելու և այնտեղից իրենց կառավարութեանը Ադրբեջանին տիրանալու մասին զեկույց հղելու երջանկութունը, մեկ-մեկու նայեցին տարակուսանքով: Եվ այդ հայացքափոխանակութունը շվրիպեց Կովկասյան ռազմաճակատի հրամանատարի լարված ուշադրութունից:

— Ի՞նչ եք գուխներդ օրորում ծուլ եզների նման, — գոռաց Վեհիբը: — Բավակա՞ն չէ՞ որքան թիկունք պահեցիք:

Քյազիմ Կարաբեքիրը համարձակվեց բացատրել իրենց տարակուսանքը:

— Տերիկ, իմ երեսը քո ոտի տակ, — ասաց, — առջևում Բաքու կա, մեծ կռիվներ պիտի լինեն Թավրիզից մինչև Գերբենդ: Կառավարութունն ի՞նչ կասի, եթե մենք մեր լավագույն ուժերը խարջենք Սարդարապատի պես աննշան ճակատներում:

— Այդ խելքին եք, հա՛, որ մի բուռ պլավուրներ ձեր քթին տալիս են ու ետ շարտում, — հեզնանքով պատասխանեց Ֆերիկ Վեհիբը: — Մենք Բաքու կարող ենք հասնել միայն Սարդարապատով ու Երևանով: Ահա այստեղիս դեմ է առել Հայաստանը, — և Վեհիբը ցուցամատն անցկացրեց կոկորդի վրայով: — Մենք կամ պիտի հողին հավասարեցնենք մի թիզ մնացած այս Հայաստանը, կամ էլ չենք տեսնի Բաքվի երեսը: Այս է մեր միակ ու իսկական ճանապարհը: Հասկացա՞ք, ա՛յ անխելքներ:

Յաղուբ Շևքի փաշան ուրախ էր, որ Կովկասյան ճակատի թուրքական բոլոր ուժերն ուղղվում են Սարդարապատ-Երևան ճակատի վրա: Սակայն ներքին մի վախ ունեւր իր հաղորդած տեղեկութունների համար: Գուցե իր ենթականերն ուռձեցրած էին ներկայացրել հայոց զորքի քանակը: Իսկապես, նրանք որտեղի՞ց պիտի հինգ դիվիզիա հանեին Սարդարապատի ուղղութեամբ: Վախեցածի աչքին մեկը տասի տեղ է երևում: Եվ այն ժամանակ ինքը խաղք ու խայտառակ կլինի կայսրութեան բանակների առաջ:

— Չեղ երկու օր ժամանակ եմ տալիս, — կտրական հայտարարեց Վեհիբ փաշան: — Երկու օր, և դուք պատրաստ պիտի լինեք արյան մեջ խեղդելու գլավուրների հինգ դիվիզիաները: Իսկ

դո՞ւք,— նա մատը տնկեց դեպի Հիլմի փաշան ու Քյազիմ Կարաբեքիրը,— ժամանակին զորքը տեղ հասցնելու համար կօգտվեք երկաթգծի ծառայությունից՝

\* \* \*

\*

Երեկոյան Միքայելն ու Հովսեփը հոր մոտ գնացին, երբ արդեն զորամասում համատարած հանգիստ էր, և լուել էին նույնիսկ այն հատուկենտ կրակոցները, որոնք դիրքերում պահում էին պատերազմի շնչառությունը:

Ռազմաճակատ դալուց հետո Հովսեփն առաջին անգամ էր այցելում հորը: Միջնորդ էր դարձրել Միքայելին, որովհետև չգիտեր՝ հայրն ինչպե՞ս պիտի ընդուներ իր ինքնագլուխ վճիռը: Զգիտեր ու անհանգստանում էր, շնայած Միքայելը փողծում էր համոզել, որ տարօրինակ ու սարսափելի ոչինչ չի պատահել, ընդհակառակը, հայրն ուրախ է, որ իր որդիները եկել են մասնակցելու հայրենիքի փրկության պատերազմին:

Դանիելբեկն ի՛նքը մոտեցավ վրանի մուտքի առաջ վարանոտ կանգնած Հովսեփին, ժպտալով գրկեց, սեղմեց կրծքին, համբուրեց ճակատը, ապա բաց թողեց և ճրագի աղոտ լույսի տակ տնտղեց նրա բոյ-բուսաթը:

— Կարդին տղա ես դարձել, հա՛,— շինծու անտարբերությամբ նկատեց հայրը:— Բեղ է՛լ ես թողել:

Հովսեփը, կարծես հոր բացակայությամբ շոշ տված հասակից ամաշելով, մի ոտից մյուսն էր հենվում, հայացքն աջ ու ձախ էր գցում:

— Դե, ի՞նչ ես քեզ կորցրել,— խոսեց կողքին կանգնած Միքայելը և ուսը հրեց:

Հայրն ուրախությունից խոսք չէր գտնում ասելու: Տղան իսկ և իսկ Փիրումյան ծառի պտուղն է՝ բարձրահասակ, ուսերը լայն ու ամուր: Երեսկահատը որ իրենցն է՝ թուխ ու կրակոտ: Թե չէ, փոքրուց հասակ չէր գցում և կարծում էին՝ քեռոնց է քաշել:

— Լեո՞նն ինչպես է,— գորովանքով հարցրեց հայրը:— Մեծանո՞ւմ է: Ո՞նց է սովորում:

— Լեոնը լավ է: Մայրիկը գոհ է նրանից,— երեխայորեն պատասխանեց Հովսեփը:

«Մայրիկը գոհ է», ուրեմն լավ է սովորում: Երանուհի Խալաթյանց-Փիրումյանի գոհունակութեանն արժանանալու համար զավակները պետք է ձեռք բերեին ուսումնական հաստատութեան բոլոր գովեստներն ու բարձրագույն մեղալները:

— Դե, ի՞նչ եք կանգնել, նստե՛ք,— վրանի եզրով շարված ոռք քարերը ցույց տալով՝ առաջարկեց հայրը:— Սրանք են մեր աթոռներն ու բազկաթոռները:— Եվ ինքը նստեց նրանցից մեկի վրա:

— Երևի պիտի հանգստանաք, ուշ է,— ասաց Միքայելը և գլուխը Հովսեփի կողմը դարձրեց.— Ե՛վ ուզում էր տեսնել, և՛ անհանգստանում էր: «Հայրիկը,— ասում է,— բարկացած կլի՛նի վրաս, որ առանց հարցնելու վեր եմ կացել-եկել»:

— Հայրիկը բարկացած չէ: Հայրիկն ինչո՞ւ պիտի բարկանա,— դժկամ խոսեց հայրը:— Բայց նման դեպքերում հարկ է խորհրդակցել ծնողների հետ: Նրանք երբեք էլ ձեր վատը չեն ցանկանա և չեն տա այնպիսի խորհուրդ, որի համար դուք երբևէ ամաչեք:

— Մայրիկի հետ ենք որոշել, հայրիկ,— դարձյալ երեխայորեն արդարացավ Հովսեփը:— Իսկ դուք այսքան հեռու: Մինչև նամակ գրեինք, մինչև պատասխան ստանայինք, որքա՛ն ժամանակ պիտի անցներ:

— Իսկ ինչպե՞ս որոշեցիք միանգամից ու այդպես կտրական:

— Բարեգործականը ժողով էր հրավիրել: Խոսեցին ռազմաճակատի վիճակի մասին: Կոչ արին, որ երիտասարդները մեկնեն ռազմաճակատ: Մարիամն ու Սուփիկն էլ գթութեան քույրեր գրվեցին...

— Նրանք է՞լ են մեկնել,— անհանգստացավ Դանիելբեկը:

— Դեռ ոչ, հայրիկ: Նրանք պետք է բժշկութուն սովորեն, հետո՛: Իսկ տուն դառնալուց մտածեցինք, որ իմ տեղն այստեղ է: Եկա Երևան, Ազգային խորհրդում իմացա հորեղբայր Պողոսբեկի հասցեն...

— Ուրեմն, մի ժողովն այդպես ամեն ինչ շուռ տվեց:

— Այն ժողովին վահան Տերյանն էլ էր ներկա: Մեզ տուն ուղեկցեց: Ճանապարհին շատ խոսեց ճակատի մասին:— Հովսեփը հանկարծ հիշեց մի վաղեմի հանդիպում.— Միտս է, որ մի անգամ պրոֆեսոր Ադոնցի և քեռու հետ եկավ մեր տուն:



խոսում էիր, և ձեզ ասաց. «Մենք ի՞նչ ենք որ. ահա ծանր ժամանակներ են վրա հասնում, և մեր ազգին պետք են լինելու զլինվորներ...»: Այս հավաքին էլ մեկը բարձրագույն խոսքեր ասաց մեծահարուստների նվիրատվությունների մասին: Նա տեղից վեր կացավ և տխուր մոտեցավ ամբիոնին, երանի տվեց կամավորներին: «Ահա նրա՞նք են, — ասաց, — արժանի բոլոր բարձր խոսքերին. գնում են աստծուց ստացած միակ կյանքը պարգևելու իրենց հայրենիքին... Իսկ մենք այստեղ տաք տեղերից ելնում, կուրծք ենք ծեծում: Նախանձում եմ, — ասաց, — ճակատ մեկնող վերջին կամավորին: Չնայած նրանց շարքերում վերջինը չկա»: Եվ պարզ երևում էր, որ հոգով նրանց հետ է: Իսկ մարմինը... մարմինը... այրվող մոմի պես սպառվում է:

Հայրն ինքնաբերաբար տղայի հեռազրույցի մեջ մտավ՝ նրան հավասարի տեղ դնելով, նույնիսկ զգուշանալով, որ հանկարծ այդ մեծացած փոքրի առաջ չխաթարվի իր հայրական մեծությունը:

— Իսկ քեզ ճանաչե՞ց Վահանը, — հարցրեց հայրը՝ ինքն էլ շիմանալով ինչո՞ւ անպայման ուզում էր, որ ճանաչած լինի, նույնիսկ խոսքեր փոխանակած:

— Ճանաչեց, այո՞, — ժպտուրախ պատասխանեց Հովսեփը: — Երբ ցուցակագրում էին, ազգանունս լսելուն պես տեղից վեր կացավ, հարցուփորձ արեց, ուրախացավ, որ Միքայելն էլ ճակատում է, ձեզ մոտ: Իսկ Մարիամի ու Սոփիկի անուններից լսելուն պես երկար խոսեց, իհարկե, հիմնականում ձեր մասին: Ժողովից հետո էլ մինչև տուն ուղեկցեց մեզ, մայրիկին էր սիրտ տալիս, որ չընկճվի:

Հայրն ու կրտսեր որդին խոսում էին այն երեկոյից, «մայրիկից» ու տնեցիներից: Իսկ Միքայելը մտքով Վահան Տերյանի հետ էր, համալսարանական իր ընկերոջ, որը թեպետ հինգ-վեց տարով մեծ էր իրենից, Պետերբուրգի համալսարանում հանդիպելու առաջին իսկ օրը մտերմացավ, և այնուհետև միասին պիտի անջուն գիշերներ անցկացնեին հայագիտական դիսցիպլինների, արևելյան լեզուների ուսումնասիրության վրա: Դասախոսները Մոսկվայից փոխադրված հասուն, սակայն արևելյան լեզուների բնագավառում համարյա անպատրաստ Վահանի համար երաշխավորել էին արդեն ճանաչված ուսանող Միքայել Փիրումյանին. «Նա ձեզ հետ կպարապի, և դուք կարճ ժամանակում

կտիրապետեք անհրաժեշտ լեզուների սղերին, — ասել էր Նիկո-  
ղայոս Ազոնցը: — Եվ բոլորովին էլ մի անհանգստանաք. նա ար-  
դեն պատշաճ փորձ ունի, Կովկասից եկած մեր ազգակիցներին  
հաճախ է այդպիսի օգնութիւն ցույց տալիս»:

Վահան Տերյանը Միքայելի օգնութիւնն ընդունում էր անսքող  
բավականութեամբ, մանավանդ, երբ զգում էր, որ ինքն էլ ավե-  
լորդ մարդ չէ Միքայելի ու նրա հարազատների համար: Յուրս  
ու անհրապույր հյուսիսում մայրաքաղաքային անտարբերութեան  
մեջ նա գտել էր իր հայրենի եզերքի ջերմութիւնն առկայծող հո-  
գիներ, որոնց հետ այնպես հաճելի էր շփուելը, այնպես մխիթա-  
րող ու պահպանող: Անկասկած նա գիտեր, որ սկզբում իրեն  
ընդունել են որպէս հայկական գրական ու ոչ գրական շրջան-  
ներում միանգամից անուն հանած բանաստեղծի, որի տխրաթա-  
խիժ երգերին է փարել հատկապէս ժամանակի երիտասարդու-  
թիւնը: Մարիամն ու Սոփիկն անգիր գիտեին իր առաջին գիրքը  
և հաճախ ընթրիքի սեղանի շուրջ կամ իր ու Միքայելի պարապ-  
մունքների ընդմիջումներին, իրար հերթ շտալով, արտասանում  
էին, քննում, արտահայտում իրենց կարծիքները: Երանուհի Խա-  
լաթյան-Փիրումյանն իր հավասարակշիռ, բարեկիրթ մայրու-  
թեամբ, նույնիսկ գիտական զրույցների մեջ ունեցած նուրբ ու  
ճշգրիտ դիտողութիւններով այնպիսի հարազատութիւն էր հա-  
ղորդում իրենց փոխհարաբերութիւնների մթնոլորտին, որ Վա-  
հանը մոռանում էր շրջապատի օտարութիւնը: Այդ ընտանիքում,  
հատկապէս Դանիելբեկի բացառիկ դարձած ներկայութեամբ, նա  
հաճույքով տեսնում ու հասկանում էր, որ հայրենիքից հեռու,  
հայրենիքով ապրող մի ընտանիք է դա, որի ոլորտում մեղ-  
մանում է հայրենակարոտի տվայտանքը, և հոգու մեջ բորբոք  
է մնում այն կանթեղալույսը, որի հետ սարսափելի չէ ոչ մի  
խավար:

Իսկ Միքայելը, բարձր գնահատելով Տերյանի տաղանդը,  
զգալով նրա արվեստի աննախադեպ կատարելութիւնը, զմայլ-  
ված էր նրա գիտական հետաքրքրութիւններով: Զէ՞ որ այդպէս  
հանկարծ ու միանգամից գրական փառքի տիրացած մեկ ուրիշը  
կարող էր վերլեններից նայել գիտական ու հասարակական ոլորտ-  
ներին, և դա ոչ ոքի զարմանալի չէր թվա: Իսկ Տերյանը, այդ  
փառքին ու շուրջն ամենուր լսելի ծնծղաներին անհաղորդ, եկել,  
հայոց լեզվի պատմական ատաղձներն ու աղերսներն է ուսում-

Նասիրում, հայոց պատմութեան խորքերն է հետախուզում՝ հե-  
ռավոր նախապատմական ժամանակներից մինչև այսօր, հա-  
րեան ու ոչ հարեան երկրների և ազգերի հետ ունեցած ամեն  
տեսակ առնչութունների մեջ: Տերյանը պապակվածի պես խմբում  
էր գիտութեան ակունքներից: Երեկոյան միասին քննում էին  
գրաբարի ու հին մեռած լեզուների աղերսների հարցը, իսկ հա-  
ջորդ օրը նա ներկայանում էր այդ հարցի մեջ այնքան խորա-  
ցած ու տարածուն հայացքով, որ Միքայելն ամաշում էր նա-  
խորդ օրվա իր ուսուցչական կեցվածքի համար: Այդ պատճառով  
էլ հիմա ամեն անգամ նրա անունը տալիս հոգում ծփում էր  
նախ և առաջ հիացումի զգացումը...

Հայրն զգաց, որ Միքայելը մտքով բացակա է, անհաղորդ  
իրենց զրույցին և կատակով նկատեց.

— Հո քնա՞ծ չես:

— Քնած չեմ, — մեղավոր ժպտաց Միքայելը: — Վահանի  
հետ էի, համալսարանում, տանը:

— Մեզանից ողջունջ հաղորդեցի՞ր:

— Հաջորդ անգամ անպայման կհաղորդեմ:

— Ուզում եմ իմանալ, թե ո՞նց է գնում Հովսեփի առուտուրը  
Պողոսբեկի հետ, — հայրը փորձեց զրույցի նյութը փոխել: —  
Գնդի հրամանատարը շա՞տ չի երես տալիս իր ազգականին:

— Երեսն իմ ինչի՞ն է պետք, հայրիկ, — փորձեց երեսը թաքց-  
նել Հովսեփը: — Ես ուզում էի այնպես անել, որ գնդում շիմա-  
նան էլ, թե մենք հարազատներ ենք. ասում էի՝ ազգանունս  
չհայտնեմ:

— Ազգանունը թաքցնե՛լ... ինչպե՞ս կլինի: Եվ առհասարակ  
ի՞նչ կարիք կա որևէ բան թաքցնելու: Ազգանունից պիտի ամա-  
շես այն ժամանակ, երբ անարժան քայլ կատարես: Ա՛յ, Միքա-  
յելից օրինակ վերցրու. իմ զորամասում ամենապատասխանա-  
տու առաջադրանքներն ինքն է կատարում: Իսկ դա երկուսիս  
համար էլ լավ է:

— Կարող եք վստահ լինել, որ անհարմար զգալու առիթ  
չեմ տա, հայրիկ, — ամոթխած, շիկնելով խոստացավ պատա-  
նին: — Հորեղբորն էլ եմ ասել:

Բաժանվելուց առաջ հայրը երկուսին էլ հանձնարարեց շուտ-  
շուտ նամակ գրել մորը, ապա նախկինում երբեք չբացահայ-  
տած, շքուցադրած ջերմութեամբ գրկեց, մի քանի անգամ համ-  
բարեց՝ նախ փոքրին, հետո մեծին:

«Պաշտոնական» այս բաժանումից հետո հայրը զավակների հետ վրանից ելավ, որոշ տեղ քայլեց նրանց հետ:

Արարատյան դաշտի երեկոն գիշերանում էր հանդարտ և այնպես խաղաղ, կարծես ցերեկը ոչ վառող է պայթում, ոչ հողն է տնքում արկերից ու գնդակներից խոցոտված: Թփերի ու կանաչների մեջ կայծոռիկները հազիվ էին երևում, որովհետև լուսնկան վերից կաթնալույսով էր պարուրել աշխարհը: Պարզ քւ ընդգծուն երևում էր դաշտի անսահմանության մեջ վեհորեն բազմած Արարատը՝ ուսին լուսնյակի ճերմակ սկավառակը, զըլ-լիին՝ թարթոտվող աստղաբույլեր:

— Ուրիշ տեղ տեսե՞լ եք այսպիսի գեղեցկութուն, — հայացքն Արարատի պատկերին, հուզված խոսեց հայրը:

— Ամեն անգամ ուրիշ տեսք է ունենում, ուրիշ հմայք. և՛ ինքն է, և՛ ինքը չէ, — արձագանքեց Միքայելը:

— Ինձ միշտ այնպես է թվացել, թե սա մեր ազգի, մեր գոյության, մեր նախնյաց ոգին է՝ այսպես ծանր, հավերժորեն կանգնած մեր բոլոր ճանապարհների վրա, — երազուն, որդիների համար արտասովոր ոգևորությամբ խոսեց հայրը: — Կարծես մեկ տխուր է, մեկ ուրախ: Երբեմն ամպ է առնում վրան, ծածկվում աչքից. ասես շատ է վշտացած կամ էլ մոռյլ մտքեր են պարուրել: Երևի թե մեր ամեն քայլով ազդում ենք նրա վրա...

— Հայրիկ, բոլորովին էլ շանհանգստանաք մեզ համար, — երեխայի անկեղծությամբ խոսեց Հովսեփը: — Տեսնո՞ւմ եք՝ մենք այստեղ ենք: Շուտով Մարիամն ու Սոփիկն էլ կգան: — Եվ հանկարծ նա հիշեց. — Հայրիկ, երեկ գնդով մենք երդում տվինք: Եվ գիտե՞ք ով էր ընդունում մեր երդումը:

— Գարեգին եպիսկոպո՞սը:

— Վա՛յ, աստվա՛ծ, այդ ի՞նչ մարդ է: Հորեղբայրն ասում է. «Սրան որ արկի բերանը տաս, ուղարկես թուրքերի վրա, այնտեղ կպայթի ու մի գունդ ասկյար կկոտորի»:

— Այսօր մենք երդվեցինք... Եվ դրանո՞վ պիտի հաղթենք, հայրիկ, — հարցրեց Միքայելը, հանկարծ էլ զգաց իր հարցի անմրտութունը և զղջաց:

— Նաև դրանո՞վ, — պատասխանեց հայրը: — Երդվողը հաղորդվում է մի սրբազան ու անմահ սպու, մի մեծ խորհուրդի,

որը շատ բան է փոխում: Եվ հետո էլ, այն ո՞վ է պարզել, թե ի՞նչն է հաղթանակն ապահովում: Կարո՞ղ ես ասել, թե զորավարի ի՞նչն է հաղթում: Խեղ՞քը: Այո՛, խելքը և էլի՛ ինչ-որ բան: Ո՞րն է այդ ինչ-որ բանը: Խիզախությո՞ւնը: Խիզախությո՞ւնը և էլի՛ ինչ-որ բան: Այս մի ինչ-որ բա՞նն ինչ է: Երևի ճարպկությո՞ւնը: Ծարպկությո՞ւնը և էլի՛ ինչ-որ բան: Դարձյա՛լ ինչ-որ բան: Առանց դրան անհնար է, որովհետև զորավարը պետք է ամեն ինչ ունենա: Ամեն ինչ և էլի ինչ-որ բան: Գուցե այս վերջին ինչ-որ բանն էլ բա՛խտն է: Այո՛, բախտը ևս: Մի քիչ էլ բախտը պիտի բերի: Առանց դրան իսկապես անհնար է:

Մենակ մնալով՝ Դանիելը եկր խանդաղատանքով մտածեց Հովսեփի մասին: Արդեն տղամարդ է, շնայած ասել-խոսելուց երևում է, որ դեռ կարգին հրաժեշտ չի տվել պատանությանը: Եվ ինչպե՞ս կարող էր հրաժեշտ տալ, երբ լրիվ տասնութ էլ չկա: Թե՞ կա: Կասկածեց իր իմացածի վրա: Հայտնի էր միայն, որ ծնվել է քսաներորդ դարի առաջին օրը, և ծննդյան առիթով խնջույթի հավաքված բարեկամները նրա համար գուշակում էին երկար կյանք ու մեծ երջանկություն: Գտնում էին, որ դարը բացող Փիրումյանը կհասցնի նաև փակել այն: Իսկ ինքն ասաց. «Դա մեր տոհմի տղայի համար մի առանձնակի դժվարություն չի ներկայացնում. մերոնցից շատերն ապրել են 120—130 տարի: Դուք մաղթեցեք, որ բացվող դարը երջանիկ լինի: Թող այս դարում ծաղկի ու խաղաղ բազմանա հայությունը, որ քանի դար մաշվում ու քրքրվում է»: Այն ժամանակ սեղանի ծայրին նստած Աբիսողոմ հայրիկը, որ իր հեռու նախնիներից հյուր էր եկել որդուն, վեր կացավ տեղից, փառահեղ բեղերը սղալեց, իր բերած հուրհրան գինու գավաթը բարձրացրեց, թե. «Առաջ ու առաջ սաղ աշխարհինը լինի, հետո էլ մերը»: Գինով էր նորածնի քեռի Գրիգոր Խալաթյանցը, փորձեց հակաճառել ծերունուն: «Ա՛յ Աբիսողոմ հայրիկ, խոսք էր, էլի՛, ասացիք, հո ռսաղ աշխարհիդ» չզրկեցինք իրեն պատկանող երջանկությունից»: «Հա՛, քե մատաղ, խոսք էր, ասացիք,— իրենը պնդեց Աբիսողոմ հայրիկը:— Իսկ մարդս իր խոսքի մեջ է»:

Դանիելը եկր հիմա էլ չի հիշում՝ ինչպե՞ս մեծացավ Հովսեփ տղան: Առաջնեկի վրա՞ էր սպառել իր ամբողջ սերն ու զորովանքը, թե՞ տևակա՞ն բացակայություններն էին պատճառը. այնպես չկապվեց նրա հետ, ինչպես որ կուզենար, ինչպես եղել

է: Միքայելի ու Մարիամի հետ: Սակայն Երանուհին իր նամակ-  
ներում ամենից շատ նրա մասին էր գրում, նրա երեխայութուն-  
ներն էր նկարագրում, նրա շարաճճիութուններն ու շարութուն-  
ները: Ամենանվազն էր եղել իրենց զավակների մեջ, սակայն  
նրանից հանգիստ շունեին բակի տարեկից երեխաները: Առանձ-  
նակի սեր շուներ ուսման նկատմամբ, հարկադրանքով էին նըս-  
տեցնում դասերը պատրաստելու, սակայն տուն էր բերում մի-  
այն բարձր հառաջադիմութեան վկայութուններ: Ուսուցիչը դասը  
պատմում էր, դա արդեն բավական էր նրան: Դասախոսութուն  
էր լսում, տուն գալուց կարող էր նույնը կարգալ բառ առ բառ:  
Մոր ու քույրերի հետ գնացել էր Հայկական բարեգործականի  
կազմակերպած գրական երեկոյին, ուր վալերի Բրյուսովն ու  
մյուս բանաստեղծները կարդում էին հայկական քնարերգութեան  
իրենց թարգմանութունները: Տուն դարձան թե չէ, տնեցիների  
համար կրկնեց երեկոն՝ վերհիշելով բանաստեղծութունները,  
որոնցից յուրաքանչյուրը կարդում էր՝ կապկելով թարգման-  
չին:

Սակայն ինչպես վաղ մանկութեան օրերին, այնպես էլ հրք  
արդեն պատանի էր, նրան գրավում էին միայն հոր զենքերը:  
Երեխա ժամանակ հագնում էր հոր զինվորական համազգեստը,  
թուրը կողքից քարշ տալով գնում-կանգնում մեծ հայելու առաջ  
և իրեն տեսնում էր այդ համազգեստով մեկ դարձած, կովի դաշ-  
տում թշնամուն հալածելիս:

Մի անգամ Երանուհին գրել էր, թե Հովսեփն ուզում է ռազ-  
մական դպրոց մտնել: Դանիելբեկը պատասխանեց. «Ո՛ր մի  
ռազմական դպրոց: Թող գլխից հանի այդ պարապ ցանկությունը  
և սովորի, կրթություն ստանա: Երբ զինվորական պարտքը տա-  
լու ժամանակը կգա, ծառայության կգնա և կվերադառնա տուն:  
Իսկ եթե ուսումը շարունակել չի ցանկանում, թող որևէ մասնա-  
գիտություն սովորի. ռազմական գործը մասնագիտություն չէ,  
պարտականություն է»:

Այս նամակից հետո որոշեց ուսումն ավարտել ու գնալ գյուղ,  
Աբխսողոմ պապի մոտ: Այդպես էլ գրեց հորը. «Հիշո՞ւմ եք, հայ-  
րիկ, ամառները մեզ գյուղ էիք ուղարկում և ասում էիք. «Գնա-  
ցե՛ք, աշխարհ տեսեք, մա՛րդ ճանաչեցեք»: Գնացել եմ, տեսել,  
ճանաչել: Եվ այսքան ժամանակ տանջվում էի ներքին մի ցան-  
կությունից, որը չէի կարողանում ինքս ինձ բացատրել: Կար-

ծում էի զինվորական ծառայութիւնն է ինձ քաշում: Նոր եմ հասկանում, որ Նախիջևանիկն է կանչել, այնտեղ տեսած ու ճանաչած մարդիկ, մեր այգիները, նույնիսկ գերեզմանոցը, ուր ջարքով կանգնած են մեր ապուպայերի համեստ շիրմաքարերն իրենց ժլատ, բայց պերճախոս գրերով...»:

Հայրը մտածեց, որ տղայի խենթ ժամանակն է, արյունը եռում է, և ինքն էլ չգիտի, թե ի՛նչ է ուզում, ի՛նչ պիտի անի, որտե՛ղ և ինչի՛ համար պիտի անցկացնի իրեն տրված մի բաժին կյանքը: Իսկ եթե գյուղը կմնա նրա էության տերը, և նա իսկապես կգնա իր Աբխոզում պապի մոտ, ապա աստված ի՞նչ հետ: Մի՞թե ինքը՝ Դանիելբեկ Փիրումյանը, քիչ է տանջվել այն գիտակցութիւնից, որ իր մեջ օրեցօր խեղդվել ու մեռնում է մի հողվոր, իրենց գյուղի, նրա սակավ, բայց հրաշածին հողի տերը:

Հիմա իր ժառանգը, որի մեջ գլուխ է բարձրացրել հողվորը, հայոց ավանդական հողի տերը, ճանապարհը փոխել, պատերազմի դաշտ է եկել, վիզը դրել իր սրբազան պարտականության տակ: Բախտը կժպտա՞ մեզ, որ մեր ազգը գտնի իր փրկութիւնը, լծվի խաղաղ կյանքի, որպեսզի նրա ամեն մի զավակը հնարավորութիւն ունենա գնալու իր հոգում արթնացած կանչի ու կոչման ետևից:

Հովսեփը Միքայելից բաժանվեց երկար զբոսնելուց հետո: Հորը հրաժեշտ էին տվել ու չէին բաժանվում: Լուռ քայլում էին կողք-կողքի: Հերթապահ զինվորները քանիցս անհանգստացան, կանգնեցրին, սակայն ճանաչելով Միքայելին, սիրալիր բաժանվեցին՝ մտածելով, որ հրամանատարի տղան է, իրավունք ունի, կարող է զբոսնել: Տուն ու տեղից, ընդհանուր ծանոթներից խոսել էին մինչև հոր մոտ գնալը: Միքայելի հարսնացու Զվարթի մասին էլ այնքան թարմ տեղեկութիւններ չունենր, որքան ինքը՝ Միքայելը, որը, պատահում էր, օրեկան երկու նամակ էր ստանում խոստացան շուտ-շուտ հանդիպել: Բաժանումին էլ Միքայելն ասաց.

— Քեզ լա՛վ պահիր:

Եվ այս խորհրդի ուղղակի իմաստը չհասավ կրտսեր եղբորը՝ Այսիքն՝ օրինա՞կ վերցնի իրենից, ինչպես հայրը հանձնարարեց, թե թշնամու գնդակի՞ց զգուշանա:

Քուներ շէր տանում: Մաքով հոր հետ էր, և ականջներում դեռ հնչում էր նրա հարազատ ձայնը: Այնքան հարազատ, այնքան ծանոթ ու մտերիմ, որ հիշում էր այդ ձայնով իր լսած բոլոր բաները, խոսքերը, զրույցները: Ինչքան որ լսել էր իր գիտակցական կյանքում, ինչքան որ հնչել էր իրենց տանը:

Իսկ այսօր հայրը շատ էր ջերմ: Արարատի մասին խոսելիս բանաստեղծ էր դարձել: Երբեք այդպես չէր եղել: Երևի այդ նրանից էր, որ դեմն Արարատն է: Իսկ Արարատի դեմ եթե չես բանաստեղծացել, ապա պիտի ստուգեն՝ կրծքիդ տակ սիրտ կա՞ թե՞ ոչ: Տերյանն իր բանաստեղծությունը գրել է, առանց Արարատը տեսած լինելու: Մեկը հարցրեց. «Ինչպե՞ս եք գրել, պարոն Տերյան, եթե չեք տեսել»: Ասաց. «Ամեն հայ ծնվում է՝ Արարատը սրտում: Ես, իհարկե, երազում եմ այն օրը, որ տեսնելու եմ: Դա լինելու է սրբազան վայրի այցելություն: Բայց չեմ կարծում, թե իմ հոգում ունեցածը պակաս է նրանից, որ կանգնել է այնտեղ՝ իբրև մեր հազարամյա տառապանքի վկան»: Հայրն այսպիսի խոսք շատաց: Սակայն նրա ասածի մեջ կար մի շատ էական բան. «Նա տեսնո՞ւմ է ամեն ինչ, իր բոլոր զավակների լավ ու վատ արարքներն է տեսնում»: Իսկ այս ճակատամարտը, որ մենք ենք տալու թշնամուն, այս ամենաճակատագրականը, նրա հայացքի տակ է: Եվ ինչպե՞ս պիտի հուզվի նրա հայրական սիրտը: Հուզվի՞, ուրախանա՞, տխրի ու հպարտանա՞:

Հանդիպումից առաջ կարոտը հոր հանդեպ կարծես նրա ձայնի կարոտն էր միայն, որովհետև ամենից շուտ նրա ձայնի հիշողությունն էր բորբոքված իր սրտում, հիշողության մեջ: Զընգուն, պղնձե իրի պես տեսանելի ձայնը: Ինչպե՞ս էր կարոտել այդ ձայնին: Որքա՞ն ասելիք ուներ, որոնք այնպես էլ ետ բերեց իր հետ, որովհետև նախակրթարանի աշակերտի պես իրեն կորցրեց և միայն կցկտուր, անհամ պատասխաններ էր տալիս հոր հարցերին, մեկ էլ սիրահարվածի պես անկապ խոսքեր ասաց վահան Տերյանի մասին:

Զէր մոռանում հոր խորհուրդը. «Միքայելից օրինակ վերցրու»: Ինչո՞ւ մարդիկ այդքան շատ են սիրում օրինակներ մատնացույց անել: Դպրոցո՞ւմ, տա՞նը, զորամասո՞ւմ: Ամենուրեք մատները տնկած օրինակ են ցույց տալիս: Նմանվիր այսինչի՞ն, այնինչի՞ն: Եվ կյանքում մի շատ կարևոր քայլ կատարելու համար պիտի կանգնես ու մտածես. այս կետում ի՞նչ կաներ, ո՞ր



քայլը կրնտրեր այսինչը, որին զու պարտավորվել էս ընդօրինակել: Հիշեց հինգ տարի առաջ գյուղում պատահած մի դեպք: որի վրա ինքը հաճախ է մտածել: Ամառը գնացել էին Նախիջեվանիկ, և երբ մայրը հարազատների ու հարեանների համար տարած նվերները բաժանեց, տակը մնացել էր մի նախշուն վերնաշապիկ: Ինքն ասաց. «Մայրիկ, այդ էլ Վանեսին տուր»: Վանեսն իր տարեկիցն ու խաղընկերն էր, գյուղի ամենաշունեկոր ընտանիքներից մեկի զավակը: Վերնաշապիկը տվին Վանեսին, և նա ուրախությունից աշխարհի տերը գարձավ: Հետո միասին գնացին վերի այգիները՝ թուֆ ուտելու: Ճանապարհին Վանեսն արագ-արագ ձեռքերը հագի նախշուն վերնաշապիկն էր քսում, հայացքով շոյում-տնտղում էր, կարծես չէր հավատում, որ ինքն է նրա տերը: Ասաց՝ կյանքում նոր շոր հագած չկա, միշտ էլ իրենց տան մեծերի հնոտին է եղել իր բաժինը: «Տուն դառնամ թե չէ, կծալեմ, կդնեմ տատի սնդուկում, որ դպրոց գնալիս հագնեմ: Վա՛յ, տեր Աբրահամի աչքերը չովելու են», — ինքնամոռացությամբ խոսում էր Վանեսը:

Ժայռածերպերին թառած ծառերի ճյուղերի վրա միայն չամշած թթեր էին մնացել: Վանեսը վերնաշապիկը հանեց, կախեց մի ծառի բնի շորուկից և ասաց. «Դու ցածում մնա, ես քաղեմ, քեզ տամ, կեր»: Հովսեփը շհամաձայնեց, որովհետև համոզված էր, թե միայն այն թուֆն է քաղցր, որ ինքդ ես քաղում սեփական ձեռքով: Բարձրացավ ծառը, սակայն ոչինչ բերանը տանել չկարողացավ, որովհետև թթերը ճյուղերի ծայրերին էին: Փորձեց թափ տալ մի ճյուղ, ոտքը սահեց, բռնած ճյուղն էլ կոտրվեց, և ինքը, թը՛մփ, վայր ընկավ ցից-ցից քարերին: Քունքը պատռվեց, աչ այտի մաշկը պոկվեց, և արյունն այնպես էր հոսում, ասես ոչխար են մորթել: Թըմփոցի վրա Վանեսը մշուս ծառից իրեն վայր նետեց, մեծավարի վաշ-վիշ անելով, ծառն ու նրա տնկողին հայհոյելով մոտեցավ և արյունը տեսավ, ծրնկներին զարկեց: Սակայն դա մի վայրկյան էր միայն: Հաջորդ պահին Վանեսը ձեռքն առավ նախշուն վերնաշապիկը, երկար դուրերով պատառոտեց և սկսեց վերքերը փաթաթել: Հովսեփը տեսավ շապիկի վերջին կտորտանքը և նոր գլխի ընկավ, թե ի՛նչ է կատարվել: Սակայն ուշ էր արդեն... Հետո, երբ վերքերը խընամքով փաթաթված էին, ցավը մեղմացել էր, և ինքը նրան կշտամքում էր, թե ինչո՞ւ պատառոտեց վերնաշապիկը, Վանեսը,

երևի առանց ակտուսանքի, ասաց. «Ի՞նչ ես խոխա-խոխա խոսում»:

Իհարկե, մայրը Վանեսի համար նոր վերնաշապիկ ձեռքկարեց գլուղում, և նա դարձյալ շատ ուրախ էր այդ նվերի համար, թեպետ նախորդն ուրիշ տեսակ երջանկություն էր եղել, կյանքում առաջին անգամ նոր ու սիրած զգեստ հագնողի, անհասանելի վայելքին միանգամից տիրացածի կրջանկությունը: Եվ Հովսեփի առաջ էր միայն այդ երջանկության զոհաբերությունը, որ Վանեսը կատարեց առանց մտածելու, առանց ընդօրինակելու որևէ մեկին:

Իսկ Վանեսին երբևէ ցո՞ւյց էին տվել որևէ օրինակ: Կամ ասե՞լ էին, թե ահա այսպես ու այսպե՛ս, ընկերոջ համար պարտավոր ես զոհաբերել սեփական երջանկությունդ: Ո՞վ պիտի ցույց տար, ո՞վ պիտի ասեր: Ասելու, մատնացույց անելու փոխարեն նրա ծնողներն իրենք զոհաբերում են: Եվ ինչո՞ւ միայն նրա ծնողները: Գլուղում յուրաքանչյուրի ցավը բոլորինն է: Ինչպես և երջանկությունը: Աբիսողոմ պապն ասում է. «Ցավը բաժանեցիր, կթեթևանա ու կփոքրանա, իսկ ուրախությունը, հակառակը, բաժանեցիր, կմեծանա, աշխարհով մեկ կդառնա»:

Այստեղ Հովսեփը վերստին դարձավ հոր խորհուրդին. «Միքայելից օրինակ վերցրու»: «Հայրիկ ջան, սիրելի հայրիկ, դուք այդ խորհուրդն ինչո՞ւ տվիք: Չէ՞ որ ես կատարել եմ ձեր ամենախիմաստուն խորհուրդը. ամառային արձակուրդներին միշտ գլուղ եմ գնացել, որպեսզի, ինչպես դուք էիք ասում, աշխարհ տեսնեմ ու մարդ ճանաչեմ: Եվ այնտեղ տեսել եմ մեր նախնիների աշխարհը, որին եթե գեղեցիկ ասես, կվիրավորես, եթե բերրի ասես՝ կաղքատացնես: Երբ առաջին անգամ Աբիսողոմ պապն իր ձիու թարթին առած տարավ Գանձասար, ես գլուխս կորցրել էի բնության շոայությունից ու մեր պապերի ձեռքով բնությանը գումարած անմահականի առկայությունից: Վանքի քանդակազարդերն աչքերիս առաջ իրենց շշմեցնող խաղերն էին անում: Վիմագրերն այնպես խոսում էին ինձ հետ, ինչպես Աբիսողոմ պապը, երբ թոռները գլխին հավաքած՝ Խաչենի իշխանի ու թաթար Օշափի հեքիաթն էր պատմում: Թեև առած տանում-կանգնեցնում էր տաճարի ամբողջ պատը բոնող վիմագրի առաջ և շուրջը նայելով ասում էր. «Թե կարում ես, կարդա, տեսնեմ, քե մատաղ...»: Ես հեգելով կարդում էի մեր հեռավոր նախնու

գիրը, ինչպես տանն էլ ձեր ուղարկած նամակներն էի կարդում նրա համար: «Այս գիր արձանի է, զոր տվի ես՝ նուստ ծառա Աստուծո Ջալալ Գավլա Հասան, որդի Վախտանգա, բնակաւոր ինքնակալ բարձր և մեծ Արցախական աշխարհի...»: Եվ այսպես, երբ շնչահեղձ լինելով հասնում էի վերջին, ուր «բնակաւոր ինքնակալը» մեծահոգաբար պատարագներ է բաժանում իր անցյալ ու ներկա հարազատներին, բաժին հանելով նույնիսկ «Հովասաբ միակեցին», երբ ավարտվում էին բոլոր անունների հիշատակութունները, և նրանց մեջ Փիրումանց անցյալ մեծերից ոչ ոք չէր լինում, ես պապի դեմքին քանդակված էի տեսնում ափսոսանքի ու զարմանքի արտահայտութունը: Եվ ինձ համար այնպես հասկանալի էր նրա զարմանքը: Չէ՞ որ նա մեզ պատմում էր, որ Փիրումանց քաջ ու ազնվական տոհմը գոյութուն է ունեցել հին-հին ժամանակներից ի վեր. և թոռից թոռ անցնող նրա Փիրումներին են պատկանել մեր Վարանդան, Խաչեն գավառը՝ Այդ ինչպե՞ս է, որ Հասան-Ջալալ բնակավորն ինքնակալ չի հիշում մի Փիրումի անուն, նրան արժանի չի անում որևէ պատարագի:

Սակայն շուտով իրեն ազատում էր այդ զարմանքի տիրապետութունից և, դառնալով ուխտավորներին, ինձ էր ցույց տալիս. «Տեսե՛ք, ա՛յ պատվական ժողովուրդ, տեսե՛ք՝ մի մատ խոխան ո՛նց է ջուր անում էս քարի լեզուն, հա՛»: Հետո տանում էր Գանձասարա վանքի թիկունքում, կաղնիների ու հաճարենիների տակից դուրս եկող աղբյուրը: «Դե՛, կոաց, խմի, քե մատաղ,— ասում էր:— Չէ՛, էդպես չի:— Ինքը հսկա հասակով մեկ այնպես մեկնվում էր ակնի վրա, որ գետնին առնեն միայն տրեխների քթերն ու ձեռքերի թաթերը: Շուրթերը հպում էր ակնին, երկար խմում էր, ապա վեր էր կենում, «ուխա՛յ» անում, բեղերը սղալում:— Ահա էսպես կխմեն, քե մատաղ: Սա օրհնված ու անմահական ջուր է: էս ջուրը խմողին ո՛չ ցավը քար կանի, ո՛չ էլ թշնամու գնդակը կբռնի»:

Աբխտղոմ պապի ամենամեծ հոգսն այն էր, որ իր թոռներն ու ծոռները սովորեն հող մշակել: Ամառանոց եկած փոքրիկներին անգամ իր հետ այգի ու դաշտ էր տանում, սովորեցնում ծառի մշակության և արտ խնամելու գաղտնիքները: Հարևաններից մեկը դա համարել էր ավելորդ դբադմունք: «Դրանց շա՛տ պետքն է իրենց Պետերբուրգում ու Մոսկովում,— ասել

էր նա:— Ինչի՞ ես անհարկավորական բաներով գլուխները լցնում»։ Մերունին իրենը պնդեց. «Անհարկավորականը, ա՛յ, էդ խոսքն է,— ասաց.— Մարդս հողից է սարքվել, և հողն է, որ նրան պահում է: Ուրեմս՝ ամենից առաջ իմացիր հողի լեզուն և նրանից հետո կուզես լողմա՛ն դարձիր»:

\* \* \*

\*

Վարանդեցի Արշակն առավոտյան վաղ էր վեր կացել և տըխուր էր: Զաքարն իր սովորական պատրհանում հսկայական մարմինը կուշ ածած՝ աչքերը տրորեց, տեսավ նրա թթված դեմքը, և մտքով անցավ, որ պատճառն այն գաթայի կտորն է: «Ծրե՛վի կերել է,— մտածեց գիշեցին,— և մեջը կորիզ չի գտել»:

— էդ ո՞վ է էշիդ շու ասել, Արշակ:

Արշակը, պատասխանելու փոխարեն, շուքն աչք ածեց և սկսեց պատրհանի իրերը վերադասավորել:

— Ոնց որ տափը ծակել, մեջն է մտել:

— Ի՞նչը, հո մկները գաթան չե՞ն տարել:

Եվ Արշակի գեմքը բացվեց.

— Արա՛, ճիշտ որ տարած կլինեն, հը՞: Գիշերը մի կրթկրթոց լսեցի, ուշ չդարձրի:

— Բա՛: Դե, աջ ու ձախ նայիր, գուցե մի տեղ գցած լինեն:

Արշակն աչք ածելով քայլում էր. դեպի խրամատի ելքը, և Զաքարը տաբատի պրպանից հանեց հոնի կորիզը, նետեց նրա պատրհանի առաջ: Երեկ իր բաժին գաթայի միջից էր հանել: Տեսնելով, որ Արշակը հավում է Համեստի հայացքներից, ինքը թաքցրել էր կորիզը: «Որ չի ուտում, թող մտածի, թե իր բաժնի մեջ է,— այն ժամանակ մտածել էր Զաքարը, և փորձված հայացքից չվրիպեց, որ անտարբեր չէ նաև Համեստը:— Թող երկուսն էլ երջանկանան այդ խաբկանքով»:

— Արշա՛կ, Արշա՛կ, ետ եկ, էստեղ է,— կանչեց «գյուտ առած» Զաքարը:

Արշակն ուրախ-ուրախ վերադարձավ և ձեռքն առավ նրա մեկնած հոնի կորիզը:

— էստեղ էր, տափին ընկած,— բացատրեց Զաքարը:— Երևի էն անպիտանները գաթան կերել են, կորիզը պցել: Վա՛յ, ես ձեր

ինչն եմ ասել: Դու էլ մի կարգին տեղ չէիր գտել դնելու, տնա-  
շենի տղա, — կեղծ տրտնջաց Ձաքարը:

Արշակի դեմքը շողում էր արտասովոր երջանկությունից:  
— Է՛, գաթան հե՛շ, կարևորը սա է, — և կորիզը փեշով մաք-  
րեց, սկսեց խանդավառ հետաքրքրությամբ տնտղել, ոնց որ  
գտնվել էր մի անգին թալիսման, որից կախված է իր կյանքը,  
այդ կյանքի հետագա ընթացքը: — Բա որտե՞ղ էր:

— Էդտեղ, պատրհանիդ առաջ, — անտարբեր պատասխա-  
նեց Ձաքարը և հագի շորերը կարգի բերեց: — Քո բախտից է,  
դա էլ չեն կերել հա՛: Թե չէ, մկները կորիզ շատ են սիրում:

Արշակը նորից փեշով մաքրեց կորիզը, թաշկինակը հանեց,  
եզրի մեջ կապեց ու դրեց գրպանում: Այս արարողությունն աչքի  
պոշով նայող Ձաքարին այնպես էր թվում, թե ընկերն իր հետ  
չէ այլևս, մտքով, սրտով, հույզերով ու երազներով գնացել է  
Փարաքար... Եվ ո՞նց էլ մի հանդիպում, կցկտուր մի զրույց  
բավական է լինում, որ մարդ գլուխը կորցնի, իսկ, որ ավելի  
ճիշտ կլինի ասել, գտնի իր իսկական կամ խաբուսիկ երջանկու-  
թյունը:

Ի՞նչ պիտի անի Արշակն իր գտած երջանկությունը: Պիտի  
վայելի՞:

Ձաքարը տեղյակ էր նրա կենսագրությանը: Ի՞նքն էր նրա  
ստացած նամակաները կարդում և ուղարկելիքը գրում, որովհետև  
Արշակի գրաճանաչությունն այնքան էր, որ տառ-տառ մի կերպ  
նկարում էր իր անունը: Մի անգամ կնոջից նամակ էր ստացել  
(երևի կինն էլ մեկ ուրիշին էր գրել տալիս), այնտեղ ասված էր.  
«Սիրելի և անմոռանալի Արշակ, մի շաբաթ առաջ վեր էինք կա-  
ցել-գնացել Շուշվա-ղալա բժշկի: Էս բժիշկս նայեց, քննեց, վերջն  
էլ էն ասաց, ինչ որ մեր տատմերը. որ ես, էսպես ու էսպես, ժա-  
ռանգ չեմ ունենա... Էն բրիշակից եկել եմ ու աշխարհը գլխիս  
մթնած է: Եվ քեզ էլ գրում եմ, որ քո համաձայնությունն առ-  
նեմ, ետ գնամ իմ հերանց տուն...»:

Ձաքարը ծանոթացել էր այս նամակին և երկընտրանքի մեջ  
էր՝ կարդա՞ Արշակին, թե՞ նայի թղթին ու սովորական բարևա-  
գիր արտասանի: Ըստ երևույթին, Արշակը նրա դեմքի վրա տե-  
սել էր այս տարակուսանքը և ստիպեց կարդալ բառ առ բառ.  
«Թե վատ խաբար կա, մի՛ թաքցնի. աստված է ինձ ստուգել՝  
դիմացկուն եմ»: Եվ երբ իմացավ կնոջ նամակի բովանդակու-

Թյունը, առանց ավելորդ հուզումների, հանգիստ ու անվրդով հուշեց իր պատասխանը. «Գրի, ասա՛ քեզ Շուշվա-դալա բժշկի տանողները թող իրենց գլուխներն իրար խփեն, որպեսզի ուրիշ անհարմար տեղերի չզարկեն: Էդ մեկն էդպե՛ս: Հետո էլ գրի, ասա՛ խելքդ գլուխդ հավաքած՝ նստիր մեր տանը, իմ հոր ու մոր, իմ եղբորց ու քվերանց հետ: Թե որ մենք ժառանգի արժանի լինեինք, աստված չէր խնայի... Իսկ հիմի գրի, ասա, կոխվ է, թուրքի հետ ճակատ ենք զարկում, որ մեր ազգի կյանքը փրկենք: Գրի, ասա՛ գնա մեր Վարդան Զորավարի մատուռը, Ամարասի Սուրբ Գրիգորի դուռը գնա, թե կարողանաս, Գանձասարա հրաշազուն աթոռն էլ հասիր, մատաղ արա, որ աստված մեր հակին լինի և թուրքի մեջքը կոտրի: Գրեցի՞ր: Դե՛, հետո էլ գրի, ասա՛ երեկ մեր Գարեգին սրբազանը խոսեց անցյալներում պատերազմի գնացած հայերի ազնիվ ու ազնվական կանանց վարքի մասին: Էն ի՛նչ զրկանքու զոհողություն են կրել էն խեղճերը, ի՛նչ տանջանք ու տառապանք և ինչպե՛ս են թև ու թիկունք եղել թշնամու դեմ կյանք ու արյուն տվող իրենց տղամարդկանց համար: Իսկ դու, ասա՛, վեր ես կացել, իմ համաձայնությունն ես ուզում, որ գնաս քո հերանց տուն: Բա դա հայրենասեր հայ կնոջ արարմո՞ւնք է: Բա լսողն ի՞նչ կասի: Էդ բոլորը գրեցի՞ր, Զաքար: Հա՛, դե՛, շա՛տ ապրես, հիմի էլ գրի, ասա՛ մենք որ ողջ ու առողջ ենք, գործներս էլ, ոչինչ, կուճի-կուճի աշողության ճամփան են մտնում: Աստվածանից եմ ուզել, որ մեզ իրար տեսքի արժան անի»:

Այսքանից հետո էլ Արշակը, ուսերից մի ծանր բեռ վար բերած մարդու պես, դարձավ դեպի Զաքարը, թե.

— Դո՛ւ ինչ կասես, Զաքար, խելքդ ի՞նչ է կտրում էս գործից:

— Լավ նամակ գրեցիներ, Արշակ,— ասաց,— հայ տղամարդու նամակ:

Հետո Արշակը հիշեց, որ կինը մի անգամ էլ տանն էր նույն առաջարկով դիմել իրեն: Պատերազմի նախորդ տարին էր, իրենք արդեն երեք տարվա ամուսիններ էին: Արշակն այն ժամանակ նրան ասաց. «Էդ խոսքը մեկ էլ չլսեմ: Թե չէ, դու ինձ լավ ես ճանաչում, հա՛»։ Այն ժամանակ թվում էր՝ հարցը լուծվեց: Բայց անհա հինգ տարի հետո գլուխ է բարձրացրել, դարձյալ անհանգստացնում է կնոջը: Թերևս՝ ո՛չ միայն կնոջը, որովհետև

նրան ուրիշներն են Շուշի տարել, և չի կարող պատահել, որ այդ ուրիշները տեղյակ չլինեին նրա ապրումներին, նույնիսկ մասնակցած չլինեին նրա ճակատագրական որոշումն քնդունելուն:

Արշակի համար այն ժամանակ ամեն ինչ պարզ էր ու բոլորակի,— մտածում էր Զաքարը:— Իսկ հիմա երևի խառնվել ու պղտորվել է հոգին: Բայց մի՞թե բավական էր մի հանդիպում, սովորական մի զրույց, կանացի քնքշանքի մի ճառագայթում, որպեսզի շուռ գա ամեն ինչ, տակնուվրա լինի մարդուս հոգին, մոռացվի մարդկային ու տղամարդկային պարտականությունը, որ ուրիշ պարագաներում այնպես հաստատ ու անխախտելի էր թվում: Թե՞ սովորական չէին այն հանդիպումն ու զրույցը, կանացի քնքշանքի այդ ճառագայթումն ու գիմացիոնին վառելը: Չէ՛, Արշակը սովորական կամ պատահական դիպվածից գլուխը կորցնող մարդ չէ՛: Եվ Համեստն էլ սովորական կին չէր: Տնաշենի աղջիկը մտավ խրամատ, ոնց որ լուսավորեց: Նայում էր, ասես պարզևում էր մի երանություն, որ քոնն է և քոնը չէ... Երևի թե նրա համար էլ Արշակն էր էդպես: Ախր, անասովածներն իրար տեսնելուն պես մի տեսակ եղան: Ոնց որ կայծակ էր՝ խփեց, աստծու կրակն էր՝ տվեց, երկուսին էլ կտրեց էս աշխարհից... Դե՛, Համեստը կնիկ է, կարողանում էր իրեն գսպել ու պահել, կարծես ոչինչ էլ չէր պատահել, ուղղակի եկել են ոազմաճակատի գիծը և ուրախ է, որ հայ մարդկանց է հանդիպել, հայ զինվորների: Չէ՛, կանայք իրենց պահել գիտեն. աստված էդ մեկը նրանց տվել է: Իսկ Արշակը: Վա՛յ, էդ ի՞նչ օրի էր Արշակը՝ Խեղճը բոլորովին ձևանալ չէր կարողանում: Ախր, սկի չէր էլ ուզում ձևանալ: Հետո էլ ինչի՞՞ ձևանար. մի՞թե կյանքում մի անգամ էդ երջանկությունը տրվել էր իրեն, որպեսզի ձևացներ, թե ոչինչ էլ չի պատահել:

Չէ՛, էդ բանի մեջ հաստատ աստծո մատը խառն էր:

Եվ աստված բարի՛ն կատարի:

Իսկ Արշակն առավոտյան մարզանքի էր ելել հարևան զինվորների հետ, սակայն Զաքարի նրբանկատ հայացքից չվրիպեց, որ նա մի տեսակ բացակա էր. քայլերը նրանց հետ չէր դցում, վայրկյան առ վայրկյան դեմքը լուսավորվում էր մի տարօրինակ շող ու շափաղով, ասես ներսից լույս էր տալիս: Մարզանքից հետո էլ ջոկը գլխին հավաքեց, ասաց.

— Փորձենք, տեսնենք՝ ով կարող է հրացանը ծայրից բռնած ձեռքի հետ ուղիղ բարձրացնել:

Պետք է փողի ծայրը բռան մեջ լինել և չհենվել ուրիշ որևէ տեղի:

Զինվորներից ոչ մեկն այդպես չկարողացավ բարձրացնել: Հեռվից հեշտ էր երևում, համարձակ մոտենում էին, շարշարվում: Զենքի մարմինը տեղից չէր բարձրանում: Արշակը ձեռքն առավ, ցույց տվեց, որ փողի ծայրը բռան մեջ է, նույնիսկ մի քիչ էլ կարելի է խոր բռնել, բայց չի անում: Լարվեց, վզի մկանները ձգվեցին, դեմքը կարմրատակեց, ու հրացանն ուղիղ բարձրացավ:

Եվ այդ ժամանակ էր, որ խրամատի ելքի մոտ իր ամբողջ հասակով ու շքեղ կեցվածքով երևաց գնդապետ Պողոսբեկ Փիրումյանը՝ հտեկից գումարտակի, վաշտի ու դասակի հրամանատարները: Տղերքն իրարով անցան. կարծում էին գնդապետը պիտի պատժի կամ, լավագույն դեպքում, հանդիմանութուն անի հրացանը խաղալիք գարձնելու համար: Իսկ նա, երևում էր, կանգնել, դիտել էր Արշակին, որին անձամբ ճանաչում էր, հետո ժպտալով մտեցավ, մտերմիկ բարևեց.

— Բարի լույս, տղերք, էս ի՛նչ լավ գործի եք: Զինվորն ամեն օր իր ուժը պիտի փորձի, — և նայեց Զաքարին: — Դո՛ւ ոնց ես: Կարողանո՞ւմ ես երկու մատով բարձրացնել: — Զաքարն ուսերը թոթվեց: — Է՛, դու պիտի՛ կարողանաս, ա՛յ, այսպե՛ս, — և հրացանը ձեռքը վերցնելով՝ փողի ծայրն առավ ցուցամատի ու բռնեց մատի արանքը, հանգիստ, առանց ճիգ ու շանքի, բարձրացրեց: — Այսպե՛ս: Եղա՞վ, Զաքար: Քո բոյ-բուսաթի տերը պիտի բարձրացնի:

— Պարզ է, պարոն գնդապետ, — անհարմարութունից կանգնելու տեղ չէր գտնում Զաքարը: — Բայց դրա համար պիտի Փիրում ապոր ցեղից լինես:

— Է՛, բա՛ն ասացիր: Փիրում ապերը հո երկնքից չէր իջել: Մեզ նման մարդ է եղել:

Հետո գնդապետ Պողոսբեկ Փիրումյանը, հտեկից քայլող հրամանատարների հետ միասին, ստուգում էր զինվորների զենքերն ու զինավառութունը: Մեկին դիտողութուն էր անում. «Դու սեփական երեսդ լվանո՞ւմ ես, ուրեմն, այդպես էլ հրացանդ մաքուր պիտի պահես»: Մյուսին գովում էր. «Ա՛յ, քեզ մարտիկ եմ



ասել, հա՛: Բայց իմացած եղիք, որ լավ գինվորի հարեանն էլ պիտի լավ լինի: Դա իսկը լավ գինվորի առաջնակարգ պարտականութունն է»: Երրորդի գենքն ստուգելուց ուզում էր գլխին քարոզ կարդալ, մեկ էլ իմացավ, որ Մամնայից է, ուսը թփթըփացրեց. «Ձեր շենից, որ էսքան էլ գոյացել ես, մեծ բան է: էլի՞ գինվոր ունեք, թե՞ մենակ դու ես: Հա՛, բա ասում եմ, չէ՞. ուրեմն մենակ տեղովդ պիտի էն կորած-մուտրած գլուղիդ երեսը պարզ անես»:

— Տղերք, ձե՛զ մատաղ, այսօր թուրքերի հարձակում է սպասվում, — վերջում այսպես զգուշացրեց գնդապետը: — Պատրաստ եղեք: Մենք տեղներիցս շարտի շարժվենք, ո՛չ առաջ, ո՛չ ետ: Մենք այսօր նրանց միայն զննելու ենք. տեսնենք՝ ի՞նչ ունեն, ի՞նչ ուժերով են հարձակվում: Հասկանալի՞ է: Այսօր խոսքը հրետանավորներինն է ու գնդացրորդներինը: — Այստեղ գնդապետը խրամատի երկարությամբ կանգ ածների մեջ հայացքով փնտրեց դիպուկահարին և, գտնելով կանգ առավ, հոր պես նայեց նրան. — Մեկ էլ քո՛նը, Արշակ տղա: Ո՞նց ես, հո աչքդ չի՞ խաղում:

— Շա՛տ լավ եմ, պարոն գնդապետ, — ցնծաց Արշակը, որ գնդապետն իրեն շնորհացավ: — Հրամանքիդ միշտ պատարաստ եմ:

— Կեցցե՛ս, Արշակ. Գարեգին սրբազանը հիացած է քեզանով:

Արշակը՝ ոնց որ իրենց կարասի գինուց մի փարշ քաշեր գրլխին. առարկաները երեացին կանաչ-կարմիր նախշած:

Ձաքարը մտածեց, որ Արշակի օրերն են, և առհասարակ այդպես է. թե որ բարին մարդու փեշը բռնեց, էլ բաց չի թողնի: Մտքում Արշակի համար աղոթեց, որ աստված շարը հեռու տանի, որովհետև Արշակն իսկապես արժանի էր ամեն տեսակ հարգ ու պատվի:

Գնդապետն ու իր շքախումբը գնացին: Խրամատը մեկեն դատարկվածի նման էր թվում: Զինվորներն իրար էին նայում ու չէին համարձակվում գնդապետի խոսքից հետո խախտել այն լուսթյունը, որ կոտրատվում էր հեռու-մոտիկ եկեղեցիներից ու վանքերից եկող կանչերից: Այդօր զանգերն ավելի բարձր էին հնչում, այնպես տազնապոտ ու սպառնալից, ասես որոշել են կոտրատել իրենց կողերը:

Խրամատի պատերից այս ու այնտեղ հող էր թափվում: Կա-

րելի էր կարծել, թե մողեսներն են մեղավոր, նրանք, որ չեն վախենում իրենց բներն ավերող մարդու մոտիկությունից: Սակայն Ջաքարի ականջը զանգերի ձայներին էր, և նա գիտեր, որ այդ ձայներից է թափվում հողը: Ահա շուտով կխոսեն թնդանոթները, և այն ժամանակ հողապատնեշի կեսը կթափվի խրամուղու մեջ:

Նորեկներ երևացին խրամատի խորքում: Նրանք անհանգիստ էին ու հեռաքրքրասեր: Ծանոթացան գնդի հնարնակների հետ, աջ-ձախ նայելով գնում-գալիս էին և զարմացած էին, թե ինչո՞ւ հրամանատարությունն այսպես ձգձգում է վճռական մարտը:

Նախաճաշ կոչված կերուխումից հետո նորեկները հավաքվել էին Ջաքարի մոտ, ուզում էին իմանալ՝ ո՞վ է այն Փիրում ապերը, որի մասին ինքը խոսեց գնդապետ Փիրումյանի հետ, և գնդապետը որևէ կապ ունի՞ այդ Փիրում ապոր հետ:

— Ունի՞, ունի՞, ո՞նց թե,— պատասխանեց Արշակը:— Փիրում ապերը հենց գնդապետի պապն է եղել, թե պապի պապը: Այսինքս՝ մեր էս Փիրումյանների ամենահին մեծը:

— Եվ ասո՞ւմ են՝ շատ է ուժեղ եղել, հա՞:

— Բա շտեսա՞ր գնդապետին,— Արշակը ձեռքը բարձրացրեց՝ գնդապետի հասակը ցույց տալու համար:— Սա որ հիմի մեր այս անորակ մարդկանց շրջանում էսքան կա, նրա նախնիները ո՞նց պիտի լինեին: Մեր շենում ասում են՝ Փիրում ապոր ժամանակներում ջաղացքարը կոնատակին տանողը ոչ ոքի էլ չի զարմացրել: Ջաղացքար, հա՞:

— Իսկ էդ Փիրում ապերն ինչո՞վ էր նշանավոր,— հարցրեց նորեկը, որը նպատակ ուներ մինչև վերջ պարզելու գնդապետի ակունքները:

— Դե՛, Փիրում ապերը... Արա՛ Ջաքար, դու էլ ի՞նչ ես պապանձվել,— Ջաքարին դիմեց նեղը լծված Արշակը:

Իսկ Ջաքարը կուշտ ուտելուց հետո, իր քնարան-պատրհանում կուշ եկած, ծխախոտի մի երկար ու հաստ գլանակ բերանին, աչքերը փակ ծխում էր, հագում:

— Ա՛յ տղերք, սրա լազաթը ո՞րն է, որ էնպես մեռնում-կտրվում են էս զահրումար խոտի համար:— Շուռ է գալիս, ոտերը կախում, ավելի ճիշտ՝ մորեխի պես ծնկները ցից-ցից նստում պատրհանի եզրին, գլանակը գնում հեռու, որ դառը ծուխը չհասնի իրեն:— Փիրում ապոր մասին էլ, դե, ի՞նչ ասեմ: Նրա անունն

ու գործն ո՞վ շփտեր: Գաղստանից մինչև Հնդկաստան ուժի տեսակետից մի Փիրում ապեր է եղել, էլի՛: Նրա բիլակը շուռ տա՞լ կլիներ: Նրա բարձրացրած քարը տեղից շարժե՞լ կլիներ: Բայց ժողովուրդը հիշում է մի դեպք, որ... Ազա՛, սպասեք, բերուն ջուր ողողեմ, էս զահար-զահրումարի լեղին գնա:

Արշակն իսկույն ջուր հասցրեց Զաքարին: Նա բերանը ողողեց-թափեց խրամատի հատակին, ապա հազալով սկսեց.

— Հա՛, էսպես է լինում. Պարսկաստանից մի աժդահա փահլեկան է գալիս Շուշվա դալա, մտնում խանի պալատը և խանի առաջ ասում է. «Ինձ շահն է ուղարկել քո տերութունը: Կա՛մ ինձ հետ կոխ կենող մի արժանավոր հակառակորդ ես հանում մեկդան, կա՛մ էլ էսքան ու էսքան ոսկի պիտի տաս իբրև տուգանք: Շուշվա խանը ոտ ու ձեռ է ընկնում, որ էդ աժդահա փահլեկանին արժանի մի կոխ կենող ճարի: Որի՛ն բերում է, համշարին տափին է տալիս, զկոտոցը զցում Թոփխանան: Վերջը նազիր-վեզիրներից մինը խանին լուր է տալիս, թե բա շես ասի վարանդայի նախիջևանիկ գյուղում մի Փիրում կա, թե որ համշարի փահլեկանին մի բան անելու լինի, էն Փիրումը կանի: Խանը հրաման է տալիս, ասում է. «Գնացե՛ք, թե որ գլուխը թրջած լինի, թող էստեղ լվանա»: Գալիս են, տեսնում Փիրում ապերը՝ Փիրումանց մեծը, արտը հնձել, փանջաք է տվել, փանջաքի հովին մածնաբրդուճ է ուտում: «Մածնաբրդուճ անո՞ւշ,— ասում են,— Փիրում ապեր: Քեզ նման իգիթին խորոված-խաշած գառը կվայելիր...»: Բեղերը սղալում է Փիրում ապերը, «Հո՞ր ա, է՛,— ասում է,— դառ ունեք, բերեք, մածնաբրդուճը շի խանգարի»: Բերում են, և սա մի նստելով ուտում է գառն իր կրճիկ-մրճիկներով, հետո մեկնվում փանջաքի հովին, թե «էսպես պինդ ուտելուց ետը թե որ աչքիդ որդը չկոտրեցիր, կերածդ վզիցդ կձլնիր»: Սա ուզում է իր ետճաշյա քունն առնի, խանի մարդիկ աղաչանք-պաղատանք են անում, թե բա շես ասի էսպես ու էսպե՛ս՝ «Ազա, ո՞նց թե,— զարմանում է Փիրում ապերը:— Բա իմ բեռ ու մորուքիս կսազի՞, որ վեր կենամ, տը՛ռթ հա տը՛ռթ գնամ Շուշվա դալա, թե հի՛նչ ա. հի՛նչ ա, էնտեղ մի համշարի պիտի թակեմ»: Բացատրում են, ասում են՝ պայման կա. թե որ չգնացիր, խանն էսքան-էսքան ոսկի պիտի տա: Դե, խանն էլ էդ ուկին պիտի իր հպատակ հայերի՛ց հանի...

էս որ ասում են, Փիրում ապերս մի փոքր քնինք է անում: Քնինք է անում ու վեր է կենում, խուրջինից մի զույգ փաթաշ

վաներ հանում, փաթաթում է բիլակներին: Երևի մտածում է, թե մահակակոխիվ է լինելու: Իսկ մահակակովում թե որ իր բիլակներին վնաս չեղավ, ինքը մի պոլկ համշարի առաջն արած կտանի, Խուզափիրինի կամուրջից դեն կքշի...

էսպես, ահա, ձիանք նստած, ինչպես Փիրում ապերը կասեր, տը՛ռթ հա տը՛ռթ գնում, հասնում են Շուշվա դալա: Որ հասնում են Շուշվա դալա, խանը հենց Գանձակա դարպասների մոտ Փիրում ապորն առոք-փառոք դիմավորում է, տանում իր ապարքը, մի պինդ էլ կերցնում-խմեցնում, հետո ասում է. «Փիրում ապեր, դե՛, քեզ տեսնեմ, Ղարաբաղի երեսը դու պիտի պարզ անես»:

Ջրդրը դուզում մեյդան բաց արած են լինում, որ էս է, փահլեանները կոխ են բռնելու: Ժողովուրդը թափվում է էնտեղ: Մի բարձր տեղում էլ խանի թախտն են դնում, և էստեղից խանը հա՛մ թամաշա է անում, հա՛մ էլ Փիրում ապորն զգուշացնում է.

— Փիրում ապե՛ր, Փիրում ապե՛ր,— ասում է,— մուղայիտ կաց, հա՛. էդ համշարին փանդուփիլ շատ ունի: Մուղայիտ կաց դրա փանդուփիլից:

Փիրում ապերն էլ մեյդանի մեջտեղը ոտերը շոկել, կանգնել է իր մոթալ փափախով, բրդե շուխայով, տրեխ-տրեխատանով ու փորը պինդ սեղմած խոնջանով: Փաթաթանները բիլակներին, ձեռքերը կրծքին խաշած՝ աչքի տակով նայում է համշարի փահլեանին, որ ուսերն ու մեջքը յուզուսած, թեթև-թեթև վեր-վեր է թռնում, աջ ու ձախ է ընկնում, մեկ էլ վազելով հեռվից գալիս, զա՛խկ, խփում է Փիրում ապոր մեջքին: Նա խփում է, իսկ սա՛ իրենց անտառի հարյուր տարեկան կաղնին քեզ օրինա՛կ: Ոնց որ արմատը խրել է անտակ հողի մեջ, թե օխտը գոմեջ էլ լծես, տեղից պոկ չի գալու: Փահլեանը մեկ էլ թափ առած գալիս, նրա ուսին է խփում, գոտկատեղին է զարկում, ոտնամանի սուր տեղով կռաջիլին է տալիս... Խանը գոռում է, նորից է զգուշացնում. «Փիրում ապե՛ր, հա՛-ա՛, դրա՛ փանդուփիլը...»:

Մի անգամ էլ համշարին գազազած-շկկած գալիս է, որ կրծքին զարկի, Փիրում ապերը սրա փորը ձեռն է գցում: Փորը ձեռն է գցում պորտախառը, թափով բարձրացնում գլխից վեր և հոլի պես պտտեցնելով մոնչում է դեպի խանի կողմը: Ասում է. «Խանն ապրած կենա, բա հո՞ր ա սրա փանդուփիլը: Հիմի հի՞նչ

անեմ. տափին տամ, փուլքը նստի՞, թե՞ տանեմ, զցեմ Քարին տակի ձորը»:

Հետո հանգիստ ցած է դնում էս փահլեանին: Ցած է դնում ու ձեռքով փորը սեղմում: Որ սեղմում է, փահլեանը մի պիչդ բաց է թողնում...

Ժողովուրդն էստեղ ծիծաղ-մասխարա է զցում, մի հո՛ւլ է անում, որ ձենը հասնում է Պարսկաստան: էսպես է մեր կարգը, շահ ու շահաստան. դե՛, եկե՛ք, ձեր մեռելը տարե՛ք:

Համշարին վեր է կենում, քոռ ու փոշման գնում է իր երկիրը: Իսկ Շուշվա խանը տեսակ-տեսակ նվերներ է թափում Փիրում ապոր առաջ, հուրհրացող ակներ ու գոհարեղեն, ոսկի ու քահուրբար: «Քոնն է,— ասում է,— հարստությանս կեսը: Ասա, թե էլ ի՛նչ է սիրտդ ուզում, որ քո գլխին մատաղ անեմ»: Փիրում ապերը ձեռքերը թափ է տալիս, ասում է. «էս զիզի-բիզին իմ հինչի՛ն ա, խան: Իմ սիրտն ուզում ա, որ ազգիս հարկուտուրքը թեթևացնես»:

Խանն էլ խոսք էր տվել, թեթևացրեց հայոց հարկուտուրքը: Հետո էլ Փիրում ապորն օխտն օր-օխտը գիշեր պահեց իր ապարանքում:

Ասում են նաև, թե մի գիշեր էս անօրեն խանն իր կանանոցի ամենանախշուն օղլուշաղին բերում, թողնում է Փիրում ապոր հյուրասենյակում, ասում է. «Փառքդ շատ լինի, Փիրում ապեր, կատարիր նաև վերջին կամքս. զորավոր սերմդ պահ տուր էս հոգին...»:

էստեղ խիստ նեղանում է Փիրում ապերը: Երեսը շուտ է տալիս խանից ու նրա օղլուշաղից և ասում է. «Չէ՛ որ չէ՛: էդ լինելու բան չի, խա՛ն: Մենք մեր սերմը,— ասում է,— օտար հող զցելու սովորություն չունենք: Դրանից էլ զորավոր ա մեր սերմը»:

\* \*  
\*

Ձերիկ վեհիբ փաշայի ծրագրով մայիսի 24-ը պիտի դառնար ամենաճակատագրական օրը Սարդարապատյան թուրք-հայկական ճակատում: Այժ՛, նա այդպես էլ կոչում էր՝ թուրք-հայկական ճակատ: Կովկասյան ճակատ չկար այլևս: Վրաց մենչեիկները չէին կոպում և տիվ ու գիշեր բանակցություններ վարելով փորձում էին ոտքի կանգնեցնել իրենց կործանվող երկիրը:

Աղբբեհանի մուսավաթականները Նուրի փաշային ու Օսմանյան պետութեան մյուս բարձրաստիճան ներկայացուցիչներին ցնծութեամբ դիմավորել էին Պարսկաստանի սահմանի մոտ, առաջնորդել երկրի խորքը: Հիմա Բաքվի կոմունայի հարևանութեամբ բարձրանում էր նրա հոգեհառը: Նուրի փաշան Աղղամից մինչև Գանձակի դռները քայլել է գորգերի վրա: Ոտքի են կանգնել մահմեդականները և պատրաստ են սրբազան պատերազմի՝ Զինաթը՝ մահմեդական սրբազան պատերա՛զմը կլուծի Օսմանյան կայսրութեան առաջ կանգնած մահու և կենաց խնդիրը. կա՛մ պետք է տիրանալ Բաքվին, ձեռք մեկնել անդրկասպյան հավատակիցներին և ստեղծել թուրք-թուրանական հզոր մի պետութիւն, որից հետո կայսրութիւնը վերից կխոսի հեռու-մոտիկ երկրների հետ, կա՛մ էլ Եվրոպայից դուրս մղված և փոքրասիական իր թերակղզու նեղ սահմանների ներսում կթռչնի ու կչորանա Օսմանյան կայսրութեան ուռճացած կաղնին:

Այնպես պարզ երևո՛ւմ էին վաղուց փայփայած երազի իրականացման հեռանկարները: Արդեն խոսք էր գնում այն հարցի շուրջը, թե ովքե՛ր են լինելու Կովկասի ու Անդրկասպիայի կառավարիչները: Ատրպատականի վրա աչք տնկած Քյազիմ Կարաբեքիրը Արարատյան երկրի անկումին էր սպասում, որպեսզի դորքք Զուլֆայի վրայով քշի դեպի արևելք, Թավրիզը դարձնի իր փայթախտ-շահաստանը, ապա շարժվի Բաքվի վրա: Վեհիբն արդեն օրակարգի հարց էր համարում Բաքվի գլխին Օսմանյան կայսրութեան դրոշը տնկելու արարողութիւնը...

Եվ հանկարծ Սարդարապատի նման մի ողորմելի կետում իրենց հաղթական առաջարժումը կասեցնում են, ովքե՛ր, հայե՛րը, թուրքաց շորսուկես դարու հպատակները: Նրանք, որ այս շորսուկես հարյուրամյակի ամբողջ ընթացքում ուր էլ որ եղել են, իրենցից միայն պարտվել են, ենթարկվել, դարձել հպատակ ու հլու հնազանդ:

Վեհիբը համոզված էր, որ իր զորքի ձախողանքի պատճառն իր իսկ ներսում է. այլասերվել է զորքը, ապիկարացել: Կարսի ու Ալեքսանդրապոլի հեշտ հաղթանակը թմրեցրել է, և Սարդարապատի սառը լողանքը կզգաստացնի, ուշքի կբերի նրան: Զգաստացումն արագացնելու համար Վեհիբը լրացուցիչ միջոցառումներ էլ գործադրեց: Մայիսի 23-ի լույս 24-ի գիշերը նրա շտաբից դուրս էին տարել կիսամեռ երկու բինբաշիների, որոնք

համարձակություն էին ունեցել ասելու՝ «Հայերն այստեղ լրջորեն կովում են, և հաջողության համար մեզ նոր գորք ու զենքեր են պետք»: Նոր զորքն, իհարկե, պիտի ժամաներ. Կարսից զանգել էին, թե Ալեքսանդրապոլից գնացք ուղարկեցե՛ք. գնդերը կազմ ու պատրաստ են: Գնացքը եկել է, ուղևորվել Կարս և ահա ուր որ է կվերադառնա: Ռազմաճակատի շտաբում այդ գնացքի բերելիք զորքն արդեն որոշակի առաջադրանք էր ստացել: Բայց բինբաշին ո՞վ է կամ ի՞նչ, որ Ֆերիկ-մարշալին է դաս տալիս և այն էլ խայտառակ ու աննամուս պարտություն կրելուց հետո, այսպես տմարդորեն օսմանյան բանակի անունը սարդարապատյան տափաստանում գետնով տալուց հետո:

Առավոտյան երբ եկավ ստուգացի, բոլոր գնդերին արդեն հայտնի էր մահացու ծեծված երկու բինբաշիների վիճակը, և արդեն հրամանատարները ջանում էին այլևս չբորբոքել Ֆերիկի զայրույթը:

Ոչ ոք այդպես գազազած չէր տեսել Վեհիբին, որն իր ծանոթների ու բարեկամների աչքում բարեկիրթ մարդու օրինակ էր և հեղինակութուն: Նույնիսկ պատահում էր, որ նրա քաղաքավարությունը համարում էին շափազանց. իբր, գերմանական կրթությունը, քաղաքակիրթ Եվրոպայում անցկացրած տարիները նրան մոռացնել են տվել, որ ինքը պատրաստվել է գործելու ասիական կիսավայրենի միջավայրում: Կառավարական հավաքների ու ռազմական միջոցառումների ժամանակ այդ միջավայրի ղեկավարների շրջանում նա երևում էր որպես ճերմակ ագռավն իր սև ցեղակիցների երամի մեջ: Հիմա հանկարծ ու միանգամից վայրենացած եկել է Բաթումից և ոչ թե սև ագռավի, այլ գիշատիչ ուրուրի պես վրա է տալիս, կտցահարում ու հոշոտում:

Երեսունվեցերորդ հռչակավոր դիվիզիայի 108-րդ գնդի հրամանատարն արժանացավ այնպիսի պատժի, որպիսին հազվադեպ էր լինում նույնիսկ թուրքական բանակում: Գունդը շարք-շարք ձգված, նոր ու շտապ համալրումներով կազդուրված, պատրաստ էր անմիջապես խոյանալու Սարդարապատի վրա: Հենց այդ մասին էլ զեկուցեց գնդի հրամանատարը՝ սպասելով Կովկասյան ռազմաճակատի ղեկավարի խրախուսանքին: Վեհիբն արտաքուստ հանգիստ էր, և միայն այտերի մկանների խաղերն էին

ճատնում նրա ներսի շարութիւնը: Այդ խաղը տեսնում էր գնդի հրամանատարը, որ սլաքի պես ձգված էր նրա առաջ:

— Դո՞ւ ես Դարդանելյան այս գունդը հայի կերակուր դարձրել երկու օր առաջ,— օձի պես ֆշշալով հարցրեց Վեհիբը և, պատասխանի չսպասելով, թքեց գնդի հրամանատարի երեսին:— Դավաճա՛ն, ես հիմա քեզ կախել կտամ այս գորքի առաջ...

Վեհիբը շհասցրեց իր սպառնալիքն իրականացնել, որովհետև հենց այդ պահին շտաբից աղետալի լուր ստացած նրա համհարզը մոտեցավ, ականջին ինչ-որ փսփոսաց, և մայիսի 24-ի պարզ առավոտով երկինքը կարծես փլվեց Կովկասյան ճակատի հրամանատարի գլխին:

Մի ժամ հետո ամբողջ Ալեքսանդրապոլն ու շրջակայքի գյուղերը, Ալեքսանդրապոլից դեպի հարավ, արևելք ու արևմուտք ձգվող գծերի կայարանները զրնգում էին անսովոր ու անսպասելի լուրից. Ալեքսանդրապոլի դեպոյի աշխատող Անդրեյ Վինոգրադովը, որ երեկ, իբրև ամենափորձված ու ամենավարպետ մեքենավար, պատասխանատու հանձնարարութիւն էր ստացել՝ իր գնացքով ուղևորվելու Կարս և այնտեղի կազմ ու պատրաստ գորքը փոխադրելու Ալեքսանդրապոլ, գնացել է, վերադարձել և Ալեքսանդրապոլ շհասած՝ գնացքը գահավեժ գլորել ձորը: Սկզբում կարծել են՝ սովորական աղետ է, որի պատճառը երկաթգծի վնասվածքը կարող էր լինել կամ գնացքի անսարքութիւնը: Սակայն անմիջապէս վրա հասած ստուգողները կործանված գնացքի մեքենավարական խցիկում շէին գտել ո՛չ Վինոգրադովին, ո՛չ էլ աղետի ժամանակ նրա ներկայութիւնը հաստատող որևէ նշան: Ուրեմն՝ գնացքը ձորի վրա բաց թողնելուց առաջ, նա իր խցիկից հեռացած է եղել:

Ալեքսանդրապոլի դեպոյում աղետի լուրը ոչ ոքի չզարմացրեց: Սլաքավար Հարութիւնը, հին ու փորձառու աշխատող, յուրայիններին հանդիպելիս խորհուրդ էր տալիս ոչնչով չմատնել իրենց նախատեղյակութիւնը:

— Էդ ուուը վերջին օրերին մի տեսակ էր երևում, ոնց որ խախտված լիներ: Էսքան բա՛ն, էլ մենք ի՞նչ իմանանք, թե ի՞նչ է եղել, ո՛նց է պատահել,— խորհուրդ էր տալիս վարպետ Հարութը:

Հաջորդ վթարը մեքենավար Սերոբի ձեռքով պիտի կատարվեր: Բայց նա կարժանանա՛ր այդ բախտին: Չէ՞ որ թուրքերն



այլևս չեն վստահի տեղացիներին կամ, հակառակ դեպքում, այնպիսի հսկողութիւն կսահմանեն, որ վթարի փորձ կատարելուց առաջ նրանք իրենց գլխից գրկվեն: Ինչ էլ որ լինի, Սերոբն իրեն պատրաստ էր պահում գարհուրելի քննութեանը և գիտեր, որ այն չի կարող ուշանալ. թուրքերը հիմա պիտի շտապեն: Նրանք հիմա նման են քանդված մրջնանոցի բնակիչներին:

Հարութն ասում էր.

— Դե՛, հիմի շներին կապեցեք, Վեհիբին բաց թողեք:

Աղետոյալ գնացքի վագոնները ձորում իրար գլխի էին թափվել, և Վեհիբը հաշվում էր, որ մի քանի բոպեի ընթացքում, առանց կովի ու փոխհատուցման, երկու կանոնավոր գունդ զինվոր է կորցրել: Դա, անկասկած, էժան չի նստի իր վրա: Եվ Ֆերիկը ստույգ պատժի տակից դուրս գալու միակ ճանապարհը համարում էր ամենակարճ ժամանակում Երևան հասնելը: Ամենակարճ ճանապարհով: Այդ ճանապարհն Արաքսի վրայով պիտի անցնէր այնտեղ, ուր, ամենայն հավանականութեամբ, հակառակորդը ռազմական մեծ կուտակումներ չի կարող ունենալ և, ենթարկվելով հանկարծական ու կայծակնային հարձակման, ոչ մի դիմադրութիւն ցույց չի տա:

Սուրմարիում դարանած և այդ օրերին ամեն ժամ հարձակման հրամանի սպասող Մյուրսալ փաշան ուղիղ գծով Վեհիբից հրաման ստացավ անմիջապես իր Հինգերորդ դիվիզիայի բոլոր գնդերն Արաքսն անցկացնել և Ղամարլուփ ու Չանգիբասարի վրայով արշավել դեպի Երևան: Թիկունքից ստացած այսպիսի հարվածից հետո Արարատյան դաշտի հայկական զորքը պիտի խուճապի ենթարկվեր և գլուխը կորցրած աչ ու ձախ ընկներ հարմար թաքստոցներ փնտրելու համար: Թուրքական զորքերի գլխավոր հրամանատարը շատ որոշակի պատկերացնում էր կովի այս ելքը և Շեքի փաշային, Քյազիմ Կարաբեքիրին ու Հիլմի փաշային էլ հանձնարարել էր Սարդարապատի ճակատում զորաշարժեր կատարել՝ պատրաստվելով գլխավոր ու կործանիչ հարվածին, մինչև որ Մյուրսալ փաշայի Հինգերորդ դիվիզիան հայերի թիկունքում հաջողութեամբ իրականացներ իր խնդիրը:

Պողոսքեկ Փիրումյանը հաստատ համոզված էր, որ կովի հանգույցը լուծվելու է իր գնդի բռնած դիրքերի ուղղութեամբ: Թուրքերը պետք է հայոց ուժերն ու զգոնութիւնը փորձեն աջ և ձախ թևերում, նաև Արաքսն անցնելու փորձեր կատարելով: Սակայն ամենուրեք նախապատրաստված հակահարվածների համն առնելով՝ նրանք ի վերջո կկուտակվեն Սարդարապատի ճակատի կենտրոնում և հենց այստեղից էլ կսկսեն իրենց նոր արշավը: Այդպես էլ ճակատամարտը դարձյալ կփոփ Սարդարապատի դաշտում: Նորից կարիք ու անհրաժեշտութիւն կլինի հենց այստեղ ցույց տալու, թե ինչի՞ է ընդունակ հայ զինվորութիւնը, որ մնացել է իր ուժի ու բանականութեան հույսին: Հատկապես բանականութեամբ:

Բանականութիւնը գնդապետին հուշեց, որ գործը շատ կշահի, եթե այստեղ՝ Սարդարապատի դաշտում, ծուղակ սարքվի հակառակորդի համար:

Պատանեկան տարիներին Պողոսն իրենց գյուղի հանդ ու անտառում որսորդութեամբ էր զբաղվում Դանիելի և տարեկից մյուս ազգականների հետ: Այդ որսորդութիւնը ոչ այնքան համեղ մսի հայթայթում էր կամ ափերից դուրս հորդացող եռանդի պարպում, որքան սլայքար ու մենամարտ գյուղացու թշնամիների դեմ, որ գայլերն էին, Խաչենաձորից կամ Քիրասասարի անտառներից հայտնված արջերը: Նրանք գիշերները, երբեմն էլ օրը ցերեկով, հարձակվում էին գյուղի նախրի ու ոչխարի վրա, պատահոտում էին խեղճ գյուղացու միակ ու վերջին կովը, հոշոտում էին ոչխարի ամբողջ հոտը, որպեսզի հարչուր տապալվածներից միայն մի քանիսին փախցնեն: Դժվար էր հրացանով կովել այդ անզեն զավթիչների դեմ, որովհետև միշտ չէ, որ նրանք մարդկանց մոտենում են մինչև մեկ գնդակընկեց տարածութիւն: Իսկ այդ որսի հրացանի գնդակընկեցն ինչ մի տարածութիւն էր. գայլը կարող էր մեկ ցատկով հաղթահարել, ծվ այն ժամանակ իրենց անասուն թշնամիների դեմ կովի ելած գյուղական պատանիները դիմում էին թակարդի՝ մարդու այդ ամենահնադույն զենքի օգնութեամբ:

Փիրում ապոր կամ Ասրիբեկի ժամանակներից մնացած ժան-

գոտ ահռելի թակարդներ կային՝ հատուկ արջերի ու գայլերի համար պատրաստված: Դրանք լարելը մեծ ուժ էր պահանջում, որովհետև ամեն մահկանացուի գործ չէր պողպատե հզոր ծնունդ իրար բերել, որպեսզի թակարդի տափարակը բացվի: Իսկ սովորական, նապաստակի և աղվեսի համար սարքված թակարդի վրա էլ ծիծաղում էին գայլերն ու արջերը: Մի անգամ արջ էր ընկել Պողոսի այգորինակ թակարդներից մեկի մեջ: Առավոտյան Դանիելի հետ գնացել էին, տեսել՝ արջը շարդոտել է թակարդը, շարդոտնի վրա էլ մի մեծ կարիք փոկել ու հեռացել: Պատահում էր, որ գայլերն ու արջերը հատուկ իրենց համար պատրաստված թակարդներից էլ էին փորձում աղատվել. արջը թակարդի մեջ մնացած իր թաթն էր ուտում-հեռանում, գայլը շարշարվում էր, ոտքը կտրում: Սակայն ոտքի մեկը կամ թաթը կորցրած, արնաքամ գազանին հետապնդելն ու բռնելն ի՞նչ մի դժվար բան էր գյուղացի կտրիճների համար: Արնաքամ գազանն էր մի տեղ ուժասպառ ընկած լինում, կամ արյան հետքով գտնում ու սպանում էին...

Սարդարապատի դաշտում թակարդ լարելու միտքը Պողոսբեկին հանգիստ չէր տալիս, և դեռևս քսաներեքի երեկոյան Դանիելբե՛լի հետ խոսելիս ասաց.

— Նման մի բան անենք: Թուրքերը գլխի շեն ընկնի:

Ճակատի հրամանատարը, մի երկվայրկյան մտածելուց հետո, ուրախացավ այդ առաջարկության համար և գտավ, որ ամենահարմար թակարդ կարող է դառնալ կեղծ դիրքերի շարքը:

— Մեր գրաված գծից բավական հեռու, թուրքերի դիմաց դիրքեր փորենք, իբր, այդտեղ ենք խրամատավորված, բայց ինքներս դարանած սպասենք մեր հիմնական դիրքերում: Միայն թե այդ սուտ գիծը պետք է ստի տպավորություն չթողնի,— խոսեց Դանիելբեկը:

— Դու այդ բոլորն ի՛նձ թող,— արդեն վճռաբար հանձն առավ գնդի հրամանատարը:— Առավոտյան դու ինքդ էլ կտեսնես ու կկարծես՝ իսկապես առաջ շարժվելով կանգ ենք առել թուրքի քթի տակ:

Լուսաբացին ճակատի հրամանատարը հեռադիտակով նայեց դեպի թուրքաց առաջապահների կողմը և նրանց դեմ, հազիվ 500—600 մետր հեռավորության վրա, տեսավ զիզազաձև, ճակատի մի թևից մինչև մյուսը ձգված հողապատնեշը, որ, իբր,

քողարկված էր նորատունկ թփերով ու մացառներով: Հողապատ-  
նեշի թիկունքից, այս ու այնտեղ ծխի հազիվ տեսանելի քու-  
լաներ էին բարձրանում և ցնդում առավոտվա պարզ ու պսպղուն  
օդում: Սա էլ էր քողարկման ձև՝ սուտն էր քողարկում:

Ճակատի հրամանատարը ռազիոյով բարի լույս մաղթեց Պո-  
ղոսբեկին.

— Պո՛ղ, այս ո՞նց հասցրիր:

— Տղերքն ասում են՝ բա ափսո՞ս չէ այսքան առաջ գնանք  
ու մի կարգին չհիմնավորվենք: Քակորի կրակն էլ այդպես պի-  
տի ծխա մինչև իրիկուն:

— Թուրքերը պիտի մտածեն, որ այնտեղ մեզ համար խաղաղ  
սպասում ենք իրենց գրոհին:

— Եթե այսօր շարժվելու են, նախ հրետանային նախապատ-  
րաստությամբ հողին կհավասարեցնեն մեր դիրքերը, հետո էլ  
դուրս կգան հաղթական երթի:

— Ես ևս այդպես եմ մտածում: Աստված բարի՛ն կատարի,—  
մաղթեց ճակատի հրամանատարը և շտաբի նեղ պատուհանից  
նայեց դեպի Արարատը: Մեծ գագաթի ձյունը հուրհրատում էր  
վաղորդայնի շառափներից:— Դու մեզ հետ ես, ո՛վ սուրբ Արա-  
րատ: Քո համառությունն է պետք այս դաշտը պաշտպանող զոր-  
քին: Եվ դո՛ւ, ո՛վ սուրբ առավոտ, մեզ լավ օր խոստացիր:

Կապիտան Շենուրը, շտաբի բաց դռնից ներս մտնելով,  
տեսավ հրամանատարի ոգեղինացած կերպարանքը, մտածեց,  
որ աղոթք է կարդում, անձայն ետ քայլեց և սպասեց, մինչև որ  
նա իր սփառան-ծեսը կատարի, դուրս գա:

\* \*

\*

Թուրքական Հինգերորդ դիվիզիայի հարձակումը կատարվեց  
վաղ առավոտյան, Արաքսի վրա Գայլի դրունք (դռներ) կոշված  
հատվածում, որ գնում էր գեպի Ղամարլու և Յուվա բնակավայ-  
րերը: Իգդիրի դաշտից արագորեն մոտենալով Արաքսին, կանգ  
էին առել նրա վարարած, պղտոր կոհակների առաջ: Նախորդ  
օրերի հետախուզությամբ էլ պարզել էին, որ Կարակալայից մին-  
չև Ղամարլուի մոտերքը ոչ մի կամուրջ չկա: Սակայն Մյուրսալ  
փաշան՝ դիվիզիայի հրամանատարը, տեսել էր ֆերիկ Վեհիրի

արնակալած աչքերը և գիտեր, որ ձախողված ճակատի հրամանատարին հիմա քավութեան նոխազ է պետք, որպեսզի ամբողջ մեղքն ու մաղձը նրա գլխին թափի: Կարգադրեց գետանցի համար գիշերով լաստեր սարքել և լույսը բացվելուն պես անցնել Արաքսի ձախ ափը:

Արաքսի վրա հսկողութեան կոշված հայկական զորաջոկատները մայիսի 21-ից էին սպասում թուրքերի հարձակմանը: Այդ ընթացքում նրանք ոչ միայն հետազոտել և պարզել էին տեղանքի բոլոր մանրամասները, հնարավոր հարձակումը խափանելու միջոցները, այլև ստացել էին զինվորական ուժի ու զինամթերքի (հատկապես գնդացիոնների) մեծ համալրումներ և աշխույժ սպասում էին վճռական ժամին: Կապիտան Երվանդ Մամաջանյանը՝ երիտասարդ, գրագետ մի սպա, օգնութեան հասած զորաջոկատներից յուրաքանչյուրի կազմում նշանակեց շրջակայքի գյուղերից հավաքված քաջահմուտ աշխարհազորայինների, որոնք հրաշալի գիտեին տեղանքը, ծանոթ էին արաքսամերձ տարածքի բոլոր գաղտնարաններին ու ելումուտներին: Վանեցի գաղթականներից կազմված մի ամբողջ զորամաս, կադրային սպա Տիգրան Բաղդասարյանի գլխավորութեամբ, բռնել էր Յուվայի շիմացի դիրքերը և սպասում էր թուրքերի հայտնվելուն:

Մամաջանյանն ու Տիգրան Բաղդասարյանը դիրքերի գիշերային ստուգացքերի ժամանակ նկատել էին աջափնյակի ամբողջ երկարութեամբ վառվող կրակները և եկել այն եզրակացութեան, որ թուրքերը գետանցումի նախապատրաստութեան եռուզեռի մեջ են: Հայ հրամանատարները եղան համարյա բոլոր դիրքերում և զորաջոկատներին կարգադրեցին պատրաստ լինել հակահարվածի, իսկ հրամանի դեպքում՝ առաջին իսկ հարվածը տալու:

Ամենակարևոր կետերում դարանած՝ թշնամուն սպասում էին իրենք՝ Մամաջանյանն ու Բաղդասարյանը: Մամաջանյանի տրամադրութեան տակ գնդացիոններ կային, որոնք դասավորված էին գետի համեմատաբար ծանծաղ տեղերի դեմ և սպասում էին: Բաղդասարյանին տվել էին թնդանոթային մի մարտկոց: Սակայն փորձված զորականը ճշգրտորեն գուշակում էր, որ Արաքսի վրա հարյուր-հարյուր հիսուն մետր իրարից հեռու գտնվող հակառակորդների համար կարևորը լինելու է հրացանային ու գնդացրային կրակը, և իր դիպուկահարներին դասավորել էր այնպես, որ հայացքի տակ էր գետանցման ամբողջ երկարու-

Թյունն իր յուրաքանչյուր մետր տարածությամբ: Վանեցի սպան նույնիսկ մտածում էր, թե իրենց դիրքերի դեմ միայն խելագար- ները կարող են դուրս գալ մարտի:

Եվ, այդուհանդերձ, լուսադեմին թուրքերը հարձակման ան- ցան: Դա հարձակում էլ չէր: Լաստերի վրա ջոկատ առ ջոկատ, գողեգող Արաքսն էին մտել և հույս ունեին, թե մինչև լույսը լրիվ բացվի, իրենք գետն անցած կլինեն ու ահա ձախափնյակում կհարձակվեն հայոց անպաշտպան գյուղերի վրա:

Ձախ ափին մոտեցած առաջին լաստի վրա գնդացրային կրակ բացեց կապիտան Մամաջանյանը: Այդպիսի կրակից փրկ- վող չէր կարող լինել, որովհետև լաստը շարժման արագությունը կամ ուղղությունը փոխելու հնարավորություն չունեի, իսկ զըն- դակից փրկվելու համար հանձնվել մայիսյան Արաքսի կոհակ- ներին՝ պիտի նշանակեր գնալ ստույգ մահվան: Սակայն հնձող կրակահերթը ժամանակ էլ չտվեց ընտրություն կատարելու: Մի քանի րոպե հետո Մամաջանյանը, առաջին լաստի հարցը լրիվ լուծված համարելով, կրակն ուղղեց երկրորդի վրա, որը հազիվ էր կտրել գետի հոսանքի կեսը և անկանոն կրակում էր դեպի հայոց դիրքերը:

Տեղրան Բաղդասարյանը տեսավ գետի կենտրոնում օրորվող լաստը, որի վրայից թուրքերը կրակում էին տարբեր կողմերի վրա: Եվ, որքան էլ մտածել էր, թե կարիք չի լինի հրետանա- յին մարտի մտնելու, ձեռքով նշան արեց մարտկոցի հրամա- նատարին, որ նշանակում էր՝ կրակել: Որոտաց ահեղ մեքենան: Լաստն ուղիղ նշանառության տակ էր ընկել, տաշեղներ դարձած օդ ելավ՝ իր հետ բարձրացնելով ջրի ահռելի ալիքներ, որոնց մեջ իլվում էին ասկյարները:

Բաղդասարյանը բռունցքն օդում թափահարեց հրանոթային մարտկոցի հրամանատարի համար, այսինքն՝ «Կեցցե՛ս»:

Կապիտան Մամաջանյանը վազեց դեպի վանեցի հրամանա- տարի դիրքը:

— Բարեկամ,— ասաց,— այս տեսակ քոթակից հետո թուր- քերը մեր դիմացից էլ չեն գա: Բայց և այնպես դու լավ հետևիր, իսկ ես գնամ դեպի ներքև. այնտեղ ուժեղ հրաձգություն է:

— Հանգիստ եղի՛ր, պարոն կապիտան, ամեն ինչ լավ կլինի:

Ներքևում հայ զինվորներն ու աշխարհազորայիները, գետա- փի բլուրների թիկունքներում ու հեղեղատների հարմար տեղե-

րում քողարկված, որսում էին ջրի մակերեսին հայտնվող ասկյարներին: Լաստերի վրա կուտակված զորաջոկատների դեմ գրնդացիներն էին անխափան գործում:

Նահանջած թուրքերը, ըստ երևույթին, հասկանալով, որ իրենց ծրագրած հարձակումը կկործանի ամբողջ դիվիզիան, և անփառունակ այդ վախճանից լուր տանող էլ չի մնա, վերադարձել էին ելման կետերը, որպեսզի հրետանային կրակով բաց անեն հետագայում գնալիք ճանապարհը:

Գերմանական արտադրության թնդանոթներ էին կանգնած Արաքսի աջ ափին, այն օրերում ամբողջ աշխարհին հայտնի լավագույն թնդանոթները: Մյուրսալ փաշան կարգադրեց արկերով ձախափնյակի հողը շուռ տալ, թշնամու զորամասերը վառել արկերի տարափով: Սակայն մեկը մյուսից մի քանի տասնյակ մետր հեռավորության վրա դիրք բռնած և, մանավանդ, հմտորեն քողարկված, ամուր պատնեշների ու խոր փոսերի մեջ պաշտպանված հայ զինվորների համար անվտանգ էր արդեն այդ լավագույն գերմանական թնդանոթը:

Մի ժամվա դաժան կրակից հետո թուրքերը մտածում էին, որ ձախափնյակի մկներն էլ պիտի վառված ու փոշիացած լինեն, և նոր հարձակման անցան: Նախորդ հարձակման վախը սրտներում, սակայն արտաքուստ հանգիստ ու անվախ լցվեցին լաստերի վրա ու քշեցին դեպի ձախ ափը... Եվ հանկարծ այդ խանձված ու մեռած ձախափնյակը կենդանացավ: Նախկին դիրքերից կրակ էր տեղում հարձակվող թուրքերի վրա:

Մյուրսալ Փաշան իր բարձրադիր դիտակետից ամենայն պարզությամբ տեսնում էր Հինգերորդ հրաձգային դիվիզիայի աղետալի վիճակը և մտածում, որ այսօրինակ պատերազմով օրվա վերջում ինքը կմնա դիվիզիայի հրամանատար՝ առանց դիվիզիայի: Բայց ի՞նչ աներ, երբ այնտեղ՝ Ալեքսանդրապոլում, Կովկասյան բանակի հրամանատար Վեհիբը ամբողջ ճակատով հարձակման անցնելու կարգադրություն է արել և սպասում է միայն հաղթական լուրերի:

Լուսադեմին Ֆերիկ Վեհիբն անձամբ խոսել էր նրա հետ և հավաստիացրել, որ Հինգերորդի հաղթանակով է պայմանավորված ամբողջ ճակատի հաջողությունը: Իսկ հիմա Հինգերորդը միայն ջարդվում էր ու ետ սողում: Նա փորձեց իրավիճակի մասին հեռախոսով հաղորդում անել Ֆերիկին: Շտաբում ասացին.

— Մեքենայով գնացել է դեպի Սարդարապատ, շուտով կվերադառնա:— Շտաբի պետն էր, որի ձայնում Մյուրսալն զգաց մի անորոշ ցավ:— Բայց քեզ խորհուրդ կտայի նման տեղեկություն իրեն չհաղորդել:

— Իսկ ի՞նչ հաղորդեմ,— պայթեց դիվիզիայի հրամանատարը:— Ասեմ՝ հաղթում ենք, ջարդում-փշրո՞ւմ ենք հայերին, երբ այդ շեյթանի ծնունդները կառչել են իրենց դիրքերին և ալլահի կրակն են թափում մեզ վրա:

— Չգիտե՞մ, չգիտե՞մ, Մյուրսալ փաշա,— անմիջապես պատասխանեց շտաբի պետը և հայտնեց նաև մի գաղտնիք.— Ինձ կարգադրել էր Հինգերորդից կարևոր լուր ունենալուց անմիջապես հաղորդել իրեն: Գտնել և հաղորդել: Բայց այդպիսի լուրն ինչպե՞ս հաղորդեմ: Չէ՛, բարեկամ, գլխիցս ձեռք չեմ վերցրել: Նա հիմա այնպիսի հոգեվիճակում է, որ մեղավորներին բաց կթողնի ու թույնը կթափի իմ գլխին:

Մյուրսալ փաշան վախի ու կատաղության մեջ գլուխը կորցրել էր և չգիտեր՝ ի՞նչ անել, ի՞նչ խոսել: Բայց ո՞նց թե՛ ամեղավորներին բաց կթողնի: Ուրեմն, ինքը մեղավո՞ր է, որ չի կարողանում այդ անմիտ հրամանը կատարել: Այն ո՞վ է ասել, թե կարելի է զորքը քշել հրաշալի քողարկված, իր դիրքերում հարվածելու պատրաստ հակառակորդի դեմ և սպասել, որ այդ հակառակորդը պիտի խոնարհաբար ասի. «Եկե՛ք, բարո՞վ եք գալիս, մեր աչքի, մեր գլխի վրա տեղ ունեք: Եկե՛ք, մեզ հաղթեցե՛ք»: Եվ նա, շտաբի պետին խնդրեց, այնուամենայնիվ, գտնել վեհեր փաշային ու հաղորդել, որ ինքը, բավական կորուստներ տալուց հետո, դիվիզիայի մնացորդները ետ է քաշում, պիտի սպասի նոր կարգադրության: Այլ խոսքով՝ այն, ինչ սպասում են իր դիվիզիայից, անհնար է իրականացնել:

— Ոնց կուզե՛ք, Մյուրսալ փաշա,— զրույցը փակեց շտաբի պետը:— Ես ձեր մասին էի մտածում, թե չէ, նրան գտնելն ինձ համար ի՞նչ մի դժվար բան է:

Ճերիկ վեհերը շատ էլ հեռու չէր բանակի շտաբից. կայսրան էր գնացել Կարսից սպասվող համալրումների խնդրով: Այնտեղ ոչինչ չկարողացավ պարզել: Կարծես բոլորը, խոսքները մեկ արած, որոշել են ձախողել իր ծրագրերը: Մուսլ էր ու դաժան, շտաբում նստելու, նույնիսկ կանգնելու տեղ չէր գտնում որսը ճանկերից փախցրած վագրի նման: Եվ շտաբի պետը շխնայեց



նրան, հաղորդեց՝ ինչ որ գիտեր Հինգերորդ հարվածային դիվիզիայի մասին:

— Զանգել էր Մյուրսալ փաշան, — անշտապ սկսեց նա:

— Հը՛մ-հը՛մ, — աչքերը շոած մոնչաց Վեհիբը:

— Դե՛, նա ապիկարի մեկն է, չէ: Ես քանի անգամ եմ քեզ զգուշացրել:

— Հը, ի՞նչ էր ասում, ո՛ր է հասել, — գլուխն առաջ տված գոռաց Վեհիբը, և շտաբի պետին այնպես թվաց, թե նա, տաղ-նապի ձայն լսած նժույգի պես սրած ականջները վեր տնկեց. — Դե՛, ի՞նչ ես ձգում:

— Ասաց, որ մեծ կորուստներ է կրել...

— Բայց առա՞ջ է գնացել:

— Ո՛չ մի քայլ: Առաջապահները ջարդվել են, և, հարձակման հետագա փորձերն անմիտ համարելով, դիվիզիայի մնացորդները ետ է քաշում...

— Վա՛յ, ես դրա... Վա՛յ, ես այդպիսի զորքի..., — և Վեհիբ փաշան՝ Ֆերիկ-մարշալն ու Կովկասյան ճակատի հրամանատարը, Մյուրսալ փաշայի ու նրա զորքի յոթ պորտը նախշեց այնպիսի հիշոցներով, որոնցից կարող էին վառվել բարեկիրթ ամեն մի թուրքի ականջները: Եթե, իհարկե, շրջապատում գրտնըվեր այդպիսի թուրք:

Իսկ այնուհետև հեռախոսով կապվեց Սարդարապատի դեմ կանգնած Երեսունվեցերորդ դիվիզիայի հրամանատար Շեքի փաշայի հետ, նախապես, որպես ոգեպնդիչ լիցք, հայհոյանքի հարմար տեղերում հիշեց նրա տոհմի մեռելներին ու ողջերին, նոր միայն նայելով գրպանի ոսկե ժամացույցին, Պայտնեց, որ արդեն ժամը 12-ն է:

— Ժամը 12-ին, ուրեմն, դու հարձակման ես անցնում: Հասկացա՞ր, ա՛յ յո՞խ դառնաս դու քո ազգուտակով:

— Հասկացա՞, Ֆերիկ, հասկացա՞, — հեռախոսով թրթռում էր դիվիզիայի հրամանատարի դողացող ձայնը: — Բոլոր թնդանոթներից մի այնպիսի կրակ թափեմ, որ հայ զորքից մեկն էլ չմնա՝ խաբարը Երևան տանելու համար:

— Հա՛, այդպե՛ս: Այս ճակատամարտով դու պիտի քավես նախանցյալ օրվա մեղքը: Դու գիտես, որ ես դեռ քեզ չեմ պատժել այն խայտառակության համար: Ես... դու ձենք կտրի՛ր ու լսիր ի՛նձ: Միշտ չէ, որ մարդուն այդպիսի հնարավորություն է

ընձեռնում: Պիտի հենց հիմա ցույց տաս՝ դու մի բան արժե՞ս,  
թե՞ ոչ: Հակառակ դեպքում քեզ մի քոսոտ շան հետ կապած  
պիտի նետեմ աղբանոց:

\* \* \*

\*

Փիրումյան զորապետները լավ էին գուշակել թուրքական  
հրամանատարութեան ռազմավարական համառոտութունը. ժամը  
12-ին սկսվեց հայոց ճակատի կեղծ գծի ոմբակոծութիւնը: Ծրե-  
վի էրդրումից մինչև Սարդարապատ հասնելը թուրքական հրա-  
նոթների վողերից այնքան արկ չէր ելել, որքան այստեղ մի  
ժամվա ընթացքում: Կեղծ գիծն ամբողջ երկարութեամբ հրա-  
նոթային շրնդմիջվող, կենտրոնացված կրակի տակ էր: Արկերի  
պայթիւններից հողի, իճաքարերի ու փոշու սյուններ էին բարձ-  
րանում, և այդ խիտ սյուններից հյուսված վարագույրի ետև ոչինչ  
չէր երևում՝ ո՛չ կեղծ գիծը, ո՛չ նրա թիկունքում ձգվող իսկական  
ճակատը:

Ի՞նչ էին մտածում թուրքերը. որ իրենց անսպասելի ու ահա-  
վոր հրեւանածգութիւնից փրկվելու համար հայոց զորքը տապ  
է կացել ու խրամատներից շի՞ շարժվում, որ իրենք պիտի այն-  
քան կրակեն, մինչև այդ զորքի վերջին զինվորն էլ գետնի տա՛կն  
անցնի: Ի՞նչ էլ որ մտածելիս լինեին, ի՞նչ տեսակ ռազմագիտա-  
կան տրամաբանութեամբ էլ առաջնորդվելիս լինեին, կրակի տակ  
էին առել սուտ ճակատը և անսպասման համոզված էին, որ հենց  
այստեղ է փակվում պատերազմը, այստեղ է գերեզման գրվում  
հայոց բանակը:

Սարդարապատ կայարանի ջրհան աշտարակի թուրքերից  
խլվելուց հետո դեռ չէր նորոգվել, որա՛հասօրի ծառայի իր իսկա-  
կան նպատակին: Գանիելը եկ Փիրումյանն այն դարձրել էր իր զի-  
տակետը և Ալեքսանդր Շենուրի հետ այդ բարձրութիւնից հա-  
լացքի տակ էր առել ամբողջ ռազմաճակատը: Նա ուրախ էր, որ  
ամեն ինչ ընթանում է նախատեսվածի պես: Գոհունակութեամբ  
հիշեց Պողոսբեկին և հանկարծ շատ ցանկացավ իմանալ՝ նա  
դիտո՞ւմ է թուրքերի հրետանային կրակը:

— Հետաքրքիր է՝ գնդի հրամանատարն ի՞նչ է անում այս  
պահին, — ինքն իրեն հարցրեց նա:

Դաշտը բռնած դղրդոցի մեջ կապիտան Շնհուրը շսեց նրան  
և մոտեցաւ։

— Բա՞ն էիք ասում, պարոն հրամանատար։

— Ասում եմ՝ ո՞ւր է Պողոսբեկը, տեանո՞ւմ է, թե թուրքերն  
ինչպես են կատարում իր գծած պլանը։

— Խմբակոծութիւնից առաջ նա խրամատներում է եղել,—  
պատասխանեց Շնհուրը։— Երևի հենց այնտեղ էլ հրամանի է  
սպասում։

— Մենք պայմանաւորովել էինք, որ, եթե ամեն ինչ լինի մեր  
ծրագրածի պես, լրացուցիչ ոչ մի հրամանի չսպասեն։

— Ճիշտ որ,— հիշեց Շնհուրը։— Երևի հիմա թուրքերն առաջ  
կշարժվին։

— Թող շարժվեն, թող շարժվեն։ Չէ՞ որ մենք հենց դրան  
ենք սպասում։

Թուրքական հրանոթները շարունակում էին ռումբեր թափել  
հայոց «դիրքերի» վրա, որովհետև այնտեղ դեռ տեղ-տեղ  
ծխում էին աթարի կրակները։ Նույնիսկ ռումբերի փորած փոսե-  
րում էլ ցանուցիր եղած աթարի կտորներից մեղմ ծուխ էր բարձ-  
րանում, և թուրքերը շժմած էին այդ հրաշքից։

Վերջապես հրանոթների դղրդոցները սակավացան, և լսելի  
դարձան հայոց զանգերի ղողանջները, որոնք գալիս էին բոլոր  
կողմերից։ Շոգ էր, օդն այնպես խտացել էր, որ տեսանելի էր  
նրա թանձր շարժումը։ Այդ պատճառով էր, որ զանգերի ձայնը  
հեռացել էր, խլացել և թվում էր գետնի տակից ու երկնքի հե-  
ռավոր խորքերից եկող քառատրոփի արձագանք։ Մի շաբաթ էր,  
ինչ թուրքերը հանգիստ շունեին այդ զանգերի սարսռազդու ղո-  
ղանջներից։ Մի շաբաթ էր, ինչ նրանք ուզում էին սպանել այդ  
ձայները, որ այնպես թափվում էին նրանց գլխներին՝ քուն թե  
արթմնի, կոկորդում մնացած ոսկորների պես խեղդում էին ու  
տանջում։

Իջնելով իրենց գրաված դիրքերից՝ թուրքերը հայոց ճակատը  
համարում էին հողին հավասարեցված և Սարդարապատի դաշտի  
ամայության, շոգի ու փոշու մեջ գլուխներն էին թափ տալիս,  
որպեսզի թոթափեն զանգերի ղողանջները։ Դաշտում ջուր չկար,  
որ իրենց նևտեին ջրի խորքը, ժայռ չկար, որ ցած գլորվելին ու  
փրկվելին այդ ահավոր հետապնդումից։

Հարթ ու բաց դաշտը մեկեն լցվեց ասկյարներով։ Հիմա նրանց

հայացքները տնկված էին էջմիածնին ու Երևանին: Նրանց ասել են՝ էջմիածնի Ուլբրիխսան (երեք վանքերը) նստած է գանձերի վրա, որովհետև աշխարհի ոսկու և գոհարեզների կեսը հայոց վանքերում է ամբարված: Նրանց ասել են՝ հայոց ամենանախշուն աղջիկները Երևանում են, մրահոն ու լուանակերես, փափուկփափուկ, ոնց որ կանաչ արոտներում տրտինգ տվող երինջներ: Նրանց ասել են՝ այդ բոլորը և էլի ինչ որ սրտներդ ուզեն, ձերն են, շո՛ւտ հասեք, որ չփախչեն ու չփախցնեն...

Թուրքերն առաջ էին շարժվում շղթա կազմած, վտառ-վտառ, և նրանց վրա կրակող չկար: Նրանց անհանգստացնողը միայն զանգերն էին, որոնց ձայներն ավելի էին սաստկացել: Բայց դա հիմա կարծես այնքան էլ վտանգավոր չէր, որովհետև գալիս էր քարուքանդ եղած դիրքերի հտակից, անմարդաբնակ, անշունչ թվացող հեռավոր գյուղերից ու ավաններից: Թուրքերը սիրտ էին առել, մոռացել էին ամեն վտանգ ու զգուշություն, երգում էին, Երգում էր մեկը, մյուսները նրա հետ մրմռում էին ու երգի ամեն տողի վերջում միահամուռ գոռում՝ հո՛ւպ-հո՛ւպ:

Հայոց դիրքերը լուռ էին, և դա կրակոցի պատրաստ հրազենի լուռությունն էր: Որքա՛ն դժվար է մատը հանգիստ պահել հրահանի վրա, երբ թշնամին նշանացույցի կենտրոնում է ու առաջ է գալիս: Բայց պետք է հաղթահարել և ա՛յս դժվարությունը, չէ՞ որ գնդի հրամանատարն ատրճանակի կրակոցով հրահանք չի տվել:

Վարանդեցի Արշակն արժվային հայացքով որոշեց իր առաջին գոհը՝ նա քայլում էր շարքերի առջևից՝ աջ ու ձախ դառնալով, ձեռքերը վեր ու վար շարժելով. երևում է՝ խոսում է, կարգադրություններ է անում, մեծավորն է երևի դիմացից եկող խառնամբուխի: Ուսադիրները մատնում էին նրա բարձր աստիճանը, և Արշակի սիրտը թփթփում էր նշանացույցի մեջ վեր ու վար անոռի քայլերից: Սպասումն ի՛նչ հիմար բան է: Այդ ինքնագսպո՛ւմը: Դիմացից թշնամին է գալիս, նա, որին պիտի սպանես և այդ ցանկությունից վառվում ես ահա ուղիղ շորս տարի: Այդ շորս տարվա ընթացքում նա կոտորել է քո ազգի կեսը, ոչնչացրել է անպատիժ ու անսանձ: Եվ հիմա էլ այստեղ է քայլում դեպի քո երկրի վերջին մի թիզ հողն ու մնացորդաց մի բուռը, որպեսզի նրանց էլ ոչնչացնի և հետո ասի՝ ահա՛, այսպես. կա՛ր հայ ազգ,

նա մեր թշնամին էր, ոչնչացրինք, էլ չկա, և մե՛նք ենք նրա տան ու հողի տերը:

Արշակն ամենից շատ մտահոգւած էր մի բանից, վախենում էր՝ ինքն ուշացնի, և նշանացուցցի մեջ քայլող ամբարտավանն ուրիշի գնդակին բաժին դառնա: Իսկ որպեսզի իմանա՝ ի՞նչ գընդակն առավ, թե՞ ուրիշինը, ինքը նշան է բռնել ճակատին: Տարածությունն այնքան փոքր է, որ ամեն ինչ պարզ կերևա:

Գնդապետ Պողոսբեկ Փիրումյանի ատրճանակի կրակոցը թուրքերի վրա պայթեց որպես ահավոր ամպրոպ այն պարզ ու տոթ կեսօրին: Եվ Արշակի հրացանն էլ այնքան արագ արձագանքեց, որ կարելի էր կարծել, թե թուրք հրամանատարը հենց ատրճանակի գնդակից տապալվեց: Շոգած էր, ֆեսը ետ էր տվել, տնկել ծոծրակին: Շշմեց կանգնած տեղը, և մինչև ձեռքը կտաներ դեպի ճակատը, փայտի պես ընկավ առջևի վրա:

Խուճապը տվեց թուրք առաջապահներին: Քողարկված հայկական դիրքերից հնձող կրակով գործում էին գնդացիրները: Հրացանավորներից փրկություն չկար, որովհետև այդքան մոտիկից փակ աչքերով էլ կարելի էր անվրեպ կրակել: Նույնիսկ ատրճանակի գնդակը հասնում էր նպատակին: Եվ վար էին թափվում կարկտահար ասկյարները: Հնձվողների հետ գետնին էին փռվում նաև նրանք, որ դեռևս գնդակ չէին առել, բայց հասկանում էին, որ շրջապատում պատսպարվելու տեղ չկա, և միակ փրկությունը մեռածի պես ընկնելն է կամ զոհված հարևանի թիկունքում թաքնվելը, եթե, իհարկե, այս տեղատարափը ժամանակավոր բնույթ պիտի ունենա: Ետ փախչողներն ընկնում էին երկու քայլ շարած: Սուտմեռուկի տվողները հույս ունեին, թե ալլահը կօգնի և «ալլահ աքբա՛ր» էին կանչում մտքներում:

Հայոց զորքին կարգադրված էր տեղից չշարժվել և, եթե զորաշարժի կարիք լինի, այսինքն՝ եթե թուրքերն սկսեն թնդանոթներով շոշափել կրակակետերը, ապա զգուշորեն ետ սողալ դեպի հիմնական խրամատները, որոնք լավ են քողարկված և հարմար ու ապահով են նույնիսկ հրետանային կենտրոնացված կրակի դեմ:

Գնդի հրամանատար Պողոսբեկ Փիրումյանը դիտակետում հետևում էր մարտին և ականջը ռազիոյի ձայնին էր. սպասում էր հրամանի, որովհետև արդեն թուրքերը հրետանային կրակի տակ էին առել կրակակետերը: Աջում ուղիղ նշանառությամբ վնասվել էր գնդացիրներից մեկը: Գնդի հրամանատարը տես-

նում էր, թե ինչպես գնդացրորդը քաշքշում է մեքենան ու չի կարողանում կրակել: Նրան օգնող չկար, ուրեմն պարզ է, որ ընկերը ծանր վիրավորվել է կամ սպանվել: Համհարզին կարգադրեց խրամատով վազել գնդացրորդի մոտ և, եթե լուրջ օգնություն է հարկավոր, գումարտակի հրամանատարին տեղեկացնել՝ իսկ ինքը փորձեց կապվել ճակատի շտաբի հետ: Պատասխանեց կապիտան Շնեուրը.

— Պարոն գնդապետ,— ասաց,— կարգադրված է սպասել: Երևի թուրքերը նոր հարձակում կձեննարկեն:

— Իսկ եթե չձեննարկեցի՞ն:

— Սպասել՝ բոլոր դեպքերում: Պարոն Դանիելիբեկ Փիրումյանի կարգադրությունն է: Ասաց՝ ավելորդ կրակոցների կարիքն էլ չկա: Հանձնարարեք, որ դիպուկահարները հետևեն դաշտում ընկածներին...

Պողոսբեկն արդեն նման կարգադրություն ինքն էր արել՝ վստահորեն ենթադրելով, որ ընկածների թիկունքներում պաշտպանվողներ կան, որոնք հարմար պահի են սպասում ետ փախչելու համար: Բայց նրանց պատճառով չէր կարելի կրակով «սանրել» ընկածների շարքերը, այդքան զինամթերք չէր կարելի ծախսել: Գնդապետն իր այս հրամանի ու Շնեուրի տված տեղեկության կապակցությամբ մտածեց, որ ինքն ու Դանիելիբեկը, իրարից անկախ նույն ենթադրությունն են արել և, դրանից ելնելով էլ, կատարել նույն կարգադրությունը: Նա մտքում ծիծաղեց այդ և նախորդ կրկնությունների վրա: «Այս ի՞նչ է,— մտածեց,— Դանիելիբեկի կրկնօրինակն եմ դարձել: Թե երկուսս էլ, աշխարհի բանից անտեղյակ, շարժվում ենք ամենատես ու ամենահաս երկնայինի կամքով: Եթե ես իր նման պիտի մտածեմ ամեն տեղ ու ամեն ինչի մասին, եթե նա ինձ, ես իրեն պետք է հասկանանք կես խոսքից, երբեմն նույնիսկ առանց այդ կես խոսքն ասելու, կարիք կա՞, որ ես ստվերի պես քարշ գամ իր ենթակայության ներքո՞: Բայց ո՞ւր գնամ, երբ մեր ազգը միայն մեկ ճակատ ունի իր թշնամու դեմ... Եվ, այսուհանդերձ, մտածելու բան է: Ա՛յ, այս պատերազմն ավարտվի, հենց իրեն՝ Դանիելիբեկին, կասեմ. «Այս ո՞նց է լինում, որ ես միայն քեզ նման եմ մտածում, ինչո՞ւ դու խլել ես իմ ինքնուրույնությունը, այն, ինչ այսքան տարի աչք էր ծակում բոլոր այն զորամասերում, ուր ծառայելու բախտ եմ ունեցել: Ամենուրեք բարձր

հրամանատարները, հատկապես ծեր զեներալները, դիտողութիւն էին անում. «Պավելը եկ Փիրումյանն, իհարկե, այլ կարծիքի է, դե՛, նա ուրիշ տեսակ է մտածում, մտածելու մի ուրիշ եղանակ ունի...»: Եվ դա այնպես էին ասում, ոնց որ խոսքը վերաբերեր մի աննորմալ անուղղելիի, որի նկատմամբ ներողամիտ են միայն նրա համար, որ այդ աննորմալն ունի նաև արժանիքներ:

Գնդապետի դիտակետը խրամուղու կենտրոնում էր, կրակակետերի թիկունքում, և այնտեղից պարզ երևում էին դիրքավորված մարտիկների գործողութիւնները: Պողոսբեկը հաճախ էր հայացքը դարձնում նորաթուխ զինվորներին, և ուրախ էր, որ նրանց հարևան փորձառուներն ամեն ինչի հետները խոսում էին, ցույց էին տալիս հրաձգութեան գաղտնիքները, բացատրում էին մարտավարութեան տարրական եղանակները: Առաջին մարտից անմիջապես հետո նա գնդի բոլոր օղակները համալրել էր գոնե առաջին հայացքից ընդունակ թվացող աշխարհագրայիններով և կարգադրել, որպեսզի ջոկերում յուրաքանչյուրին կցեն մի փորձառու զինվորի: Հիմա այս փորձառուն էլ յուրովի հանձնարարութիւն էր ստանում սովորեցնել նրա շիմացածը, ապա աչքը վրա պահել, որ նշանակում է անընդհատ հետևել ու օգնել:

\* \* \*

Երեկոյան դեմ կապիտան Շենուրը համարյա վազելով ներկայացավ ճակատի հրամանատարին, որը ջրհան կայանի դիտակետում էր, և անսովոր ցնծութեամբ զեկուցեց.

— Պարոն հրամանատար, — ասաց, — ուրախ լուր ունեմ հաղորդելու:

— Ի՞նչ է պատահել, կապիտան: — Փիրումյանն այդպես երջանիկ ու ժպտերես շէր տեսել իր օգնականին: — Ղարաքիլիսայի՞ց է լավ լուր եկել:

— Ո՛չ, պարոն հրամանատար: Չեք պատկերացնի: Ալեքսանդրապոլում մեծ աղետ է եղել. գնացք է գլորվել ձորը:

— Դա ի՞նչ ուրախալի բան է, կապիտան, — տխրեց Դանիելբեկ Փիրումյանը, մեկ էլ մտածեց, որ գնացք է՛լ կա, գնացք է՛լ և պայծառացավ: — Հո ուղղմական գնացք չի եղել:

— Ասկյարներով լիքը, — ժպտում ու ծափ էր զարկում Շենուրը:

ըրբ— Կարսից օգնական ուժեր հասցնող գնացքն է եղել: Ռուս մեքենավարը գնացքը բաց է թողել դեպի ձորը, ինքը փախել: Չե՞ք պատկերացնի...

— Ռուս մեքենավարը:

— Այո՛, ո՞րև: Ազգանուն էլ Վինոգրադով է: Վեհիբ փաշան օտարիցով զեկուցում էր իր կառավարութեանը: Պատահաբար որսացի խոսքը: Գերմաններեն էր զեկուցում, երևի, որպեսզի որսացողները բան չհասկանան:

— Գերմաններեն լավ գիտեն նրանք,— տնքաց Փիրումյանը:— Բոլորն էլ ձեր հայրենիքում են կրթվել ու դաստիարակվել:

Կապիտան Շնեուրը գլուխը կախ գցեց մեղավոր, կարծես ինքն էլ մեղավոր էր, որ թուրքերն իր հայրենիքում էին կրթվել ու դաստիարակվել:

— Ես էլ ասեմ՝ ինչո՞ւ չկրկնեցին հարձակումը,— կապիտանին անհարմար վիճակից հանելու նպատակով խոսքը փոխեց Փիրումյանը:— Նրանք այսօր պետք է ցույց տային, թե իրենք ինչի՛ են ընդունակ:

— Նրանք այդ ամեն օր էլ ցույց էին տալիս, պարոն հրամանատար,— բազմանշանակ ասաց Շնեուրը:

— Այո՛, ամեն օր էլ ցույց էին տալիս և դեռ կշարունակեն,— հանկարծ բռնկված մի զայրույթով՝ կապիտանի գցած խայծը բռնեց հրամանատարը:— Նրանք որոշել էին այսօր ոտքի տակ տալ էջմիածնի սրբութունները: Ընկած մինքաշու պայուսակից օրագիր են հանել: Այնտեղ գրված է, որ առավոտյան Վեհիբ փաշան այդպիսի հրաման է տվել:

— Ի դեպ, պարոն հրամանատար,— անհամարձակ խոսեց Շնեուրը,— զորամասերից անվերջ հարցնում են, թե ինչո՞ւ տեղից չենք շարժվում: Մի քանի անգամ շտաբս կապիտան վարդան... Ո՞նց է ազգանունը... Չակոնյա՞ն, Չակինյա՞ն...

— Վարդան Չաղինյա՞նը: Քաջ տղա է, ի՞նչ է ուզում:

— Անհագստանում է, որ դաշտում այսպիսի հաջողություն ունենալուց հետո տեղները նստած են: Թե չէ, ասում է, հաջողութունը կարելի է զարգացնել հարձակվելով:

Դանիելբեկ Փիրումյանը ծիծաղեց քթի տակ:

— Իհարկե, լավ է, որ մեր ենթականերն այդպես վառվում են առաջ գնալու և թշնամուն շարդելու կրակով,— հետո ծանր



հառաչեց ճակատի հրամանատարը:— Բայց պիտի հաշվի առնել, որ մեր դեմ հիմա կանգնած են թուրքական երկու դիվիզիա: Այդքան փորձված զինվորներ, որոնք մինչև ատամները զինված են,— և այստեղ հրամանատարը դարձյալ ձայնին ուրիշ երանգ տալով՝ շփեց զրուցակցի ցավող տեղը,— զինված են գերմանական ընտիր թնդանոթներով ու գնդացիներով... Երկու դիվիզիա, նրանց թիկունքում էլ՝ առնվազն երկու ուրիշը... Իսկ մենք ինչո՞վ պետք է բաց դաշտում հարձակման անցնենք ու հաղթենք այդքանին: Մեր անփորձ աշխարհագրայիններո՞վ, թե՞ թիկունքից պարեն բերող ավանակների շարասյուններով:

Ալեքսանդր Շենուրը զարմացած էր իր հրամանատարի անեռանդ տրամադրությամբ, մտածում էր, թե ի՞նչ մեծ պատճառ է եղել այսօրինակ փոփոխության: Երեկ-մյուս օրը խոսում էր այն մասին, որ պետք է, ի՞նչ գնով էլ լինի, կասեցնել թուրքերի առաջխաղացումը, ապա հակահարձակման անցնել և հայրենի հողը մաքրել նրանցից: Այսօր փոխվել է խոսքը, տրամադրությունն այն չէ այլևս...

Փիրումյանը Շենուրի դեմքին կարդաց այդ հարցը և ջանաց պարզել նրա համար այն, ինչ իրեն դեռևս չէր պատկերանում ամբողջ որոշակիությամբ:

— Երևի մտածում եք, թե ո՞վ է այս խոսքերի տերը, ի՞նչ էր ասում երեկ և ինչ՝ այսօր: Այդպես չէ՞: Ա՛յ, ձեր դե՛մքն ինձ հուշեց: Գուցե իրավացի եք, որ այդպես եք մտածում: Իսկ դիրքերում ավելի շատ իրավունք ունեն. նրանք պարապությունից ձանձրանում են: Ծտ փախչելիս չէին ձանձրանում, նստած տեղը ձանձրանում են:

— Պարոն հրամանատար,— անհամարձակ խոսեց Շենուրը, երևի ներքուստ համոզված չլինելով՝ իրավունք ունի՞ ասելու այն, ինչ որ պետք է ասի: Սակայն Փիրումյանի անկեղծ ու մարդամոտ վերաբերմունքը ոգևորում էր նրան:— Ծս մտածում եմ, թե այսօր մեր դեմ երկու դիվիզիա են կանգնած, վաղը ևս կանգնած կլինեն այդ երկուսը՝ մեզ համար լավագույն պարագայում... Իսկ վատագույն պարագայում... չէ՞ որ ավելին կլինի...

— Մենք բաց դաշտում, ճակատ ճակատի զարկելով ո՛չ այդ երկու դիվիզիային կարող ենք հաղթել, ո՛չ էլ գրանից շա-

տին, որ իսկապես մեզ համար կլինի ամենավատագույն պարագան: Երևի մտքում ասում եք՝ ապա ի՞նչ անենք: Ես էլ այդ մասին եմ մտածում:— Փիրումյանը գլխարկը հանեց, քրտնած ճակատը շփեց թաշկինակով: Ապա նստեց մոտիկ քարին, հայացքն Արարատի կողմ մտորեց մի պահ, հետո փորձեց շոշափել իր շտաբի պետի հետաքրքրասիրութունը.— Ա՛յ, եթե հարվածող մի կարգին ուժ ունենայինք, որ հասցնեք վզակոթին... Այդ գնացքի աղետն, իհարկե, մեծ հարված է: Բայց ես նկատի ունեմ այնպիսի հարված, որից գլուխները կորցնելին դիմացի երկու դիվիզիաները: Ուժ չունենք, պատկերացնո՞ւմ եք: Մեղանից այն կիսատ-պոատ գնդերը տարած չլինեին, էլի կկարողանայինք մի բան կազմակերպել:— Փիրումյանը հանկարծ զրույցի թեման փոխեց.— Իսկ մնացած ճակատներից ի՞նչ լուր կա. Բաշ-Ապարանում, Ղարաքիլիսայում ո՞չ մի փոփոխութուն:

— Ղարաքիլիսայի ճակատը, կարելի է ասել, չկա այլևս,— համարյա անտարբեր պատասխանեց Շնեուրը:— Այնտեղ մեր զորքը նահանջել է գեներալի ետևից, գտնվում է Դիլիջանում: Իսկ Բաշ-Ապարանում, կեսօրվա տվյալներով վատ չէ դրութունը: Մերոնք հանկարծակի հարձակումով Քյուլլուջա գյուղում ոչընչացրել են երեք հարյուր ասկյար և հիմա նոր ստացած զորաշոկատներն են կարգի բերում՝ վճռական ճակատամարտ սկսելու համար:

— Այդ է՛լ հարված է թիկունքից,— ուրախացավ Փիրումյանը:— Սակայն կարևորը, ամենակարևորը պիտի կազմակերպել ուրի՛շ տեսակ:

Մի փոքր մտածելուց հետո նա տեղից վեր կացավ և հեռանալուց առաջ խնդրեց ուղիով հաղորդել Պողոսբեկին, որ ներկայանա շտաբ.

— Մի ժամից ես այնտեղ կլինեմ:

Դանիելբեկը սովորութուն ուներ կարևոր վճիռ հանելուց առաջ մի կողմ քաշվել, ներանձնանալ, հիշել իր կյանքի հին ու նոր դրվագները: Նրանց քննութունն օգնում էր անելիքի մեջ կողմնորոշվելու... Առհասարակ միայնության մեջ հեշտ էր լինում ընտրել, գոնե իր համոզմամբ, միակ ելքը:

Չէր հիշում ե՛րբ և որտե՛ղ է կարգացել, թե սուլթան Մոհամեդ Զաթիհը,— նա, որ Կոստանդնուպոլիսը նախ լողացրեց նրա բնիկ տերերի արյունով, ապա նվաճեց ու դարձրեց Օսման:

յան կայսրութեան մայրաքաղաքը, — իր ռազմական ծրագրերը գաղտնի էր պահում նույնիսկ այն զորավարներից, որոնց միջոցով պետք է իրականացնէր հերթական նվաճումները: Այդ նա էր ասել. «Եթէ միրուքիս մի մազն անգամ իմացավ իմ նպատակները, իսկույն կպոկեմ այն ու դեն կնետեմ»:

Հիմա Մոհամեդ Ֆաթիհի ժառանգորդների դեմ կովկէիս նրա պես գաղտնապահ՝ պիտի լինել: Եվ ինչո՞ւ զորքն ու հրամանատարներն այդքան անհանգստանում են: Զէ՞ որ ինքն այժմ «գաղտնապահ» էր դարձել ակամա, իսկ առհասարակ, միշտ ու ամենուր այն համոզմունքն է ունեցել, թէ հաջողութեամբ է պսակվում այն գրոհը, որի բոլոր մասնակիցները գիտեն և ընդունում են նրա ոչ միայն նպատակը, այլև այդ նպատակին հասնելու ճանապարհն ու եղանակը՝

Այս մտորումը նրան տարավ դեպի էրզրում, դեպի այն ճակատամարտը, որը դարձավ ուսական բանակի կովկասյան ռազմարշավի ամենափայլուն դրվագներից մեկը՝

Այդ օրերի հիշողությունը միշտ էլ թունդ էր հանում նրա սիրտը, մարմինը ձգվում-լարվում էր ինքնաբերաբար, կարծես վերստին հրաման էր ստացվել, աննահանջ առաջ գնալու, արյան, տառապանքի ու մահվան գնով թշնամուն հաղթելու հրաման:

Ցուրտ ձմեռ էր, Հայկական բարձրավանդակի այն անօրինակ սառնամանիքը, երբ լեռներում նստած ձյան շերտերի տակ անհետանում են մարդ ու անասուն, և քամին սառեցնում, ձյանն է գամում շաք բախտով այդ կողմերն ընկած ճանապարհորդին:

Ռուսական բանակի զորամասերը հարձակման էին անցել թուրքական ճակատի բոլոր կետերում: Առաջարժումը դժվար էր ամենուրեք, Սակայն այն դիմադրությունը, որ պիտի կտորեք կովկասյան Առաջին կորպուսի 153-րդ հետիոտն գունդն էրզրումի ճակատի Դալան-գյոզ ամրոցի ուղղությամբ, երևի թե ամենափանրն էր հունվարյան այն օրերի բոլոր փորձությունների շարքում:

Դալան-գյոզը շրջապատի շորս կողմերի վրա իշխող դիրք ուներ, և այնտեղ ամրացած թուրքական զորամասի ուժեղ, շքնամիջվող գնդակոծության տակ էին գտնվում ուսները՝ ո՛ր կողմից էլ փորձեին մոտենալ ամրոցին կամ առաջ շարժվին դեպի էրզրում:

153-րդ գունդը հունվարի լույս 30-ի գիշերը Դալան-գյոզ

ամրոցի վրա հարձակվեց հյուսիս-արևելքից: Գնդապետ Դանիել-բեկ Փիրումյանը կարգադրել էր, որ բոլոր մարտակարգերը բերդ-ամրոցին մոտենան անաղմուկ, անթերի քողարկությամբ (ու որ ծխելու փորձ էլ չպիտի աներ): Այնուհանդերձ, թուրքաց պահակակետերում նկատել էին գնդի տեղաշարժը և զանգվածային կրակ բացեցին զորաշարքերի վրա: Այն ժամանակ Փիրումյանը հրամայեց կայծակնային արագությամբ առաջանալ և պահակազորայիններին սեղմել իրեն: Ղիրքերին: Երբ այս հրամանը կատարված էր համարյա առանց կորուստների, նա աչ զորասյան գլուխն անցած կտրուկ շրջանցում արեց և գրոհը փոխադրեց հյուսիսային ճակատ: Զորասյան առջևից թրամերկ առաջ էր գնում ինքը՝ գնդի հրամանատարը, և նրա հնարամիտ վճռին տեղյակ էին բոլոր զինվորները: Գրոհող վաշտերի հազթական «ուռան» շմեցրեց թուրքերին, որոնք ամրոցի այդ կողմից հարձակում չէին սպասում: Եվ մինչև նրանք ուշքի կգային, Փիրումյանի վաշտերը ճեղքեցին պաշտպանությունը, սվիններով ճանապարհ բացեցին դեպի բերդամրոցի կենտրոն: Այստեղ էլ սկսվեց խուճապի մատնված թուրքերի այն կոտորածը, որը հպարտությամբ պիտի հիշեին նրա մասնակիցները:

Բերդը պաշտպանող թուրքական մեծաքանակ զորամասից մի քանի սպաներ միայն կարողացան փրկվել և ճողոպրել դեպի հարևան բերդերն ու զորամիավորումները: Նրանք Քյոսա-Մամեդ, Չոբան-դյադա, Ուզուն-Ահմադ և այլ կետերում գտնվող յուրայիններին տարան Դալան-գյոզի անկման բոթը, և թուրք հրամանատարությունն շտապեց կորցրածը ետ առնել:

Իսկ բերդին տիրացած Դանիելբեկ Փիրումյանն անմիջապես կարգի բերեց ծանր վնասներ կրած իր վաշտերը, դիտանոցներում ու հրակնատներում նշանակեց գնդի լավագույն զորականներին, ապա կարգադրեց շուտափույթ իրար բերել նվաճած զինամթերքն ու պարենը:

Եթե Դալան-գյոզի նվաճումը եղել էր դժվարագույն խնդիր, ապա այն պահելը պիտի լիներ անհնար, որովհետև թուրքերը դիտեին, որ այդ բերդ-ամրոցը բանալին է էրզրումի:

Հունվարի 30-ի առավոտյան թուրքերը թարմ ուժերով գրոհի եկան ամրոցի վրա: Գրոհող զորամասերին ուղեկցում էին ավելի քան հարյուր թնդաձոթներ, որոնք անդադար կրակի տակ էին պահում Դալան-գյոզն ու նրա մատույցները: Իսկ ամրոցին տի-

րացած գունդը կտրված էր ոռուսական մյուս զորամասերից և ի՛նքը պիտ տնօրիններ իր բախտը: Ո՛չ համալրում կարող էր ստանալ, ո՛չ զինամթերք:

Այն ժամանակ Փիրումյանը կարգադրեց. «Ապարգյուն և ո՛չ մի կրակոց»: Թույլ էին տալիս, որ թուրքերը մոտենան, ապա բաց էին անում հրացանային ու զնդացրային այնպիսի կրակ, որից փրկվող չէր լինում: Ցերեկվա ընթացքում թուրքերը ձեռնարկեցին այդպիսի յոթ հարձակում, յոթն էլ իրենց համար ողբերգական: Ութերորդ հարձակումը տեղի ունեցավ իրիկնամուտին: Այս անգամ պաշտպանվող մաղված զորամասը սպառեց ամբողջ զինամթերքը և պետք է առանց կրակոցի հանձնվեր թշնամուն, եթե դարձյալ շքունկվեր հրամանատարի անօրինակ խիզախության կրակով: Վերջին զնդակներն արձակած, հոգնած ու հուսահատ ջոկատների առաջ Փիրումյանը կանգնեց իր հաղթական հասակով մեկ և, մերկացրած թուրը գլխից վեր բարձրացնելով, գոռաց.

— Քաջե՛ր, իմ ետևից, ուռ-ուա՛:

— Ուռ-ուա՛, — միահամուռ գոչեցին ողջ մնացած երեք հարյուր զինվորները և սվիններն առաջ մեկնած հետևեցին տարեց զորապետին:

Թուրքերն սպասո՞ւմ էին այդպիսի հակահարձակում:

Ո՛չ: Դալան-գյոզ ամրոցը բոլոր կողմերից կտրելով և նրա վրա ուղղելով իրենց թնդանոթների, զնդացիրների անդադրում կրակը, երևի մտածում էին, թե ներսինները կա՛մ հողին կհավասարվեն, կա՛մ էլ անհուսությունից կհանձնվեն իրենց ողորմածությունը: Իսկ հիմա իրենց հետ ձյունահյուսեր վար թափող «գյավուրները» դղրդածախն «ուռայով» թրատում ու սվինահարում էին աչ ու ձախ՝ Խուճապահար ետ փախչող թուրքերը ոտնատակ էին տալիս իրար, կոխկրտում, տրորում: Եվ նրանց այնպես էր թվում, թե իրենց ետևից ալլահի պատիժն է գալիս, ու չկա ոչ մի փրկություն:

Դալան-գյոզի առումն ու պաշտպանությունը ռազմաճակատի շտաբում գնահատվեցին իբրև ոռու-թուրքական պատերազմի՝ խիզախությամբ անօրինակ գրվագներից մեկը, որը փաստորեն բացեց ոռուների ճանապարհը դեպի էրզրում, գարձավ կարևոր հաղթանակի սկզբը: Եվ պատահական չէ, որ էրզրումյան հաղթարշավից հետո բանակում զնդապետ Դանիելբեկ Փիրում-

լանն ստացել էր մի երկրորդ, առավել գործածական անուն՝ էրզրումի հերոս:

Հիմա դեռ հիշում են այդ երկրորդ անունը. երեկ Շնեուրն իր ապարատով բռնել էր Թիֆլիսից եկած մի հեռագիր, որ գորավար Լեբեգինսկին էր տվել՝ Կովկասյան ճակատի նախկին հրամանատարը: Հիմա արդեն նախկին, որովհետև Անդրկովկասյան միացյալ կոչված կառավարութունն արդեն կտրականապես հրաժարվել էր նրա ծառայութուններից: «Շնորհավորում եմ ձեր խիզախ վճիռը,— այսպես էր գրել ռուս զորավարը:— Ես հավատում եմ էրզրումի հերոսին. ու նրա բախտավոր աստղին»:

«Բայց հիմա որքա՛ն հեռու ենք այն օրերից,— մտածում էր էրզրումի հերոսը:— Այն ժամանակ մեզ հետ էր ռուսաց հզոր բանակը, և մեր թիկունքում ունեինք մի անհուն ու անեզերք Հայաստան: Հիմա հայացքս ո՛ր կողմ դարձնում եմ, մեզնից խլված հողերն են, մեր ավերված քաղաքներն ու շեները... Հիմա ո՛վ է մեզ հետ միասին թշնամու դեմ կովողը: Թուրքերն առաջ են գալիս, մեր թիկունքում դավեր են նյութում նրա հավատակիցները, իսկ երեկվա մեր դաշնակիցներն այսօր պատրաստ են հռչոտելու Հայաստան աշխարհի վերջին պատառը»:

\* \*  
\*

Ներկայացան գնդապետ Պոլոսբեկ Փիրումյանը և Գարեգին սրբազանը: Տաք-տաք խոսում էին ճակատի մասին, և Շնեուրը մոտավորապես հասկացավ, թե նրանց ի՛նչն է անհանգստացնում, գաղտնիք հայտնողի խորհրդավորությամբ ասաց.

— Հիմա ինքը կգա և կասի՝ ինչո՞ւ է ձգձգում հարձակումը՝

— Իսկ դուք ո՞նց իմացաք, որ մենք այդ մասին ենք խոսում,— գերմաներեն հարցրեց սրբազանը:

— Ես համարյա ամեն ինչ հասկանում եմ, սրբազան,— ժպտաց Շնեուրը:— Խոսել չեմ կարողանում. հնչյուններն աղավաղվում են կոկորդումս:

Շնեուրն ու սրբազանը մայիսի 22-ի ուշ երեկոյան էին ծանոթացել: Զրուցեցին երկար: Գերմանացի կապիտանն իր մայրենի լեզվին վաղուց ծարաված՝ խոսում էր նրա հետ, և աստիճանաբար զարմանքը փոխվում էր հիացումի ու սիրահարվա-

ծուխյան, որովհետև խոսքից-խոսք հայ հոգևորականի գերմաներեն խոսքում զգում էր իր մայրենի լեզվի պերճաշուք ամբողջունը: Նա այն ժամանակ մտածում էր, որ մի լեզվի արժանիքները լրիվ գիտակցելու, նրա հմայքն ամբողջությամբ զգալու համար երևի պիտի կարողանաս կողքից նայել. ա՛յ, այսպե՛ս՝ մի հմուտ գիտակ իր օտար առողանություններ խոսի, և դու նրա խոսքի մեջ պարուրված բառերն ու արտահայտությունները, նախադասություններն ու կապակցությունները ոչ միայն լսես, այլև տեսնես (սրբազանն այնպես էր խոսում, որ բառերն ասես նաև երևում էին իրենց պատկերներով՝ հայի առողանության թափանցիկ փաթեթների մեջ առնված): Բայց Շենուրն, ամենից առաջ, հիացած էր Գարեգին եպիսկոպոսի տրամաբանությամբ, գիտելիքներով ու ճարտասանական վարպետությամբ: Սրբազանը նրան թվում էր իսկապես սրբազան մի գոյություն, որի հետ ծանոթանալն ու ահա այսպես մոտիկից շփվելը համարում էր իր գերազույն երջանկություններից մեկը: Այն գիշեր բաժանվելիս իր այս զգացումն էլ բացատրեց Գարեգին եպիսկոպոսին, ասաց. «Հայերեն ի՛նչ լավ էլ հնչում է ձեր աստիճանը՝ «սրբազան»: Սրբազանը համեստորեն պատասխանեց, որ դա պաշտոնի անունն է, հագուստի նման մի բան, և միշտ չէ, որ հագնողը փայլում է իր սրբազանությամբ: Այն ժամանակ գերմանացի կապիտանը պնդեց. «Ես ձեր մասի՛ն եմ խոսում. ձեր պարագային հագուստը շատ է հարմար ու համապատասխան հագնողին: Եվ ես այսուհետ պետք է միշտ հիշեմ, որ կյանքում բախտ եմ ունեցել առնչվելու իսկական սրբազանության հետ»:

Ճակատի հրամանատարը եկավ, և շորս հոգով, դեմ-դիմաց նստած, իրար նայեցին այնպիսի բարեկամությամբ ու կարոտով, որ կարելի էր մտածել, թե վաղուց չէին հանդիպել: Գանիելը բաժանեց, որ պիտի կանչեր նաև մնացած զորամասերի հրամանատարներին, մեկ էլ մտքում արդարացրեց իրեն. «Ի՛նչ կփոխվեր դրանից. նստում նայում են բերանիս, իսկ ինձ մտածող զրուցակից է պետք»:

— Երևում է, մտածում եք, թե ի՛նչ ենք խլուրդների նման խրամատներում թաքնվել և առաջ չենք շարժվում,— ասաց նա և ժպտուն հայացքը հառեց Գարեգին սրբազանին:

Հենց սրբազանն էլ նրա խոսքին պատասխանեց.

— Մեղքս ի՛նչ թաքնեմ,— ասաց,— մտածում եմ, բայց

ինձ իրավունք չեմ վերապահում խառնվելու ձեր գործին: Զորամասերում էլ քանի՜ անգամ զինվորներն են հարցրել: Ես նրանց այսպես եմ պատասխանել. «Ձեզանից ամեն մեկը,— ասում եմ,— իր քթի թուշն է տեսնում, իսկ զորավարը տեսնում է ամբողջ ռազմաճակատը: Կլինի՞, որ ձեր տեսածը ճիշտ լինի, նրանք՝ սխալ: Նա բոլորից էլ ճիշտ ու լավ է տեսնում և գիտե, թե ի՞նչ և ինչպե՞ս պիտի անենք, որ լավ լինի ու պատերազմը շահենք»:

Ճակատի հրամանատարը քթի տակ ծիծաղեց.

— Ուրեմն, վիճակներս այնքան էլ լավ չէ, եթե Գարեգին սրբազանը ևս դիվանագետի պես է խոսում:

— Աստծո՛ւ սիրուն,— ձեռքերը բարձրացրեց, կրծքին դարսեց սրբազանը,— ի՞նչ դիվանագիտություն: Ես մտածածս եմ ասում:

— Մտածածն ասելը մեզ կօգնի,— լրջացած խոսեց հրամանատարը և հիմա էլ գիմեց Պողոսբեկին.— Իսկ ի՞նչ է մտածում մեր Մահապարտների գնդի հրամանատարը:

— Ա՛խր, մեզ շուտ կողոպտեցին այդ...,— կոշտ ու փշոտ մի բառ պիտի գցեր Պողոսբեկ Փիրումյանը, սակայն պահեց, և հիմա էլ կարծես այդ բառն իր ներսն էր ծակծկում. դեմքը կընճռոտեց.— Մի կլոր ու ճկուն զորամաս կուղարկեինք, շրջանցումով կհարվածեր թիկունքից... Խուճապը որ ընկավ թուրքի բանակը, նրանից հետո մենք այստեղից մի այնպիսի հարված կհասցնեինք, որ էլ ուշքի չգար: Իսկ հիմա վեր կենալ և այս բաց դաշտում մարտի բռնվել թվով ու զինավառությամբ գերակշիռ զորքի դեմ, կարծում եմ, ճիշտ չի լինի: Սխալ արած կլինենք: Իսկ մենք այլևս սխալվելու իրավունք չունենք: Մինչև հիմա ուրիշ էր վիճակը: Հիմա մի սխալը կարող է լինել վերջինը և վերջակետ կդնի ամեն ինչի վրա: Հը՞, ի՞նչ եք զարմացած նայում: Ես այսպես եմ տեսնում մեր վիճակը: Ես այսպես եմ մտածում:

Դանիելբեկ Փիրումյանը նայեց կապիտան Շնեուրին, և երկուսով խորհրդավոր ժպտացին: Հետո Փիրումյանը կապիտանին ասաց.

— Հիմա կարելի՞ է գտնել զորավար Սիլիկյանին:

— Բայց ի՞նչ է պատահել,— զարմացած հետաքրքրվեց գնդի հրամանատարը.— Դուք հարցրի՞ք, թե ես ի՞նչ եմ մտածում:



Գանիելը եկ Փիրումյանը հայացքով սաստեց տոհմակցին:

— Մա՛րդ ասածո, դու էլ ի՞նչ ես իրարով անցնում: Ճիշտ ես մտածում. ա՛յս էիր ուզում իմանալ: Միանգամա՛յն ճիշտ: Իհարկե, ի՛մ կարծիքով: Մի երկու ժամ առաջ կապիտան Շենուրի հետ խոսում էինք, և մեր եզրակացությունն էլ այդ էր. թիկունքից մի հզոր ու ցնցող հարված հասցնել և նո՛ր այստեղից սկսել հարձակումը:

Նա վեր կացավ, Շենուրի ետևից գնաց դեպի ռադիոյի սարքը և ճանապարհին մտերմորեն սեղմեց Պողոսբեկի ուսը: Իսկ վերջինիս դարձյալ խեղդում էր «սովերի» գիտակցությունը: «էլի՞ նույնը. սովերի պես հետևում եմ իրեն. «Մեր եզրակացությունն ա՛յդ էր»: Իր եզրակացությունն այդպես էր, և ես նույնն եմ կրկնում թուփակի պես: Մի՞թե միշտ այսպես պիտի լինի. ինքն ասի, և ես հաստատեմ, կամ ես մի բան ասեմ, և պարզվի, որ դա այնքան էլ իմը չէ, որովհետև մի քանի ժամ առաջ ինքն է այդպի՛սի եզրակացության հանգել...»:

Մնացել էին երկուսով՝ Գարեգին սրբազանն ու Պողոսբեկը, և սրբազանը դարձավ նրան.

— Այդ մեկը լավ ասացիր. թիկունքից մի լա՛վ հարված...

— Բայց իրենք այդ կարծիքն արդեն ունեին:

Սրբազանը նրբանկատորեն զգաց նրա ներքին դժգոհության կայ՛ւր և փորձեց տեղնուտեղը մարել.

— Ի՞նչ կա որ. ինքն իր կարծիքն ուներ, ստուգեց-պարզեց, որ դու էլ իր պես ես մտածում... Հո չե՞ս նեղանում, որ քեզ հետ դու-ով եմ խոսում:

— Ի՞նչ եք խոսում, սրբազան, ես ուրախ եմ դրա համար: Որքան ժամանակ է, միասին ենք, հա՛մ էլ դուք բոլորիս համար հոր պես եք:

— Դե՛, որ այդպես է, խոստովանահայր ընդունեցեք,— ժպտում է սրբազանը:— Հիշո՞ւմ ես, մենք երկու պանծալի զորապետներ ունեինք Զաքարյան տոհմից. Զաքարև ամիրսպասալարն ու Իվանե աթաբեկը: Նրանց խոստովանահայրն էր Միթիթար Գոշը՝ գրող և իրավագետ:

— Կարծեմ, նա այնքան էլ չէր սիրում Իվանեին...

— Հա՛, չէր սիրում, որովհետև Իվանեն թողել էր մեր հավատը, հարում էր քաղկեդոնականության:

— Հիմա ես Իվանէն պիտի լինեմ,— հարցրեց Պողոս-  
բեկը:

— Օ՛հ, Իվանեն էլ քաջ ու խելոք մարդ էր: Միայն այդ մո-  
լորությունն էր ունեցել...

— Խոստովանանք լինի, սրբազան, ես երբեք ինձ մոլեռանդ  
հավատացյալ չեմ համարել: Բայց միշտ էլ մեր հավատից երեք  
դարձնողներին նայել եմ որպէս դավաճանների, որոնք երեւի  
ընդունակ պիտի լինեն ամեն տեսակ ստորության:

— Իրականում էլ այդպես է. հավատափոխության գնում են  
շահի համար, պաշտոնի համար: Իսկ շահամոլ-պաշտոնամոլն  
իր մորն էլ կծախի, որպէսզի նպատակին հասնի... Բայց մենք  
որտե՞ղ թողինք մեր գրույցի տուար: Հա, պարզվեց, որ քո  
ասածը նորություն չէ, քանի որ քեզանից առաջ քեզ պես է մտա-  
ծել Դանիելբեկը: Է՛, դրանից էլ լավ բա՛ն. երկու խելոք զորա-  
վար նույն հարցում նույն կարծիքն ունեն. կնշանակի՝ այդ  
միասնական կարծիքն ավելի ճիշտ է, քան եթէ մեկը տեսա-  
կետ հայտներ, իսկ մյուսը կասկածեր նրա տեսակետի վրա:—  
Ապա սրբազանը սղալեց ցանցառ մորուքը, կկոցած աչքերով  
ժպտաց.— Մի քեռի ունեի, անունը՝ Սիրական: Հոգին լո՛ւյս  
դառնա, անշահ-անշառ մարդ էր, ապրում էր մեր Մաղավոզ  
գյուղի վերի ծայրին: Որ մի գործ բռնելու լիներ, տնետուն ման  
կզար մինչև գյուղի մյուս ծայրը, կհարցնէր բոլորի կարծիքը...

— Եվ հետո էլ կաներ այնպես, ինչպէս ինքն էր մտածել  
սկզբում,— քահ-քահ ծիծաղեց Պողոսբեկը:

Քրքրջաց նաև սրբազանը և աչքերը սրբելով հարցրեց.

— Բա ո՞նց իմացար, հե՛ր օրհնած:

— Հետեւել եմ, սրբազան. ով որ այդպես աջ ու ձախ է ընկ-  
նում, իր կարծիքն, իրր թե, ստուգելու համար, սովորաբար ոչ  
մի ուշագրություն էլ չի դարձնում լսածներին:

— Մեր հները «կարծիք» էին ասում կասկածելիին: Իսկ հիմա  
տեղից վեր կացողն իր կարծիքը դարձնում է գրոշ:

Ուրախ-ուրախ վերադարձան Դանիելբեկն ու Շնեուրը և հայտ-  
նեցին, որ գեներալ Սիլիկյանից մի գումարտակ են պոկել:

— Ի՞նչ գումարտակ է, հրանոթներ ունի՞,— հետաքրքրվեց  
Պողոսբեկը:

— Ունի՞-ունի՞,— դեռ ժպտալով պատասխանեց Դանիելբեկը

և բացատրեց.— Գնդապետ Կարո Ղասաբբաշյանի գումարտակն է, որ վերակազմավորման համար կանգնած է Կոշում:

— Հա՛, գիտեմ, Ալեքսանդրապոլից փախել էր:

— Կարևորն այն է, որ փախչելիս իր հետ մի տասնյակ հրանոթ է տարել:

— Փա՛ռք աստծո, փա՛ռք աստծո,— երեսին խաչ հանեց սրբազանը:

Ճակատի հրամանատարը ձեռք բերածով ուրախ էր ու խանդավառ: Կարծես նրան հենց այդ գնդապետ Ղասաբբաշյանի 250—300 զինվորներն էին պակասում, որպեսզի թուրքերին հասցնի այն հարվածը, որի համար պատեպատ էր զարկվում այսքան ժամանակ: Անկասկած նա ճանաչում էր այդ երիտասարդ գնդապետին, հավատում էր նրա ռազմական կարողություններին և շատ ուրախացավ, երբ Սիլիկյանն իր պահեստի զորաջոկատներից հենց նրա գումարտակն առաջարկեց...

— Ասում է՝ ի՞նչ ես անում, կամ քո ունեցած զնդերին ի՞նչ կարող է ավելացնել այդ մի գումարտակը,— իր ռազիոզրույցն էր պատմում Դանիելբեկը:— Անկեղծ շեղա հետը: Գուցե մեղավոր եմ: Բայց վախենում էի՝ ծրագիրս իմանա ու մերժի: Դրա համար էլ նպատակիս մասին ոչինչ շասացի... Հը, ի՞նչ ես քիթդ կախել, Պո՛ղ:

— Մտածում եմ տեղ հասցնելու ճանապարհի մասին: Արաբսից մինչև Արագածի այս փեշերը ձգվում է թուրքաց ճակատը: Թիկունք պիտի դուրս բերվի Արագած սարը շրջանցելով...

— Կեցցե՛ս, Պո՛ղ, ախպե՛րս,— և ճակատի հրամանատարը զրուցակիցների առաջ փռեց մաշված քարտեզը, որի վրա նշանակված կետերը հազիվ էին նշմարվում:— Ա՛յ, սա է Կոշը: Ղասաբբաշյանն այստեղից դուրս գալով կբարձրանա դեպի հյուսիս, Ղազնաֆարի մոտով կշրջանցի սարը, կանցնի թուրքերի թիկունքը... Ինչքա՞ն ժամանակ է պետք: Դե՛, հաշվեցե՛ք, հաշվեցե՛ք: Ես չեմ կարող, գլուխս դժժում-բժժում է:

Եվ Պողոսբեկն ու Շնեուրը քարտեզի վրա կռացած հաշվումներ էին անում:

— Զորավարն արդեն կարգադրություն արե՞լ է գնդապետին,— հարցրեց սրբազանը:— Նա հենց հիմա՞ պիտի նախապատրաստվի, որ ժամանակ չկորչի:

— Կապ չունի հետը, հենց հիմա սուրհանդակ ուղարկեց,—

մտածկոտ պատասխանեց ճակատի հրամանատարը:— Ես էլ այստեղից պիտի իմ մարդուն ուղարկեմ՝ հանձնարարություններով: Բայց ո՞վ կլինի այդ մարդը:

— Այդ մարդն ինձանի՛ց, — ետ շրջվելով՝ բացականչեց Պողոսրեկը:

— Դու հաշվի՛ր, հաշվի՛ր, մարդը հեշտ է գտնել:

— Չէ՛, ես այնպիսի մարդ տամ, որ գնա ու այդ Ղասաբաշյանի հետ գումարտակը կովի տանի:

— Երևի նկատի ունես Միքայելին:

— Վա՛յ, ես քո ի՛նչն եմ ասել, — երկու թաթերն ազդրերին զարկեց Պողոսրեկը:

— Վատ բան չմտածես, կեսը քեզ կհասնի, — ժպտաց ճակատի հրամանատարը:

— Վատ ի՛նչ պիտի մտածեմ, մա՛րդ աստծո: Ինչ էլ մտածեմ, ճակատիս կարդում ես:

— Իսկ ես ի՛նչ մեղք ունեմ, որ քո մտքերը ճակատիդ գրքոված են լինում: Չկարծես՝ որևէ բան կարող ես թաքցնել ինձանից:

Պողոսրեկը զարմացած ու կեղծ դժգոհությամբ դարձավ Գարեգին եպիսկոպոսին.

— Տեսնո՞ւմ եք, սրբազան: Իսկ դուք ասում եք՝ բա՛ն չկա: Այսպես որ շարունակվի, սա ինձ կգժվեցնի:

Սրբազանը ժպտում էր բարի, ձեռքերը տարածեց հաշտարարի հովանավորությամբ.

— Փա՛ռք աստծո, — ասաց, — թող ճշմարիտ ու արդար մըտքերդ կարդալով քեզ գժվեցնի: — Ապա հայացքով ուշադրության հրավիրեց: — Հին Հունաստանում Աստվածաշունչը յոթանասուն եպիսկոպոսներ են թարգմանել եբրայերենից: Ամեն մեկը՝ սկզբից մինչև վերջ և բոլորը՝ առանձին-առանձին, իրարից հեռու թարգմանությունն ավարտել են միաժամանակ, և երբ հավաքվել են, իրար հետ համեմատել, պարզվել է, որ բոլոր յոթանասուն թարգմանությունները բառացիորեն իրար համապատասխանում են սկզբից մինչև վերջ. ոնց որ արտագրած լինեն մեկի թարգմանությունից... Բա՛, արդար ճշմարտությունն այդպիսի բան է: Իսկ դու զարմանում ես, որ քո և Գանիելի մտքերն ու կարծիքներն իրար նման են լինում: Երանի՛ չէր մեր ազգն ունենար մի հարյուր այնպիսի գործիչներ, որ միատեսակ մտա-

ծեին ու միատեսակ էլ գործեին: Այն ժամանակ մեր «սարդարապատն» ինչո՞ւ Սարդարապատ հասներ, կկանգներ էրզրումում կամ Մշո դաշտում, Սարիղամիշում կամ, հակառակ դեպքում, Կարսի պատերի տակ...

Շնեհուրի ու Պողոսբեկի հաշիվներով՝ գնդապետ Ղասաբբաշյանի գումարտակը, Արագածի փեշերով հակառակորդի թիկունք պիտի հասներ մայիսի 26-ի միջօրեին, գուցե դրանից մի քիչ շուտ: Ծթե, իհարկե, ժամանակին համապատասխան հանձնարարութիւնն տրվեր նրան:

\* \*  
\*

Կոշի գումարտակին հանձնարարութիւնն տանելու համար հատուկ խումբ առանձնացվեց, որի ղեկավարն էր պորուչիկ Միքայել Փիրումյանը: Խմբում կային տեղանքին քաջածանոթ զինվորներ՝ եղվարդցի վարպետ Գարուշը և ղաղնաֆարցի զինվոր (նախկին հովիվ) Պատվականը: Գումարտակի հրամանատար Կարո Ղասաբբաշյանը ճանաչում էր Միքայելին, և կարիք չկար, որ հանձնարարութիւնը նրան ներկայացվեր գրավոր ձևով. ճակատի հրամանատարը ձեռք էր առել բոլոր միջոցները, որպեսզի գումարտակին տրվող հանձնարարութիւնն մանրամասներն իմանային միայն այն մարդիկ, որոնք պարտավոր էին իմանալ:

Զգուշութեան համար՝ Ղասաբբաշյանին հասցվելիք լուրը տանում էր նաև մի այլ զորաջոկ, որ առանձնացվել էր Սարդարապատի ու շրջակա գյուղերի աշխարհազոր հարյուրյակից: Պողոսբեկն այս ջոկի ղեկավար նշանակեց մոլլաբայազետցի Մամիկոն Սաղաթելյանին, որը համագյուղացիների վրա ունեցած հեղինակութեամբ անմիջապես գրավել էր գնդապետի ուշադրութիւնը:

— Քե մատաղ, հասկացա՞ր ջոկի խնդիրը, — հարցրեց գրնդապետը:

— Հասկացա՞նք, պարոն գնդապետ, — հրամանատարի առաջ ձգվելով՝ հպարտ գոչեց զինվոր Մամիկոնը: — Ղուշի թևով լուրը տեղաց անենք, հետո էլ հարվածենք թշնամու թիկունքին:

— Ապրե՛ս, — մտերմաբար ժպտալով՝ նրա թիկունքը թփթրփացրեց Պողոսբեկը:

— Բայց մի բան ասեմ, պարոն գնդապետ:

— Ասա՛, քե մատաղ:

Այգ «քե մատաղն» ավելի ոգևորեց աշխարհագորայինին:

— Թույլ տաս, որ ինձ հետ վերցնեմ միայն մերոնցից:— Եվ հենց միայն գնդապետի հայացքում կարդալով համաձայնութունը, ձեռքը մեկնեց դեպի մոլլաբայազետցիների խումբը.— Սաբո՛ւ, Սիմո՛ն, Տիգրա՛ն, ադա՛ Ստեփանի՛ Տիգրան...

Հիմնական խումբն արդեն շարժվում էր, ճակատի հրամանատարը որդուն տվեց վերջին հանձնարարութունը, և հորից բաժանվելիս Միքայելը խնդրեց ուշադրութուն դարձնել Հովսեփի վրա.

— Նա իրենից դուրս բաներ է անում:

— Իրենից դուրս ի՞նչ է անում, տղաս,— որդուն գրկելով, ականջի տակ, ցածրաձայն հարցրեց իրանիելից:— Այստեղ ամեն մեկն էլ այն է անում, ինչ իր պարտքն է:

— Նախանցյալ օրը մեն-մենակ նետվել է թուրքերի արանքը: Նա ուզում է...

— Իսկ դու նրա տեղ չէի՞ր նետվի, քո տեղ չե՞ս նետվում:

— Հայրիկ, ես ուրի՛շ, ես փո՛րձ ունեմ, ես գիտեմ...

— Աչքաբաց մարդը պատերազմի դաշտում փորձված զինվոր է դառնում մի ժամում, տղա՛ս: Հովսեփը խելոք տղա է: Քաջութունն էլ հո պա՛րտք չպետք է վերցնի: Թշնամու գնդակն ավելի շատ բռնում է վախկոտներին: Իսկ պա՛րտքը... պարտքը սահման չունի. այստեղ երկնքից աստղ վար բերես, դարձյալ քո պարտքն ես կատարում: Չէ՞ որ կյանքը զոհաբերելն էլ պարտքի հատուցո՛ւմ է... Պարզապես իրար մաղթենք, որ ողջ մնանք: Ուրբա՛ն լավ կլինի, որ հաղթանակից հետո երեքով, ողջ-առողջ ներկայանանք քո մորը, քո պապին ու տատին... Դե՛, այդպես. շարից ու փորձանքից հնուու լինես: էլ ի՞նչ ասեմ, գնա՛ տղաս,— և պինդ գրկեց որդուն, համբուլրներով ծածկեց ճակատը, մաքուր ածիլած այտերը՝

Հայրը երբեք այդպես զգացմունքային չէր եղել: Միքայելը նրանից բաժանվեց թաքուն վախով, սակայն հոր գրկից բաժանվելիս ժպտաց և աշխատեց անհոգ երևալ՝ մի երկվայրկյան միայն և վազեց, հասավ խմբի զինվորներին:

Մնացել էր սպասումը, որ ամենածանրն է խրամատավոր-ված զինվորի համար:

Մայիսի վերջն էր, և Արարատյան դաշտի տոթը, մանավանդ Սարդարապատի կողմերում, արդեն խեղդում էր ամեն շունչ ու կենդանություն: Ղռերում աշխուժացել էին զեռուններն ու օձերը, և նրանք էլ մի կողմից էին փորձում դիրքերից դուրս քշել հայ զինվորներին: Աշխարհազորային մի զինվորի օձը խայթել էր, ոտքն ուռած պայթում էր: Գնացին, Խնուսի գնդի ավագ բժշկին բերին էջմիածնի մոտերքից՝ Երիտասարդ էր բժիշկը, աշխարհազորայինի հարևանները քիթ վեր քաշեցին և շթաքցրին էլ իրենց թերահավատությունը նրա նկատմամբ: «Զի՞ լինի, — ասացին, — էս մոտիկ գյուղերից մի հեթիմ բերեիք, գուցե թե օգներ, մի ճար աներ»:

Բժիշկն ուշադրություն չդարձրեց նրանց քրթմնջոցին, քիթը կախ աշխատում էր նշտարով ու դեղերով: Մտածեցին, որ այլազգի է, ու ավելի լարեցին լեզուները. «Դրա խելքն ի՞նչ պիտի կտրի, իրենց ուսաստաններում օձ կա՞ որ...», «Դրան թողնես. իրենց բուժքույրերի փափուկ տեղերը կսմթի...»: Քիչ էր մնում՝ բժիշկը փոթկացներ, զսպեց իրեն, գործն ավարտեց: Եվ երբ վերջին սրսկումն էլ կատարեց ու սկսեց իրերը հավաքել, խայթվածը թոքերն ունցրեց դարբնի փուքսերի պես, օդը բաց թողեց աղմուկով, թե՛ «Խուվա՛յ, սունչս տեղը եկավ»:

— Ի՞նչ տղացի ես, ախպեր, — ձեռքերը լվանալով հարցրեց բժիշկը, ոնց որ ծխեր հոգնատանջ աշխատանքից հետո՝ եվ հիվանդն ու շրջապատի փնթփնթանները քարացան:

— Բժիշկ, դու հա՞յ ես, — հարցրին այս ու այն կողմից:

— Բա ձեր կարծիքով ի՞նչ պիտի լինեի, — ժպտաց բժիշկը և կանգնեց իր գեղուղեշ հասակով մեկ, շտկեց զինվորակառ համազգեստը, որ կիպ գրկում էր առնական մարմինը:

Հեալով, եկավ, հասավ Գարեգին եպիսկոպոսը, կռացավ հիվանդի վրա, մտահոգ հարցուփորձ արեց, ապա դարձավ մեկուսի կանգնած բժշկին.

— Ну, как там, доктор, всё в порядке?

Բժիշկը, կարծես կարճահասակ ու նիհար հոգևորականի մոտ

անհարմար էր զգում իր բարձր ու թիկնեղ հասակի համար, մի փութք ալլալվեց:

— Դուք է՛լ ինձ ալլազգու տեղ եք դնում, սրբազան:

— Հա՛յ ես, ուրեմն,— ուրախ զարմանք արտահայտեց սրբազանի բարի դեմքը:— Այ, շա՛տ ապրեն քո արարիչները,— և հիացած՝ վարից վեր շափեց երիտասարդ բժշկին:— Բա ո՞ք կողմերից ես:

— Նախիջևանիկից եմ, սրբազան,— բժիշկը պատասխանեց մի անփութությամբ, որ ասում էր՝ «հո շափտի՛ բացատրեմ, թե նախիջևանիկն էլ որտե՛ղ է գտնվում»:

— Նախիջևանիկի՞ց,— սրբազանը հիմա էլ զարմանք էր արտահայտում ամբողջ մարմնով:— Ա՛յ տղա, ումանցի՞ց ես: Հո դու է՛լ Փիրումյան չես:

— Փիրումյան եմ, սրբազան, Փիրումյան Քրիստափոր Նիկոլայի

— Վա՛յ-վա՛յ-վա՛յ, տունդ բրնձով լցվի, բա խոսի, է՛,— սրբազանը մոտեցավ, սեղմեց նրա ձեռքը, թևերը շոյեց հայբաբար:— Մեր մեծերին ճանաչո՞ւմ ես, գիտե՞ք իրար:

— Ես ճանաչում եմ, գյուղում իրենց շատ եմ տեսել,— սրբազանի մտերմության ցույցին ամոթխած պատասխանեց երիտասարդ բժիշկը: Իրենք էլ կհիշեն, կճանաչեն, որ ասեմ, թե ո՞ւմ տղան եմ: Հայրս իրենց տարեկիցն է եղել:

— Հիմա չկա, հա՛:

— Չկա, վաղուց է մահացել...

Հիվանդի մերձավորներն ապուշ կտրած լսում էին երկուսի մտերմիկ զրույցը և ամաչեցին իրենց ասածների համար: Մոտեցան, որ շնորհակալություն հայտնեն, լեզուները պատ շէին գալիս: Սրբազանը նկատեց նրանց երկչոտ մոտ-մոտ անելը, փորձեց փարատել անհարմարությունը.

— Բա՞ն եք ուզում ասել, մոտ եկեք, ի՞նչ եք իրար առաջ տալիս:

Նրանց միջի տարեցը՝ ալեխառն բեղ-մորուքը երեսին շորացած, շոր ու ցամաք մի մարդ, հրացանը որպես մահակ գետնին դեմ տալով մոտեցավ սրբազանին ու շխոսկան հարսի պես գլխով բժշկին ցույց տվեց:

— Ասա՛ ներող լինի, էլի՛, տեր հայր, անգետ ենք, անվայել խոսքեր ասացինք:



Սրբազանը նայեց բժշկին, սա էլ ներողամիտ ժպտաց և սկսեց իրերը կապոտել սանիտարական պայուսակի մեջ:

— Կների, ի՞նչ պիտի անի, որ շների,— խոսեց սրբազանը:— Բայց անգիտությունից լռելն ավելի լավ է, քան թե անվայել խոսքեր ասելը:

— Հենց էդ է, որ շհասկացանք, է՛:

\* \*  
\*

Դանիելբեկ Փիրումյանը կարգադրել էր նախապատրաստվել վճռական ճակատամարտի: Իսկ դա նշանակում էր՝ կադրային զինվորներն ու հրամանատարները պիտի աշխարհազորայինների հետ պարապեին, սովորեցնեին մարտական գործը, իրենք պիտի բարձրացնեին իրենց պատրաստականությունը:

Առաջիկա ճակատամարտը տեղի էր ունենալու համարյա բաց տարածության մեջ՝ Սարդարապատի արևմտյան թիկունքի դաշտում, որից դենը բարձրացած բլուրների վրա թուրքերն էին ամրացել: Նրանց կրակի տակ էր դաշտը, և առաջ շարժվելու համար անհրաժեշտ պիտի լիներ հաղթահարել այդ կրակը, որովհետև դաշտը շրջանցելու ոչ մի տեղ չկար:

Ճակատի հրամանատարն ու զորամասերի պետերը գիտեին, որ թուրքերը սարսափում են սվինամարտից ու թրամարտից, և կռվի հենց այդ ձևերին էլ նախապատրաստում էին զորքը: Ռուսական բանակում սովորած ու կոփված մարդիկ էին հրամանատարների մեծ մասը: Նրանք հիմա հայոց զորքը վարժեցնում էին իրենց սովորած ձևերին, և խրամատներում ու թիկունքի բլուրների ետև ոչ միայն տեսական պարապմունքներ էին անցկացնում, այլև գործնական վարժություններ: Թրեր էին բախվում իրար, սվիններ խոյանում միմյանց դեմ, և այս բոլորը՝ սարդարապատյան դաշտում, որը լիքն էր ամառնամուտի արևով ու տապով:

Դադարի կարճ պահերն անցնում էին աղմկոտ խոսքուզրույցով, համարյա առանց իսկական դադարի, որովհետև սովորով վարժվողները շարունակում էին լրացնել ձեռք բերածի պակասը, պարապմունքների ու ծնված հարցերի հետ էին լինում, կամ

ծնվում էին նոր հարցեր, որոնցից պիտի փրկվեին տեղնուտեղը, անմիջապես:

Զինվորներ կային, որոնց համար աշխարհում գոյութուն ունեւր միայն մի հարց. թե ե՞րբ է ավարտվելու այս անիրավ պատերազմը, որպեսզի զնան իրենց գործին, գտնեն կորցրած հարազատներին, խառնվեն իրենց հոտին կամ, եթե չունեն այդպիսիք, բնավորվեն մի տեղ, տունուտեղ դառնան, շարունակեն իրենց կորսվեղ տոհմատակի հոլովույթը:

Զինվոր Զաքարին վարժեցնելու էին տվել մի ջոկատ, որի զինվոր կոչվածները հավաքվել էին հայոց երկրի տարբեր նահանգներից և իրենց հետ պահում էին այդ նահանգների հոգս ու ցավերը: Մշեցի քահանա Սաղաթելը, ածղահա մի տղամարդ, գեղջուկ իր հոտը տարել-թողել էր Վերին Թալինի կողմերում և անհանգստանում էր՝ ո՞նց տեղավորվեցին, հող էին ստանալու, ստացա՞ն թե՞ ոչ, չէ՞ որ վարուցանքի ժամանակն անցնում է, գալ տարվա ապրուստը հիմիկվանից պիտի ապահովեն: Ինչ վերաբերում էր ձեռնամարտին, ապա քահանան երկար ու փարթամ մորուքը կոխում էր շապկի տակ, որպեսզի շխանգարի և թուրն այնպես էր վրա բերում, որ եթե դեմը թուրք լիներ՝ վերից վար կկիսեր, հետո էլ կզնար գետինը խրվելու:

Կարսի մարզում Օրթաքիլիսա գյուղ է եղել: Հիմա կա՞, թե՞ չկա՞ նախրապան Ապետը չգիտե, որովհետև ինքը մի օր դաշտից տավարը տուն է բերել, տեսել՝ գյուղը դատարկ: Մինչև պարզեր, թե ի՞նչ է կատարվել իրենց գյուղի հետ, մինչև որոշեր, թե անտեր մնացած տավարի հետ ոնց պիտի անի, հարևան գյուղը թափվել է իրենց դաշտը՝ դեպի հյուսիս գաղթելու ճանապարհին: Ստիպված ինքն էլ իր հոտն առած խառնվել է գաղթին... Էջմիածնի դաշտում ծովացած գաղթականների կամավորական խումբը կազմելիս ինքն էլ ցուցակագրվեց, թե՞ գրեցին, և հիմա չգիտե՞ ի՞նչ եղավ տավարը, ի՞նչ պատասխան պիտի տա տերերին. չէ՞ որ նրանք ապրում են, կան մի տեղ, և ինքն էլ կա ու պատասխան պիտի տա... Ապետը, որ չգիտե անգամ, թե ինչպես է գոյացել իր անունը՝ Աբեթնակի սկի՞զբն է, թե՞ Հայրապետի վերջը: Եվ հիմա նա, պարապմունքի կարճ դադարներին աչքը փակում է թե չէ, երազում իր նախիրն է տեսնում: Նարնջագույն բուղան յոթ անգամ իրար վրա բառաչում է, քնահարամ անում: Արթնանում է, շառ աչքերով շուրջը

կայում, և պարզվում է, որ թուրքերի կողմում թնդանոթն է բառաչել ականջ պատուող ձայնով:

Ապետի հարեանն էլ Սեանի փերից եկած հովիվ է և երազում իր ոչխարի հոտն է տեսնում ու արթնանալով կարոտից լաց է լինում: Իսկ երրորդը՝ մի ուսուցիչ, տխուր-տխուր պատմում է, որ դպրոցում ժամանակից շուտ բաց են թողել երեխաներին, և շփտե՛ն՝ ո՛ւր են հիմա, ի՛նչ եղան, երբ գյուղը դատարկվում էր թուրքի առաջ:

Բարով-խերով հրամանատար կամ վարժեցնող դարձած գիշեցի Ջաքարը լսում էր իր զինվորներին, սիրտը պատառ-պատառ էր լինում: Եվ նրանց համար լսելի անիծում էր.

— Անո՛ւնդ մնա, թորք, անո՛ւնդ մնա, որ էս խեղճ ու կրակ մարդկանց ստիպեցիր կտրվել իրենց տունուտեղից, իրենց արդար բան ու գործից և կանգնել զնդակի առաջ, մահերախ թրի տակ...

Ջաքարն էլ էր երազ տեսնում: Զինվորը ո՞նց կարող էր ապրել առանց երազի: Բայց նրա երազը միշտ էլ այնպիսին էր լինում, որ ամաշում էր պատմել: Նրա տեսածը միշտ էլ համով ու հոտով, առատ-առատ ուտելիք էր լինում, և ինքն ուտում էր, ուտում ու շէր կշտանում: Մի անգամ էլ նստած տեղը ննջել էր, արթնացավ տեսածի սարսափից. իբր թե անասուն է գալիս դեմից, մորթահան արած-խաշած մի եզ էր թե երինջ, որ լեզու առած էլ խոսում էր: Ասաց. «Մեջս լիքը գինի է, գալիս եմ, որ ուտես-խմես, տրաքվես»: Ասում էր ու պողահարելու պատրաստ վրա էր տալիս...

Մի զինվոր էլ կար Ջանգեզուրից, անվերջ ու անընդհատ երգեր էր ասում, պարապմունքին՝ քթի տակ, մեղմ մոմուալով, իսկ հանգստի պահերին՝ բարձրաձայն, ինքնամոռաց: Հայերեն որքան երգ կար՝ գիտեր: Միայն թե բոլոր երգերը՝ հարսանեկան թե աշխատանքային, սիրային թե պատերազմական, նրա բերանից հնչում էին տխուր ու սրտակեղեք: Ջաքարի սիրտը ճաքճքբում էր նրա երգից, մանավանդ, եթե մի քիչ էլ խմած էր լինում: Իսկ այն օրերին Արարատյան դաշտի գյուղերից այնքան գինի ու օղի էին բերում, որ հրամանատարությունը ստիպված եղավ հատուկ հրահանգ անել խմիչքի օգտագործման մասին. կրտսեր հրամանատարները պարտավոր էին խմիչքը շափավոր բաց թողնել, որպեսզի անախորժություններ լինեին:

Բայց այդ շափավորից էլ էր ջրիկանում Զաքարը և զանգեզուր-  
ցու երգերից թուխտտալով այնպես էր լալիս, ասես իր տոհմի  
անցյալ բոլոր հանգուցյալների դազաղները շարված են դիմացը:  
Առաջին անգամ լացը եկավ, հենց որ Շափաղաթը (այսպես էր  
զանգեզուրցի երգչի անունը) ձայնը կորստյան վշտով շաղա-  
խած՝ Մասսի անունը տվեց երգի մեջ: Սկզբում ոչինչ, տխուր-  
տխուր լսում էր.

Հայաստանից մեզ հանում են,  
Խոսե՛ք, Հայաստանի՛ լեռներ,  
Մորը որդուց բաժանում են,  
Խոսե՛ք, Հայաստանի՛ լեռներ:

Շատ էր տխուր, իհարկե. «Հայաստանից մեզ հանում են»,  
մանավանդ՝ «Մորը որդուց բաժանում են»: Ինչքա՛ն ցավալի  
տեսարանների է ականատես եղել նահանջի ճանապարհին: Զա-  
քարը հիշում էր այդ բոլորը՝ տխուր ու մշուշոտ հայացքն ուղ-  
ղած Մասսի ճերմակ գազաթին: Եվ հենց որ Շափաղաթը երգեց.

Խոսե՛ք, լեռնե՛ր, ասե՛ք, լեռնե՛ր,  
Առաջ Մասիս սարը մերն էր...

Կարծես խեղճ մարդու մեջքը կոտրվեց: Նա փղձկաց երեխայի  
պես, բացվեցին արտասուքի կապերը, և սկսեց հեկեկալ: Շա-  
փաղաթը լռեց, մոտեցավ ջոկի հրամանատարին, մեղավոր-մե-  
ղավոր խոսեց.

— Կուզես՝ էլ շերգեմ, հրամանատար, չգիտեի, որ սիրտդ  
բարակ է:

— Չէ՛, չէ՛, դու երգդ ասա, Շափաղաթ,— պոռչ արած խո-  
սեց Զաքարը:— Երգդ ասա, քե մատաղ:

Եվ Շափաղաթը շարունակեց ավելի հուզումնալից.

Ես հիշում եմ այն օրերը.  
Պապս լծում էր արորը  
Ու վարում էր դաշտն ու ձորը,  
Խոսե՛ք, Հայաստանի՛ լեռներ:

Խոսե՛ք, լեռնե՛ր, ասե՛ք լեռնե՛ր,  
Մտաջ Մասիս սարը մե՛րն էր...

Աջից ու ձախից եկել, խրամատն էին լցվել և հառաչելով, ախուվիշ անելով լսում էին զանգեզուրցուն, որը հիմա էլ Արաքսից այն կողմ, Մասսից առաջ տված կորուստներն էր թվարկում.

Ո՛ւր է Մուշը, ո՛ւր է Վանը,  
Ո՛ւր է հայոց Արդահանը,  
Ո՛ւր են հայոց դաշտն ու ձորը,  
Խոսե՛ք, Հայաստանի՛ լեռներ:

Խոսե՛ք, լեռնե՛ր, ասե՛ք լեռնե՛ր,  
Առաջ Մասիս սարը մե՛րն էր...

Առաջինը խոսեց քահանա Սաղաթելը:

— Չայնդ անուշ, շնորհքդ անպակաս լինի, որդիս,— ասաց նա:— Բայց Մասիս սարն առաջ մերն է եղել, միշտ էլ մերը կլինի, քանի մենք լինենք այս աշխարհում:— Ծվ տեսնելով ունկնդիրների հարցական հայացքները, բացատրեց.— Մասիս սարը մեր սրտում է, մեզ հետ՝ ուր էլ որ գնանք:

— Է՛,— քիթը վեր քաշելով խոսեց Չափաղաթը:— Էդ էլ մի մխիթարություն է, տեր հայր, ասում ես, որ էրված-պապակված սրտներս հովանան:

— Քա՛վ լիցի, քա՛վ լիցի, պարոն հրամանատար: Ծս բույրովին էլ մխիթարելու համար շեմ ասում: Աշխարհում թե որ մեն մի մարդ էլ մնա, Մասիս-Արարատի անունը տալիս ասելու է՝ սա հայոց սարն է...

— Որ էդպես է, մի ուրախ երգ ասեմ,— վրա տվեց Շափաղաթը:

— Այ տնաշենի տղա, քո սրտում ո՛ւր է ուրախ երգը՝

— Կա՛-կա՛,— ասաց երգիչը և անմիջապես էլ սկսեց.

Վանա ծփան ծովեն կուգաս,  
Անդրանիկի քովեն կուգաս,  
Վարազա սեզ սարեն կուգաս,  
Շողշողուն գենքերի՛ց մատաղ...

Բոլոր զորաջոկատներում սպասումը ժանր քարի պես ճնշում էր դիրքերին ու խրամատներին գամված զինվորների սրտերը: Ամենուրեք վրդովված գանգատվում էին հրամանատարության «թուլակամության» դեմ: Կային մարդիկ, որ նույնիսկ մտածում էին, թե ճակատի հրամանատարը վարակվել է վերագասների անձնատվական տրամադրությամբ և, թշնամուն հանգիստ թողնելով, դավաճանում է հայոց դատին: Այս գանգատով էր բռնված նույնիսկ Հինգերորդ գնդի գումարտակներից մեկը, որի հրամանատարն էր շտաբս-կապիտան Վարդան Զաղինյանը:

Առավոտյան դասակի հրամանատարին ներկայացավ կրտսեր սպա Արսեն Սարգսյանը՝ գանձակեցի մի կրակոտ երիտասարդ, և առաջարկեց բողոքի ցույց կազմակերպել հրամանատարության դեմ.

— Մեզ կնքեցին Մահապարտների գունդ, որպեսզի ձանձրուլթից մեռնենք-կոտորվե՞նք,— վրդովված բողոքեց նա:— Սա ի՞նչ խայտառակութունն է:

Եվ Զաղինյանը, որ մինչ այդ էլ դժգոհ էր պարապութունից, տաքացավ, եռաց: Սակայն ինչպե՞ս բողոքի դուրս գաս: Գումարտակը ցույցի՞ ես տանելու ռազմաճակատի հրամանատարության դեմ: Հրամանատարներով էլ վեր կենաք-դնաք շտաբ, կբռնեն, անունդ կդնեն խառնակիչ և կդատեն պատերազմական ժամանակի օրենքներով:

Պայմանավորվեցին լույսը բացվելուն պես հարձակման անցնել:

Զաղինյանի գումարտակը գտնվում էր պայտածև դասավորված ճակատի աջ եզրին, թշնամու դասավորության մերձավորողուն կետում: Անմիջապես նրա թիկունքում էր դիրքավորվել Արարատյան դաշտի դյուղներից հավաքված աշխարհազորային մի զորաջոկատ՝ շուրջ երեքհարյուր մարդ, որը ևս կարևոր ուժ էր հանդիսանում, մանավանդ եթե նկատի առնվեր, որ նրա կազմի մեջ էին Կարսի ճակատը լքած մի ամբողջ դասակ փորձառու զինվորներ: Հաջողության դեպքում հարձակվողներին անպայման կհետևեին հարևան զորամիավորումները, և, այդպիսով, տարերայնորեն մարտի մեջ կմտնի հայկական ամբողջ ռազ-

մաճակատը,— այսպես էր մտածում երազող շտաբս-կապիտանը: Հաջողութիւնը կշնջի ռազմական կարգապահութեան խախտումը և այն կնեղկայանա իբրև հայրենիքի փրկութեան մտահոգութեամբ թելադրված խիզախութիւն, ինչպես եղավ մայիսի 22-ին, երբ Փիբոմյանները, հակառակ բարձր հրամանատարութեան կամքի, նետվեցին անհույս պատերազմի մեջ և կասեցրին թշնամու անարգել առաջխաղացումը: Հաջողութեան դեպքում... Վերջապես, չէ՞ որ հաջողութիւնը հաղթանակն է, իսկ հաղթողներին, ինչպես հայտնի է, չեն դատում:

Իսկ անհաջողութեան դեպքում...

Ջաղինյանն ու Արսեն Սարգսյանը համոզված էին, որ անհաջողութիւնը բացառվում է: Չէ՞ որ մարտի էր ներքաշվելու ճակատի ամբողջ հայ զորքը՝ կանոնավոր թե աշխարհազոր: Եվ այն ժամանակ կլինի մահ կամ հաղթանակ: Կռվում մահ գրտնողներին ևս չեն դատում, ինչպես որ հաղթողներին:

Ամեն պարագայի՝ հարձակումը լավ է, քան խրամատներում պարապութիւնից ճանճ որսալը:

Եվ լույսը բացվելուն պես շտաբս-կապիտան Ջաղինյանի հրամանով գումարտակի բոլոր հրազեններից կրակ տեղաց հակառակորդի մոտակա դիրքերի վրա: Հանկարծակիի հկած թուրքերը բավական զոհեր տվին, մանավանդ փախչելիս, երբ, կարծելով, թե հայերն ամբողջ ճակատով հարձակման են անցել, իրենց գիրքերը թողած, կռակ էին դարձրել հարձակվողների առաջ:

Խիզախ ջալալօղլեցի Վարդան Ջաղինյանը, ատրճանակը գլխից վեր բարձրացրած, տեղից պոկվելով նետվել էր առաջ. — Քաջե՛ր, իմ ետեհ՛ց:

Եվ գումարտակն ու աշխարհազորայիները նրա կոչով հարձակման անցան: Ջոկատները գլխավորում էին գանձակեցի Արսեն Սարգսյանը, Երվանդ Տեր-Սիմոնյանը՝ Արևմտյան Հայաստանից, Իգդիրցի Շահենը, դամարվեցի Հակոբ Սիմոնյանը և ուրիշ մտավորականներ, որոնք ավելի շատ իրենց գրագիտութեան, քան ռազմավարական հմտութեան շնորհիվ, դարձել էին ստորաբաժանումների պետեր և պարտավոր էին զորքը տանել վճռական արշավի:

Խիզախների մի խումբ, Ջաղինյանի գլխավորութեամբ, մխրճվեց թուրքերի զորաշարքերի մեջ, և սվինամարտի բռնվեց փախչողների հետ: Ինքը՝ գումարտակի հրամանատարը, ձախ ձեռ-

քում ատրճանակ, աջում՝ ուսական երկար թուրը, աջ ու ձախ զարկվում էր թուրք ասկյարների հետ: Նրա օրինակով խանդավառված զինվորները սվինահարում էին դիմացից եկողներին: Հարվածողների ու տապալվողների տնքոցները խառնվեղ էին իրար...

Ղամարլվեցի ուսուցիչ Հակոբ Սիմոնյանը, որ հայոց շարքերը եզրափակողներից էր, տեսավ Վարդան Զաղինյանի խմբի թրամարտը, հատկապես հրամանատարի խիզախ հարվածները և հեռվից գոռաց.

— Կեցցե՛ս, Վարդան, փառապանծ անունդ ես արդարացնում: Փա՛ռք հին ու նոր Վարդաններին...

Թվում էր՝ խուճապահար կոտորվող թուրքական զորամասի վիճակը տազնապ կձգի նաև հարևան գնդերի մեջ: Սակայն շուտով դրուժյունը փոխվեց ի վնաս հայ խիզախների: Թուրքական հրամանատարութունը մահվան սպառնալիքով ետ դարձրեց խուճապահար նահանջողներին և, տեսնելով, որ հայ զորքի հարձակվող աջթևայինները պաշտպանութուն չունեն ուրիշ ոչ մի տեղից, գնդացրային կրակի տակ առավ նրանց: Ընկավ Վարդան Զաղինյանը: Գնդացրային մի կրակահերթով զոհվեցին իգդիրցի Շահենն ու գանձակեցի Արսենը:

Անգլուխ մնացած գումարտակի զինվորները շրջվեցին ետ, սակայն քչերը հասան ելման գիրքերը:

Ճակատի շտաբից Դանիելբեկ Փիրումյանը ռադիոյով գնդի հրամանատարի հետ կապվեց այն ժամանակ, երբ նա դեպքի վայրում քննելով կատարվածը, վերադարձել էր այլալված և շգիտեր, թե ի՞նչ պատասխան պիտի տա անօրինակ անկարգության համար:

— Կարգազանցության ղեկավարները զոհվել են, պարոն հրամանատար, — պատասխանեց գնդապետ Պողոսբեկ Փիրումյանը: — Եվ հիմա չկա մեկը, որ բացատրի, թե ինչպե՛ս է սկսվել այս անկարգությունը:

— Հիմա ես քեզ ի՞նչ ասեմ, Պող, — վշտացած խոսեց ավագ Փիրումյանը: — Շա՛տ զորք ունենք, որ մի գումարտակ ձրի նվիրում ես թշնամուն: Դա անեղո՛ւ բան էր...

— Մեղավոր եմ, պարոն հրամանատար: Դեռ երեկ էին ասել, որ Զաղինյանը գանգատ ունի ճակատի սառեցման դեմ: Մտա-



ծում էի, որ հասկացող մարդ է... Ի՞նչ իմանայի, թե վեր կկենա և ինքնագլուխ ճակատ կբացի:

— Քիչ հետո դու շտաբից ռադիոյով կստանաս քո թողտրվության գնահատականը: Կարդա-քննի՛ր հրամանատարներիդ հետ և աշխուրջ եղիր: Ամո՛թ է. ի՞նչ պատասխան պիտի տանք ազգին:

...Զրույցը վաղուց վերջացել էր, իսկ գնդի հրամանատարը չէր կարողանում պոկվել նրա ճնշումից: Ի՞նչ պատասխան պիտի տանք ազգին: Ո՛չ բարձր հրամանատարությանը, որի համար միևնույն է, թե ի՛նչ ենք կորցրել կամ ի՛նչ կարող ենք շահել, կարևորը զինադադարն է, թուրքի կամքին հանձնվելը՝ Ո՛չ էլ կառավարությանը, որ շունենք և հայտնի չէ, թե ե՛րբ կունենանք, ու այն ինչպիսի՛ն կլինի... Ազգի՛ն...

\* \*

\*

Միջօրեից հետո դիրքերում ու խրամատներում քննում էին վարդան Զաղինյանի և նրա համախոհների ինքնագլուխ հերոսությունը, որ կերավ ոչ միայն իրենց, այլև տասնյակ ու տասնյակ զինվորների և աշխարհազորայինների գլուխները: Եվ որովհետև ամենուրեք բարձրանում էր նաև այն հարցը, թե, վերջապես, ի՞նչ է մտածում հրամանատարությունը՝ հարձակում լինելու է, թե՞ ոչ, շտաբից լիազորված ճառախոսներն ստիպված էին գաղտնիքը ծածկող վարագույրի փեշը մի փոքր ետ գցել. հարձակումը, ինչպես արդեն ասվել է և անընդհատ կրկնվում է, անպայման լինելու է: Իր երկրի վերջին կտորի վրա կուշ եկած զորքն ինչպե՞ս կարող է շարձակվել երկիրը բռնագրաված, շարագործ թշնամու դեմ: Հարձակումն ասհա՛-ասհա՛ պետք է լինի... Բայց համբերություն է պետք, սպասելու կամք և ուժ, որպեսզի... Նախապես կայուն հիմք դրվի այդ հարձակման հաջողության համար: Եվ այդ հարցն էլ է լուծված. օգնական ուժ է գալիս, հենց որ տեղ հասավ, կհարձակվենք միասնական ճակատով, բռունցքի պես կիջնենք արնախում ու հղփացած թուրքի գլխին: Իսկ ովքեր փորձում էին իմանալ, թե որտեղի՞ց է գալիս այդ օգնական լրացուցիչ ուժը, մի՞թե այս խեղճ Հայաստանում լրացուցիչ ուժ է մնացել, որ գա էլ և, մանավանդ, և՛ որ

է տեղ հասնելու այդ օգնական լրացուցիչ ուժը, — չէ՞ որ հետաքրքրասիրությունն անկուշտ բան է. մարդուն հնարավորություն պիտի տաս գնալու մինչև գաղտնիքի խորքը, — ապա այդպիսիսների համար միայն մի խոսք էր պահված. «Շատ լուսն իմանաս, շուտ կծերանաս»:

Ինչպես առաջ, այնպես էլ այդ ժամանակ ամենադժվարը սպասումի պարապը լցնելն էր: Եվ հրամանատարները դարձյալ ռազմագիտական ու գործնական պարապմունքներ էին անցկացնում: Գարեգին Հովսեփյանի հոգեկորտկան կոանդաշտաների խումբը ցրվել էր զորաջոկատներում, քարոզներով ու հայրենասիրական ճառերով բարձրացնում էր զորքի արամադրությունը: Այս զրույցները մեծ մասամբ անցնում էին հետաքրքիր ու օգտակար, որովհետև նախօրոք սրբազանը նրանց ավել էր նաև զրույցի ուղղությունը՝ ոգեկոչել հայոց պատմության նշանավոր հերոսամարտերը, հատկապես Վարդանանց սիրապորժությունը, որի տունը պիտի նշվեր մայիսի 26-ին: Ի՞նչ իմանանք, գուցե հենց այդ օրն էլ տրվելու է վճռական ճակատամարտը, և հայությունը Սարգսրապատի դաշտում կրկնելու է Ավարայրի անմոռանալի դասը:

Սակայն ինչ էլ որ լիներ, քարոզների ու զրույցների համար հավաքված զորամասերը կրավորական զանգվածներ չէին: Նրանք քարոզիչներին ստիպում էին շեղվել նախապես ծրագրված ընթացքից, հետևել իրենց տրամադրությանը, բարձրացրած հարցերի գլորվող կծիկի ընթացքին: Նման դեպքերում Գարեգին սըրբազանը հեշտությամբ դուրս էր գալիս ծանր բեռան տակից և զրույցը վերստին տանում նախապես ծրագրված հունով: Սակայն եղան հոգեկորականներ, որոնք խճճվեցին հունից հանված խոսքուզրույցի բավիղներում:

Արարատյան դաշտի գյուղերից եկած աշխարհագորայինների հետ զրույց անցկացնողը Զավեն Մահտեսի-Քարայան կոչակուպուսն էր՝ Հոսիսիմեի վանահայրը՝ ծանրամարմին, պարտապարտ ու հանդարտախոս: Նա մի քանի անգամ յսել էր Գարեգին սրբազանի զրույցները, գիտեր, թե ի՞նչն էր գրավում բազմաշերտ զորքի հետաքրքրությունը: Սակայն ինքը շունկեր նրա ճարտասանական ձիրքը և հույս ուներ գործը գլուխ բերել խոսքի խորքով ու էությամբ: Աստվածաշնչյան իմաստություններ էր վկայակոչում, հիշում էր հայոց պատմության ուսանելի դեպ-

քերը, հայ ազգի և ուրիշ ժողովուրդների կենցաղի ու բարոյական լարձը նորմերն էր վկայակոչում: Սակայն ցանկալի հետաքրքրութիւնը չկար: Նրբանկատ մարդ լինելով, սրբազանը տեսնում էր, որ ունկնդիրների մի զգալի մասը քաղաքաւարութիւնից է լսում, ուրիշներն էլ բացակա էին իրենց հայացքներով: Իսկ երբ ինքն ասաց. «Աշխարհում չկա և ոչ մի ժողովուրդ, որ իր դավակներին օրորոցից սովորեցնի շարացործութիւն կամ դարգացնի նրանց վատ բնազդները», — այդ անտարրեր ու անուշադիր թվացողներից ոմանք քրթմնջոցով արտահայտեցին իրենց անհամաձայնութիւնը:

Զավեն կախկոպոսը փորձեց բացատրութիւն ստանալ քրթմնջացողներից. հույս ուներ այդ միջոցով աշխուժութիւն պատցնել զրույց կոչված զբաղմունքի մեջ:

— Նրևում է՝ բան եք ուզում ասել, զավակներս, — հաշտարար տոնով խոսք գցեց կախկոպոսը: — Գուցե այնպես անեք, որ ես էլ հասկանամ՝ ի՞նչ եք ուզում:

Եվ զինվորներից մեկը, որ հեռու նստած, մի շոփ ձեռքին առջևի հողն էր քշփորում, նստած տեղից էլ խոսեց.

— Զավեն սրբազան, ես շատ եմ հարգում ձեր աստիճանն ու գործը, բայց պիտի ներողութիւն խնդրեմ, որ համաձայն չեմ ձեր այդ վերջին խոսքի հետ:

Նա այսօրանն ասաց անուշադիր, ծուլլ-ծուլլ, ոնց որ ձեռքի շոփի հետ լինեք խոսելիս:

Նստոտած աշխարհագորայիները մեկեն շրջվեցին, նայեցին իրա կողմը: Անսպասելի հակաճառութիւնից իրեն չկորցրեց Զավեն կախկոպոսը, հակառակը, անհասկանալի կերպով հանկարծ նրան դուր եկավ մաղմորութի միջից մի հաճելի դալկութիւնով ճառագող, բոլորովին էլ ոչ զինվորական, նույնիսկ ոչ աշխարհական արտաքինի տեր երիտասարդն իր հանգարտ ու վճռական առարկութիւնով:

Երիտասարդի հարեաններից մեկը, տարեց ու պատճառելի մի գլուղացի, մեծավարի խորհուրդ տվեց չվիճել «տեղ հոր» հետ:

— Այ տղա, ի՞նչ կասեն մեր մասին, — ցածրաձայն խոսեց նա: — Անհարմար է՝ հետը վեճի ես բռնվում:

Երիտասարդը, երևի խղճահարութիւնով, հայացքն անց կաց-

րեց՝ հարեանի վրայով, շպատասխանեց: Իսկ եպիսկոպոսը հետաքրքրութեամբ սպասում էր նրա խոսքին:

— Բայց ո՞ր խոսքիս հետ շես համաձայն, երիտասարդ: Կարելի՞ է պարզես, իմանանք:

Երիտասարդ զինվորականը ձեռքի շոփն ուսի վրայով դեն գցեց և ոտքի ելավ: Կանգնած նա ավելի համակրելի էր, մանավանդ դալուկ դեմքին շողացող թախծոտ հայացքով, որի մեջ արբազանը կարդաց կյանքի հասցրած մի անուղղելի դժբախտութիւն:

— Պարզելու համար ի՞նչ ասեմ, սրբազան,— խոսեց նա:— Գուք ասացիք՝ չկա ոչ մի ժողովուրդ, որ իր զավակներին հենց ծննդյան օրից սովորեցնի շար գործերի և զարգացնի նրանց վատ բնազդները: Սակայն հին ժամանակներից մինչև այսօր՝ հայտնի են շատ ցեղեր ու նույնիսկ իրենց քաղաքակիրթ համարող ժողովուրդներ, որոնց համար ձեր ասածը սովորական երեւոյթ է...

— Նույնիսկ իրենց քաղաքակիրթ համարող ազգեր,— բարձրաձայն իր զարմանքն արտահայտեց Զավեն եպիսկոպոսը:

— Ես ներողութիւն եմ խնդրում համարձակութեամբ համար, սրբազան,— հուզված՝ գլուխը խոնարհեց երիտասարդ զինվորականը:— Այո՛, նույնիսկ իրենց քաղաքակիրթ համարող ազգեր: Նրանցից մեկի հետ հիմա մենք այսօր էլ գործ ունենք...

— Այո՛, այո՛,— հարեց Զավեն եպիսկոպոսը:— Հետո՞:

— Հետո էլ հիշենք մեր հին մատենագրութեան վկայութիւնները: Այն մազքուտնե՛րը չէին, որ մեր երկիրը կողոպուտի էին գալիս, կոտորում ու ավերում էին և այսքանից հետո նաև մտածում, թե դա է ապրելու ճշմարիտ եղանակը: Եվ երբ մեր հոգեւորական Գրիգորիս եպիսկոպոսը՝ սուրբ Գրիգոր Լուսավորչի թողը, նրանց փորձեց ցույց տալ արդար կյանքի իսկական, ճշմարիտ ուղին, նրանք գազազեցին ու սպանեցին արդար կյանքի քարոզչին: Ի՞նչ տեսակ կյանք էր նրանց համար օրինակելի՞ սկսած օրորոցից, մինչև գերեզման իջնելը. «Զի ո՛չ յափշտակեսցուք, զի ո՛չ աւարեսցուք, զի ո՛չ առցուք զայլոյ, ի՞նչ կեսցուք այսչափ անչափ զորաց բազմութիւնք»\*:

\* «Թե որ չհափշտակենք, թե որ ավար շանենք, թե որ լիւնեք ուրիշներից, ինչո՞վ պիտի պահենք այս անչափ-անբանակ զորաց բազմութիւնները»:

— Այո՛, այո՛, ճիշտ է, — հաստատեց սրբազանը՝ Մեր արդարախոս Փափստոս պատմիչն է արձանագրել:

— Այո՛, Փափստոս պատմիչը: Բայց այդպիսի պակաս վկայություններ են պահպանվել ուշ դարերից: Չէ՞ որ նույն խոսքերը դրոշ դարձրած էին մեր դեմ գալիս նաև բոլոր այն քոչվորները, որոնք ձիու վրա էին հայտնվում կամ իրենց ոչխարների հետևից...

— Եվ հիմա նրանք են մեր տուն ու տեղի տերը: Նրանք խլում են մեր ինչքը, կոտորում են մեզ և գազազում են, երբ դիմադրություն ենք ցույց տալիս, — վրձ տվեց երիտասարդի մի հարևանը, որ խոսելով էլ կանգնեց ու բարեկամաբար թփթփացրեց երիտասարդի մեջքը. — Շա՛տ ապրես, Անուշավան եղբայր, իսկը Գարեգին սրբազանի նման խոսեցիր:

— Իմ խոսածն ի՛նչ, դու պատմիր ձեր հարևան Մուհամեդ Հասանի երեխայի դեպքը:

Եվ առանց սպասելու, որ Զավեն եպիսկոպոսն իրեն խոսելու իրավունք տա, զրույցին խառնված զինվորն սկսեց պատմել.

— Որտեղից որտե՛ղ մեր գյուղում հայտնվել էր էդ Մուհամեդ Հասանն իր ոչխարի հոտով և ոչխարի շափ էլ կանանցով ու երեխաներով: Առավ մեր հարևանի տունը և գարձավ մեզ հարևան: Մի օր դրա երեխաներից մեկը, երկու-երեք տարեկան ընդհագրի մի փսիլքոտ, մտել էր մեր հավանոցը և ձվերը լցրել ճտի ջրամանի մեջ, տանում էր: Մայրս հասավ, դրա ձեռքից խլեց ջրամանը, մերկ տեղին էլ մի լավ տվեց. ասաց. «Ա՛յ անաստվածի ժառանգ, ոտդ տափին ես դրել թե չէ, գողություն են անում»: Էս էր ու էս: Դու մի՛ ասա՛՛ էս գող մանուկի ծնողներն ու ծնողների ծնողները, բոլոր տնեցիները՝ մեծից փոքր. հետևելիս են եղել իրենց լակոտին: Մորս խոսքի վրա մի էնպիսի ազմո՛ւկ են գցում, մի էն տեսակ շախսեյ-վախսեյ են սարքում, ասես նրանց տունը կրակ է ընկել... Հետո էս Մուհամեդ Հասանը գալիս է մեր տուն և լուրջ-լուրջ բացատրում է, ասում է. «Ա՛յ ազիզ քույրիկ, այ պատվական հարևանուհի, տղայիս առաջին գողությունն էր դա, և դու բռնեցիր: Ախր, էդ էլ կդառնա նրա ճակատագիրը: Ինչի՞ բռնեցիր ու նրա բախտի վրա քար գցեցիր: Քեզ ի՛նչ էր պետք: Էդ ձվերիդ կշռով մեկ ոսկի տայի քեզ, միայն թե երեխիս առաջին գործը շխափանեիր»:

Մայրս խելքը թոցրածի պես դրա խոսքերն էր լսում, դրա

ճաք ու պատառ լինելն էր դիտում, հետո էլ զարմացած հարց տվեց, թե՛ «Բա որ էդ ձվերի կշռով մեկ ոսկի ունեք, էլ ինչի՞ եք գողութիւն անում... Հիմի էս Մուհամեդ Հասանս՝ մատը վեր տնկած, բերանը ծռած՝ մորս է նայում ու խոսք չի գտնում ասելու: Այսինքս՝ էս անհասկացողի մեկը որտեղի՞ց է աշխարհ եկել...

— Իսկ դուք, սրբազան, ասում եք՝ ո՞վ իր զավակին մանկուց վատ արարքներ կտովորեցնի:

— Այդպես էլ է լինում, որդյակ, այդպես էլ է լինում,— ծուլորեն համաձայնեց Զավեն եպիսկոպոսը:— Մարդու հոգու մեջ է շարի արմատը: Եվ մեր պարտքն է այդ արմատը հանել այնտեղից:

— Մուհամեդ Հասանի հոգին էլ հետը դուրս կգա,— վրա տվեց Անուշավանը, և ընկերները համերաշխ քրքջացին:

— Խնդիրն էլ այն է, որ շարի արմատը հանես՝ առանց հոգուն վնաս հասցնելու,— այդ քրքիչի վրա ուշադրութիւն չդարձնելով՝ իրենը պնդեց եպիսկոպոսը:— Զի կարող պատահել, որ մարդն ապառաժ մնա բարու հանդեպ: Զի կարող պատահել, որ շար ու դաժան լինի ամբողջ մի ազգ...

— Սրբազա՛ն...

— Այո՛, անհնար է, որ ամբողջ մի ազգ...

— Սրբազա՛ն, սիրտս կպայթի, որ խոսքս շասեմ,— դարձյալ Անուշավանն էր:— Սրբազան կյանքիդ մատաղ լինեմ, դու ինքդ բարի մարդ ես և բարի աչքով ես նայում քեզ նմաններին: Ախր, աստված մեզ աչք է տվել, որ տեսնենք, և խելք, որ տեսածը հասկանանք: Հիմի մեր աչքով տեսածներին ի՞նչ անում տանք...

Զինվորներն աղմկեցին, և սրբազանն այդպես էլ շկարողացավ նրանց հասկացնել, որ շար ու դաժան ազգ չի լինում:

\* \*

\*

Մայիսի 24-ի երեկոյան Երևան քաղաքի փողոցների խաչմերուկներում, վարչական ու հասարակական շենքերի մուտքերի ակնառու տեղերում ժրաջան պատանիները փակցնում էին Երևանյան զորամասի հրամանատարի կողը հայ ժողովրդին:

Մարդիկ ոգևորված էին Սարդարապատի ճակատից ստացված լուրերով: Այդօր ետ էր մղվել թուրքերի երկրորդ ու կատաղի հարձակումը: Նախորդ օրը և հենց 24-ի առավոտից մինչև ետկեսօրյա աղմկոտ ժամը, երբ լուր տարածվեց, թե թուրքերը նորից հարձակման են անցել ամբողջ ճակատով, և մերոնք ջարդում են նրանց առաջապահներին,— ժողովուրդը ոտքի վրա էր. պատերազմի ընդունակներին ճակատ էր ճանապարհում, հավաքած զինամթերքն ու պարենն էր առաքում կովողներին և, այսքանի հետ միասին, Արամի կոչով ու հորդորալից մասնակցությամբ քաղաքն էր պատրաստում պաշտպանության, եթե, ասոված մի՛ արասցե, կարիք լիներ պաշտպանվելու ոչ որևէ ուրիշ տեղ, այլ հենց բուն Երևանում: Եվ այսքանից հետո թվում էր, թե ժողովուրդը, հայրենապաշտպան ու օրհասական կովի ելած հայ ժողովուրդը ո՛չ մի կոչի կարիք այլևս չունի: Նա իր սրտի կոչով, մայիսի 22-ին անձնագոհ քաջերի օրինակի թելադրությամբ ոտքի էր ելել, պատրաստ էր կովի, կովո՛ւմ էր նաև, այդքանից հետո պարզապես անհրաժեշտ էր ուղղություն տալ նրա տարերային հոսքին, նրա ուժի ու եռանդի համար գտնել ամենահարմար, ամենանպատակասլաց գործադրությունը:

Սարդարապատի ճակատի շտաբում գեներալի կոչը Դանիելբեկ Փիրումյանին հանձնեց Ալեքսանդր Շենուրը, որի հայացքում ուրախություն կար և հաղթանակ տարածի հպարտություն:

— Վերջապես մեզ հետ է նաև մեր վերին հրամանատարությունը,— կոչի թերթերը մեկնելով հոգնած մարմինը մի կերպ դաշտային շոր մահճակալի վրա նետած հրամանատարին՝ ասաց շտաբի պետը:

Փիրումյանը զարմանքով տնտղեց հայերեն գեղեցիկ ձեռագիրը: Ստորագրված էր «Երևանի զորամասի հրամանատար գեներալ Սիլիկյան»:

— Այս դո՞ւք եք ընդունել հայերեն: Ե՞րբ սովորեցիք,— և ժպտաց մտերմորեն:

— Մի քիչ էլ կռիվը երկարի, կսովորեմ,— աշխույժ պատասխանեց Շենուրը:— Երևանից հայտնեցին, որ հայերեն կոչ կա, պետք է շտապ գրի առնել, կանչեցի իմ աշակերտ Մարտիրոսյանին...

— Իմ անվանակցի՞ն,— տեղյակ հարեց հրամանատարը:— Խելոք տղա է երևում: Կավ էլ ձեռագիր ունի: Նախշուն չէ, բայց

գեղեցիկ է: Ձեռագրի վրա կարելի է մարդու հոգին կարդալ:

Եվ վայոցձորցի Մարտիրոսյանի ձեռագրով կարդաց Երևանյան գործաձախ հրամանատարի կոչը հայ ժողովրդին:

«Հայե՛ր, շտապեցե՛ք հայրենիքն ազատելու,— այսպես կտրական սկսվում էր կոչը:

«Հասել է ըոպեն, երբ յուրաքանչյուր հայ, մոռանալով իր անձնականը, հանուն մեծ գործի՝ հայրենիքի փրկության և իր կնոջ ու աղջիկների պատվի պաշտպանության, պիտի գործ դնի իր վերջին ճիգը՝ թշնամուն հարվածելու համար:

Մենք չէինք ուզում կռվել, հանուն խաղաղության և հաշտության մենք պատրաստ էինք ընդառաջ գնալու ամեն տեսակ զոհողությունների, սակայն մեր տմարդի թշնամին ընթանում է իր ծրագրած ուղիով, նա, ըստ երևույթին, ստրկացնել է ուզում մեզ, բայց իրոք ուզում է ոչնչացնել մեր բազմաշարշար ազգը: Սակայն քանի որ պիտի ոչնչանանք, ավելի լավ չէ՞, որ զենքը ձեռքներիս փորձենք մեզ պաշտպանել: Գուցե հաջողվում է մեզ կռվո՞ւմ ձեռք բերել ապրելու իրավունքը:

Իսկ որ մենք կարող ենք պաշտպանվել, դա ցույց տվին վերջին կռիվները մեր ճակատում, ուր մեզանից թվով գերազանց թշնամին նահանջի է դիմել մեր զորքի հերոսական հարձակման առաջ:

Հարկավոր է մի ճիգ ևս, և թշնամին վռնդված կլինի մեր երկրի սահմաններից, ուր մեր պապերն ու հայրերը երկար տարիներ արյուն-քրտինքով աշխատել են գեթ մի կերպ հայթայթել իրենց օրվա ապրուստը:

Հայե՛ր,

Ժամանակ չէ դանդաղելու: Բոլոր մինչև հիսուն տարեկան հասակ ունեցողները պարտավոր են զենքի տակ գալու. ես պահանջում եմ բոլորից ներկայանալ իրենց զենքերով ու փամփուռտներով հայրենիքի պաշտպանության համար:

Հայուհիներ,

Հիշեցե՛ք հինգերորդ դարու փափկասուն տիկնանց, որոնք ոգևորեցին իրենց ամուսիններին դեպի մեծ գործը՝ անմահ վարդանի կռիվների ժամանակ, հետևեցե՛ք նրանց օրինակներին. եթե չեք ուզում, որ ձեր պատիվը ոտնակոխ լինի, խրախուսեցեք նրանց և արհամարհեցե՛ք այն վախկոտներին, որոնք զանազան պատրվակներով խուսափում են ճակատ գնալուց:



Հավաքեցե՛ք նրանց համար ուղմամթերք, հաց, շոր և ուրիշ մթերքներ...

Խորին կերպով համոզված եմ, որ այս իմ կոչը անարձագանք չի մնա և երկու-երեք օրվա ընթացքում կկազմակերպվի մի այնպիսի քաջարի զորաբանակ, որին կհաջողվի վունդել թշնամուն հայրենի հողի սահմաններից և ապահովել հայ ժողովրդի գոյատևումը:

Հանուն բազմաշարշար հայ ժողովրդի ֆիզիկական գոյության,

Հանուն ոտնակոխ եղած ճշմարտության՝

Ոտքի՛ կանգնեցեք: Դեպի գո՛րծ, դեպի սրբազան պատերա՛զմ:

Բոլոր զենքի ընդունակ տղամարդիկ պարտավոր են ներկայանալ Երևանում գններալ Բեժանբեկին, իսկ բոլոր ժողոված մթերքները հանձնել տեղական Ազգային խորհուրդներին:

Երևանի զորամասի հրամանատար՝

գններալ Սիլիկյանս:

Ընթերցանության ժամանակ Փիրումյանի դեմքը մռայլվում էր մեկ-մեկ, և գա զարմանալի էր Շնեուրի համար: Մի՞թե ուրախ չէ, որ գններալ Սիլիկյանն արդեն հրաժեշտ է տվել առաջին օրերի տրամադրությանը և կոչ է անում ոտքի ելնել, կովել ու հաղթել թշնամուն: Չէ՞ որ դուք էլ այդ էիք ուզում, — մտածում էր կապիտանը, երբ ճակատի հրամանատարը, ընթերցանությունն ավարտելով, վեր կացավ տեղից, թղթե՛ր սեղանին դնելով հարցրեց.

— Դուք մեր այն զեկույցը հաղորդե՞լ էիք մինչև այս կոչն ստանալը:

— Այո՛, հաղորդել էի, պարոն հրամանատար: Իրեն՝ գններալին և Ազգային խորհուրդ՝ Արամ Մանուկյանին: Մանուկյանն անձամբ ընդունեց հաղորդումը և զարմացած էր, որ մենք այլևս աշխարհագորայիններ չենք ուզում:

— Աշխարհագորայիններից մենք չենք հրաժարվում, — լրացրեց Փիրումյանը: — Արարատյան դաշտում այլևս կանգնելու տեղ չկա: Հիմա նրանց տարերային ուժը զլխավորող հրամանատարական կադրեր են պետք, ուղմական գործը հասկացող մարդիկ:

— Այդպես էլ զեկուցեցի, պարոն հրամանատար:

— Իսկ մեր գեներալը կոչի շեշտը դրել է մինչև հիսուն տարեկան մարդկանց վրա: Չէ՞ որ երեկվա զորահավաքից հետո այսօր տներում այդպիսի մարդիկ չկան:

Շնեուրը նոր էր հասկանում իր հրամանատարի մոռացվելու պատճառը, փորձեց մեղմացնել նրան:

— Ծս էլ հասկանում էի, որ դրա կարիքը չկա: Բայց, այդուհանդերձ, լավ է, որ գեներալ Սիլիկյանը վերջնականապես հրաժեշտ է տվել կորպուսի հրամանատարի տրամադրությունը:

Փիրումյանը ժպտալով հասկացրեց շտաբի պետին, որ ինքն էլ ուրախ է Սիլիկյանի համար: Բայց չէ՞ որ հրաժեշտը տեղի էր ունեցել ավելի վաղ, և այժմ լուծելու այլ խնդիրներ կան:

— Գեներալ Սիլիկյանն իրեն ճանաչողների աչքում միշտ էլ անձնվիրության օրինակ է եղել, պարոն կապիտան,— խոսեց Փիրումյանը:— Ռազմական գործի իմացության, սառն ու հավասարակշիռ հաշիվների մեջ քչերը կարող են չափվել նրա հետ: Կարծում եք՝ մեր կորպուսի հրամանատարը շունի այդ առավելությունները: Թուրքական ճակատի մի քանի կետերում և հատկապես Դիլմանում գեներալ Նազարբեկովը ցույց է տվել զորավարի բարձր արժանավորություններ...

— Այն ժամանակ ռազմաճակատում գեներալ Նազարբեկովի անունը տալիս էին հիացումով:

— Այո՛, հիացումով,— հաստատեց Գանիելբեկ Փիրումյանը:— Բայց այն ժամանակ զորավարների և ամեն աստիճանի հրամանատարների ձեռքի տակ կանոնավոր զորամասեր կային, պատերազմը վարում էինք պատերազմական կարգուկանոնով: Հիմա մեր կռիվն աշխարհին հայտնի բոլոր օրենքներից դուրս է, ենթակա միայն մեկ օրենքի՝ աստծու ստեղծած ազգը փրկելու օրենքին: Գեներալ Նազարբեկովի տարիքում...

Ռադիոսարքը շտաբի անկյունում տղտղաց հանկարծ: Շնեուրը մոտեցավ, լսափողը սեղմեց ականջին:

— Այո՛, պարոն Մանուկյան: Բարի երեկո, ես եմ, կապիտան Շնեուրը: Այստեղ է, այս բոպեին:— Ապա դիմեց Փիրումյանին.— Պարոն հրամանատար, պարոն Մանուկյանն է, ձեզ է ուղում:

— Լսում եմ, պարոն Արամ,— լսափողը ձեռքն առնելով՝ պատասխանեց Փիրումյանը:— Բարի երեկո, բարի երեկո, շնոր-

հակալ եմ, զգացված եմ: Ինչպե՞ս չէ: Շատ ուրախ եմ համա-  
լրումների, պարենի և ամեն ինչի համար: Չեք կարող երևակա-  
յել, թե այդ ամենն ինչպես է բարձրացնում զինվորի ոգին: Ստացե՞լ եք: Այդպես է, իհարկե. հիմա մեզ գործիմաց հրա-  
մանատարներ են պետք, մանավանդ որ, հավանական է, տնե-  
րում զենք կրելու ընդունակ մարդ մնացած չպիտի լինի: Կո՞չք:  
Ընթերցելուց ինքս էլ այդպես էի մտածում: Բայց խոսեցինք մեր  
շտաբի պետի հետ, և հիմա կարծում եմ՝ լավ է, որ ժողովուրդն  
արթուն են պահում: Է՛, ինչ կարևոր է, մի՞թե կարևորը զնա-  
հատականն է: Մենք հաղթենք, թող նրանից հետո գրեն՝ ինչ  
որ կուզեն: Մնված օրից գլուխներս են մտցնում, որ ահեղ դա-  
տաստանի օր է լինելու: Միայն թե այն օրվան գլխահակ ու  
ամոթով շներակայանանք...

\* \*

\*

Հինգերորդ գնդի առաջին գումարտակի հետ էր Գարեգին  
Կախկոպոս Հովսեփյանի այդ օրվա վերջին զրույցը: Զինվոր-  
ները դաշտային լարված ու երկար պարապմունքից հետո ան-  
կանոն նստել էին կանաչ խոտերի մեջ, թիկունքներով դեպի  
Արարատը և լսում էին սրբազանի ճառը: Հոգնած էին նրանք,  
սկզբում լսում էին անտրամադիր, ննջելով, հետո աստիճանա-  
բար կապվեցին նրա խոսքի հետ և զնացին դեպի հայոց պատ-  
մության խորքերը, տեսան հայ ազատամարտիկների քաջագոր-  
ծությունները, ոգևորվեցին նրանց անօրինակ հաղթանակներով:  
Դժվար էին ձեռք բերվում այդ հաղթանակները, մեծ զոհաբե-  
րությունների ու նահատակությունների գնով, արյամբ ու մա-  
հերով, որոնք կովոդներին բերում էին անմահության դափնին և  
սերունդների երախտագիտությունը: Սրբազանի հայացքն ուղղ-  
ված էր դեպի Արարատը, որի գագաթները մխրձվել էին վերջա-  
լույսի շառագույնով ողողված երկնքի մեջ: Գարեգին Կախկո-  
պոսի համար այդ պահին Արարատը կենդանի, շնչավոր ու ան-  
մահ մի իրականություն էր, հայոց դժվար պատմության փկան  
ու մասնակիցը, հայ ազգի անմահության ու հավերժության խա-  
րիսխը:

Երկու արծիվ օդում հանդարտ սահում էին Արարատի գա-

գաթների ուղղութեամբ: Երևի վերից անքթիթ դիտում էին դաշտի անսահմանութունը՝ այն կետերը, որոնց վրա իջնելով պիտի հղփանային:

Ասում են՝ արծիվները հզոր են ու երկարակյաց, որովհետև հաճախ են կշտապնդվում քաջ նահատակների մասունքներով:

Սրբազանը, մտորուն հայացքն արծիվների վրա, խոսում էր.

— Ահա այսպես գեղեցիկ ու վեհորեն բազմել է մեր Հայաստան աշխարհի սրտում, մեր ազնիվ ցեղը սկզբնավորող Հայկի ինքնահաստատումի խիզախ մարտն է խրախուսել, նրա ժառանգների և հետագանների ազատասիրութեան կամքն ու խաղաղ, արգասավոր ոգորումները... Մինչև այսօր և հավիտյան: Նայե՛ք նրան, զավակներս, լավ տեսե՛ք նրա ինքնավստահ հանդրստութունը:— Գումարտակը, ասես մարտական հրամանով, մեկեն շուռ եկավ դեպի սուրբ լեռը և միահամուռ, միաբերան «ա՛հ» արեց: Դա հիացմունքի, սրբազան ոգեղինացման բացականշութուն էր: Եվ երբ նրանք մեկ էլ ետ նայեցին, իրենց ոգեշնչված ճառախոսը երևաց աչքներին ավելի մեծ, կարծես այլևս այն փոքրամարմին, նիհար ու մազաղաթյա վանականը չէ, այլ պատմական հեռուներից եկած, այս ճակատագրական օրերին հասած մի հսկա, որ հերոսութեան ու հաղթանակի պատգամն է բերել քաջ նախնիներից: Սրբազանը սևազգեստ կանգնել էր հողաթմբի վրա և թևերը բարձրացրած՝ պատերազմի ոգունման, թվում էր ահա ուր որ է սուրաչու է դեպի բիբլիական լեռը: Եվ օգի մեջ նրա խոսքերն էին թևածում:— Արարատը միշտ էլ տեսնում է իր զավակներին, որտե՛ղ էլ նրանք լինեն, ի՛նչ հեռուներում և բախտավոր ու ապաբախտ պայմաններում: Տեսնում և ուժ ու համառութուն է պարգևում: Նայեցե՛ք նրան և դուք նոր ուժ կստանաք, ինչպես հունաց առասպելի դուռցազուներ, որը երբ ոտքը կպցնում էր գետնին կամ մեր Արշակ թագավորը, երբ Պարսից դաժան արքայի պալատում կանգնում էր Հայաստանից տարած հողի վրա: Վաղը, զավակներս, վաղը մեծագույն փորձությունը կլինի նրա համար: Վաղը նրա պարգեված ուժով մենք պիտի հաղթենք թշնամուն: Եվ այն ժամանակ նա բաց ճակատով կնայի երկնքին ու հանուր աշխարհին, կմնա հպարտ իր հավերժութեան մեջ, իբրև մեր գոյութեան ապավեն ու խարիսխ, մեր նորոգ կյանքի ու վերածննդի անմեռ վկան...

Սրբազանի խոսքերը դեռ զնգում էին զինվորների ականջ-

ներում, երբ պատանի մի զինվոր, ոտքի ելնելով, խնդրեց թույլ տալ, որ ինքը բանաստեղծութունն արտասանի:

— Քո՞նն է բանաստեղծութունը, ի՞նքդ ես գրել,— հարցրեց Գտրեզին եպիսկոպոսը՝ ուրախանալով, որ իր խոսքը բանաստեղծական տրամադրութուն է արթնացրել:

— Ո՛չ, ես չեմ գրել, սրբազան, բայց այնպես իմն է և այս պահին ձեր խոսքով այնպես է եռում իմ մեջ, որ ուզում եմ նվիրել բոլորին:

Պատանին կանգնած էր նստոտած ու կիսապառկած իր ընկերներին արանքում: Գլխաբաց էր, և ալիքավոր, թխափայլ մազերի հետ խաղում էր Արարատից եկող հովը:

— Ա՛,— սրբազանը հանկարծ ճանաչեց պատանուն և հայրական խանդաղատանք զգաց,— Հովսեփ, այդ դո՛ւ ես: Խոսի՛ր, սիրելիս:

— Բանաստեղծութունը Վահան Տերյանն է գրել, կոչվում է «Արարատին»,— հայտարարեց պատանին և սկսեց կարգալի Ամոթխածութիւնն էր, թե՞ հուզմունքը՝ առաջին պահ խաթարել էր ձայնը, և օդում թևածում էին միայն կցկտուր արտահայտութուններ ու տողեր. «Ծրկնասլաց ու թեթև»... «Նյութեղեն շես դու երբեք»... «Հայոց արնոտ աշխարհի հոգին ես դու անարատ»: Ապա նա դտավ, տիրապետեց իրեն, ձայնը դարձավ տիրական, յուլ աքանջուր բառը՝ հնչեղ ու մտքում կնքվող:

«Ծվ ավերվող մեր սրտում  
Եռա անմար ու առատ,  
Դու պահապան միշտ արթուն,  
Լուսակատար Արարատ...  
Զեմ տեսել քեզ, բայց որպես  
Անուշ ցնորք իմ հոգում,  
Պայծառ ես դու, հրակեզ,  
Հրապսակ ու կանգուն,  
Արդար գրող հայության,  
Սիրո սեղան հրառատ,  
Դու իմ երկրի հարության  
Անխաբ վկա—Արարատ:  
Որքան մնանք մենք նկուն,  
Որքան խավարն իշնի խոր,  
Միրանավո՛ր մեր հոգուն  
Դու պահապան զորավոր...»

Որպես երազ լուսեղեն,  
 Ձյունապայծառ ու շողուն՝  
 Գո՛ւ անխորտակ ապավեն  
 Հրաճարակ մեր հոգուն:  
 Կանգնի՛ր, անկյալ ժողովուրդ,  
 Ե՛վ հավատա, և՛ տոկա.  
 Կա քո վշտում վե՛հ խորհուրդ,  
 Եվ խաչվածին մա՛հ չկա:  
 Պարզվիր պայծառ դեպի վեր,  
 Յու՛լ՝ հրով անարատ,  
 Երկրիս մոխիր ու ավեր,  
 Դու անմահ սիրտ—Արարատ»:

Մի քանի վայրկյան լուռ էին գինվորները: Առաջինը ծափ  
 զարկեց սրբազանը, և նրան հետևեց գումարտակի որոտընդոստ  
 ծափահարությունը: Հիացական բացականչություններով լցրին  
 օդը: Եվ երբ լեցին, Գարեգին եպիսկոպոսն իր հեղինակավոր  
 խոսքն սասց.

— Իսկապես որ այս պահի համար է գրված: Աստված եր-  
 կա՛ր կյանք տա Վահան Տերյանին:— Ապա դառնալով պատա-  
 նուն՝ հարցրեց.— Հովսեփ, որդյակս, դու անձամբ տեսած կա՞ս  
 Տերյանին. հիմա նա Ռուսաստանում է լինում, նոր կառավա-  
 րության մեջ հայոց գործերով է զբաղված:

— Վահան Տերյանին շատ եմ տեսել, սրբազան,— հպար-  
 տությամբ պատասխանեց պատանի Փիրումյանը:— Երբ Մի-  
 քայելի հետ սովորում էր համալսարանում, մեր տանը հաճախ  
 էր լինում: Վերջին անգամ հանդիպել եմ ժողովում, լսել եմ նրա  
 խոսքը, բանաստեղծությունները, որոնց մեջ էր նաև «Արարա-  
 տը»: Դրանից հետո էր, որ ես եկա այստեղ...

Գարեգին սրբազանը ճանաչում էր Դանիելբեկ Փիրումյանի  
 ավագ որդի Միքայելին, տեսել էր նաև աղջիկներին, որոնք եր-  
 բեմն ամառն անց էին կացում Ալեքսանդրապոլում և մոր հետ  
 հաճախ էին այցելում Անիի ավերակները, հետաքրքրվում հնա-  
 գիտական արշավախմբի աշխատանքներով, մանավանդ որ Երա-  
 նուհի խալաթյանց-Փիրումյանը բարեկամություն ուներ Նիկողա-  
 յոս Մառի, Հովսեփ Օրբելու և արշավախմբի մյուս աշխատա-  
 կիցների հետ...

Սրբազանն ուզում էր կրտսեր Փիրումյանին իր գոհունակու-  
 թյունն արտահայտել տիկին Երանուհու կատարածի համար...

Սակայն այդ ժամանակ նրանց մոտեցավ Արշավիր Մելիքյանը, և զրույցը գնաց ուրիշ ուղղութեամբ:

Մելիքյանին ծանոթ էր սրբազանը, գիտեր, որ տասնչորսին հենց Երևանում թերթ է հրատարակել և ըմբոստ գաղափարների համար բավականին տուժել: Հետո էլ քանի՜ անգամ նրա ստորագրութեամբ հոդվածներ է կարդացել, որոնք մի ուրիշ տեսակ են բացատրում աշխարհն ու այն վերափոխելու եղանակները: Սակայն չգիտեր, թե այդ ամենն ինչքան նպաստավոր է հայ ազգի համար, որը տրորվում է իրար արյան ծարավի մեծ ու փոքր տերութունների գոտեմարտում:

Արշավիր Մելիքյանը հարգալից ողջունեց Գարեգին սրբազանին, ապա դարձավ Հովսեփին.

— Ապրե՛ս, երիտասարդ, դու հիացրիր բոլորին:

— Դրա համար Վահան Տերյանին եմ պարտական, — համեստ, շիկնած պատասխանեց Հովսեփը:

— Տերյանին մեր ամբողջ ժողովուրդն է պարտական, — հաստատեց Մելիքյանը և, առավելապես սրբազանին ի լուր, ավելացրեց. — Նախ և առաջ նրա համար, որ այս ճակատագրական օրերին նա մեր ազգը փրկելու ճանապարհ փնտրողների առաջին շարքում է:

— Ես գիտեմ, որ նա Ռուսաստանի նոր կառավարութունում պատասխանատու պաշտոն է զբաղեցնում, — Հովսեփը փորձեց ապացուցել իր քաջատեղյակութունը...

— Զբաղեցնելն ա՛յն խոսքը չէ, — դարձյալ ի լուր սրբազանի՝ ասաց Մելիքյանը: — Նա անհնարինն է կատարում, անհնարի՛նը՝ մեր ժողովուրդն այս արհավիրքից փրկելու համար: Ռուսաստանի նոր կառավարության դեկրետը Արևմտյան Հայաստանի վերաբերյալ՝ նաև նրա՝ գործն է: Արտաքին գործոց նախարարութեան հեռագրերն ու մյուս միջոցառումնե՛րը, որոնց նպատակն է մեծ տերութուններին թույլ չտալ իրենց շահախնդրութուններով պղտորելու հայոց հարցը:

Սրբազանն ուշադրութեամբ լսում էր նրա խոսքը և, առանց երկար-բարակ մտածելու, ասաց.

— Իսկ ինչո՞ւ այդ ամենի մասին չեք խոսում զորքի առաջ, չեք պատմում, չեք բացատրում, որպեսզի մարդիկ իմանան, որ իրենք մենակ չեն, որ իրենց հոգսը քաջող մի կառավարութուն կա այս աշխարհում:

— Քիչ առաջ ես ինքս էի ուզում առաջարկել:

— Կարծում եմ՝ հիմա էլ ուշ չէ.— ուրախացավ սրբազանը և, զորաջոկատի ղեկավարների հետ խոսելով, զինվորներին նորից հավաքել տվեց:— Ճիշտ է, նրանց հանգիստ է պետք, բայց դրանից ավելի անհրաժեշտ է այն գիտակցութունը, որ իրենք մենակ չեն այս աշխարհում:

Արշավիւր Մելիքյանն իր զրույցն սկսեց Ռուսաստանի նորաստեղծ կառավարութեան ղեկրետի հիշատակումով:

— Դա առաջին պետական փաստաթուղթն է, որով արևմտահայկական նահանգներին տրվում է ինքնորոշման իրավունք,— ասաց Մելիքյանը և հետո ուզում էր բնութագրել նաև փաստաթղթի պատմական ու քաղաքական նշանակութունը: Սակայն հենց նրան մտտիկ նստած մի զինվոր բարձրաձայն տրտնջաց.

— Ի՞նչ ինքնորոշման իրավունք է դա, երբ դեկրետի հրապարակման հետ էլ ռուսական զորքը ետ քաշվեց՝ արևմտահայկական նահանգները թողնելով «զորը գայլի» երախում...

— Ռուսական զորքը ետ քաշվեց ո՛չ իր կամքով: Նրան հարկադրեցին Գերմանիան ու իր դաշնակիցները,— հանգիստ բացատրեց Մելիքյանը:— Հարկադրեցին Բրեստ-Լիտովսկի պայմանագրով: Հասկանո՞ւմ եք:

— Իսկ Ռուսաստանն ինչո՞ւ ընդունեց այդպիսի պայմանագիրը: Ընդունեց, չէ՞: Բա դրա՞ն ինչ կասեք,— պոռաց զինվորը և հաղթողի հպարտութեամբ շորս կողմ նայեց:

Զինվորները հետաքրքրութեամբ հետևում էին վեճին և չգիտեին՝ ի՞նչ պիտի պատասխանի ճառախոսը, որին կարծում էին, մնում էր ձեռքերը բարձրացնել:

— Ընդունեց՝ դիմադրելով,— արտաքուստ հանգիստ խոսեց Մելիքյանը:— Ընդունեց բողոքելով:— Ապա գրպանից թղթեր հանեց ու կարդաց.— Տեսե՞ք՝ այդ ամենն ինչպես է արձանագրել դաշնագիրն ստորագրող ռուսական կողմը:— Ապա դառնալով ընդդիմախոսին՝ հարցրեց.— Լսո՞ւմ եք: Գե՛, ահա. «Կովկասում ակնհայտորեն խախտելով հենց Գերմանական կառավարութեան կողմից փետրվարի 21-ի վերջնագրի պայմանները և հաշվի չնրստելով Արդահանի, Կարսի ու Բաթումի մարզերի բնակչության իսկական կամքի հետ, Գերմանիան Թուրքիայի օգտին է անջատում այդ մարզերը, որոնք ոչ մի անգամ նվաճված չեն եղել թուրքական զորքերի կողմից»: Հասկանալի՞ է, թե՞ նորից կար-



դամ:— Ընդդիմախոսը լուռ էր: Ուշադիր լսում էին նաև զինվորները:— Նույն փաստաթղթում ասված է նաև. «Ապավինած միջան իր սեփական ուժերին՝ Ռուսական հանրապետության սովետական կառավարությունը ի վիճակի չէ դիմադրելու գերմանական իմպերիալիզմի զինված հարձակմանը և հանուն հեղափոխական Ռուսաստանի փրկության՝ հարկադրված է ընդունել իրեն ներկայացված պայմանները»:

— Այո՛, հարկադրված է ընդունել, — չհանձնվեց ընդդիմախոսը:— Հարկադրված եղավ նաև հրաժարվել հայոց հովանավորի պարտականությունից:

— Ահա այդտեղ էլ դուք շարաշար սխալվում եք, — արդեն ջղաչին շարունակեց Մելիքյանը:— Սակայն չգիտեմ՝ անտեղյակությունի՞ց, թե՞ պարզապես...

— Ի՞նչ անտեղյակություն, ուրիշ ի՞նչ կա, որին սկտք է տեղյակ լինեմ:

— Հիմա ես ասեմ, թե ինչի՛ն պիտի տեղյակ լինեիր:— Եվ ձեռքի թղթերի արանքից հանեց մեկը, տակ ու գլխին նայեց, սկսեց կարդալ. — Բրեստ-Լիտովսկի պայմանագրից հետո, երբ թուրքերը Գերմանիայի հովանավորությամբ առաջ էին շարժվում մեր ճակատում, Ռուսաստանի Արտաքին գործոց նախարարությունը, Չիչերինի ու հայազգի Կարախանի ստորագրությամբ, Գերմանիայի դիվանագիտական ներկայացուցչին հղել է այսպիսի հեռագիր. «Թուրքական բանակն առաջ է շարժվում դեպի Բաթում, Կարս, Արդահան՝ ավերելով երկիրը և ոչնչացնելով գյուղացիական բնակչությանը: Հայերի հետագա ճակատագրի համար պատասխանատվությունն ընկնում է Գերմանիայի վրա, որովհետև հենց նրա պահանջով էլ ռուսական զորքերը դուրս բերվեցին հայկական մարզերից, և այժմ Գերմանիայից է կախված թուրքական բանակի ետպահումը վրեժի ու շարունակյալ հողի վրա ծագող իր համար սովորական աննկարագրելի դաժանություններից: Գժվար է հաշտվել այն մտքի հետ, որ մի այնպիսի կուլտուրական պետություն, ինչպիսին Գերմանիան է, որը հնարավորություն ունի ազդելու իր դաշնակից Թուրքիայի վրա, թույլ կտա, որ ակամա այս համաշխարհային պատերազմի մեջ քաշված հայ ժողովրդի համար Բրեստի հաշտության պայմանագիրն անհամար թշվառությունների ազդյուր ծառայի...»: Եվ այսպես շարունակ: Հիմա հասկանալի՞ է:

— Հետո՞, — իբր այդ բոլորը ոչ մի նշանակութիւն չունեցավ հարցը պարզելու համար, իբր դրանք դատարկ խոսքեր են, և վարկորն այն է, որ Ռուսաստանը հիմա իր հեռվից խոսում է, առանց վճռական միջամտութեան, և թուրքն էլ ահա գալիս է մեր վրա, — զինվորը ձեռքը թափ տվեց. — Իսկ այսօ՞ր: Այդ բոլոր դատարկ խոսքերից ի՞նչ օգուտ էս կոտորվող անմեղ ժողովրդին...

— Ըստ երևույթին ո՛չ մի օգուտ, — վճռաբար հայտարարեց Մելիքյանը, — քանի որ «էս կոտորվող անմեղ ժողովրդի» բախտը հանձնվել է Անդրկովկասյան սեյմին, և նա էլ ամեն կերպ աշխատում է երկրամասը հեռու պահել այն օգուտից, որ իրապէս կարող էր լինել իմ բերած փաստաթղթերից ու փաստերից:

— Էդ մեկը շհասկացանք:

— Այդ մեկը հասկանալու համար էլ անհրաժեշտ էր տեղյակ լինել այն իրողութիւններին, որոնք սեյմի պարագլուխները թաքցնում են ժողովրդից:

— Էդ էլ մի ուրի՞շ նորութիւն:

— Նորութիւն չէ: Ահա երկու շաբաթ է, ինչ Ռուսաստանի Արտաքին գործոց նախարարութիւնը գերմանիայի համապատասխան մինիստրութեան ներկայացուցիչ կոմս Միրբախի հետ բանակցութիւններ է վարում, որպէսզի Կովկասին վերաբերող հարցերն անհապաղ քննվեն, և քննութեանն անպայման մասնակցի Ռուսաստանյան կողմը...

— Հետո՞ ինչ...

— Եվ այն ժամանակ, երբ Միրբախն ու նրա կառավարութիւնը համաձայնել էին և նպատակահարմար էին գտնում, որպէսզի Ռուսական ու Անդրկովկասյան կառավարութիւնները համատեղ մշակեին իրենց դիրքն ու պայմանները, այսօր հենց Զխենկելին Անդրկովկասյան կառավարութեան անունից հրաժարվել է ամեն տեսակ համաձայնութիւնից և ինչ-որ իշխան Մաշաբելու է լիազորել, որ սա գնա, Ռուսական կառավարութեան առաջ, երես առ երես հայտնի Անդրկովկասի անկախութիւնը:

— Հը՛մ, — զարմացած, գլուխը կորցրածի պէս խոսեց զինվորը: — Եվ էդ բոլորը, ոնց որ ասում ես, էդպէս էլ կա, հա՞:

— Այո՛, եղբայրս, դժբախտաբար, այս է ճշմարտութիւնը:

Յ՛վ, որքան էլ ցավալի ու աղետաբեր, մեր ազգի գործերն այսպես են վարում Զխենկելին ու նրա հայ գործակիցները:

Զինվորներն աղմկեցին, իրարով անցան: Հարցեր էին տալիս, իրար խանգարելով խոսում էին, հայհոյում ու աղմկում: Գարեգին սրբազանն ստիպված եղավ միջամտել, որպեսզի խաղաղություն ստեղծվի: Այն ժամանակ մի ծեր գորական ետին ջարքերից առաջ գալով կանգնեց Արշավիր Մելիքյանի ու սըրբազանի առաջ և այլայլված խոսեց.

— Շատ հարգելի պարոն, շնորհակա՛լ ենք հոգաչափ. լավ խոսքեր ասացիք: Վնաս չունի, որ շատ բան չհասկացանք: Ուսումը պակաս մարդիկ ենք: Ներող կլինես: Բայց հաստատ իմացանք, որ Ռուսաստանը կանգնած է մեր հակին ու շի թողնի, որ մեր ազգը ձեռից գնա... Իսկ վաղը պատե՛րագմի դաշտում էդ շխինկալիներին ցույց կտանք, թե մենք ո՛ւմ կողմն ենք և ի՛նչ տեսակ ենք կռվում առանց իրենց նմանների ողորմածության:

\* \*

\*

Արարատյան երկրի զանգերը ղողանջում էին անդադար: Վանքերում ու եկեղեցիներում զանգահարները փոխարինում էին իրար, և լեզվակի պողը բռնող ամեն մի հոգևորական, — վանահայր լիներ թե շարքային տերտեր, սարկավազ թե փակակալ, — գիտեր, հասկանում էր, որ ինքը մարտական գիրքում է գտնվում, հայրենիքի փրկության համար ահազանգի տակ պիտի պահի հող ու երկինք:

Զանգերի ղողանջներից թուրքերի արյունը սառչում էր երակներում, քունը փախչում էր աչքերից, արև օրվա երկինքը սևեղնած էր երևում, և լուսինը, թուրքի պաշտած լուսինը գառնում էր մահվան նշանակ:

Սարգարապատից ետ փախչելիս նրանք իրենց հետ քարշ էին տվել եկեղեցու մեծ զանգը, որ գյուղացիք երկչուծ սալլով մի կերպ Ալեքսանդրապոլից են բերած եղել տասը տարի առաջ: Քարշ են տվել, հասցրել Թուրքի-Քափա: Այնտեղ, ասում են, կանգնեցրել են թնդանոթի դիմաց և կրակել: Հայոց զանգերի դեմ թունդ կատաղած են եղել, կրակել են, որ զանգի փշուրները շաղ տան հայոց դիրքերի վրա: Սակայն հսկա զանգն իր

հետ շաղ է տվել թնդանոթը, և կոտորվել են կրակողներն ու «թամաշայի» համար հավաքված ասկյարները:

Ջանգի լուրը Ալեքսանդր Շենուրին հասցրեց կապավոր Մարտիրոսը, որը գործով առաջավոր գիծ էր գնացել և այդ պատմությունն իմացել էր հետախույզներից:

Շենուրը հիշեց, որ մինչև Սարդարապատ հասնելը թուրքերը միանգամայն հարգալից վերաբերմունք ունեին հայկական զանգերի նկատմամբ:

— Վար էին բերում զանգակատներից և մեջը ճաշ էին եփում գորթի համար,— ասաց շտաբի պետը:— Քանի անգամ աչքովս եմ տեսել, թե ինչպես խոհանոցի ետևից սայլի վրա տանում էին՝ արևի տակ փայլեցնելով ներսի համակ արծաթագույնը:

— Հիմա խոհանոցներում երևի ճաշերը չեն եռացնում, որպեսզի զանգերը ձայն չհանեն,— այսպես եզրակացրեց երիտասարդ կապավորը, որն առաջին օրերին գանգատվում էր, թե գորամասի ձայնը դժվար է լսվում, քանի որ օդը լցված է զանգերի ղողանջներով: Իսկ հիմա ուրախ էր, որ այդ ղողանջներից թուրքերն են խելագարվում:

Մայիսի 25-ի լույս 26-ի գիշերը զանգերն արդեն խենթացել էին: Իրար խլացնելու մոլուցքով բռնված՝ նրանք Արարատյան երկիրը լցրել էին սարսուղգոլու մի աղմուկով, որից երկինքը զարմացել-շքմել էր, աստղ-աչքերն էր թարթրտում: Լիալուսինը լայնացել-պատռվում էր: Թուրքերը թնդանոթներից կրակ էին տեղում շորս կողմերի վրա: Իրենց իսկ կրակոցներից խլացած՝ մի պահ չէին լսում զանգերի ձայնը, կարծում էին սպանել են: Սակայն խուլթյունն անցնում էր, և մեկ էլ ղողանջները նրանց մարմիններն էին լցվում բոլոր կողմերից, նույնիսկ թիկունքից, Արարատի լուսաշող լանջերից: Այնպես էր թվում, թե Արարատն էլ՝ վիթխարի մի զանգ, աշխարհը լցրել է հզոր ու աշխարհասփյուռ իր ղողանջներով:

Այդ գիշեր արտակարգ բանուկ էին Արարատյան երկրի գյուղերից ու ավաններից, հատկապես Ծրևանից դեպի Սարդարապատի գիծը տանող ճանապարհները: Պարենով ու ռազմամթերքով բեռնված սայլերը, ձիերը, ջորիներն ու ավանակները, հետիւտն շալակավորները, որոնք արդեն քանի օր այդ ճանապարհներին էին, շտապում էին դեպի ճակատ: Ազգային խորհրդից էր

ելիլ գաղտնիքը. ոմանց հասկացրել էին, որ 26-ի առավոտյան սկսվելու է վճռական ճակատամարտը: Գուցե շեն էլ հասկացրել. ասել են՝ 26-ի այգաբացին զորքը պետք է կուշտ պարենավորվի: Եվ այս հասարակ նախազգուշացումն իրար տալով ուճացրել են, դարձրել վճռական ճակատամարտի ահազանգ, որը զանգերի ղողանջների հետ սփռվել է Արարատյան երկրում, մտել հայոց տները, թունդ հանել առանց այն էլ կրակված սրտերը:

Եվ կանայք՝ վաղուց այլևս ոչ փափկասուն հայ կանայք, իրենց հոգեպահուստներն ու դեղապետները հանեցին, կապոտեցին իբրև սրտի թանկագին նվերներ, ճանապարհեցին կամ հենց իբենք վերցրին, տարան ճակատ:

Արդեն մոտենում էր ճանապարհվելու ժամը:

«Շուշավերցու աղջիկ» Շարմաղի կողքին կապոցը ձեռքին կանգնած էր Համեստը, որի կապոցում ամեն ինչ կար, բոլորն էլ ընտիր ու համեղ: էլ շամշացած խաղող, անուշաբույր խնձոր ու ծիրանի շիր, տապակած հավեր ու զանազան աղանդերներ... Եվ այս բոլորի վրա՝ խորհրդավոր գաթա-կրկենին, որ իր իսկ ձեռքով էր թխել և կապել նախորդ օրը բազմերանգ թեյերով նախշած թաշկինակի մեջ:

Համեստը սրտով արդեն ռազմաճակատում էր, Արշակի կողքին: Ականջում նրա ձայնն էր՝ «ա՛ջուր», հայացքի առաջ՝ զինվորի կերպարանքը, փամփշտակալները խաշածև կապոտած կրթքին: Ուղեկցող զինվորն ասել էր՝ «էգ վարանդեցի Արշակի ամեն մի գնդակը մի թուրքի մահ է», և Համեստը հպարտությամբ, այո՛, հպարտությամբ՝ անվերջ մտածում էր, որ իր հետ այնպես հալվելով խոսող զինվորը, իր... այստեղ արդեն սիրտը նվազում էր... իր Արշակը թշնամու հոգեհառն է:

Կնոջ հայացքը դիմացի տղամարդու դեմքին դիպուկահարի պես անվրեպ որսում է հոգում կատարվող աննշան շարժումը: Համեստը տեսել էր, որ Արշակի սիրտն ալեկոծված է: Տեսել էր, որ իր հետ խոսելիս ձայնը դողում է՝ մատնելով սրտի այդ անսովոր ու երջանիկ դողը: Զգում էր, որ գաթա-կրկենու խորհրդավոր կտորն էլ բազմապատկել է նրա երջանկությունը... Եվ այդ բոլորը տեսնում ու զգում էին նաև Արշակի ընկերները: Իսկ Շարմաղ հոքիրը ճանապարհին հովանավոր տանով ասել էր.

«Տղայի սիրտը ձեռքիդ է, մնում է որ էլ բաց չթողնես»: «Ի՞նչ  
ես ասում, Շարմաղ հոքիր, էն օտար տղամարդու հետ ես ի՞նչ  
գործ ունեմ»: «Նա օտար էր մինչև քեզ տեսնելը, հիմի օխտը  
տարվա հարազատի նման է, և էդքանը քոռ աչքով էլ կտեսնվի:  
Իրար սիրտ եք մտել, պրծավ-գնաց»:

Համեստի համար այնպե՛ս հաճելի էր այս խոսքերը լսել: Սա-  
կայն կանացի արժանապատվությունը ո՞նց կհանդուրժեր, որ  
մտածեն, թե ահա այսպես մի տեսնելով գժված են իրար հա-  
մար: Եվ նա ջանում էր համոզել, թե ինքը ոնց որ գնացել, այն-  
պես էլ վերադառնում է, ու իր համար Արշակը՝ ոնց որ մյուս-  
ները... «Որ էդպես է, մի փունջ խոտ քաղի, դեմ արա, ուտեմ»,—  
խորամանկ նետեց Շարմաղը: «Չե՞ս հավատում,— սիրտը լըց-  
ված՝ ուզում էր լալ Համեստը:— Աստված իմ, էս ի՞նչ բախտ ես  
տվել ինձ...»: «Սուս՝-ս՝, աստծու դեմ գանգատ չեն անի. նա թե  
մի դուռ փակում է, մի ուրիշն էլ բաց է անում: Ա՛յ, էսօր  
կգնանք, կտեսնեք իրար...»:

Սակայն եթե ամեն ինչ աստծո կամքով էր կատարվում, այն-  
օր նրանց չպիտի վիճակվեր իրար տեսնել: Վերջին պահին Երե-  
վանի կողմից մի ձիավոր եկավ, Ազգային խորհրդի ներկայա-  
ցուցչի հետ խոսեց, և սա էլ դումակի առաջ հայտարարեց, թե  
պետք է գնան դեպի հարավ:

— Զորամասերից,— ասաց,— մեզ բաժին են ընկել Մակե-  
դոնի ու Հովսեփի հեծյալները, որոնք գտնվում են Սարդարապա-  
տի ուղղությամբ երկաթգծից ներքև:

Շարմաղը հուզված վազեց, կանգնեց ներկայացուցչի առաջ.

— Ա՛ տղա, էդ ի՞նչ նոր կարգադրություն է, մեզ ո՞ւր ես  
տանում:

— Քեզ համար միևնու՞րյն չէ, ա՛յ մայրիկ ջան:

— Չէ՛, ջանի՛դ մատաղ, ինձ համար միևնուրյն չի: Ինձ հա-  
մար, մեկ էլ, ա՛յ, էն ջահել հարսի: Մենք պիտի գնանք, էն.  
ո՞նց է անունը... հա՛, Մահացածների գունդը...

— Մահապարտների, ա՛յ հեր օրհնած...

— Հա՛, ցա՛վդ տանեմ, Մահապարտների գունդը: Էնտեղ են  
մեր հարազատները,— ստեց Շարմաղը:— Թույլ տուր գնանք,  
բոյի՛դ մեռնեմ:

— Կարգադրված է, մայրիկ ջան, իրավունք չկա,— անդրդ-  
վելի էր Ազգային խորհրդի ներկայացուցիչը:— Մահապարտների

գնդի համար ուրիշ գյուղերի է հանձնարարված: Իսկ մենք հե-  
հիմա կարգադրութիւն ստացանք... Ո՞վ է գլխից ձեռ քաշել,  
որ դեմ գնա Արամի հրամանին:

\* \*  
\*

Երեկոյան ուշ ժամին Շնեուրը ճակատի հրամանատարին գե-  
կուցեց Հայկական կորպուսի շտաբից ստացված արտակարգ  
հեռախոսագրի մասին: 5436-րդ հեռագրով ստացվել էր Հայոց  
սպարապետ Նազարբեկովի ու նրա շտաբի պետ Վիշինսկու ստո-  
րագրած կոչը հայ ժողովրդին: Փիրումյանն առանց կարդալու էլ  
գիտեր, թե ի՛նչ պիտի ասեր այդ կոչը: Նա գիտեր նաև, որ հայ  
ժողովուրդն ուշացած կոչերով շի գնում վճռական ճակատամար-  
տի: Սակայն, այդուհանդերձ, նստեց շտաբի միակ մաշված սե-  
ղանի կողքին և կարդաց.

«Հայե՛ր,— նախշուն, ասես միջնադարյան գրչի հրաշագեղ  
ձեռագրով շարված էր դժգույն թղթի վրա,— ծանր փորձութիւն-  
ներ է ապրում մեր ժողովուրդը: Տաճկական բազմադարյան  
ստրկութիւնից հետո մեր ժողովուրդը հասկացավ, որ այդ-  
պես շարունակել այլևս չի կարող և վճռեց՝ կա՛մ գենքը ձեռքին  
նվաճել իր ազատութիւնն ու ստեղծել իր համար երջանիկ  
ապագա, կա՛մ պատվով մեռնել: Մեծ զոհողութիւններով ու  
ջանքերով ստեղծված մեր զորքը՝ շնորհիվ շատ անգիտակից  
տարրերի, շուտով կորցրեց իր ոգևորութիւնը, և դրա հետևանքը  
եղան մեր պատմական անհաջողութիւնները՝ մեկը մյուսից  
ծանր:

Տաճիկներն ամենաբարբարոս ձևով խախտեցին հաշտու-  
թյան բանակցութիւններն ու կնքված զինադադարը: Նրանք օգտ-  
վելով զինադադարից, առանց նախազգուշացնելու, անսպասելի  
կերպով հարձակվեցին ու գրավեցին Ալեքսանդրապոլը: Այս բա-  
նը վերջնականապես քայքայեց մեր զորքը, և զինվորները, ձգե-  
լով իրենց շարքերը՝ անկանոն խմբերով փախան իրենց տները  
թողնելով բախտի բերմունքին բոլոր մեր պահեստներն ու ամ-  
բողջ ռազմամթերքը: Թվում էր, թե ամեն ինչ կորած է, և մեր  
նենգ թշնամուն մնում է միայն շարունակել իջ հաղթական ըն-  
թացքը դեպի երկրի ներսը, ստիպելով դրանով հայ ազգաբնակ-

չությանը գաղթել իր բնակավայրերից և կորցնել իր ամբողջ ունեցվածքը: Բայց մեծ է աստժո ողորմությունը: Երևանի քաղաքի զորամասը, որի դեմ նույնպես թշնամին շարժվել էր, շտատանվեց, ընդհակառակը, դիմադրելով նրա հարվածներին, ինքը հարձակման դիմեց, երկու օրվա կռվից հետո ետ մղեց թշնամուն և այժմ հետապնդում է նրան: Երևանի զորամասի հաղթությունը ոգևորեց Ալեքսանդրապոլի զորամասի զինվորներին. սկսեցին կազմվել վաշտեր, գումարտակներ և գնդեր, որոնք արագությամբ դարձան դեպի թշնամին՝ ոգևորված մի ցանկությամբ և մի կամքով՝ հաղթել կամ մեռնել: Բայց մինչ այդ, մենք արդեն դժբախտաբար կորցրել էինք մեր ամբողջ պաշարն ու ռազմամթերքը, այդ պաշարից մեծ քանակությամբ զենք ու փամփուշտ ընկավ ազգաբնակչության ձեռքը, մթերքների պահեստները կողոպտվեցին գաղթող ժողովրդի ձեռքով, զինվորներից շատերը փախան իրենց տները: Հայ ժողովուրդը, այն զորքը, որ վճռել է կյանքի ու մահու կռիվ մղել թշնամու դեմ, պետք է լինի կուշտ և հագնված:

Եթե դուք ցանկանում եք ազատել ձեր ընտանիքները և ունեցվածքը, եթե գուք չեք ցանկանում ապրել ավելի վատթար ստրկության մեջ...»:

Ռազմաճակատի հրամանատարը, առանց վերջին էջն ընթերցելու, նայեց ստորագրություններին. «Հայկական կորպուսի հրամանատար՝ գեներալ Նազարբեկյան, Հայկական կորպուսի շտաբի պետ՝ գեներալ Վիշինսկի»։ Ազատ շունչ քաշեց և ժպտալից, մի քիչ հեզնական-անքեն հայացքը հառեց շտաբի պետին: Նա մտածում էր, որ կորպուսի տնօրեններն ապագայի համար են փաստաթուղթ պատրաստել: Գալիք սերունդները կկարգան ու կհպարտանան՝ ի՞նչ զորավարներ ենք ունեցել, ժողովրդական զանգվածներին ինչպե՞ս բարձրացրել են թշնամական հեղեղի դեմ...

Կապիտան Շնեուրը զարմացած էր իր հրամանատարի վերաբերմունքից:

— Ինչպե՞ս է, պարոն հրամանատար,— հարցրեց նա:— Լավ է, ժամանակին տեղ են հասցրել, թե չէ, կարող էին սպասել՝ պատերազմից հետո...

— Լավ ձեռագիր է,— վեր կացավ Փիրումյանը:— Էլի Մար-



տիրոսների տոհմի ներկայացուցի՞չն է գրի առել: Կցե՛ք շտաբի թղթերին: Ապագայում ասելու են՝ ի՞նչ լավ ձեռագիր են ունեցել մեր նախնիները, ափսոս՝ անորակ թղթի վրա են գրել:

\* \* \*

\*

Բազմաճակատի հրամանատարը համարյա ամբողջ գիշերն անցկացրեց ոտքի վրա:

Երեկոյան հավաքվել էին թուուցիկ խորհրդակցության: Ճշտեց, առանձնացրեց ու ընդգծեց յուրաքանչյուր հրամանատարի պարտականությունը, լսեց դիտողություններն ու առաջարկությունները և, առանց որևէ մանրամաս թաքցնելու, ասաց, որ այդ բոլորն սկսվելու են վաղը, մայիսի 26-ին, Վարդանանց սրբազան պատերազմի օրը:

Գարեգին Հովսեփյանն էլ ներկա էր խորհրդակցությանը: «Վարդանանց պատերազմը» լսելուց մանր ականջները սրեց անհանգիստ նժույգի պես: Դա չվրիպեց հրամանատարի աչքից:

— Այո՛, Վարդանանց ճակատամարտի օրը, — Դանիելբեկ Փիրումյանը նայեց սրբազանին, և նրանց հայացքները խոսեցին իրար հետ: — Պատահակա՞ն զուգադիպություն է դա, թե՞ նախախնամության կամքով ենք այդ նույն օրը նետվում ամենավճռական ճակատամարտի... Կարևոր չէ: Կարևորն այն է, որ այս կովում մեզ հետ կլինի Ավարայրի ոգ'ն, մեր ազգն ու ամեն ազգայինը փրկելու հաստատակամությունը: Ինձ մնում է ամենայն հաջողություն մաղթել բոլորիդ և ասել բարի գիշեր: Մինչև ատավոտ: Զգաստ ու պատրաստ եղեք...

— Իսկ ժա՞մը, պարոն հրամանատար, — տեղից վեր կենալիս հարցրեց գնդապետ Շահնազարյանը, որի համար, այդ ժամից բացի, ամեն ինչ պարզ էր ու հասկանալի:

— Ժամի մասին լրացուցիչ կարգադրություն կլինի, — պատասխանեց Փիրումյանը և նայեց շտաբի պետին: — Պարտ՞ն կապիտանի ջանքերով հուսալի կապ է ստեղծված յուրաքանչյուրիդ հետ: Մնացած բոլոր հարցերը՝ այդ կապի միջոցով:

Բաժանվելիս նա մտերմորեն թևի տակ առավ Գարեգին սրբազանին և ականջին հարցրեց.

— Գուցե Ղևոնդ երեցը կցանկանա՞ առավոտյան բարեմաղթանքի խոսք ասել զորքին:

— Դա իմ հոգու պարտքն է, սիրելիս,— անմիջապես պատասխանեց սրբազանը՝ շոյված զորավարի վերաբերմունքից և Ղևոնդ երեցի անունից:— Սիրով կխոսեմ: Բայց զորքին ինչպե՞ս մի տեղ կհավաքես:

— Դրա կարիքը չկա: Դու շտաբում կխոսես, և ռազիոն ձայնդ կսփոփ ամբողջ ճակտով մեկ:

— Այդ օրվան է՛լ հասանք, որ պատարագիչը չպիտի տեսնի իր հոտի երեսը: Լույսը դեռ չբացված՝ ես այստեղ կլինեմ:

Զորապետը հանձնարարեց քնել-հանգստանալ, որ առավոտը դիմավորեն թարմ ուղեղով ու կայտառ մարմնով: Հանձնարարեց, իսկ ինքը ո՛չ քուն ուներ, ո՛չ հանգիստ: Ո՞վ է ասել, թե օձի կծածին էլ քուն կգա: Քունն ամեն մի շունչ-կենդանու համար է, բայց ո՛չ այն զորավարի, որ սպասում է վճռական ճակատամարտին: Վճռական ի՛ր համար, իր ազգի ու նրա հայրենիքի համար: Գուցե կային մարդիկ, որոնք հավատում էին, թե Սարգարապատում տանուլ տալով՝ հայ ժողովուրդը դեռևս հնարավորութուն կունենա ուշքի գալու, ոտքի կանգնելու և քայլելու այն ճանապարհով, որ աստված է վերապահել նրա համար: Գուցե կային մարդիկ, որոնք մտածում էին, թե այս վերջին պատերազմի դաշտում թուրքի առաջ կոնակ դարձնելով՝ հայը հնարավորութուն կունենա դիվանագիտական կամ ուրիշ որևէ սեղանի շուրջը նստել և նույն թուրքից ստանալ ապրելու, գոյութուն պահպանելու գոնե փոքրիկ մի հողակտոր: Նա թուրքին լավ էր ճանաչում, որպեսզի իրեն չսփոփեր նման խաբկանքով: Նա իր ազգի վիճակը լավ գիտեր, որպեսզի ուղեղը չլքեր առատ հեռանկարի մշուշով...

Եվ հիմա, շտաբի շուրջը պտտելով, ինքն իր հետ նորից ու քրերորդ անգամ քննում էր ճակատամարտի հնարավոր ծավալումները:

Իրիկնադեմին վերջապես ռազիոկապով խոսեց գնդապետ Կարո Ղասաբբաշյանը: Արդեն ճանապարհին էր, Արագածի լանջին: Ասաց՝ մի քանի օր առաջ Երզնկայի ու Մակվի ցաք ու ցրիվ գումարտակներից կազմել է կարգին մի զորաշոկատ, շուրջ յոթ հարյուր սվին, և ահա թնդանոթներն էլ առած շարժվում է դեպի թուրքերի թիկունքը:

— Ինչպես կարգադրել եք, պարոն զորավար,— զնգաց ախալցխացի գնդապետի երիտասարդ ձայնը:— Կարծում եմ՝ կեսօրվա դեմ կսկսենք գործը: Անմիջապես էլ կհաղորդենք ռադիոյով: Իսկ թե որ ռադիոն խափանված լինի, կհաղորդեն թնդանոթներու:

— Զգուշ եղեք, ձեր վիճակում ամենից առաջ զգուշութիւն...

— Միքայելը կողքիս է, պարոն զորավար: Միասին ենք...

— Երկու երիտասարդ ու տաքզուխ միասին եք...

— Դրանից միայն թշնամու գլուխը պիտի ցավի:

— Զգուշ եղեք, զգուշ, լսում եք:

Վատ էր լսվում. բոլոր բառերի հետ՝ կտկտոցներ, ոնց որ բարակ թիթեղի վրա բանջարբսուկ տեղար: Եվ հանկարծ Ղասաբբաշյանի ձայնը պարզվեց.

— Պարոն զորավար, չէի՞ք ցանկանա խոսել Միքայելի հետ, կողքիս է, ինքն ուզում է...

Հետո ձայնը կորավ, և նույնիսկ կապիտան Շնեուրը չկարողացավ կապը վերականգնել:

Ուրեմն՝ վաղը, կեսօրվա դեմ: Իսկ եթե ռադիոկապն այդպես խափանված էլ մնա: Ձէ, մի բան կանեն: Հետո էլ թնդանոթները կան, նրանց որոտը կհաղորդի: Թուրքե՛րն իրենք կհաղորդեն՝ գլուխները կորցնելով: Եվ պատկերացնում էր, թե նրանք ինչպես պիտի խուճապի մատնվեն՝ թիկունքից բոլոր հրազենների ահարկու համազարկ առնելով: Միայն թե շնախատեսված բան չպատահի: Աստված մի՛ արասցե...

...Գիշերվանից բավական անց էր, սակայն քունը չէր տանում: Ժամանակը կարծես կանգ էր առել, և յուրաքանչյուր վայրկյանը տառապանք էր իր համար: Վեր կացավ, հրամանատարական վրանի ետև կրակ վառեց, ջուր տաքացրեց և լողացավ (Կրակի համար շոփ էր հավաքում, որ համհարզը մոտ վազեց. «Թ՞նչ է պատահել, պարոն հրամանատար. օգնելու բա՞ն կա»: Նա սիրալիր շոյեց երիտասարդի ուսը, լուսնի լույսով հայրաբար տնտղեց երեսի երկար սպին, գլխով նշան արեց, որ գնա: Համհարզը հեռացավ՝ հավատարիմ շան պես ուսի վրայից ետ-ետ նայելով): Լողանալիս մտածում էր, որ առավոտյան ամենավճռական մարտն է սկսվելու, և եթե որևէ շար պատահմունք լինի, ինքն իր վերջին ճանապարհը կգնա լողացած, այս աշխարհի կեղտերից մաքրված: Մտածեց ու մտքում էլ ծիծաղեց

այդ հիմարության վրա. «Ազգի բախտն է որոշվելու, իսկ դու միտքդ ինչո՞վ ես զբաղեցրել...»:

«Այս աշխարհի կեղտերից մաքրված» պատկեց վրանի կողքի ընդադոտ խոտերի մեջ, հայացքը հառեց երկնքին: Համատարած կապտասև անհուններից աստղերն առկայծում-պլպլում էին որպես գիշերը գործող անթիվ-անհամար հրակնատներ: Երկնի անհունը, աստղերի այդ առկայծումները, ծղրիղների միալար երգը, որ լսելի էր անգամ զանգերի անլուելի ղողանջների մեջ, մի հաճելի թմրություն բերին նրա հոգնած մարմնին: Նայեց զըրպանի ժամացույցին, մեկն անց էր մի քանի ըրպե: Ննչեց, երազ տեսավ, տեսածից արթնացավ և նորից ժամացույցին նայեց, ապշեց. մի քանի ըրպե էր անցել միայն, այդ մի քանի ըրպեում ինչպե՞ս հասցրեց այդքան բան տեսնել: Իբր, գլուղում էին, պապենական շենքի գլխատանը: Հավաքվել էին համագլուղացիները, հարևան գլուղերի ազգականներն ու ծանոթները: Հարսանիք էր, որի գլուխ նստած Աբիսողոմ ապերը կենաց-խոսք էր ասում և ստեպ-ստեպ աչքերից իջնող արտասուքն էր սրբում: Տխուր-տրտում էին հարսանքավորները: Հարսանքատան գլուխ, Աբիսողոմ ապոր կաղքին փեսա Հովսեփն էր նստած թուրք հալսնացուի կողքին: Ա՛, նոր է հասկանում, որ պատճառն այս թուրք հարսնացուն է: Նախ շատ է զարմանում, որ հարսանիք է, և ինքը նոր է իմանում այդ մասին: Ապա մոտենում, տխուր ու դալկադեմ փեսային մի կողմ է քաշում. «Ա՛յ տղաս, բա սա էլ անելո՞ւ բան է, որ դու ես արել»: Թե. «Հայրիկ, ուշքս կորցրել էի, գլխիս կապեցին...»:

Ի՞նչ կարող է նշանակել. հարսանի՞ք, թուրք... հարսնացո՞ւ և... «ուշքս կորցրել էի, գլխիս կապեցին»:

Տանն «էֆիմերտե» ունի, ոչ մի անգամ ուշադրություն չի դարձրել որ իմանա՝ երազներից ո՞րն ի՞նչ է նշանակում, որովհետև չի հավատում սուտ-փուտ բաներին: Բայց հիմա, այս վայրկենական նինջի միջոցին, վճռական ճակատամարտից առաջ... Մի տխուր, անմխիթար վիշտ պարուրեց նրան: Մի՞թե Հովսեփի գլխին աղետ պիտի գա, իր որդու և մատաղ զինվորի գլխին, որը դեռ մի կարգին զինվոր չի դարձել:

Ժամապահներն անհանգստանում էին զորավարի անքուն ու անդադար ներկայությունից՝ Չէին համարձակվում խոսք ասել,

բան հարցնել, շնայած կարգադրված էր ստուգել յուրաքանչյուր հանդիպողի:

Մտամփոփ ու անհսկելի քայլերը նրան տարան դեպի Մահապարտների գնդի խրամատները: Զարմացավ. մի՞թե այսօր քայլել է և ո՞ւր է գնում, չէ՞ որ ինքն է կարգադրել, որպեսզի քնեն-հանգիստ առնեն...

Քողարկված հրանոթների մոտ հանդիպեց գնդի հրամանատարին:

— Պո՛ղ, քունդ չի՞ տանում,— ուսը գրկելով՝ եղբայրորեն հարցրեց:

— Որ ասեմ՝ տանում է, կհավատա՞ս,— դառը ժպտաց Պողոսբեկը:— Բայց լավ կանեիր՝ ինքդ գոնե աչքիդ որդը կոտրեիր՝ վաղը բեռդ ծանր է լինելու:

Նրանք անխոս քայլեցին խրամատների կողքով:

Լիալուսինը բավականին բարձրացել էր Արարատի կողմերում, և ցերեկվա պես լուսավորված էր դաշտի անսահմանությունը: Արաքսի եղեգնուտներից գիշերահավերժ էին կանչում, խրամատների վրա կախված էր ծղիրդների անվերջանալի երգը, որ կտրտվում էր զանգերի ղողանջներով:

Լուսնի լույսի տակ երևում էին զինվորները, որոնք քնել էին՝ որտեղ պատահել էր՝ խրամատների իրենց պատրհաններում, դուրսը, բացօթյա, և այստեղ մեկի ոտքը մյուսի համար բարձ էր, մի ուրիշը քնել էր ծնկները գրկած: Երրորդը մեջքով հենվել էր հողապատնեշին, գլուխը ծռել կրծքի վրա և փուքս էր փչում:

Զորավարի սրտում քաղցր հուշեր արթնացրեց նրանց գեղջկական, աշխատավորական ու առողջ քունը: Նա հիշեց իր մանկության ամառները, մտքի առաջ եկան գյուղի տոթ երեկոները, երբ իրենք՝ անհանգիստ երեխաներ, լուսնյակի լույսով այգիները գողության էին գնում, իսկ այգետերերը ցերեկվա խոնջենքից հետո խոմփոցով քնած էին լինում իրենց գոմերի կտուրներին կամ հենց այգիների մուտքերի մոտ:

— Երանի՛ սրանց,— կարծես զորապետի միտքը կոահելով՝ ցածրաձայն խոսեց Պողոսբեկը.— հանգիստ քնել են և երևի անուշ-անուշ երազներ են տեսնում:

— Երբ խիղճը հանգիստ է, կարող է հա՛մ քնել, հա՛մ էլ անուշ երազ տեսնել...

Պողոսբեկը մտածեց, որ հորեղբորորդուն հանգիստ չի տա-

լիս իր վրա վերցրած ահռելի պարտականությունը: Փորձեց սփռ-  
վիչ խոսք ասել:

— Դու քո խղճի առաջ միշտ էլ պարզերես ես եղել, Դանիել:  
Ինչի՞ց ես դժգոհ:

— Որդի պես ուղեղս կրծում է այն հարցը, թե ամեն ի՞նչ ենք  
արել, որ վաղվա մեր գործն աջողվի: Չէ՞ որ դրանից է կախված  
բոլորը՝ այդ անուշ-անուշ երազներ տեսնող զինվորների կյան-  
քից մինչև մեր թիկունքում կուշ եկած մի բուռ Հայաստանի  
ճակատագիրը:

— Դու այս ուղամաճակատի հրամանատարն ես...

— Ինքնակո՛չ, ինքնակա՛մ, ինքնավստա՛հ:

— Դա չի փոխում դրությունը, — այս անգամ մեծավարի  
խոսեց Պորոսբեկը: — Քո փոխարեն մի ուրի՛շը կարող էր լինել  
այդ ինքնակոշը: Պե՛տք է լիներ: Դրությո՛ւնն էր պահանջում:  
Կարևորն այն է, որ դու և քեզ ենթակա մեծ ու փոքր հրամա-  
նատարները կատարել եք ձեր պարտքը...

— Արդեն կատարե՞լ ենք:

— Այո՛, արդեն կատարել եք, Դանիել:

— Իսկ ո՞րն է այդ պարտքը, որ կատարել ենք, երբ մեծ  
կռիվը դեռևս առջևում է:

— Ամեն զինվորի մեջ մի հերոս է քնած: Հրամանատարի  
միակ ու սրբազան պարտքն է արթնացնել այդ հերոսին:

— Այդ մեկը լավ ասացիր, Պո՛ղ, — ուրախացավ Դանիել-  
բեկը. կարծես սրտին ծանրացած քարը վայր գլորեցին: — Ամեն  
զինվորի մեջ մի հերոս է քնած... Հիմա ես էլ համոզված եմ,  
որ այսօր արթուն են նրանք և իրենց կատարելիք անօրինակ հե-  
րոսությանը պատրաստ:

— Ա՛յ, դա է ամենակարևորը:

Դանիելբեկը աչ ձեռքով գրկեց զնդապետի ուսը, սեղմվեց  
նրան.

— Դա՛, մեկ էլ այն, որ վաղը պիտի անենք:

\* \* \*

\*

Ալեքսանդր Շենուրը սկզբնապես կարծում էր՝ ինքը պիտի  
Գարեգին սրբազանին անակնկալի բերի ռազիոնելույթով: Սակայն  
ուղղամաճակատի հրամանատարը թռուցիկ խորհրդակցության ժա-

մանակ այդ անակնկալը հօգս էր ցնդեցրել իր հայտարարությամբ, և ինչ-որ շահով կապիտանի տրամադրությունն ընկալելուս հիմա լույսը դեռ չբացված Գարեգին սրբազանը հայտնեց շտաբում: Անսովոր լուրջ էր ու մտամոխի: Չզարմացավ, որ Շենուրն արդեն տեղում էր, կազմ ու պատրաստ: Գերմաներեն ողջունեց, հարցրեց՝ կարևոր նորություն չկա՞, և տեղեկանալով, որ թուրքերն ստույգ պատրաստվում են հարձակման (գիշերը բռնած թուրք սպան էր հաղորդել, որ հարձակվելու են առավոտյան նամազից անմիջապես հետո), շտապեց խոսք ասել զորքին:

— Ո՞ւր է այդ սարքը, որով պիտի ճառախոսեն:

Շենուրն զգաստացավ.

— Այստե՛ղ է, սրբազան,— ասաց,— ինձ մոտ, ամեն ինչ այստե՛ղ է կատարվելու:

Գարեգին եպիսկոպոսն, անշուշտ, տեղյակ էր այդ ռազիո կոչված հրաշքին, լսել էր նրա մասին, կարդացել: Սակայն առաջին անգամ պիտի առնչվեր և այն էլ այսպես անմիջական, մանավանդ այսքան ճակատագրական մի առիթով:

Կապիտանը սիրալիր բռնեց նրա թևը, տարավ նստեցրեց անկյունում տնկած սեղանի կողքին և, մետաղահայտ, տանձանման մի բան դնելով առաջը, բացատրեց.

— Ա՛յ, այսպես նստած կխոսեք, և սա ձեր խոսքը կտանի, կսփռի զորամասերում:

— Աստված երկար կյանք շնորհի դրա ստեղծողին,— մրմընչաց սրբազանը և տեղը հարմարեցրեց, շտկեց իրեն, ինչպես ամենասրբազան պատարագից առաջ:

Ըստ երևույթին զորամասերն էլ էին զգուշացված. հրամանատարները գիտեին, որ սրբազանը ռազիոյով պիտի խոսի վարդապետանց ճակատամարտի մասին: Հոգևորականները՝ եպիսկոպոսներ ու քահանաներ, տիրացուներ և հոգևոր ճեմարանի սաներ, գիտեին և զորաջոկատները նախապատրաստել էին: Ամենուրեք սպասում էին հրաշքին: Եվ երբ խրամատներում ու Սարգարապատյան դաշտի վրա, Արարատյան երկրի զանգերի ղողանջների ուղեկցությամբ, տարածվեց Գարեգին սրբազանի երգեցիկ ձայնը՝ մի քիչ խուպոտած ռազիոալիքների խշրտոցով, բոլորը ծունկի իջան խոնարհ և երկյուղածությամբ հայացքները

դարձրին դեպի երկինք, կարծես այնտեղից էր, որ հորգում էր աստվածառաք ձայնը:

— ...Արդեն քանի՜ հարյուրամյակ հայ ժողովրդի ու նրա առաքելագիր եկեղեցու համար սրբազան է այս օրը՝ իբրև հայրենիքի, ազգի, մեր հավատի ու սուրբ մայրենիի համար ազգովին կռվելու և նահատակվելու օր: Հայոց սպարապետ Վարդանն ու սրբազան ուխտին հավատարիմ նախարարները, հայոց հոգեորականներն ու ազատները, հայ ոստանիկն ու շինականը միակամ ու միահամուռ Ավարայրի դաշտ էին գնացել՝ իրենց հավատն ու ազգային ինքնութունը պաշտպանելու մազդեզանց մոխրամուլ բռնութունից: Անհավասար էին ուժերը: Պարսից անհամար զորքի և ռազմական փղերի դեմ՝ հայ փոքրաքանակ զորքը, նրա հետ էլ՝ գավազանազեն աշխարհազորը: Սակայն հայութունը կռվեց մինչև վերջին շունչը, նահատակվեց Ավարայրի դաշտում, ապա ողջ մնացած փշրանքներով ամրացավ իր բերդերում ու անտառներում և ապրեց, դիմացավ... Թշնամին, որ պարսիկ ուժացնող կռապաշտն էր, տեսավ և համոզվեց, ապա ականջին օղ արեց, թե հայը կմեռնի-կնահատակվի, սակայն չի հրաժարվի իր հավատից ու ազգային ինքնութունից...

Եվ այսօր, Վարդանանց հերոսական պատերազմի ու սուրբ նահատակութան օրը, երբ պիտի ոգեկոչելինք մեր նախնյաց անթառամ հիշատակը, երբ պիտի մեր սրբարաններում խաղաղ ճխար նրանց փառքի համար վառված խունկը, մեր հայրենի եզերքը տնքում է նոր բռնակալի ոտքի տակ, մեր արևը մռայլվել է նրա բերած վառողի ժխից, մեր գեաեքն ու աղբյուրները վաբարել են նրա հեղած արյունից... Եթե պարսիկն Ավարայր էր հասել մեր հավատն ու ազգային ինքնութունը վերացնելու, այսօրվա թշնամին մեր ազգի կեսը կտտորել և մյուս կեսն է ուզում ոչնչացնել... Փոխվել են ժամանակները, փոխվել են ազգերն ու ցեղերը: Ավարայրում մեր դեմ կանգնած էր թշնամին, որ միայն բռնակալ էր: Ավարայրում մեր դեմ կանգնած բռնակալն ուզում էր ոչնչացնել մեր լեզուն ու հավատը: Թուրքը մե՛զ է ոչնչացնում: Ուրեմն, այստեղ նահատակութունն էլ չի կարող օգնել, որովհետև մեր նահատակութունից հետո ոչ մի հայ չի մնա, որպեսզի բարի հիշի սարդարապատյան նահատակութունը: Պատմության դասերն այլևս անզոր են այսօրվա մեր ազգային աղետի առաջ: Այսօր միայն հաղթանակն է, որ պիտի



հայությանը փրկի վերահաս կործանումից: Ուրեմն, կովենք ու հաղթենք, հաղթենք ու ապրենք՝ ի հեճուկս դարավոր թշնամու...

Խրամատներում ծունկի իջած զինվորութիւնը համակ ուշադրութիւն էր, լարում և ոգեկոչում: Օդը լիքն էր զանգերի զոդանջներով ու սրբազանի խոսքերով, որոնք զինվորին էին հասնում ո՛չ միայն լսելիքով, ո՛չ միայն իբրև հնչյուններ, որոնք պետք է լսել, ընդունել կամ շքնդունել: Նրանք մարդկանց մարմիններն էին լցվում բոլոր զգայարաններով, դառնում էին հորդոր, սուրբ մղում, արյան եռոյ ու կրակ... Եվ հետո էլ զարմանալի էր, թե հարձակման հրամանն ինչո՞ւ է ուշանում...

— Կովենք ու հաղթենք, հաղթենք ու ապրենք, — դարձյալ զնգաց սրբազանի ձայնը...

Գնդապետ Պողոսբեկ Փիրումյանը վախենում էր՝ լինեն անհամբերներ և, առանց սպասելու վերին հրամանի, կովի նետվեն նախորդ օրվա պես: Ուզում էր զգուշացնել... Եվ նրան կանխեց ինքը՝ սրբազանը, զինվորությանը կոչելով կարգապահության ու աշալրչության: Սակայն վերջին խոսքը նույն հորդորն էր, որ սփռվեց, տարածվեց ճակատի վրա.

— Կովենք ու հաղթենք, հաղթենք ու ապրենք:

Լույսը դժկամությամբ էր սփռվում Արարատյան դաշտի վրա: Գեղարքունյաց լեռնապարի թիկունքից արեգակն արնոտ պռունկը հանեց, և Արարատի ձյունները ողողվեցին հուրհրատող շառագույնով: Ռազմաճակատի ամբողջ գծի վրա, Արաքսի եղեգնուտներից մինչև Արագածի փեշերը, հայ զինվորութիւնը երդվում էր լուռ, հայացքն Արարատին, երդվում էր՝ կովել և հաղթել, հաղթել և ապրել: Երդվում էր ու հավատում... Այդ առավոտ առավել քան հավատավոր էր հայ մարդը: Այդ առավոտ հայոց ճակատի վրա թափվում էր այն լույսը, որ ոչ թե արեգակից էր գալիս՝ այդ անխտրական, անտարբեր լուսատուից, այլ ևրկնքի անտես անհուններից և լցվում էր հայ մարդու սիրտը, գիտակցութիւնը, դառնում հավատ ու հույս, ուժ ու վճռականութիւն:

— Առավո՞տ լուսո, — հայոց սուրբ լեռան ճաճանչները հայացքով գրկած՝ մրմնջում էին հոգեկորականները, և նրանց հետ աղոթք էին կարդում հայ մարդիկ ռազմադաշտում ու թիկունքում, ամենուրեք, որ կային, ապրում էին և պիտի ապրեին... Առա-

վո՛ւտ լուսո և դո՛ւ, բացվող արդար օր, եղի՛ր հայի՛ օր, հայի՛  
օր:

— Հայի՛ օր, հայի՛ օր,— ասես մոնչում էին Արարատի խո-  
րախոր անդունդները, որոնց արծագանքն էին զանգերի դողանջ-  
ները, հավատավոր հայության հոգու խորքերից պոռթկացող  
ցասման վճիռը և հույսի ամենաճառագ լույսը:

\* \* \*

\*

Թուրքական բանակի հարվածը նախագծված էր այնպես, որ  
հայ պաշտպանվողները շղիմանային առաջին իսկ ճնշմանը և,  
դիրքերից նահանջելով գերակշիռ հակառակորդի առաջ, ջարդ-  
վեին բաց դաշտում: Նրանց հետախուզությունը պարզել էր, որ  
հայկական ճակատի կենտրոնում կանգնած է հարվածող Հինգե-  
րորդ գունդը, միայն մի գունդ՝ համալրված աշխարհազորային  
ջոկատներով: Եվ այդ գնդի դեմ նրանք կանգնեցրին իրենց լա-  
վազույն դիվիզիան, կոչված Գելիբոլլու կամ Դարդանեյան: Այն  
համալրվել, ամրապնդվել էր թուրքաց Կովկասյան ճակատի  
մյուս դիվիզիաների զնդերից ու գումարտակներից քաղված թարմ  
ուժերով և բռնել էր Թուլքի թափա (Աղվեսի բլուր) ու Չիմնի  
դըռ (ոսգմական քարտեզներում՝ թիվ 440 կոչված) բլուրները՝  
Դիվիզիայի հրամանատար Յադուբ Շևքի փաշան իր դիվիզիայի  
106, 107 և 108-րդ գնդերին էր կցել նաև հրետանային երկու  
դիվիզիոն, սակրավորների մեկ գումարտակ և զնդացրային մեծ  
ուժեր, որոնց ուղեկցում էին կորպուսային մեկ հեծյալ գունդ և  
քրդական հեծելազորի մեկ ջոկատ, որն ուներ 1500 մարտիկ:

Թուրքերի աջ թևում, երկաթգծից հարավ արդեն տեղավոր-  
ված էին 5-րդ և 12-րդ դիվիզիաների ուժերը՝ տեղաբնակ մահ-  
մեղական հրոսակներից կազմված խառնամբոխով, իսկ ձախ  
թևում առաջ էր շարժվում 9-րդ դիվիզիան, որի առանձին դո-  
րաջոկատները, Բաշ-Ապարանում նախորդ օրերին ստացած  
լուրջ հակահարվածներից հետո, ելք էին որոնում՝ Աշտարակի  
ուղղությամբ շարժվելով Երևան հասնելու համար:

Հայոց ճակատի ձախ թևում, երկաթգծի մոտ կանգնած էին  
զնդապետներ Պերեկրյոստովի ու Սիլինի պարտիզանական ջո-  
կատները՝ համալրված աշխարհազորայիններով, ընդամենը

2000 սվին, և ճակատի գծի ծայրին, Գեշիրլու, Ղուրդուղուպի գյուղերից արևմուտք, իբրև պահեստային ուժեր, պահվում էին խմբապետ Մակեդոնի ու Թուուցիկ Հովսեփի հեծյալ ջոկատները:

Առավոտյան, լույսը բացվելուն պես, Թուրքական ճակատի կենտրոնը պատռվեց և Թուլքի թափայից ու Չիմնի ղըռից սև հեղեղի պես վար հոսեցին հարվածող գնդերը, որոնք նախապես պաշտպանված էին բոլոր կողմերից տեղացող հրետանային կրակով: Բլուրները հայկական դիրքերից հեռու էին 6—7 կիլոմետր, և այդ ամբողջ տարածությունը բաց էր, տեսանելի, ինչպես ափի վրա:

Դանիկյրեկ փերումյանը Սարգարապատ կայարանի ջրհան աշտարակի բարձր դիտակետն էր փոխադրել ռադիոհանգույցը և կապիտան Շենուրի ու ռադիոկապի պետի հետ այդ բարձրությունից պիտի դիկավարեր ճակատամարտը: Հեռադիտակով պարզ երևում էր ճակատի գիծն իր բոլոր հատվածներով: Եվ, շնայած հրամանատարն արդեն տեսել էր հակառակորդի առաջ-հաղացումը բլուրների ուղղությամբ, նրա հեռադիտակը դեռևս հանգիստ ուղղված էր Թուրքերի թիկունքին, Արագածի հարավ-արևելյան փեշերին: «Երանի՜ թե ամեն ինչ լինի նախատեսվածի պես», — մտքում փափագում էր Մակատի հրամանատարը՝ մերթ ընդ մերթ հայացքի տակ առնելով նաև առաջ շարժվող պղտոր հոսանքը: Թուրքերը դեռ ճանապարհ ունեին մինչև այն գիծը, որից այս կողմ պիտի լիներ մեկ արկընկեց տարածություն, և այն ժամանակ պիտի սկսեին խոսել հայոց հրանոթների: Քիչ էին նրանք, ընդամենը երկու մարտկոց, սակայն այնպես ճիշտ ու հարմար էին դասավորված, որ միանգամից կարող էին իրենց կրակի տակ առնել Թուրքական ամբողջ առաջ-խաղացումը հարավից հյուսիս:

Երևի թե երկու կիլոմետր տարածություն էր մնացել առաջ շարժվող Թուրքերի և հարվածելու պատրաստ հայ ուժերի միջև: Թուրքերի թիկունքից հրանոթներն այլևս չէին կրակում. հիմա նրանք միայն յուրայիններին կարող էին կոտորել: Կրակում էին իրենք՝ առաջ շարժվողները, որոնց թեթև ու ծանր զնդացիրները կարկտահարում էին աչ ու ձախ, առանց ուղիղ նշանառության: Հրացաններն էլ էին խոսում: Մեկ-մեկ ատրճանակները դեպի երկինք էին պարպում թխսամոր պես զորախմբերն

իրենց ետևից տանող սպաները: Եվ մեկ էլ դաշտի վրա փռվում էր ծկլթան քայլերգը:

Մենք գնում ենք դեպի Թուրան,  
Ճամփա տվեք, սար ու ձորեր...

Երգի ծկլթոցը հանկարծ կտրվեց, որովհետև հայոց դիրքերից մեկեն խոսեցին դիպուկահարները: Թնդանոթները որոտացին շուրջանակի, և թուրքաց շարքերը քամու բերանն ընկած լաթերի պես պատառոտվեցին:

«Սրանք որքա՛ն ինքնավստահ են շարժվում,— «Կրա՛կ» հրամանը տալուց հետո մտածում էր Դանիելբեկ Փիրումյանը:— Թե՞ կարծում են Հայաստանը ոտքի տակ տալու մի եղանակ կա միայն՝ շքերթային քա՛յլքը»:

Ողջ մնացած ասկյարները թափվել էին գետնին, անկանոն գնդակոծում էին հայոց կրակակետերը: Սակայն նրանց վրա թափվող զանգվածային կրակը ողջ մնացածներին ստիպեց թողնել բաց դաշտը և ետ փախչել: Շուտով դաշտում մնացին միայն սպանվածներն ու ծանր վիրավորները, որոնց օգնության աղաղակները հասնում էին հայոց դիրքերին:

Մի ժամ անց Չիմնի ղրոից ու Թուլքի թափայից վերստին վար իշան թուրքերը: Այս անգամ նրանք շարժվում էին աջ ու ձախ թևերի վրա՝ երևի մտածելով, որ այդ ուղղություններում հայերը պաշտպանություն չունեն: Չէ՞ որ առաջին հարձակման ժամանակ իրենց վրա կրակ են տեղացել միայն կենտրոնում՝ աղեղնածև դասավորված Մահապարտների դիրքերից: Հայոց ճակատի ձախ թևում հարձակումն իր վրա վերցրեց գնդապետ Պերեկրյոստովի պարտիզանական զորախմբի ութերորդ վաշտը, որը խուռներամ առաջ հոսող թշնամու դեմ հանկարծ ելավ ոնց որ գետնի տակից և նրա վրա ուղղեց գնդացրային հնձող կրակը:

— Տեղից չշարժվե՛լ,— ռադիոկապով Պերեկրյոստովին կարգադրեց ճակատի հրամանատարը:— Ո՛չ մի քայլ առաջ: Հարվածի դիրքերից և սպասել նոր կարգադրության:

Թուրքերը ձախ թևում ետ շարժվեցին՝ տալով մի քանի տասնյակ զոհեր: Բայց նրանք այդպես էլ չիմացան, թե իրենց դեմ ի՞նչ տեսակ զորություն է կանգնած:

Այն թևում թուրքական զորքը բավական առաջացել էր: Դա

Գեւորդու դիվիզիայի ամենամարտունակ գունդն էր՝ հռչակավոր 108-րդը: Հայ աշխարհազորայինները, որ այս թեւ հիմնական ուժն էին կազմում, մի պահ ընկրկեցին համառորեն առաջացող հակառակորդի դեմ: Եվ, շնայելով ետ կամ առաջ ոչ մի քայլ չշարժելու հրամանին, նրանք պիտի նահանջեին... Եթե ժամանակին վրա չհասնէր հրետանային կրակը: Ահեղ ոռնոցով թուրքերի վրա էին թափվում հայոց դիրքերի թիկունքից արձակված արկերը: Քաջահմուտ հրետանավորներն այնքան էին սպասել, մինչև որ հակառակորդը մտել էր իրենց նշանառութեան տակ... Եվ հիմա թուրքերը խուճապահար փախչում էին՝ դաշտում թողած սպանվածներին, վիրավորներին, նույնիսկ իրենց զենքն ու պարենամթերքը:

Մահապարտների գնդի հրամանատարը դիտակետից նայում էր ճակատի անցուղարձին՝ հաճախակի դիմելով հեռագիտակի օգնութեանը: Մի անգամ էլ նա հեռագիտակը մեկնեց կողքին կանգնած Գարեգին սրբազանին, որն անհամբեր դիտում էր շուրջը:

— Նայե՛ք, սրբազան, եթե ուզում եք տեսնել, թե ո՛նց է գետին տապալվում արնածարավ ասկյարը:

— Ծս հեռատես եմ, քե մատաղ,— ձեռքով հեռագիտակը ետ մղեց սրբազանը:— Դրա կարիքը չունեմ:— Եվ աչքերը կկոցած նայելով դեպի Արագածի հարավային փեշերը՝ ոգևորված խոսեց.— Տեսնո՞ւմ ես, է՛, թուրքաց թիկունքում ոնց որ փոշի է երևում:

— Ի՞նչ փոշի, սրբազան,— բացականչեց Պողոսեկի Փիրումյանը և հեռագիտակը սեղմեց աչքերին:

— Տեսա՞ր:

— Փոշու նման մի բան երևում է... Բայց գուցե ամպի քուլա՞ է:

— Մի քիչ էլ համբերենք, կպարզվի,— ապա սրբազանը հետաքրքրվեց.— Լա՛վ, այս թուրքերն ինչո՞ւ են իրենց մահու տալիս. առաջ են գալիս՝ կոտորվում, առաջ են գալիս՝ կոտորվում:

— Վա՛տ է, որ կոտորվում են,— ժպտաց գնդապետը:

— Վատ չէ, բայց անհասկանալի է. մի՞թե զլխի շեն ընկնում, որ այս բաց դաշտում տեղից շարժվողը պիտի կոտորվի:

— Է, սիրելի սրբազան, դուք ազնիվ մարդ եք, այս գողի խա-

դը շեք հասկանա. շանը գրգռում են, որ թաքստոցից դուրս գա, նույնիսկ համեղ պատառ են գցում... Իսկ մեր Դանիելը ելը, արևը կծե՛մ, գիտի, որ համբերությունը կյանք է: Ա՛յ, ձեր նկատած փոշու քուլան մի քիչ մեծանա՛... Բայց ոնց որ մեծանում է, սրբազան, — հեռագրիտակն աչքերից հեռացնելով, ժպտուրախ ասաց գնդապետը: Ապա գրպանից հանեց ոսկեշղթա ժամացույցը. — Ժամը քանի՞սն է... Ահա՛, շուտով կլինի ժամը 12-ը: Կարո Ղասաբբաշյանը ժամանակին կատարում է առաջադրանքը:

Իսկ ջրհան կայանի աշտարակի դիտակետում ուղմաճակատի հրամանատարն ու շտաբի պետը ուղմական քարտեզի վրա ո՛րերորդ անգամ ճշգրտում էին զորամասի ու նրա առանձին ջոկատների անելիքը: Դանիելը եկ Փիրումյանն աշտարակի կողին խփած մեխից կախել էր ամառային կարմրաստառ վերարկուն ու արծաթապատյան թուրը, մատիտով նշումներ էր կատարում քարտեզին և յուրաքանչյուր նշումը հանգամանորեն բացատրում էր կապիտան Շնեուրին: Աշտարակի շուրջը թանձր օրորվում էր սարդարապատյան քար ու ավազից բարձրացող շոգը: Քրտնած ճակատն ու ճաղատը սրբելով՝ հրամանատարը բացատրում էր ամեն մի մանրամաս, կարծես ի՛նքը չէր վարելու պատերազմը: Եվ դա անհանգստացնում էր նրբանկատ կապիտանին:

— Բայց ինչո՞ւ այդպես մանրամասնորեն, պարոն զորավար: Զէ՞ որ դուք այստեղ եք, և ձեր ղեկավարությամբ էլ զորքը պիտի գրոհի գնա:

Մտահոգ շտկվեց Փիրումյանը, ձեռքերն աջ ու ձախ տարածելով «ջարդեց» մկանները:

— Մեզնից յուրաքանչյուրը պետք է պատրաստ լինի ամեն մի անակնկալի: Պատերազմում ինչե՛ր չեն պատահում, — ասաց զորավարը, և կապիտանը հասկացավ նրան ու տխրեց. ուրեմն, մտածում է, որ իրեն մի շար բան կպատահի, և պատերազմը վարելու իր պլանը կմնա անկատար:

Շնեուրը սիրահարվածի նման՝ հայացքով շափեց հաղթահասակ զորավարին. շա՛տ էր հոգնած, թե՛ հոգսն էր շատացրել կնճիռները: Ավելացել էր բեղերի ու քունքերի ճերմակը: Խոշոր, խոհուն աչքերը կարմրած էին: Կապիտանը շրջվեց ու աչքերը վեր, դեպի այրող արևը՝ մրմնջաց. «Աստված ամենակարող,

դո՛ւ պահիր, պաշտպանիր նրա կյանքը, դու գիտես, թե որքան պետք է անհավատների դեմ խեղճացած իր ազգին... Աստված ամենափրկիչ»:

— Այդ ի՞նչ է, աղոթք եք անում,— զարմացավ զորավարը:— Դրա համար ուղմաճակատում այնքա՛ն հոգևորականներ կան:

— Երանի՛, թե աստված նրանց բոլոր պաղատանքները լսի ու կատարի:

— Դրանք այնքան էլ շատ չեն, կապիտան. միայն մի հաղթանակ, որ չի կարող ձեռք չբերվել:

— Բայց ի՞նչ գնով:

— Է՛հ, մի՞թե հիմա էլ պիտի սակարկենք, սիրելիս: Մեր ժողովուրդը պետք է հաղթի՝ ինչ գնով էլ լինի...

— Աստված բարին կատարի,— շնչաց կապիտան Շնեուրը, մտածելով, որ իր զորավարն այսօր ուրիշ տեսակ է խոսում: Առավոտյան հիշում էին հին ու անհուսալի պատերազմները, և, երբ խոսք եղավ Ավարայրի ճակատամարտի մասին, ասաց. «Ամեն ինչ լավ է, բացի այդ համընդհանուր նահատակությունից... Երբ մարդիկ պատերազմի դաշտ են գնում նահատակվելու համար»: Եվ հիշեց պատմիչներին, որոնք վկայում են թե կովի թեժ պահին ընկերն ընկերոջ երեսին նահատակի պսակն է տեսել... Գուցե հիմա իրե՞ն էլ այսպիսի տեսիլք է հայտնվել:

Կապիտանն սթափվեց իր անուրախ մտորումներից, իսկ զորավարը հեռադիտակով նայում էր դեպի արևմուտք, ուր անզեն աչքի համար անգամ պարզ ի պարզո երևում էր Կարո Ղասաբբաշյանի գումարտակի երթը: Այնտեղ, բլուրների ետևում փոշու ամպ էր բարձրացել և սահում էր դեպի հարավ-արևմուտք: Մերթնդմերթ ծխի քուլաներ էին պռոթվում, որ շէր կարող ուրիշ բան լինել, քան այդ գումարտակի թնդանոթաձգությունը:

Շնեուրը վրա վազեց և սկսեց ուղիոսարքը շարչրկել: Նա անասելի հուզված էր և պայմանականչերով փորձում էր կապվել գումարտակի հետ: Իսկ զորավարը հեռադիտակի մեջ տեսնում էր նաև թուրքաց թիկունքում ահագնացող խուճապը: Նրա սիրտը ճխում էր մեծ երջանկությունից: Առանց ետ շրջվելու գոչեց.

— Կապիտա՛ն, հրաման տվեք անցնել գրոհի: Կապիտա՛ն, այլևս ոչ մի հապաղում:

Ալեքսանդր Շնեուրը, ոչ առանց ափսոսանքի, ընդհատեց իր

փնտրտուքը և, զորաջոկատների հետ միանալով, զգուշացրեց, որ ռազիոյի մոտ է զորավար Դանիելբեկ Աբիսողոմի Փիրում-յանը:

Զորավարը հուզմունքից թեթևակի դողալով մոտեցավ ապարատին և զգաստ, ինչպես շարակարգված զորքի առաջ, խոսեց.

— Զո՛րք հայոց, հայրենիքի պաշտպաններ, երազած գրոհի ժամն է հասել: Մեր դեմ կանգնած է բռնակալ թուրքը: Թիկունքից նրան հարվածում է Մակուի ու Երզնկայի զնդերից կազմված զորաջոկատը, իսկ ճակատից մե՛նք պիտի հասցնենք մահացու հարվածը: Ուրեմն, սրընթաց գրոհով հարձակվե՛լ թշնամու դիրքերի վրա՝ բոլո՛ր կողմերից: Դե՛, հառա՛ջ, քաջե՛ր, դեպի հաղթանակ և փրկությունն ազգի:

Ասես մեկեն պատուվեց գարնանային հեղեղի ընթացքի դեմ կանգնած պատնեշը, հայոց զորքն այդ հեղեղի պես խելահեղ դուրս հորդեց բոլոր դիրքերից ու գրոհեց թշնամու վրա: Զախ թևում երկաթգիծն անցան ու սրընթաց առաջ շարժվեցին գընդապետներ Պերեկրյոստովի ու Սիլինի ջոկատները, որոնց միացել էին Մակեդոնի ու Թոուցիկ Հովսեփի հեծյալները: Այս թևի հետ էր նաև սարդարապատցի սպա Եգոր Տեր-Մինասյանի հարյուրյակը, որ երիտասարդ հայրենասերը վերջին օրերին էր կազմել Սարդարապատի ու հարևան գյուղերի կամավորներից: Թոուցիկ Հովսեփի փորձված պարտիզանների հետ միասին Տեր-Մինասյանի նորաթուխ զինվորները հմտորեն ապահովել էին ճակատի ձախ թևի հետախուզությունը և հիմա միայն իրենց հայտնի անցուղիներով գրոհի էին տանում ամբողջ թևը:

Ճակատի կենտրոնում Հինգերորդ գունդը համալրվել էր աշխարհագորայիններից ընտրված ջոկերով, որոնք առաջ էին գնում փորձված զինվորների ուղեկցությամբ, նրանց հսկողության տակ, ամեն ինչում նրանց ընդօրինակելով: Շատ էին երիտասարդներն ու պատանիները, որոնք եկել էին էջմիածնի ճեմարանից: Երևանի դպրոցներից, Արարատյան երկրի գյուղերից: Գնդապետը խիստ պատվիրել էր ամենուրեք հետևել ջահելներին: «Մի գլուխ իրենց կրակի մեջ են նետում,— ասել էր:— Հետևեցեք՝ զուր տելը նահատակություն չլինի»:

Այս թևում էր գործում նաև երիտասարդ հրետանավոր կապիտան Կլիշը, որի հրամանատարության ներքո գործող շորս թնդանոթներն էլ կազմում էին հայոց զորքի առաջին մարտ-



կոցը: Իլլիշի կողքին, նրա հրամանատարութեան տակ առաջ էին շարժվում երիտասարդ հրետանավորներ Իգիթխանյանը, Աթանեսյանը, Կարաքեշիշյանը: Կիշը նրանց իր հետ էր վերցրել Արևմտյան Հայաստանի կռիվներում: Կարճ ժամանակում ինքն ու հույն Սակելյարին այդ հայ երիտասարդներին դարձրել էին իրենց գործի հմուտ վարպետները, վստահում էին ամեն ինչում և ամեն տեղ: Սակայն ահա Սարդարապատի ամենավճռական պահին գնեցրաւ Սիլիկյանը վերցրեց ու Սակելյարիին ուղարկեց Ապարանի ճակատը: Ուղարկեց չորս թնդանոթով, որոնք այնպե՛ս անհրաժեշտ էին այս օրհասական կռիւմ: Կիշը հայերեն, Երևանի շուկայի բառապաշարով ու առանձնահատուկ հյուսվածքով մի քանի հիշոց ուղարկեց թուրքերի հասցեին: Նրա հայ տղերանց ականջները խուտուտ եկան այդ հիշոցներից: Երեւանի փեսա Կիշը, ենթակա երիտասարդներից ներողութուն խնդրե՛ով՝ ասաց. «Տղերք, սիրտս պատուվում էր, էսքանը չասեի, պիտի լեզուս փթեր: Դե՛, հիմի դնանք, հանգիստ անենք մեր կռիւլը: Թուրքը կարոտււ՛ւ սպասում է մեր արկերին»:

Եվ, այսպես, հայոց ճակատի ձախ թևն առաջ էր շարժվում երկաթգծի ուղղութեամբ՝ խնդիր ունենալով հարձակում գործելու թուրքաց աջ թևի վրա, ուր նրանց Դարդանեւյան դիվիզիային օգնութեան եկած զորքերն էին, սրանց գործակցող տեղական մահմեդական անկանոն զորամիավորումները: Սակայն Պերեկըրյոստովին և խմբապետներ Մակեդոնին ու Թուուցիկ Հովսեփին կարգադրված էր նաև մի աչքը պահել Արաքսի վրա. հարավից կատարվող ամեն մի ճեղքում կարող էր հարցականի տակ դնել հայերի ամենախոշոր հաջողութունը ճակատի գծում:

\* \* \*

\*

Այն օրերին երիտասարդ կոռնետ Վանո-Հովհաննես Բաղրամյանը՝ ապագա փառաբանված զորահրամանատարն ու Խորհրդադային Միութեան մարշալը, կատարում էր Սարդարապատյան զորաջոկատի աջ թևի պահեստային Հատուկ հեծյալ գնդի և Մահապարտների գնդի միջև կապն ապահովող սպայի պարտականութունը: Իր աչքի առաջ և շատ հաճախ իր իսկ մասնակցութեամբ կատարված դեպքերը տասնամյակներ հետո գրի առնելիս

Թուրքական «ընտիր զորաուժերին գլխավոր հարվածը հասցնող գնդապետ Պողոսբեկ Փիրումյանի Հայկական հինգերորդ հետե-վակային գնդի» (Մահապարտների գունդ) մասին նա պիտի գրեր հիացումի ու երախտագիտության հետևյալ խոսքը, որը մեծ զորավարի ու արդարախոս հեղինակի արժանավոր տուրքն է սարդարապատյան հաղթանակը կոողներին:

«Մինչև այժմ ես չեմ կարողանում մոռանալ, թե այդ օրերին ինչպիսի՞ ծայրահեղ անբարենպաստ պայմաններում էին ստիպ-ված անձնվիրաբար կռվել ամբողջովին զարաբաղցիներից բաղ-կացած 5-րդ Հայկական գնդի մարտիկները,— գրել է մարշալ Բաղրամյանը:— Կռվի դաշտը, որտեղ արիաբար մարտնչում էին զարաբաղցիները, իրենից ներկայացնում էր բուսականու-թյունից զուրկ հարթավայր և միանգամայն տեսանելի փոված էր թուրքերի գրաված բարձունքների առջև: Գտնվելով Հինգե-րորդ հրաձգային գնդի հրամանատարական կետում՝ ես բաղ-միցս ականատես եմ եղել, թե ինչպես բաց տեղանքով հարձակ-վեղ այդ գնդի գումարտակների հրաձգային շղթաներն ընկնում էին զանգվածային հրացանա-գնդացրային կրակի և բավական ուժեղ հրետանային գնդակոծության տակ: Հինգերորդ գունդը պաշտպանվում էր ընդամենը մեկ հրետանային մարտկոցով, որն ի վիճակի չէր ճնշելու թուրքերի վճռական դիրքերի բավա-կան ամուր պաշտպանությունը: Մինչդեռ թուրքերն ունեին հրե-տանու ոչ պակաս 3—4 մարտկոց: Երբեմն անվեհեր զարաբաղ-ցիների մարտակարգերը կործանիչ կրակի տակ փոշու այնպիսի խիտ շղարշով էին ծածկվում, որ թվում էր, թե կռվի դաշտում ոչ մի կենդանի շունչ չի մնացել: Սակայն, շնայած դրան, հարձա-կումը նոր ուժով էր կրկնվում: Այդ անմոռանալի օրերին ես սկսեցի հարգանք տածել դեպի զարաբաղցի ռազմիկները՝ նրանց խիզախության, անվեհերության ու քաջության համար»:

Զիմնի զըռ բլրի առաջ, թուրքերի հրետանային, գնդացրա-յին ու հրացանային համազարկերի տակ եւում էր փոքրիկ մի դաշտակտոր, որ ընկած էր երկու թշնամի բանակների միջև: Դաշտակտոր, որ երկու օր առաջ թուրքաց համար դարձել էր գերեզմանոց, անթաղ սպանվածների ու անհույս վիրավորների արյան հնձան: Դաշտակտոր, որ այդ օրն էլ անհագ ու դաժանու-րեն կլանում էր բոլոր նրանց, ովքեր փորձում էին ոտք դնել...

Գնդապետ Պողոսբեկ Փիրումյանը համոզված էր, որ հակա-

ուակորդի ընտիր ուժերն են դիրքավորված Չիմնի զըռում, գիտեր, որ այդ ուժերը ջախջախել կարելի է միայն ձեռնամարտով, քանի որ նրանց դիրքերը քարուքանդ անելու համար ո՛չ բավական հրանոթային արկեր ուներ, ո՛չ էլ ժամանակ ու այլ մի հնարավորութուն: Իսկ ձեռնամարտի բռնվելու համար դաշտակտորը պիտի անցնել:

Առաջին փորձը կատարեց երկրորդ գումարտակից առանձնացված փոքրիկ մի ջոկատ, որի վրա թուրքերն այնքան կրակ թափեցին, կարծես դրանով լուծում էին Օսմանյան կայսրության լինել-չլինելու հարցը: Հրամանատարական դիտակետից պարզ երևում էր, որ դաշտակտորի վրա տեղացող կրակի ամենավտանգավոր փնջերը գալիս են ձախակողմյան հողապատնեշի թիկունքից: Մի քանի մետր տարածության վրա թուրքերը դասավորել էին իրենց զնդացիրները, հարմար դիրք էին բռնել և հնձող կրակի տակ էին առնում դաշտակտորի յուրաքանչյուր մետր տարածությունը: Հրանոթների արկերն ընկնում էին այս ու այնտեղ և բարձրացնում փոշու այնպիսի ամպեր, որոնց տակով կարելի էր ամբողջ մի բանակ անցկացնել: Հրացաններն իրենց ընդհատ-ընդհատ հարվածներով չէին կարող դիմադրության պատնեշ ստեղծել: Սակայն զնդացիրները, — անկապած «Մաքսիմ» սիստեմի այդ հրեշները, — լսփում էին դաշտը, թե ուղենային, մահվան շապիկ կկարեին նրա համար:

Սակայն պարզ երևում էր նաև, որ նրանք մի քանի հատ են, դրված մեկ գծի վրա, հողապատնեշի կենտրոնում: Ո՞վ պիտի ոչնչացնեի այդ գիծը, ինչո՞վ, ինչպե՞ս: Գնդի հրանոթների միակ մարտկոցն այնքան են մոտեցրել թշնամու դիրքերին, որ այլևս անհնար է նշանառություն կատարել առաջավոր գծի դեմ: Չեռքի նոնակներով կարելի էր հողին հավասարեցնել, բայց նոնակներն ինչպե՞ս հասցնել այնտեղ: Ո՞ւր են աներևույթ ոգիները, որ նոնակները տանեն, թափեն հողապատնեշի վրա և բացեն գրոհի ճանապարհը:

Առաջին գումարտակի երկու զինվոր՝ երկու անվեհեր երիտասարդ, ներկայացան իրենց հրամանատարին և նրա միջոցով զնդապետին առաջարկեցին իրենց նահատակությունը: Այո՛, նահատակությունը, որովհետև նրանք գիտեին, որ դաշտակտորի պոնկին էլ իրենց կբռնեն այն զնդակները, որոնց ակունքը փակելու համար ուզում են մահվան գոտին կտրել-անցնել:

— Պարոն գնդապետ, մենք ուզում ենք փորձել,— ասաց նրանցից մեկը՝ բարձրահասակ, թխաչ ու նիհար մի երիտասարդ, որի գոտիններից կախված էին նոնակները: Իսկ մյուսը, որ երևի տարիքով նրանից փոքր էր՝ երեսը դեռ ածելի շառած, գեղեցիկ, հպարտ կանգնել էր՝ ձեռքի գնդացիրը շալակին:

— Քե մատաղ, իսկ դուք գիտե՞ք, թե ուր եք գնում,— հարցրեց գնդի հրամանատարը, որի սիրտն այդ պահին լիքն էր հպարտությամբ ու հայրական գորովանքով:

— Լավ գիտենք, պարոն գնդապետ,— խոսեց մյուս զինվորը:— Ռուսն ասում է՝ փորձը փորձանք չի:

— Ճիշտ խոսք է, տղերք, բայց այս դեպքի համար չի ասվել,— թախծոտ մտեցավ Պողոսբեկ Փիրումյանը և երկուսին էլ իր հաղթական թևերի մեջ առնելով՝ հարազատի, հոր պես սեղմեց իրեն:— Որտեղացի՞ եք, ձեզ մատաղ:

— Զանգեզուրից ենք, պարոն գնդապետ: Խնձորեակ գյուղ կա, լսած կլինեք: Խնձորկեցի ենք, Աթաբեկյան տոհմից: Սովորում էինք Ներսիսյան ճեմարանում... Թե չվերադառնանք, մեր փոխարեն ուրիշ խնձորկեցիներ կլինեն, հենց մեր Աթաբեկյաններից, կգնան-կսովորեն: Ներսիսյանի նստարանները դատարկ չեն մնա...

Առաջին երիտասարդն էր, ասաց անհոգ-աներկյուղ, կարծես խոսքը մի հասարակ երթևեկի մասին էր: Եվ գնդապետի սիրտը լցվեց. զգաց, որ չի կարողանա խոսել, շուռ եկավ, գնաց դեպի դիտակետի եզրը: Հետո վերադարձավ, հանձնարարություններ տվեց նրանց, ապա առանձին-առանձին սեղմեց կրծքին, ճակատները համբուրեց.

— Գնացե՛ք, աստված ձեզ հետ,— խոնավացած ձայնով մաղթեց նա:— Արկերը կընկնեն, փոշի կբարձրանա, առաջ կգնաք փոշի հագած: Հետո նայեք՝ փոշին ո՞ր ուղղությամբ է նստում...

Խնձորեակցի տոհմակիցները թուրքերին խաբեցին. ձևացրին, թե դաշտակտորն են մտնում, անմիջապես էլ ետ փախան: Թընդանոթները մոնչացին, փոշու սյուններ բարձրացան, դաշտակտորը ծածկեցին: Ո՛ւր մնացին նրանք, արդյոք մտա՞ն փոշու տակ: Եթե մտել են, արագ վազքով մի քանի բոպեում կհասնեն հողապատնեշին և նրանից հետո... Նրանից հետո արդեն ամեն ինչ կանի հնարամտությունը: Իսկ նրանք խելոք ու հնարամիտ երիտասարդներ էին երևում:

Երիտասարդ գինվորները չհասան թուրքական հողապատնե-  
շին: Գաշտակտորի ձախ եզրին էին, հանկարծ փոշու ծածկույթն  
իջավ, նստեց: Թուրք դիպուկահարները նկատեցին նրանց, և  
դա նրանց վերջն էր: Գնդակահար ընկան միաժամանակ, միա-  
սին: Թուրք ասկյարները դրանով էլ շքավարարվեցին: Նրանց  
վրա ուղղեցին գնդացրային մի քանի կրակահերթ: Եվ երբ փոշին  
իջավ, դաշտում միայն երևում էին հայ խիզախների քրքրված  
ու անշունչ մարմինները:

Գնդի հրամանատարը խեղդվում էր ցավից ու ջղայնությու-  
նից: Նա սոսկումով մտածում էր, որ ինքն էր երկու երիտա-  
սարդների մահվան պատճառը. չհամաձայներ, չէին գնա, և չէր  
կատարվի անմիտ նահատակությունը: Զէ՛ որ ամեն ինչ պարզ  
էր. բաց դաշտում, թշնամու ամեն տեսակ հրազենների դեմ  
հրաշքն անդամ չէր կարող փրկել: Բայց ի՞նչ անել: Բլուրը պետք  
էր գրավել՝ ի՞նչ գնով էլ լինի: Բլուրն էր թուրքերի ամենահզոր  
պաշտպանական կետը: Այնտեղից նրանք իշխում էին բոլոր  
չորս կողմերի վրա և շարքից կհաննին իրենց դեմ շարժող բո-  
լոր ուժերը:

Երամատներում հրամանատարներին ներկայացան ուրիշ  
գինվորներ: Ամեն մեկը խնդրում էր իրեն ուղարկել գնդացի-  
ների դեմ: Կտրականապես մերժվում էին նրանք. ինչո՞ւ բռունց-  
քով զարկել սրի բաց երախին:

Գնդացիները ոչնչացնելու համար պետք է գտնել ամենա-  
ստույգ ու միակ միջոցը: Ուրիշ ամեն մի ճանապարհ հղի է կոր-  
ծանումով: Իր ջոկատի աչքի առաջ ինքնավստահ ու վճռական  
ներկայացավ նաև Հովսեփը և դիմեց հորեղբորը.

— Ի՛նձ ուղարկեցեք, պարոն գնդապետ: Ես ուրիշ ճանա-  
պարհ գիտեմ:

— Ի՞նչ ճանապարհ, այ տղա, ի՞նչ ես խոսում,— փշաքաղ-  
ված մարմնով նրան մոտեցավ Պողոսբեկ Փիրումյանը:— Գրծ-  
վե՞լ ես: Որտեղի՞ց ուրիշ ճանապարհ...

— Նրանց ուշադրությունը հիմա դիմացի դաշտի վրա է:  
Միայն այդտեղից են սպասում ճեղքումը,— բացատրեց կրասեր  
Փիրումյանը, և նրա ձայնի մեջ կար մի այնպիսի վճռականու-  
թյուն, որի դեմ անզոր էր հարազատ գնդապետը:— Իսկ ես  
կշրջանցեմ և գնդացիներին կմոտենամ թիկունքից:

— Բայց թիկունք դուրս գալու համար ինչքա՞ն ճանապարհ

պիտի կտրել, — հարցրեց գնդապետը: — Եվ հետո, թիկունք դուրս գալը, քո կարծիքով, ավելի անվտանգ է, քան դաշտով մոտենալը:

— Ես ամեն ինչ հաշվել եմ, պարոն գնդապետ, խնդրում եմ, — գնդապետին կիպ մոտեցավ Հովսեփը և ականջի տակ ասաց. — Մերժեք, պիտի ասեն՝ հարազատն է, վտանգավոր առաջադրանքի են ուղարկում: Հանգի՛ստ եղեք, հորեղբայր: Թույլ տվեք և կտեսնեք, որ չեք սխալվել...

Խրամատի ամբողջ երկարությամբ զինվորները նայում էին երկու տոհմակիցներին, գիտեին՝ ինչի՛ մասին է խոսքը, սպասում էին ելք ու վճռին: Եվ այդ գիտեր գնդապետը: Ի՞նչ աներ: Ի՞նչ պատասխան պիտի տար մորը... Հայրն այստեղ է և չի կարող չհասկանալ. չէ՞ որ ինքն էր պահանջում տաքուկ տեղ չապահովել հարազատների համար:

Գնդապետ Փիրումյանը վճիռը կայացրեց միանգամից ու ցավազնորեն: Դրա համար էլ հարազատին ուները գրկած տարավ մինչև խրամատի ելքը, համբույրներով ծածկեց երեսը, ճակատը, արտասովալից աչքերը վերջին անգամ թաղեց նրա մազերի մեջ:

— Գնա՛, աստված պահապան: Ուրիշ ոչ ոքի ուղարկելու իրավունք չունեմ: Երկնայինն է տեսնում, որ ուրիշ ելք չկա:

Ջրհան կայանի վրայից դաշտը, ճակատի ամբողջ երկարությամբ, երևում էր ոնց որ ափի վրա: Դանիելը եկ Փիրումյանը հեռադիտակով տեսել էր զանգեզուրցի երիտասարդների զոհվելը:

Նա ուզում էր ռադիոյի մոտ կանչել Պողոսբեկին և պայմանավորվել հաջորդ քայլի մասին: Համոզված էր, որ զույգ երիտասարդի ճանապարհն անհուսալի է, ու մտմտում էր ուրիշ ելքի շուրջ: Եվ հանկարծ տեսավ ու ճանաչեց Հովսեփին, որը խլամատներից ելնելով, անցավ հողապատնեշի ետևը, չորեքթաթ գնաց դեպի հարավ: Բայց ի՞նչ պիտի անի այնտեղ: Եթե ուզում է շրջանցել թշնամական առաջապահներին և անցնել գնդացիների թիկունքը, մի՞թե հնարավոր չէր պայմանավորվել, որ այդ անեն Պերեկրյոստովի պարտիզանները: Թե՞ Պողոսբեկն ուզում է բլուրը գրավել ի՛ր ուժերով:

Ռազմաճակատի հրամանատարի հեռադիտակը մեկ ուղղվում

էր թուրքերի թիկունքին, ուր Ղասաբբաշյանի հրետանիներն արդեն փոշու ամպեր էին բարձրացրել, մեկ էլ իջնում էր Հովսեփի վրա, որը դանդաղ, բայց վստահորեն առաջ էր սողում Սարգսրապատյան դաշտի եզրին բուսած նոսր խոտերի միջով, խղճուկ թփերի ետևով: Նրա ընթացքն այնքան դանդաղ էր ու միապահ դաղ, որ անտեղյակ աչքը չէր էլ նկատի: Թող թուրքերը քոռանան ու շնկատեն, քոռանան ու շնկատեն,— սրտի դողով մտածում էր հայրը:— Բայց մինչև ե՞րբ, մինչև ո՞ւր: Հովսեփն ահա ձախից շուտով կմոտենա թուրքական դիրքերին, ո՛չ թե կմոտենա, այլ գտնվում է այնտեղ... Բայց այն ի՞նչ է, հագուստափո՞խ է եղել. ասկյարի համազգեստով կուզեկուզ գնում է դեպի գնդացիները: Նրանց թիկունքից, հենց թուրքական դիրքերից ելած ասկյար է, իբր, գնում է դեպի յուրայինները: Եվ հանկարծ կայծակի արագությամբ նոնակները նետեց գնդացիների վրա. մե՛կ, երկո՛ւ, երե՛ք, չո՛րս... Այս քանի՞ հատ էր վերցրել իր հետ: Գնդացիների ամբողջ շարքը ծայրից ծայր կորավ ծխի ու փոշու մեջ: Ինքը՝ Հովսեփն էլ ծածկված էր այդ անթափանց վարագույրով: Նետած նոնակներից ինքը չվնասվե՞ց: Ինչպե՞ս կարելի էր այդքան մոտիկից... Մի՞թե նա շգիտեր, որ բեկորները շաղ են գալիս շորս կողմերի վրա, մանավանդ, եթե նրոնակները նետել ես այդքան մոտիկ...

Սուխն ու փոշին դեռ կանգնած էին մարտկոցի երկարությամբ, և մինչև նստեն, տեղանքը պարզվի, ռազմաճակատի հրամանատարի սիրտը պատառոտվում, պայթում էր այդ կարճ հավիտենություն ծանրությունից... Եթե Հովսեփն անվնաս է մնացել, պիտի արդեն հեռացած լինի կործանված մարտկոցի մոտից: Ինչո՞ւ ոչ մի կողմի վրա չի երևում: Եվ մի՞թե մարտկոցի ամբողջ անձնակազմն էլ է ոչնչացել, որ թուրքերից ոչ ոք չի շարժվում տեղից:

Երբ ծուխն ու փոշին իջան խրամատների վրա, նախկին մարտկոցից մնացել էին աղավաղված փոսեր ու սև, ծռմոված առարկաներ: Նրանց կողքերին գոյացած թմբերի տակից դուրս եկան երեք ասկյարներ և վրա վազեցին դեպի այն տեղը, ուրկից Հովսեփը նոնակներն էր նետել: Այնտեղ գոյացած փոքրիկ թումբը շարժվեց. Հովսեփն էր հողակոլոլ ու ծանրամարմին: Երևի ուժեղ վնասվել էր: Դեռ ոտքի չէր կանգնել, որ ասկյարները թափվեցին նրա գլխին և իրենց հետ առած բրեզենտի մեջ փաթաթե-

ցին, սկսեցին կսպոտել: Նա տակից ընդոստ շարժումներ էր անում, թափ էր տալիս իրեն, ցնցվում ու գալարվում: Անօգուտ: Թուրքերը կապկպել էին, հետո էլ կապերից բռնած քարը տվին դեպի Զիմնի դռնի դիրքերը:

Ռադմաճակատի հրամանատարի հեռագրիտակի մեջ էր այս բուրբը, նրա աչքերի առաջ: Երևի տեսնում էին նաև Հինգերորդ գնդի խրամատներից: Գնդի հրամանատարական կետից ևս տեսանելի էր ամբողջ ճակատը, մանավանդ այն դաշտակտորի հարավային եզրը, դեպի ուր իրենցից պոկված Հովսեփ Փիրումյանն էր գնացել, իր մարտական առաջադրանքը հրաշալի կատարել և ահա, երբ կարող էր վերադառնալ ու զեկուցել հպարտությամբ, վիրավոր գերի է թուրքերի ձեռքում, տարվում է դեպի մի տխուր անհուսություն...

Ալեքսանդր Շենուրն անտեղյակ էր ճակատի հարավային թևում կատարվածից: Նա ապարդյուն ջանքեր էր անում ռազիոյով կապվելու Ղասաբբաշյանի գումարտակի հետ, շնայած նրա հրանոթների որոտներն ու թուրքական երեբացող, իրար խառնված ճակատն ասում էին, որ թիկունքից ահեղ հարվածներ է հասցնում երիտասարդ ընդապետը: Շենուրն աչքով տեսածը պիտի հաստատեր ականջի լսածով, ուզում էր հրամանատարի առաջ մի փոքր էլ հպարտանալ իր ստեղծած կապի հուսալիությամբ, երբ այդ հրամանատարը, այլայլված ու ջղային, գնաց դեպի տախտակե ետնապատը, վար բերեց երկար թուրը, կապեց մեջքին, ապա ամառային վերարկուն շուռ տվեց, կարմիր աստառը դեպի դուրս հագավ և մոտենալով իրեն, կարգադրեց.

— Կապիտան, դուք արդեն ամեն ինչ գիտեք, մարտը վարեք՝ ինչպես ծրագրել ենք, ես գնացի:

Վարում հրեղեն զորավարին մոտեցավ համհարզը՝ Ճերմակի սանձը բռնած: Նժույզն արտասովոր զգեստի մեջ էլ ճանաչեց տիրոջը, գլուխը բարձրացրեց, ականջները սրած, անհանգիստ խրխնջաց:

Զորավարը թուրը կողքին պահելով, թռավ Ճերմակի վրա և սուրաց դեպի ճակատի գիծը:

Երբ նա հասել էր Հինգերորդ գնդի խրամատներին և, թուրը դեպի թուրքական դիրքերը մեկնած, սուրացող Ճերմակի վրա շողշողում էր իբրև կարմիր կրակ, կապիտան Շենուրը շտաբի համհարզներին ուղարկեց դեպի աշխարհազորային ջոկատները,



և բանակային գումարտակների վրա ռադիոյով տարածվեց վազուց սպասված հրամանը.

— Գրո՛հ:

Խրամատներից ու դիրքերից դուրս հորգացած հայ զորքն իր առաջ տեսավ հրակարմիր զորավարին, տեսավ ու վառվեց նրա բորբոքած կրակով: Մահապարտները գնդակոծում էին թշնամու դիրքերը և առաջ վազում գոռալով.

— Ուռա՛:

Գարեգին սրբազանը Մահապարտների գնդի առաջին գումարտակի զինվորների հետ էր, ելավ խրամատների կողքի հողապատնեշի վրա, լանջախաչը բարձրացրեց, Արարատի դիմաց խաչակնքեց, սուրբ օրհնանք կարդաց, ապա, խաչը զորավարի կողմն ուղղելով, բացականչեց.

— Կարմիր Վարդա՛նը: Կարմիր Վարդա՛նն է մեզ հետ: Նրա հրաբորբ ոգին, նրա անմեռ կերպարը: Առա՛ջ, հա՛յ զինվոր, քեզ սրբազան կովի է տանում նոր օրերի Կարմիր Վարդա՛նը: Կարմիր Վարդա՛նը...

«Կարմիր Վարդա՛նը...», — այս էր, որ արձագանքելով, հորձանք տալով տարածվեց գրոհող շարքերի վրա, կամավորների, հրամանատարների և աշխարհագորային խանդավառների շուրթերին զնգալով, մեկմեկու անցնելով, սփռվեց ամբողջ Մարդարապատյան դաշտի վրա՝ Արաքսի եղեգնուտներից մինչև Արագածի փեշերը:

Իսկ հավատարիմ ու իմաստուն Ճերմակը, թուրքաց դիրքերի դեմ սուրալով, իր վրա տանում էր հրակարմիր զորավարին, որը նժույգի ականջը մտած գոռում էր.

— Առա՛ջ, առա՛ջ:

Մահապարտների հետիոտն քաջերը միացել էին նրան: Կողքերից նորերն էին բարձրանում ու խոյանում առաջ: Դա զորք չէր, այլ ժայռածերպերից իջնող քարահոսք, որ զնալով շատանում էր ու ահագնանում: Բոլորի հայացքի առաջ կարմիր զորավարն էր, որի փեշերը թևերի պես տարածվել էին օդում, նրան տալիս էին հրեղեն մրրկահազվի կերպարանք: Եվ այդ մրրկահազվն իր հետ փոթորիկ ու մահ էր տանում թուրքաց դիրքերին:

Հարձակման կարգադրությունն անելուց հետո Շնեուրը կանգնել էր աշտարակի հարթակի եզրին և չէր կարողանում հայացքը կտրել իր հրամանատարից: «Աստված իմ, որտե՞ղ եմ տեսել

այս հրաշքը,— մրմնջում էին նրա շուրթերը: Եվ հանկարծ հիշեց Պետերբուրգի սուրբ Գևորգ եկեղեցու հսկա որմնանկարը գմբեթատակի հարթության վրա: Սուրբ Գևորգ, Գեորգիոս հաղթող, «Գեորգիոսի հրաշագործությունը վիշապի դեմ»: Որտե՞ղ չէր տեսել Գևորգ նահատակի սրբապատկերը: Իր ննչասենյակի պատի մանրիկ ոսկեղեն նկարների մեջ, դպրոցական դասագրքերում, եկեղեցական շենքերի պատերի՛ն: Բայց այն մեկը, պատի ամբողջ լայնությամբ ծալծլված էր հրեշ վիշապը, ժանիքները սրած պատրաստվում էր կլանել հերթական զոհին, որը վերջինն էր լինելու՝ արքայադուստրը... Եվ ահա հայտնվում է սուրբ Գևորգը ճերմակ նժույգի վրա, կարմիր թիկնոցը քամուն տված, կայծակնեղեն թուրը վիշապի դեմ պարզած...

— Սուրբ Գևորգ, Սուրբ Գևորգ հաղթող, դո՛ւ պաշտպանիր քեզ նմանին,— աղերսական հայացքը երկնքին հառած՝ խնդրեց կապիտանը, որ այդ պահին ավելի շատ մի հավատավոր աղոթողի էր նման, քան շտաբի պետի, որի կոշով մի քանի վայրկյան առաջ գրոհ էր տվել հայոց վրեժխնդիր զորքը:

Թուրքերի վրա ահարկու տպավորություն էր թողել դեպի իրենց դիրքերը ալացող կարմիր կրակը: Ճերմակափրփուր նժույգը՝ կարմիր կրակե թևերով: Իսկ մինչ այդ էլ իրենց պաշտպան գնդացրային ընտրանիի վրա էր հայտնվել շարաշուք աղետը, որը մի քանի վայրկյանում ջարդուխուրդ արեց գնդացիրները: Թիկունքից կրակում էին իրենց թնդանոթները, այնտեղ բռնկված թունդուտրոտից հողը ցնցվում էր, սակայն արկեր չէին հայտնվում հայոց դիրքերի վրա: Նրանք այս բոլորն ընդունեցին իբրև ալլահի ուղարկած գեհենային պատժի նախանշաններ և, դիրքերից դուրս թափվելով, ուզում էին փախչել դեպի ետ: Սակայն փախչելու փորձ անողների վրա սկսեցին կրակել հրամանատարները, որոնք անցել էին թիկունքը և գնդակահարում էին խուճապի մատնված ասկյարներին: Ատրճանակները նրանց վրա ուղղած՝ հայհոյում էին, մտածելով, որ այդ զորքը ոչխարի պես քան է, թե որ գլուխը շուռ տվեց, մեկ էլ կանգ է առնելու իր փարախում:

Մահապարտների առաջավոր ջոկատները խառնվեցին թուրքերին և սկսվեց ձեռնամարտը: Շաշում էին թրերը, և ընկնողները թավալվում էին ոտքերի տակ: Սվինահարվածներ էին տես-

դում, և յուրաքանչյուր հարվածն ուղեկցվում էր երկու տնքոցով՝ հարվածողի ու տապալվողի:

Պողոսբեկ Փիրումյանն առաջին գումարտակի վաշտերից մեկին հանձնարարեց շահեռանալ թուրքաց շարքերի մեջ մխրճված զորավարից:

— Պաշտպանեցե՛ք նրան բոլոր կողմերից, — հանձնարարեց նա: — Տեսնո՞ւմ եք՝ ուր է հասել:

Իսկապես, ճակատի հրամանատարը, ինքնամոռաց կատաղությամբ զարկվելով թշնամու առաջապահների հետ, արդեն դուրս էր եկել Չիմնի ղրո բլրի ստորոտը: Նրա վիթխարի թրի հարվածներն աչ ու ձախ տապալում էին աղմուկ-աղաղակով իրեն մոտեցող ասկյարներին: Վերից մեկը հրացանով նշան էր բռնել նրա վրա: Վարանդեցի դիպուկահարը, — որ զորավարի թիկնապահ վաշտի զինվորներին էր խառնվել, — տեսավ նրան, և հաջորդ վայրկյանին թուրքը դիտապաստ ընկավ ու ցած գլորվեց հրացանը գրկած:

— Զաքա՛ր, դուք զորավարին հետևեցեք, զորավարի կողքից շահեռանաք, — առաջարկեց Արշակը: — Իմ գործը նշան բռնողների հետ է:

Հետո սրատես արծվի պես աչք էր ածում թուրքաց դիրքերի վրա. հենց որ մեկն ու մեկը գող առնետի նման գլուխը հանում էր հողապատնեշի թիկունքից, նրա գնդակն առած ետ էր շուլավում, որպեսզի այլևս գլուխը չբարձրացնի:

Գնդապետ Պողոսբեկը, երկրորդ գումարտակի գլուխն անցած, զարկվում էր Չիմնի ղրոի հյուսիսային լանջն ի վար հորդացած լավայի դեմ: Նա գիտեր, որ այդ կողմից հաջողութուն ունենալու դեպքում թուրքերը կարող են ռազմաճակատի հրամանատարին առնել շրջափակման մեջ: Չի կարող պատահել, որ նրանք արդեն իմացած չլինեն, թե այն ի՞նչ կարմիր վերարկու էր, որ փրթում էր իրենց առաջապահներին: Նրանք ամեն կերպ կջանան ողջ-ողջ ձեռք ձգել մի այդպիսի որս:

Նրանք շա՛տ բան կուզենային...

Բայց դա հայոց օրն էր: Եվ այդ օրը հայերն էին, որ պետք է կարողանային, հայերն էին, որ պետք է կատարեին՝ ի՛նչ էր կամենային:

Պողոսբեկ Փիրումյանի երկրորդ գումարտակից մի վաշտ ճեղքել էր թուրքերի շղթան, մտել նրանց դիրքերը, կատաղի սվի-

նամարտ էր տալիս: Ճեղքը լայնացավ, մնացած զորքն էլ սկսեց բարձրանալ լանջն ի վեր:

— Առաջ, քաջե՛ր, առաջ,— երկարեց գնդապետի խրոխտ ձայնը:

Եվ այն է, շարժվում էին զորական խմբերը՝ արնոտված ու սարսափելի, սարսափն ու մահը մոռացած, երբ երիտասարդ կոռնետ Նովհաննես Բաղրամյանն իր հեծյալ հնգյակի հետ աջ թևից սրընթաց եկավ գնդապետի մոտ: Քրտնաթոր նժույզները մեկեն մեխվեցին իրար կողքի: Բաղրամյանը թեթևակի խթանեց իր ձիուն, կիպ մոտեցավ Պողոսբեկ Փիրումյանին և հեալով ինչ-որ շնչաց նրա ականջի տակ: Չէր կարելի կասկածել, որ շատ կարևոր ու ոգեպնդիչ լուր էր հաղորդում: Փիրումյանը պայծառացավ, անմիջապես հայացքը դեպի աջ դարձնելով՝ հորիզոնում տեսավ փոշու ամպ, որը Թալինի կողմերից հոսում էր դեպի Չիմնի դրոփ հյուսիսային փեշերը: Ապա շրջվեց, մի ձեռքով գրկեց կոռնետի մեջքը, սեղմեց իրեն:

— Կեցցե՛ս, տղա՛ս,—ասաց, հետո թուրը գլխից վեր բարձրացնելով՝ գոռաց.— Քաջեր, սասունցիներն են օգնության գալիս: Հառա՛ջ:

Բաղրամյանի հեծյալները հետևեցին գնդի հրամանատարի թափորին և նրա օրինակով անմիջապես թրամարտի մտան թուրքերի հետ: Հինգ հոգին ու ինքը՝ Բաղրամյանը, իրարից անբաժան, իրար թիկունք դարձրած՝ մխրճվել էին թշնամու շարքերի մեջ և թրատում էին աջ ու ձախ:

Սասունցիների հեծյալ երեք հարյուրյակն իրեն սպասեցնել շտվեց: Պանդուխտ-Միքայել Սեֆերյանի գլխավորութամբ երեք հարյուր քաջեր՝ թևավոր նժույզների ականջները մտած, ճանապարհի փոշին երկինք հանած, դուրս եկան Չիմնի դրոփ հյուսիսային փեշերը: Հետո այստեղից էլ Պանդուխտ-Միքայել Սեֆերյանի մշեցի քաջերը բլրի վրա ամրացած թուրքերի զբլիսներին իջան որպես շմեցնող հարված: Իսկ թուրքերը, հարավից ու արևելքից հասնող հարվածներից խելակորույս, մշեցիներին դիմադրելը համարեցին անօգուտ ու կործանարար: Հենց ինքը՝ Պանդուխտը, մի խումբ խիզախների գլուխն անցած, սպառնալից շրջապատեց Դարդանելյան դիվիզիայի 108-րդ գնդի շտաբը, որ մի ընդարձակ վրանում էր գտնվում: Թուրքերը, զենքերը ցած պցելով, հանձնվեցին: Գնդի հրամանատարը, գլխաբաց ու խո-

նարհ, ելավ վրանից, կաղալով (երևի խղճահարություն հարուցելու համար) ներկայացավ Պանդուխտին:

— Հանձնվում ենք, աղա՛, — իբր արժանապատվությամբ խոսեց նա: — Ձերոնցից էլ մեզ մոտ կան...

— Տարե՛ք բոլորին, — թուրք բարձրաստիճան սպայի տեղեկության հանդեպ անտարբեր՝ յուրայիններին կարգադրեց հայ հրամանատարը: — Հանձնեցեք ռազմաճակատի հրամանատար Գանիելբեկ Փիրումյանին:

Ապա առյուծաբաշ նծույգին խթանեց, առաջ անցավ: Բլրի գագաթին էր նա: Շոգ էր, մի պահ գլխարկը հանեց: Արարատից եկող հովը խաղաց ալիքավոր, թուխ մազերի հետ: Ձին վրնջում էր անհանգիստ: Բաշը շոյեց՝ ականջին ինչ-որ խոսելով, և նա սմբակներով հողը փորեց:

Խմբի զինվորները գրավել էին մի թնդանոթ, երկու զնդացիր և ահագին զինամթերք: Գերի ասկյարների շալակը տված փամփուշտների արկղները՝ բերին հրամանատարին ի տես:

Իսկ Ձիմնի-ղըռից ու Թուրքի թափայից այն կողմ երիտասարդ Կարո Ղասաբբաշյանի գումարտակը դեռ զնդակոծում էր թուրքերի թիկունքային ուժերին: Դժվար էր գուշակել, թե ինչպիսին կլինեիր ճակատի վիճակը, եթե այս գումարտակը հայտնըված շիներ թշնամու թիկունքում, և թուրքերն իրենց ուժերի կեսը շուռ տված շինեին խոր թիկունքում հայտնված այդ անսպասելի ուժի դեմ: Իսկ հիմա թիկունքից ու ձախ թևից անսպասելի հարվածներով խարխլված, ճակատում հիմնովին ջախջախված, անհույս ու անհեռանկար՝ թուրք զորքն սկսեց նահանջել:

Նահանջի հրաման էր տվել Վեհիբը՝ Կովկասյան ճակատի հրամանատարը, և նահանջը կանոնավոր, պակաս զոհերով կազմակերպելու պարտականությունը դրված էր Շեքի փաշայի ու Քյազիմ Կարաբեքիրի վրա: Թուրքաց զորքի մնացորդներին պետք էր միայն երանելի նահանջ բառը: Նրանք թիկունք դարձրին ու անկանոն, անկազմակերպ, իրար կոխ տալով, վայր ընկնելով ու սողալով ետ փախան: Թողած զենք ու զինամթերք, պաշարեղեն ու հագուստ-կապուստ՝ ամեն մեկն իր գլխի մասին էր մտածում... Չնայած գլուխ պրծացնելն էլ դյուրին բան չէր, որովհետև նախ թիկունք դարձրածներին թիրախ էին արել հայ հրացանաձիգները, ապա հետապնդելու հրաման ստացան

հեծյալ զորաշողկատները. աջից Պանդուխտի մշեցիներն էին հասնում ու կոտորում, ձախից Պերեկրյոստովի պարտիզանները, Մակեդոնի ու Թուրցիկ Ղոփսեփի մարտիկները, կենտրոնում՝ ճակատի գծի ամբողջ լայնությամբ՝ Պողոսբեկ Փիրումյանի գումարտակները, նրանք, որ Մահապարտ անվամբ էին ճակատամարտ մտել, բայց իրենք էին մահ տալիս ու տարածում, թշնամո՛ւ մահ, հայոց հողն ավերողի՛ մահ:



Հայոց զորքն այգօր քիչ զոհեր էր տվել. միայն հարյուր տասը զինվոր և շորս թե հինգ ավագ ու կրտսեր սպա, սոսկ երկու անգամ ավել, քան նախորդ օրվա ինքնազլուխ հարձակման համար: Զոհված զինվորների մեծ մասն էին կազմում տեղական աշխարհագորայիներն ու անփորձ պատանիները, որ հավաքվել էին էջմիածնի ճեմարանից, Երևանի դպրոցներից: Ռազմաճակատի հրամանատարը որոշել էր նրանց բոլորին հողին հանձնել մի տեղ, եղբայրական մեկ գերեզմանոցում: Մտածում էր, որ լավ օրեր կգան, և երախտապարտ աղզն այդ սրբազան գերեզմանի վրա փառքի սյուն կկանգնեցնի, հավերժական հուշակոթող կամ տաճար կկառուցի, որովհետև զոհերը հիմնականում մոտակա գյուղերից էին, Վաղարշապատից ու Երևանից: Սակայն գիշերը եկան նրանց հարազատները, մոմի լույսով գտան յուրայիններին և խնդրեցին՝ թույլ տալ, որ տանեն, իրենց պապենական գերեզմաններում պահ տան հողին:

Վիրավորները, շուրջ երկու հարյուր հոգի, նախ տեղափոխվել էին Սարդարապատ կայարան: Կառամատուցի երկարությամբ շարված էին պատգարակների վրա, գետնին: Շատերը նստել էին՝ վիրակապով ոտքը կամ թևը զրկած և տնքում էին ցավից, ետ ու առաջ օրորվում: Զորամասի բժշկական աշխատողներն ու օգնության եկածները, նրանց առաջին օգնությունը ցույց տալուց հետո, սպասում էին գնացքի, որ տանեն Երևան:

Այստեղ էր նաև վարանդեցի Արշակը: Եկել էր ճանապարհ գնելու իր ընկեր Զաքարին, որը ծանր վերք էր ստացել ուսից ու գոտկատեղից և լուռ, հայացքն աստղերին՝ տնքում էր:

Արշակն օրվա վերջում էր իմացել ընկերոջ վիրավորվելը:

Վազել էր մօտը և ողջ ու կենդանի տեսնելով՝ կատակի էր տվել.

— Ա՛յ տնաշենի տղա, մի կուճի գնդակից էգ ահագին բոյոգ ծալել ես, թեք ընկել...

Բայց հետո տեսավ, որ դրությունը լուրջ է, իրարով անցավ. վազեց բուժքույրերի ու բժշկի ետևից, նրանց կարծիքն իմացավ ու կոտրված վերադարձավ վիրավորի մոտ:

— Զաքա՛ր, ունքդ փոթ չգցես: Կարևորն էն է, որ վերքերդ բուժեն, հասնես տուն:

— Կասկա կոտրած ես էլ ո՞ւմ եմ պետք, ա՛յ Արշակ, — ծանր տնքաց Զաքարը: — Կոնդ ապրելուց լավը մեռնե՞լը չի:

— Անհամ-անհամ մի խոսի: Ես կգամ, քեզ կտանեմ, մեր դարբին Սիմոնի ձեռքը կտամ, մի շաբթում կշինի նոր մորից ելած...

— է, կասկա երկաթից է, ծեծելով կարգի է բերելու, հա՞...

— Տղա՛, քո ի՞նչ գործն է, թե ի՛նչ է անելու. յախո՛ւ է դնելու, թեժ-թեժ խորոված դմակ է վրան կապելու... Ես շա՛տ եմ իմանում՝ ինչ աչքակապությամբ է քեզ ոտքի կանգնեցնելու: Իմ աչքով եմ տեսել, թե ոնց սայլով բերում են իրեն պահ տալիս, մի շաբթից ոտքի է կանգնում, վերուվեր խաղալով գնում...

— Լավ հեքիաթ ես պատմում, — տնքալով դեմքը կնճռտեց Զաքարը: Բայց ընկերն զգում էր, որ նրա դեմքին արդեն հույսի շող կա, որ պետք է պահի իրեն: — Դու հիշիր իմ խոսքը, Արշակ, — հետո խաղաղված, ցածրաձայն ասաց վիրավորը: — Պարտական մնաս, թե չկատարես: — Ուրախ ձեռքող Արշակն զգաստացավ՝ հո կատակ չի՞ անում: — Կոնիվը պրծնի, թե չէ, ոտքդ գցիր Փարաքար...

— Զաքար, կոնիվ ենք անում, և մեզ են սպասում Ալեքսանդրապոլն ու Ղարսը... Համ էլ կովի բանը գիդվալ չի. դու ծրագիր ես քաշում, ինքը ջնջում է: Կովի աստվածը մեռնի...

— է՛, ես քեզ կարգին բան եմ ասում, դու խոսքդ կտուրն ես գցում, ը՛հ, — տնքալով ու դժգոհ՝ երեսը շրջեց Զաքարը:

— Դե՛, լա՛վ, հրամանդ կատարված կլինի, պարոն ափիցեր, — քթի տակ ժպտալով, հիվանդի կողքին կկզած՝ աջը պատվի բռնեց Արշակը:

— Ա՛յ, էդպես խոսի, որ հանգիստ բաժանվենք:

Թուրք վիրավորներին հավաքող սանիտարական խմբերը ևս իրենց պարտականությունը կատարել էին մինչև մութն ընկնելը:

Նրանց էլ պիտի Երևանի հիվանդանոցները փոխադրեին և դարձ-  
յալ սպասում էին զնացքի, սակայն Սարդարապատից երկու-ե-  
րեք կիլոմետր արևմուտք, երկաթգծի կողքին, որովհետև բոլորն  
էլ ծանր վիրավորներ էին, և անհնար էր շալակով այդքան տա-  
րածություն կտրել, տանել ավելի քան երեք հարյուր հոգու:

Թուրք վիրավորներին հավաքող խմբերի ղեկավարը հնուսի  
գնդի ավագ բժիշկ Քրիստափոր Փիրումյանն էր, որն այդօր  
ստիպված էր բաց դաշտում կատարել նաև բարդ վիրահատու-  
թյուններ, որովհետև կային այնպիսի վիրավորներ, որոնց ստա-  
ցած վերքերը վայրկյան առ վայրկյան բարդանում էին, դառ-  
նում ավելի ծանր ու մահացու: Նրա օգնականներից շատերը  
դժգոհությամբ ու տրտունջով էին կատարում իրենց պարտա-  
կանությունը:

— Աշքներին լո՛ւյսն են, հիմա էլ այսքան տեղը շալակած  
բերում ենք...

— Ի՞նչ էլ պինգ են ճակատները, հա՛. ջարդուխուրդ եղած  
էլ ապրում են...

Գանգատավորները տարեց կանայք էին: Բժիշկն անհար-  
մար էր զգում նրանց դիտողություն անել կամ որևէ խոսքով  
արձագանքել: Մանավանդ որ ներքին մի ձայն հոգու խոր խոր-  
քերում համերաշխ էր նրանց հետ: Սակայն պատահեց այնպես,  
որ ինքն էլ իրեն պարտադրված շրջանակից ելավ: Ոտքից ու ձեռ-  
քից վիրավոր բարձրաստիճան մի սպա սկսեց գոռալ սա-  
նրտարների վրա: Բժիշկ Փիրումյանը մոտեցավ, վերքերն ստու-  
գեց: Պարզվեց, որ սպան թևին թրի հարված է ստացել. ոսկորը  
հիմնովին ջարդված էր, և կապելն այլևս ավելորդ էր. թևը պի-  
տի կտրվեր: Նա իր իմացած կովկասյան թուրքերենով, որքան  
կարելի էր հանգիստ, վիրավորին բացատրեց անելիքը, որ չի  
կարելի ուշացնել: Եվ այստեղ թուրքն ավելի հերսոտվեց, նո-  
րից գոռգոռաց, հայհոյեց անհասցե: Բժիշկը, իրեն զսպելով,  
ասաց.

— Տեսնողներն էլ կարող են կարծել, թե՛ դուք այստեղ կու-  
րորտ եք եկել, և այս հայերը ձեր նման պատվարժան մարդ-  
կանց վատ են սպասարկում:

— Եթե գիտես, թե ինչի՞ համար եմ եկել, էլ ինչի՞ մի գրն-  
դակ շես մեխում ճակատիս: Չէ՞ որ գրանից հեշտ բան չկա,



կոտորատված ոտք ու ձեռքով ընկած եմ առաջդ,— խեղդվելով  
գոռաց սպան:

— Զգիտե՞ք ինչի:

— Յո՛խ, բիւմանամ:

— Որո՛վհետև մենք թուրք չենք,— սեղմած ատամների արան-  
քից նետեց երիտասարդ բժիշկը և բուժքրոջը կարգադրեց սրըս-  
կել, որ թուրքը հանգստանա:— Հետո էլ պատրաստեք վիրա-  
հատության:

\* \*  
\*

Երևանյան ռազմաճակատի հրամանատար զորավար Սիլիկ-  
յանը Երևան ու Թիֆլիս էր հեռագրել՝ հաղորդելով Սարգարա-  
պատյան գծի փառավոր հաղթանակի մանրամասները. «Վար-  
դանանց ճակատամարտի սրբազան օրը հայոց զորքը պսակեց  
թուրքերի շեղած-չտեսնված ջարդով: Թուրքերը գլխապատառ  
նահանջում են՝ պատերազմի դաշտում թողած իրենց անհամար  
մեռելիներին ու վիրավորներին, իրենց պաշարակիր սայլերն ու  
տեսակ-տեսակ ռազմամթերքը: Մենք փոքրաթիվ զոհեր ենք  
տվել՝ մի քանի տասնյակ զինվոր և տասնինն սպա: Մանր ու  
թեթև վիրավորների թիվը չի անցնում երկու հարյուրից: Եվ հե-  
ռու չէ այն օրը, երբ մենք ետ կառնենք թուրքերի կողմից նեն-  
գորեն գրավված Ալեքսանդրապոլը»:

Հենց այդ օրվա երեկոյան էլ Վաղարշապատի ու Երևանի  
խանդավառ բնակչությունը ծանոթացավ Սիլիկյանի նոր կոչին,  
որը փակցված էր մարդաշատ փողոցների ակնառու տեղերում,  
մեծ շենքերի մուտքերին ու գարպասներին: «Հայե՛ր,— գրում  
էր վերջին երեք օրերում ոգևորված ու հաղթանակի հավատին  
լծված զորավարը,— մեր քաջարի զորքերի հերոսական գործու-  
նեռությունը շարունակվում է, և տաճիկ զորքերը նահանջում են:

Մենք պետք է ետ վերցնենք Ալեքսանդրապոլը, որն այնպես  
նենգորեն գրավեցին տաճիկները:

Մեր բոլորիս մտքերը ամբողջովին պետք է ուղղված լինեն  
դեպի Ալեքսանդրապոլը, մենք պետք է ետ վերցնենք այն և  
հետո՛ միայն բանակցության մեջ մտնենք տաճիկների հետ  
խաղաղություն կնքելու:

Մեզ բոլորիս շատ լավ պետք է հայտնի լինի, թե ո՞ր աստի-  
ճան գրգռվել է անկուշտ և միևնույն ժամանակ թույլ տաճիկ  
կառավարութեան արտոթակը: Նա պահանջում է ամբողջ Ախալց-  
խայի, Ալեքսանդրապոլի և էջմիածնի դավառները՝ էջմիածնի  
վանքի հետ միասին և Երևանի, Նախիջևանի դավառների մեծ  
մասը:

Մի՞թե մենք պիտի տանենք այդպիսի անարգանքը: Մի՞թե  
հեշտ ու հանգիստ սրտով պիտի տանք թշնամուն մեր հայրենի  
հողերը, որ կերակրել, կերակրում են և պիտի կերակրեն մեզ և  
մեր սրբատեղին՝ սուրբ էջմիածինը:

Ո՞չ, երբե՛ք, հայ ժողովուրդ, դու չպիտի թույլ տաս այդպիսի  
անարգանք:

Եվ այդ անարգանքը տեղի չի ունենա, եթե մենք հասնենք  
մինչև Ալեքսանդրապոլ:

Քիչ է մնացել մինչև Ալեքսանդրապոլը, հարկավոր է միայն  
օգնել խրամատներում գտնվող մեր քաջերին և մի 3—4 օրից  
հետո մենք կհասնենք մեր նպատակին:

Ուրեմն, մի՛ դանդաղեք, հայե՛ր, շտապով խմբվեցեք խիտ և  
համերաշխ շարքերով, վոճդեցե՛ք թշնամուն մեր հայրենի ար-  
յունաներկ հողերից, և թող ձեզ հետ լինի ձեր հետնորդների օրհ-  
նությունը:

Բոլորդ դեպի գե՛նք:

Դեպի Ալեքսանդրապո՛լ:

Երևանի գորամասի հրամանատար՝  
Գեներալ Սիլիկյան»:

\* \* \*

\*

Իսկ բուն ռազմաճակատում օրվա ահռելի տառապանքից  
խոնջացած ու անօրինակ հաղթանակից գինով հայ զորքը ժա-  
մանակավոր ու ծանծաղ փորած խրամատներում, իբր թե, հան-  
գքստանում էր՝ առավոտյան թշնամու հետապնդումը շարունա-  
կելու համար: Սակայն հանգստանալ չկար, որովհետև մարդիկ  
շատ էին հոգնած, ջղերը ծայրաստիճան լարված էին, հաղթա-

նակի երջանկության ու կորուստների ցավի ստեղծած հակոտնյա զգացումներից պայթում էին սրտերը: Ամենուրեք ափսոսանքով ու կսկիծով էին խոսում կամ լուռ ճակատի հրամանատարի որդու մասին: Իսկ Հինգերորդ գնդի մահապարտներն իրենց պահում էին սզվորների պես, որովհետև նրանց աչքի առաջ էր, որ Հովսեփը գնաց անկարելի ու անհնար սխրագործության. հողմացրիվ արեց գնդի ճանապարհը մահվամբ գոցող գնդացիները: Հողմացրիվ արեց, ապա վիրավոր ու հոշոտված ընկավ թշնամի մարդակերների ձեռքը:

Ի՞նչ եղավ նրա վիճակը հետագայում: Թուրքերը ո՞ղջ թողեցին իրենց մեջքը կոտորղին, թե՞ թուրքավարի հաշվեհարդար տեսան հետը: Գուցե իմացել են, թե ո՞վ է նա և հիմա գեհե-նային տառապանքներ են պատրաստում հոր ու որդու համար՝ իրենց սարդարապատյան խայտառակ ջարդին ի տրիտուր:

Զիմնի զըռ բլրի ուղղությամբ թուրքերին հետապնդող մահապարտներն իրենց գնդապետից հանձնարարություն էին ստացել փնտրել ու գտնել Հովսեփին: Հետախույզ ընտիր հեծյալների մի խումբ հատուկ առաջադրանքով իր փնտրտուքն սկսել էր դեպքի վայրից և, ճանապարհին թուրքական գիծը սանրելով, խոշոր կուտակումների վրա կայծակի պես իջնելով, բավական մխրճվել էր թշնամու զորաշարքերի մեջ, հասել Կարաբուրուն բլրի մոտերքը, այնտեղից էլ իջել Արաքսի ափը՝ հասել Կարաղուլա կիսակայարանի մոտերքը, — ո՞չ մի արդյունք: Մնում էր մտածել, որ գերի վերցնողներն իմացել են նրա ով լինելը, անմիջապես փոխադրել են խոր թիկունք, գուցեև Ալեքսանդրապոլ, ուր որ իրենց գլխավոր հրամանատարության շտաբն էր, և պիտի թանկ ծախեն գերիների փոխանակության ժամանակ: Սատանա՛ն իրենց հետ, — հոգեմաշ մտածումների մեջ ինքն իրեն ասում էր Պողոսբեկ Փիրումյանը, — ինչ գնով կուզեն, թող ծախեն, միայն թե ո՞ղջ լինի, միայն թե ո՞ղջ լինի...

Պատանի Հովսեփ Փիրումյանի կսկծալից ճակատագիրը տիրում էր զորքին զբաղեցնող բոլոր հարցերի ու ապրումների վրա: Սակայն երևի թե ամենից շատ այդ ցավով տառապում էր Գարեգին սրբազանը: Այդ անխոնջ ու անդադրում մարդն ամբողջ օրը պատերազմի դաշտում էր, զինվորների հետ, հրամանատարական կետերում: Մայիսյան արևի տակ, ճառագայթների

փնջեր արձակող լանջախաչը ձեռքին, օրհնում էր ու խրախուսում, ոգևորում էր ու ատելութուն բորբոքում: Նախընթաց օրերի գրույցներից ու հանդիպումներից նա դարձել էլ բոլորի մտերիմը: Սիրում ու հավատում էին՝ որպես իսկական սրբի: Նրա հայտնությունը մի նոր ուժ էր տալիս մարդկանց:

Եվ, այսպե՛ս, հաղթական օրվա բոլոր ժամերն ու վայրկյաններն անցել էին նրա աչքի առջևով ու նրա սրտի միջով: Հաղթանակը լուր չէր նրա համար, որ պիտի բերեին ուրիշները, հաղորդեին իբրև սրտապարար երջանկություն: Հաղթանակը նրա մասնակցությունը ծնված, հասունացած ու ավարտված օրն էր, որի երջանկությունը սիրտն էր լցվում լուսաբացից սկսած, վայրկյան առ վայրկյան, և այդ պատճառով էլ սիրտը դիմանում էր: Օրվա ընթացքում նա հազար անգամ մտածել էր ուղեմաճակատի հրամանատարի մասին: Չէր պատահում, որ հիշեր և օրհնանքի խոսք շասեր, արևշատություն չմաղթեր... Եվ շմբտածեր նաև, թե նա՝ այդ մեծ մարդը, այդ օրվա հաղթանակի մտամտողը, արարիչն ու կռողը, իր սրտում ինչպե՞ս է պարտակելու այսպիսի մի երջանկություն, այս հաղթանակի երջանկությունը...

Եվ երբ դիրքերից մեկում նրան հայտնեցին, թե Չիմնի ղրոփ ձախ փեշին զորավարի տղան գերի է ընկել, ու պատմեցին նաև մանրամասները, նա կայծակնահարի պես եղավ. ծնկները ծալվեցին, և ծնկաչոք, աչքերն անտարբեր երկնքին հառած, դողացող շուրթերով ցավի ու մրմուռի անհողաբաշխ կանչեր էր արտաբերում: Կայծակի պատճառած շլացումն անցնելուց հետո էր, որ նա ուշքի եկավ և մտածեց, թե իսկ հիմա՞ ինչպես պիտի դիմանա, երբ երկուսն էլ ահռելի են՝ և՛ հաղթանակի երջանկությունը, և՛ խիզախ որդու ողբերգությունը:

Նա շտապեց հրամանատարական կետը: Չգիտեր՝ ինչո՞վ կարող էր սփոփել որդեկորույս հոր սիրտը, ի՞նչ խոսքեր պիտի ասեր նրան, և լեզուն ի վիճակի պիտի լինե՞ր նրան ասելու այդ խոսքերը: Գնում էր՝ մտքում անիծելով հայի բախտը:

Սրբազանը Դանիելբեկ Փիրումյանին գտավ հրամանատարական ուժերով շրջապատված, հաջորդ օրվա անելիքների մասին խոսելիս: Մոմի դեղին ու աղոտ լույսը նրա հոգնած ու կնճռոտված դեմքի վրա փռել էր մի խորունկ թախիծ: Խոշոր աչ-

քերը երևում էին ավելի խոր ընկած: Քունքերի ու բեղերի ճեղ-  
մակն ավելի էր շատացել: Աչքերը խոնավ էին ու կարմրած:

Սրբազանն ընդառաջ զնալով փարվեց նրան, ուզեց ասել  
մխիթարանքի խոսքեր, սակայն առաջինը նա ի՛նքը խոսեց:

— Աստված է արել, սրբազան, աստված,— խոստոս ձայ-  
նով ասաց նա:— Չէ՞ որ ես ինքս երեկոյան ծունկի էի եկել  
Արարատի առաջ, խնդրել էի այս հաղթանակը: Հատուցման հա-  
մար ես երեքիս կյա՛նքն էի խոստացել. միայն այդքա՛ն է ունե-  
ցածս...

\* \*

\*

Բաթումում խոնավ ու մշուշոտ օրերին հաշորդեց արևոտ,  
պայծառ եղանակը: Սակայն բանակցությունների վրա իջած  
մշուշն այդպես էլ չէր ցրվում: Ծանր էր հատկապես հայերի վի-  
ճակը: Նրանք ասես դատապարտված էին անշարժության, որի  
մեջ պարտավոր էին լուռ ականատեսները լինելու հարևանների  
կասկածելի շարժումների: Մուսավաթական Հաջինսկին ու Ռա-  
սուլզադեն մեկ-մեկ անհետանում էին, և հետո պարզվում էր,  
որ Տրապիզոն են գնացել ու վարել են սեպարատ խորհրդակցու-  
թյուններ թուրքական եռապետության բանագնացների հետ:  
Խան-Խոյսկին էլ Վեհիբ փաշայի սիրալիի ընդունելությանն էր  
արժանանում, և միասին գծում էին ոազմական պլաններ, որոն-  
ցով Կովկասը պիտի իր լեռների վրա տնկեր իսլամաթուրքական  
դրոշը:

Անգործ չէին նաև մենշևիկ պատվիրակները: Չխենկելին,  
օրինակ, օգտվելով Անդրկովկասյան ընդհանուր պատվիրակու-  
թյան ղեկավարի իր պաշտոնից, միայնակ ու ինքնագլուխ հանդի-  
պումների էր գնում թուրքերի մոտ, տեսակցում էր գերմանա-  
կան ներկայացուցիչ Ֆոն Լոսովի հետ, այդ հանդիպումներում  
քննում էր բացառապես Վրաստանի ճակատագրին վերաբերող  
հարցեր և արդյունքները Փոթիից հեռախոսով հաղորդում իր  
կառավարությանը, հանձնարարություններ էր ստանում հետա-  
դա գործնական քայլերի համար:

Փոթին վրացիների ձեռքին էր և հեռախոսային ուղիղ գծով  
կապված էր Թիֆլիսի հետ: Թիֆլիսում էն գտնվում Հայոց երկ-

քի բախտն իրենց ուսերին առած կազմակերպությունները: Նրանց ղեկավարների հետ կարելի էր գոնե հեռախոսով կապվել Փոթիից, խորհրդակցել, որոշակի գործ կատարելու և անհեռանկար փակուղուց ելնելու համար: Սակայն նրանք այդպիսի փորձ իսկ չէին անում, որովհետև, երևի, մտածում էին, թե դաշնակիցների կողմից դա կարող է համարվել անպարկեշտություն:

Եվ ահա այս ժամանակ էլ Հովհաննես Քաջազնունին հիշեց իր մի բարեկամի խոսքը հայոց պատվիրակութայան ղեկավարի մասին:

Գեռ Թիֆլիսում էին և պատրաստվում էին Բաթում ճանապարհվելու, երբ այդ բարեկամի հետ հանդիպեց ու հաղորդեց, որ Բաթումում թուրքերի հետ բանակցություններ վարելու են գնում, և հայկական պատվիրակութայան ղեկավար է նշանակված Ալեքսանդր Խատիսովը:

— Ալեքսանդր Իվա՞նովիչը, — մռայլվելով իսկույն հարցրել էր այդ բարեկամը:

— Այո՛, Ալեքսանդր Խատիսովը: Բյուրոյի անդամները գտան, որ...

— Ի՞նչ գտան, — հիմա բորբոքված դժգոհեց մտերիմը: — Քաղաքական այդ մոցիկուլը հիմա էլ ձեր դրո՞շն է ձեռքը վերցրել:

— Գտան, որ բանիմաց ու ձեռներեց մարդ է, և հարմար է, որ նա՛ ղեկավարի պատվիրակութայան հայկական մասը, — հանգիստ բացատրեց Քաջազնունին:

— Բոլոր մոցիկուլներն էլ ձեռներեց են լինում, այլապես կտապալվեն առաջին իսկ ձեռնարկի մեջ:

— Բայց ի՞նչ վատ է, որ այդ ձեռներեց գործիչը ծառայելու է մեր դատին:

— Գիտե՞ս ինչ, Հովհաննես, — հիմա էլ մտերիմն սկսեց հանգիստ բացատրել Քաջազնունուն, — մոցիկուլի հետ գործունեցող երկու կողմերից յուրաքանչյուրն էլ համոզված է լինում, թե նա ի՛ր մարդն է...

— Հետո՞:

— Հետո էլ այն, որ մոցիկուլը միշտ և ամեն տեղ միայն իրեն է ծառայում, իր փորին ու գրպանին և թքած ունի երկու կողմե-

րից յուրաքանչյուրի վրա՝ միասին վերցրած ու առանձին-առան-  
ձին:

Առաջին օրերի ապարդյուն վազվառուքից, ստացած սուտ  
խոստումներից ու տված հեղհեղուկ հավաստիացումներից հետո  
կատարյալ անգործութեան էր մատնվել հայոց դիվանագիտու-  
թեան ղեկավարը: Նա հենց այն գլխից չէր հավատում թուրքե-  
րին, սակայն բանակցում էր հետները՝ մտածելով, որ ինքն էլ  
նրա՛նց կխաբի, և արդյունքում կհավասարվեն: Սակայն շատ  
շուտով համոզվեց, որ թուրքերի խաբելն իսկապես խաբել է ու  
կործանարար, իսկ իրենը՝ մկան կատակ, որը միայն կատվի  
ախորժակն է գրգռում: Չէր հավատում նաև անդրկովկասյան  
դաշնակիցներին: Բայց և չէր կարծում, թե նրանց խաբելը էա-  
կան որևէ նշանակություն կունենա գործերի ընթացքի համար,  
մանավանդ, չէր էլ կարծում, թե նրանց կհաջողվի խաբել իրեն՝  
հենց այդ դաշնակից կոչվածներից ավելի խելոք, ավելի ձեռ-  
ներեց, տասնապատիկ խորամանկ գործչին: Բաթում ճանապարհ-  
վելիս Թիֆլիսի Հայոց ազգային խորհրդի նախագահը նրան  
զգուշացրել էր. «խորամանկ են մեր գործակիցները, — ասել էր: —  
Այնպես արեք՝ մեր թիկունքում սև գործ չտեսնեն»: Քմծիծաղել  
էր խատիսովը. «Թե որ տեղը եկավ, նրանք մեզանի՛ց պիտի  
խորամանկություն սովորեն, — պատասխանել էր նա և մի փոքր  
ընդմիջումից հետո ավելացրել էր. — Իրանց բոլորի կաշին դա-  
բաղխանից եմ ճանաչում»:

Ալեքսանդր խատիսովը, հավանաբար, իր ուժերը գերազնա-  
հատել էր այն ժամանակ կամ պարզապես նկատի չէր ունեցել,  
որ եթե ինքն ու դաշնակիցները դաբաղխանայում հանդիպել են,  
ապա նրանք էլ իր կաշին պիտի ուսումնասիրած լինեն, գուցե  
շատ ավելի հանգամանորեն, քան ինքը, որ նրանց կաշվի տակի  
մասին ոչ մի պատկերացում չուներ:

Այսպես թե այնպես, Ալեքսանդր խատիսովն իր հաշիվների  
մեջ խիստ սխալվել էր: Հայտնի չէ՝ նրան լիազորողներն այդ  
հասկանում էին թե ոչ, սակայն անմիջական գործակիցները՝  
Մ. Պապաջանովը, Հ. Քաջազնունին ու Ս. Վրացյանը, հասկա-  
նում էին, որ իրենց խարխուլ նավի ղեկը հանձնված է մի մար-  
դու, որը, օվկիանոսային հեռաստանների համար հնարավո-  
րություն և ուժ չունենալով, ելել է ծանծաղուտները և անհուսա-  
լիորեն խրվել ցեխի մեջ: Հասկանում էր հատկապես Քաջազնու-

նին՝ շորսից ամենաաշալվռըն ու ամենալրջմիտը, որն այն օրերին վերջնականապես համոզվել էր իրենց առաքելության սնանկության մեջ և տեսնում էր, որ գնալով իրենց խնդիրներն առավել խճճվում են ու բարդանում: Նա, բարեբախտաբար, իրենց համար ստեղծված իրազրության մեջ նշմարում էր նաև միակ ելքն ու փրկության հեռանկարը և ցավում էր, հոգեկան մեծագույն տվայտանքով գոնե ինքն իրեն խոստովանում, որ իրենց յուրաքանչյուր նոր քայլ ավելի ու ավելի է հեռացնում այդ մշուշոտ հեռանկարից:

Հովհաննես Քաջազնունին մասնագիտությամբ ճարտարապետ էր, և նրան մոտիկից ճանաչողները գիտեին, որ դա նրա համար միայն մասնագիտություն չէ, այլև բնավորություն, մտածողության եղանակ, գործունեության կերպ: Նա, առանց ավելորդ ճիգերի, մտածում ու խոսում էր այնպես, որ բառերը շարվեշար կանգնում էին խոսքի ամբողջական շենքի մեջ, իսկ շենքը հիմք ուներ, ավարտուն կառուցիկություն, ներքին ու արտաքին ամբողջականություն: Մի անգամ հատիսովին ասաց.

— Մենք եկանք Բաթում՝ նախօրոք շունենալով նախագիծն այն շենքի, որը, իբր, կառուցելու ենք, բայց հայտնի չէ՝ որտե՞ղ և ի՞նչ նյութերից:

— Ասում են՝ քո մոշահավի բունն աստված է շինում: Այս էր մեր հույսը, — իբր թե կատակով պատասխանեց հայոց պատվիրակության ղեկավարը:

— Իսկ երբ համոզվեցինք, որ աստված ինքն է քո մեր ճակատագրի հանդե՞պ:

— Է՛, ի՞նչ անենք, սիրելիս, ծո՞վը թափվենք, — ժպտով, անհոգ հարցրեց հատիսովը՝ վիճելու անտրամադիր, ամեն մի լուրջ խոսքի պատասխանը կտուրը զցելու հակամետ: — Ի դեպ, այսօր Պոնտոսը կախարդական է: Խորհուրդ կտայի վայելել նրա ծոցի հրապուլյրները: Մի ժամ առաջ ես ու Սիմոնը մտել էինք և չէինք ուզում ելնել:

Նույն օրը մոտավորապես նման, շկաչող, չծավալվող մի գրույց էլ ունեցավ Վրացյանի հետ: Հետո ավելորդ համարեց Պապաջանովի հետ խոսելը և մտածեց, որ սրանք իրենց նետել են հոսանքի բերանը, սպասում են երջանիկ պատահականության, որին ևս չեն հավատում: Վրացյանն ասել էր. «Բարեկամ, մեր այս վիճակում, միջազգային քաղաքական ու ռազմական այս



իրադրութեան մեջ մենք ի՞նչ կարող ենք անել: Լավագուցն դեպ-  
քում մենք միայն կարող ենք պատվով մեռնել, բայց ոչ հաղ-  
թել ու փրկվել»:

Ընթրիքի շքնացին: Ուտելու, նույնիսկ խոսելու տրամադրու-  
թյուն չունեին (անտարբերութուն խաղացողները հարկադրված  
էին խոստովանել): Եվ այն ժամանակ Քաջազնունին նրանց  
հարցրեց.

— Էլ այստեղ ի՞նչ ունենք անելու: Ինչո՞ւ վեր չկենանք,  
զնանք մեր երկիրը, ազգի հետ վայ տանք մեր գլխին, կամ այն-  
տեղ գտնենք այն ճարը որով գուցե թե հնար լինի փրկվել մա-  
հացու տառապանքից:

Սիմոն Վրացյանն ասաց.

— Մենք այստեղ ներկայացնում ենք մեր կուսակցությունը:  
Եվ ձեռնունայն վերադառնալ, կնշանակի՝ ժողովրդի աչքում զցել  
նրա պատիվն ու հեղինակությունը, որոնք ձեռք են բերվել տաս-  
նամյակների տքնությամբ, մեծագույն զոհողությունների գնով:

Հետո զրույցը զարգացավ այնպես, որ երեքն էլ խոսում էին  
միայն իրենց կուսակցութեան մասին: Հայ հեղափոխական դաշ-  
նակցությունն այն երեկո շատ հուղիվեց երեքի բերանում:

Ուզ գիշեր էր արդեն, և Քաջազնունու քունը շէր տանում:  
Վերջին ամիսներին նա տառապում էր անքնությունից և գի-  
շերվա մեծ մասն անց էր կացնում իր օրագիր-տետրի հետ:  
Իսկ Բաթումում գրելիք շատ կար: Գրում էր, վիճում ընկեր-  
ների հետ, պարպում անորոշ հույզերով ու տարտամ ապրում-  
ներով ալեկոծված սիրտը: Այդպես էր վրեժ լուծում իր ու դասա-  
կիցների պարապությունից: Եվ որքան էլ հուզված, ցավերն ու  
ապրումները որքան էլ ալեկոծ, նա չէր կորցնում սեփական ձեռ-  
քին ու զրչին տիրապետելու հավասարակշիռ ուժը, գրառումները  
շարվում էին հարթ ու կոկիկ, ոչ նախշուն, բայց համաշափ ու  
զեղեցիկ այն ձեռագրով, որին տիրապետում էր հոգեկան ամեն  
տեսակ ապրումների ժամանակ:

«Այսօր Սիմոնն ու Խատիսովը երկար խոսեցին մեր կու-  
սակցութեան մասին, — մայիսի 24-ի գիշերն էր գրել: — Առա-  
ջինի համար կուսակցությունից դուրս ոչինչ չկա և ինքն էլ ոնց  
որ ծնվել է միայն նրան ծնրադիր երկրպագելու համար: Երկ-  
րորդի մասին նույնը չէի ասի: Ալեքսանդր Խատիսովը նման է  
այն վաճառականին, որն իր ապրանքը հեռավոր երկրներ է

առաքում այս կամ այն հուսատու ընկերութեան նաւերով: Վաղը կհայտնվի առավել վստահելի մի ընկերութիւն, շուտ կգա այդ կողմի վրա: Առևտուրն է կարևորը նրա համար: Այդ էլ չէի ասի: Վաղը հնարավոր լինի լծվելու առավել շահութաբեր մի գործի, թեկուզ և հնակարկատութիւն կամ այգեգործութիւն, առանց որևէ դժվարութեան այդ դործը կանի: Մտտավորապես այդպես էլ բնութագրեցի իրենց (դառնացած էի, խոսեցի անվերապահ և թերևս մի քիչ դաժան): Ասացի.

— Սիմոն, քեզ համար գործիքն ավելի կարևոր է, քան գործը:

— Ինչպե՞ս հասկանալ. գործի՞քս որն է, ենթադրենք, թե գործ ասելով, պիտի հասկանալ մեր նպատակը:

— Այո՛, մեր նպատակը՝ հայ ազգի ազատագրութիւնը: Թող որ մի քիչ բարձր հնչի: Գործիքն էլ կուսակցութիւնն է, որը պետք է ծառայի նպատակին, եթե իսկապես պիտի ծառայի...

— Իսկ չի՞ լինի, որ ասես, թե դու ինքդ ինչպես ես վերաբերվում այդ գործիքին (ի՛նչ էլ վիրավորական անուն ես մտածել):

Եվ այստեղ ես շարադրեցի իմ հավատամքը, որին հավատարիմ եմ եղել երեկ, հավատարիմ եմ այսօր և կլինեմ վաղը, մինչև որ կնքեմ իմ մահկանացուն:

— Մեր այս կուսակցութիւնը, — ասացի, — ինձ համար արժեք ունի այնչափ միայն, որչափով ընդունակ է վարել մի որոշ դատ, ո՛չ ավելին: Ինքնըստինքյան պաշտամունքի առարկա չէ կուսակցութիւնը: Ուրիշ խոսքով. շաբաթն է ստեղծված մարդու համար, ոչ թե մարդը՝ շաբաթի: Իհարկե, — ասացի, — այնքան էլ հեշտ բան չէ լինել կուսակցութեան մեջ և ազատ մնալ կուսակցութեան կաշկանդումներից: Երկարամյա կյանքը մարդու հոգին առնում է կուսակցական կաղապարի մեջ, մարդն սկսում է ամեն ինչին մոտենալ կուսակցականորեն, կուսակցականորեն է ըմբռնում և կուսակցականորեն է լուծում խնդիրները: Ավելին. կուսակցութիւնը սոսկ միջոց լինելուց բարձրանում, կամաց-կամաց դառնում է ինքնանպատակ ու ինքնագո մեծութիւն, այսպիսով՝ դատը ստորադասվում է նրա համար ծնված մարմնին կամ գործիքին, և կուսակցութեան գործունեութիւնը կուսակցականի համար դառնում է ինքնանպատակ (եթե շասնք՝

միայն իմ գործած մոլորությունների համար, այլև բոլոր այն մեղքերի, որ չկարողացա կանխել:

Եվ հիմա ես չգիտեմ՝ ազգիս ներողամտություն խնդրելիս լոկ սեփական մոլորություններովս պիտի ներկայանամ, թե՞ նաև այն սխալներով ու մեղքերով, որոնց տերն իմ ընկերներն էին, իմ գործակիցներն ու կուսակիցները»:

Մեկ-մեկ պատահում էր՝ Քաջազնունին մի կողմ էր հրում իր օրագիր-հիշատակարանը, մտածելով, թե նրա վրա զուր տեղը ժամանակ է վատնել... Սակայն հետո վերադառնում էր, նորից գրիչը ձեռքն առնում, որովհետև գրի շառնված, շարտանետված մտքերը ներսում եռում էին և ելք էին փնտրում:

Պապաջանովն ասել էր. «Ռուսական ժամանակավոր կառավարությունը խոստացած է եղել հայերին պետութուն պարզելի՛ Ուրեմն, ափսո՛ս, որ այն ժամանակավոր կառավարություն էր, թե չէ, արդեն իր խոստումը կատարած կլիներ: Բայց մի՞թե իսպառ բացառված է այդպիսի պետության ստեղծումը...»:

Եվ հիմա մեր հիշատակագիրն իրեն տանջում էր այն մտքով, թե ինչպե՛ս պիտի պահվի այդ հայկական պետությունը:

«Ազգային լիահուն կյանքով ապրելու համար մենք պետք է ունենանք մեր պետությունը, — գրեց Քաջազնունին: — Իսկ այս պետության գոյությունն ապահովելու համար էլ պետք է դաշնակցենք ուրիշ պետությունների կամ գոնե որևէ հզոր պետության հետ: Հայաստանն այսօր թույլ է և չի բացառված, որ միշտ էլ լինելու է թույլ պետություն: Հետևապես նրա համար ապրելը բոլոր ժամանակներում պիտի նշանակի դաշնակցել: Բայց դաշնակցել թուրքի՞ հետ: Այս արդեն ուրիշ բան չէ, քան ազգի վերջին մնացորդներին առաջնորդել դեպի այն սպանդանոցը, որտեղ հայոց կառավորներից նրա դարավոր թշնամի թուրքը սովոր է սարքել իր քմայքների շենքը: Ուրեմն՝ ի՞նչ, այդպես էլ անհնա՞ր պիտի լինի սեփական պետության ստեղծումն ու պահպանությունը»:

Եվ այստեղ նա հիշում էր Թիֆլիսի իր զրույցները բարեկամների ու հակառակորդների հետ, ամփոփում իր մտորումները.

«Մեր գաղափարական նախնիները, որ շատ ավելի իրատես մարդիկ էին, քան այսօրվա պարագլուխները, հայ ժողովրդի բախտը կապում էին Ռուսաստանի հետ: Նրանք տեսնում ու

աննպատակ) փեշակ: Ների՛ր այս կոպիտ արտահայտութիւնս, սւրիշ ավելի հարմար բառ չեմ գտնում:

— Եվ դու վեր ես այդ բոլորից, դու մեր կուսակցութեան մէջ ես, բայց նրանից վե՛ր, ինքնուրո՛ւյն...

— Ո՛չ, այդպէս չպետք է հասկանալ ասածս. չեմ ասում՝ վեր եմ: Բայց անհամեստութիւն մի համարիր, եթե ասեմ, որ ինքս ազատ եմ այդ կարգի թուլութիւններից: Ես կուսակցական մարդ չեմ՝ յառիս նեղ իմաստով ու երբեք էլ չեմ եղել: Եվ այդ է պատճառը, որ այսքան տալի մեկուսի եմ մնացել կուսակցութեան շարքերում: Պարզապէս մի հայ մարդ եմ ես, հայ հայրենասեր... Հայրենասե՛ր... Ահա մի վարկաբեկված բառ, որ ենթարկված է եղիլ այնքան անարգանքների, այնքան ծաղր ու ծանակի: Որովհետև, ինչպէս ռուս վիպասանն է գրել, հայրենասիրութիւնը երբեմն մի նպաստավոր հանգրվան է, ուր կյանքի վերջում իրենց վրանն են զարկում բոլոր սրիկաներն ու շառլատանները: Տարբերութիւնն այն է լոկ, որ ես այն գլխից ինձ նվիրած եմ եղել ազգիս գործին, և այդ է իմ էութիւնը: Ես սիրում եմ հայ հայրենիքը և հայ ժողովուրդը՝ այդ աղքատ, ավեր, անհամբույր, դաժան երկիրը, և այդ խեղճ, տգետ, ծածկամիտ, եսամոլ, շահասեր ժողովուրդը, որ ներսում ամբարած ունի շնաշխարհիկ արժանավորութիւններ: Բայց սիրում եմ ո՛չ նրա առաքինութիւնների համար, այլ սիրում եմ իրեն՝ իր բոլոր թուլութիւններով ու թերութիւններով հանդերձ: Սիրում եմ, որովհետև ինքս նրա անբաժան մասնիկն եմ զգում ինձ՝ ոսկորը ոսկորից, արյունն արյունից և իմ անձնական բախտն ամբողջովին ու անխախտ կապել եմ նրա հավաքական բախտի հետ:

Երբ ես տեսնում եմ, որ Հայաստանն ու հայ ժողովուրդը, այո՛, այդ Հայաստանն ու իր հազար անգամ նահատակված և, այդուհանդերձ, ապրող ու ապրելիք ժողովուրդը դարձել են առուծախի առարկա, փառք ու պատիվ վաստակելու միջոց, — իբրև հայ ես ինձ խիստ վարկաբեկված եմ համարում: Վարկաբեկված, որովհետև այսպէս են վարվում իմ կուսակիցներից ոմանք, իմ ազգակիցները, այսինքն՝ այն ամբողջութեան մասնիկները, որի ծնունդն եմ ես ու արդյունքը: Իմ եղբայրներն ճն նրանք: Նրաց մեղքի տերն եմ ինքս: Եվ սիրտս քրքրվում է ոչ

հասկանում էին ռուսական միապետութւան նվաճողական քաղաքականութիւնը, գիտեին, որ դա մեծ շարիք է հպատակներին համար, բայց և համոզված էին, որ հայն ուրիշ ելք չունի, քան ռուսի հովանու տակ լինելը: Բայց այսօր մեր վիճակն ավելի վատ է, իսկ Ռուսաստանի ներկայութիւնը՝ ավելի անհաղթահարելի...»:

\* \*  
\*

Պատահական մի դիպվածով ես բախտ եմ ունեցել ծանոթանալու Սարգարապատի ճակատամարտի վերջին երկու օրվա վիճակը ցույց տվող ռազմական քարտեզի երկու տարբերակի՝ գծված, ի՞նչ եք կարծում, ո՞ւմ ձեռքով: Հակոբ Կոչոյանի: Մեր այն մեծ նկարչի, որին ռուս մի լավ բանաստեղծ ոգեշունչ բանաստեղծութիւն է նվիրել՝ ասելով. աղքատ է աշխարհի ամեն մի պատկերասրահ կամ թանգարան, որ Հակոբ Կոչոյանից նկար չունի:

Հարուստ է մեր ազգային-պետական պատմական արխիվը: Նրա կուտակած ու մշակած, բարեխղճութեամբ հետազոտողների տրամադրութեան տակ դրվող վավերական գանձերի առատութիւնը կշարժի շատ ավելի հին ու հռչակավոր նմանատիպ հաստատութիւնների նախանձը... Բայց մեր հարազատ արխիվն ինձ կրկնակի է հարազատացել, կրկնակի հարուստ ու թանկագին է դարձել այդ երկու քարտեզներով: Մեր գեղանկարչութեան մեծ վարպետի անզուգական ձեռքի տակից ելած երկու անօրինակ ու աննախադեպ ստեղծագործութեամբ: Չէ՞ որ այդ քարտեզները ոչ միայն մեծ վարպետի ձեռքով գծված ռազմագիտական վավերականներ են, այլև մի անհերքելի վկայութիւն այն մասին, որ երիտասարդ Հակոբ Կոչոյանը սերտ առնչութիւն է ունեցել հայ ժողովրդի Սարգարապատյան հերոսամարտին:

Կոչոյանն անմիջապես մասնակցե՞լ է ճակատամարտին: Այս հարցն անպատասխան պիտի մնա այնքան ժամանակ, քանի դեռ այդ մասնակցութիւնը հաստատող աներկբայելի տվյալներ չկան: Մեծ նկարչի կենսագիրներն այնքան գիտեն, որ նա 1915—17 թվականներին որպէս զինվոր եղել է Արեւմտյան Հայաստանում, ապա՝ 18-ին մասնակցել է Անիի վերականգնող հետազոտող

արշավախմբին: Սակայն այս վերջինը կարող էր լինել միայն Անին թուրքերից ետ խլելուց հետո, ուրեմն՝ նաև Սարդարապատյան ճակատամարտից հետո: Իսկ ի՞նչ էր անում ճակատամարտի օրերին, ինչո՞ւ մեծ մարդու կենսագրության մեկ տարին սպրդել է կենսագիրներին աչքից:

Կար ժամանակ, տխուր ու անփառունակ ժամանակ, երբ առնվազն կասկածելի անցյալ էր համարվում հայ մարդու մասնակցությունն այդ ճակատամարտին: Հայ ժողովուրդն իր պետականության կորստից հետո, դարերի մեջ բազմաթիվ թշնամիների դեմ ունեցած մեծ ու փոքր բախումներից միայն մեկում տարել է իսկական հաղթանակ, հաղթանակ, որը և դարձել է նրա ապագա պետականության հիմքն ու ինքնուրույն գոյության հզոր խարիսխը... Եվ մարդիկ զգուշանում էին այդ հաղթանակի մասին խոսելուց, առավել ևս՝ թաքցնում էին իրենց ունեցած կարևոր կամ վճռական մասնակցությունն այդ ճակատամարտին...

Քարտեզների վրա նկարչի ինքնությունը վկայված է այսպես. «Чертил чиновник в [оенного] в [едомства] Я. Коджоянцъ» («Գծագրել է ռազմական գերատեսչության աստիճանավոր Հ. Կոջոյանցը»):

Քարտեզների ճշգրտությունը հաստատում է «Հայկական դիվիզիայի ավագ ադյուտանտ պոդպորուչիկ Ահարոնյանը»:

Առաջին քարտեզում ներկայացված է պատերազմող կողմերի դասավորությունը մայիսի 27-ի ժամը 15-ին: Այստեղ երկաթգծի ուղղությամբ պատերազմական գիծը գտնվում էր Արաքս կայարանից արևելք, քանի որ կայարանը դեռևս թուրքերի ձեռքին էր: Կայարանից հարավ, մինչև Արաքս գետի եղեգնուտները, համարյա ուղիղ գծով, դասավորված էին թուրքական երկու զնդեր՝ ամրացված քրդական հեծելազորով ու տեղական մահմեդական բաշիբոզուկներով: Կարաբուրուն կայարանում, Արաքսի թիկունքում, պահեստային ուժեր կային, որոնք օգնության պիտի հասնեին արաքսցիներին, եթե սրանք չդիմանային հայկական գործերի ճնշմանը: Երկաթգծից հյուսիս, մինչև Արագածի փեշերը, Գելիպոլլու կամ Դարդանելյան դիվիզիայի զրնդերն էին զբաղեցնում: Այստեղ էին՝ հարավից հյուսիս՝ 106-րդ, 107-րդ և 108-րդ գնդերը, որոնք աչից ու ձախից օժանդակ ուժեր էին ստացել Կարաբեքիր փաշայի դիվիզիայից: Վերջինիս

մեկ զորագունդն էլ Թալիշից հարավ-արևմուտք գտնված Ներքին Քալակուտ գյուղից արևելք բավական երկար դիրք բռնած սպասում էր Մակուի գնդից մնացած հայկական գումարտակին: Նրանից հարավ նորից շրջանցումով դեպի թշնամու թիկունքն էր շտապում Երզնկայի գնդից կազմված գումարտակը՝ Խնուսի գնդի մնացորդների հետ: Գրավոր աղբյուրներն ու փաստաթղթերը ոչինչ չեն ասում, և ականատեսներ էլ չկան, որ պատմեն, թե ինչպես է պատահել, որ գնդապետ Կարո Ղասաբբաշյանը (նույն ինքը՝ Հասան Փաշայանը) իր 600—700 հոգիանոց գումարտակը, նախորդ օրվա հերոսական զորաշարժից հետո, նորից բաժանել է երկու մասի: Չէ՞ որ Կոշի և Խզնաուզի մոտ Երզնկայի ու Մակվի գնդերի մնացորդներից կազմված զորաջոկատով կատարեց զորաշարժը: Նրա հետ էր ռազմաճակատի հրամանատար Դանիելբեկ Փիրումյանի ավագ որդին՝ պոզպորուչիկ Միքայելը: Նրանք երկուսով գումարտակը տարան վճռական հարձակման և թշնամուն այնպիսի հարված հասցրին թիկունքից, որ նրա շարքերը երերացին, ասկյարները, խուճապի մատնված, չգիտեին դեպի ո՛ւր դարձնեն իրենց հրազենների փողերը, երբ թիկունքից հանկարծական համազարկերով Հասան Փաշայանի քաջերն էին շմեցրել, ճակատից էլ, ճանապարհին ամեն ինչ ջարդելով, առաջ էին շարժվում Պողոսբեկ Փիրումյանի մահապարտները:

Ներքին Քալակուտից արևելք հայտնված թուրքական զորագունդն ու Մակվի գնդի մնացորդներից կազմված հայկական ջոկատը բախվել են անպայման: Եվ պետք է ենթադրել, որ հայկական ջոկատն այստեղ անհաջողութուն է կրել մեծաքանակ թշնամուց: Թերևս այդ ջոկատի հրամանատարն է եղել Միքայել Փիրումյանը: Իր նորակազմ գումարտակի մի փոքրիկ մասը նրան տրամադրելով՝ գնդապետ Հասան Փաշայան-Ղասաբբաշյանը գումարտակի հիմնական ուժերով առաջ է գնացել՝ նպատակ ունենալով նորից անցնել նահանջող թշնամու թիկունքը և կրկնել մայիսի 26-ի ավերածութունը:

Ներքին Քալակուտի մոտ հաջողության հասած թուրքերը շրջապատել ու գերի էին վերցրել հայկական ջոկատի առաջապահներին, որոնք խիզախորեն դիմադրեցին մինչև վերջին հարավորութունը:

Գերինների մեջ էր նաև ջոկատի հրամանատար պողպորու-  
շիկ Միքայել Փիրումյանը:

Մայիսի 27-ի ցերեկվա ժամը 3-ին (15-ին), ըստ առաջին  
քարտեզի, Մակեդոնի ու Հովսեփի հեծյալ ջոկատները նորից  
դիրքեր էին գրավել Արաքսի ափին, Կարա-բուքյանդ բլրի մո-  
տերքում, Ղուրղուղուլիից հարավ-արևմուտք: Հավանաբար նրանք  
այդ օրը խնդիր են ունեցել կասեցնելու թշնամու առաջխաղացու-  
մը գետափով: Արաքս կայարանից արևելք նոր հարձակման  
անցած թուրքերի դեմ կանգնած էին Պերեկրյոստովի պարտի-  
զանները: Իսկ նրանից հյուսիս ամբողջ ճակատով, թուրքա-  
կան 36-րդ դիվիզիայի դեմ ճակատում էին Պոզոսբեկ Փիրում-  
յանի գնդի գումարտակները, առաջինը՝ հյուսիսում, երկրորդը՝  
կենտրոնում, երրորդը՝ հարավային եզրում: Նրանց թիկուն-  
քում պահեստի ուժերն էին դասավորված՝ մի վաշտ Իզդիրի գըն-  
դից, մյուսը՝ Կարսի գնդից:

Այսքանը՝ մայիսի 27-ի ժամը 15-ին:

Երկրորդ քարտեզը ներկայացնում է հակառակորդ ուժերի,  
ավելի ճիշտ՝ հայոց զորքի դասավորութունը մայիսի 27—28-ի  
գիշերվա առումով: Ասում են՝ հայոց զորքի, որովհետև այն-  
տեղ, քարտեզի սահմաններում, այլևս թուրքեր չկան. նրանք  
խուճապահար, կոտորվելով ու գերի ընկնելով մեջտեղից վերա-  
ցել էին, և քարտեզագիր-նկարիչը հարմար է գտել ցույց տալու  
միայն հաղթանակած, հայրենի հողը կիլոմետր առ կիլոմետր  
ազատագրած հայ զորքի դասավորութունը: Այնտեղ զորքի մի  
մասը պահեստային է՝ Մակվի գնդի մնացորդները Թալիշում,  
երզնկայի գնդից կազմված գումարտակն ու Հինգերորդ գնդի  
երկրորդ գումարտակը՝ Չիմնի ղըռի ու Թուլքի թափայի ստո-  
րոտներում: Ճակատի կենտրոնական մասում Մահապարտների  
(Հինգերորդ գնդի) առաջին ու երրորդ գումարտակները թուրքերի  
Դարդանեյան դիվիզիայի սնափառ գնդերին հալածելով հասել  
են Ղարա-բուրուն գյուղի ու Ղարա-բուրուն բլրի մոտերքը: Աջ  
թևում Պանդուխտի հեծյալ ջոկատը, ներքին Թալիշն անցնելով,  
թուրքերին հետապնդում է Քյուլ-թափայի արևմտյան ստորոտ-  
ներում: Չախ թևում գնդապետ Պերեկրյոստովի պարտիզան-  
ներն են առաջ գնում՝ արդեն նվաճած Մաստարա և Կարա-բու-  
րուն կայարանները: Թուրքերը ոչ թե նահանջում, այլ ճողոպ-



րում են՝ լքելով իրենց դիրքերը, գնեքերն ու զինամթերքը, պարենն ու կողոպուտով կուտակած հարստությունները:

Մայիսի 29-ի երեկոյան Թիֆլիս հասավ Երեանյան ռազմաճակատի հրամանատար Մովսես Սիրիկյանի հեռագիր-զեկույցն այն մասին, որ «Ենօրյա համառ մարտերից հետո Սարգարապատի ուղղությամբ թուրքերը, թևերից շրջանցված ու ջարդված, ետ են շարտվել բոլոր դիրքերից: Մեր զորքերը հետապնդում են և արդեն հասել են Ղարաղուլա կայարանի ու Սոգուիլու գյուղի գիծը: Թուրքերի կորուստները նշանակալից են...»:

Զորավարը Թիֆլիսի Հայոց ազգային խորհրդի նախագահի տեղակալ Կարճիկյանին հաղորդելու բարի լուր ունեւ Երեւանյան ճակատի մյուս ուղղության: Բաշ-Ապարանի վերաբերյալ. «Միաժամանակ Բաշ-Ապարանի ուղղությամբ երկու գունդ զորք ու թնդանոթներ ունեցող հակառակորդը, որ նեղել էր մեր առաջապահ հեծյալ շտեպաններին Կաբափոր գյուղ-Ղարաթիլիսա գծի վրա, երկօրյա համառ մարտերից հետո, մայիսի 29-ի երեկոյան դեմ, գլխովին ջարդված ետ է շարտվել դեպի Քանազեր-Մազսաիխ բլուրները՝ կռվի վայրում թողնելով 200 դիակ (հեռագրում հիշատակվող Կաբափոր, Քանազեր և Մազսաիխ տեղանունները պարզել հնարավոր չեղավ. — Բ. Ու.): Մենք գրավել ենք երկու գնդացիր, հաթյուրից ազելի հրացան և ուրիշ շատ ռազմավար: Այդ մարտերում մեր կորուստներն աննշան են: Զորքի ոգին հրաշալի է: Այս պահին մեր զորաջոկատներն զբաղեցնում են ուժեղ դիրքեր և սահմանազատման գիծն են հաստատում: Գնեքալ Սիրիկյան»:

Հայոց զորքը հետապնդում էր խուճապահար թշնամուն:

Սարգարապատյան ռազմաճակատի հաղթանակով ոգևորված հայ ժողովուրդը, — տեղացի ու գաղթական, կին ու տղամարդ, ծեր ու երեխա, — ապրում էր այն ցնծությունը, որ շէր տեսել դարեր ի վեր: Զէ՞ որ պետական ինքնուրույնությունը կորցնելուց հետո առաջին անգամ հայը հաղթել է իր թշնամուն, հաղթել է թուրքին՝ բոլոր հին ու նոր թշնամիներից ամենադաժանին ու ամենաերդձյալին:

Թուրքը ջարդվել էր Սարգարապատում և գլխապատառ փախչում էր հետապնդող Դանիելբեկ Փիրումյանի գնդերի առաջ: Հաղթանակի մեծ երջանկության ու անձնական վշտի կրակներ-

ըում տապակվող զորավարի արտասովորից հայացքն արդեն շո-  
յում էր Ալեքսանդրապոլի բերդի աշտարակները: Իսկ դենը հա-  
յոց բզկտված հողերն էին՝ Իգդիրն ու Սուրմարին, Կարսն ու  
Սարիղամիշը, հայոց կիսավեր ավաններն ու շեները...

\* \* \*

\*

Մայիսի 26-ին Հովհաննես Քաջազնունին օրվա իր տպավոր-  
ությունները հանձնեց թղթին, և նրա գրառումների մեջ ցավ  
կար ու հիասթափություն:

«Մենք ամեն ինչ իմանում ենք բոլորից վերջը, — գրել է նա: —  
Նույնիսկ մեր կողքին, մեր քթի տակ տեղի ունեցող դեպքերը  
մեզ հայտնի են դառնում այն ժամանակ, երբ նրանք այլևս  
գաղտնիք չեն ոչ ոքի համար: Այսօր ժամը 7-ին մենք գերմա-  
նական ներկայացուցիչ Ֆոն Լոսովից ստացանք նամակ, որով  
զորավարը հաղորդում է, թե արդեն հայտնի ու անհերքելի տե-  
ղեկություններից իր համար պարզ է դարձել, որ լուծարկվում է  
Անդրկովկասյան միացյալ կառավարությունը՝ Եվ քանի որ Գեր-  
մանական կառավարությունն իրեն Բաթում էր ուղարկել հետե-  
վելու Անդրկովկասյան միացյալ հանրապետության շահերին, իսկ  
հիմա այդ հանրապետության գոյությունն այլևս հարց էլ չէ,  
ուրեմն ինքն ավելորդ է համարում Բաթումում ժամանակ վատ-  
նել և հեռանում է այստեղից:

Ոնց որ սառ ջուր լցնեն մեր ոչ տաք-ոչ պաղ գլուխներին:  
Ինչպե՞ս թե լուծարկվում է Անդրկովկասյան միացյալ հանրա-  
պետությունը: Բայց չէ՞ որ մենք էլ այդ հանրապետության հա-  
վասարիրավ մասն ենք և նրա կառավարության գործնական  
անդամները: Այդ ինչպե՞ս է լուծարկվում ամբողջը, երբ մենք  
նրա մասը, անտեղյակ ենք: Մենք, որ, իբր, նրա անունից այս-  
տեղ շաբաթներով բանակցություններ ենք վարում: Մե՛նք չգի-  
տենք, իսկ ի՞նչ բանի են թիֆլիսյան մեր հայ գործակիցները:

Ալեքսանդր Խատիսովի հետ վազեցինք նավահանգիստ: Գեր-  
մանական «Միննա Խորի» նավով էր մեկնում գեներալ Լոսովը:  
Նա մեզ ընդունեց իր նավախցիկում և, մեր պաղատանքներն  
ուշադիր ունկնդրելով, խոստացավ իր կառավարության առաջ  
պաշտպանել մեր նվազագույն արդար պահանջները: Դրա հա-

մար նա խորհուրդ տվեց նաև, որ մենք մեր Ազգային խորհրդի ներկայացուցիչներին ուղարկենք Բեռլին:

Նավից հյուրանոց վերադարձանք գիշերվա ժամը 12-ին: Այստեղ էլ իմացանք, որ միացյալ հանրապետության լուծարկումը կատարված իրողություն է, և Բաթում է ժամանել Վրաց Ազգային խորհրդի նախագահ Նոյ Ժորդանիան: Վաղը, մայիսի 26-ին, Վրաստանը հռչակելու է իր անկախությունը: Ժորդանիան եկել է Ջիսենկելիի հետ այդ առթիվ պայմանավորվելու մի քանի կարևոր հարցերի շուրջ:

Խատիսովը վաղուց ճանաչում էր Ժորդանիային, նույնիսկ իր լավ բարեկամն էր համարում նրան և համոզված էր, որ, հանուն հին ու անկեղծ մտերմության, նա իրեն կարող է անել ամեն տեսակ զիջումներ: Հուսովառ վազեց նրա մոտ և կես ժամ հետո վերադարձավ՝ հուսահատորեն հաղորդելով հետևյալը.

«Ժորդանիան պատմեց Թիֆլիսում իշխող տրամադրությունների մասին, ասաց, որ հայերը շարունակում են պատերազմել թուրքերի դեմ, որ թուրքերը սանձարձակորեն շարունակում են իենց առաջխաղացումը և՛ որ այդպիսի պայմանների մեջ վրացիներին ուրիշ բան չի մնում, քան հայտարարել Վրաստանի անկախությունը:

— Ինչպե՞ս, — բացականչեցի ես, — չէ՞ որ մենք և դուք միասին պատերազմի մեջ ենք, ընդհանուր պատերազմի մեջ՝ ընդհանուր թշնամու դեմ: Դուք ինչպե՞ս կարող եք լքել մեզ, երբ թափվում է մեր արյունը: Մի՞թե դա ազնիվ բան է:

— Ազնիվ բան է այն, ինչ օգտակար է ժողովրդին, — պատասխանեց Ժորդանիան:

— Այո: Բայց մե՞նք: Մենք ժողովուրդ չե՞նք:

— Մենք չենք կարող խեղդվել ձեզ հետ միասին, — հանգիստ խոսեց Ժորդանիան: — Մեր ժողովուրդն ուզում է փրկել այն, ինչ որ հնարավոր է փրկել: Դուք էլ պարտավոր եք համաձայնություն գալ, լեզու գտնել թուրքերի հետ: Ուրիշ ելք չունեք»:

Մի ժամ հետո Ժորդանիան մեկնեց Թիֆլիս՝ արդեն բացվող օրը հայտարարելու որպես իր երկրի մեկուսացման ու անկախության օր:

Ես ու Խատիսովը միասին անցկացրինք անբուն գիշերվա մնացած մասը: Մենք խոսում էինք մեր անելիքների մասին և որոշակի հարցերի վրա կանգ չէինք կարող առնել, որովհետև չզի-

տեխնք, թե ի՛նչ են մտածում մերոնք Քիֆիխում: Կամ մտածո՞ւմ են, արդյոք, որևէ լուրջ քայլ կատարելու մասին: Չէ՞ որ նրանք այսքան ժամանակ մի կարգին զգացնել շտվին անգամ իրենց գոյությունը՝ Իսկ Վրաստանի անկախության կողքին եթե որևէ անհիլիք ունեցող կա, դա էլ մենք ենք: Մենք՝ լքված բուրքի կողմից, թշնամու բաց երախի դեմ:

Զրույցի ժամանակ ես հիշեցի Անդրկովկասյան կառավարության ծննդի օրերի մեր հուզումները: Այն ժամանակ մենք մեր կուսակցության մեջ միաձայն ու համերաշխ էինք՝ համոզված, որ մեր ժողովրդի փրկությունը նոր ստեղծվող Անդրկովկասյան միացյալ կառավարության ու Անդրկովկասի անկախության մեջ է: Անդրկովկասի անկախությունն այն ժամանակ և այսօր էլ ոչ այլ ինչ է, քան ամեն տեսակ հարաբերության խզումը Ռուսաստանի հետ: Այո՛, մենք միահամուռ ու համերաշխ էինք մեր կուսակցության կենտրոնական կորիզի մեջ: Որովհետև այդ կորիզը կազմվել էր համախոհներից և խնամքով ու վարպետորեն նրանից դուրս էինք արել կամ դուրս էինք թողել ուրիշ կերպ մտածողներին: Իսկ, ա՛յ, մեր հարևան վրացիները ճակատ ճակատի էին զարկում՝ երկու հոսանքի վերածված, և թվում էր, թե նրանց պայքարին վերջ կամ հաշտություն չի լինելու: Նոյ ժորդանիան ու Գեգեչկորին գլխավորում էին այն հոսանքը, որը պահանջում էր շարունակել պատերազմը Թուրքիայի դեմ և պաշտպանել կապը Ռուսաստանի հետ: Նոյ Ռամիշվիլին ու Ակակի Չխենկելին, ընդհակառակը, պահանջում էին հաշտություն կնքել Թուրքիայի հետ և անջատվել Ռուսաստանից, հայտարարել անկախություն: Սեյմում երկու օր տաք վեճեր էին գնում այս երկու հոսանքների միջև: Մենք դիտում էինք նրանց կռիվը և հպարտանում, որ ինքներս չենք կռվում: Մեկն էլ չկար, որ հարցներ, թե դուք ինչի՞ վրա պիտի կռվեք: Չէ՞ որ դուք սեփական կարծիքներ չունեք, որ հանք իրար դեմ, քննեք և մեկը հավանեք ու մերժեք մյուսը: Չէ՞ որ մենք պարզապես հոսանքի բերանն էինք ընկել և գնում էինք ակամա. Թուրքիան մեզ հետ հաշտության բանակցություններ վարելու համար պահանջում էր կտրվել Ռուսաստանից, հայտարարել Անդրկովկասի անկախություն, և մենք ենթարկվել էինք մեր դարավոր թշնամու այդ պահանջին ու չէինք էլ ուզում հասկանալ, թե մեզ համար ի՛նչ աղետ է «անկախությունը»:

Իսկ երկփեղկված վրացիները վիճում էին:

Երբ հաղթեց անկախության ու Թուրքիայի հետ կնքվելիք հաշտության կողմնակից հոսանքը, մենք մտածում էին, թե մյուս թևը պիտի լքի քաղաքական կյանքի ասպարեղը, հեռանա: Այդպես շեղավ: Նոյ Ժորդանիան եկավ համագործակցելու Նոյ Ռամիշվիլու և Ակակի Չխենկելու հետ: Մեր սրամիտներից մեկն այն ժամանակ ասում էր. «Հիմա երկու Նոյ (Նոյ Ժորդանիա և Նոյ Ռամիշվիլի) ո՞նց պիտի համակերպվեն ու համատեղվեն մեկ տապանում: Հետագա դեպքերը եկան ապացուցելու, որ նրանք՝ հակառակորդներ, նույնիսկ գաղափարական թշնամիներ, անպայման համակերպվում ու համատեղվում են, եթե հարցը վերաբերում է իրենց ազգի փրկությանը: Իսկ մենք աշնանը Թիֆլիս եկած Ստեփան Շահումյանի հետ չկամեցանք նստել բանակցությունների սեղանի շուրջ, չնայած մեր շարքում կային աչքաբաց ու մտածող մարդիկ, որոնք պահանջում էին դաշնակցել այդ իմաստուն հայի հետ, որն արդեն ուներ Ռուսական նոր կառավարության արտակարգ լիազորությունը:

Խատիսովը կարծես կորցրել էր դատելու ընդունակությունը, միայն երբեմն-երբեմն գլուխն էր օրորում՝ հայհոյելով մեր ցածհոգի դաշնակիցներին, որոնք ահա այսպես լքում են մեզ, երբ հայ ժողովուրդը գտնվում է կործանարար հեղեղի բերանին:

— Պատմությունը մեր նախահորն է ընծայում մարդկային ցեղը համաշխարհային ջրհեղեղից փրկելու պատիվը, — ասացի ես: — Իսկ մենք այդպես էլ մի Նոյ շունեցանք, որ այս ջրհեղեղի մեջ հասկանար միակ ճշմարիտ անելիքը և ազգը տաներ դեպի փրկության եզերք:

— Է՛, — քնկոտ հորանջեց Ալեքսանդր Խատիսովը, — Նոյ կգտնվի, տապա՛ն չկա, տապա՛ն:

Եվ գնաց քնելու՝ երևի իբրև Նոյ, որին մնում է միայն տապանի հոգսը քաշել:

Նախաճաշին Խատիսովն ինձ, իբրև գաղտնիք, հայտնեց, որ երեք օր առաջ ինքը զրույց է ունեցել գերմանացի կոմս Շուլենբերգի հետ: Այդ ձեռներեց ու ճարպիկ մարդը, իբր, գերմանական ռազմաքաղաքական հանձնախմբի կազմում եկել է կովկաս և կարող է օգնել հայերիս, եթե մենք խոստանանք պահանջվող արտոնություններ տալ և օժանդակել Լոռիի շրջանում գործող գերմանացի գործարանատերերին ու պանրագործներին:

Ես անտեղյակ չեմ Շուկենբերգի արկածախնդրություններինց։ Պատերազմից առաջ Թիֆլիսում գերմանական հյուպատոսն էր և, ասում են, բարձր հասարակության հավաքներին միշտ էլ իր սերն ու հիացմունքն էր արտահայտում Կովկասի ու Ռուսաստանի հանդեպ։ 1914-ին էնվերի ու էհսան փաշայի հետ, իբրև խորհրդատու սպա, թուրքական բանակն էր բերել Կովկասի վրա։ Զախողված պատերազմից հետո անհետացավ ասպարեզից և հիմա վերստին հայտնվել է քաղաքական շառվատանության ասպարեզում։ Հայ ժողովրդի փրկությունը կազմակերպելու նպատակով։

— Իսկ ինչո՞ւ հիշեցիր դրան, — հարցրի ես։ — Գուցե գիշերվա զրույցից հետո ուզում ես դրան կառչել իբրև նոյան տապանի։

Հարցս տվել էի կատակի տոնով, սակայն ինքը չէր կարող շրջալ խորքում եղած արհամարհանքը։ Թողեց, հեռացավ։

Այսօր թուրքաց պատվիրակությունը մեզ հանձնեց իր կառավարության վերջնագիրը, որով երեք օր ժամանակ է տրվում պատասխանելու իրենց այն պահանջներին, որոնք մեզ էին ներկայացվել բանակցությունների առաջին իսկ նիստին։

Ի՞նչ պատասխան պիտի տանք։ Ի՞նչ գիտենք ճակատի վիճակից, ազգի տրամադրությունից։ Ազգային խորհուրդն ինչպե՞ս է ընդունել վրաց անկախության հռչակումը։

Այսօր երեկոյան ուղևորվում ենք Թիֆլիս»։

\* \*  
\*

Իսկ Թիֆլիսում ու Բաթումում հայոց դրամայի վերջին արարն էր բեմադրվում։

Նույնն էին գործող անձերը։ Նույնը չէր, սակայն, վիճակը։ Նույնը չէին փոխհարաբերությունները գործող անձերի միջև։

Մայիսի 26-ի երեկոյան Բաթումի խորհրդածողովի թուրքական պատվիրակության ղեկավար Խալիլ բեյն Անդրկովկասյան պատվիրակությանն էր ներկայացրել իր կառավարության վերջնագիրը, որին պատասխան պիտի տրվեր երեք օրվա ժամկետում։ Թուրքական պատվիրակությունը դեռևս թարմ տեղեկություն չունեի ուղեւորական լուրերի վիճակից, ներքուստ այն համոզ-

մանն էր, թե իրենց զորքերը ջարդելով առաջ են շարժվում, և հարկ է, որ իրենք էլ վերջնագրի մեջ հակառակորդ-զրուցակիցների հետ խոսեն ջարդող-հաղթողի տոնով ու ոճով:

Նրեկոյան ժամը 8 և 45 րոպեին ստացած վերջնագրի հետ Չիենկելին անմիջապես ծանոթացրեց իր հայ ու ադրբեջանցի գործակիցներին: Նրանք էլ, իրենց հերթին, անտեղյակ ռազմաճակատի վիճակին, ավելի ճիշտ՝ համոզված, որ այնտեղ թուրքերն իսկապես ջարդելով առաջ են գնում ու այստեղ՝ դիվանագիտության ոլորտում, իրենց այդ առաջխաղացումն են արդարացնում, կարդացին սպառնալից վերջնագիրը և առաջին պահ մնացին քարացած: Ահա այդ փաստաթուղթն իր մի երկու այն կարևոր մասերով, որոնք վերաբերում են Հայաստանին:

Ասում է՝ հարյուր հազարավոր թուրքեր ու մահմեդականներ Բաքվում ու շրջակայքում գտնվում են հեղափոխական կոչվող իշխանության տիրապետության տակ և, իբր, դա ծանրագույն աղետ է, որն սպառնում է նաև հարևան ու ոչ հարևան երկրամասերի մահմեդականությանը:

Կովկասի մյուս մասերում, ուր հեղափոխական կոչվող իշխանությունը դեռևս ոտք չի դրել, դարձյալ տագնապալի է վիճակը, քանի որ այդ վայրերում էլ ավազակախմբերն են մոլեգնել, և թուրք խաղաղ բնակչության բախտն առավելապես արժանի է ուշադրության:

Այնուհետև այս ամենի համար «տագնապալած» թուրքական կողմն անցնում է հիմնականին. «Դուք պիտի ընդունեք, սակայն, պարոն նախագահ, որ ոչ մի կառավարություն, որ արժանի է այդ անվան, չէր կարող անտարբեր դիտել իր երկրի սահմանակից հողում անպատիժ կերպով կատարվող նման ոճրագործությունները, և դուք ընդունում եք, իհարկե, որ Օսմանյան կայսերական կառավարության դրությունը հատկապես փափուկ է Կովկասը քայքայող անիշխանության հարցում, որովհետև դա, մի կողմից, վերաբերում է նույնպես ու հիմնականում կայսրության ազգաբնակչության հետ ցեղային ու կրոնական ամենասերտ կապեր ունեցող մահմեդական բնակչության անվտանգությանը, մյուս կողմից՝ ընդհանուր պատերազմի պահանջները կայսերական կառավարությանը դնում են նրա զորքերը Կովկասի վրայով անցկացնելու և երկաթուղիով ըստ հնարա-

վորին արագորեն մյուս ռազմաբեմը փոխադրելու անհրաժեշտութեան առաջ...»:

Ինչպես երևում է վերջնագրի այս հատվածից, Օսմանյան կայսերական կառավարութունը, իր կողման նկատմամբ ունեցած հարգանքից, իր պատվախնդրութունից և կովկասյան հավատակիցների ու ցեղակիցների բախտի նկատմամբ տածած մտահոգութունից չէր կարողանում հանգիստ նստել և ստիպված էր իր զորքերը շտապ կարգով փոխադրել մյուս ռազմաբեմը՝ Ուստի և՛ «Այս վերջնագրով Թուրքիան պահանջում է իր օգտին անջատել հետևյալ երկրամասերը՝ Նախիջևանի նահանգը (Օրդուբադի ու նրան կից աննշան շերտի բացառությամբ), Շարուր-Փարալագյազի գավառի կեսը, Երևանի նահանգի կեսը (Երևան քաղաքը մնում է Հայաստանի սահմաններում), ամբողջ Սուրմարիի գավառը, գրեթե ամբողջ էջմիածնի գավառը՝ էջմիածին քաղաքով, Ալեքսանդրապոլի գավառի մեծ մասը Ալեքսանդրապոլ քաղաքով, և Ախալբալաքի ու Ախալցխայի գավառներն ամբողջովին: Պահանջում է նաև իր զորքերի ազատ փոխադրութունը բոլոր երկաթուղիներով»:

Հիմա՛ որ հայ պատվիրակները կարող էին ուրախանալ առայժմ Երևանը պիտի մնա Հայաստանին: «Առայժմ» եմ ասում, որովհետև թուրքերին առժամանակ անհանգստացնում էր «մյուս ռազմաբեմը», որ տարածված էր Ատրպատականից մինչև Հյուսիսային Կովկաս՝ «կայսրութեան հետ ցեղային ու կրոնական ամենասերտ կապեր ունեցող իր բնակչությամբ»: Նրանք գնում էին այդ բնակչությանն իրենց հետ միացնելու, և այդ միջոցառումը շուտապիւրջ իրականացնելու համար այդօր իրենց պետք էին Անդրկովկասի բոլոր երկաթգծերն ու մնացած ճանապարհները: Վաղն արդեն կհայտարարեն, թե դուք, հայե՛ր, գտնվում եք մեր և «կայսրութեան հետ ցեղային ու կրոնական ամենասերտ կապեր ունեցող բնակչության» արանքում, դուք խանգարում եք մեր միութեանը և պարտավոր եք հեռանալ մեր արանքից, քանի մենք ձեզ հետ չենք վարվել այնպես, ինչպես 1915-ին վարվեցինք ձեզ հետ «ցեղային ու կրոնական ամենասերտ կապեր ունեցող» արևմտահայկաթյան հանգեպ:

Այժմ արդեն միայն ձևականորեն Անդրկովկասյան կոչվող պատվիրակութունը գնացք նստեց Թիֆլիս գնալու համար. պատվիրակութեան ազգային յուրաքանչյուր մասը պիտի իր ազ-



գակից ղեկավարների հետ խորհրդակցեր ու որոշեր թուրքերի վերջնագրին տալիք պատասխանի իր բաժինը:

Թիֆլիս հասնելուն պես նրանք իմացան, որ մայիսի 26-ի կեսօրվա դեմ վրացիները հռչակել են իրենց անկախությունը և ազգային կառավարություն կազմելու եռուզեռի մեջ են:

Թերթերը հայտարարում էին, որ Գերմանիան ճանաչել է վրաստանի անկախությունը, երաշխավորում է նրա անձեռնմխելիությունը և հանձն է առնում միջնորդի դերը թուրքիայի ու Ռուսաստանի հետ վարելիք բանակցություններում:

Թիֆլիս էին ժամանում Գերմանիայի ներկայացուցիչները: Նրանք չէին կարող ժամանակը փախցնել. գեղջկական խոսքով ասած՝ ժամը տարի պիտի կերակրի: Կոմս Շուլենբերգը Բաթումում խատիսովին իր ծառայությունն առաջարկած այդ բախտախնդիրը, գերմանական զինվորական միսիայի գլուխն անցած, այցելեց վրաց ազգային խորհրդի նախագահ Զխեիձեին, և սկսվեց երկու դաշնակից երկրների դիվանագիտական կյանքի մեղրամիսը: Առաջին իսկ բանակցությունից հետո վրաստանի ապագա կառավարության հավանական անդամներից մեկը՝ Ի. Մերեթելին, նրբանկատ մի մարդ, մամուլի համար տված հայտարարության մեջ ասում էր. «Գերմանիայի ծրագիրն է Ռուսաստանի ծայրերկրներից ստեղծել անկախ պետություններ, որոնք անջատ-անջատ ընդունակ լինեն ապրելու, բայց անզոր՝ հաղթելու»:

\* \*  
\*

Վեհիբ Փաշան Ալեքսանդրապոլից Բաթում հասավ մայիսի 27-ին՝ իր հետ տանելով Սարդարապատի դաշտում թուրքական բանակի կրած խայտառակ պարտության բոթը: Ամենայն հավանականությամբ մայիսի 26-ը նրան համոզել էր, որ հայերն արդեն վճռական ճակատամարտի նետված՝ անպայման պիտի հանեն նախորդ բոլոր պատերազմների ու զրկանքների վրեժը, և նրանց հաղթական առաջընթացին թուրքական բանակն անզոր պիտի լինի դիմակայելու պատերազմի դաշտում: Հակառակ պարագայում դժվար թե գլխավոր հրամանատարն իր բանակը թող-

Ներ խումբապահար ու գլխապատան փախչելիս և ինքը վազեր  
Բաթում:

Վեհիբն շտապեց Բաթում՝ պատերազմի դաշտում ճաշակած  
պարտութեան խայտառակ շարունակութունը դիվանագիտական  
սեղանի շուրջ կանխելու համար:

Վեհիբ փաշան ու իսախիլ բեյը մայիսի 27-ի իրենց ապրում-  
ները գաղտնի չեն պահել: «Ջումհուրիեթի» էջերում իսախիլն այդ  
օրվա մասին իր հուշերն է տպագրել և այնտեղ Օսմանյան խոր-  
հրդարանի նախարարը՝ նույն ինքը Բաթումի խորհրդածողովի  
թուրքական պատվիրակության ղեկավար իսախիլ բեյը, հաղոր-  
դում է, որ ինքն ու Վեհիբը եթե ուրիշ ոչինչ էլ արած չլինեին  
Բաթումում, բավական էր, որ հաջողացրին Ադրբեջանի իրենց  
ցեղակից-հավատակիցների օժանդակությամբ հայերին ու վրա-  
ցիներին իրարից բաժանելը: Ապա, դառնալով մայիսի 26-ի  
ճակատամարտից հետո Վեհիբի Բաթում ժամանելուն, ասում է՝  
«Վեհիբն այլայլված էր ու ջղային»:

— Ամա՛ն, իսախիլ բեյ,— ասաց ինձ,— ո՞ւր են այդ հայ  
պատվիրակները. հետներն ավարտենք բանակցությունները,  
հաշտություն կնքենք:

— Ի՞նչ է պատահել, այ Վեհիբ փաշա, ի՞նչ ես քեզ կորցրել  
թե.

— Գիտե՞ս, հերիճները ոնց են կռվում: Սարդարապատում  
ջարդեցին մերոնց: Տասներկու հազարանոց մեր բանակն առաջ-  
ներն արած քշում են, և պահեստի ուժ չունենք այլևս: Իսկ դու  
պիտի լավ իմանաս, որ Մահամեդի նահանջի տամարը բռնել է,  
մեկ էլ շունչ է առնելու էրզրումում:

Ես հանգստացրի նրան, ասացի.

— Փաշա, սիրելիս, այս վիճակով հայերին թե երևաս, նրանք  
հաշտության չեն գա: Գնա՛, լվացվի՛ր, հանգչի՛ր մի քիչ, քեզ  
կարգի՛ բեր... Եվ մենք նրանց Սարդարապատի մասին ոչ մի  
խոսք էլ չենք ասի»:

Հետագայում Վեհիբ փաշան էլ Եգիպտոսում, մի սրտաբաց  
զրույցի ժամանակ, խոստովանել է, որ ինքն ու իսախիլ բեյը հա-  
յերի հետ բանակցելուց առաջ պատրաստ են եղել նրանց զի-  
ջելու Ալեքսանդրապոլը, քանի որ հայոց զորքի ճնշումին դիմադ-  
րելու ոչ մի ուժ չեն ունեցել:

Եվ «հա այսպես վհատ ու գլխակորույս Վեհիբը՝ թուրքաց

Կովկասյան ճակատի գլխավոր հրամանատարը, պատրաստվում էր հանդիպելու հայ պատվիրակներին հետ: Խալիլը նրան նորից հիշեցրեց, որ Սարգարապատի խայտառակության մասին ոչինչ չասի:

— Կամ այնպես խոսիր, որ բան էլ չհասկանան,— խորամանկ զգուշացրել էր նա:

Եվ ֆերիկ-մարշալ Վեհիբը, որ քնելու-հանգստանալու փոխարեն մտածել-որոշել էր անելիք-ասելիքը, լեզվի ծայրով ծըլթացրել էր, այսինքն՝ հին աղվեսին խորամանկության դասե՞րես տալիս:

Նրանք սպասյակներից մեկին ուղարկել էին հայ սպավիրակներին իրենց մոտ հրավիրելու, և սպասյակը մի քանի բռնի հետո վերադառնալով զեկուցեց.

— Հենց հիմա այստեղ կլինեն:

Խալիլը հետաքրքրվեց.

— Ո՞վ կար հետները, ի՞նչ էին անում: Քեզ չե՞մ ասել, որ աչքերդ չորս արած հետևես այդ գյավուրներին:

— Բալի՛, աղա՛, մեղավոր եմ,— սպասյակը բռունցքով դարկեց գլխին:— Երկուսով էին, հրավերի համար ուրախացան: Հատկապես քաշալը, որը հետո էլ շատ էր ուզում իմանալ, թե ինչի՞ համար եք շնորհ անում: Ասացի՛ «Մեզ նման մահկանացուները ո՞ւր կարող են իմանալ»:

— Դե՛, լա՛վ, գնա՛, ականջներդ ու աչքներդ սուր պահեցեք,— հանձնարարեց Խալիլը:— Դրանց ու գյուրջիների համար: Գլխի ընկա՞ր:

Սպասյակը մինչև գետին խոնարհվելով՝ ետ-ետ գնաց և անհետացավ թանձր ու ծանր վարագույրներով ծածկված դռների ետևում:

— Իսկ որ իրենք ճակատի վիճակին տեղյակ լինե՞ն,— մտահոգ հարցրեց Խալիլը:

Վեհիբը նորից լեզվով ծլթացրեց.

— Մի քանի անորոշ տեղեկություններ կհաղորդեմ, և իրենց գեմքներին կերևա՛ ինչքան են տեղյակ:

1918 թ. մայիսի 27-ին, երկուշաբթի օրը Ալեքսանդր Խատիսովն ու Հովհաննես Քաջազնունին շատ կարևոր հանդիպում ունեցան Խալիլ բեյի ու Վեհիբ փաշայի հետ:

Այս հանդիպման մասին տպավորությունները գրի է առել

Քաջազնունին, որի ձեռագիրը սովորաբար գեղեցիկ է, ընթեռնելի, մտքերը՝ պարզ: Այստեղ, սակայն, տառերն ասես փախչում են իրարից: Շարադրանքի բովանդակությունը ևս մատնում է գրիչ-հիշատակագրողի ջղային վիճակը:

«Նրանք էին մեզ կանչել: Վեհիբն ասաց՝ ուզում է տեսնել մեզ, որպեսզի Ալեքսանդրապոլից տեղեկություններ հաղորդի: Ինչպես քաղաքի, այնպես էլ գյուղերի բնակչության մեծ մասը մնացել է տեղերում: Ասաց՝ ինքը քաղաքի ներկայացուցիչներին հավաքել ու հարց է տվել, թե գանգատներ չունե՞ն բանակի վարքի վերաբերյալ: Նրանք պատասխանել են, որ զինվորներն իրենց պահում են միանգամայն քաղաքավարի, և որ տեղական մահմեդական մի քանի գյուղացիների կողմից եղել են բռնություններ հայերի հանդեպ: Ինքը կարգադրել է գտնել մեղավորներին: Եվ հետո գտել է այդ սրիկաներին ու տասնմեկ հոգու մահապատժի է ենթարկել: Նա մեզ խնդրեց հավատալ իրեն կամ ստուգել և պարզել՝ ինչպե՞ս և որտե՞ղ այդ անհրաժեշտ կհամարենք ինքներս, քանի որ իր բանակը թույլ չի տա ոչ մի կամայականություն հայերի նկատմամբ: Այդ կապակցությամբ ինքն արել է ամենախիստ կարգադրություններ, որոնց խախտողները պատասխան կտան իրենց գլուխներով: Ասաց, որ քաղաքականության հարցերն իրեն չեն վերաբերում: Ինքը բանակի հրամանատարն է և իր զորքի վարքը համարում է իր անձնական պատվի խնդիրը: Դրա համար էլ պատասխանատու է իր յուրաքանչյուր զինվորի արարքի համար:

Զրույցի հետագա ընթացքում նա հաղորդեց հետևյալ տեղեկությունները. իրենց զորքերի առաջխաղացումը Երևանի նահանգի սահմաններում նպատակ ունի գրավել այն անհրաժեշտ կետերը, որոնց շնորհիվ կապահովվի զորքերի անվտանգ տեղափոխումը Պարսկաստան: Այստեղ մեր պատվիրակության բռնած անորոշ դիրքի պատճառով ինքը պարտավոր է ձեռք առնել բոլոր այն միջոցները, որոնք կապահովեն իրենց հնարավոր հարձակումներից: Ղարաբաղիսան հավանաբար գրավված կլինի այսօր: Ամեն պարագայի՝ այդ կետն իրենք անպայման պիտի նվաճեն: Այդ գծով իրենք այլևս դենը չեն շարժվի: Բորչալուի նահանգում իրենց առաջապահ զորամասը կանգնած է ոչ թե Վորոնցովկայում, այլ Զալալ-օղլիում: Երևանյան ճյուղում էլ իրենց զորքերը հասել են մինչև Սարդարապատ կայարանը:

Զորքերը փոխադրելուն դեռ չեն ձեռնարկել, քանի որ թիկունքը հիմնավորապես ապահովված չեն համարում»:

Խալիլն ու Վեհիբը կարճ ժամանակում հարցը պարզեցին, ինչ որ հաղորդվում էր, նորութունն էր այս հայերի համար: Քալալը, այսինքն՝ հայ պատվիրակության ղեկավարը, գլուխը վերից վար ածիլած Ալեքսանդր Խատիսովը, որ համակ ուշադրություն էր Վեհիբի հաղորդած «նորութունների» նկատմամբ, նույնիսկ նշումներ էր անում ծնկանը դրած հատուկ տետրի մեջ: Իսկ մյուսի մոռյլ դեմքը, հոնքերի, բեղ ու մորուքի մացառները թեպետ արտահայտում էին անվստահության պես մի բան, աչքերից երևում էր, որ նա ևս ուրիշ տեղեկություններ չունի: Այդ սֆինքսի պես մարդը նստել էր ընդարձակ հյուրադահլիճի այն պատի տակ, որի կենտրոնում, հենց իր գլխավերևը, կախված էր Եվրոպայի ու Ասիայի ռազմական քարտեզը: Վեհիբի խոսելու պահերին հաճախ էր ծովում դեպի քարտեզը, հայացքով փնտրում հիշատակվող կետերը: Մի՞թե կարելի էր կասկածել նրա անտեղյակության վրա: Բայց ինչո՞ւ է դժգոհ, ինչի՞ց է դժգոհ, — մտածում էր Խալիլը: — Դիվանագիտության համար նրա դիմակը բուրոսովին էլ հարմար գործիք չէ:

Եվ այստեղից սկսած՝ զրույցը վարում էր Խալիլ բեյը, որն իր առաջ տեսնում էր երկու հայկական գլուխ, մեկը՝ ողորկ, առանց որևէ հարցի ու հարցականի («Սրան սուտ-փուտ խոստումներով կարելի է հարբեցնել, հետո քիթը բռնած տանել՝ ուր որ կամենաս»), — մտածում էր թուրքական պատվիրակության ղեկավարը), մյուսը՝ քրմապետի պես մոռյլ ու բարդ, գագաթից մինչև կզակը սև ու ձերմակ մազերի խոռոնուրդի պես խճճված-մճճված մտքերից մուրր: Սրան ցույց տուր, թե կան դեպքերի իրական ընթացք և իրերի որոշակի վիճակ, որոնք դու չես ընդունում, սակայն պարտավոր ես ենթարկվել... և քեզ կհավատա: Բայց կհավատա՞, թե՞ դարձյալ այսպես աչքերիդ մեջ կխորվի իր փշոտ հայացքով, — մտածեց Խալիլը և գործի անցավ:

«Դրանից հետո զրույցի մեջ մտավ Խալիլ բեյը, — շարունակում է Հովհաննես Քաջազնունին: — Ասաց, որ ինքը վերջնագիր է ներկայացրել Անդրկովկասյան կառավարությանը: Եթե այդ կառավարությունն այժմ գոյություն չունի, որովհետև քայքայվել է, ապա վերջնագիրը վերաբերում է նրա մասերին առանձին-առանձին: Վերջնագրի էությունը դրանով բուրոսովին էլ չի

փոխվում: Ինչ վերաբերում է սահմաններին, այստեղ էլ յուրաքանչյուր պետութւյան համար ստիպված կլինենք խոսել նրա համապատասխան սահմանային գծի շուրջ: Օսմանյան կայսրութւյան սահմաններն էլ կլինեն նրանք, որ նշված են վերջնագրի մեջ:

«Խալիլն ասաց, որ Օսմանյան կայսրութւյունը ոչինչ չունի Անդրկովկասի սահմաններում, Թուրքիայի կողմից բռնագրաված տարածքից դուրս կազմակերպվելիք առանձին հայկական պետութւյան դեմ:

Անդրկովկասյան պետութւյունների միջև սահմանները կգծեն իրենք՝ անդրկովկասցիները: Թուրքիան մտածում է առհասարակ չխառնվել այդ հարցին:

Խալիլ բեյն անձամբ անդրկովկասյան թաթարներին խորհուրդ է տվել, որ նրանք մի քիչ ետ քաշվեն՝ հայերին զիջելով իրենց տարածքից գոնե մի քիչ, որպեսզի սրանք կարողանան կազմել իրենց պետութւյունը:

Թուրքիան պիտի ապրի բարեկամութւյան ու խաղաղութւյան մեջ Հայաստանի հետ, եթե այդպիսին կազմավորվի:

«— Կարծում եմ՝ դուք վստահում եք մեր խոսքերին ու հավաստիացումներին: Ուրեմն, հանուն մեր ստեղծելիք բարեկամութւյան ու համագործակցութւյան, բարի եղեք ստորագրել պայմանագիրը: Իրանով դուք հրաշալի օրինակ կտաք ձեր հարևաններին, որոնց կողքին,— մենք հավատացած ենք լիովին,— դուք այս անգամ էլ աչքի կբնկնեք ձեր ազգային հեռատեսութւյամբ»:

Հայ պատվիրակները (այսինքն՝ նույնիսկ մուսլու բարդ Քաջազնունին), բնականաբար, թեթևացած հոգով ժպտացել են բարեկամ թուրքերին, աշխարհով մեկ են եղել նրանց հաճոյախոսութւյունից: Եվ սրանից հետո էլ դժվար չպետք է լիներ նրանց հայացքներից եզրակացնել, որ ստորագրութւյունն արդեն ապահովված է: Մնում է ջնջել անվստահութւյան կամ թերահավատութւյան վերջին մշուշը, որը և խալիլը կատարել է իրեն հատուկ վարպետութւյամբ:

«— Վստահ եմ՝ ձեր հարգարժան պատվիրակութւյունն ավելորդ չի համարի իր այցելութւյունը Կոստանդնուպոլիս, հենց որ ստորագրված կլինի պայմանագիրը... Մենք ձեզ այնտեղ ցույց կտանք մի ընդունելութւյուն, որից մեր թշնամիները կտրաքվեն: ...Խաղաղութւյան դաշինքը կնքվելուց հետո կրթերը կհանգստա-

նան, հասարակական կարծիքը կհավասարակշռվի, և այն ժամանակ գուցե թուրքերան ձեզ կանի նաև այնպիսի զիջումներ, որոնք վայելում են իսկական բարեկամներին»:

Ահա այս խորհրդակցությունից հետո էլ Բաթումի խորհրդաժողովի հայ պատվիրակներն շտապեցին Թիֆլիս, որպեսզի Ազգային կենտրոնական խորհրդի պարագլուխներին ծանոթացնեն թուրքական կողմի պահանջներին ու պայմաններին, խելք խելքի տան դաշնագիրը կնքելու համար:

Վերջապես ձյան տակ շատ կարճ ժամանակով ծրարված աղտեղությունը բացվեց, շնայած այն առաջ էլ երևում էր բոլոր կողմերից. Անդրկովկասյան սեյմն ինքն իրեն լուծարքի ենթարկեց: Երբ թուրքերը թեթև զորաշարժով և հատկապես սեյմի պարագլուխ վրացիների բացահայտ օժանդակությամբ տիրել էին Սարիղամիշին ու Կարսին և Արաքսն անցնելով նվաճելով Ալեքսանդրապոլը, ապա շարժվում էին էջմիածնի ու Երևանի վրա, Հայաստանի ներկայի ու ապագայի ամբողջ պատկերը պարզված էր, այլևս ոչ մի հարց չկար: Վրացիները հայտարարեցին, թե հայերն արդեն պարտված են և բնականորեն խաղից դուրս պիտի գան: Եվ քանի որ մուսավաթական ադրբեջանցիներն էլ միշտ հոգով թուրքերի հետ էին եղել ու հիմա երազում էին նրանց տիրապետության հաստատումն Անդրկովկասում, ուրեմն՝ նրանք ևս չէին կարող լիարժեք դաշնակից լինել: Ուստի վրաց մենշևիկներին մնում էր քաշվել մի կողմ և միայնակ տնօրինել իրենց բախտը՝ դառնալ անջատ ու անկախ պետություն:

Անդրկովկասյան սեյմը լուծարքի ենթարկվեց մայիսի 26-ի ցերեկվա ժամը երեքին: Նույն օրն էլ հռչակվեց Վրաստանի անկախությունը, որը մայիսյան ամպրոպի տպավորություն էր թողել սեյմի անդամ ու ոչ անդամ հայերի վրա: Ո՞նց թե Վրաստանն անկախ ու անջատ է, երբ հայոց գնդերն Արաքսի ափին ու Ղարաքիլիսայի լեռներում արյուն են տալիս ոչ միայն իրենց հողի համար, այլև փակում են թուրքի ճանապարհը դեպի Թիֆլիս:

Վրացի մենշևիկները, որ երևութական միասնության օրերին էլ սեյմը միայն իրենց շահերին էին ծառայեցնում և անպարկեշտություն էին համարում իրենց ազգային գերազանցությունը շքուցադրելը, այս անգամ արդեն շատ էին սրտաբաց: Անջատ ու

անկախ Վրաստանի հոգսերով ծանրաբեռ Զխենկելին հայ դաշ-  
նակիցների երեսին ուղղակի ասաց.

— Երբ ծովում երկու հոգուց մեկը խեղդվում է, մյուսը խո-  
հեմ կլինի, որ իրեն փրկի:

Ո՛չ ավել, ո՛չ պակաս:

Նույն օրը եեթ անջատ-անկախության վարակը տվեց նաև  
Հայոց ազգային խորհրդի անդամներին: Այդ օրը Թիֆլիսի ամ-  
բողջ հայութունն իր ներկայացուցիչներով հավաքվել էր քա-  
ղաքի կոնսերվատորիայի դահլիճը, որպեսզի որոշի, թե ի՞նչ  
պիտի անել վրաց անկախության պայմաններում: Դուրսը, քա-  
ղաքում ամենուրեք տիրում էր խառնիճաղանջ մի դրութուն, որ  
այդ բազմացեղ ու բազմատարր կենտրոնի ոգին էր եղել միշտ  
ու առհասարակ: Սակայն հիմա առավել ցայտուն, առավել աղմը-  
կոտ ու երփներանգ մի կողմից զնգում էր վրաց խանդավառու-  
թյունը, որ ճառագել էր անջատ ու անկախ հանրապետության  
հռչակումից, իսկ մյուս կողմից՝ դեպի Հյուսիսային Կովկաս,  
դեպի Ռուսաստան շարժվող հայոց գաղթականութունն էր, որ  
բռնել էր քաղաքի թաղամասերը և կանգնելու, հանգիստ առ-  
նելու տեղ չէր գտնում, քանի որ ետևից գալիս էր անկանգ հո-  
ռանքը տեղահանված ու խելակորույս ցնդակիցների:

Այո՛, դուրսը մեկի ցնձութունն էր, թեկուզ հայտնի չէր՝ որ-  
քա՛ն հիմնավոր, և մյուսի ողբերգութունը՝ հաստատ, հիմնա-  
վոր ու անպայման անկասեցնելի: Կոնսերվատորիայի դահլիճում  
հավաքված մարդիկ իրենց հետ բերել էին դրսի հակոտնյա տրա-  
մադրութունները, ցավերի, կրքերի, ամբաստանության ու առա-  
ջարկութունների մի փոթորիկ էին բարձրացրել և այդ փոթոր-  
կի մեջ ուզում էին հայ ազգի փրկության ելքը գտնել:

Դահլիճն իր ներկայացուցիչներին հերթով կամ անհերթ  
ամբիտն էր բարձրացնում, և ամեն մի խոսող կոկորդ պատե-  
լով հասարակությանն էր ներկայացնում ազգի փրկության իր  
գեղատեսուրը: Հզոր արմունկներով իր համար ճանապարհ բա-  
ցեց գեղի ամբիտն և մեկուսի կանգնեց նաև հայոց պատմաբան  
Լեոնու Հաղթահասակ էր նա, բայց անշուք ակնոցների տակից  
նայող խամրած աչքերը մատնում էին պատմաբան-հրապարա-  
կախոսի հոգնութունն ու տառապանքը: Շատերն էին ճանաչում  
նրան, որի կրակոտ ու իմաստուն խոսքին ժողովուրդն սպասում  
էր ամեն օր: Անունն իրար տալով դահլիճին իմաց արին, և մի



քանի վայրկյան հետո այնպիսի լուսթյուն էր տիրում, որ դրսի ձայները լսվում էին տարբերակված: Ազգի պատմաբանը վիթխարի ձեռքերը դեպի գուրս տարածած, խոսեց ցածրաձայն:

— Դուք տեսաք, թե ի՞նչ է կատարվում ձեր շուրջը, մեծ փողոցում,— ասաց, հառաչեց:— Այս հին Կովկասում այսօր ուր էլ որ գնաս, մերոնց կտեսնես, որոնք կամ մեռնում են, կամ քայլում են դեպի կորստյան դուռը: Այդ աղետի պատճառն այն է, որ մենք մոռացել ենք մեր պատմական ճակատագիրը:— Դահլիճը ցավից տնքում էր ու օրորվում լայնատարած մի մարմնի պես:— Այսօր մեր ժողովրդի խղճուկ մնացորդները փախչում են Բուսաստան: Բայց ինչո՞ւ Մի՞թե այստեղ Բուսաստան չէր: Ինչո՞ւ բաժանվեցինք: Ինչո՞ւ կարճամիտների կուսակցական հաշիվներին ենթարկվեցինք: Փոքր ենք և տկար ու հենց այդ պատճառով էլ խաղալիք ենք դարձել թուրք փաշաների ձեռքին: Ինչո՞ւ չենք հայտարարում, թե մենք մի մասն ենք կազմում այն պետություն, որը կնքել է Բրեստ-Լիտովսկի դաշնագիրը: Թող այդ պետությունն ինքն էլ կատարի իր ստորագրած պարտավորությունը, և այն ժամանակ մենք ապահով կլինենք, որ թուրքերը կվերցնեն միայն Բաթումը, Կարսը և այլևս չեն համարձակվի իրենց թաթը դնել նաև Ալեքսանդրապոլի, Երևանի, Թիֆլիսի վրա:

— Ճի՛շտ է, ճի՛շտ է,— այս ու այնտեղից ճաքճքում էր դահլիճը:

Սակայն բեմառաջքից մեկը, որ, երևում էր, վրացի է ու եկել է հայոց ժողովից լուր հասցնելու իր մենշևիկ ղեկավարներին, ձեռքն առաջ մեկնած գոռաց ճառախոսի վրա.

— Էդ քեզ ո՞վ է իրավունք տվել վրաց քաղաքները թուրքին բախշիչ տալու: Բաթումը...

Լեոն շեղ նայեց նրան, սակայն լռեցրին հարևանները:

— Ես վրաց Բաթումն ու հայոց Կարսը բախշիչ չեմ տալիս թուրքին: Ես ասում եմ՝ այսօրվա մեր վիճակից դուրս գալու լավագույն միջոցն է դա: Եվ, միաժամանակ,— այստեղ ձայնը բարձրացրեց Լեոն,— այո՛, միաժամանակ, հասկանալի՞ է, հարգելի պարոն:— Դահլիճը նորից հավանության բացականչություններ էր անում: Վրացին ընկրկեց, ավելի ճիշտ՝ ստիպված էր լռել, սակայն անհանգիստ շարժումները մատնում էին նրա անհամաձայնությունը: Հավանաբար անշատ ու անկախ

Վրաստանի գաղափարը նրա հոգում այդ վայրկյանին ստեղծել էր ռոմանտիկ մի քառս, որի վերջում պարզ երևում է միջնադարյան անպարտելի թագավորութունը՝ Պոնտոսի ծովից մինչև Կասպիականի ափերը և Կովկասյան լեռներից մինչև Խլաթ։— Մենք ինքներս, բաժան-բաժան «անկախանալով», որ նշանակում է՝ թուրքի համար հեշտ կլանելու կեր դառնալով, մանրացնում ու թուլացնում ենք մեզ, ընկնում մեր հավիտենական թշնամու բերանը և հետո էլ տրտնջում, թե՛ կործանվո՞ւմ ենք, օգնութ՞յուն... Հիմա դուրս եկեք, նայեցեք իրենց պապենական վայրերից փախչող այն աղետոյալներին։ Դրանք մեր ժողովուրդն են, մեր ազգը, որ ոչնչանում է շքնդմիջվող փախուստների ճամփաներին... Մինչև ե՞րբ ոչնչանաւ Մի՞թե սրան վերջ չպետք է լինի։ Մի՞թե մենք, որ կոչված ենք նրան ցույց տալու լավ օրվա ճամփան, միշտ էլ այսպես խուլ ու կույր պիտի մնանք։

Այդ օրերին կարևոր ժողովներ էին գումարվում նաև Թիֆլիսի Գուղվինյան ու Բարյատինսկայա փողոցների անկյունում բարձրացած շենքում՝ հայտնի արդյունաբերող Արամյանցի տանը, որը մի քանի ամիս առաջ էր տիրոջից խլվել, որպեսզի ծառայեցվի հայոց ազգային-քաղաքական գործերին։ Ամենակարևորը ժողովներն էին, և գումարողն էր Թիֆլիսի Հայոց ազգային խորհուրդը։

Մայիսի 27-ին հայկական բոլոր կուսակցութունների մասնակցութեամբ Ազգային խորհուրդը քննեց ազգի վիճակը՝ Անդր-կովկասյան սեյմի լուծարկման պայմաններում։ Հոռտորները, իրար հերթ շտալով, խոսում էին վրաց մենշևիկների ու ազդր-բեջանցի մուսավաթականների անդրկուլիսյան խարդավանքներից։ Նրանք նոր էին պարզել, որ Թիֆլիսում ու Բաթումում իրենցից թաքուն մենշևիկներն ու մուսավաթականներն անընդհատ գտնվել են սեպարատ բանակցութունների մեջ։ Առաջինները Գերմանիայի ներկայացուցիչների ականջներն էին տաք պահում, երկրորդները՝ թուրքերի։ Եվ մայիսի 26-ին, Վրաստանի անկախութեան հայտարարութեան հետ, Թիֆլիսում ու վրաց ծովեզրյա քաղաքներում հանկարծակի հայտնվեցին գերման զորաջոկատներ, վրաց սահմանի վրա ու Թիֆլիսի կայարանի դմբեթին բարձրացավ գերմանական պետական դրոշը։ Այսպիսով Վրաստանն իրեն ապահովեց թրքական բռնազրավումից։

Ազդրբեջանի մուսավաթականները որոշել էին մայիսի 28-ին

հայտարարել իրենց անկախությունը, սակայն դրանից տասն օր առաջ Պարսկաստանի վրայով Գանձակ էր հասել թուրքական յոթհազարանոց մի զորաբանակ Նազըմ փաշայի գլխավորությամբ, որը գորգերի վրայով էր քայլել Աղդամից մինչև Եվլախ: Եվլախից էլ Գանձակ գնալով՝ կոնկրետ գործի էր անցել. զինում էր տեղական մահմեդականներին և փորձում զինաթափել հայերին, որոնք համառորեն դիմադրում էին: Հիմա էլ մուսափաթական պարագլուխներից մեկը՝ քուրդ Խոսրովբեկ Սուլթանովը, որ Բաթումի բանակցությունների ամբողջ ընթացքում կապ էր պաշտպանում իր գործընկերների ու Օսմանյան կառավարության միջև՝ Կոստանդնուպոլիս գնալ-գալով, Թիֆլիսի փողոցներում հայտնվել էր թուրքական սպայի համազգեստով և յուրայիններին փորձում էր համոզել, որ պատրաստ լինեն թուրքերին դիմավորելու Վրաստանի մայրաքաղաքում: Այդ մասին իմացել էին մենչևիկները, և Բանվորական ու զինվորական պատգամավորների խորհրդի գործկոմը որոշել էր 24 ժամվա ընթացքում քաղաքից քշել այդ արկածախնդրին:

Մայիսի 28-ի առավոտվանից Անդրկովկասյան սեյմի վերջին, ավելի ճիշտ՝ ետմահու նիստն էր գնում, և նրա անդամները միմյանց դեմ հարուցած մեղադրանքներով կարծես ուզում էին ապացուցել, որ իրենց միությունը ոչ թե մեռել է երկու օր առաջ, Վրաստանի անկախության օրը, այլ դրանից շատ առաջ կամ գուցե այն ծնվել էր մեռած:

Ռամիշվիլին զեկուցեց Բաթումի խորհրդաժողովի մասին և նրա արդյունավետության պակասը բացատրում էր Բաքվի մուսավաթականների անհավատարմությամբ:

— Մեր պատգամավորության վիճակը խիստ ծանր էր հենց խորհրդաժողովի սկզբից, — ասաց Ռամիշվիլին: — Պաշտոնապես այն եղել է անդրկովկասյան բոլոր ժողովուրդների պահանջներն արտահայտող, սակայն իրականում նրա կողքին գործում էին ոչ պաշտոնական ուղիներով Բաթում հասած առանձին մարդիկ ու խմբեր, որոնք իրենց մեկուսի դիմումներով ու խլրրտումներով, հայտարարություններով ու պահանջներով խանգարում էին մեզ, նույնիսկ ի չիք էին դարձնում մեր պատվիրակության ջանքերը:

Դիտողությունը շատ էր թափանցիկ, և ժողովականները մոռալու խայթող հայացքներով նայում էին մուսավաթականներին,

որոնք նստոտել էին դահլիճի ետին շարքերում, քսիսոցով իրար հասկացնում էին, որ իրենք այլևս գործ չունեն այս պարապ դալմադալի հետ, լավ կանեն՝ գնան իրենց քաղաքական ու ազգային անկախությունը հռչակեն։ Ուսուր-բեկովը՝ Բաթումի պատգամավորության մուսավաթական թևի ղեկավարը, հանկարծ ոտքի կանգնեց և, հարվածը յուրայինների վրա առնելով, պահանջեց պարզ խոսել, չանել հայտարարություններ, որոնք իրականությանը չեն համապատասխանում և միայն ջուր պղտորելու նպատակ ունեն։

— Ես կարծում եմ՝ սրանից էլ պարզ անհնար է խոսել, պարոն Ուսուր-բեկով,— ամբիոնից նրան պատասխանեց Ռամիշ-վիլին, որը շղայնությունից կարմրել էր, և ճաղատք կապտակարմիր ցուլքեր էր արձակում։— Բժիշկ Սուլթանովն ո՞ւմ անունից էր բանակցություններ վարում թուրք պաշտոնյաների հետ։ Նազըմ փաշայի բանակն ո՞ւմ հրավերով է հասել Գանձակ։ Ի՞նչ համաձայնության մասին կարող է խոսք լինել, երբ այս երկրի բնակչության մի մասը կոչվում է թշնամու դեմ, իսկ մյուս մասը համակրանքի ցույցեր անելով՝ աջակցում է թշնամու ներխուժմանը։ Հաճախ էլ բացահայտորեն կոչւում է մեր դեմ, այդ նույն թշնամու զորքերի կողքին...

— Դուք դարձյալ անհիմն ու անպատասխանատու հայտարարություններ եք անում։ Վե՛րջ տվեք, ապա թե ոչ...

— Ի՞նչ «ապա թե ոչ», պարոն Ուսուր-բեկով, է՛լ ինչ պիտի անեք, որ չեք արել,— տեղից վեր թռչելով, դահլիճից բեմ վազեց և ճառախոսի կողքին հայտնվեց Թիֆլիսում տեղակայված հայոց, այսպես կոչված, պահեստային զորքի հրամանատար, գնդապետ Հովսեփյանը։ Կանգնեց ու հրամանատարական իր շքահազուստը շոշկոլով խոսեց.— Զեր զորքը, այսինքն՝ մուսավաթական զորքը, Ղազախի դաշտից բաձրանալով մերոնց հարվածում է թիկունքից։ Թիկունքի՛ց, հասկանո՞ւմ եք։ Իսկ մենք, իբր թե, դաշնակիցներ ենք... Թիկունքից հարվածելով գեներալ Նազարբեկովին նեղն է գցում, հետո էլ գնում, խառնվում Ղառաքիլիսայի վրա գրոհող թուրքերին... Ես թքել եմ այսպիսի դաշնակցության վրա։

— Թուրք պահիր, գնդապետ,— արհամարհոտ խոսեց Ուսուր-բեկովը։— Շուտով ավելի հարմար ու արժանավոր տեղ է լինելու դրա համար։

— Ի՞նչ տեղ, ի՞նչ տեղ է լինելու:

— Ձեր վիճակը, երբ աջից ու ձախից բաժանվենք ձեզանից: Գահլիճում մի փոթորիկ բարձրացավ, որի մեջ խլացել էր գնդապետի ծղրտոցը, և կուչ էր եկել տարբեր տեղերից սպառնալիքների տարափի տակ ընկած Ուսուր-բեկովը՝

Նախագահը մի կերպ լռեցրեց ազմուկը և հոեատորին խնդրեց խոսել օրվա հոգսերից: Գնդապետ Հովսեփյանը, կեղտաջրի միջից դուրս եկածի պես, նորից շքազգեստն էր թափ տալիս, ցնցում էր ուսերը, շոյում կուրծքը զարդարող միակ երկաթե խաչը:

— Էլ ի՞նչ խոսեմ օրվա հոգսերից, որ այնքան շատ են,— անձարացած ասաց նա:— Օրինակի համար՝ իմ իրավասությանը հանձնված հայկական պահեստային բրիգադը, որ տեղակայված է Թիֆլիսում, բոլորովին կտրված է կորպուսից և առ այսօր դուրկ է պարենից: Ես անձամբ շատ կխնդրեի պարոն Լոմտատիձեից, որպեսզի այս հարցը դառնա հատուկ քննության առարկա:

Նախագահողն անզոր թոթվեց ուսերը.

— Ես՝ Լոմտատիձես, ի՞նչ կարող եմ անել, պարոն գնդապետ: Ի՞նչ կա այսօրվա նախագահի ձեռքին...

Գահլիճում ոտքի կանգնեց մի ծեր հայ և, ակնոցները սրբելով, ոչ առանց զայրույթի ու արհամարհանքի, հայերեն դիմեց գնդապետին.

— Այդ ի՞նչ հայկական պահեստային բրիգադ է, պարոն գնդապետ, ի՞նչ հայ զորք է, որ Թիֆլիսի փողոցներն է շափում, երբ որ իր ազգը հոգեվարքի մեջ թուրքի դեմ կովում է վերջին ուժերով:— Գնդապետը փորձում էր պատասխանել: Մերունին ձեռքը բարձրացրած լռեցրեց նրան:— Մի ամիս առաջ մենք ձեր նյութական բոլոր կարիքները հոգացինք, որպեսզի անմիջապես գնաք ճակատ: Մի ամիս առաջ: Իսկ այսօր դուք դեռ պարեն եք մուրում այդ անարժան դասալիքների համար...

Նախագահող Լոմտատիձեն, ըստ երևույթին, լավ էր ճանաչում խոսող ծերունուն, ձեռքերով ու հայացքով նրան հրավիրեց ամբիոն.

— Համեցե՛ք, այստեղի՛ց խոսեք, պարոն Բաբայանց,— հարգալիր առաջարկեց նա և ձեռքով նշան արեց, որ գնդապետը թողնի բեմը:— Համեցե՛ք, համեցե՛ք, պարոն Բաբայանց:

Թիֆլիսի ականավոր մեծահարուստ Համբաղձում Բաբա-

յանցը, որ տարիների անխոնջ գործունեությամբ և անխտրական բարեգործություններով հավասարապես հարգված էր ինչպես ազգակիցներից, այնպես էլ վրացիներից ու մասմեդական բնակչութունից, այդ պահին ուրիշ ասելիք չուներ և չէր էլ ուզում ամբիոն բարձրանալ: Սակայն նախագահի հորդորով ու դահլիճի համակրական բացականչությունների տակ բարձրացավ և, ամբիոնի կողքից առաջանալով, կանգնեց բեմի եզրին՝ ծերունական ու իմաստուն հայացքը ներկաների վրա:

— Մի հարգելի մարդ է մեռել, — խաղաղված դահլիճի հետ հանգիստ խոսեց հայ մեծահարուստը: — Բժիշկը, որ չէր հասել մարդու վերջին շնչին, հարազատներին հարց է տալիս. «Հանգուցյալը քրտնե՞ց մեռնելուց առաջ»: Հարազատները գլխով են անում. «Այո՛, լա՛վ քրտնեց, պարոն բժիշկ»: «Այդ լա՛վ է, շա՛տ լավ է», — եզրակացնում է բժիշկը: — Դահլիճն աշխուժանում է: Մարդիկ ժպտում են, նույնիսկ քրքիջներ են լսվում: Մերունին քաջալերված փոխըմբռնողությունից, շարունակում է խոսել. — Մեր հանգուցյալը, որ սեյմն է, մեռնելուց առաջ չէր քրտնել: Դա վա՛տ է... Սակայն մեր հանգուցյալը, որքան գիտեմ, մեռնելուց առաջ մի կարգին չէր էլ ապրել: Ա՛յ, սա որ շա՛տ վատ է: Բայց, իմ կարծիքով, այսօր մեզ պիտի անհանգստացնի մի ուրիշ հարց. թե ո՞նց անենք, որ այսուհետ, գոնե այսուհետ մեր ազգերը չլծենք մեռած մարմինների սայլին: Ո՞նց անենք, որ այսուհետ կարողանանք ապահովել ազգամիջյան համերշխությունը: Ես չեմ կարծում, թե երկրագնդի վրա լինի ուրիշ մի անկյուն, որտեղ այնքան շատ ազգերի ու տարբեր կրոնների հաշիվները հանգուցավորված ու բարդված լինեն, որքան մեր հայրենի Կովկասում: Մեզանից ոչ ոք չի լքելու իր հայրենիքը: Ուրեմն՝ մտածենք իմաստուն ու համերաշխ համակեցություն ստեղծելու մասին: Մտածենք փոխադարձ վստահության ու համագործակցության մթնոլորտ ստեղծելու մասին:

Խոսելու համար իրավունք խնդրեց նաև նախկին սեյմի ակօնառու անդամներից մեկը՝ ռուս Կ. Դ. Սեմյոնովը: Սակայն խոսելուց առաջ ուզում էր իմանալ, թե ո՞րն է անկախ Վրաստանի քաղաքական կողմնորոշումը:

— Դրա հետ է կապված, — ասաց, — զանազան ազգերի վերաբերմունքը անկախ Վրաստանի հանդեպ, դրանով են պայ-

մանավորվելու Վրաստանում ապրող ազգերի փոխհարաբերությունները:

Զխենկելին, որ նստած էր նախագահության սեղանի ետևում, մինչև այդ միայն լուռ հետևում էր ճառախոսներին, նախագահողի ականջին ինչ-որ փսփոսաց և ծանրորեն վեր կացավ տեղից, խոսեց հատ-հատ բռնկով.

— Պարոն Սեմյոնովին շատ է հետաքրքրում անկախ Վրաստանի օրինատացիան: Մենք այդ առթիվ առայժմ հաստատ մի բան կարող ենք ասել. այն լինելու է ո՛չ բուլշևիկյան Ռուսաստանի կողմը, ո՛չ էլ Օսմանյան Թուրքիայի: Կան մոլորյալներ, որոնք մտածում են թե մենք ստիպված կլինենք ընտրել դրանցից մեկին: Աստված մի՛ արասցե: Մենք հեռու կմնանք երկուսից էլ հավասարապես, որովհետև դրանք, ըստ էության նույն մեղալի երկու հրեաներն են: Գոնե մեզ համար: Պա՞րզ է: Առայժմ այսքան բան, — և ծանր-ծանր նստեց:

— Ինձ համար պարզ է, պարոն Զխենկելի, — վրդովված խոսեց Սեմյոնովը: — Սակայն չգիտեմ՝ դուք ինքներդ պարզ պատկերացնո՞ւմ եք ձեր քաղաքականության հեռանկարը: — Կռիվը դեռևս շարունակվում է սրտաքին թշնամու դեմ: Հայկական դորամասերը շարունակում են անհավասար ճակատամարտը թշնամու դեմ:

— Իսկապես անհավասար, բայց նաև անհուսալի, — գոռաց Զխենկելին:

Ռուս հոետորն ուշադրություն չդարձրեց նրան:

— Հայերը մենակ են մնացել: Նրանք օգնության են կանչում: Նրանք դաշնակիցներ են որոնում... Եվ կգան այդ դաշնակիցները...

— Ի՞նչ ճանապարհով պիտի գան այդ դաշնակիցները, — դարձյալ Զխենկելին էր, որի ձայնը խզվել էր գոռոցից, — ասացե՛ք, խնդրեմ:

— Միակ և ուղիղ ճանապարհը միությունն է ուսական դեմոկրատիայի հետ, որն այժմ հավաքում է իր ուժերը: Ռուսական բանակն այսօր արդեն շտկում է իր առնական հասակը...

Նախագահությունում նստած Մելիք Ասլանովը՝ սեյմի օրերի միացյալ հանրապետության հաղորդակցության նախարարը, ցուցադրաբար հսկոաց, ապա ձեռքերը խաղացնելով հեզնեց.





վեր կարկառեց: Աչքերից կայծեր էին թռչում, հոգին յոթերորդ երկնքում էր: Թվում էր՝ թևերը շարժեր, ինքն էլ կհասներ հոգու ետևից:

— Պարոնա՛յք, գիտե՞ք, թե ինչ կատարվեց այստեղ, այս ճակատագրական պահին: Պարոնա՛յք, անհնար է բառերով արտահայտել մեր խանդավառությունը... Պարոնա՛յք, վայրկյաններ առաջ մենք ծնունդ տվինք մեր նոր պետականությանը: Պարոնա՛յք, այս պահից մեր հին ու տանջահար ազգն էլ մտնում է անկախ ու ինքնուրույն պետություն ունեցող ազգերի շարքը... Պարոնա՛յք, պատկերացնո՞ւմ եք այս պահի վեհությունը...

— Կեցցե՛ հայ ազգի անկախ պետությունը, — դռների մոտից ետ դարձած բացականչեց Ահարոնյանի տեղակալ հաշատուր Կարճիկյանը:

— Ուռա՛-ա՛, — որոտաց դահլիճը:

Ոմանք նորից նստել և ոտքերով հատակը ծեծում էին:

— Փա՛ռք մեր նոր պետականությանը, փա՛ռք:

— Փա՛ռք և անմահություն, — վերստին թնդաց դահլիճը:

Երբ թողնում էին հայոց նոր պետականության ծննդավայրը, խանդավառ Ալեքսանդր հատիսովն ի միջի այլոց դարձավ դեպի Ազգային խորհրդի նախագահ Ահարոնյանը, հարցրեց.

— Ի՞նչ լուրեր կան ճակատից: Հուսանք՝ Երևանը դեռ մերն է: Երեկ գիշեր Վեհիբն ասում էր՝ «Այսօր մերոնք Ղարաքիլիսան կվերցնեն»:

— Լուրերը մեծ դժվարությամբ են հասնում, — հառաչեց Ահարոնյանը: — Սակայն, կարծյոք, քիչ առաջ Կարճիկյանն է ստացել գեներալ Սիլիկյանի հեռագիրը: Էլի փամփուշտ է ուզում...

— Այդքան բա՞ն:

— Բա էլ ի՞նչ: Խեղճ ազգն արնաքամ եղավ, էլ ուժ ու շունչ չի մնացել, — ավելի ծանր հառաչեց Ազգային խորհրդի նախագահը:

«Այդքան բանը» պինդ մեխվեց Ալեքսանդր հատիսովի հիշողության մեջ: Նա, իհարկե, այդպես էլ բախտ չունեցավ ծանոթանալու Երևանյան ռազմաճակատի հրամանատարի հեռագրի իսկական բովանդակությանը: Վերջին շաբաթվա ընթացքում գեներալ Սիլիկյանը քանի՛-քանի՛ տազնապոտ հեռագրեր ու ռազմիզեկույցներ էր հղել Թիֆլիսի Հայոց ազգային խորհրդի

նախագահ Ավետիս Ահարոնյանին: Ոչ մեկի պատասխանը չըստանալով՝ վերջինը գրել-ուղարկել էր Ահարոնյանի տեղակալ հաշատուր Կարճիկյանի հասցեով: Այս հեռագրում, ինչպես իր տեղում էինք տեսել, ո՛չ տագնապի նշան կար, ո՛չ որևէ պահանջ: Այնտեղ հայոց համաժողովրդական պատերազմում տարած հաղթանակի ավետիսն էր միայն. «Ենթոյա համառ մարտերից հետո Սարդարապատի ուղղութեամբ թուրքերը, թևերից շրջապատված ու ջարդված, ետ են շարտվել ու հետապնդվում են մեր զորքերի կողմից», «Ղարաքիլիսայի գծի վրա երկօրյա մարտերից հետո հակառակորդը գլխովին ջարդված ետ է շարտվել...», «Զորքի ոգին հրաշալի է»:

Ալեքսանդր Խատիսովը, այս հեռագրի բուն էութեանն անտեղյակ, պիտի հիշեր միայն Ահարոնյանի թյուր տեղեկությունը նրա մասին, որպեսզի տարիներ հետո իր հայտնի գրքում հրապարակեր, թե «Թիֆլիս հասնելով Քաջազնունին ու ես... Ճիշտ նույն առավրտյան, մայիսի 27-ին, զորավար Սիլիկյանեն ստացանք հեռագիր մը, որով կաղաչեր փամփուշտ զրկել»:

Այս անիրական, «աղավաղված» փամփուշտը թող պայթի սուտ ասողի գլխին, որ գոնե փորթափ անի... Սակայն Քաջազնունին ու Խատիսովն ինչպե՞ս կարող էին մայիսի 27-ի առավոտյան լինել Թիֆլիսում, երբ Հովհաննես Քաջազնունու՝ վերը մեջբերված հիշատակագրության համաձայն՝ Քաջազնունին ու Խատիսովը մայիսի 27-ին դեռևս պիտի պատասխանատու և կարևոր հանդիպում ունենային Խալիլ բեյի ու Վեհիբ փաշայի հետ...

Դժվար է, երբ մարդիկ, սովորույթի ուժով, սուտ են ասում նաև այնտեղ, ուր իրենք էլ անձամբ դրա կարիքը չունեն:

Այստեղ ես պետք է հաղորդեմ ներփակագծային մի քանի տեղեկություններ ու փաստեր, որոնք, հուսով եմ, կօգնեն ավելի պարզ պատկերացում կազմելու այն օրերի մեր գործիչների մտավոր, մանավանդ բարոյական կարողությունների մասին:

Չի կարելի կարծել, թե ճակատի վիճակից միանգամայն անտեղյակ էին Թիֆլիսում բնավորված հայ գործիչները: Նրա՛նք, որ իրենցն էին համարում հայ ազգի ճակատագրի տնօրինութեան պատիվը: Ճակատից հեռագրեր էին գնում Թիֆլիս, և սրանք միշտ երկու հասցե ունեին՝ Անդրկովկասյան հանրապետութեան ռազմական նախարարին, մեկ էլ՝ Հայոց Ազգային խոր-

հըրդի նախագահին: Նախարարն ու նախագահը ծանոթանում էին հեռագրերին, ուշադրություն դարձնում էին նրանցում եղած ահազանգերին, հիմա դժվար է պարզել, որովհետև գրավոր տվյալներ չկան: «Փամփուշտի» նման փաստերը կարող են միայն մոլորեցնել հետաքրքրվողներին: Իսկ մեր գործիչները նման փաստերի օգնությանն էին դիմում ոչ միայն այն օրերին, այլև հետագա ժամանակներում... հենց որ կարիք էին զգում պղտորելու պարզ իրադրությունները: Եթե մտածենք, թե Ալ. Խատիսովը ժամանակին ոչ մի պատկերացում չի ունեցել Սարգարապատի ճակատամարտի իրական վիճակի ու նրա շարժիչ ուժերի մասին, բնական ու բանական պիտի համարենք, որ նա հետագայում օգտվել արդյուններից ու ականատեսների վկայություններից և գոնև ետին թվով ճշտեր իր պատկերացումը: Հատկապես, երբ գրիչ պիտի վերցնել այդ ճակատամարտի մասին իր խոսքն ասելու: Սակայն և այնպես տարիներ հետո նա իր գրքում հաղորդում էր, որ «Սարգարապատի հերոսներն էին Դրոն գորավար Սիլիկյանը», ապա՝ «հայկական հեծելազորքը հալածեց թուրքերը մինչև Ալեքսանդրապոլի բարձունքները: Միմիայն ռազմամթերքի պակասն էր, որ կանգնեցուց այդ հետապնդումը»:

Նախ, դեպքերի ընթացքից պարզ երևում է, թե Սիլիկյանը ո՞ր շափով էր առնչվել բուն Սարգարապատյան հերոսամարտին, իսկ Դրոն, որն այն ժամանակ Բաշ-Ապարանում է կռվել, առհասարակ ոտք էլ չի դրել Սարգարապատում: Ապա. Սարգարապատի ճակատում հայ զորքը ոչ ռազմամթերքի պակաս ուներ, ոչ պարենի: Եվ նրա առաջխաղացումն էլ (թուրքերին հետապնդելը) կանգնեցվեց միայն Խատիսովի ու նրա դասակիցների անկասեցնելի հրահանգներով, որոնց մենք պիտի ծանոթանանք ըստ հերթականության:

Սակայն դժվար է մտածել նաև, թե ճակատագրական օրերին մեր գործիչները բացարձակապես անտեղյակ էին ռազմաճակատի վիճակից: Բաթումի խորհրդաժողովի հայ պատվիրակության խորհրդական Սիմոն Վրացյանը, որ պատվիրակության հետ մայիսի 27-ին կամ 28-ին ժամանել էր Թիֆլիս, որպեսզի ԶԳ-ին էլ վերադառնա և մասնակցի խորհրդաժողովի վճռական փուլին, իր խմբագրած «Հորիզոն» թերթի մայիսի 29-ի համարում հրապարակել է մի խմբագրական հոդված, որը հարցի լուծման համար էական նշանակություն ունի:

Այդ հոգւածը հաստատում է, որ Թիֆլիսի հայ պարագուսներն ամեն ինչ գիտեին և, միաժամանակ, որ այդ ամեն ինչը ոչինչ չէր նշանակում, ոչ մի արժեք չունէր, քանի որ նրանք էլ զորավար Նազարբեկովի նման, սկզբից ևեթ որոշած են եղել ընդունել թուրքաց տիրապետութիւնը, հայ ազգի վերջին բեկորները հանձնել հայակեր երիտթուրքերի ողորմածութեանը:

Ահա Սիմոն Գրուզինյան-Վրացյանի հրապարակած խմբագրական հոգւածը, որը, անշուշտ ու անկասկած, Թիֆլիսյան հայ պարագուսների տրամադրութիւնն ու տրամաբանութիւնն էր արտացոլում:

Հոգւածը վերնագրված է «Մեր կացութիւնը» և սկսվում է այսպէս.

«Հայկական ճակատից ստացված վերջին օրերի պաշտոնական հաղորդագրութիւններն ու մասնավոր տեղեկութիւնները պատերազմական գործողութիւնների մասին աներկբայելի կերպով ասում են, որ լիակատար հաջողութիւնը մեր կողմն է: Երևանի զորաբանակի հաղթութիւնը միանգամայն հեղաշրջել է գրութիւնը, և մեր այլ զորամասերի, ինչպէս և բնագավառի ամբողջ հայութեան ռազմական ոգին բարձրացել է»:

Սրանից էլ լավ բան, իր ազատագրութեան համար սրբազան կռիւի ելած հայ ժողովուրդը և նրա կռիւի առաջնորդներ դարձած անհատները է՛լ ինչ պիտի ցանկանային: «Լիակատար հաջողութիւնը մեր կողմն է»: Հետո՞:

Մի՞թե տրամաբանական չպիտի լինի վճռական հարվածի կոչը. մե՛կ էլ, մե՛կ էլ մի զարկ տվեք անարգ թուրքին: Չէ՞ որ այդպէս պիտի գար ազգի փրկութիւնը, այդպէս պիտի հիմք ստեղծվեր նրա ազատ ու անկախ գոյութեան համար:

Ո՛չ, այն օրերի հայ ազգի գուս կանգնած գործիչները չէին ուզում կռվել, չէին ուզում գլխավորել ժողովրդի կռիւն իր ազատութեան ու անկախութեան համար: Նրանք՝ դեռ ոչինչ չարած, հոգնել էին: Նրանք որոշել էին նախ ազգին թեաթափ անել, շափազանցված սարսափներով, անելանելիութեան ու դատապարտվածութեան առասպելներով նրան հաշտեցնել «ամենաահավոր վիճակի» հետ, որպէսզի հնարավոր լինի կորզել նրա համաձայնութիւնը ամեն տեսակ ստորացուցիչ պայմանագրի հետ: Գրա համար էլ գաղափարական առաջնորդ ու հեղինակավոր խորհրդական Գրուզինյան-Վրացյանը շարունակում է հիպոստացնել

իր ընթերցողին, որ հայ ժողովուրդն է: «Սակայն որքան էլ ծանր լինի խոստովանել,— գրել է նա,— որքան էլ դժվար լինի ասել մանավանդ այս օրերում, մենք այնուամենայնիվ պարտք ենք պզուժ ասելու այն դառն ճշմարտությունը, թե մենք հաղթված ենք...»:

Հասկանո՞ւմ եք. «...տեղեկությունները պատերազմական գործողությունների մասին աներկբայելի կերպով ասում են, որ լիակատար հաղթությունը մեր կողմն է», և, այդուհանդերձ, «մենք հաղթված ենք»: Այսինքն՝ պարտված ենք, քանի որ ձեռքից տվել ենք Կարսը և այն էլ, ո՞վ ցուցադրական անտեղյակություն, «մեր կամքին հակառակ, առանց մեր ղեկավար մարմինների թեկուզ անուղղակի համաձայնության, առանց նույնիսկ նրանց գիտության, տրվել է թշնամուն մեր ամենազորեղ ամրությունը՝ Կարսը»:

Բայց, ամո՞թ չլինի հարցնելը, այդ ի՞նչ «ղեկավար մարմիններ» են, էլ ինչի՞ ղեկավար են, կամ ինչպե՞ս են ղեկավար կոչվում, որ տեղեկություն անգամ չունեն, թե ինչո՞ւ և ինչպե՞ս է հայոց ամենազորեղ ամրություն Կարսը ոտով-ձեռով հանձնվել թշնամուն:

«Հաղթված ենք, որովհետև անակնկալ դավադրությամբ, զինադադարի ժամանակ, հաշտության բանակցությունների ընթացքում, թուրքերը հափշտակել են, խլել են մեր ձեռքից Ալեքսանդրապոլը իր մեծ պաշարով»:

Այսպես շարունակ. բոլորը նենգել ու դավել են, խաբել ու ձեռքից խլել... «Վերջապես, հաղթված ենք և այն պատճառով,— շարունակում է ազգի գաղափարական առաջնորդի գերն ստանձնած Վրացյանը,— որ մեր թիկունքում անկախ Ադրբեջանն է իր թուրքական օրինետացիայով, եթե ավելին չասենք («ավելին» էլ այն է, որ Ադրբեջանի սիրտը գտնվում էր Ստեփան Շահումյանի գլխավորած խորհրդային իշխանության ձեռքում— Բ. Ու.), և մեր կողքին է անկախ Վրաստանը, որը, ըստ կառավարական պաշտոնական հաղորդագրության, կամենում է թուրքի հետ իր հաշիվը վերջացնել հաշտության ճանապարհով և, ուրեմն, մեր կովելու դեպքում ստիպված պիտի լինի նեյտրալիտետ պահպանել: Եվ այսպես մենակ ու կտրված, ոչ մի իրական հույս չունենալով արտաքին միջամտության վրա, մեր սեփական ուժերով, մեր տանջված ու սևաբախտ ժողովրդի հերոսական ջան-

քերով, այո՛, մենք կարող ենք միայն պատվով մեռնել, բայց ո՛չ հաղթել ու փրկվել...»:

Ահա այս տրամադրությունը ու այսօրինակ տրամաբանությունը էր, որ Հայոց կենտրոնական ազգային խորհուրդն իր պատվիրակությունն ուղարկեց Բաթում: Գնա՛, ասաց նա, և ստորագրիր ամեն տեսակ պայմանագիր, որի հիմքում կլինի զինադադարը, հաշտությունը թուրքի հետ: Չէ՞ որ մենք, հակառակ դեպքում, «կարող ենք միայն պատվով մեռնել, բայց ոչ հաղթել ու փրկվել»:

Ուզում ենք հարցնել, թե ապա ինչի՞ համար էր առաջին տողերի հուսադրող հազորդումը. «լիակատար հաջողությունը մեր կողմն է»: Չէ՞ որ այդ հաջողությունը մերոնք ձեռք էին բերել բոլորովին մեկուսացած, առանց մուսավաթական Ադրբեջանի ու մենշևիկյան Վրաստանի օժանդակության, առանց որևէ «արտաքին միջամտության», իսկ եթե կուզեք ճշմարտությունն իմանալ՝ ի հեճուկս այդ բոլորի... Սրա պատասխանն էլ մեկն է. սուղանցք էր պետք ապագայի առաջ արդարանալու համար: Չէ՞ որ կարող են մեղադրել, թե դուք անտեղյակ էիք հայոց ճակատի հաջողություններից... Ո՛չ, մենք անտեղյակ չէինք: Մենք գիտեինք այդ հաջողությունների մասին, բայց և այնքան հեռատես էինք, որ զգում ու տեսնում էինք, թե ինչպես «մենք կարող ենք միայն պատվով մեռնել, բայց ոչ հաղթել ու փրկվել»:

Մայիսի 29-ի ետմիջօրեին հայոց պատվիրակությունը, իստիստովի նախագահությամբ, ժամանեց Բաթում՝ այս անգամ արդեն հաշտության խորհրդաժողովին: Չէ՞ որ այստեղ, վերջապես, մի քանի ամիս զուր տեղը ջուր ծեծելուց հետո, կովող կողմերը պետք է հաշտության պայմանագիր կնքեին: Հայկական պատգամավորությունն այդ ժողովին էր ներկայացել որպես ինքնուրույն միավոր, որը պիտի ներկայացներ ու պաշտպաներ հայ ազգի նորաստեղծ կառավարության շահերը: Ճիշտ է, ո՛չ Քիֆլիսի ազգային խորհուրդը, ո՛չ էլ ուրիշ որևէ կազմակերպություն դեռևս չէր ընդունվում իբրև հայոց պետական մարմին, հայոց կառավարություն: Սակայն կար կարևորը. Ազգային խորհուրդը հայտարարել էր, թե ինքը «ժամանակավորապես ստանձնում է կառավարության բոլոր ֆունկցիաները»:

Եվ «կառավարության բոլոր ֆունկցիաներն» ստանձնած

Ազգային խորհրդի «ճերմակ թղթով» հայկական պատգամավորութիւնը հասել էր Բաթում:

Խատիսովն ու գործակիցները գիտեի՞ն, արդյոք, թե Բաթումից ի՛նչ են բերելու հայ ազգի համար՝ դժվար է ասել, քանի որ «ճերմակ թուղթն» արդեն ապացույցն էր անորոշ հեռանդկարի...

Երբ կովոզ կողմերը նստում են հաշտութեան սեղանի շուրջ, սովորաբար հաղթողն է, որ պայմաններ է թելադրում հաստատելիք հարաբերութիւնների համար: Սարգարապատում ու Բաշ-Ապարանում հայերը ջարդել էին թուրքերին և շարունակում էին նրանց հալածել: Մայիսի 27—28-ին փրկվել էր նաև Ղարաքիլիսայի ճակատի դրութիւնը. այնտեղ ևս հայոց զորքն զգալի հաջողութիւններ ուներ: Ուրեմն, հաշտութեան սեղանի շուրջ հարկ էր, որ հաղթող հայոց կողմի պատվիրակութիւնը թելադրեր իր կամքը, ներկայացներ իր պահանջները: Գոնե արդար ու օրինական պահանջները:

Սակայն Ալ. Խատիսովի պատվիրակութիւնը Բաթում էր հասել թուրքերի ողորմածութիւնը խնդրելու, հայ ազգի մնացորդների համար գոյութեան իրավունք մուրալու, որովհետև «անտեղյակ էր» ռազմաճակատի վիճակից: Անտեղյակ էր եղել Բաթումում, կրք Ֆերիկ Վեհիբը խուճապահար փախչող թուրքաց զորքի աղետալի վիճակը քողարկել էր նրանից, «անտեղյակ» մնաց նաև Թիֆլիսում, ուր Հայոց ազգային խորհրդի ղեկավարները չէին էլ բացում ռազմաճակատից եկող հեռագրերն ու նամակները՝ կարծելով, թե նրանցում սոսկ աղերսանք է՝ փամփուշտ ուղարկելու համար:

1967 թ. Ֆրեզնոյում հայերեն թարգմանութեամբ լույս են տեսել Սարգարապատի ճակատի շտաբի պետ Ալ. Կ. Շնեուրի հուշերը հայոց զորքի մեծ հաղթանակի մանրամասների մասին: Այս հրատարակութեան համար առաջաբան է գրել Ա. Ամուրյանը, որն իրեն ներկայացրել է այն օրերի հայոց գործերից քաջատեղյակ մարդ և արել է հայտարարութիւններ, որոնցից ջուրն ավելի է պղտորվում: Ա. Ամուրյանը, օրինակ, գրել է, թե «Դժբախտաբար հայ ներկայացուցիչները Բաթումի խաղաղութեան ժողովին լուր չունեին հայերի փայլուն հաղթանակի մասին՝ Սարգարապատի տակ, ապա թե ոչ, խաղաղութեան պայմանները թեթև կլինեին Հայաստանի համար»:

Սա մի հայտարարութիւնն է, որի ճիշտ կամ սխալ լինելը հավասարապէս դատապարտելի է «Բաթումի խաղաղության ժողովի» հայ ամբողջ պատվիրակութեան համար: «Հայ ներկայացուցիչները... լուր չունենին հայերի փայլուն հաղթանակի մասին»: Իսկ ինչո՞ւ չունենին: Եվ եթէ չունենին, որտեղի՞ց գիտեին: Թե ի՞նչ դիրքի վրա պիտի կանգնեն ու ի՞նչ պիտի պահանջեն: Կամ եթէ «հայերի փայլուն հաղթանակի մասին» չգիտեին, նրանք էլ ո՞ւմ էին ներկայացնում, ո՞ւմ կամքն ու պահանջներն էին արտահայտում: Այդ ո՞վ էր նրանց օժտել իր լիազորութիւններով...

Սակայն միանգամայն այլ էր իրականութիւնը: Բաթումի խորհրդաժողովի հայ մասնակիցները գիտեին «հայերի փայլուն հաղթանակի մասին»: Համենայն դեպս՝ հայ պատվիրակութեան խորհրդական Սիմոն Վրացյանը շատ լավ տեղյակ էր հայոց հաղթանակին: Ինչպէս վերը տեսանք, այդ նա էր հայ-թուրքական խայտառակ դաշնագրի կնքումից մի քանի օր առաջ գրել և իր «Հորիզոնում» հրատարակել, թե «Հայկական ճակատից ստացված վերջին օրերի պաշտոնական հաղորդագրութիւններն ու մասնավոր տեղեկութիւնները պատերազմական գործողութիւնների մասին աներկբայելի կերպով ասում են, որ լիակատար հաջողութիւնը մեր կողմն է: Երևանի զորաբանակի հաջողութիւնը միանգամայն հեղաշրջել է դրութիւնը...»: Այո՛, հայ զինվորութեան և ժողովրդի սարգարապատյան հաղթանակը հեղաշրջել էր դրութիւնը ճակատում ու թիկունքում, Հայաստանի բախտի համար կովոզ ու մտահոգված բոլոր շրջաններում, բացի Թիֆլիսի Հայոց ազգային խորհրդից ու նրա պատվիրակութիւնից: Նրանց, ըստ երևույթին, ձեռնտու էր անտեղյակութիւնը. պիտի ցույց տային, թե մի խաղի մեջ են, որի պայմանն է աչքերը կապած առաջ գնալը... Ուստի անտեղյակութիւն էին խաղում և՛ խորհրդաժողովի օրերին, և՛ տասնամյակներ հետո:

Մինչև «հայոց ներկայացուցիչները» կժամանեն Բաթում, Թուրքիայի պատվիրակութիւնը խորհրդակցել էր իր կառավարութեան հետ, մշակել ու հիմնովին պատրաստել սեփական դիրքորոշումը: Այս բոլորը կատարվել էր հուլիսի գաղտնի, խնամքով, հետևողականորեն: Բայց հետագայում հենց իրենք՝ թուրքական կառավարութեան անդամներն ու Բաթումի թուրք պատվիրակու-



Յայն ներկայացուցիչները, տարբեր առիթներով ամեն ինչ հրապարակել են, և հիմա արգեն ամենքին հայտնի են հայոց հարցի այն օրերի թուրքական լուծման բոլոր վարժությունները:

Բաթումի խորհրդածողովին եկած թուրք դիվանագետները գիտեին, որ իրենց կառավարության մեջ հայկական հարցի լուծման երկու եղանակ էր առաջ քաշված: Մեկի կողմնակիցները գտնում էին, որ հարցը պիտի լուծել հայերին ամենուրեք ոչընչացնելով, իսկ մյուս թևը, այսօրինակ լուծման անհնարինությունը գիտակցելով, առաջարկում էր Անդրկովկասում, Երևանի շուրջ հայերի համար մի փոքրիկ ինքնավարություն երաշխավորել և դրանով իսկ համաշխարհային կարծիքի առաջ գլուխ արծացնել՝ հակահայկական ա՛յն շարագործությունների դիմաց, որ կատարել են, և նրա՛նց համար, որ դեռևս պիտի կատարեին:

Բաթումում խալիլ բեյն ու Վեհիբ փաշան, չբմեղության քղամիդ հագած, ճակատի իրենց գործերն աջողակ ներկայացնելով, հայ պատվիրակներին անընդհատ հիշեցնում էին իրենց, իբր թե, չափավոր քաղաքականությունը: Այլ. խատիսովը հետագայում պիտի գրեր, թե խալիլն ասում էր. «Հասկացե՛ք իրերու դրո՛թյունը: Ես և Վեհիպ փաշան կներկայացնենք կոմիտեի մեջ չափավոր, հաշտարար հոսանքը: Թալեաթ և էնվեր փաշաները կուզեն իսպառ ոչնչացնել հայկական հողը: Օգնեցեք մեզ՝ մեր դիրքը ուժեղացնելու. ըրե՛ք բոլոր զիջումները... Մենք ձեզ կօգնենք առաջային: Իսկ ձեր դիմադրությունն այսօր միայն պիտի վնասե ձեզ և նոր արյունահեղությանց պատճառ դառնա»:

Ուրեմն, էնվերն ու Թալեաթն էին, որ ուզում էին «իսպառ ոչնչացնել հայկական հողը»: Սակայն, ահա մեկ էլ Թալեաթն է խոսում խատիսովի հետ և դրությունն այնպես է ներկայացնում, թե ինքը՝ այդ հայակեր գազանն է չափավոր թևը ղեկավարում: «էնվեր փաշան կգտներ, — ասել է Թալեաթը, — թե քանի որ հայերը եղած են ու պետք է միշտ ըլլան մեր թշնամիները ու հանգիստ պիտի չթողուն մեր Անատոլուի նահանգները, ավելի լավ է, որ հիմնապես բնաջնջվեն անոնք նաև Կովկասի մեջ, ինչպես եղած են Թուրքիո մեջ: Իսկ փոքրիկ Հայաստան մը Կովկասի մեջ պատճառ պիտի դառնա, որ միշտ ձգտի ընդարձակելու իր սահմանները և դառնա հավիտենական վտանգ Թուրքիո համար: Իսկ ես, — շարունակել է Թալեաթը, — պատասխանեցի, որ

այդ ծրագիրը անկարելի ծրագիր մըն է թեկուզ այն պատճառով, որ այսպէս թե այնպես երկու միլիոնի շափ ողջ մնացած հայեր կան այժմ, և անհնար է զանոնք բոլորն ալ ոչնչացնել, ուստի ավելի լավ է, որ անոնց գոհացում տրվի, որովհետև, եթե նույնիսկ 100.000 հայ էլ մնան աշխարհի երեսին, մեզի հանգիստ պիտի շտան երբեք: Եվ, վերջապես, փոքրիկ Հայաստան մը ստեղծելով՝ մենք լուծած կրլլանք Հայկական հարցը և այդպես կներկայանանք հաշտութեան միջազգային խորհրդաժողովին»:

Հետագայում էնվեր փաշան էլ պիտի պարծենար այսպես. «Ես լուծեցի շատ դժվար խնդիր մը. ստեղծեցի Հայաստանը, գոհացում տվի հայերու ազգային պահանջներուն, բայց այդ ըրի այնպիսի ձևով մը, որ շղոհեցի թրքական հողերեն ոչ մեկ թիզ իսկ»:

Ուրեմն, հայերը չէին, որ ռազմաճակատում ցույց տված անօրինակ տոկոսութեամբ ու քաջութեամբ, թուրքերին հասցրած կործանիչ հարվածներով ստիպեցին հապշտապ կնքել հաշտութեան պայմանագիրը, հայերը թուրքերին շտիպեցին հասկանալ, որ եթե աշխարհի երեսին մնան ոչ թե երկու միլիոն, նույնիսկ ոչ թե 100.000, այլ միայն մի բուռ հայեր, նրանք էլ իրենց թշնամիներին «Հանգիստ պիտի շտան երբեք»: Հայերը չէին, որ հարկադրեցին... Այլ իրենք՝ թուրք մեծավորները, հայ ժողովրդի դահիճներն էին, որ մեծահոգաբար ընդառաջեցին, գոհացում տվին «հայերու ազգային պահանջներուն»: Եվ այս ամենն էլ՝ իբրև պատասխան Թիֆլիսի Հայոց ազգային խորհրդի ղեկավարների մուրացողութեան...

Հետագա դեպքերը դասավորվեցին ու զարգացան հենց այս ոգով, ըստ օսմանյան պատվիրակութեան նախագծած ու վարած պլանի:

Մայիսի 29-ի երեկոյան դեմ, ժամը 7-ին, պայմանաժամից նույնիսկ մեկ ժամ առաջ, հայոց պատվիրակութունը հատուկ ճամակով թուրքերին հայտնեց, որ ժամանել է Թիֆլիսից, արդեն ներկայացնում է Հայաստանի անկախ հանրապետութունը և այդ հանրապետութեան անունից ընդունում է թուրքական կառավարութեան վերջնագիրը:

Վրացի մենշեկները, որ ավելի վաղ էին հայտարարել իրենց անկախութունն ու նոր կառավարութեան կազմումը և, հատկա-

պէս, ապահովել էին այդ անկախութեան հովանավորութիւնը Գերմանիայի թեւ տակ, նրանք, որոնց ազգային ու պետական շահերը համարյա չէին տուժել թուրքաց պատերազմից և չէին տուժելու հաշտութեան պայմանագրից, կարծես չէին էլ մտածում վերջնագիրն ընդունելու կամ շրջադրուելու մասին: Մուսավաթականները, որոնք երազելով երազում էին թուրքաց տիրապետութիւնը կովկասի վրա և նրանց ամեն մի խոսքով պատրաստ էին կանգնել ետեւի թաթերի վրա ու պոչ խաղացնել երջանկութիւնից, այդ մուսավաթականները քաշվել էին «Բելվյու» հյուրանոցի իրենց կացարանները և վարագույրների ճեղքերից ուշի ուշով հետևում էին, թե ի՞նչ է կատարվում իրենց բացակայութեամբ, որպիսզի հետո դուրս թափվեն և իրենց առատ բաժինը փախցնեն վերջնագրից ու վերջնահաշվից...

Իսկ, ահա՛, հայ պատվիրակութիւնը, սնդիկի պես աջ ու ձախ գլորվող, սնդիկի պէս կանգնած տեղն էլ անվերջ թրթրուցող Ալեքսանդր Խատիսովի գլխավորութեամբ, Բաթում հասնելուն պէս գլխապատառ իրեն նետեց հորձանուտը, որ թուրք պատվիրակութեան գիրկն էր. մենք անկախ ենք արդեն, մենք ինքնուրու՛յն ու ինքնագլու՛խ ենք, մենք ընդունու՛մ ենք ձեր վերջնադիրը:

Ուղիղ մեկ ժամ էր մնացել մինչև թուրքական պատվիրակութեան նշանակած ժամկետը յրանար: Խատիսովը գրավոր հաղորդեց, որ Հայկական անկախ հանրապետութիւնն ընդունում է թուրքաց կառավարութեան վերջնագիրը և պատրաստ է հաշտութեան պայմանագիր կնքել Հայկական անկախ հանրապետութեան անունից: Այդպէս էլ գրել էր՝ «Հայկական անկախ հանրապետութիւն», շնայած այդպիսի վարչաքաղաքական միավոր չկար դեռևս, և Հայաստանն անկախ հայտարարողները գրել էին միայն, թե «Որոշ ծանրակշիռ պատճառներով թողնելով մոտիկ օրերում կազմել Հայոց ազգային կառավարութիւն...»:

Պատվիրակութեան անդամ Հովհաննէս Քաջազնունուն տարօրինակ թվաց Խատիսովի ինքնագործունէութիւնը:

— Բայց որքա՞ն հարմար է գոյութիւն շունեցող պետութեան անունից խոսելը, — անհամարձակ հարցրեց նա: — Այս փաստաթղթերը պիտի մնան, պատմութիւն պիտի ստեղծվի...

Խատիսովը չբռնեց ժպտաց գործակցի միամտութեան վրա:

— Չէ՞ որ մենք իսկապէս անկախութիւն հայտարարեցինք՝

ազգային կառավարութեան ստեղծումը հետաձգելով ամենամոտիկ ապագային:— Ժպիտը ծաղկել էր նրա կլոր դեմքին: Կարճատես աչքերում խորամանկութեան կայծեր կային, որոնք ասում էին՝ «Բարեկամ, սա դիվանագիտութիւնն է, ձեռնածութեան պես մի բան, և պարտվում է նա, ով շի խաբում»:— Մենք միայն մի փոքր առաջ ենք ընկնում դեպքերից... Հը՞, դո՞ւ ինչ կասես,— և ծիծաղուով, ծակող հայացքը հառեց Պապաջանովին՝ պատվիրակութեան երրորդ անդամին:

Պապաջանովը թոթվեց հաստ ուսերը. այսինքն՝ *чёрт по-бери!*, ինչ կուզեք՝ արեք, իմ դերը կրավորական է:

Քիչ անց Խալիլն ու Վեհիբը Խատիսովին հրավիրեցին զրույցի: Հայոց պատվիրակութեան ղեկավարը գերազանցութեան զգացումով բաժանվեց ընկերներից, առանց պայմանավորվելու առաջիկա զրույցի ժամանակ իրենց և հենց իր բռնելիք դիրքի մասին:

Քաջազնունին մռայլ քաշվել էր ծովահայաց պատշգամբի անկյունը, թանձր մազ-մորուքի միջից դիտում էր Պոնտոսի կապույտ խաղերը: Մտքում Խատիսովն էր՝ ամեն օր մի նոր կողմից բացվող իր կերպարանքով, եսակենտրոն գործունեութեամբ, նպատակին հասնելու համար գործադրած ամեն տեսակ ընդունելի ու անսուրբ միջոցներով: Նպատակին հասնելու... Բայց ի՞նչ էր նպատակը, գոնե երևար: Ո՞նց կարելի է այսպես պատեպատ զարկվել: կաշվից դուրս գալ, սուտն ու ճշմարիտն իրար խառնել: Ինչպե՞ս էլ կարողանում է, առանց երկնչելու, առանց զգուշանալու:

Երեկոյան ժամածամքին Խատիսովը ներկայացավ բարձր տրամադրութեամբ, հաղորդեց, որ թուրքերն իրեն ընդունել են բարեկամաբար և պայմանավորվել են հաշտութեան նիստն սկսել վաղը ժամը 12-ին: Ասաց և գնաց, փակվեց իր սենյակում:

Պապաջանովին դա էլ շանհանգստացրեց: Իսկ Հովհաննես Քաջազնունին մտածեց, որ այս անգամ էլ Խատիսովը կատարել է մի այնպիսի քայլ, որի համար երես շունի խոսելու, բացատրութիւն տալու: «Ժողովուրդն ասում է՝ ազուավի հետ ընկերացել ես, պատրաստ եղիր ամեն տեսակ աղտեղութիւն ուտելու»,— մտածեց Քաջազնունին և նստեց գրասեղանի առաջ, բացեց օրագիրը: Հայացքը դեպի սեփական հոգու խորքն արած՝ նա շշու-

ջաց իր համար. «Ծրանի՛ թե սուտ շիններ արդար դատաստանը, և յուրաքանչյուր մահկանացու ահեղ դատին ներկայանար միայն սեփական մեղքերով»:

\* \* \*

\*

Հետո պիտի պարզվեր, որ վեհիքն ու խալիլը խատիսովի հետ վճռել են զինադադար հայտարարել և անմիջապես նրան հնարավորություն են տվել լիակատար զինադադարի մասին հրահանգ հաղորդելու յուրայիններին: Խալիլ բեյի համար ի՛նչ մեծ դժվարություն էր հեռախոսով պահանջել Կարսը, հեռախոսի մոտ հրավիրել գեներալ Կորգանովին, ապա, լսափողը հանձնելով հայկական պատվիրակության ղեկավարին, բարեհոգությունամբ ասել.

— Բույուրուն, ջանաբ խաթիսով:

Քանի՛ օր էք, կորած էր համարվում գեներալ Կորգանովը: Որտեղի՞ց և ինչպե՞ս հայտնվեց Կարսում: Խատիսովը շշմած էր առաջին պահ. կարժում էր՝ շար խազ են անում իր հետ: Սակայն իսկապես գեներալն էր խոսում իր անդրշիրիմյան ձայնով: Նա էլ էր զարմացած, թե թուրքերն այդ ինչպես իրեն անակընկալներ են մատուցում իրար ետևից. երեկ ազատեցին քուրդ խաժամուժի ձեռքից, գիշերը բժշկական արտակարգ օգնություն ցույց տվին, այսօր էլ, խնդրե՛մ, խոսիր Բաթումի հայ պատվիրակության ղեկավար Ալեքսանդր Խատիսովի հետ:

— Ալեքսանդր Իվանովիչ, — ուրախությունից լաց լինելով խոսեց գեներալը, — Ալեքսանդր Իվանովիչ, այս ի՛նչ երջանկություն է, որ ձեր նման բարեկամի ձայնն եմ լսում: Ի՛նչ երջանկություն ... Աստված որ մեկ էլ ձեզ տեսնելու բախտին արժանացնի, կպատմեմ, թե ի՛նչ տեսակ տառապանքներ եմ քաշել այս մի քանի օրվա գերություն մեջ: Թշնամուս էլ շէի ցանկանա: Հոգեկան վիճակս, էլ մի՛հարցնեք: Լավ է, որ ուշքս վրաս է: Աստված տա, աստված տա, Ալեքսանդր Իվանովիչ: Բաթումի՞ց եք խոսում: Հաշտություն: Օ՛, ի՛նչ եք խոսում: Մեր խեղճ ժողովրդի փրկության համար դուք ինչե՛ր արիք: Ի՛նչ գնումարդեկային ուժ էր պետք:

— Ուրեմն, այդպես, պարոն գեներալ, — ինքնավստահ, սե-

փական արժանապատվութեան բարձր գիտակցութեամբ զրույցն առաջ տարավ Խատիսովը, — հիմա ճակատի գլխավոր հրամանատար մարշալ Վեհիբ փաշան կկարգադրի, որպեսզի ամենայն օգնութիւն ցույց տրվի ձեզ: Բժշկական, նյութական... մի խոսքով՝ շատ շուտով կազդուրված կգաք Բաթում: Իսկ առայժմ ամենաշտապ կարգով այդտեղից Արամին ու Նազարբեկովին հաղորդեցեք, որ հաշտութեան բանակցութիւնները բարեհաջող են ընթանում, և այս ընթացքին մենք պայմանավորվեցինք զինադադարի մասին: Ես կաշխատեմ հենց հիմա էլ կապվել Թիֆլիս, Ահարոնյանի հետ, որպեսզի զինադադարի կարգադրութիւն անի: Սակայն մինչ այդ, որպեսզի զուր տեղն արշու՛ն չթափվի, իմ անունից կարգադրեցեք, որպեսզի դադարեցվեն պատերազմական գործողութիւնները: Ինչպե՞ս: Ինչո՞ւ միակողմանի: Ահա այստեղ է մարշալ Վեհիբը և նա էլ իր ենթականերին կանի նման կարգադրութիւն...

Խատիսովն ու զենեքալը ուսներեն էին խոսում իրար հետ, թուրքերի համար հեռավոր, անհասկանալի լեզվով: Սակայն վերջին նախադասութիւնն ասելիս հայ դիվանախոսը նայեց թուրք զորավարի կողմ, սա հասկացավ խոսքն ինչին է վերաբերում և, ի նշան համերաշխութեան, գլխով արեց:

— Ձերոնք ինչպե՞ս էին կովում Ղարաքիլիսայի ճակատում, — խոսեց Վեհիբը, հենց որ հայ դիվանագետն ավարտեց հեռախոսազրույցը և ոտը ոտին գցելով, շատ կարևոր գործ կատարած Վարդու հանգստութեամբ ընկղմվեց փափուկ գահավորակի մեջ: — Ա՛յ, դրան զորք եմ ասել, հա՛: Մինչև վերջին շունչը, մինչև վերջին գնդակը... Պատերազմների պատմութիւնն այդպիսի անձնագոհութեան օրինակներ քիչ գիտի: Իսկ առաջ որ ասում էին՝ հայերը լավ կովող են, չէի հավատում: — Խատիսովը հպարտացավ, ուռավ նստած տեղը, կարծես իրեն էր վերաբերում գովասանքը: Վեհիբն զգաց այդ և, ասես գլխին բամփելու նման ասաց. — Այսօր մենք Ղարաքիլիսան կառնենք, — նայեց ժամացույցին, — հա՛, արդեն առել ենք: Բայց դենը չենք շարժվի, մինչև որ այստեղ հարցերը չպարզվեն...

Ոչ մի խոսք Սարգարապատի մասին: Վեհիբի համար, իբր այդպիսի ճակատ չկա, հայերն անձնագոհութեան գեղեցիկ օրինակներ են ցույց տալիս միայն Ղարաքիլիսայում, որն այն ժամին արդեն իրենց ձեռքում էր: Նա հայ դիվանագետի դեմքին

կարդաց երանելի անտեղյակութեան արտահայտութիւնը և աչքի պոչով նայեց խալիլին. «Ո՛նց էլ գուշակում էիր: Հիմա սրան կթելադրենք մեր կամքը, հաղթող-ողորմածի կամքը»:

— Դենն ո՞ւր գնանք,— իբր անտարբեր, խոսեց խալիլ բեյը:— Հաշտութեան սեղան նստողն անմիջապէս պիտի կրակը դադարեցնի: Երկուսդ էլ կարգադրեցեք, որ այլևս ոչ մի գնդակ չարձակվի և ո՛չ մի քայլ ետ կամ առաջ... Մինչև որ այստեղ որոշենք յուրաքանչյուրի սահմանները:

\* \* \*

\*

Մայիսի 30-ի ժամը սուսին պիտի սկսվեին հայ-թուրքական բանակցութիւնները, և մի ժամ առաջ խառնուրդ նորապիստացի պէս զուգված-զարդարված ներկայացաւ գործակիցներին: Տրամադրութիւնը բարձր էր: Պիտի պայմանավորվեին իրենց դիրքի մանրամասների համար, և Քաջազնունին սառ ջուր լցրեց նրա տաք գլխին:

— Ախր, ի՞նչ է պատահել, ա՛յ Ալեքսանդր Իվանովիչ, դեռ տեղ չհասած՝ մերկացել-նետվում ես հորձանուտը: Կարծես մեզ համար միևնույն է, ո՛չ կորուստներ ենք ունեցել, ո՛չ էլ կորցնելու բան ունենք... Սպասենք, տեսնենք՝ ի՞նչ պիտի անեն մեր հարեանները: Մտածենք, խելք-խելքի տանք...

Խառնուրդն աշխատեց շփրավորվել, շրնկճվել նրա խոսքի ոչ այնքան պատշաճ տոնից: Նույնիսկ փորձեց կատակի տալ.

— Սիրելիս, ինչքան էլ մտածես, երկու անգամ երկուսը չորս է: Այս՝ առաջին: Եվ երկրորդը. մեր հարեանների բռնած դիրքից խիստ անգոհ են Վեհիբն ու խալիլը: Այդ պատճառով էլ որոշել են զորք ուղարկել Թիֆլիսի վրա:

— Հայաստանից կշտացե՞լ են արդեն:

— Հայաստանի հետ ուզում են բարեկամանալ: Եվ մենք պետք է օգտվենք բարեպատեհ առիթից: Գոնե մի անգամ դիվանագետ լինենք, բարեկամա: Մեզ ուղարկել են դիվանագիտական խորհրդաժողովի ո՛չ նրա համար, որ խոռովկան երեխայի գեր խաղանք:

Այս «խոռովկան երեխան» ազդեց Քաջազնունու վրա: Նա մտածում էր, թե գուցե իսկապե՛ս ինքն այս դիվանագիտութիւն-

նից այնքան բան չի հասկանում, որ ուղղութիւն տա պատմի-  
րակութեան անելիքներին: Ուրեմն, էլ ինչո՞ւ չհետևել այն մար-  
դուն, որն ի պաշտոնն և գործնականորեն գլխավորում է այդ  
աշխատանքը: Հետևիր նրան և, եթե կարող ես, օգնիր, որ շըր-  
ջանցվեն սխալներն ու թյուրատեսութիւնները... Սակայն հենց  
որ բանակցութիւնների սկզբից խալիլը սեղանի վրա փռեց քար-  
տեղը, Քաջազնունու աչքերը թռան ճակատին: Այնտեղ Հայաս-  
տանի հարավ-արևմտյան սահմանն անցնում էր էջմիածնի տա-  
կով: Վեհիքն զգաց, որ այդ միշտ մռայլ մարդու հայացքը քա-  
րացավ սահմանի վրա, շտապեց հանգստացնել: Մատն իրենց  
գծած սահմանի վրայով անցկացրեց. արնագույն կիսաօղակի  
մեջ էր առնված Ամենայն հայոց մայր սրբութիւնը:

— Էջմիածինը ձեզ է մնում, է՛լ ինչ եք ուզում, — դիվային  
ժպիտի միջից ասաց նա: — Ձեր հանրապետութիւնը կընդգրկի  
Սևանից մինչև էջմիածին...

«Ահա թե սրանք ի՞նչ Հայաստանի հետ են ուզում բարեկա-  
մանալ, — դառնացած մտածեց Քաջազնունին, և աչքերի առջև  
սևացավ: — Աստված իմ, այս ո՞ւր հասցրիր մեզ: Բրեստ-Լի-  
տովսկում հայերին էին թողնում Արաքսից հյուսիս ընկած ամ-  
բողջ տարածքը: Եվ հայոց պատմաբանն ասաց՝ այսքանն այս  
ժողովրդին կարող է բավականանալ միայն իբրև գերեզման,  
բայց ո՛չ ապրելու տեղ... Իսկ հիմա՞: Հիմա գերեզմանատեղն  
էլ կիսվել է: Ո՛չ, կեսն է՛լ չկա, կեսն է՛լ չկա»:

...Թե ի՞նչ կատարվեց, ի՞նչ խոսեցին, ինչի՞ վրա կանգ ա-  
ռան, այլևս չէր հիշում, որովհետև այդ կրճատված, կիսված ու  
խեղված գերեզմանոցի միտքը պարուրել էր նրան, ահավոր մրդ-  
ձավանջի նման առել գիրկը և բաց չէր թողնում... Մեկ էլ հի-  
շում էր, թե ինչպես խալիլը վերջում խոսեց հայոց պետութեան  
մասին, այն պետութեան, որն, իբր, իրենց ողորմածութեամբ  
ստեղծվում է այս երկրի վրա: Հայոց պետութիւն:

— Փոքր է, — ասաց, — շա՛տ փոքր: Բայց հիշեցեք, որ ամեն  
ինչ փոքրից է սկսվում: Փոքրից սկսվում է և կամաց-կամաց,  
համառորեն մեծանում: Մենք կօգնենք, որ դուք մեծանաք ձեր  
երկու հարևանների հաշվին: Մուսավաթականներն աչք են գրել  
Երևանի վրա: Ասում են՝ «Այնտեղ մենք մեծամասնութիւն ենք  
կազմում, մուսուլմաններս»: Շա՛տ էլ մուսուլմաններդ մեծա-



մասնություն եք կազմում, հո աշխարհը մորեխ չի՞ կերել: Մենք նրանց ախորժակի վրա քացախ կլցնենք, թույլ չենք տա...

Այդպես. ուրեմն, մուսավաթականներն էլ Երևանն են պահանջել: Եվ պահանջել են թուրքերից: Բայց ինչո՞ւ թուրքերից: Մի՞թե թուրքերն արդեն Երևանն առել են, դարձրել իրենցը: Եվ ո՞վ է ասել, թե Երևանում մուսուլմաններն ավելի շատ են, քան հայերը: Ո՞վ է ասել, որ թուրքերն էլ հավատացել են, բայց, այդուհանդերձ, հայերի իրավունքն են պաշտպանում, քանի որ մորեխը դեռևս չի կերել աշխարհը...

«Ահա թե ի՞նչ խաղեր են բեմադրում թուրքերն այդ մուսավաթականների հետ, — հանկարծ փայլատակեց Քաջազնունու մշուշված, մղձավանջոտ ուղեղում: — Թուրքերը նրանց սովորեցրել են, ուղղակի հրահրել: Ասել են՝ եթե ուզում եք Սևանի արեւելյան ափերը, Նախիջևանը, Զանգեզուրն ու Ղարաբաղը, ապա պահանջեցե՛ք Երևանը: Այո՛, պահանջեցե՛ք Երևանը: Մենք կմերժենք ձեր այդ պահանջը, և տեր կթողնենք մնացածին: Այդպես են նվաճում նոր հողերն ու երկրամասերը. երկու քայլ առաջ, մի քայլ ետ...

Իրեն դիվանագիտական տաղանդից զուրկ մարդ էր համարում Հովհաննես Քաջազնունին: Բայց այսքանը հասկացավ:

Կուսակիցները գիվանագիտության մեջ Սողոմոն իմաստունի պսակը կտային Ալեքսանդր Խատիսովին: Եվ այդ Խատիսովը հիմա, թուրքաց «հոգատարության» ու «բարյացակամության» առաջ, կարկամած, քիչ էր մնում լիզեր Խալիլի ու Վեհիբի ձեռքերը... Նա արտասովելու շափ հուզված էր, մանավանդ ֆերիկ Վեհիբի անկեղծությունի՛ց:

— Դուք չե՞ք տեսնում, — ասաց անկեղծ ու բացսիրտ ֆերիկը, — ճակատագիրը Թուրքիային արևմուտքից քշում է դեպի արևելք: Մենք հեռացանք Բալկաններից, պիտի հեռանանք նաև Աֆրիկայից: Բայց պետք է տարածվենք դեպի արևելք. այնտեղ են մեր արյունը, կրոնն ու լեզուն, որոնք տարերային ձգողության ուժ ունեն: Մեր եղբայրները Բաքվում են, Դաղստանում, Ատրպատականում ու Միջին Ասիայում: Մենք պետք է ճամփա ունենանք դեպի այդ երկրները, մենք պետք է կապվենք նրանց հետ: Եվ դուք՝ հայերդ, կանգնած եք մեր այդ ճամփի վրա: Վանում դուք փակում էիք մեր ելքն ու ճանապարհը դեպի Ատրպատական: Նախիջևանում, Զանգեզուրում ու Ղարաբաղում

գուք մեզ արգելում եք իջնել դեպի Կուրի ու Արաքսի հովիտները և գնալ դեպի Բաքու: Կարսն ու Ալեքսանդրապոլը նվաճեցինք, որ հորիզոն բացենք դեպի Բորչալու, Ղազախ, Դաղստան և Հյուսիսային Կովկաս: Ուրիշ ճար չկա. դուք պարտավոր եք մի կողմ քաշվել և բացել մեր ճամփաները: Ահա թե որտեղ է մեր վեճը: Հասկանո՞ւմ եք: Պետք է մի կողմ քաշվեք:

Մի կողմ քաշվեք, այսինքն՝ առայժմ գուցե թառեք Սևանի արևմտյան ափերի բարձունքներին, որպեսզի մեր ոտքերի տակ չընկնեք, մինչև մենք հասնենք մեր համաթուրանական բաղձանքներին, — մի ոտքով Պոլսում, մյուսով՝ Կասպիականի ափերին, — և նրանից հետո արդեն ձեզ հետ կխոսենք, հարաբերություններ կճշգրտենք:

Այստեղ Քաջազնունու մշուշված ուղեղի ծալքերում խլրտացին, վերականգնվեցին ոչ հեռու անցյալի հուշերը: Նա հիշեց Երիտասարդ թուրքերի զառանցալի ծրագրերը Մեծ Թուրանի թուրքական կայսրություն ստեղծելու վերաբերյալ... Բայց ինչո՞ւ սրանք այսօր հրաժարվում են աֆրիկյան մուսուլմանությունից ու «Գորշ գայլի» հայրենիք Սինց-ցզյանի անապատներից: Մի՞թե պիտի գոհանան իրենց նախկին նվազագույն ծրագրով՝ Բալկաններից մինչև Բայկալ Փոքր Թուրան ստեղծելով... Ինչ էլ որ լինի, մենք անհարմար կերպով կանգնած ենք իրենց համաթուրանական, համախլամական, համաթուրքական մեծ կամ փոքր ծրագրի իրականացման ճանապարհին:

— Պատկերացնո՞ւմ եք, — այս էլ ինչի՞ն էր, որ քիչ էր խառնըվում զրույցին, սակայն ասում էր խոսքեր, որոնք համերաշխ էին Վեհիբի պնդումների հետ, երբեմն էլ ստվեր էին ձգում նրանց սուր անկյունների վրա, — շուտով կավարտենք այս պատերազմը և կգնանք խաղաղության մեծ վեհաժողովին... Ի՞նչ երջանկություն, երբ այդ վեհաժողովին ներկայանանք երկուստեք պարզերես. դուք՝ ձեր, թեկուզ և փոքրիկ, բայց սեփական, անկախ պետության փաստով, մենք՝ այդ պետությունը ձեզ տված: Այն ժամանակ մենք ծեփած կլինենք այն բերանները, որոնք աշխարհը լցրել են հայերի ու թուրքերի թշնամության մասին սարքած աղմուկով: Հիշեցե՛ք, ազիզ բարեկամներ, մենք ենք, որ իրար կողքի ենք ապրելու, իրար հարևան, և ոչ թե նրանք, որ բերան են պատռում հայի կամ թուրքի իրավունք-

ների մասին ճառելիս: Մենք պետք է իրար զիջումներ անենք և ապրենք իբրև ազնիվ բարեկամներ, եթե ուզում ենք ապրել...

«Եթե ուզում ենք ապրել»: Քաջազնունին իրեն անճարակ դիվանագետ էր համարում: Սակայն այս կոչի խորքն էլ հասկացավ. եթե հայերդ ուզում եք ապրել...

Խալիլը մանվածապատ էր խոսում, բայց, վերջին հաշվով, ասում էր ամեն ինչ, առանց որևէ մութ հարց թողնելու: Եվ երբ նա վերջնականապես հասկացրել էր, որ իրենք հայ «ազիզ բարեկամներին» պարզեում են «թեկուզ և փոքրիկ, բայց սեփական, անկախ պետութուն», և պետք է գնային հանգստի, Վեհիբը վեր կացավ տեղից, գնաց դեպի միջանցքի կախարանը, այնտեղ իր ֆրենչի գրպանից մի ճերմակ փալաս հանեց, բերեց, գցեց Խատիսովի առաջը՝ սեղանի վրա:

— Այդ էլ ձեր պետական դրոշի իմ նախագիծը, — անորոշ ժպտալով ասաց նա: — Դուք խաշապաշտ եք և միշտ պարծենում եք այդ խորհրդանիշով:

Խատիսովը առանց դժկամության շանթեց ճերմակ փալասը, ցուցադրաբար բացեց. ճերմակ փալասի վրա սև խաչ էր պատկերված:

Քաջազնունին մտածեց, որ թուրքերն իրենց հովանավորության տակ մտնող հայերի ճակատագրի պատկերն անթերի դարձրին. եթե պատկերում են մի անձուկ գերեզմանոց, հարկ է, որ նրանից վեր էլ ծփա մի այդպիսի դրոշակ՝ սև խաչը վրան:

\* \*  
\*

## 2. Քաջազնունու օրագրից.

«Այսօր Թիֆլիսից եկան մեր պարագլուխները...

«Պարագլուխ»: Ինչպե՞ս է կառուցվել այս բարդ բառը, «պար» և «գլուխ» մասերից: «Պարը» կարծեմ պիտի նշանակի «կլոր»: Այս պարագային շատ էլ համապատասխանում է. կլոր-գլուխներ: Կլոր, հեշտ գլորվելու ընդունակ գլուխները միայն կարող էին կանգնել ու այսօրվա ողորմելի, ոտքի վրա կանգնելու համար անգամ անգոր շայաստանը հայտարարել անկախ պետութուն: Եվ ես նրանց հետ եմ: Հո՞ղն այսպիսի գլուխներիս:

Հայոց վերջին արյան ծարավ թուրքը միշտ էլ երազել է մի այսօր պիտի Հայաստան՝ ոչ ոքից կախում չունեցող, ավելի ճիշտ՝ ոչ ոքի հետ կապ չունեցող Հայաստան, որպեսզի հեշտ առնի իր ճիրանների մեջ ու խժռի:

Եթե մի քիչ փիլիսոփայորեն ընկալելու կարողություն ունենայինք, կտեսնեինք, որ աշխարհում առհասարակ անկախ պետություն չկա և այդպիսին չի էլ կարելի պատկերացնել: Ամենավիթխարի պետություններն իրենց քաղաքականությունը պայմանավորում են իրարով: Մի մեծը, նույնիսկ գերագահը՝ կախված է ոչ միայն ուրիշ մեծերից, այլև իր ենթականերից, ենթարկվում է նրանց շահերի թելադրանքին, այլապես իր կործանումը պիտի արագացնի: Եվ որովհետև անկախ պետություններ չկան, իսկ Հայաստանի անկախությունն այս օրերին կարող են տեսնել միայն անուղղելի ցնդածները, ապա մենք, ուզած-չուզած՝ իրականում՝ կլոր-գլուխներիս ուղածով, պետք է ապավինենք Թուրքիային: Ասացի:

— Գառը գայլին պահ ենք տալիս:

Ասում են.

— Մենք պետք է լեզու գտնենք թուրքի հետ: Չէ՞ որ թուրքերը տեր են դրություն, անհրաժեշտ է հասկացողության գալ նրանց հետ, անուշի կապել:

— Հետաքրքիր մարդի՜կ եք,— ասացի:— Գիտեք, որ ամբողջ պատմության ընթացքին թուրքը ձեզ հետ խոսել է մի անփոփոխելի լեզվով՝ բռնադատողի, հավատափոխ անողի, սպանողի լեզվով, և հույս ունեք, թե նա կբանեցնի ուրի՜շ լեզու, երբ որ դուք կոնակ եք դարձրել ձեր միակ ու հզոր բարեկամին և մերկ ու անպաշտպան ընկած եք իր ոտքերի տակ: Դուք հույս ունեք, թե մեզ կհաջողվի հասկացողությա՞ն գալ թուրքի հետ: Ի՞նչ հասկացողություն, ի՞նչ փոխըմբռնում: Թուրքի հետ փոխըմբռնո՞ւմ աջողեցնել: Բայց այդ ի՞նչ հիմքով պիտի աջողեցնենք, երբ թուրքը իր հավատի մոլեռանդությամբ ու շարագործի իր բնազդներով մեզ հիմնահատակ ոչնչացնել և աշխարհի երեսից ջնջել էր ուզում դեռ այն ժամանակ, երբ կարծում էր, թե մենք մի խեղճ ու անճար հպատակ ենք, իսկ այժմ գիտե՜ ու համոզված է, որ մենք բոլորովին էլ խեղճ չենք և հատկապես անճար չենք, այլ գիտենք ու պահանջում ենք մեր պատմական

իրավունքները, կովում ենք նրանց հաստատման համար, և մեր այդ կովին էլ սատար ենք կանգնեցրել ամբողջ աշխարհի արդարամիտ մարդկանց կարծիքը: Ճիշտ է, դա դեռևս հզորների՝ կարծիքը չէ, քանի որ այսօր, դժբախտաբար, արդարությունն ու հզորությունը համանիշներ չեն: Բայց չէ՞ որ թուրքն այնքան էլ հիմար չէ, որ մտածի, թե արդարությունը, մանավանդ, աշխարհի վանազան մասերում բարձրացած իր աղաղակով, դատարկ բան է՝ անարժան ուշադրության առնելու: Վերջապես, չէ՞ որ մենք ենք եղել, որ մեր ամբողջ կյանքի ընթացքում կովել ենք թուրքերի դեմ... Մենք ի՞նչ վստահություն կարող ենք ներշնչել թուրքերին, ինչո՞ւ պիտի նրանք ավելի ցանկանան բանակցել մեզ հետ, քան ոտքի տակ տալ ու անցնել՝ միավորվելու իրենց ցեղակիցների հետ: Թերևս հաշվի առնելով մեր ո՞ւժը: Բայց թուրքերը տեսան այդ ուժը և, կարծեմ, առանձնապես պատկառելու պատճառ չունեն:

Եվ հետո էլ, թո՛ւրքն է միայն, որի հետ մենք հին վեճ ունենք, և այն անհնար է լուծել, կամ գոնե մենք՝ մեր կուսակցությունամբ հանդերձ, չենք կարողանում լուծել: Երանի՛, թե այդպես լինեն:

Վրաց ժողովուրդը մեր հին ու վստահելի բարեկամն է: Նրա հետ մենք դարեր շարունակ ապրել ենք իբրև բարեկամ հարեւաններ և կապրենք անվերջ ու հավիտյան՝ առանց ետ նայելու: Սակայն այսօր նրա ղեկավար մենչևիկներն ուրիշ հովերով են առաջնորդվում. նրանք ուզում են ամեն կերպ ապահովել իրենց գերիշխող դիրքն Անդրկովկասում, իրենց սահմաններն ընդարձակել համեմատաբար թույլ մրցակցի՝ Հայաստանի հաշվին և Գերմանիայի հովանավորությամբ ու թուրքերի աջակցությամբ կազմել մի պետություն, որի համար սարսափելի շինի ո՞չ անկախ առանձնությունը, ո՞չ էլ դաշնակցելը որևէ հզոր տերության հետ: Մուսավաթի Ադրբեջանն էլ բնականորեն ձգտում է մերձենալ Թուրքիային, կապվել նրա հետ Հայաստանի վրայով, Հայաստանի դիակի կամ գոնե հայկական այն մարզերի՝ Նախիջևանի, Զանգեզուրի, Ղարաբաղի ու հին Ուտիքի վրայով, որոնց կորստից հետո էլ, պարզ է, շնչահեղձ պիտի արվի Հայաստան կոչված այն խրտվիչակը, որ կուշ եկած է լինելու Վեհիբի ու Խալիլի գծած խղճուկ տարածքի վրա՝ Արարատյան դաշտի կեսում ու Սևանի արևմտյան ափին:

Ահա ա՛յս է իրականությունը: Եվ մենք համարձակվում ենք այս դաժան իրականության մեջ մեր ազգի բախտի տնօրենը դառնալ: Իրավասո՞ւ ենք դրա համար: Ո՞ւժ ունենք այդ պատասխանատու, ճակատագրական դերը ոչ միայն ստանձնելու, այլև հաջողությամբ իրականացնելու:

Ցավալի ու ամոթալի է խոստովանել, բայց փաստն այն է, որ մենք դեռևս չենք հասունացած մեր վեճերը հարթելու համար: Գեռևս անհրաժեշտ է մի արտաքին ուժ, արտաքին հեղինակություն, որպեսզի գա ու Անդրկովկասում ազգամիջյան խաղաղություն ապահովի:

Ես հասկանում էի վրաց մենչևիկներին, առավել ևս ադրբեջանական մուսավաթականներին, երբ նրանք ճակատի զոռով փորձում էին կտրվել Ռուսաստանից: Նրանք ինձ չափ խելք ունեն, իհարկե, և գիտեին, որ ռուսական ազդեցությունից դուրս եկած Անդրկովկասում խոսքը պատկանելու է Թուրքիային: Գիտեին, մանավանդ որ նրանց անդադար այդ քայլին է մղում հենց Թուրքիան: Գիտեին, սակայն չէին վախենում: Պարզապես պատճառ չունեին վախենալու: Ազգայնական ադրբեջանցիների համար դա ամենից հրապուրիչ, ամենաերանելի հեռանկարն է: Վրաստանը, թերևս հրաժարվելով Զաքաթալայից՝ հօգուտ Ադրբեջանի և Աջարիայից՝ հօգուտ Թուրքիայի, բայց միաժամանակ կլորացնելով իր սահմանները ի հաշիվ Հայաստանի, կարող է կազմել մի շատ կոկիկ պետություն և, շնորհիվ հաջող աշխարհագրական դիրքի, լեռներին ու ծովին հենված, ազգայնորեն ամփոփված իր մեջ, ապրել ու զարգանալ Թուրքիայի կողքին, առանց նրան վնասելու, հետևապես և առանց նրանից լրջորեն վտանգված լինելու: Իսկ Հայաստա՞նը: Նույնը կարելի՞ է ասել Հայաստանի մասին, որը խրված է հայակույ Թուրքիայի ու մուսավաթական Ադրբեջանի միջև, խանգարում է թե՛ մեկին, թե՛ մյուսին և որ այնքա՞ն հեշտությամբ կարող է վերացվել մեջտեղից...

Այն օրը, երբ Անդրկովկասյան միացյալ հորջորջված կառավարությունն իրեն կտրեց Ռուսաստանից, և ռուսական զորքերն ու վարչական մարմիններն սկսեցին ետ քաշվել Անդրկովկասից, այն օրը հայ ժողովրդի և ապագա Հայաստանի գոյությունը վտանգի տակ դրվեց մեծապես:

Նրանք ասում են.

— Դու միշտ երազող ես եղել և ուսական պետութեան հետ ես կապում քո բոլոր երազները: Այդ ուսական պաշտոնեութեանը չէր, որ մի քանի տասնամյակ առաջ փակել էր մեր դպրոցները և ուզում էր գերեզման դնել մեր ազգային կյանքի ինքնուրույնութիւնը:

Իսկ ես ասում եմ.

— Ո՛չ և հազար անգամ ո՛չ. ես՝ երազողս, Ռուսաստանի հետ կապում եմ իմ ո՛չ բոլոր երազները. որովհետև դա կլինէր պորտաբուծութիւն: Ես Ռուսաստանի գոյութեան հետ կապում եմ իմ ազգի ֆիզիկական գոյութեան ապահովութիւնը: Եվ ձե՛զ չէ, որ պիտի հիշեցնեմ. այսպես էին մտածում մեր ազգի բոլոր իսկական մեծերը: Աբովյանն օրհնում էր այն ժամը, երբ ուսն իր ոտքը դրեց հայոց հողի վրա: Որովհետև այդ ժամից սկսած հայ ազգի գոյութեան հարցը զադարեց հարց լինելուց: Հովհաննէս Թումանյանը՝ մեկն ամենապայծառ այն մտածողներից, որոնք ծնվել են հայ մոր արգանդից, համոզված է, որ հայը միայն ուսի ու Ռուսաստանի հետ կարող է ապրել իբրև ինքնուրույն ազգութիւն և ամենասքանչելի բաներն է մաղթում Ռուսաստանին, քանի որ համոզված է նաև, թե որքան ազատ ու լուսավոր լինի Ռուսաստանը, այնքան լավ նրա բարեկամի համար, այնքան լավ ու բարի նաև աշխարհի համար, որովհետև այդ մեծ մարգարեն տեսնում է, որ Ռուսաստանն աշխարհին ևս ասելիք ունի... Դուք կարող եք ասել՝ Աբովյանը չգիտեր մեր կուսակցութեան ու նրա ազատագրական ծրագրերի մասին: Իսկ Թումանյանը... Հետո էլ, չէ՞ որ մեր կուսակցութեան մեջ ևս կային ու կան գործիչներ, որոնց մտահոգութիւնն է՝ ազգի ճակատագիրը կապել Ռուսաստանի հետ: Նրանք ամեն ջանք գործ էին դնում, որ նոր Ռուսաստանն իր ձեռքը վերցնի հայոց բախտի տնօրինութիւնը: Կարծում եք, որ Արամին մեր համազգային ղեկավարութեան շարքից հանեցիք և գավառապետական իրավունքներով ուղարկեցիք Երևան, դրանով ձեր շարքերը մեկընդմիշտ մաքրեցի՞ք այլախոհներից:

Ինչ վերաբերում է դպրոցներին, այստեղ էլ ցարական կառավարութեան ազգահալած քաղաքականութիւնը փնովելիս եկեք չմոռանանք նաև մեր ապիկարութիւնը: Ցարի գործակալները ոչ թե հայկական դպրոցները փակեցին, այլ բաց արին ուսա-

կան դպրոցներ: Եթե մենք չէինք ցանկանում այդ դպրոցները, մեր երեխաներին չպիտի կտրեինք մեր ազգային դպրոցից: Եվ, եկեք նաև ազնիվ լինենք, անկախ ու ինքնուրույն գոյության թմբկահարներդ երբ ձախողվում եք, պետք է քաջություն ունենաք ձեր վիճակի վրա բաց աչքերով նայելու, չվախենաք նրա մասին ճշմարտությունը լսելուց, եթե ինքներդ ի վիճակի չեք այդ ճշմարտությունն ասելու:

Դուք համոզված եք, որ Ռուսաստանի ներկայությունն Անդրլիովկասում կարող է շատ զիջումներ պահանջել մեր քաղաքական ու ազգային ինքնուրույնությունից: Ես ձեզ հավատացնում եմ, որ մոլորություն է այդպես մտածելը: Ոչ մի տեղ ազդերի դաշնակցութունը, որ միջազգային հարաբերություններում կոչվում է ֆեդերացիա, չի նսեմացնում դաշնակիցների ինքնուրույնությունը: Իսկ չունեցած քաղաքական ինքնուրույնության մի մասի կորստի վախը մեզ չպետք է խրտնեցնի՝ թույլ չտալով որևէ լուրջ քայլ ձգելու այդ բնագավառում: Մի՞թե մենք երբեք էլ չպետք է փորձենք հասկանալ շատ կարևոր մի ճշմարտություն. պատմությունն ունի իր տրամաբանությունը, որ մենք անզոր ենք փոխելու: Ամենաշատը, որ կարող ենք անել ու պետք է անենք, դա այն է, որ հասկանանք, հաշվի առնենք ու օգտագործենք կարելին: Անհնարին ցանկալիի հտևից վազելով՝ չկորցնենք հնարավոր իրականը ձեռք բերելու և նրանով մեր ազգային կյանքը կազմակերպելու շոշափելի հնարավորությունը:

Ասում են.

— Ռուսաստանն այսօր ինքը խարխափում է լինելության բավիղներում, և միայն անխոհեմ քաղաքագետը կարող է նրա հետ կապել շատ թե քիչ կարևորություն ունեցող որևէ հեռանդկար:

Իսկ ես համոզված եմ, որ այսօր չէ վաղը ոտքի է կանգնելու Ռուսաստանը և վերստին դառնալու է մեր միջավայրի (ես նկատի ունեմ Անդրկովկասն ու հարակից երկրները) հարցերի համար ամենավճռական խոսքի տերը: Դուք չե՞ք տեսնում այդ օրը, ուրեմն լավ չեք ճանաչում այս աշխահի շարժիչ ուժերն ու նրանց շարժման ուղղությունը: Դուք սարսափում եք այսօրվա Ռուսաստանում գլուխ բարձրացրած ուժերից: Ավելի վատ ձե՞զ համար: Կնշանակի՞ դուք, դարձյալ գործը թողած՝ գործիքին եք ծառայում: Ե՞ս եմ մոլորվել, ե՞ս եմ հավատափոխու:



Թշան ենթարկվել: Բայց ես այսօր ուրիշ բան չասացի, քան ասում ու մտածում էի երեկ: Այն հիմնական գաղափարը, որ ղեկավարել է ինձ երկար տարիներ, ղեկավարում է նաև այսօր: Ես չունեմ նոր պաշտամունք, չեմ կառուցել նոր կուռքեր, մնում եմ հավատարիմ իմ դավանած «հին աստվածներին»: Այն, որ նոր է թվում ձեզ, ինձ համար նույն հինն է, հնի շարունակութունը, զարգացումը:

Իսկ եթե այնպես պատահեր, որ ես այսօր ստիպված լինեի ասելու ուրիշ բան, քան երեկ եմ ասել, մի՞թե այդ քայլս էլ պետք է ենթակա լիներ դատապարտության: Մենք կյանքի մեծ ճանապարհ ենք բռնել և անցել ենք նրա ոչ քիչ մասը, որը երևի թե ամենադժվարն էր, ամենասարսափելին, հատկապես մեր ազգի համար: Եվ ինչո՞ւ այսքանը մեզ չպետք է մի բան սովորեցնեն: Թեթևամտություն կամ փոփոխամտություն է, արդյոք, խրատվել, դասեր առնել անցյալից, ճանաչել իրականությունը և ըստ այնմ վարվել: Եվ ի՞նչ մի առաքինություն է պնդել, թե այսօր իրավունք չունենք այսպես մտածելու, որովհետև երեկ այլ կերպ ենք մտածել: Այդ ի՞նչ անձեռնմխելի ու սրբազան արժեք է ներկայացնում մեր երեկվա մտածածը, որ չի կարող վերականգնատել կամ տեղի տալ նոր, ավելի լուրջ ու հավասարակշիռ մտածումներին:

Երբեք էլ մեղք չէ, ոչ էլ ամոթալի, եթե մեկը, բարեխղճորեն ու անկեղծորեն վերաքննելով նույնիսկ իր հավատը, տեսնի, որ իր պաշտած աստվածները կուռքեր են եղել, և գնա պաշտելու նոր աստվածներին: Եթե ինձ հետ պատահեր այդ բանը, ես չէի վախենա կրոնափոխի անունից ու բացահայտորեն կերթայի աղոթելու իմ նոր եկեղեցում: Սակայն հաճախ այնպես է պատահում, որ փոխում են ոչ թե եկեղեցին, այլ միայն քահանաներին ու ժամկոչներին, որոնք եկեղեցու հասարակ սպասարկողներն են և ուրիշ ոչինչ:

Նրանք ինձ կոչեցին համառ մարդ և ձեռք թափ տվին՝ մտածելով, որ ես ծուռ ճանապարհ եմ բռնել և ետ պիտի կանգնեմ միայն այն դեպքում, երբ քիթս դեմ առնի որևէ անհարմար տեղի:

Ա՛յ, սա՛ որ մոլորություն է: Ես ոչ միայն համառ չեմ, այլև շատ ենթարկվող, ուրիշներին լսող ու շրջվող, եթե նվազագույն կասկած կա մեջս իմ բռնած դիրքի վերաբերմամբ: Փորձով գի-

տեմ, թե որքան դժվար է ըմբռնել իրականութեան գաղտնիքները և միշտ հակված եմ ենթադրելու, թե ընկերս ինձանից շատ բան գիտե, ինձանից ավելի լավ է հասկանում մեր անելիքը: Բայց եթե համոզված եմ, որ սխալվողը ոչ թե ես եմ, այլ դիմացինս, այստեղ այլևս ի՞նչ գիջեմ: Համառութիւնն չէ սա, այլ պարտաճանաչութեան ու սկզբունքայնութեան այն պարտադիր որակը, որի հակառակը պետք է կոչվի անբարոյականութիւն»:

\* \* \*

\*

Հովհաննէս Քաջազնունու նման մարդիկ բնավորութեան կամ տրամադրութեան մեծ տատանումներ չեն ունենում: Ասենք եթե երեկ իրենց երջանիկ են զգացել, ապա այսօր պարուրվեն թախծութեամբ: Առավել ևս՝ նրանք այսօր չեն մերժի այն գաղափարը, որին նախապատվութիւն են տվել երեկ ու մեկել օրը: Նրան այդպես էին ճանաչում կուսակիցներն ու բարեկամները: Նրան վստահում էին, որովհետև ամեն պարագայի վրստահելի են հոգու և ոգու ողնաշար ունեցող մարդիկ:

Սակայն վերջին օրերին նա նույնիսկ իր համար էլ դարձել էր անճանաչելի: Մայիսի 28-ի ժամը 12-ին, երբ Թիֆլիսում հռչակում էին Ավետիս Ահարոնյանի, Նիկոլ Աղբալյանի, Ալեքսանդր Խատիսյանի և իր գրած բանաձևը Հայաստանի կառավարութիւնն ստեղծելու մասին, նա Ահարոնյանից ո՛չ պակաս ոգևորված էր, խանդավառ ու, մանավանդ, ռոմանտիկ: Եվ այնպես էր կարծում, թե արդեն գտնվել է հայ ազգը փրկելու միակ ու անբեկանելի ճանապարհը: Իրավ է, որ շուրջը դեռ խեղճութիւնն է, գաղթականների անորոշ վիճակ, մի բռն դարձած երկրից գալիս են միայն տազնապալից լուրեր: Սակայն ստեղծվող կառավարութեան, այսինքն՝ նոր պետութեան պատկերի հետ հնարավոր էր համարում կապել առավել կամ պակաս անմշտու մի հեռանկար, համազգային կյանքի ստեղծման, նրա զարգացման ու բարգաւաճման հնարավորութիւններ: «Թե մեզ չվիճակվի էլ այսքանը տեսնել, հույսն ու վճիռը պահ կտանք հաջորդ սերնդին,— մտածում էր նա և իբրև ճարտարապետ էլ գտավ մի հարմարագույն տարբերակ:— Մենք այդ սերուն-

դին ժառանգություն կթողնենք շքեղ ուրվագիծն ու հանգամանալից նախագիծն ազգային կյանքի այն շինության, որը կկառուցվի, անպայման կկառուցվի, որովհետև մենք պետություն կունենանք մեր փոքրիկ երկրում, մեր վերածնված սեփական պետությունը մեր ավանդական հողի վրա»:

Սակայն եկավ Բաթում, տեսավ թուրքերի հայատյաց մոտիկները, ծանոթացավ հարևանների զգուշավոր, մեծ մասամբ գաղտնի, ծուռ-ծուռ քայլերին, և նախօրեի խանդավառությունը հօդս ցնդեց, սրտին իջավ մի ծանր մտատանջություն, որից փրկվելը թվում էր անհնար... Պատկերն իր լրումին հասավ ֆերիկ Վեհրիի ու Խալիլ փաշայի մոտ, երբ, իբրև իրենց հետունեցած անդուր դրույցի եզրափակում, այդ անպատկառներն ապագա Հայաստանի համար ցույց տվին անձուկ, գերեզմանային մի սահմանագիծ և առաջարկեցին նրա վրա կանգնեցնել սև խաչով դրոշակ...

Ի՞նչ ահավոր ժամեր ապրեց դրանից հետո, ինչպիսի՜ հիասթափություն: Ասենք, դա հիասթափություն էլ չէր, քանի որ նման զգացում ունենում են նրանք միայն, ովքեր ավելի վաղ ապրել են հիացումի անխառն բերկրանքը: Նա նման էր այն մարդուն, որ կործանումից հետո ոտքի է կանգնել, գտել համասարակշռությունը և պիտի քայլ գցի դեպի առաջ և հանկարծ մեջքին նոր մի հարված առնելով՝ վայր է ընկնում ու թվում է, թե պիտի խառնվի հարյուր տարվա մեռելներին...

Եվ եղավ նոր արտասովորն ու անսպասելին:

Առավոտյան, հենց Խատիսովի ավելորդ պատեպատ զարկվելու, հարևանների խուսափուկ ու մութ գործողությունների և նույնիսկ թուրքերի հյուսած մղձավանջի պայմաններում իր հողին պարզվեց, ասես հորիզոնում բացվեց մի փոքրիկ արև, որ մազում էր սրբազան լույս ու սրտապատար ջերմություն... Եվ ո՞րն էր ակունքը, ի՞նչը դարձավ սկիզբն այս վճռական, այս անպայման վճռաբեկ շրջադարձի: Ա՛յն, որ հուսահատության ծանրագույն պահին ներսում ծառս եղավ ընդդիմադիր ոգին և իրեն այսպիսի հարց տվեց. «Իսկ դու ի՞նչ էիր սպասում: Ի՞նչ էին սպասում նրանք, որ քեզանից առաջ ու ամենքից առաջ իրենց կյանքը դրել էին հայրենյաց սրբազան զոհասեղանին: Քանի՜ տասնյակ տարիներ հեղվում էր նրանց արյունը, ազատագրական կռվի զնացած կամավորների, ֆիդայիների ու հայ-

դուկները արյունը: Մի՞թե աշխարհի այդ ամենասուրբ նահատակները, նրանց առաջնորդներն ու շարքայինները բռնության ու խավարի թագավորության մեջ ավելին էին երազում, քան սեփական պետականությունն այս արևի տակի, մեր հին ու դժբախտ հայրենիքի որևէ մասում: Ավելին չէ՞ն երազում: Չէին է՛լ կարող, որովհետև, որքան էլ անուղղելի երազողներ, նրանք բաց աչքերով էին նայում աշխարհին և տեսնում էին, թե ինչպես աշխարհի տերերից յուրաքանչյուրը լոկ իր շահն է փնտրում պատերազմի դաշտերում ու քաղաքական շուկաներում: Իսկ մեր ազգի լացն ու օգնության կանչը լավագույն դեպքում ոչինչ չպարտադրող ցավակցության էին արժանանում, ուրիշ ոչնչի:

Ուրեմն, եթե ծնվում է պետականությունը, և դու էլ մասնակցություն պիտի ունենաս նրան ոտքի կանգնեցնելու, նրա առաջին քայլերը կատարելու երազելի գործի, ուրա՛խ եղիր հենց դրա համար: Դա քո մեծագույն երջանկությունն է, այնպիսի մի բախտ, որ ազգի պատմության մեջ վիճակվում է շատ քչերին: Երևի ճակատագրի ընտրյալների՛ն:

Պապաշանովը կարող էր զարմանալ Նովհաննես Քաջազնունու զարմանալի վերափոխության վրա:

Բանագնացության մեջ արդեն իրեն ուսուցչապետի դերում պահող Խատիսովը թերևս իր ծառայությունը համարեր գործընկերոջ վերածնունդը և կենտրոնական ղեկավարությանը գրեթե իրենց տրամադրությունը շատ բարձր է, և մանավանդ ինքն ու Քաջազնունին թուրքերի բարյացակամությամբ վարձատրված են ու նրանցից շնորհակալ...

Իսկ ինքը՝ Քաջազնունին, ներքնապես համոզված էր, որ իր վերածնունդով պարտական է կուսակցական նախնիների, կամավորական շարժման, ֆիդայական արյան ոգեկոչումին: Ի հեճուկս թուրքաց, ի հեճուկս հարևանների՛, ի հեճուկս աշխարհի շարունակյալն ու ամեն տեսակ խարդավանքների՛:

\* \* \*

Միջօրեից հետո Արարատյան երկրի բոլոր կողմերից, գյուղերից ու ավաններից, վանքերից ու եկեղեցիներից հայ ժողովուրդն առու-առու հոսում էր դեպի Վաղարշապատ՝ հինավուրց

Նոր-քաղաքը: Բազմությունները հորդում էին դեպի Մայր տաճարը, որն այլևս անզոր էր տեղ տալու նորեկներին, և ալիքները կուտակվում էին տաճարի շուրջը, Սուրբ Գայանեի ու Սուրբ Հռիփսիմեի վանքերի բակերում, դրանք իրար միացնող փողոցներում ու հրապարակներում: Զանգահարները դեռևս առավույան մի փոքր դադար տալով յոթնօրյա անդադրում զողանջին, հայտնել էին, որ իրիկնադեմին էջմիածնի Մայր տաճարում պատարագի արարողություն է լինելու ի պատիվ հայ ազգի մեծ հաղթանակի: Այդ ավետիս-հայտարարության վերջին բառերը խառնվել են վերստին նորոգված զանգազողանջներին, որոնք այլևս չպետք է թողնեին, որ մարդիկ հանգիստ առնեն սեփական օջախներում:

Ետճաշյա ժամը շորսին պատարագամատույց հոգևորական խումբը ելավ վեհարանից և շարժվեց դեպի Մայր տաճար՝ ճանապարհի կուտակ-կուտակ դարձած բազմությունը ճեղքելով: Օրերաց բակն ու այգին սփեափ հեղեղած ժողովուրդը: Այս աշնտեղ «ողջուն» և «կեցցե՛» կանչեցին Գևորգ Տփղիսեցի կաթողիկոսի պատվին:

— Փա՛ռք Ամենայն հայոց վեհափառ և սուրբ հայրապետին:

— Կեցցե՛ մեր հայրենյաց պաշտպանը...

Սակայն որքան թափորն առաջ էր շարժվում, այնքան պաշտում էր կաթողիկոսի անունը: Մարդիկ իրար տալով բազմության խորքերին հասցրին, որ վեհափառը տկար է, և պատարագի արարողապետն է լինելու Գարեգին սրբազան Հովսեփյանը: Հիմա էլ հավատացյալ ծովի ալիքների վրա սրբազանի նոր անունն էր թևածում.

— Փա՛ռք ու պատիվ մեր օրերի սուրբ Ղևոնդին:

— Կեցցե՛ Ղևոնդ-Գարեգին սրբազանը, հայ ազգի պարծանքը:

Սրբազանը, փոքրամարմին ու վտիտ, շրջապատված հոգևոր դասի տարբերաստիճան ներկայացուցիչներով, մոռալ զանգվածի մեջ վեհարանից գնում էր դեպի մայր աթոռը: Տրդատա դռան կամարի տակ թափորը կանգ առավ մի երկվայրկյան, որպեսզի ժողովուրդը ճանապարհ տա: Սրբազանը, վեղարի ճակատամասը բարձրացնելով, նայեց աջ ու ձախ, ետ ու առաջ, տեղից շարժվեց, և նրա դեմ, իրար հրելով, մարդիկ մի նեղ ակոս բացեցին:

Գարնան վերջն էր, սակայն Վաղարշապատի վրա տարածվել էր ամառային տոթը: Իրար սեղմված մարդիկ հետև էին: Քրտնած ու փոշեթաթախ էին, քաղցից ու անցյալ դժնի դեպքերից հյուծված: Սակայն հաղթանակը կյանք էր ներարկել նրանց ուժասպառ մարմինները: Գաղթական մեռնող խլյակները լցվել էին նոր ավյուռով, իրար աչքալուսանք էին տալիս, երազում էին այն օրը, որ շարժվելու են դեպի հարավ, դեպի լքած հարազատ օջախները:

Ցնծում էր ժողովուրդը: Տեղացի ու գաղթական խառնվել էին իրար, մոռացել դժգոհություն ու տրտունջ, կորստյան ցավ ու գալիքի անորոշություն... Իսկ սրբազանը քայլում էր գլխահակ՝ առայժմ սոսկ իրեն հայտնի լուրից զարկված և չգիտեր, թե ի՞նչ պիտի պատասխանի այս խաբված բազմություններին, եթե հանկարծ... Օ՛, ո՛չ, աստված թող շարը խափանի:

Երկու ժամ առաջ գնացել էր Գևորգյան ճեմարան: Ուզում էր գոնե թռուցիկ հայացքով ստուգել այդ ուսումնական հաստատությունից շենքի վիճակը: Չէ՞ որ հույս ուներ, թե շուտով, թեկուզև մեկ-երկու ամիս հետո հաղթանակած ժողովուրդը կվերադառնա իր խաղաղ կյանքին, կսկսի մշակել իր դաշտերն ու այգիները, կբացվեն մեծ ու փոքր դպրոցների դռները... Կբացվի նաև իր տնօրինությունը հանձնված Գևորգյան ճեմարանը: Եվ անհանգիստ, հոգու հայացքը միշտ վաղվան հառած մարդն ուզում էր իմանալ, թե շենքն ի՞նչ վիճակում է գորանոց ու ռազմաճակատի շտաբ դառնալուց հետո, ինչի՞ կարիք ունի, որպեսզի պատրաստ լինի տարտղնված իր սաներին վերստին գիրկն ընդունելու: Բակում հանդիպեց Երեանյան ռազմաճակատի շտաբի պետ Վեբիլյանին: Մոռյլ էր ծերունազարդ գնդապետը, որ ուրիշ պարագաներում սրբազանին դիմավորում էր սրտագին խոսքով ու անշինձու աշխույժով: Ճերմակ հոնքերը կախ՝ ողջունեց գլխի թեթև շալ՝ումով և անշտապ հեռանում էր: Սրբազանը զարմացավ:

— Աչքներս լո՛ւյս, գնդապետ, մեր ազգի հոնքամեջն էլ կբացվի,— ետևից կանչեց նա, և գնդապետը կանգնեց, տխուր, խորհրդավոր տմբոմբացրեց գլուխը:— Ի՞նչ է պատահել, գնդապետ մի՞թե ազգի ուրախությունը ձեզ չի վարակել:

— Ազգն անժամանակ է ուրախանում, սրբազան:

— Ինչու՞,— սրբազանը չհավատաց ականջին և փորձեց կա-

տակել:— Հիմա էլ հո նոր առաջարկութ՞յո՞ւն շունեք Մայր տա-  
ճարը տեղահանելու:

Վեքիլյանը մոտեցավ համրաքայլ. նրա զինվորական ծանր  
կոշիկները հողաթափների նման քսքստացնում էին միայն: Մո-  
տիկից զառամյալ ծերունի էր գնդապետը, այտերի մաշկը կախ  
ու թորշոմած: Չայնն ավելի էր մատնում ծերութ՞յունը:

— Կարգադրված է մոռանալ հաղթանակը:

— Իսկ ո՞վ է այդ խելագար կարգադրութ՞յան տերը:

— Ազգի իմաստուննե՞րը:

— Բան չհասկացա:

— Մի ժամ առաջ Ահարոնյանի հեռագիրը հայտնեց, որ շյատ-  
վիրակութ՞յունը ճանապարհվել է Բաթում՝ զինադադար ու հաշ-  
տութ՞յուն կնքելու: Հիմա էլ Կարսից հեռախոսեցին, որ պեսզի  
դադարեցնենք պատերազմական գործողութ՞յունները:

— Կա՞րսը մեր ինչ ցավն է: Կարսի՞ց ով կարող է այդպիսի  
թշնամութ՞յուն անել:

— Գնենրալ Կորգանովն էր խոսում Ալեքսանդր Խատիսովի  
անունից: Ասաց՝ Խատիսովը Բաթումից է զանգահարել, և խընդ-  
րեց այդ կարգադրութ՞յունը հասցնել Արամին, գեներալ Նազար-  
բեկովին ու բոլոր հրամանատարներին:

Գնդապետին կանչեցին շտաբից: Սրբազանը ճեմարանի բա-  
կից հեռացավ կոտրված սրտով, և ահա երկու ժամից ավելի է,  
չի կարողանում ուշքի գալ, գտնել իրեն հատուկ ինքնատիրապե-  
տումի ուժը: Չգիտեր՝ ո՞վ և ինչպե՞ս պիտի կանգնի այդ անձ-  
նատվական կարգադրութ՞յան դեմ, շարունակի հաղթական պա-  
տերազմը, մինչև որ ամբարտավան թուրքը ճանաչի հայի իրա-  
վունքը, մինչև որ հայոց աշխարհն ազատ շունչ քաշի, իր տա-  
րագիր զավակների համար վերստին դառնա տուն ու օջախ...

Տրդատա դուռն տակով անցնելիս սրբազանը նայեց հազար-  
ամյա կամարին, մտքում ինքնասպիտիանքի խոսքեր մրմնջաց  
և միտքը շարունակեց բարձրաձայն.

— Ո՞վ սուրբ ամենակարող, դո՞ւ խափանես շարը...

Մայր տաճարը թնդում էր խուռներամ բազմութ՞յան խոսք ու  
աղմուկից: Կաթողիկոսական տեղապահ Տիրայր արքեպիսկո-  
պոսը բեմառաջ դուրս գալով՝ ադամանդադարդ խաչը բարձ-  
րացրեց, որպեսզի լուռութ՞յուն հաստատվի: Ժողովուրդը շարու-  
նակում էր աղմկել:

— Ա՛ղգ հայոց:— Աղոթասրահում կարգուկանոն հաստատող կամավորներ հայտնվեցին, որոնք այս ու այն կողմ նկատողութիւն էին անում, սաստում ու խրատում:— Եղբայրք սիրեցյալք:— խոսել սկսեց մեծափարթամ արքեպիսկոպոսը, — տասն օր է ընդամենը, որ մահահոտ տազնապը լցվեց Արարատյան երկիր, և Ամենայն հայոց կաթողիկոս Գեորգ Տփղիսեցին հենց այստեղից, մեր տեր ու ամենափրկիչ Հիսուս Քրիստոսի աստվածային լույսի Իշման տեղից պատգամեց ազգովին կովել թշնամու դեմ... Տասն օր, որ ձգվեց տաս դարու պես՝ փորձելով մեր հավատն ու կամքը, մեր ուժն ու հայրենասիրութիւնը: Եվ ահա մենք ամենեքան, մեր հավատացյալ ամբողջ ազգով ապրում ենք հաղթանակի բերկրանքը: Փրկված է Արարատյան երկրի այն մի բուռ ամբողջութիւնը, որ դարեր առաջ մտել է համայն քրիստոսնեից աշխարհի Աստվածաշունչ մատչանը՝ իբրև մեր ազգի ավանդական ու սուրբ հայրենիքի անկորնչելի կորիզը:

Երիտասարդ ու եռանդուն մի վարդապետ առաջ եկավ և ձեռքերը կրծքին խաչեց, նորից տարածեց:

— Ա՛ղգ հայոց, — հասարակութեանը դիմելով՝ խոսեց նա, — սուրբ սրտիւ և անհողղողդ հաւատով կացցուք միաբան յաղօթս և փառաւորեսցուք զամենափրկիչ Աստուած: Փա՛ռք ամենայն զորաւարաց մերոց, և զօրաց, և զինուորեալ աշխարհականաց: որք միակամ եղին զանձինս իրեանց պատարագ կամաւոր ի սեղանի փրկութեան ազգի մերոյ...

Երիտասարդ վարդապետը մի քանի քայլ ետ գնաց, և սուրբ սեղանին մոտեցավ Գարեգին եպիսկոպոս Հովսեփյանը: Անզուսպ ժողովուրդը ծփում էր, ալիք տալիս: Աղոթասրահում ուրոտաց միահամուռ ու միակամ գոչունը.

— Կեցցե՛ Գարեգին սրբազանը:

Սրբազանը երկու ձեռքերը վեր պարզած՝ խնդրեց լուութիւն պահպանել:

— Փա՛ռք Գարեգին Հովսեփյանին, փա՛ռք, փա՛ռք, — հանկերգում էր հասարակութիւնը սրահում և նրանից դուրս:

Սրբազանի դալուկ դեմքին անհանգստութիւն կար ու անանձնական մի տազնապ:

Աղոթասրահը լռեց վերջապես: Այնպիսի անդորր էր, որ լսելի էին արդեն դրսինների քրթմնջոցները:

Հնչեց Գարեգին սրբազանի երգեցիկ ու տիրական ձայնը.



— Փա՛ռք քեզ, հայր ամենակալ, որ պարգևեցէր մեզ զհաղթական զօրս զայս տեսանել բարեաւ և խաղաղութեամբ:

Գպիրների խումբը երգեց.

— Օրհնեա՛լ է Աստված...

— Տե՛ր աստուած մեր, — նորից խոսեց Գարեգին սրբազանը, և դեմքը, հայացքը, ամբողջ կեցվածքը արտահայտում էին ցավ ու տառապանք:— Դու Ամենափրկիչ, յիշեա՛ ողորմութեամբ քո զհոգիս բազմերամ նահատակաց մերոց՝ ազնվականաց և հասարակաց, որք եղին զանձինս իւրեանց ի սեղան փրկութեան ազգին, լուսեղէն և երկրային պսակացն արժանի՛ս արա զնոցա:

— Յիշեա՛, տէր, և ողորմեա՛, — պաղատագին երգեցին դրպիրները:

Ապա երկու քայլ առաջանալով՝ սրբազանը բազմությանը դիմեց հայրենասիրական մի ճառով, որի մեջ հառնում էին հին ու նոր ժամանակների մեր հայրենապաշտպան հերոսների կերպարները՝ Հայկ և Արամ, Վաղարշակ և Տիգրան Մեծ, Վարդան Մամիկոնյան և Քազրատունյաց ասպետները, Կիլիկյան իշխանապետության գահակալները և ուշմիջնադարյան մեր ազատամարտերի անվանի հերոսներն ու անանուն նահատակները:

— Եկել էր ժամը՝ ապացուցելու, որ մենք մեր ազատասեր ու հերոսական նախնիների ժառանգներն ենք հարազատ, — այսպես իր խոսքն էր շարունակում Գարեգին սրբազանը:— Եկել էր ժամը՝ ապացուցելու, որ մենք, թեպետ և կիսով չափ զոհ գնացած թուրքի յաթաղանին, մյուս կիսով՝ ենթակա նույն դժխեմ բախտին, կարող ենք ոտքի կանգնել ազգովին՝ զորավար ու զինվոր, մտավորական ու եկեղացական, կին ու տղամարդ, ծեր ու մանուկ և կասեցնել անարգ թշնամու առաջխաղացումը: Մենք ոչ միայն կասեցրինք, այլև ետ մղեցինք: Հիմա թշնամին խուճապահար փախչում է մեր հերոսացած զորքի առաջ, և հեռու չէ այն օրը, երբ ետ խլած կլինենք մեր Ալեքսանդրապոլը, մեր Կարսը, մեր մնացած ավաններն ու շեները, գավառներն ու նահանգները: Պատմությունը գիտի՞ նման ուրիշ օրինակ, որ մահվան դուռը հասած փոքրաքանակ մի ազգ հանկարծ ոտքի կանգնի, հաղթի մեծաթիվ ու զինավառ թշնամուն, նրանից ետ իլի իր գոյատևելու իրավունքը: Ավարա՞յրը: Ավարայրի դաշտում հայ ազգն աշխարհին ցույց տվեց, որ ինքը պատրաստ է նահա-

տակվելու իր լեզվի ու հավատի համար, իր ազգային ինքնությունը պաշտպանելու համար: Սարգարապատում կատարվեց հաջորդ քայլը: Սարգարապատի դաշտում թշնամու դեմ ելած հայությունն ապացուցեց, որ կարող է հաղթել անցյալ հաղթանակներով հղիացած թշնամուն: Հաղթել՝ ո՛չ թե նահատակվելով, այլ հաղթությամբ պաշտպանել իր կյանքը, իր լեզուն ու հավատը, իր գոյության իրավունքն ու զարթոնքի հեռանկարը... Այս է Սարգարապատը, ա՛զգ հայոց...

—Փա՛ռք Սարգարապատի հերոսներին,— դահլիճում գոչեց տարեց մի մարդ, և հավաքվածներն այնպես արձագանքեցին, որ թվաց, թե Մայր տաճարը վերուվար է անում նրանց բարձրացրած փոթորկից:

\* \* \*

\*

Մահապարտների գնդի գումարտակները զինադադարի հրամանն ստացել էին այն ժամանակ, երբ իրենք, դիրքավորված Ադին ու Ալագյազ կայարանների գծի վրա, պատրաստվում էին սրընթաց գրոհով ետ նվաճել Ալեքսանդրապոլը: Զորքը նման էր ամռան երկար ճանապարհին պապակված նժույգի, որը հասել է լեռնային աղբյուրին, փոնչոցով դուռնը մեկնել նրա գուլալ ու սառնորակ ջրին... Սակայն հեծյալը, անխելթությունից թե չարությունից, սանձն իրեն է քաշում, չի թողնում, որ դուռնը խրվի ջրի մեջ: Նժույգը կարող է վրնջալ կատաղած, սանձը կկտրտի... Զորքը չի կարող: Զորքն իրավունք չունի: Զորքը պարտավոր է անմոռունչ ու անտրտունջ ենթարկվել վերին հրամանին:

Առաջապահները հետախուզության նպատակով բավական առաջացել էին, հասել Բայանդուր կայարան և նրանից էլ դեն: Ոչ մի թուրքի չէին հանդիպել: Հավաքել էին խուճապահար փախածների գեներներն ու զինամթերքի առատ պաշարները:

Վարանդեցի Արշակն էլ էր հետախուզության գնացածների մեջ: Խաշակապ արած փամփշտակալների քանի՛ շերտով էր ծածկել մարմինը, հավաքել էր մի փունջ հրացան, ընտիր, գործարանային յուղը վրան, անշուշտ այն մոսիներներից, որոնք թուրքերին բաժին էին ընկել Կարսի ու Ալեքսանդրապոլի ռուսական

պահեստներից: Թուրքերն էլ իրենց հերթին էին լքել՝ առանց գոնե սրտհովության համար մեկ անգամ կրակելու: Երբ Արշակն այս հրացանների ու փամփշտակալների տակ ճռուալով ու տնքալով բարձրացավ, կանգնեց, կարծում էր ոտքերը պիտի գետնի մեջ խրվեն:

Հավաքած զենքերն ու զինամթերքը բերին դիրքերը: Գլորելով այնտեղ հասցրին նաև երկու հրանոթ, դաշտային ծանր գնդացիներ: Արշակն իր բերածը խնամքով դասավորեց խրամատի պատրհաններում, որ փորել էր վերջին օրը, զինադադարի անմիտ կարգադրությունից հետո: Դասավորում էր ու մտածում, թե այս ի՞նչ եղավ, ո՞նց պատահեց: Ինչպե՞ս թե զինադադար է և ո՛չ մի քայլ առաջ: Բայց չէ՞ որ կռիվը թուրքի հետ է, իսկ նա էրզրումից մինչև Սարդարապատ հա՛ զինադադար էր հայտարարում, հա՛ շարժվում առաջ: Առաջ էր շարժվում հայոց երկրում: Շարժվում էր ու անխնա ջարդում, ավերում, տունուտեղից զրկում հարյուր հազարավոր անմեղ մարդկանց, որոնք կոտորվել են գաղթի ու սովի, տառապանքի ու համաճարակների ճանապարհներին, կամ սփռվել են օտար երկիրների տակ և սպասում են իրենց օրհասին: Հիմա ո՞նց թե զինադադար է և ո՛չ մի քայլ առաջ: Բայց չէ՞ որ մենք առաջ պիտի գնանք մեր սեփական երկրում, մեր ազգի արցունքով ու արյունով շողախված հողում: Զէ՛, այստեղ անպայման մի դավաճանություն կա, — մտածում էր Արշակը: — Երևի թուրքը կաշառել է վերին հրամանատարությանը կամ այն խորհրդին, որ ազգական են ասում թե ազգային: Բայց այս դեպքում մեր հրամանատարների՞ն ինչ է պատահել: Նրա՞նք ինչու են ենթարկվում դավաճանական կարգադրությանը: Մի՞թե կատաղած թուրքի մոութը ջարդողը չի կարող տանու դավաճանին մի ջվալի մեջ կապել ու տանել: Արարատի քերձերից վար գլորել:

Արշակին ասացին՝ այս զինադադարի վերջը գուցե թե հաշտություն դառնա, այսինքն՝ մենք մնանք մեր դիրքերի սահմանում, թուրքերն էլ՝ իրենց գրաված հողերի տերը: Եվ նա վեր կացավ, գնաց ուղիղ գնդապետի խրամատը: Արդեն հայտնի դեմք էր ժամապահների ու կրտսեր հրամանատարների աչքում: Գնդում ո՞վ չէր ծանոթ վարանդեցի Արշակի հունարներին: «Հազար քայլի վրա գնդակով մազը միջից կիսում է», — նրա մասին էին ասել: Գիտեին և նրա աշխույժ ու կատակասեր բնա-

վորութիւնը: Բայց հիմա մտահոգ էր, գլուխը տարտամորեն կախ և ծանոթներին միայն բարև էր տալիս այդ կախ գլխով:

Գնդապետի համհարզն էլ էր ճանաչում և նրա խնդիրքին ընդառաջեց, ասաց.

— Քեֆը տեղը չի: Բայց քեզ համար պիտի զեկուցեմ:

Պողոսբեկ Փիրումյանն անմիջապես ընդունեց իր զինվորին: Արշակը նրա թեթևակի ժպտացող դեմքին տեսավ մեծ վիշտ, որ անհնար էր քողարկել: Գնդապետի խոշոր, սևորակ աչքերը կարմրած էին: Հոգնած էր, թե՞... լաց էր եղել: Զինվորին այնպես անհեթեթ ու հիմար թվաց իր ենթադրութիւնն այդ ժայռեղեն մարդու մասին: Ի՞նչ է պատահել, որ լաց լինի: Զորավարի տղաները... Բայց ասում են՝ գերութիւն մեջ են, հիմա էլ զինադադար է, կսկսեն գերիներ փոխանակել: Թե՞ զինադադարն իր սրտով չի: Հիշեց ամուսն երկար ճանապարհին պապակված նժույգի վիճակը և մտածեց, որ գնդապետը հիմա երկաթե լկամներն է կրծում, իրեն աջ ու ձախ է գցում և, եթե կարողանա, նաև ապիկար հեծյալին վայր կգցի... Բայց վա՛յր կըգցի: Մարտական, խելոք ու հավատարիմ նժույգը: Ո՛չ, այդպիսի բան չի պատահում: Հիշեց իր պատանութիւնը. մի կատաղի յորդա ձի ունեին, պատահում էր՝ քամի էր մտնում հուրհրան բաշի մեջ, դուրս էր գալիս ճանապարհից, սանձակոտոր սուրում էր այծի կածաններով ու քարկապներով: Թվում էր՝ պողպատե շղթաներով էլ շես կարող կասեցնել խելագար ընթացքը... Մի անգամ իրեն՝ Արշակին, վայր գցեց Վերին քարկապի սալերին և նույն վայրկյանին տեղում մեխվածի պես կանգնեց կողքին, սկսեց աղիողորմ վրնջալ...

— Հը՞, ոնց ես, քե՛ մատաղ,— հարցրեց գնդապետը:— Մոտարի, տեսնեմ:

Արշակը տեղում շարժվեց, սակայն առաջ չգնաց:

— Դե՛, ո՛նց պիտի լինենք, պարոն գնդապետ: Մինչև Ալեքսանդրապոլի տակը գնացել էինք, թուրքի հետքն ու փետուրը շերևացին: Ետ ենք եկել, մեր ծակերում նստած ենք:

Գնդապետը Քառաշեց ծանր, երկար.

— Վերին կարգադրութիւնն է, քե մատաղ, ուրիշ ճար չունենք:

Արշակը սիրտ առավ, բողոքեց, ինչպես իր հորը.

— Ախր, էդ ի՞նչ կարգադրութիւնն է,— ասաց:— էնքան տեղ

առաջ ենք գնացել, հեռվից էլ մի թուրք շերևաց, որ տայի, գրն-  
գակով տրեխատանը կտրեի...

Գնդապետն աշխուժացավ, տխրամած դեմքին ծաղկեց դա-  
լուկ ժպիտը:

— Գիտեմ՝ աչքդ սուր է, սիրելիս, ուզես թշնամու տրեխա-  
տանն էլ կկտրես, իսկ կարգադրություն անողները... նրանք  
հավկուրություն ունեն:

— Եվ մենք էլ էն ծակերին կպած պիտի մնա՞նք:

— Այո՛, — տնքաց գնդապետը: — Պիտի սպասենք, մինչև  
նոր կարգադրություն լինի: Գուցեև դաշնագիր կնքեն ու ձեռք էլ  
ասեն՝ գնացեք ձեր տները:

— Նոր-նոր առաջ ենք շարժվում, և քթներիս տան, ասան՝  
գնացեք ձեր տները:

Պողոսքեկ Փիրումյանն ուզում էր ասել՝ «Ազդիդ կուշտ դե-  
կավարների շատ հոգան է, թե դու՛ քաջ գինվորդ, առաջ էս  
շարժվում»: Մեկ էլ զսպեց ներքին մրրիկը, ասաց.

— Իբր թե չեն ուզում ազգի վերջին մնացորդների կյանքը  
վտանգի ենթարկել:

Այդ վայրկյանին Արշակի ուղեղում փայլատակեց մեղավոր  
մի ծրագիր, և նա, առանց երկար-բարակ մտածելու, դիմեց գրն-  
դապետին.

— Էն ժամանակ, պարոն գնդապետ, էս մոտիկ գյուղերից  
մեկում բարեկամ ունեմ...

— Ո՞ր գյուղում, — հոգատար հարցրեց Փիրումյանը: —  
Ասենք՝ միևնու՞յն չէ: Ուզում ես գնալ-տեսնե՞լ:

— Թե որ թույլ կտաս:

— Ինչո՞ւ չէ, ինչո՞ւ չէ, — տեղից վեր կացավ գնդապետը և  
համհարզին կարգադրեց երկու օրվա ազատման թուղթ գրել: —  
Կարծում եմ՝ երկու օրը բավական է: Երկու օրում այստեղ էլ  
ամեծ փոփոխություն չի լինի: Վաղը և մեկել օրը:

\* \* \*

Արշակին հենց այդ օրն էլ մի առեղծվածային անակնկալ  
էր սպասում: Երբ խրամատ հասավ, նոր հարևանն ասաց.

— Նամակ ունես:

— Հի՞նչ նամակ:

— Հրե՛ն,— և ցույց տվեց պատրհանը, ուր ընկած էր չսպասված ու այդ պահին այնքան անընդգրկելի անակնկալը:

— Բա հո՞ւ բերավ,— կարծես դա էլ կարող էր որևէ բացատրություն տալ առեղծվածին,— հարցրեց և դժկամ մոտեցավ պատուհանին:

— Տեսչենի՛ տղա, կարծում էինք՝ պիտի պարես ուրախությունից, իսկ դու հարցնում էլ ես՝ «Բա հո՞ւ բերավ»: Շտաբից էր եկել, շատ սպասեց, որ աչքալուսանքի վարձն առնի: Չեկար, թողեց-գնաց:

Արշակը հիմա հիշեց Ձաքարին, և ցավի, ափսոսանքի, անճարության զգացումներից սիրտը կծկվեց: Ախր, ինչի՞ վիրավորվեց է՛ն... է՛ն... է՛ն... «Ես քու հի՛նչն եմ ասել»: Եվ ճարհատյալ հենց լրատու հարեանին էլ դիմեց.

— Անունդ հո՞ւնց ա, ախպերացու:

— Իմ անո՞ւնը: Առաքել է, Համբարձումյան Առաքել:

— Ա՛յ, շատ ապրած կենաս, Առաքել ախպեր: Դե արի՛, արի՛ տեսնենք հի՛նչ են գրում էս նամակում: Հա՛-հա՛, արի՛: Ես դեռ կարգալը չեմ սովորել:

— Ես էլ չորսը հինգ անող չեմ, բայց դե, մութ տեղը ծպուլի եմ անում,— և նամակն առավ, ծրարը պատռեց:

— Նստի՛, նստի՛, էդ տեսակ գործը ոտի վրա չեն անի,— խորհուրդ տվեց Արշակը և մեծ պատրհանի խոտը ետ-ետ արեց, հարմարեցրեց.— Ա՛յ, էսպե՛ս, դե նստի՛:

Նստոտեցին, և Առաքելն սկսեց.

— «Մեր հեռավոր, մեր կարոտալի, մեր հույս ու ապավեն, հաղարների միջից ընտրած Արշակ: Որ իմանաս, մենք բոլորս ողջ և առողջ ենք, գործով աջողակ, նույնն էլ քեզ ենք մաղթում...»:

— Մաղթո՞ւմ,— արձագանքեց Արշակը,— հի՛նչ էլ գրաբար խոսքեր են մեջտեղ գցել:

— Է՛դպես էլ գրած է, ա՛յ, տե՛ս,— արդարացավ Առաքելը:

— Դու կարդա՛, կարդա՛, խոսքի օրինակ եմ ասում:

— Ուրեմս, էստեղ էի մնացել. «Մենք բոլորս ողջ և առողջ ենք, գործով աջողակ...»: Չէ՛, էստե՛ղ. «Օսեփ ապերը մի ջաբաթ առաջ մեռավ, առոք-փառք հողին հանձնեցինք: Աստված հողին լուսավորի...»:

— Արա՛, էդ իմ պապն է, վա՛յ-վա՛յ-վա՛յ...

— Աստված հոգին լուսավորի, շա՛տ լուսավորի,— ինքն էլ իր հերթին օրհնեց Առաքելը:

— Արա՛, մի քանի տարի առաջ էր հարյուրն անցկացրել: Բա էդ ո՞ւր եղավ, հը՞: Աստծու աչքը չէր վերցնում,— բողոքեց Արշակը, և ձայնը կերկերաց:

— Հսել ենք, որ թուրքի ռեխը ետ եք տվել,— հարևանը շարունակեց ընթերցել,— և հիմա էլ պիտի բռնեք մինչև Սարիղամիշ ու Երզնկա: Էջմիածնա գորությունը միշտ ձեզ հետ լինի, և աստված էդ հայակեր թուրքի գլխին քարի կարկուտ թափի: Սիրելի և անմոռանալի Արշակ:

Որ իմանաս, այդ նեռի զավակներն այստեղ էլ են հասել: Ասում են՝ արդեն եկել-լցվել են Շոշու-ղալան և մեկ-մեկ դուրս են գալիս, հարձակվում հարևան գյուղերի վրա, ասպատակ անում ու կողոպտում»: Վա՛յ սրանց տունն աստված քանդի, մեր շենն էլ հասած կլինեն:

— Ո՞ր շենից էս, Առաքել ախպեր:

— Ավետարանոցի՛ց: Ավետարանոց լսած կա՞ս:

— Բա՛, էդ էլ խո՞սք էր, որ ասացիր. Ավետարանոցի անունը չլսած դարաբաղցին քառ պիտի լինի...

— «Քանի օր էր, տեղական թուրքերն սպասում էին Նուրի փաշային՝ արնախում էնվեր փաշայի եղբորը,— Առաքելը շարունակեց կարդալ.— Եվ Նուրի փաշան եկավ Հորադիզի կողմից, Աղղամն ու Գանձակը լցրեց իր օսմանլուի զորքով: Ասում են՝ գնալու է Շուշվա ու Բաքվա հայության դեմ: Բա ո՞նց պիտի լինի մեր անպաշտպան երկրի վիճակը: Գուք ե՞րբ կավարտեք Արարատյան երկրի ազատագրությունը, որ հետո էլ գաք, օգնեք այս կողմերի հայ քրիստոնյային...

Դեհ, մնանք աչքներս ճամփիդ սպասող՝ քո հայր Հակոբ, քո մայր Վարդիթեր և քո ամենայն հարազատներ:

Այս նամակը սիրահոժար գրեց ձեր հաղթական վերադարձին սպասող տեր Զավեն քահանան, որն աստուծո ամեն օրն աղոթում է ձեզ համար և հեռակա օրհնում է ձեր սրբազան սուրբ, որ պատյան չպիտի մտնի, քանի վերջնականապես ու ամբողջովին ազատ չէ Հայոց հողը»:

— «Տեր Զավե՞ն» ասացիր,— մտամոլոր հարցրեց Արշակը և անմիջապես աչքերի առաջ պատկերացրեց իրենց գյուղի

բարեպաշտ ու բարերար քահանային, նրան, որ տարիներ առաջ էջմիածնից գալով՝ գյուղում դպրոց հիմնեց, մեղվանոց ստեղծեց և հայտարարեցո թե «Վե՛րջ հետամնացութեանը, կարճ ժամանակում մեր Մուշկապատ գյուղն այնպես պիտի ծաղկի, որ մատով ցույց տան ամբողջ Վարանդայում»:

— Ուրեմս, օսմանցիներն Աղղամն ու Գանձակը զորք են հասցրել,— մտահոգ խոսեց Առաքելը:— Դու հասկանո՞ւմ ես՝ սա ի՞նչ ազեւտ է, ա՛յ Արշակ:

— Հասկանում եմ, բայց մեր նմանի ձեռքից ի՞նչ է գալիս: Մեզ կապել են էս... ի՞նչ են ասում, փորամատին...

— Խրամատի՛ն:

— Հի՛նչ էլ անդուր խոսք է... Կապել են էստեղ, թե բաշես ասի՝ պայմանագի՛ր կա, խաղաղութե՛ւն է: Ա՛յ, ձեր տունը չբանդվի, էդ ի՛նչ խաղաղութե՛ւն պիտի լինի, երբ որ քո տանն ու դռանը թուրքն է նստած:

— Թե որ Աղղամում էլ օսմանլու կա, աշխարհի բանը բուրդ է,— եզրակացրեց Առաքելը և սկսեց բացատրել.— Շուշիում նրանք անգլիացիների հովանավորութե՛ւնն են վայելում, իսկ Աղղամում ու Գանձակում էլ մուսավաթի զորքի գլուխը կանցնեն և կդառնան Ղարաբաղի հոգեառները:

— Բա հի՛նչ: Անպաշտպան երկրում հինչ ուզեն՝ կանեն:

— Էն ո՞վ է ասել, թե Ղարաբաղն անառիկ է: Ղարաբաղն անառիկ է էն ժամանակ, երբ նրա զենք բռնող տղամարդն իր սեփական տանն է: Հիմի որ թուրքը հարձակվի, էդ անառիկ Ղարաբաղին ո՞վ է պաշտպան կանգնելու, ո՞վ է թուրքի ախիսն տալու:

— Բա էդ ասա, է՛...

— Մելիք Շահնազարը խո՛ր խորանա, Ղարաբաղ անառիկ բերդն էնպե՞ս է խարխլել...

— Մելիք Շահնազարն ի՞նչ ցավդ է,— հարցրեց Արշակը՝ մտածելով, թե դա էլ մի նորութե՛ւն է, որի մասին իր նամակն անփութորեն մոռացավ հաղորդել:

— Մելիք Շահնազարն, էլի՛, մեր Ավետարանոցի տերը: Էնօր Գարեգին սրբազա՛նը պատմեց: Ասում էր՝ էս Շահնազարս կովի հաշիվ է ունենում հարևան Զրաբերդի ու Գյուլիստանի մելիքների հետ: Իբր թե, թիկունքն ամբացնելու համար գնում, Հարամու տափաստանից մի քոչվոր Փանահ է բերում, բնա-



կեցնում Շոշու-ղալումը: էս Փանահն շատ խորամանկ է լինում, Շոշու-ղալան ամբացնում, տերն է դառնում, համ էլ մեր մե-  
լիքներին է իրար վրա լարում, կովեցնում-թուլացնում... Հետո  
էլ մի օր մեր անհեռատես մելիքներն աշքները բաց են անում,  
տեսնում՝ Փանահն իրենց վրա ավազ է կարգված Պարսից շա-  
հի կողմից...

— Վա՛յ-վա՛յ-վա՛յ, արա՛, էդ հո տնաքանդությո՛ւն է: Ես  
էլ մտածում եմ, թե էս Շոշու-ղալի թուրքը հի՞նչ տեղից է  
եկել և հո՞ւնց է բնավորվել:

— Ա՛յ, էդպե՛ս: Եվ մեր էսօրվա ամենամեծ դժբախտու-  
թյունը մեր անմիաբանությունից է ծնունդ առել:

— Անմիաբանություն ստեղծողի աչքը դուրս գա: էն հան-  
գուցյալ Օսեփ պապս սերտած իմաստուն խոսք ուներ, կասեր՝  
«Անմիաբանությունն է արմատ ամենայն շարյաց»: էդպես էլ  
ասում էր, հա՛... Մի ուրիշ խոսք էլ ուներ: Ասում էր. «Շոշի-  
ղալան հայու պարծանքն է»: Հիմի ինձ համար պարզվում է,  
որ հայու համ պարծանքն է, համ էլ ամոթ-խայտառակու-  
թյունը:

Առաքելն ուշադիր չէր, Արշակի այս խոսքից զարմացավ.

— Ո՞նց թե Շուշին մեր ամոթն է ու խայտառակությունը:

— Դե բա հի՞նչ. թե որ էդտեսակ դավաճանություն է եղել  
ու ստեղծման օրից էլ...

— Ա՛յ Արշակ, ի՛նչ ստեղծման օրից: Սրբազանն ասում էր՝  
էն մեր աշխարհի ամենահին բերդերից մեկն է եղել: էնտեղ  
ամբացած՝ մեր ապուպապերը կոխվ են տվել արաբների ու  
թաթար-մոնղոլների դեմ, է՛, ո՛ր դարերում...

— էն սրբազանը քեզ հի՞բ ասաց, որ ես խլացած էի, չլսե-  
ցի...

— էն որ նոր եկել էինք, պիտի խառնվեինք ձեր գնդին, ա՛յ,  
է՛ն ժամանակ: Սրբազանն իմացավ, որ մենք գնացած պիտի  
լինեինք Շուշին փրկելու, դրա վրա խոսեց... Մեր գնդապետ  
Շահնազարյանին էլ հիմնավոր ամաշացրեց...

— Իսկ գնդապետ Շահնազարյանը հի՞նչ կապ ունի:

— Մե՛ծ կապ. մեր գնդապետն էն դավաճան մելիք Շահ-  
նազարի զարմից է, չէ՛: Վեր կացավ-ասաց. «Սրբազան»,  
երդվում եմ՝ մեր տոհմի վրայից էդ կեղտն իմ արյամբ կմաք-  
րեմ...

— էՏ, էդքան հին կեղտը...

— Հարյուր հիսուն տարեկան է, հա՛:

— Բա հարյուր հիսուն տարեկան խայտառակությունը, էն էլ էդքան մեծ Ե...

— Հա՛, Շուշին թե չմաքրվի,— եզրակացրեց ավետարանոց ցի Առաքելը:— Հա՛ կմնա, հա՛ շարիք կբերի մեր գլխին:

Առաքելը երկար մնաց Արշակի մոտ: Խոսում էին նամակի հաղորդած տեղեկությունների շուրջ, Թիֆլիսից ու Երևանից եկած հրամաններն էին քննադատում: Հետո էլ Շուշի-ղալի պարծանք-ամոթը մեջ ընկավ... Խոսելու այնքա՛ն նյութ կար, բնեկու այնքա՛ն հարցեր:

Բայց վերջում Արշակն այդ բոլորի քննությանը մասնակցում էր ակամա և շատ էր ուզում, որ Առաքելն իրեն մենակ թողնի, մենակ և այդ պահին հոգին ափեափ լցրած, փոթորկող մտքերի հետ:

«է, Չաքա՛ր, Չաքա՛ր, մեջքդ կոտրվելո՞ւ էր, որ կոտրվեց՝ իմն էլ հետը»,— Առաքելի վերջին խոսքերը բացակա մի ուշադրությամբ հազիվ որսալով՝ իր բախտն էր անխժում Արշակը և մտածում էր, թե, ճիշտ է, Առաքելը լավ տղա է երեվում, ամեն բանի տեղյակ և աշքաբաց: Բայց դե, այն ի՛նչ երանություն էր Չաքարի ներկայությունը: Ոնց որ քո կեսը լիներ, քո մի ավելի խելոք, ավելի քաջատեղյակ և ավելի սրատես կեսը, որի հետ կազմում էիք մի հրաշալի ամբողջություն, և այդ անթերի ամբողջության համար անլուծելի խնդիր չկար, անհաղթահարելի դժվարություն ու բարդություններ չկային:

Առաքելը գնաց, և մենակ մնալով՝ Արշակը նոր միայն հիշեց, որ նամակում հարսից ոչ մի խոսք չկար: Իր կնոջ անունից կամ նրա վերաբերյալ: «Վեր է կացել, հերանց տո՞ւն գնացել»,— փայլատակեց Արշակի ուղեզում, և նա առաջին պահ շիմացավ ուրախանա, թե՞ տխրի դրա համար: Համենայն դեպս շատ էլ չտխրեց, նույնիսկ չմտահոգվեց, գուցե նրա՞ համար, որ մարդուն այդ պահին տանջում էին Շոշու-ղալի ցավը և Աղդամ լցված օսմանյուն: Օսմանյու թուրքն ու մուսուլմանն այն տեղերում տիրություն են անում, և Ղարաբաղի հայք պարտավոր է համբերել... եթե ուզում է ապրել, եթե չի կարող լին հողը մաքրել այդ տեսակ աղտեղություններից:

Արշակի մտքով անցավ վեր կենալ-գնալ գնդապետի մոտ, ասել՝

էս հի՞նչ եղավ, ա՛յ քե մատաղ: Էն Շահնազարյանցի խումբը որ եկավ, մեզ խառնվեց, ասացիք՝ է՛ս ա, օսմանլիին է՞ր կողմերում մի լավ դաս տանք, շուտ կգանք մուսավաթի վրայ, նրան էլ մեր պապերի հողից դուրս կքշենք: Հիմի ո՛չ մեկն արինք, ո՛չ էլ մյուսի մասին ենք մտածում: Բա էս հո՞ւնց կլինի, է՛, հո՞ւնց կլինի:

Բայց, դե՛, խեղճ գնգապետն ի՞նչ անի. իրավունքն ի՞ք ձեռքին է, որ վեր կենա, թուրը քաշը, ասի՝ հայո՞ց զորք, Արցախակա՞ն աշխարհ...:

Արցախակա՞ն աշխարհ: Ի՞նչ էլ անումն է, հա՛, արյունք տաս, կյանքդ նվիրես և իմանաս՝ ինչի՞ համար ես տալիս, ո՞ք սուրբ անվանն ես նվիրում... Արցախակա՞ն աշխարհ, Արցախակա՞ն աշխարհ, Արցա՛խ...:

Արշակը շիմացավ, թե նինչն ինչպես հաղթեց, հետո էլ զարծավ պղտոր քուն և խառնիխուռն երազ՝ իրեն փոխադրելով հայրենի եզերքը, օսմանլուի ու մուսավաթի «Ղարաբաղ» զարծրած Արցախական աշխարհը:



Գնդապետ Պողոսբեկ Փիրումյանի կարգադրության թուղթը դասակի հրամանատարին ցույց տալուց հետո Արշակը խրամատում պահած հրացաններից ընտրեց շորքը, կապոտեց մի տեղ, փաթաթեց շորով, փամփուշտի պաշարից էլ պայուսակները լցրեց՝ որքան կարող էր շալակած տանել և բռնեց Փարաքարի ճամփան: Դասակի հրամանատարը, խրամատային հարևանները, նույնիսկ հարևան դասակի մի քանի զինվորներ հավաքվել էին ճանապարհ զննելու նրան: Մոտովորապես գիտեին՝ ո՛ր է գնում, ի՞նչ հանդիպում է սպասվում, և պատրաստ էին կարգին նվերներով ճանապարհելու: Զէ՛ որ խուճապահար փախած թուրքերի դիրքերից նրանք այնքան ապրանք էին հավաքել, տնային իրեր, կանացի հագուստ ու զարդարանք, որ խրամատների պատուհանները մանրավաճառի խանութի դարակներ էին դարձել: Սակայն ինքը հրաժարվեց նրանց բոլոր առաջարկություններից, գունավոր մի կտոր կոխեց շալվարի աջ գրպանը, մի գլխաշոր էլ՝ ձախը, մտավ իր կանխակապած բեռան տակ

և ծանրորեն ելավ խրամատից: Նրա մտքով իսկ չէր անցնում, որ զենքը ճակատից թիկունք տեղափոխելը կարող է դիտվել որպես ռազմական կարգապահության կոպիտ խախտում: Իսկ ճանապարհողների զգոնությունն էլ բթացել էր զնդապետի տված թղթից: Դասակի հրամանատարը նույնիսկ մտածում էր, թե զնդապետն այդ զենք ու զինամթերքով նրան ուղարկում է հատուկ առաջադրանքի, որի առթիվ իրենք պարտավոր են լուռ մնալ:

Սարգարսույատի տակ Արշակի ոտքերն այլևս առաջ չէին գնում: Կարծես հոգնած էլ չէր, դեռ ուժ ուներ, շնչառությունը տեղն էր: Սակայն ոտքերն անասելի ծանրացել էին և թմրածի պես այլևս չէին ենթարկվում տիրոջը: Բեռը շալակին նստեց ճամփեզրի մի քարի վրա, և ականջին հասան ոտնաձայներ, որոնք գնալով մոտենում էին: Ահա և հայտնվեց ոտնաձայների տերը՝ փոքրիկ մի ավանակ, որի վրա բազմած ալևոր գլուզացին, նրան տեսնելուն պես, վար իջավ և սիրալիր առաջարկեց.

— Բեռդ բեր, դիր վրան, ա՛յ շահել: Դի՛ր, դի՛ր: Մենք էլ զրուցելով հետևից կգնանք:

Ալևորը բարձրահասակ, մարմնեղ մարդ էր, և Արշակը զարմացավ, թե փոքրամարմին իշուկը ոնց էր նրա տակ շարժվում: «Ենեղճ անասունը փրկվե՛ց»,— մտածեց՝ իր բեռը նրա վրա հարմարեցնելիս, մեկ էլ գտավ, որ իր շալակի համար ևս ուրախ չպիտի լինի դժբախտ անասունը:

Մանոթացան. ալևորը վաղարշապատցի էր, էշով պարեն էր տարել ռազմաճակատին և հիմա տուն էր գնում: Ուրեմն, Արշակի բեռը համարյա տեղ էր հասցնելու:

— Վաղարշապատից մինչև Փարաքար ի՞նչ է մնում: Ուժեղ թքեմ, կընկնի իմ աներոջ կտուրը,— ասաց Պատվականը (այդպես էր ներկայացել) և ինքն էլ բթի տակ ժիծաղեց իր ասածի վրա:— Բայց էսօր դժվար թե հասնես: Գիշերը կմնաս մեր տանը, առավոտ գուցե թե միասին գնանք: Թե չէ, տեսնում եմ՝ բեռդ շալակով տանելու՛ւ չէ...

Պատվական քեռին առող-խոսող մարդ էր, աշխարհի տակ ու գլխին տեղյակ և հենց զրույցի սկզբից էլ փորձեց Արշակին քաշել ամենակարևոր հարցի մեջ:

— Բա զո՞րքն ինչ է մտածում, որ մեծավորները գեացել, թուրքի հետ սիրի-սիրի են խաղում:

— Դե՛հ, զորքն ի՞նչ պիտի մտածի, Պատվական քեռի: Զորքը մտածելու իրավունք ե՞րբ է ունեցել:

— Վա՛յ, քո բալան աստված պահի,— իբր զարմացավ ծերունին:— Բա կովորը զո՞րքն է, հաղթողը զո՞րքն է, ազգի փըրկիչը զո՞րքն է և մտածելու իրավունք է՞լ չունենա...

— Զորքին ասում են՝ էդ մեծավորները գնացել են Բաթում, թուրքաց հետ զրույցի են նստել...

— Բը ի՞նչ լինի:

— Ես ի՞նչ գիտեմ: Զրույցի ժամանակ ի՞նչ է լինում: Հաշտութեան պիտի գան, թուրքի բերանից բարեկամութեան խոսք պիտի պոկեն:

— Հայի համա՞ր, թուրքի բերանից հաշտութեան խո՞սք,— փոթկացրեց Պատվական քեռին:— Էդ միենույն է, որ սպասե՛. թե շան քամակից անուշ թըս է դուրս գալու:

Փոթկացրեց, կուշտ ծիծաղեց նաև Արշակը, և հետո ինչի՛ մասին էլ խոսեին, ինքը հիշում էր այդ շան քամակից դուրս գալիքը:

Հետո Պատվական քեռին պատմեց պատերազմին մասնակցած համաքաղաքացիների, էջմիածնի ճեմարանի սաների և նրանց կրած վնասների մասին: Ճեմարանը համեմատաբար ավելի շատ զոհեր է տվել: Արշակն էլ հիշեց, որ պատանի սաներն իսկապես վիրավորվելուց հետո նորից նետվում էին կովի թեժ տեղը:

— Ասես վերքի ցավ չէին դգում,— հիացմունքով խոսեց նա:— Իսկ փորձված զինվոր կա, որ մի աննշան քերծվածքն առնում է բերանը ու ցավից բառաչում...

Եվ դրանից հետո էր, որ ծերունին ասաց իր հեղինակավոր խոսքը ցավի մասին:

— Ցավի լավը չկա,— ասաց,— դրա ստեղծողի հերք շան պես կլանչի: Մարդ ցավի տեր դարձավ թե չէ, կոնդանում, մի բռու կոպեկանոց է դառնում: Միայն մի ցավ կա, որ մարդու մեջը մտնելուց նրան դարձնում է հերոս: Անդրանիկ զորավարը քեզ օրինակ: Զահել ժամանակ ի՞նչ ցավեր է ունեցել. հողացա՛վ, մկանների ցա՛վ ու չգիտեմ էլ ի՞նչ զահրումար: Կռանար՝ չէր կարենա ուղղվել, նստեր՝ վեր կենալ չկար: Ազգի ցավը մտավ

մեջը, մնացածներին դուրս արեց և էն կոնդ շահելին գարծրեց  
տալու՞ծ... Բա նրա նմանին էլ ցավ կամ զնդակ կրոնի՞: Ա՛յ-  
Քարա՛:



Առավոտյան Փարաքար ճանապարհովիլուց առաջ, Պատվա-  
կան քեռին իր հյուրի հետ նախաճաշի նստեց պատշգամբի  
անկյունում և, օղու բաժակը ձեռքն առնելով, խմեց հալ ազ-  
գի, նրա զորքի ու զորավարների, նրա մեծի ու փոքրի կենացը  
Արշակի համար անսովոր էր ամեն ինչ. և՛ տան պատշգամբում  
նախաճաշի նստելը, և՛ ընտանեկան մտերմիկ մթնոլորտն իր  
տարք ու կարգով, և՛ բուխարիկի մոտ իրարով անցած պառավը,  
որն ամուսնու կարգադրություններից կատարում էր անմուռն,  
հարցերին պատասխանում անխոս, քիթկալը բերանին իջեց-  
րած: Զինվորական կյանքի շորս տարիներն այս բոլորը տարել է  
Քաքցրել էին հոգու հեռավոր, նվիրական անկյուններում և վար-  
ժեցրել դաժան մի առօրյայի, որ լիքն էր տխուր ու հոգեմաշ  
պատկերներով՝ մահ ու սպանություն, ազգակիցների տեղափո-  
կություն ու գաղթ, թշնամու բերած ահավոր արհավիրքներ ու  
անհուսություն: Հիմա խաղաղ գերդաստանում է, ուր մանկա-  
մարդ հարսներն անխոս բանում են տանն ու գլուխը: Մեկը բակն  
է ավլում, մյուս երկուսը կռվերն են կթում: Իսկ մանուկները  
մուշ-մուշ քնած են գլխատանը: Երեք տղան (նրանց միասնա-  
կան նկարը կախված էր այն մահճակալից վեր, որի վրա գի-  
ջերը քնած էր Արշակը)՝ երեք արծիվ, հիմա կռվում են Բաշ-  
Ապարանի ճակատում: Մեծ հրամանատարը գոհ է նրանցից և  
խոստացել է ներկայացնել շքանշանների: Նա անձամբ այդ  
մասին ասել է Պատվական քեռուն, երբ սա երկու օր առաջ  
պարեն էր տարել զավակների համար:

Պատվական քեռու տունը քաղաքավանի ծայրին էր և պատշգ-  
գամբից երևում էին հացահատիկի արտերը՝ բազմազույն  
կտրոններով փռված դաշտի հարթության վրա: Տեղ-տեղ գեղին  
քառակուսիներ էին շողում վաղորդայնի մշուշում: Աշնանային  
գարին էր հասել, և այդ կտրոններից մի քանիսի հղրերին երե-  
վում էին տղամարդիկ ու կանայք, որոնք առանց արտարանքի

պիտի սկսեին հունձը՝ հողվոր հայի համար ամենասրբազան ու ամենաերջանիկ արարողութիւններէց մեկը: Արտույտների երգը կախվել էր հասած ու շհասած արտերի վրա: Ճամփեզրերի թփերը լիքն էին հազարաձայն ճովողչուններով: Բայց ո՞ւր էին առաջին ճանկակապի ու առաջին կիտակի խնդութիւնները...

Պատվական քեռին կարծես գուշակել էր Արշակի տխուր մտորումը, բաժակը նորից բարձրացրեց... Սակայն Արշակը կենաց խոսք ասելու խոսք խնդրեց, և նա լուռ գլխով արեց, այսինքն՝ խոսի՛ր, խոսի՛ր:

— Ուզում եմ իմ շնորհակալութիւնը հայտնել, Պատվական քեռի: Տափից մինչև երկինք շնորհակալ եմ: Աստիճան էլ քո զինվոր-ղավակներին օգնութեան հասնի: Ողջ-առողջ գան, արժանի դառնան իրենց հարսներին ու որդիներին, իրենց հարեհաս ծնողներին...

Պատվական քեռու աչքերը խոնավացան, քիթը թսասց.

— Շատ ապրես, որդիս,— ասաց:— Ես քո բոյ-բուսաթից էի ենթադրել, որ զարաբաղցի ես:— Եվ բաժակը դրեց սեղանին, բեղերը սղալեց:— Տեր-Ղուկասովի կովին ես զարաբաղցիների հետ էի և էն ժամանակ իմ սեփական աչքերով եմ տեսել, թե դուր ի՞նչ տեսակ կովող եք, ի՞նչ սրտի տեր: Հիմի էլ Սարդարապատում ձեր հունարը ցույց տվիք... Ազգը ձեր արածը չի մոռանա: Ո՛չ ազգը, ո՛չ էլ վերեւից նայող ամենահասը:

— Է՛հ, Պատվական քեռի, «չի մոռանա» էլ ասում ես, ոնց որ օտարներ լինենք: Բա մի ա՞զգ չենք, մեր հոգու պա՞րտքը չենք կատարում: Ես կուզենայի, որ ազգն ուրի՛շ բան չմոռանա:

— Ի՞նչը չմոռանա, գլխիդ դուրբան,— անմիջապես անհանգրստացավ արդեն տամկած տանտերը:

— Չմոռանա, որ մենք էլ իրենն ենք: Ի՛ր գավակը, ի՛ր մարմնից պտկածը: Ու թե որ մենք էլ նեղ օրի լինենք, ի՛նքը ծնողի պես իր հոգատար ձեռքը մեզ վրա պահի... Էսօր և հավիտյան, հո՛ւր հավիտյան:

Պատվական քեռին Արշակի բռն իր իշուկով հասցրեց Փարաքար, իջեցրեց Շուլավերցու աղջկա բակում և վերադառնալուց առաջ պատվիրեց, որ չմոռանա իրենց.

— Էսօրվանից ետ պիտի հաշվեմ, որ իմ տղերքը երեքը չեն, չորսն են,— անկեղծորեն ասաց նա:— Պարտական մնաս, թե

որ ինքդ էլ չհաշվես, որ Վաղարշապատում մի հարազատ օջախ  
ունես:

Մերունու ներկայութեամբ իրեն զսպած Շարմաղը նրա գնա-  
լուց հետո բացվեց, գիրկն առավ Արշակին, ճակատը համբու-  
րեց:

— Վա՛յ, ես քո եկած ճանապարհին մատաղ, Արշակ տղա:  
էն օրվանից, որ եկանք, տեսանք, ծանոթացանք, սիրտս կրա-  
կի վրա վառվում է... Համեստի մասին էլ չե՛մ խոսում... Բա  
մեր հարազատը կովի բերանին ու էսքան մոտիկ լինի...

— Ես էլ ձեր մասին էի մտածում, Շարմաղ աքեր: Երազումս  
քանի՞ անգամ եմ տեսել,— շիկնած, քրտնած բացատրեց Ար-  
շակը:

— Է՛, մի օր էլ էն տեսակ պատրաստութուն էինք տեսել:  
Առավոտ, որ պիտի ճանապարհվեինք, գլուխներս շուռ տվին, թե՛  
պիտի գնաք դեպի Արաքսի կողմը: Ես հե՛չ, խեղճ Համեստը աշ-  
քերով էնքան արտասուք շափեց, էլ ասելու չէ...

— Բա ինքն ո՞ր է,— ամոթխած հարցրեց Արշակը:

— Ի՞նքը,— հանկարծակիի եկավ Շարմաղ հոթիրը:— Վա՛յ,  
վարսս կտրեմ, էնօր ասում էր՝ հերանց պիտի գնա, վատ երազ  
է տեսել: Հո գնացա՞ծ չլինի: Թե չէ, առտու կանուխ կերևար...  
Դու կաց, ես վազ տամ, տեսնեմ:

Արշակին թվաց, թե Շարմաղն ինչ-որ բան թաքցնում է:  
Համեստն ինչո՞ւ հենց այսօր պիտի գնար հերանց: Եթե չի ուզում  
իր երեսը տեսնել, այդպես էլ ասի, պրծնի: Չէ՛, պարզ է, որ չի  
ուզում, բայց չի կարող միանգամից սիրտը կոտրել: Այս միտքն  
այնպես հիմնավոր նստեց նրա հոգում, որ միանգամից աշ-  
խարհը մթնեց իր համար, և իր Փարաքար գալը թվաց խայտա-  
ռակութեան հավասար մի հիմարութուն:

Շարմաղը հենց տան շեմքից շոր ազդրին զարկեց՝ ողբաձայն  
անիծելով իրենց բախտը:

— Քոռանամ ես, է՛, քոռանամ,— ասաց:— Առտու կանուխ  
է ճանապարհվել: Բա ի՞նչ անենք, ցավդ տանեմ:

Արշակի համար վերջնականապես պարզ դարձավ, որ Հա-  
մեստն իրեն չի ուզում տեսնել, և կտրական վեր կացավ աե-  
ղից:

— Դե՛, ես գնամ, Շարմաղ աքեր:



— Ադա՛, ո՞նց թե գնաս,— պայթեց տանտիրուհին.— կրակի՞ ես եկել, ի՞նչ է:

— Մնամ, ի՞նչ անեմ, էդ է քեզ տեսա, լավ ես, ես էլ՝ կերած-խմած, երեկոյան հազիվ տեղ հասնեմ:— Հիշեց, որ գրպաններում բան է բերել, հանեց:— Հա՛, սրանք էլ ձեզ համար էի վերցրել:

— Ադա՛, լավ, է՛, ամոթ է կրնկիդ վրա ետ դառնաս: էն իշարեռն ի՞նչ է, երկաթ-մերկաթի նման էր...

— Հա՛,— հիշեց ու միանգամից փոխվեց Արշակը:— Ապահով տեղ ունե՞ս, տեղավորե՞նք: Կովից հետո կգամ, կտանեմ:

Երբ հրացանները տեղավորում էին գետնահարկի ցորնի ամբարում, Շարմաղը հարցրեց.

— էսքանն ի՞նչ պիտի անես, ջուխտ ու կե՞նտ ես խաղալուս

— Ինձ ու Զաքարին: Տանը երկու եղբայր ունեմ, երկուսն էլ՝ նրանց:

— Կռիվը պրծնում է, դուք նո՞ր պիտի գինվեք:

— Կռիվը ո՞նց է պրծնում, ա՛յ Շարմաղ աքեր,— ծանր տընքաց Արշակը:— Թուրքը մեր վզակոթին նստած՝ կռիվը պըրծնո՞ւմ է:

— Բա էն ի՞նչ է, ասում են՝ Բաթումում արդեն հաշտություն են կնքել:

— Հաշտություն կնքողի ի՞նչ ցավն է, թե ազգը սեղմված է պատիե, և թշնամին էլ՝ նրա թիկունքը կտրած...

— Բա էդպես ո՞նց են հաշտվում, է՛, մոխիրս նրանց գըլխի՛ն:

— Շարմաղ աքեր, ես քեզ ասեմ, դու լավ միտդ պահի: Օսման թուրքի փորացավն էն է, որ էս արևի տակ էլ հայ շմնա: Եվ մենք, եթե ուզում ենք ապրել, պիտի կռվենք: Կռվենք ու հաղթենք, հաղթենք ու ապրենք: էս է մեր հաշիվը: Ուրիշ հաշիվ ո՛չ կա, ո՛չ էլ կարող է լինել: Եվ մե՛կ էլ. թե էսքան պարզ հաշիվը չհասկացող մեկը կա, անունն էլ մեծավոր, էդպիսի մեծավորին պիտի կապես ախոռում:

— Դե՛, լա՛վ, բարձրանանք վերև, ջուր դնեմ, գլուխդ լվանամ...

— Բա՛-հա՛, է՞դ ինչ ես ասում, ա՛յ Շարմաղ աքեր:

— Ադա՛, ի՞նչ է լինելու, քո մոր տեղ մայր եմ,— Արշակի ուսը հրեց Շարմաղը:

— Չէ՛, ժամանակի տեսակետից եմ հրաժարվում,— բա-  
րատրեց Արշակը:— էսօր պիտի ճակատում լինեմ: Լավ է՛ ամա-  
նաթիը տեղաց արի, տեղավորեցինք: Մեկ էլ, որ ձեզ էի կարո-  
տեմ, ուզում էի տեսնել: Դե՛, ի՞նչ անեմ, որ աստված էտքանին  
է արժանի համարում...

— Լավ, է՛, դու էլ բան ես ասում,— նրա խոսքը յուրովի  
հասկանալով՝ տանտիրուհին խորհրդավոր ասաց.— Քեզ հա-  
ժար մեռնում են, կտրվում, իսկ դու լաշ արած պիտի գնաս...

Արշակի բեռը դարձյալ ծանրացավ: Մի խուրջին լիք ուտե-  
լեղեն էր ու խմիչք, և դրան էլ անվերջ գումարվում էին նարեթը  
Ամեն անգամ որևէ բան ավելացնելիս Շարմաղը, հերստավածի,  
կեցվածք ընդունելով, սպառնալիք էր տալիս.

— Տե՛ս, բրիշակ կանեմ էս տունը... Լուցկին կդենեմ տակց,  
կվառեմ...

— Ա՛յ Շարմաղ աքեր, շալակով պիտի տանեմ, չէ՞:

— Բա էն սև սանդաքարերը ո՞նց ես բերել:

— Ծս շեմ բերել, Պատվական քեռու է՛շն ապրած կենա,—  
ժպտում է Արշակը:

— Մի Պատվականի էշ էլ գնալիս կճարես, շալակդ կտանի:

Գնալիս ոչ մի Պատվականի էշ էլ չհանդիպեց: Բայց պատ-  
վական մարդիկ շատ էին հանդիպում. դաշտային աշխատանքի  
մարդիկ, որ զինվորին ծանրաբեռ տեսնելով՝ խորհրդավոր տըն-  
տըղում էին, հեռանում: Գաղթական խմբեր, որ գուրս էին եկել  
արտեզրերը հասկաորսի, ուրիշնե՛րը, որ երևի արդեն փորների  
հարցը լուծել, անցել էին սանիտարական միճակի բարելավմանը  
և թփերի հտևն անցած քթիվ էին անում ինքնամոռաց կամ մի  
քանի հոգով խարույկ էին վառել, իրենց վրայից հագուստներից  
հանում, մեկ-մեկ թափ էին տալիս և ճարճատյունի հետ ուղախ-  
ուրախ քրքջում էին: Միայն մի անդ տեսավ, թե ինչպես ար-  
տատերը հայհոյելով հալածում է կմախքացած կանանց, որոնց  
գրկների երեխաներին գրել էին ճամփեզրին և խորացել արտի  
մեջ: Անխիղճ արտատերը նրանց մինչև երեխաների մոտ հա-  
լածելով էլ չբավարարվեց, կոշտացած հող էր շարտում նրանց  
հտևից և հայհոյում:

— Ա՛յ, ես ձե՛ր... մորեխից բեթար եք:

Արշակը մոտեցավ հալածված կանանց, որոնք ճանապարհի  
եզրի մարդաբոյ խոտերի մեջ կանգնել էին շվար, վշտակոծ

Պրնի ուզում էին լաց լինել, բայց այդքան ուժ չունեին, և աչքերից արտասուք չէր գալիս: Գրկների երեխաների վզներն այնքան բարակ էին, որ չէին կարողանում գլուխներն ուղիղ պահել, թեքել էին մայրերի շոր կրծքներին և չոած աչքերը հասել Արջակի խորհրդավոր խուրչինի վրա:

Նա լուռ մոտեցավ, խուրչինն ու կապոցները վար բերեց ուսերից: Կարծում էր՝ կարիք պիտի լինի զոռով հյուրասիրել, բաժանել ուտելիքը: Նհ՝ որ հայ կանայք են՝ ամոթխած ու պարկեշտ: Սակայն կանայք առանց հրավերի շրջապատեցին և վրա վազելով սովատանջ հայացքներով մտան կապոցների մեջ ու խուրչինի հակները: Հաշված վայրկյաններ պետք եղան Արջակին լրիվ բեռնաթափելու համար: Երեխաներին ցած էին դրել և գործում էին երկու ձեռքով, գոմալով և ուրիշ անմարդկային ձայներ հանելով: Զիրի ու սուշուխի կապոցներն իրարից խլխլիս խոտերի մեջ ցրիվ տվին ամեն ինչ և հետո էլ իրար կոխ տալով սկսեցին հավաքել, լցնել ուր որ կարող էին... Իսկ երբ այլևս ոչինչ չէր մնացել, սկսեցին փախչել տարրեր ուղղութուններով: Փախչում էին ետ-ետ նայելով: Ետ նայելիս փորձում էին ժըպտալ, և դեմքները ծամովում էին, այլանդակվում:

Նրանց անհետանալուց հետո շվար հայացքը վաթ իջեցրեց և տեսավ՝ դատարկ խուրչինի կողքին երկու շիշ օգին է մնացել ու գինու կուլան, որը կողքի ընկած, բերանը բաց՝ լիսով չափ դատարկվել է: Նախ մտածեց, որ լավ էր՝ Շուլավերցու աղջիկը համառորեն լցնում էր շալակը: Մեկ էլ հանկարծ հիշեց գաղթական կանանց անմարդկային կերպարանքները, ուտելիղենի մնացորդների խլխլոցն ու գազանային գզվտոցը, և միանգամից պայթեց, փոթորկվեց: Անզոր ձեռքերը ծնկներին զարկելով գոռաց:

— Թո՛րք, ես քու անո՛ւնց..., քու հավա՛տը..., քու օխապո՛րտը... էս ի՞նչ ես արել, ա՛ թորք:

Հետո ծնկի իջավ, գինու կուլան վեր առավ, քաշեց գլխին և մի շնչում ծրծուձեքեց:

Ճանապարհին, թեև լրիվ բեռնաթափված, ոտքերը կամաց-կամաց ծանրանում էին: Գաշտի գույները խառնվում էին իրար Արտերի մեջ ու ճամփեզրերին թռսխած փշատեխիները զորաււլարական վրանների պես շողշողում էին արծաթափայլ ծածկոցներով:

Տի տեղ կանգ առավ, նստեց և ինքն էլ շիմացավ՝ քունն ինչպես հաղթեց: Մեկ էլ երազ տեսավ, մի հրաշք երազ. իբր պատերազմն ավարտվել է, որովհետև իրենք թուրքին քշել են մինչև Երզնկա: Հայոց երկիրն ազատագրել են ու տուն են գնում: Տուն են գնում, և ինքն ուսերին նստեցրած տանում է Համեստին: Ուսերին նստեցրած: Ո՛չ հոգնել կա, ո՛չ էլ նույնիսկ ամաչել: Մարդիկ տեսնում են ու ներողամիտ ժպտում: Ասում են. «Տեսաշենի՛ տղա, ուրիշները թշնամու երկիրն ավարել, տանում են իրենց տները, գո՛ւ ինչ ես տանում»: «Աշխարհի ամենամեծ գանձը», — պատասխանում է ինքը և այդ գանձն ավելի է սեղմում իրեն: Համեստը վերից շշուկով խոսում, պաղատում է, որ վար բերի: Ասում է. «Ցած դիր, Արշակ ջան, ցած դիր, ոտերս թմբրել են»: Ցած է դնում, պառկում ծաղիկների ու խոտերի մեջ և աչքերը փակում է երանությունից: Իսկ Համեստը կողքին նստած, սիրո խոսքեր է շնչում, ձեռքերը քսում է մազոտ երեսը: Քսում է ու երգեցիկ, մեղմանուշ ասում է. «Իմ հերո՛ս, իմ փրկարա՛ր, իմ...»: Այդ շոյանքի գրգիռ-կրակը տալիս է ամբողջ մարմնին: Ձեռքերը բարձրացնում է, որ շոյող թաթերը բռնի... և արթնանում է: Շաղված աչքերով շորս կողմն է նայում, Համեստ չկա: Նստում է, ծնկները գրկած ուզում է որոշել, թե որտե՛ղ է գտնվում, ինչպե՛ս եղավ այս բոլորը, և ի՛նչ պիտի անի վերջապես...

— Փառքդ շա՛տ լինի, աստված,— մրմնջաց լացակումած,— լավ է՝ մարդուն երազ ես տվել, որ տեսնի, մխիթարվի: Թե չէ, սիրտը կտրաքվեր:



Ալեքսանդր Խատիսովը հունիսի 2-ին հատուկ գրություն ուղարկեց Հայոց սպարապետ Նազարբեկովին. «Հաղորդում եմ Ձեզ,— գրել էր նա,— որ երեկ մենք ստորագրեցինք խաղաղության պայմանագիրը Թուրքիայի հետ...»: Շարադրել էր պայմանագրի կետերը՝ իրենց համառոտ գծերով և հպարտությամբ նշել. «Էջմիածինն է՛լ մերն է»: Եվ ինպե՞ս չհպարտանալ, երբ Թուրքիայի ու Հայաստանի սահմանը պիտի անցնի էջմիածնի տակով՝ հայոց հոգևոր կենտրոնը շնորհելով հայերին:

Վերջում հայ պատվիրակութեան նախագահն իր սրբազան պարտականութիւնն էր համարում Հայոց սպարապետին հայտնելու իր երախտագիտութիւնը նրա անձնական ղեկավարութեամբ Ղարաքիլիսայի կողմերում տեղի ունեցած ճակատամարտերի համար. «Զերմորեն շնորհավորում եմ Ղարաքիլիսայի մոտ ձեր տված ճակատամարտի առթիվ, որը գերագույն հրամանատար Վեհիբի կողմից արժանացել է խրախուսանքի ու ջերմ գովասանքի՝ իբրև հայ զինվորների փայլուն գործողութիւն»:

Պայմանագիրը մենք ստորագրել ենք Հայաստանի անկախ Հանրապետութեան անունից:

Խաղաղութեան պատգամավորութեան նախագահ՝  
Ալ. Խատիսով,  
անդամներ՝ Պապաջանով, Քաջագեունի»:

\* \* \*

Թիֆլիսի Հայոց ազգային խորհրդի նախագահ Ավետիս Ահարոնյանին գրած նամակն ավելի ընդարձակ էր, հանգամանալից, հատկապես՝ հոխորտալից (չէ՞ որ անհնարինն է ձեռք բերվել, հայոց տարաբախտ ժողովրդի համար երկնքից աստղեր են իջեցրել):

Ահա այդ նամակից ես կատարում եմ քաղվածքներ, որոնք մոտավոր գաղափար կարող են տալ խատիսովյան տրամաբանութեան մասին:

Բաթում, 1918 թ. հունիսի 2:

Թանկագին Ավետիս, Բաթում ժամանելուց 2 ժամ հետո (հասել ենք ցերեկվա ժ. 3-ին) մենք բոլորս եղանք Խալիլի մոտ և պատրաստեցինք պատասխանի երեք տարբերակ... Զրույցից հետո Խալիլ բեյը մեզ հասկացրեց, որ հետագա բանակցութիւնների համար ամենալավն է տալ լիակատար համաձայնութիւն, իսկ հետո բարեկամաբար ճշգրտել պայմանագիրը: Մենք քննեցինք վիճակը, և ժ. 7-ին ես միայնակ նրան բերի պատասխանը...

Հաջորդ օրվա առավոտյան ժ. 10-ին սկսվեց Խալիլի, Վե-

հիբի ու մեր առանձին խորհրդակցությունը: Զրուցից պարզվեց, որ վերջնագրի վերաբերյալ մեր համաձայնությունը (վերջնագրի ժամկետին վրաստանի պահպանած լուծված կողքին) Կոստանդնուպոլսում գործել է շատ լավ տպավորություն»:

Ուրեմն, վրացիներն էին պայմանագրից շահողը, նրանք չէին շտապել, իսկ Խատիսովը, առանց ժամանակ վատնելու, ոտ ու ձեռ էր ընկնում Հայաստանն ինը հազար քառակուսի կիլոմետր տարածության մեջ պարտակելու համար:

«Ապա երեկ մենք խմբագրեցինք պայմանագիրը, — շարունակում է հայոց սլատվիրակության ղեկավարը, — իսկ ճաշից հետո նախաների գնացինք ձեզ հետ հեռախոսելու համար:

Պայմանագիրն այսօր մաքրագրվում է: Այս ընթացքում ես հեռախոսել եմ Կարս՝ գեներալ Կորգանովի հետ և իրեն եմ հաղորդել վերը շարադրածները, որպեսզի նա էլ դրանք հաղորդի Արամին, նազարբեկովին և Ալեքսանդրապոլ: Գեներալն անվնաս է, և նրան ավտոմոբիլով կբերեն Բաթում: Նա շատ է ցնցված նյարդորեն: Անկախ այս բոլորից, ես Կարսով պառլամենտյոր եմ ուղարկել նազարբեկովին, [հետո էլ] պայմանագրի հիմնական կետերը՝ խնդրելով կատարել մի շարք կարգադրություններ՝ դադարեցնելու ռազմական գործողությունները: Զեզ էլ խնդրում եմ ձեր կողմից ևս անել նույն կարգադրությունները:

Մենք մտածում ենք ճանապարհվել վաղը չէ մյուս օրը:

Սա այսօր եղել եմ վեհիբի մոտ (իրականում հարցերը նա է լուծում և ոչ թե Խալիլը), և մենք ունեցել ենք լուրջ զրույց Թուրքիայի ու Հայաստանի այն հարաբերությունների մասին, որ Թուրքերն են պատկերացնում: Նա որոշակիորեն հայտարարեց, որ Հայկական (թեկուզև փոքրիկ պետություն կազմելուն Թուրքիայի կողմից տրվող համաձայնությունը շրջադարձային կետ է Թուրքիայի պատմության մեջ, որ դա հայերի հետ հաշտության տանող առաջին քայլն է, և որ դրանից հետո հեշտ պիտի լինի լուծել հայկական մի շարք ուրիշ հարցեր: Իրենց այդպիսի տրամադրությանը նպաստել են.

ա) Հայերի քաղաքականության պարզությունը (նախապես՝ թշնամական, իսկ այժմ՝ հաշտվողական),

բ) Համաձայնությունն ու խաղաղության դաշինքն Ադրբեջանի հետ,

գ) Ճշգրիտ պատասխանը նաև վերջնագրի ժամանակ,

գ) Ղարաքիլիսայում հայրենիքը պաշտպանող զինվորների Պերոսուժյունը, որը նրանց հարգանքով է լցրել [իրենց նկատմամբ]:

Մի քանի օր հետո էնվեր փաշան կգա Ալեքսանդրապոլ, ուր-կից պիտի գնա Ելիզավետապոլ, իսկ հետո՝ Բաթում: [Վեհիբը հույժ երաշխավորեց մեզ, հատկապես ինձ՝ իբրև պատգամավորության նախագահի] գալ Ալեքսանդրապոլ՝ հանդիպելու նրա հետ, և տալիս է գլխավոր շտաբի մի սպայի, որն այնտեղից մեզ հետ պիտի գնա Թիֆլիս և ուղեկցի մինչև Ալեքսանդրապոլ: Քննեցե՛ք հարցը: Մեր կարծիքով՝ գնալն օգտակար պիտի լինի»:

Հետո էլ նատիսովը պատմում է այն բացառիկ վատահուժյան մասին, որ ինքն է ձեռք բերել թուրքական պատվիրակության աչքում. բանն այնտեղ է հասել, որ ինքը միջնորդություններ է անում թուրքերի ու վրաց մենշեխների միջև և վերջիններիս տալիս է իմաստուն խորհուրդներ: «Ռամիշվիլին եկավ ինձ մոտ խորհուրդի, — գրում է միջնորդի դեր ստանձնած դիվանախոսը: — Սա էլ խորհուրդ տվի պատերազմը շարունակել և ստորագրել պայմանագիրը: Նա ինձ խնդրեց, որ Թիֆլիսում, եթե իրեն մեղադրելու լինեն զիջողականության մեջ, ես պաշտպանեմ իրեն և ասեմ, որ ինքս գիտեի ամբողջ իրավիճակը, ինքս էլ պայմանագիրն ստորագրելու խորհուրդ եմ տվել: Հիմա, երեկոյան Ժ. 11-ին, ես տեղեկացա, որ նրանք ավարտել են և ստորագրում են»:

Իբր թե Վեհիբն իրեն ազնվորեն խոստովանել է, «որ հայերը Ղարաքիլիսայի մոտ ցուլց են տվել, թե իրենք լինելու են աշխարհի լավագույն կովողները»:

Նազարբեկովը պիտի մտածեր, որ աշխարհում եթե մի իրական ու արդար բան կա, դա էլ Քաշ Նազարի բախտն է... Եթե իհարկե, Վեհիբը չի ծիծաղել քամի կուլ տված հայ պատվիրակի վրա՝ Սարգսրապատի համար բերանը շուր առած՝ Ղարաքիլիսայի նահատակությունը գովելով:

Եվ ահա «աշխարհի լավագույն կովողներին» վիճակված ինչ հազար քառակուսի կիլոմետր տարածքի տերերն էլ պարտավորվել են իրենց երկիրը փռել թուրքերի առաջ: «Մեր պայմանագրի համաձայն՝ թուրքերն անցուղարձի իրավունք ունեն մեր երկրի տարածքով, — կարծես դա էլ մի հպարտանալու բան է՝ հա-

դորդում էր Խատիսովը:— Այսօր միայն գնում են դեպի Ղազախ-Աղստաֆա: Գաղտնի կերպով նրանք ցանկանում են Ադրբեջանի համար երկաթգիծ ապահովել...»:

«Մենք պայմանագիրն ստորագրել ենք անկախ Հայաստանի անունից:— Նամակի վերջում այս կարևոր հանգամանքը ևս շեշտում է հայոց պատվիրակության ղեկավարը: Եվ այս «անկախը»՝ հատկապես նրանի՛ց հետո, երբ շքմեղանքով նշել էր, թե «թուրքերն անցուղարձի իրավունք ունեն մեր երկրի տարածքով»: Իսկ հայը լավ էր իմանում, թե ի՛նչ է նշանակում թուրքի անցուղարձը: Այո՛, «անկախ Հայաստանի անունից,— գոնե անուն պե՛տք էր ունենալ:— Այլապես գործն անիմաստ կլիներ: Դրա համար էլ մենք բոլորս գտնում ենք, որ այդ գործը պետք է ավարտին հասցնել: Չի կարելի խոսել ինչ-որ «Հայկական նահանգների» մասին, կարծես մենք մի տձև կտոր ենք, անտեր ու անանուն: Անհրաժեշտ է պատրաստել ակտը, համեստորեն այն հրապարակել, ընտրել կառավարութուն, շտապ այն Երևան ուղարկել, սկսել բոլոր այն գործողությունները, որոնք բխում են պայմանագրից, օգտվել նրա ընձեռած իրավունքներից [հյուպատոս, որը սարսափելիորեն կարևոր է բռնագրավված տեղերում], պատգամավորութուն ուղարկել Կոստանդնուպոլիս և սկսել երկրի կազմակերպումը:

Մենք խոսել ենք նաև երկաթգծով գնալն արտոնյալ օղանակով անելու մասին: Մի խոսքով, գուցե նրանից, որ այստեղ խաղաղ ու հանգիստ է, ապագան էլ մեզ այժմ երևում է ցայտուն և թուրքերի հանդեպ վարելիք քաղաքականությունը՝ որոշակի: Հիմա պարզ է, որ առայժմ Թուրքիան միայնակ է տիրություն անում: Գերմանիան չի երևում, և իրեն էլ զգալ չի տալիս: Թուրքերը հույս ունեն, թե խաղաղությունը կդատարկի Բաքուն: Սակայն, եթե այդ շկատարվի, ապա նրանք այնտեղ զորքեր կուղարկեն: Երեկ նրանք այդ մասին ասացին հաստատորեն: Մենք խնդրում ենք, որ սպասեն, մտածելով, որ կարելի կլինի հայերին այնտեղից ուղարկել իրենց տները: Թուրքերն Ադրբեջանի շրջանում շատ շուտով ճանապարհը բանուկ կդարձնեն:

Եվ այսպես, ընկերս, պարզ է, որ ձեր որոշումը հաշտության վերաբերյալ՝ լիովին ճիշտ է: Դուք միայն ուշացել եք, անհրաժեշտ էր հաշտվել Տրապիզոնում: Բայց մեծ է հայոց հողի ոգին: Մենք բերինք խաղաղության վատ պայմանագիր, սակայն բե-



րինք նաև անկախ Հայաստան՝ տուն, բույն, ուր պետք է փթթի ժողովրդական միտքը: Այս բուրբ կձուլի, կմիավորի, կբարձացնի ոգին: Եվ դա կարևոր է: Ես հավատում եմ մեր պետութեանը:

Պատգամավորութունը գործում է միանգամայն համերաշխ ու բարեկամութեամբ (Սա էլ Քաջազնունու պոռթկումն է չիք զարձնելու համար . — Բ. Ու.):

Ա. Խառնավձ:



Հայոց Ազգային կենտրոնական խորհրդի պարագլուխները դեռ մի կարգին չէին պատկերացնում Ավետիս Ահարոնյանի և Ալեքսանդր Խատիսովի հռչակած անկախութունը, երբ մտածեցին այն պահելու մասին և եկան այն եզրակացության, թե դա համարյա անհնար պիտի լինի: Նոր միայն հիշեցին, որ անկախացած մուսավաթի ու մենշևիկի աքցանի մեջ, հայակույ թուրքի զորքի առաջ հայոց անկախութունը կարող է դառնալ վերացական խոսք, եթե նրա համար չապահովվի մի ամուր թիկունք: Այն ժամանակ խելք խելքի տվին և որոշեցին իրենց հորինած անկախ Հայաստանը կախել որևէ ազդեցիկ շնքից: Հիշեցին Ալբիոնի երկիրը՝ Մեծն Բրիտանիան: Նրա բարեկամության հին ցույցերն ու շռայլ խոստումները հիշեցին, այդ խոստումներով սգևորված հայ ազատամարտիկների նահատակութունները, արդու-համիդյան զանգվածային կոտորածները: Հիշեցին, որ, երբ ջարդվող հայության աղաղակները հասել էին Եվրոպա, Մեծն Բրիտանիան խոսեց ամբողջ ձայնով և ասաց. «Շատ եմ ցավում, բայց ինչպե՞ս օգնեմ. ես միայն հզոր նավատորմիչ ունեմ, որը դեռ չի սովորել լեռները քարձրանալ, որպեսզի դա ու ձեզ փրկի»:

Հետո հիշեցին Գերմանիան: Չէին կարող մոռացած լինել, որ հայության Մեծ Սղեունը եթե թուրքաց ձեռքերի գործն է, ապա այդ ձեռքերն ազատ գործել էին կայսերական Գերմանիայի թողալովությամբ ու հորդորով... Իհարկե, մոռացած չէին լինի: Սակայն ուրիշ ճար չկար: Հո չպիտի՞ դիմեին Ռուսաստանին,

որն ինքն էր մի ամիս առաջ իր հովանավորութիւնն առաջարկել, և Անդրկովկասյան հանրապետութիւն կոչված մեռյալ հոգին արժանապատուությամբ պատասխանել էր, թե Ռուսաստանից հեռու որևէ շեղոք գոտի կուզարկի իր ներկայացուցչին, որ պեսզի սա հաղորդի և Ռուսաստանի քթին սեղմի Անդրկովկասի անջատ անկախութիւնը:

Հասկանալի է, որ հայոց պարագլուխները պիտի կանգ առնեին Գերմանիայի վրա: Որոշեցին կազմել մի հեղինակավոր պատվիրակութիւն՝ նրա կազմի մեջ մտցնելով բժիշկ Համո Օհանջանյանին, Հովհաննես Քաջազնունուն և ուրիշ որևէ հեղինակավոր ու գործունյա մարդու: Այդպիսին ճանաչվեց սոցիալ-գեմոկրատ Արշակ Զուրաբյանը: Պատվիրակութիւնը Եվրոպա պիտի անցներ Բաթումով, մանավանդ որ Օհանջանյանն ու Զուրաբյանը այնտեղից էլ իրենց ընկերակից պիտի դարձնեին Քաջազնունուն:

Համո Օհանջանյանը, ըստ երևույթին, հասցրել էր զրույց ունենալ Բաթումին դեռևս իր հրաժեշտը շտված գերմանացի զորավար Ֆոն Լոսովի հետ: Գրանից առաջ էլ, ինչպես վերը տեսանք, զորավարի հետ նավում հանդիպել էին Խատիսովն ու Քաջազնունին, և սրանց հետ ունեցած զրույցի ժամանակ էր, որ Լոսովը հայերին խորհուրդ էր տվել նման մի պատվիրակութիւն ուղարկել Բեռլին: Բոլորն էլ հույս ունեին կայզերական Գերմանիայի հեղինակավոր ճշումով շահավորել թուրքաց հակահայկական սանձարձակութիւնները:

Հիմնականում բժշկական գործունեությամբ իր համար անուճ ձեռք բերած Համո Օհանջանյանը, որին բախտ պիտի վիճակվեր նաև դառնալու դաշնակցական հանրապետության վերջին վարչապետը, ո՛չ խանդավառված էր եղել Անդրկովկասյան հանրապետության օրապակաս անկախությամբ, ո՛չ էլ կարծում էր, թե պիտի ապրի նրան փոխարինելու եկած հայոց անկախութիւնը: Հմուտ բժիշկը ակնհայտ ախտանշաններից ժամանակին հաստատապես որոշել էր, որ մենչևիկների, մուսավաթականների ու դաշնակների միութիւնն անհնար է եղել ի սկզբանե, որովհետև նրանք ի ծնե ախտահարված էին անհամատեղելիությամբ: Բժիշկը Հայաստանի անկախութիւնն էլ էր համարում ոչ այնքան անվտանգ հիվանդութիւն, որից զգուշացնում էր՝ հետևելով գերմանացի զորավարի խորհուրդին: Բայց լավ է այստեղ խոսքը

տամ իրեն՝ բժիշկ Համո Օհանջանյանին, որը մայիսի 28-ի ժամը 4-ին Բաթումից նամակ է հղել Թիֆլիս՝ Հայոց ազգային խորհրդի նախագահ Ավ. Ահարոնյանին կամ նրա տեղակալ եաշատուր Կարճիկյանին: Այդ նամակում բժիշկը, ի միջի այլոց, գրել է. «Խոսեցի նորից Լոսովի հետ, վրացիների հետ արդեն խոսել է, և դրանից հետո է, որ նա հիմա ավելացնում է, թե ինքը չի կարող վճռողական կերպով մեզ խորհուրդ տալ անկախություն հայտարարել, քանի որ ինքը լավ ծանոթ է տեղական պայմաններին, կարող է պատահել, որ դա շատ օգտակար շլիների մեզ համար, որովհետև Թուրքիան կարող է ասել, թե քանի որ սա անկախ երկիր է, ես կարող եմ հետը վարվել այնպես, ինչպես ուզում եմ, ոչ ոք գործ չունի և չի կարող միջամըտել: Այդ պատճառով էլ նա ասում է, որ այդ խնդիրը պետք է մի քիչ կշռադատել: Համենայն դեպս, խորհուրդ է տալիս մտածել, նախքան այդ անելը...»:

Լավ խորհուրդ է. պետք է կշռադատել, մտածել, նախքան մի բան անելը: Ժողովուրդն ասում է՝ յոթ չափիր, մեկ կտրիր: Թիֆլիսի հայոց ազգային խորհրդի ղեկավարները նախ կըտրել էին, նոր սկսեցին մտածել:

Հովհաննես Քաջազնունին՝ Բաթումի խորհրդաժողովի հայ պատվիրակության անդամն ու ապագա անկախ հանրապետության առաջին վարչապետը, Բաթումում հասկացավ, որ ա՛յն գնացքը չի նստել, մանավանդ՝ ա՛յն շեն իր ուղեկիցները: Եվ նա էլ Ազգային խորհրդի ղեկավարներին Բաթումից նամակով հաղորդեց իր դժկամությունը. «Ես իմ կողմից ասում եմ՝ թե որևէ ընկեր կա, աղատեցեք ինձ այն անտանեչ տանջանքից, որ կրել եմ Տրապիզոնում, կրում եմ Բաթումում և անկասկած կրելու կլինեմ Բեռլինում»:

Քաջազնունին Բեռլին գնալուց հրաժարվեց այնպես, ինչպես մեկուսի էր մնացել դաշնագրի խատիսովյան տարբերակի ծնընդի արարողություններից:

Սակայն դաշնագիրն արդեն ընդունված էր, և Հայոց տարաբախտ երկրի վրա վերստին կախված էին մնում սև ու մահաբեր ամպերը:

Հաշտութեան գույժը հայկական ամենատարբեր շրջանների վրա թողել էր նույն տխուր տպավորութիւնը և բորբոքել նույն զզվանքն ու զայրույթը: Ի՞նչ հաշտութիւն, երբ թշնամին ծնկել է կրծքիդ և կոկորդդ է կրծում: Ի՞նչ հաշտութիւն, երբ հայոց զորքը, առաջին հաղթանակներով խանդավառված, հալածում և իր երկրից դուրս է շարտում թշնամու բանակները, իսկ դուք ի չիք եք դարձնում նրա հուլիսերը:

Զինվորութիւնը հաշտութեան բոթն ընդունեց որպէս իր մեղքին հասցված ամենաստոր դավաճանական հարվածը: Հրամանատարութիւնն առաջին հերթին բռունցք դարձավ, որպէսզի ծայր շանի դասալքութիւնը, ստորաբաժանումներում տեղի չունենան կամայականութիւններ, որոնք սովորաբար ժանտախտի դեր են ունենում ամեն մի բանակի համար: Իսկ հետո սկսեց հեռագրերով ոմբակոծել բոլոր վերադասներին. պահանջում էր թույլ տալ շարունակելու հաղթական պատերազմը, երկիրը մաքրելու բռնագրավիչներից և հասնելու Կարս: Գոնե Կարս...

Հայկական կորպուսի օրագրի մեջ գրված է, թե դեռևս հունիսի 1-ին «Անդրանիկն ստացել է թուրքական դիվիզիայի պետի գրութիւնն այն մասին, որ Թուրքիան պայմանագիր է կնքել Հայաստանի հետ: Թուրքերը (հայկական) կորպուսի հրամանատարին զինադադար են առաջարկել: Գններալ Նազարբեկովը համաձայնութիւն է տվել»: Զորավար Անդրանիկն այդ գրութիւնն օգտագործել է «հոտած ճանապարհին» և իր զորագունդը քշել Ղարաքիլիսայում անպաշտպան հայերին հոշոտող թուրք զորքի վրա: Սակայն, որովհետև թիկունքից անդադար հնչում էին Նազարբեկովի զինադադարի կոչը և կարգադրութիւնը չկատարողներին պատժելու սպառնալիքը, հայոց ազատագրութեան քաջ զորավարը հունիսի 4-ին ընդունեց անկասեցնելի վճիռ: Այդ օրը կորպուսի օրագրում նշվել էր հետևյալը. «Անդրանիկը հաղորդում է, թե քանի որ կնքվել է ստորացուցիչ պայմանագիր, ինքը հեռանում է ճակատից»:

Այս առթիվ Անդրանիկն ինքը ևս թողել է իր գրավոր խոսքը: որն անկարելի է շփշել այստեղ:

Պատերազմի վերջին օրերին ոչինչ մխիթարական չկար Ղա-

րաքիլիսա-Դիլիշան գծի վրա, այն ճակատամարտում, որի մասին այնպես բարձր գովասանական խոսքեր էր շռայլել Վեհիբ փաշան, և որի խոսքերն էլ հալած յուզի տեղ էր ընդունել Ալ. Խատիսովը: Ղարաքիլիսայից Դիլիշան նահանջող սպարապետը վերջին այս հանգրվանում շկարողացավ երկար մնալ: Բեկ Մամիկոնյանի ու նրա դասակիցների տազնապալից հեռագրերը խեղճ զորավարի առաջ պատկերացրել են մի ժանր հեռանկար, որից փախչելը սպարապետի կողմից գիտակցվել է որպես միակ խելացի քայլը:

Լոռու կողմերից քսան հազար գաղթականներին ապահով մի տեղ տանող Անդրանիկի զորամասը երբ հասավ Դիլիշան, այնտեղ այլևս ո՛չ սպարապետ կար, ո՛չ զորք: Այս մասին ինքը՝ զորավար Անդրանիկն է գրել, թե «հասա Դիլիշան, ուր տեսա, թե ոչ ոք կա, բոլորն ալ փախած են: Գտա Մեսրոպ եպիսկոպոսը հազարե ավելի որբերով... Փախչողները գետը թափած էին 12 գնդացի, 2 թնգանոթ, միլիոնավոր փամփուշտ և քանի մը հազար թնդանոթի ումր»:

Այստեղ զորավարը գիրքեր է ամրացնում, իր զորամասը գիրքավորում: Ապա վերականգնել է տալիս հեռախոսի ու հեռագրի գծերը, կապվում Ելենովկայի և Երևանի հետ: Դրանից հետո էլ հայտնի է դառնում Հայոց սպարապետի նոր, նշանակալից հանձնարարությունը: Այդ մասին Անդրանիկ զորավարը հեզնանքով գրել է. «Զորավար Նազարբեկյան կը հեռագրեր ինձ. «Ի սեր աստժո և ազգության, Տիլիճանը պահե՛՛»: Պատասխանեցի, թե քանի մեկ հատ փամփուշտ ունիմ, Տիլիճանը չե՛մ ձգեր»:

Անդրանիկը պահում էր Դիլիշանը: Սակայն ստացավ թուրքերի հետ կնքված «ստորացուցիչ դաշնագիրը» և որոշեց հեռանալ այդպիսի դաշնագիրն ստորագրողների հետ գործակցելուց: Այդ մասին էլ նա դարձյալ թողել է իր հիշատակագրությունը: «Հաշտության պայմանագիրը կարգալիս ետք, — գրել է Անգրանիկ զորավարը, — Տիլիճանեն հեռագրեցի Նազարբեկյանին հետևելու. «Վեց հարյուր տարվան ստրկության շղթան դարձյալ ձեր վիզն ու ոտքը կանցընեք ձեր ձեռքով: Չեմ կրնար այս պայմաններուն հանդուրժել՝ մոռնալով մեր երեսուն տարվան զոհերը և մեկ միլիոն նահատակները: Ստացեք ինձմե Տիլիճանը, որպեսզի ես մեկնիմ՝ ուր որ կուզեմ»:

Արարատյան երկրում կուտակված հայութունը, տեղացի թե գաղթական, եռում էր գիշեր-ցերեկ, բողոքում էր ու ալեկոծվում. ո՞ւմ անունից են հաշտութուն կնքել այդ շառւատանները, երբ մենք ենք զարկվածն ու զրկվածը և մենք պետք է որոշենք մեր բախտն ու անելիքը: Էջմիածնի գավառի գյուղերից խումբ-խումբ մարդիկ էին գալիս Երևան, ծեծում էին Ազգային խորհրդի դռները և հաշիվ էին պահանջում: Հաշտության պայմանագրով այդ գյուղերի մի մասն անցնում էր թուրքերին, և գերության վաճառվող գյուղերի ներկայացուցիչները լուտանք էին թափում ազգի դավաճանների հասցեին:

Նույն պայմանագրի համաձայն՝ սահման էր դառնալու երկաթգիծը, և Ղամարլուն անցնելու էր թուրքերին: Ղամարլվեցիները, որ Դանիելբեկ Փիրումյանի առաջին իսկ հորդորով ոտքի էին կանգնել և զինավառ դիրքավորվել Արաքսի ափին, հիմա էլ գունդ կազմած, մարտական շարքերով հասան Երևան, ցույց արին քաղաքային այգում, բողոքի ճառերով ու հրացանային համազարկով ազդարարեցին իրենց վճիռը՝ չհանձնվելու թուրքին, ապա թաղման թափորի պես անցան Ազգային խորհրդի շենքի տակով: Որոշել էին ձայն-ծպտուն չհանել, իբր թաղում են Ազգային խորհրդի ողորմելի պարագլուխներին: Սակայն զորասյուններին ուղեկցող կանայք շփոթացան, շենքի պատուհանների տակ դրոշների պես թափահարեցին իրենց լաշակները և ծվծվացին:

— Առե՛ք, դրանցով ծածկեք էդ աննամուս գլուխներդ, դուք իրավունք չունեք տղամարդու գդակ դնելու:

Ահարոնյանը, խատիսովն ու համախոհները հույս էին դրել իրենց կուսակցության վրա, սակայն այստեղ էլ համաձայնութուն ու պաշտպանութուն չգտան: Հակառակը, դաշնակցական կուսակցության կազմակերպութունները Երևանում, Բաքվում և հայկական ու հայաշատ մյուս կենտրոններում դատապարտեցին իրենց պարագլուխների արարքը՝ այն գնահատելով որպես հանցանք ու դավաճանութուն: Արևմտահայ դաշնակցականների «Աշխատանք» թերթը Երևանից իր խմբագրական հոդվածում ընթերցողներին հաղորդում էր, որ եթե Բաթումում արգեն կընքվել է հաշտության պայմանագիրը, ընդունված է թուրքիո վերջնագիրը, զիջված են այդ հողամասերն առանց հայության կամքի

ու կարծիքի, ապա ուրեմն «գործված է հանցանքներու ամենա-  
սւրբ, դավաճանութեան ամենասոսկալին, որոնց նմանը հայկա-  
կան տարեգրութեան մեջ չէ եղած դեռ»:

Ամենասոսկալի դավաճանութեան մասին իմացել էին Բաքվի  
դաշնակցականները և նրանք էլ անմիջապէս իրենց «Արև» թեր-  
թում հայտարարեցին, թէ «հաշտութեան այն պայմանը, որ կա-  
պել է Թուրքիայի հետ Թիֆլիսի Ազգային խորհուրդը, մատնու-  
թեան մի նոր ակտ է հանդիսանում, որի նպատակն է խորտա-  
կել կովկասյան ողջ դեմոկրատիայի միութիւնը և մեր երկիրը  
սրի ու հրի մատնել»:

Մայիսի 29-ին Բաքվի Սովետի ընդլայնված նիստում Անդրը-  
կովկասի դրութեան հարցն էր քննվում, և Ստեփան Շահում-  
յանը, հաշտութեան դաշնագրի ստորագուցիչ պայմաններին  
իւրազեկ, Թիֆլիսի Հայոց ազգային խորհրդի պարագլուխների  
գործարքները գնահատեց որպէս մեծագույն ազգադավութիւն:  
«Նրանց ձեռքին կար մտտ 30 հազար հայ ճակատային զինվոր,—  
ասել է Շահումյանը:— Այդ ուժով հրաշքներ կարելի էր կատա-  
րել: Ես էլ չեմ խոսում զինված գյուղացիութեան հայկական  
զանգվածի մասին, որը միայնակ կարող էր հաշիվ տեսնել թե՛  
թուրքերի և թե՛ Անդրկովկասի բոլոր հակահեղափոխական ուժե-  
րի հետ: Եթէ հայ գյուղացիների գլուխ անցած շինեին Զիենկե-  
լիից ու ժորգանիայից ոչնչով շտարբերվող դավաճաններ, այլ  
իսկական հեղափոխականներ, ապա ժողովուրդը նման խայ-  
տառակ վիճակի չէր հասնի»:

Նույն նիստում Ստեփան Շահումյանն ասաց նաև եզրա-  
փակիչ խոսք, որի մեջ վերստին խարանիչ գնահատականով  
«պատվեց» հայութեան բախտի անկոչ, անճարակ տնօրեննե-  
րին: Ահա այդ խոսքը. «Նրանք ասում են՝ հարկադրված էին կա-  
պիտուլացիայի ենթարկվել Թուրքերի առաջ, իսկ ես ասել եմ  
ու կրկնում եմ, թէ իրական պայմաններն այնպէս էին դասա-  
վորված, որ Անդրկովկասում կար հսկայական զինական ուժ, որը  
պատրաստ էր ելնելու թույլ Թուրքիայի դեմ: Միմիայն հայկա-  
կան ուժերը բավական էին թուրքերի հետ հաշիվ տեսնելու  
համար: Սակայն դուք մենշեիկների ու մուսաֆաթականների հետ  
կազմալուծեցիք զորքերի շարքերը, ոչ թէ այն զորքերի, որոնք  
երեք տարվա պատերազմից հետո ծարավի էին հաշտութեան,  
այլ այն հայկական զորքերի, որոնք պատրաստ էին մենեւլու

գեով պահելու իրենց երկիրը: Դուք այլասերեցիք այդ զորքերը: Ահա թե ո՛րն է ձեր մեղքը, ահա թե ո՛րն է ձեր ոճրագործությունը»:



Սարդարապատի ճակատի զորքը, Ալեքսանդրապոլի մատուցներին հասած հայ զինվորությունը, որ առել էր հաղթանակի համը և ծարավի էր նոր հաղթանակների, կանգ առավ նվաճված բարձունքների վրա: Կանգ առավ՝ հայացքն ակամա ետ դարձնելով, որ տեսնի՝ ի՛նչ է հրամայում իր սիրելի զորավարը: Կային նրբանկատ զինվորներ, որոնք մտածում էին, թե հաշտությունը զորավարի սրտով պիտի լինի: Չէ՞ որ հաշտության պայմանագրով են կատարվում գերիների փոխանակությունն ու տունդարձը: Իսկ զորավարի երկու տղաները գերի են թուրքին... Իրար դեմ կկանգնեն հայրն ու հայրենիքի զինվորը, կկանգնեն, կտան ու կառնեն, և հայրը կհաղթի:

Այսպես էին մտածում: Այսպես մտածողներ կային, երբ նա Մահապարտների գունդը հավաքեց Կարա-բուրուն կայարանից հյուսիս, Ղզլթափա բարձունքի տակ և ասաց իր խոսքը:

Տխուր էր զորավարը: Բժախնդրորեն մաքրակենցաղ մարդ՝ երեսը սափրել էր մաքուր: Հագի զգեստներն այնպես նստած էին վրան, ասես հենց քիչ առաջ էին ձուլել ու հագցրել: Դեմքը, սակայն, ծածկված էր վշտի այնպիսի մշուշով, որ անհնար էր թաքցնել, և կտեսներ նույնիսկ անծանոթը: Եվ ձայնը խռպոտ էր. մատնում էր հոգնությունն ու տառապանքը:

— Զո՛րք հայոց,— տխուր հնչեց զորավարի ձայնը և մի կարճ պահ դադար առնելուց հետո նորից, ավելի բարձր ու հզոր զողանչեց.— Արցախական քաջե՛ր...— Գունդը մեկ միասնական մարմնի պես շարժվեց, ձգվեց և սարսուաց. կարծես հեռավոր կարոտալի եզերքների բոլոր ձայները միախառնված մտան սրբտերը, ալեկոծեցին:— Ճակատամարտի նախօրեին մենք վճռե՛լ էինք այնպես կռվել, որ մեր Քիրսա սարն ամոթով շմնա իր հայր Արարատի առաջ: Եվ կռվեցինք, ինչպես պե՛տք էր, ինչպես կարո՛ղ էինք: Սակայն մեր կռիվը դեռ չի ավարտվել: Մենք զենք



վայր զնելու իրավունք շունենք, քանի դեռ թուրքը ոտնակոխ է անում մեր հողն ու մեր պատիվը...

Զորքը հանգստացած շունչ քաշեց: Նրանք, որ թերահավատ էին, միանգամից ուժ առան, լցվեցին նոր ոգևորութեամբ ու ավյունով:

Կնդապետ Շահնազարյանը հանկարծ պոկվեց իր գումարտակից, մի քիչ առաջ գնաց, կիսաշրջվեց և դեպի զորաշարքերը դուռաց:

— Կեցցե՛ մեր զորավարը, ո՛ւռ-ու՛:

— Ուռա՛, ուռա՛, ո՛ւռ-ու՛, — գունդը որոտաց երեք անգամ: Լևոյա դառնալով դեպի Փիրումյանը, գումարտակի հրամանատարը գոչեց.

— Տա՛ր մեզ նոր ճակատամարտի և հաղթության, սիրելի զորավար, տա՛ր:

— Տա՛ր, — նորից գնդապետի կոչը որոտընդոստ արձագանք տվեց զորաշարքերի վրա:

— Շնորհակալ եմ հավատի ու վստահության համար, — խորապես զգացված, հուզումնալից խոսեց զորավարը: — Ես հավատում եմ ձեզ, վստահ եմ ձեր կամքի ու քաջության վրա...

Զորավարն այստեղ լռեց, մտալլ հայացքը վար պահեց: Եվ երբ զլուխը բարձրացրեց, աչքերում թախծի փոխարեն բարկության կայծեր էին շողում: Քիչ առաջ նրան հաղորդել էին, թե զորավար Անդրանիկը հեռացել է ռազմաճակատից, հենց որ լսել է ամոթալի պայմանագրի մասին: Առել է իր փառապանծ հայրենասերների գունդը և հեռացել: Ուզեց այդ մասին խոսել, մեկ էլ զսպեց: Ասես սիրտը բռան մեջ սեղմած, ցավագնորեն խեղդեց իրեն: Թե դրա փոխարեն ի՛նչ ասաց և ինչպե՛ս խնայեց մեծ զորավարին ու քաջին, հետո շպիտի հիշեր: Կարևորն այն էր, որ շասաց, անունը շտվեց, այլ պարպեց իր փոթորկված սիրտը, անանձնական ցավի կրակի մեջ փոթոթվելով ասաց իր հավատամքը.

— Մենք ազգի ու հայրենիքի զինվորն ենք: Մե՛կն է մեր ազգը, և ուրիշ հայրենիք չունենք: Թե որ դժոխք էլ դառնա ու մեզ կլանի, սա է մեր հայրենիքը, միակն ու ամենաթանկը: Կկռվենք նրա համար, կապրենք կամ կտանջվենք նրա հետ, որ նրա մի բուռ հողին արժանի լինենք... Երանի՛ թե արժանի գառնանք:

Բաթումում կնքված հաշտութեան դաշինքի պայմանները զորավարը գրի էր առել մի թղթի վրա, որը գրպանում էր: Կարող էր կարդալ, և այն ժամանակ հայ զինվորությունը կտեսներ, թե ինչպե՛ս է վարկաբեկվում իր թափած արյունը, ինչպե՛ս է անգոսնվում իր տված զոհերի հիշատակը, և ի՛նչ տեսակ դժոխքի մեջ են նետվում ազգի վերջին մնացորդները: Սակայն չկարգաց:

— Թիֆլիսի ազգային խորհրդի պատվիրակները Բաթումում, թուրքերի հետ միասին,— ասաց նա,— ամբողջ հայության համար մի բնակավայր են սահմանել, որն իբրև գերեզման էլ նեղ է: Այդ պայմանագրի համաձայն՝ պետք է թուրքին զիջենք մեր արդար արյամբ ազատագրած այս հողերը: Որովհետև նրանց խոստացած Հայաստանի տրևմտյան սահմանն էջմիածնի պատն է, արևելյանը՝ Սևանի ափը: Մենք զորք պահելու իրավունք չունենք: Մենք զենքներս պետք է հանձնենք թուրքին և վզներս երկարենք, որ նա կտրի... Մեր երկաթգծին ու մնացած ճանապարհներին այսուհետև տիրություն է անելու թուրքը, որպեսզի արագ ու հանգիստ հասնի Բաքու և բնում խեղդի Ստեփան Շահումյանի բերած ժողովրդական իշխանությունը... Ահա թե Բաթումից ի՛նչ պայմանագիր են բերում հայ ազգի համար...

— Կորչի՞ ստորացուցիչ պայմանագիրը,— բացականչեց գնդապետ Շահնազարյանը, և ամբողջ գունդը մի քանի անգամ կրկնեց նրա կոչը:

Այնուհետև խոսեցին գումարտակների հրամանատարները: Կարճ, բայց վճռաբար՝ հաղթական պատերազմը շարունակելու և իրենց համար ձեռնտու ավարտի հասցնելու օգտին խոսեց նաև գնդի հրամանատար Պողոսբեկ Փիրումյանը: Իսկ երիտասարդ մի զինվորական, որ հանդես եկավ որպես Զրաբերդ գավառի Կուսապատ գյուղի ներկայացուցիչ, այնքան հուզված էր, որ առաջին պահ չկարողացավ ասելիքի տուտը բռնել, սակայն կամաց-կամաց տիրապետեց իրեն, տամկացած աչքերը ռազմաճակատի հրամանատարին հառած՝ ասաց.

— Պարոն զորավար, մեր գյուղից վեց հոգի էինք էստեղ: Երկուսը զոհվեցին Սարդաբապատի համար: Երրորդը՝ իմ մեծ եղբայր Սամսոնը, հետախուզության գնաց... և ընկերները նրա մահվան լուրը բերին: Սամսոնը... Սամսոնը, պարոն զորավար,

հետախուզութեան գնալուց առաջ երեքիս կանչել էք, ասել. «Տղերք, սա կոխվ է, կովում շիր ու շամիչ շեն բաժանում: Ով որ ողջ մնաց, պարտական մնա, թե որ շկովի միջև վերջ, միջև թուրքին մեր աշխարհից դուրս քշելը»: Էսպես ասաց ու գնաց: Սա՛ էր նրա կտակը: Եվ նույն այդ խոսքն էին կտակել մեր բոլոր նահատակները: Հիմի մենք, որ նրանց հղբայրներն ենք ու արյունակիցները, մենք, որ ողջ ենք ու կովի պատրաստ, ինչպե՞ս կարող ենք դավաճանել նրանց սուրբ հիշատակին: Այդ ուղքե՞ր են, որ մեզ մղում են դավաճանութեան...

Կուսապատգի երիտասարդը վերջին նախադասութիւնն ասաց գոռոցով, և գունդը, իրրե պատասխան, նորից որոտաց, հորձանք տվեց:

— Դավաճանութեան է զինադադարը:

— Հաշտութեան կնքողները թուրքացած են:

Աղմուկ-աղաղակը ծանրացավ զորքի վրա:

Պողոսբեկ Փիրումյանը, ճակատի հրամանատարի ականջի տակ ինչ-որ խոսելուց հետո, կտրուկ շրջվեց նորից, ձեռքն առաջ մեկնած լոցերից գունդը և գրպանից մի թուղթ հանելով ասաց.

— Քիչ առաջ գնդի շտաբում պայմանավորվել էինք հայտարարութեան հրապարակել: Խոսեցինք ճակատի պարոն հրամանատարի հետ, և նա էլ է երաշխավորում մեր հայտարարութեանը: Հիմա ես ընթերցում եմ մեր հայտարարութեան նախագիծը: «Տեղեկանալով Բաթումում կնքված հաշտութեան պայմանագրի մասին, մենք՝ Սարդարապատի ռազմաճակատում գործող գնդի զինվորներս ու հրամանատարներս, հայտարարում ենք. ո՛չ Թիֆլիսը, ո՛չ Բաթումը լիազորված չեն հայութեան անունից վերջնական բանակցութիւններ վարելու թուրքերի հետ: Բաթումում կնքված հաշտութեան պայմանադիրը ստորացուցիչ ու աղետաբեր է հայ ազգի համար:

Ինչ որոշում էլ ընդունելու լինեն ազգային այս կամ այն կազմակերպութիւնները, քանի դեռ հայ ժողովրդի ֆիզիկական գոյութեան վրա կախված է թուրքական սպանուալիքը, մենք զենքներս ցած չենք դնի և կկռվենք միջև մեր վերջին շունչը:

Կորչի՛ ամոթալի հաշտութիւնը:

Հանուն հայ ժողովրդի ազատագրութեան»:

Դանիելը և Փիրումյանը Երևանյան ճակատի հրամանատար գեներալ Սիլիկյանին ու Գարեգին եպիսկոպոս Հովսեփյանին՝ հորդորում էր զնալ Երևան և Արամի հետ պայմանավորվել, որպեսզի պատերազմը շարունակեն։ Սակայն Սիլիկյանը համոզված էր, որ նազարբեկովը թույլ չի տա։

— Ես հեռագրերն ստանալուն պես կապվել էի հետը, — հազորգեց գեներալը։ — Ասում էր՝ «Միայն դիակիս վրայով»։

— Բայց մի՞թե չկարողացաք համոզել, — բորբոքվեց Փիրումյանը։ — Չէ՞ որ հայ զինվորությունն ու ժողովուրդն ապացուցեցին...

— Նա մտածում է, թե պետք է փրկել ի՞նչ որ մնացել է, ի՞նչ որ իսկապես կարելի է պահպանել։

— Իսկ չի՞ լինի՝ իր այդ անվստահությանը մի կողմ քաշվի, որ մեր գործն ինքներս տեսնենք։

— Ինչպե՞ս մի կողմ քաշվի, — Փիրումյանի խոսքի տակ մի երկրորդ, ավելի կարևոր շերտ գուշակելով՝ հարցրեց Մովսես Սիլիկյանը։ — Գուցե ստանձնե՞ք կորպուսի հրամանատարությունը։

— Ի՞նչ եք ասում, մարդ աստծու Մի՞թե վտանգավոր է անկեղծ խոսք ասել։ Ետևում անպայման մի քողարկված միտք եք փնտրում։

— Բա ի՞նչ անենք։

— Ինքնե՛րդ ստանձնեք, եթե դա է միակ փրկությունը։

— Ո՞նց ստանձնեմ, — ոսկրոտ, վտիտ ուսերը թոթվեց գեներալը։ — Գնամ, ասեմ՝ կորպուսի հրամանատարությունը նազարբեկովից խլեցեք, ի՞նձ տվեք։ Չեզ համար կարող էի առաջարկություն անել։ Կասեի՝ Սարգարապատում նա ապացուցել է, որ արժանի է։ Մեզ պետք են վճռական, խիզախ և հնարամիտ ղեկավարներ...

— Լա՛վ, Լա՛վ։

— Ես ինքս կառաջարկեմ, — խոսեց Գարեգին սրբազանը։ — Կասեմ՝ պարոն Սիլիկյանին հանձնեք սպարապետությունը թույլ տվեք, որ զորավար Փիրումյանն էլ շարունակի իր ճազ կատամարտը։

Գեներալ Սիլիկյանի շտաբից ելնելով՝ Գարեգին սրբազանն ու Դանիել-բեկ Փիրումյանը մտան Գևորգյան ճեմարանի այն սենյակը, ուր փոխադրել էին տեսչական առանձնասենյակի գրասեղանն ու մնացած պիտույքները, և նրանց միջև տեղի ունեցավ մի կարճ զրույց, որը երկու կողմին էլ ուշինչ նոր բան չտալով, պարզեց, սակայն, կարևոր մի հանգամանք. որ մի՛ տեսակ են մտածում հայ զինվորության ներկայացուցիչն ու հայոց հոգևոր առաջնորդը:

— Ազգային կառավարություն են ստեղծել Քիֆլիսում, — այսպես խոսեց ռազմաճակատի հրամանատարը: — Աչքներիս լո՛ւյս: Գնամ, իմ զորքով բերեմ հայրենի երկիր, նստեցնեմ դարերով թափուր մնացած մեր արքայական դահլին... Բայց ինչո՞ւ, ա՛խր, ինչո՞ւ այդ կառավարությունն իր ծնունդը նշանավորի անխելք հրահանգով: Ո՞նց թե դաշնագիր ես կնքում, հրք որ թուրքը նստած է քո տանը...

— Եվ, մանավանդ, գիտես էլ, հինգ հարյուր տարվա փորձըն է քեզ ասում, թե ի՛նչ է նշանակում թուրքի ներկայությունը, — գորավարի խոսքին արձագանքեց Գարեգին սրբազանը և նրա ուշադրությունը հրավիրեց պատին փակցված քարտեզի վրա: — Ահա այսքան հող պիտի ունենա մեր նոր տերությունը, — և ձեռքով ցույց տվեց Վաղարշապատից մինչև Սևանի արևելյան ափը: — Այսքան խղճուկ մի տարածություն..., որի վրա չգիտես ի՛նչ ու ո՞նց պիտի անես ազգ պահելու համար:

Տոթ էր սենյակում: Զորավարը բացեց պատուհանը, սակայն ո՛չ մի տարբերություն, դրսից էլ նույն տոթն էր ներխուժում:

— Շոգիրը շուտ վրա հասան, — մի բան ասելու համար խոսեց սրբազանը: — Երևի շոր ամառ կլինի:

— Մտածում էինք, թե այս շարիքը դուրս կվանենք Արարատյան աշխարհից, շուտով կհասնենք Կարս, այն է՛լ մերը կդարձնենք: Եվ դրանից հետո թող զինադադար կնքեն... Գյուլղացին կգնա իր բան ու գործին, և ազգը կապրի:

Սրբազանն ուզում էր զորավարի տղաների մասին խոսել, ասել մխիթարանքի այն խոսքը, որի կարիքը երևի թե նա շատ

պիտի զգա: Սակայն նրբազգաց մարդ լինելով, տեսնում էր, որ նա ի՛նքն է իրենց հեռու պահում նման խոսք ու վրույցից:

— Ասում են՝ գեներալ նազարբեկովն ուզում է զորքը ցրել, — ասաց սրբազանը: — Թուրքաց շտաբից են պահանջել՝ իբրև զինադադարի պայման:

Փիրումյանը տազնապած շտկեց իրեն, գոտին ուղղեց.

— Գժվե՞լ է ծերուկը:

— Քիչ առաջ Սիլիկյանի շտաբի պետ Վեբիլյանը հազորդեց: Ասում էր՝ գիշերը հեռախոսով նազարբեկովը խորհրդակցում էր Սիլիկյանի հետ, հասկացրեց, որ թուրքերն արդեն նման պահանջ են ներկայացրել:

— Որտե՞ղ են ներկայացրել: Ճակատո՞ւմ, թե Բաթումի խորհրդածոդովում:

— Իբր, Բաթումից էլ խատիսովն է հայտնել, թե այսպե՛ս ու այսպե՛ս...

— Վա՛յ, դրանց աստվածը գլխներից փախչի. ճիշտ որ խելքները թոցրե՛լ են: Բա քիչ առաջ սա ինչո՞ւ չէր ասում, — գլխով Սիլիկյանի կողմը ցույց տալով՝ հարցրեց զորավարը: — Բե՞ մեզ արժանի չէր համարում նման տեղեկության:

— Գուցե դեռ չեն որոշել իրենց անելիքը, — խուսափուկ պատասխանեց սրբազանը՝ ներքնապես համոզված, որ աններելի է նման գաղտնապահությունը: Այդ ումի՞ց են թաքցընում հայոց զորքին վերաբերող ամենակարևոր խնդիրը: Սարդարապատի հերոսական ճակատամարտի կազմակերպչի՞ց: Բայց չէ՞ որ, համատարած հուսալքության ու ձախողանքների պայմաններում, նա ի՛նքը կանգնեց թուրքի դեմ, ձեռք բերեց այն հաղթանակը, որի շնորհիվ հիմա քիթը ջարդված թուրքը ձեզ հետ բանակցության է նստում:

— Չէ՛, սրբազան, դա խելագարությունն է:

— Բայց գուցե նման բան չկա էլ..., — Գարեգին սրբազանը զղջաց, որ առանց այն էլ պաշտոնական ու անձնական ցավերի մեջ տապակվող զորավարին նոր մի ցավ պատճառեց այդ անախորժ տեղեկությամբ: — Գուցե միայն դատարկ խոսակցու-թյո՛ւն է:

— Ի՛նչ դատարկ խոսակցություն, ա՛յ սրբազան: Վեբիլյանը լուրջ մարդ է: Նրա նմանն անստույգ տեղեկություն կհաղորդե՞ր...

— Համենայն դեպս, այս նեղ վիճակում այդ չէ մեր ամենամեծ հոգսը: Հետո էլ, հայոց զորքի ընտիր մասը քո կարգադրության տակ է: Կուզես՝ չես զորացրի:

— Ի՞նչ ես ասում, ա՛յ սրբազան. ո՞նց չես զորացրի, երբ կառավարություն են ստեղծել և այսուհետ ամեն ինչ պիտի ասեն ու անեն կառավարության անունից:

— Հա՛, դա ուրի՛շ բան:

— Կառավարության որոշումը չկատարողի գլուխը չեն շոյում: Այդ մեկը քեզ հայտնի՞ է, սրբազան:

— Ա՛յ քո տոհմի անցյալները լույս դառնան, սրբազանը ե՞րբ է կառավարություն տեսել, որ իմանա, թե նրա հրամաններին ինչպե՛ս պիտի վերաբերվել,— ժպտալով խոսեց Գարեգին Հովսեփյանը և անհանգստացավ:— Ա՛յ, կունենանք, կիմանանք...

— Բա՛, այդպիսի բանե՛ր:

— Այնուամենայնիվ, ես գնամ Արամի մոտ:

— Գնա՛, Չնայած, այսօրինակ խաղերից հետո, դժվար է որևէ լավ բան հուսալ...

Նրանք բաժանվեցին, և Գանիելբեկ Փիրումյանն ուղևորվեց դեպի ճակատ, որ այլևս ճակատ չէր, այլ խաղաղ մի զորակայան:

Ճանապարհին Ճերմակը, այն քանի՛ օր պարապ ու հանգիստ մնացած, երևի ուզում էր վազել, սկսեց լկամն անհանգիստ ծամել ու քաշել: Սակայն մեկ էլ զգալով տիրոջ անտարբերությունը, իրեն հանձնեց նրա կամքին: Իսկ նա մոռյլ էր, տխուր, զգում էր մի այնպիսի դժբախտություն, ասես երկինքը փուլ էր եկել և այն էլ հենց իր վրա:

Երբ զորքի հետ էր լինում, հրամանատարական պարտականություններով զբաղված, առժամանակ մոռացության էր տալիս որդիների վիճակը: Ավելի ճիշտ՝ անպայման իրեն հանգրստացնում էր նրանով, որ ժամանակը կկարգավորի ամեն ինչ: Իսկ առավել հաստատ՝ որ պատերազմ է եղել, հայ ազգի ճակատագրի համար ամենավճռական ճակատամա՛րտը: Իսկ այդ ճակատամարտի հաղթական ելքի համար ինքը երգում էր տվել Արարատին, խոստացել էր իր կյանքը և թե որ հարկ լինի, նաև ամենաթանկն ու անփոխարինելին՝ զույգ զավակներինը...

Այս տեսակ պատճառաբանութիւնը, հոգեկան փոթորիկը մեղմացնելու այս եղանակը երևի թե ամենաճիշտն է,— մտածում էր զորավարը:— Մանավանդ, որ միշտ աչքի առաջ է Արարատը և կարող ես խոսել հետը, հաղորդվել նրա հավերժութեան խորհրդին, նրա հաստատ ու փառապանծ վեհութեանը:

\* \* \*

Իրիկնամուտին, երբ Արարատի կողմերից եկած քամին խուժել էր Երևանի այգիները և ծառերին խուտուտ էր տալիս, Գարեգին սրբազանը մտավ քաղաք: Տակի շորին քնձոտ ու պառավ էր, թե չէ, տեսնողը կասեր՝ Քրիստոսը մտավ Երուսաղեմ: Հայտնի չէ Քրիստոսը համոզված էր, թե իր մուտքով, իր հետքերով պիտի տասնապատիկ փառավորվի սուրբ երկրի գրեթե ամբողջ քաղաքը: Բայց Գարեգին սրբազանը հույս ուներ և նույնիսկ համոզված էր, որ Երևանում իր առաջ պիտի բացվի հայ ազգի փրկութեան դուռը, որ ուզում են փակել թուրքերը և նրանց հետ հաշտութեան եկած հայ ղեկավարները: Պիտի բացվի Արամի ձեռքով: Նա կարծում էր՝ Արամը կարող է անել և կանի այդ բանը: Պարզապես մի հրահրող է պետք, վճռականութեան մղող մի մարդ, և այդ քաջակորով, հայրենասեր գործիչը կկանգնի ազգային ու անձնական արժանապատվութիւններից զուրկ կենտրոնական ղեկավարութեան դեմ, կասի՝ ո՛չ, ազգը չպետք է կծկվի իր տան վերջին օճորքում և սպասի պատրաստվող օրհասին: Մենք թշնամուն հաղթել ենք և պետք է շարունակենք հաղթական պատերազմը, մինչև որ ազատագրվի մեր հողը, և ազգը հնարավորութիւն ստանա շարունակելու իր բնականոն կյանքը: Վերջապես էլ ո՞վ, եթե ո՛չ Արամը: Արարատյան երկրում նա ղեկտատոր է նշանակված: Էլ ի՞նչ ղեկտատոր, եթե չպետք է կանգնի համազգային շարիքի դեմ և չպետք է թեւադրի իր արդար կամքը: Չէ՛, Արամը չի կարող շանել այս վճռական քայլը, երբ հայրենիքն ու ազգը կանգնած են վերջին ու մեծագույն քննութեան առաջ:

Սրբազանը շորին քշեց Ցարսկայա փողոցը, Արամի բնակարանի վրա, ուր մի քանի անգամ եղել էր և փակ աչքերով էլ կգտներ: Դուռը փակ էր, և հարևանը թոնթորալով ասաց.



— Տուն ե՞րբ է տեսնում: Գիշերվա կեսին երևա թե ոչ...

Բայց երևալս ո՞րն է, երբ աշխատում է մի փողոց այն կողմ պազած երկհարկանի շենքում, և այնտեղից իր բնակարանը կարելի էր շքել-անցնել: Մանավանդ, եթե անցնողն էլ Արամի պես հաղթահասակ մեկն է և ոչ թե սրբազանի նման մի կեսմարդ:

Ազգային խորհրդի շենքը, որ Սասաֆյանի ծայրին էր, քաղաքային այգուց վերև, Նազարյան և Բեյբուսթովյան փողոցների միջև, պաշարված էր աղմկոտ ամբոխի կողմից: Իրարով անցած, խվլացող մարդկային զանգվածը եռում էր: Սրբազանը հասկացավ, որ ճեղքելն անհնար պիտի լինի, ջորին կապեց հեռվում կանգնած մենավոր թթենուց և այն է ուզում էր ծանոթ փնտրել, երբ հայտնվեց քաղաքի պարետ Արշո Շահխաթունին:

— Գարեգին սրբազան, ո՞ր քամին..., — անհուն ուրախություն ցուցադրելով՝ վտիտ հոգևորականի գլխավերևը ձգվեց նախկին դերասանն իր շողշողուն զգեստներով:

Երևի Արամն սպասում էր այս կարևոր այցելությանը: Սրբազանին այդպես թվաց, որովհետև Արամ Մանուկյանի առաջ, գրասեղանի կենտրոնում, իրար վրա դարսած հեռագրերն ու գրությունները մտնում էին այցելուի աչքը: Արամը բռան մեջ առավ դրանք, բարձրացրեց ու թափ տվեց:

— Դե, արի, ինքնուրու՛յն եղիր, — վրդովված խոսեց նա: — Բոլոր կողմերից կարգադրում են, պահանջում...

— Ովքե՞ր են այդ կարգադրողները, — խոսակցությունը շարունակելու համար հարցրեց սրբազանը:

— Հայոց նորաստեղծ կառավարության ներկայացուցիչները: — «Հայոց նորաստեղծ կառավարութ՞յուն»: Ուրիշ պարագաներում հենց միայն այս անունը հպարտութամբ կլցնեք սրբազանի հոգին: Կա՛, վերջապես, այդ կառավարությունը, հայն է՛լ արժանացավ նման բախտի: Բայց այդ ի՞նչ հայկական կառավարություն է, որ իր կյանքն սկսում է հակահայկական կարգադրություններով ու պահանջներով: — Բոլորը միակամ ու միաբերան նո՛ւյնն են ասում. զինադադա՛րն է ազգի փրկությունը: Պետք է դադարեցնե՛լ պատերազմը և ենթարկվե՛լ Բաթումի դաշնագրին:

— Իսկ եթե այդ դաշնագրով ծախվել է նույնիսկ մեր վերջին մի բռաշափ հողի կե՞սը, — թնդաց Գարեգին եպիսկոպո-

սը:— Ի՞նչ է, այն է՞լ տանք թուրքին: Բա ամոթ չունե՞ն այդ «հայոց նորաստեղծ կառավարութեան ներկայացուցիչները», չե՞ն վախենում ազգի դատաստանից...

— Նրանք գտնում են, որ դա է միակ փրկութիւնը:

— Նրանք գտնո՞ւմ են,— ափերից ելավ սրբազանը:— Նրանք իրենց սեփական գլուխները թող պատերին զարկեն: Նրանք, ահա՛, այդքան բան կարող են անել: Իսկ ի՞նչ է մտածում Արաբատյան երկրի միանձնյա տերը: Արամ Մանուկյանն էլ խոնարհաբար սլիտի ենթարկվի՞ նրանց ազգակործան կարգադրութեանը:

— Է՛, սրբազա՛ն, սրբազա՛ն,— հուսահատ խոսեց Արաբատյան երկրի Ազգային խորհրդի նախագահը: Թղթերը ճմռթվել էին նրա ջղաձգված բռան մեջ:— Որպես հայ մարդ որոշումներ եմ հանում, անխախտ ու անսասան վճիռներ, և հետո կուսակցական գործիչը գլուխ է բարձրացնում ներսս ու ոտքի տակ է տալիս ամեն ինչ...

Սրբազանի մանր ու բարի աչքերը կլորացան, թռան ճակատին: Ինչպե՞ս թե «որպես հայ մարդ»... ապա «կուսակցական գործիչ»... Ուրեմն, սրանք տարբե՞ր բաներ են, հակոտնյա՞, իրար մերժող... Ի՞նչ նորութիւն է, որ եկավ իբրև պատիժ և դարձյալ տնկվեց այս շարչրկված ու տանջահար հայ ազգի ճանապարհին:

— Եվ այդ քեզանի՞ց եմ լսում, Արամ Մանուկյան,— զարմանքից շվարած խոսեց Գարեգին սրբազանը:— Այն էլ մի ժամանակ, երբ քո վճռականութիւնի՞ց է կախված ազգի բախտը:— Ուզես, կասես՝ շարունակեցե՛ք հաղթական պատերազմը, թուլացած ու նահանջող թշնամուն դո՛ւրս քշեցեք մեր հողից... Եվ ուզես, կասես՝ ենթարկվեցե՛ք Բաթումի խայտառակութեանը, վզներդ պահեցե՛ք թշնամու յաթաղանի տակ...

— Բայց ես ի՞նչ անեմ, սրբազան. ահա նրանք՝ իմ կուսակցական ղեկավարները, կառավարութիւնը և սպարապետը, բոլորը միաբերան ու միակամ նույն կարգադրութիւններն են անում,— և նորից բռան մեջ ճմռթած թափ տվեց հեռագրերի ու գրութիւնների կապը:— Դու իմ փոխարեն ի՞նչ պիտի անեիր: Իմ կուսակցութեան...

— Դե՛, բավական է այդ կուսակցութեան անունով բերանս փակես,— գոռաց սրբազանը, մեկ էլ հասկացավ, որ դա ավե-

լորդ էր. վերջապես, շորրորդ դարձւում չեն հանդիպել մի հոգևորական գործիչ ու մի աշխարհիկ իշխանավոր, որպեսզի անլծեն իրար, և այդ անեծքը դաշվի հայոց հետագա ամբողջ պատմութեան ճակատին:

Արամն ավելի խեղճացավ, քան զարմացավ իր համար շատ հարգելի մարդու պոռթկումի վրա: Նա համողված էր, որ այդպիսի մարդիկ զուր տեղը դուրս չեն գալիս հավասարակշռութեան ու պատշաճի սահմաններից: Եվ փորձեց մեղմել, հանգրստացնել նրան:

Սրբազանը մեղմացած խոսեց, և Արամը հասկացավ, որ նրա խոսքն ուղղված է ոչ միայն իրեն՝ իբրև կուսակցութեան շարքային կամ ոչ շարքային մի անդամի:

— Ես չգիտեմ՝ դուք ձեր կուսակցութեան ո՞ր գործով պիտի հպարտանաք և որի՞ համար ամաչեք, — հանդարտ ասաց միանգամից իրեն տիրապետած հոգևորականը: — Բայց կա մի պարագա, որը հիշելիս ամեն անգամ ինքս ամաչում եմ որպես հայ:

— Ո՞րն է այդ պարագան:

— Ձեր համագործակցութեանը երիտասարդ թուրքերի հետ: Դուք նրանց օգնեցիք ոտքի կանգնելու, քայլել սովորեցրիք՝ ոչ մի տեղ չխնայելով ձեր բարոյական, քաղաքական ու նյութական օժանդակութեանը: Նրանց օգնեցիք՝ դառնան երկրի տերը, որպեսզի այդ երկրում օրը ցերեկով, աշխարհի անպատկառ աչքի առաջ կոտորեն մեր ազգը:

— Նրանք խաբեցին մեզ, սրբազան, — դողացող ձայնով փորձեց արդարանալ Արամը: — Նրանք նենգորեն մեզ խաբեցին՝ խոստանալով ամեն տեսակ բարեփոխութուն մեր ազգի համար:

— Այո՛, նրանք այդպիսի խոստումներ տալիս էին ամեն քայլափոխին՝ միաժամանակ շնորհակալով իրենց համար ամենակարևոր պայմանը. որ մեր ազգն այդ բարեփոխութունները վայելելուց առաջ դառնա օսման, մոռանա իր ազգն ու հավատը: Սա հոգադարձի՞ք չէր: Եվ այսօր նրանց պայմանագիրն էլ այդ է նշանակում: Իսկ դուք ստորագրել եք այդպիսի պայմանագրի տակ և ազգը քշում եք նոր ստրկութեան: Ա՛յս չէ քո հին կուսակցութեան ու նոր կառավարութեան գործը: Եվ հետո էլ սպարապետի անունն ես տալիս: Հասարակ մարդու ողորմելիութեանը կարելի է բացատրել: Նույնիսկ հոգևորականի ու ամեն

տեսակ պաշտոնյայի... Բայց զորավարը մորթապաշտ: էլ ինչո՞ւ զարմանալ, որ վարակն անցել է Ազգային խորհրդին:

Ասաց ու թողեց, մեծաքայլ հեռացավ: Կարճ ոտքերի մեծ-մեծ քայլերով: Եվ այդ պահին նա հսկայի էր նման: Իսկ մեծամարմին Արամ Մանուկյանը կծկվել-փոքրացել էր: Փոքրացել էր հսկայակերպ այն մարդը, որին առյուծ էին համարում իր գասակիցներն ու ճանաչողները: Կուսակցական կաղապարի մեջ կո՞ւչ էր եկել հայ մարդը:

Սրբազանի գնալուց հետո Արամը փակվեց իր առանձնասենյակում և տրվեց դառը մտածումներին: Ամենից առաջ նրան տանջում էին սրբազանի խոսքերն իր կուսակցության մասին: «Այս ո՞ւր ենք հասել, որ հայրենիքի դատին ու ճակատագրին նվիրված գիտունը անարգված է համարում մեր գործն ու վարքագիծը, — ինքնաքննումի ցավերի մեջ տապակվում էր Արամը՝ իր կուսակցության հին գործիչը: — Մի՞թե ծերացել ենք որպես ապրող մարմին, և հնացել են մեր նպատակներն ու երազանքները: Բայց ինչո՞ւ այսպես շուտ և այսպես անուղղելիորեն: Գուցե ամբողջ մարմինը մեղք չունի, և նրա առանձին բջիջներն են մեղավոր...»:

Այստեղ նա հիշեց զավեշտական թե ողբերգական մի դեպք: Թիֆլիսից Ալեքսանդրապոլ էր ժամանել նորաթուխ բաղաբազուխ Ալեքսանդր Խատիսովը և, ըստ երևույթին, կենտրոնական Ազգային խորհրդի հանձնարարությամբ, եկավ նաև Երևան՝ տեղի գործերին ծանոթանալու: Արամը հասկանում էր, որ ասել են՝ գնա՛, տես Արարատյան երկրում ի՞նչ է անում այդ ինքնագլուխ դիկտատորը: Խատիսովը միայն մեկ օր ներսուղուրս արեց թասոց-փսսոցով ու խուլ տրտունջներով, և երբ Արամը փորձեց իմանալ այդ խուլ դժգոհության պատճառը, նա պարզասրտորեն բացատրեց.

— Տնաշեն, — ասաց, — ո՞նց եք յուր գնում այս անդրջր-հեղեղյան պայմաններում. կոյուղի շկա ո՞չ այստեղ, ո՞չ այն ջրի տարած Ալեքսանդրապոլում:

Լուրջ, ծանրումեծ, մոռյաղեմ Արամը հանկարծ բռնվեց բրբիջի վարակով, գլուխը ետ նետած, վեր-վեր անելով ծիծաղեց-ծիծաղեց և երբ դադարեց, աչքերից արտասուք էր հոսում: Իսկական արտասուք:

— է՛, ես լուրջ բան եմ ասում, դու էլ քեզ քրքիշի ես տալիս:

Հառաչեց Արամը և ձեռքերն իրար ագուցելով՝ դրեց ծընկների արանքում, մարմնով օրորվեց...

— Նոր եմ հիշում, իսկապե՛ս չկա,— առավել ծանր հառաչեց:— Իսկ նկատե՞լ ես, որ մարդիկ բան չեն ուտում, և այդ կոյուղու կարիքը համարյա չկա: Մարդիկ անոթի են առավոտից իրիկուն: Ոչ միայն գաղթականները, այլև տեղացի հասարակ, աշխատավոր մարդիկ... Եվ գալուս օրից նրանք են իմ ուշքն ու միտքը: Կոյուղու բացակայությունը չեմ նկատել. ես ի՛նչ հիմարն եմ եղել...

\* \* \*

Երեկոյան ընդհանուր ժողովի էին հավաքվել Ազգային խորհուրդը, Հատուկ կոմիտեն ու Զինվորական հանձնաժողովը և գործող բանակի ներկայացուցիչներին պիտի տային իրենց պատասխանը՝ շարունակե՞լ հաղթական կռիվը, թե՞ ետ քաշվել հայ զինվորության արյամբ նվաճված դիրքերից, որպեսզի թուրքը նորից ոտքի տակ տա Արարատյան երկրի հողն ու պատիվը: Այնտեղ ևս կաղապարը խեղդել էր հայ մարդուն:

Սարդարապատի ռազմաճակատի հրամանատարը գլխաբաց աղերսում էր թույլ տալ, որ գորքն առաջ շարժվի:

— Թուրքերը դատարկում են Ալեքսանդրապոլը: Նրանք չեն կարող դիմադրել: Բարձր է հայ զինվորության ոգին: Առանց մեծ դժվարություններ հաղթահարելու, մենք շուտով Կարս կհասնենք, և մերը կլինեն Արա՛քսը, Արարա՛տը..., — բացատրում էր Դանիելբեկ Փիրումյանը:

Սակայն ոչ ոք չէր ուզում լսել: Նրա մարտական ձայնը չէր թափանցում կաղապարները, որպեսզի հասներ հայ մարդկանց: Մանավանդ, որ այդ կաղապարները հիմա գրահավորված էին պահպանիչ թղթերով, որոնք եկել էին Թիֆլիսից, Բաթումից և Հայոց անհասցե սպարապետից:

— Հարգե՛նք մեր նորաստեղծ կառավարության հրահանգը, — դահլիճն էր գոռում:

Իսկ բաղաբային դումայի նախագահ Արմենակ Թոշյանը,

իրը, Սարգարապատի հերոսի նկատմամբ տածած անհուն հարգանքից ու հոգատարութիւնից, գտնում էր, որ խաղաղութիւնը ձեռնառու է նաև իրեն՝ Դանիելբեկ Փիրումյանին:

— Մենք մտահոգված ենք նաև ձեր երկու որդիների ճակատագրով, զորավար,— ասաց նա:— Բաթումի դաշնագիրն է, որ նրանց ձեր գիրկն է վերադարձնելու:

— Իսկապե՞ս, ձեր զավակները,— Թոշյանին արձագանքեցին տարբեր շարքերից, և այն տպավորութիւնն ստացվեց, թե այդ ըոպեին բոլորը մի հոգս ունեն միայն՝ զորավարի երկու զավակներին տեսնել իրենց հոր սիրասուն գրկում...

Եվ զորավարը, որ եկել էր, որպեսզի ճակատի կովելու պատրաստակամութիւնը հաղորդի հայոց բախտի տերը դարձած այս դահլիճին, դառնացավ, դիվոտվեց այդ սուտ բարեպաշտութեան դեմ:

— Ես ցնցված եմ ձեր... ձեր այդ... հոգատարութիւնի՞ց,— ասաց խեղդվելով, ցավից ու սիրտը փոթոթող զայրույթից եռալով:— Խեղճ մարդիկ,— ասաց,— խղճո՛ւկ արարածներ: Դուք ազգը մատնում եք թուրքին ի կեր և ուզում եք հավատամ, թե մտածո՛ւմ եք իմ զավակների մասին:

Հետո նա արգահատանքով հայացքն անցկացրեց նստածների վրա, վերջին անգամ նույն հայացքով շանթահարեց գլուխն առջևի թղթերին խոնարհած Արամ Մանուկյանին և դուրս եկավ: Չէր հիշում՝ ո՛ւր էր թողել ձերմակին: Փորձեց հիշել և իզուր հիշողութիւնը շարշարելով քաղաքից դուրս եկավ:

Հունիսյան պայծառ գիշեր էր: Ճանապարհին հանդիպում էին մարդիկ, որոնք սայլերով ու զրաստներով բեռներ էին փոխադրում: Ճամփեզրերի արտերում հնձվորներ կային, որ լուսնյակի լույսով հունձ էին անում: Երևի վստահ չէին, թե պատերազմը հեռացել է, և հասած արտերն այլևս չեն տրորվի կովողների ոտքերի տակ:

Մինչև հրամանատարական կետը երկար ճանապարհ կար, և որքան էլ քայլերն արագացներ, առավոտյան հազիվ էր տեղ հասնելու: Մտածելու, ստեղծված վիճակը քննելու և անելիքը որոշելու ժամանակ շատ ուներ: Հաճախ դուրս էր գալիս բանուկ ճանապարհից և քայլում էր արտամիջյան կածաններով, խիտ ու ցանցառ թփերի միջով: Այդպիսի դեպքերում նրա համար կողմնացույց էր Արարատը, որ աստղալույսով ողողված՝ կանգ-

նել էր հորիզոնում և իր հպարտ հանգստութեամբ տրամադրում էր լրջութեան, խոհեմ քայլերի: Եվ նա աստիճանաբար մոռացավ, ավելի ճիշտ՝ անթափանցիկ մի քող քաշեց այն ամենի դեմ, որ թողել էր ետև, Երևանում, ազգային կոչվող, բայց ապազգային ու վատշվեր այն դահլիճում: Նա հիմա պահպանիչ նշանածողեր էր փնտրում ուրիշ տեղ, իր ապրած կյանքում, իր անցած ճամփաներին: Մակայն դիմացը վեհորեն կանգնած Արարատը թույլ չէր տալիս հայացքն ու միտքը հեռացնելու իրենից: Եվ նա հիշեց առաջին հանդիպումը, առաջին այն խոհն ու երազանքը, որ պարուրել էին իր մանկական հոգին: Թեմականում առաջին տարին էր սովորում: Օդը լիքն էր ազգային ցավերի ու տառապանքների մրմուռով, որի դեմ բարձրացել էր Րաֆֆու և Գամառ Փաթիպայի ազատատենչ ոգին.

«Արդյոք գալու է մի օր, ժամանակ՝  
Տեսնել Մասիսի գլխին մի դրոշակ,  
Որ ամեն կողմից պանդուխտ հայազգիք  
Դիմեն դեպ յուրյանց սիրուն հայրենիք»:

Կրակված արտասանում էր տեր Համազասպ վարժապետը: Աշակերտները կլանում էին նրա բառերը, երազում էին և գիտեին, համոզված էին, որ իրենք պիտի մոտեցնեին այդ օրը, այդ ժամանակը:

Տարինե՛ր են անցել, տասնամյակնե՛ր: Բայց ի՞նչ է փոխվել: Ո՛ր է այն դրոշակը, որ պիտի ծածանվեր Մասիս-Արարատի գագաթին և աշխարհի մոլոր ճամփաներով տուն հրավիրեր իր տարաբախտ ու պանդուխտ զավակներին:

Առավոտը բացվում էր արդեն: Հուրհրատում էին Արարատի գագաթները:

Նա հոգնած, մշուշոտ աչքերով նայեց առաջ, նայեց վեր, և Մեծ Արարատի գագաթը ճեղքված ու թեք հարթութեամբ հանկարծ նրան երևաց իբրև մի վիթխարի նահատակ, որի վրա ոտից-գլուխ լայնածիր ու ոսկեհուռ ծածկոց են փռել:

Տրորեց աչքերը, նորից ու զգաստ նայեց: «Աստված իմ, այս ի՛նչ եմ տեսնում: Մի՞թե Արարատն էլ...»: Եվ փղձկաց, ավերով ծածկեց անզսպելի արտասուքից այրվող երեսը:

Երբ ձեռքերը ետ տարավ, ուրիշ պատկեր էր արդեն. հզոր ու հպարտ, ազատ ու սիգապանծ կանգնել էր հայոց ծննդի, հազարամյա դժվար կենսագրության վկան, հայոց հարատևումի ապավենն ու խրախույսը:

— Օ՛, մեղա՛, լեռնացած մեր սրբություն,— բարձրաձայն, արդեն ոգեպինդ խոսեց զորավարը:— Դու կաս, և մենք պիտի, ապրենք քեզ հետ:



**Գրական-գեղարվեստական ճրատարակություն**

**ՔԱԳՐԱՏ ԱՐՇԱԿԻ ՈՒԼՈՒԲԱՐՅԱՆ**

**ՍԱՐԴԱՐԱՊԱՏ**

**Վեպ**

**Баграт Аршакович Улубабян**

**САРДАРАПАТ**

**Роман**

**Издательство «Советакан грох»**

**(На армянском языке)**

**Ереван, 1988**

*Խմբ. վարիչ՝ Հ. Թ. Կարենիյան*

*Խմբագիր՝ Մ. Ս. Թերզյան*

*Նկարիչ՝ Ջր. Գ. Աֆրիկյան*

*Գեղ. խմբագիր՝ Գ. Խ. Գյուլամիրյան*

*Տեխ. խմբագիր՝ Ս. Գ. Շահվերդյան*

*Վերստուգող սրբագրիչ՝ Ս. Վ. Ազատյան*



Գիրքը լուսապատճենվել և համացանցում է տեղադրվել [Գրքամոլ Նախաձեռնության](#) կողմից:

Բոլորիդ կողմից սիրված «[Գրքամոլ](#)»-ը մեկնարկել է մի նախաձեռնություն, որի նպատակն է համացանցում էլեկտրոնային տարբերակով տեղադրել բոլոր այն գրքերը, որոնք սիրված են հայ ընթերցասերների կողմից և ցանկանում են դրանք ընթերցել նաև էլեկտրոնային տարբերակով: Ժամանակի ընթացքում մեր կողմից համացանցում կհայտնվեն բոլոր այն գրքերը, որոնք մինչ այս ձեզ համար եղել են դժվար ձեռքբերելի:

Գրքամոլը, ունենալով իր ուրույն տեղը ընթերցասերների հարթակում, իր առջև նպատակ է դրել հասարակության մեջ բարձրացնել սերը դեպի ընթերցանությունը, առաջացնել հետաքրքրություն դեպի դասական և արդի գրականությունը, և կոտրել բոլոր այն կարծրատիպերը, թե այսօրվա հայ իրականության մեջ ընթերցողներ չկան:



Սիրելի՛ ընթերցողներ, մենք շատ ուրախ կլինենք, եթե կլինեն մարդիկ, ովքեր կցանկանան օգնել մեզ այս հանրօգուտ գործում: *Էլեկտրոնային գրքերի պատրաստման և մեր կայքում դրանք տեղադրելու հարցում մենք չունենք որևէ շահ և չենք չհետապնդում որևէ եկամուտ*, բացի հայ և արտասահմանյան գրականությունը հայ ընթերցասերներին հասանելի դարձնելուց, և մենք բաց ենք բոլոր նվիրյալ ու օգնել ցանկացող մարդկանց համար: Եթե դուք ունեք լուսապատճենահանման սարքեր, և ուզում եք միանալ մեր կողմից ձեռնարկվող գործին, ապա գրեք մեզ [grqamol@gmail.com](mailto:grqamol@gmail.com) հասցեով:

Շնորհակալություն, որ հետևում եք մեզ: Ցանկանում ենք բոլորիդ հաճելի ընթերցանություն:

Գրքամոլ Նախաձեռնություն  
URL: [www.grqamol.am](http://www.grqamol.am), e-mail: [grqamol@gmail.com](mailto:grqamol@gmail.com)